



BIBLIOTHECA
HININ JAGELL
CRACOVIA

5912

HISTORIA

II

Handwritten text on the spine of the book, including the word "Historia" and "Poloniam".

Hist 5.912.



VIII. B. 15.

Lansius Th.

56. CONSULTATIO de principatu inter provincias Europae
Friedr. Achillis habit, Tubingae. Editio II. ed. Thom.
Lansius. 4to. Tubingae 1620. vel. 10 fr.
*Ce volume contient le discours de Maxim. de Mosch
pour, et celui de Acacius Arelius de Goerholm contre
la Pologne.*

Dynastæ Heidenhæmii, &c.

Quod fore prædixeram,
Serenissime Princeps; ut
CONSULTATIO de prin-
cipatu inter provincias
Europæ , auspiciis Celsitudinis T.
fratris, Ducis FRIDERICI ACHIL-
LIS, &c. ante annos aliquammultos in
Illustri Collegio habita, tot & tam ad-
versa subiret judicia, censurasque pa-
teretur invicem valde pugnanteis: id
verò experientia docuit postea exem-
plis, & frequentissimis, & sanè luculen-
tis.



905137

II
Mag. H. 2.

tis. Erant enim non solum in hac nostra Germania, sed & extra eam, magni Principes, alique summates viri praeipuae dignationis & eruditionis edecumatae; qui scriptum illud invidendis exornabant elogiis: ob quem honorificum applausum mihi quoque tacite gratulabar; à tantis nempe humani ingenii decoribus probatum fuisse, quod à me tantulo venisset. Nam quaedam scintilla sapientiae est, virtutum luminibus applicari. E regione autem erant alii, qui album calculum averfati in alia omnia ibant. Et quidem Romae purpurati Patres, à Paulo V. Papa censendis & expurgandis libris auctorati, jam ante hos quatuor annos CONSULTATIONEM nostram cum aliis bonae monetæ libris è Reipubl. literariae confinio
omni-

omniq; hominum commercio, quantum in ipsis fuerat, poenali decreto proscribebant; offensi, credo, liberae subinde sed non immaturae sententiae in Romanas superstitiones objectu. Scilicet quemadmodum purpura, colorum pulcherrimus, irritare tauros solet: ita Papales illos censores sincerior & ab AntiChristi tyrannide vindicata Religionis professio aliquando sic rapit in transversum; ut pluris juges blanditias & lucrosas adulationes, quam animas suas, majoris Favonium Vaticani coeli, quam auram gratiae Christi faciant. Quanquam tam vehemens sacrae illius Cardinalitiae congregationis nunquam est improbitas, ut motu probi ac constantis viri digna esse debeat. Scimus enim & olim Marcellorum monumenta sublata fuisse

habebant admirandum: si tamen ullus honor pūblici testimonii mihi affectandus foret, excelsō tuo iudicio confidenter niti possem; vel fidicinis illius exemplo, qui indignatus confidentium turbam, sibi & Musis cantum ciebat; vel secundum Heraclitum, qui summam laudis arbitrabatur placere uni, si esset optimus, qui probaret. Atenim qui solvendis & agendis gratiis par esse nequeo, faciam jam nunc, quod solent improbi debitores, qui adhuc alieno ære depressi, cupiunt secundo nexu fœnoris obligari.

Quare, Serenissime Princeps, hanc iteratam, & toties è multis locis à me efflagitatam CONSULTATIONIS editionem, quæ priorem non contemnendo, uti spero, auctario superat, ad S^{rmæ} CELSITVD. T. aram humiliter depono,

pono, supplici prece obtestatus, ut librum semel ab te in tutelam sponte acceptum, etiam posthac potenti tuo patrocinio complecti ne dedigneris: quā summā gratiā cæteris tuis multò maximis & immortalibus sæpenumero mihi collatis beneficiis hic accedet cumulus & titulus ad numerum, qui solus quamlibet voti avaritiam exple-re possit. Deum veneror, Serenissime Princeps, ut CELSITVD. T. largiatur prosperos etiam supra vota successus: quō cœlesti fœcundi matrimonii benedictione dives, sanctā liberorum indole & præclarissimis ornamentis lætus, gloriā rerum gestarum inclytus, & omnibus omnino corporis, animi, & fortunæ bonis beatus, hanc incomparabilem posteritati laudem relinquere queas; ut quæ in prælustribus
majo-

majoribus valuerant aliis magnatibus
olim in exemplum, eadem in te con-
iuncta, imò & istis ampliora filii ac ne-
potes suspiciant, sectentur, & tan-
quam hæreditaria Principalis Domus
oracula commendent seculis futuris.
Scripsi Tubingæ, ipsâ Dominicâ LÆ-
TARE: An. Christiano, CIO ICIO XX.

Serenissimæ CELSITUD. T.

vel priscâ solduriorum lege de-
votus

Thomas Lansius.

P R Æ F A T I O A D L E C T O R E M.

Non Bit CONSULTATIO illa haud du-
biè multorum in manus: & vix à
quoquam, aut oppidò paucis, abibit
sine censura. Ut enim hodie mores
sunt; omnes sapiunt, omnes censent.
Et quidem sicuti nonnulli ad re-
rum dijudicationem prudentissimè
attemperant candorem & animi dexteritatem; quam
cum præclara & solida scientia eleganter miscent:
ita bene magna censorum pars affert iudicium, sed
quod jam antè sit præiudicii atq; adfectus mancipium;
aut, quod ignorantia proprium est, planè nullum.
Illos primos autem, quia ingenuè monent & docent,
nemo sanæ mentis vereatur, quin potius reveatur;
nemo calumniâ persequatur ingratus, sed omni lau-
de gratus prosequatur. Et cur aliter? Cum optimus
& gravissimus quisque confiteatur, se multa igno-
rare, & multa cottidie sibi etiam atque etiam
addiscenda esse: & inprimis Divus Imperator Fu-
stinianus, imbecillitatem humanam operibus homi-
num naturaliter inesse, *majorum oraculo egregiè*
confirmet isto: Omnium habere memoriam, & pe-
nitius in nullo peccare, Divinitatis magis, quam
mortalitatis esse. Atqui alteros, quia rei modici,
audaciæ immodici, inania tantum crepant, & fortè
syllabas & tertiata verba ineptè fringunt, nemo
corda-

l. 2. C. d. vet.
iure enucleand.

Præfatio

cordatus moretur. Ut corvus, aut graculus, id solum, quod didicit, crocitat aut garrit; si convitia docueris, convitiabitur, diebus ac noctibus perstrepsens maledictis; hoc illi carmen est, hanc putat cantionem; & ubi omnia, quæ doctus est, maledicta percensuit, denuò repetit eandem cantilenam: sic illi Choræbi critici suarum sunt prodigi nugatur. Quemadmodum tamen levissima maris ejectamenta ubique litorum ventis expelluntur, salo expuuntur, tempestate reciprocantur, tranquillo deferuntur: ita quoque illi sine iudicio iudices ubique sunt frustra; ubique, apud bonos certè, (de aliis ne manum vertirim) sperati applausus ferunt repulsam. Verum, quicumque es, mi Lector; ut de inclyti Principis mei, FRIDERICI ACHILLIS, Ducis Württembergiæ, &c. CONSULTATIONE iudices, quod æquius melius: hanc monitiunculam à me cape. CONSULTATIO illa non est Scutum aliquod Romanum, nec aliqua S. R. Imperii sanctio, quæ jubeat & definiat sine provocatione: sed est libera de moribus, ingeniis, & indole plerarumque Europæ provinciarum dissertatio; quæ nisi calculum utrumque, album & nigrum, ad rationes conferat, parùm iusta videri possit; ut propterea in nationum prærogativis verè æstimandis, & principatu inter ipsas rectè decernendo, singulorum non laudes modò, sed & vituperia necessario audiendum sit. Quare sicubi in unam aut alteram Orationem incideris, Lector, adfectus tuos frenis cohibe,

ad Lectorem.

hibe, nec statim omnia proba, aut etiam damna; sed iudicium tantisper suspende, usque dum CONSULTATIONEM legeris & intellexeris totam; adeoque Celsi excelsò ingenio Cti regulam memoriâ subinde repete, qui incivile esse dicebat, nisi totâ lege perspectâ, unâ ^{l. 24. ff de LL.} aliquâ particulâ ejus propositâ, judicare vel respondere. Quod si nihilominus tamen ex vario tot Orationum argumento præter omnem meam expectationem offensiuncula in animum irrepserit tuum; etiam tunc humanitati, quæso, aliquid tribue; & mihi bonâ fide asseveranti accrede, nulli omnino Principum, Baronum, Nobilium, quibus in CONSULTATIONE ista partes dicendi obtigerant, unquam venisse in mentem, ullam nationem aut populum detestari arietare, & contumeliosè laceßere: cum illis omnibus in quacunque sententiarum discordia hæc summa sit concordia, hæc sola æmulatio, & hoc unum certamen, qui sine eorum cognatas & consanguineas gentes quasvis diligat magis; atque dum supremis medullitis viribus contendunt universi, & singuli vincere conantur, vincitur nemo. Neque verò etiam, Lector, illam multiplicem opinionum diversitatem, & tot sensus veluti Proteos, in hoc illustri Principum juventutis florisq; Nobilitatis Germanorum conventu propositos, in popularium nostrorum ignominiam trabe, aut prorsus detestare. Ecce tibi parversuum; quorum alter bonorum, malorum alter exhibet catalogum:

Præfatio

LEX, REX, GREX, RES, SPES, IUS, THUS, SAL, SOL,
(bona) LUX, LAUS:

MARS, MORS, SORS, FRAUS, FEX, STYX, NOX,
CRUX, PUS, (mala) VIS, LIS:

Ecce, inquam, par versuum: qui singuli, si vox Bona, aut Mala, ad Dactyli constitutionem in regione quinta sedem figat perpetuam, toties cæterorum undecim vocabulorum transpositionibus sunt mutabiles; ut sensu, perspicuitate, & Heroici carminis integritate semper salvâ & eâdem permanente, collocatione autem & ordine verborum semper apparente alio, variari possint, vicibus unde quadragies millies mille, & nonagenties sedecies mille, atque insuper octingentis; quod characteribus arithmeticis barbaricis sic exprimitur, 39916800. Ingens profectò in unico versiculo variationum multiplicatio: & quæ, si in scripturam redigenda sit, expeditum scribam, licet rapido calami ductu singulis diebus vel mille ac ducentas variationes illinat chartis, totos annos nonaginta unumque, & dies quadraginta novem, strenuè & sine induciis sit exercitura. Et hæc omnia tam sunt certa, quam est indubium, ter tria esse novem. At verò si unicus versiculus in tot & tot myriadibus variationum sibi constare potest: quidni etiam in hac inenarrabili humani ingenii amplitudine, & infinita fere specierum comprehensarum copia, aliquis dissensuum Euripus, sine ullo tamen virtutis detrimento aut injuria aliqua, concedi ferrive possit? Ut igitur inter omnes homines
summa

ad Lectorem.

summa est formarum externiq; aspectus convenientia, quantumvis facie similimi quoque sint dissimiles: ita in hoc Illustris Collegii Consilio omnium ad veram gloriam par est studium, ad charitatem omnium æqualis est propensio; et si singuli inter se se aliquibus opinionum aut sententiarum dissidiis aliquantulum discriminantur. Desino Lector, & tibi nomina cunctorum, qui CONSULTATIONI vel præfuerunt, vel interfuerunt, edo: ut uno quasi intuitu cognoscas omnes.

FRIDERICUS ACHILLES, Dux VVürtembergiæ, retulit de nationum & provinciarum Europæ inter ipsas principatu atq; prærogativa. pag. 3.

FRANCISCUS CAROLUS, Dux Saxonæ, habuit orationem pro Germania. pag. 12.

IOACHIMUS ERNESTUS, Dux Slesvici-Holsatiæ, orationem habuit pro Gallia. pag. 131.

MAGNUS, Dux VVürtembergiæ, dixit pro Hispania. pag. 200.

RUDOLFUS MAXIMILIANUS, Dux Saxonæ, dixit contra Galliam. pag. 247.

Georgius Fridericus, Limpurgi Baro, dixit contra Hispaniam. pag. 347.

Georgius, Baro de Stubenberg, dixit pro Hispania. pag. 429.

Henricus Albertus, Limpurgi Baro, dixit pro Hungaria. pag. 438.

Paulus, Baro de Eubiswald, dixit pro Britannia. pag. 460.

Præfatio

VVolfgangus, Baro de Stubenberg, dixit pro Britannia. pag. 518.

Daniel Wensin/ dixit contra Britanniam. pag. 521.

Ernestus Schafelizki, dixit contra Hungariam. pag. 564.

Maximilianus de Mosch/ dixit pro Polonia. pag. 587.

Acacius Axelius de Gœxholm, dixit contra Poloniam. pag. 612.

Laurentius Wensin/ dixit pro Italia. pag. 639.

Georgius Rödeler/ dixit contra Italiam. pag. 709.

Joannes VVilhelmus de Retz/ dixit contra Germaniam. pag. 806.

Nicolaus Buwinckhausen de Walmerod/ superioribus orationibus quoddam admiscuit temperamentum, & sententiam dixit pro Germania. pag. 857.

Fridericus de Plieningen.

Henricus VVilhelmus de

Panowitz.

Joachimus de Zaxheim.

Joan. Christoph. de Belwart.

censuerunt pro Germania. pag. 900. (¶ seq.)

FRIDERICUS ACHILLES, Dux VVürtembergiæ, CONSULTATIONI finem imposuit. pag. 902.

Sed unum adhuc, Lector, es obiter admonendus mei causâ; ut ne sinistrè nimis opineris, quasi illâ penè innumerâ unius & alterius Vertumnalis (ut sic nominem) καὶ πολλῶν versiculi variatione, cujus supra

ad Lectorem

præ mentionem feci, tibi ludos facere voluerim. Non ita soleo. Et videsis atq; expende illam, quam proximè hîc tibi ob oculos pono, tabulam, & calculum: nisi prorsus es ἀνὰ εὐχὰς, rem primâ fronte vix credibilem illico credes, & in ista levi demonstratione non invitatus acquiesces. Salve verò ita, & vale, mi Lector.

Præfatio ad Lectorem.

Lex.	Lex. Rex.	Lex. Rex. Grex.	Lex. Rex. Grex. Res.	24
unitatis non est variatio.	Rex. Lex.	Lex. Grex. Rex.	Lex. Rex. Res. Grex.	5
1	duarum vocum transpositio.	Rex. Lex. Grex.	Lex. Grex. Res. Res.	120 quinque voces trans- ponuntur toties.
		Rex. Grex. Lex.	Lex. Grex. Res. Rex.	6
		Grex. Lex. Rex.	Lex. Res. Rex. Grex.	
		Grex. Rex. Lex.	Lex. Res. Grex. Rex.	
	1		Rex. Lex. Grex. Res.	720 sex voces transpo- nuntur toties.
	2	trium vocum transpositio.	Rex. Lex. Res. Grex.	
	2		Rex. Grex. Lex. Res.	7
			Rex. Grex. Res. Lex.	
		2	Rex. Res. Lex. Grex.	
		3	Rex. Res. Grex. Lex.	5040 septem voces trans- ponuntur toties.
		6	Grex. Lex. Rex. Res.	8
			Grex. Lex. Res. Rex.	
			Grex. Rex. Lex. Res.	40320 octo voces trans- ponuntur toties.
			Grex. Res. Lex. Rex.	9
			Grex. Res. Rex. Lex.	
			Res. Lex. Rex. Grex.	
			Res. Lex. Grex. Rex.	362880 novem voces trans- ponuntur toties.
			Res. Rex. Lex. Grex.	
			Res. Rex. Grex. Lex.	10
			Res. Grex. Lex. Rex.	
			Res. Grex. Rex. Lex.	3628800 decem voces trans- ponuntur toties.
		quatuor vocum transpositio.		11
				3628800
		6		3628800
		4		39916800 undecim voces transponuntur toties.
		24		

EPHORUS ILLUSTRIS COLLEGII, JOANNES JOACHIMUS à GRÜENTHALL,

OMNIBUS REIPUBL. LITERA-
RIÆ TVBINGENSIS ORDINIBVS SALVTEM DICIT, ET
officiorum promptitudinem offert.



ULTI SUNT HODIE TAM
averso à literis animo, ut in earum
perniciem Catilinariam conjuratio-
nem iniisse, & vespas Sicilienses mi-
nitari videantur: cum etiam literatu-
ræ possessionem, vel levem tantum,
cum Nobilitatis læsione conjunctam esse extemporali
garrulitate calumnientur; & literatos ipsos compositis
ad despectum dicteris procaciter insectentur. Nimirum
inter homines nihil tam est sanctum, quod illi virtutum
sandapilarii, & bonæ mentis tortores, sacrilego ore non
contaminent; nihil tam honestum, quod non furialiter
allatrent; nihil tam pulchrum, quod non improbè com-
maculent. Latè autem nimis in multis Christiani orbis
regionibus grassatur istud malum, & est veluti epidemica
missæ in publicum nequitiae pestis. Sicq; vacant virtutes,
& vitia occupatissima sunt: & cum olim apud Romanos
Decembri mense tantum fuerint, hodie toto anno, anno
autem? ferè dixerim toto seculo sunt Saturnalia. Quin
ut in servo fuga est species cujusdam libertatis; sic in mul-
tis meri tituli sunt species cujusdam virtutis. Verum uti

A Germania

Germania nostra ab illa barbarie est remotior: ita incluta hæc Tubinga imprimis sapientiæ fortiter adhæsit semper, deditque exempla in omni ætate & ordine, quæ instruere, erudire, & excitare posteritatem possint. Tantarumque laudum ingressuri vestigia illustrissimi Principes, generosi Barones, & cæteri ex Nobilium tribu, qui in illustri Collegio vivunt; cum exploratissimum haberent, non magis armis quam literis Rempub. ornari juvari que; & literas esse, quarum præsidio nemo non cum Vlyssæ specus Cyclopi secure introeat, sed egrediatur; solis boves videat, sed abstineat; ad inferos deinceps, sed ascendat; Scyllam præternaviget, nec abripiatur; Charybdi conspiciatur, nec retineatur; Circes poculum bibat, nec mutetur; ad Lotophagos adeat, nec remaneat; Sirenes audiat, nec accedat: illi, ut publice suum de bono publico præclare merendi studium testarentur, Consultationem repub. literariâ non indignam, ductu magni Principis, Domini FRIDERICI ACHILLIS, Ducis Württembergiæ, &c. aliquot diebus habere instituerunt: & quam cras, horâ septimâ antemeridianâ, loco solito, cum bono Deo auspicabuntur. Ad eam audiendam quicumque ex literatis literarumve amantibus, quâcunque sint dignatione aut conditione, venerint: venient illi grati acceptique, & facient illustrissimis Principibus & toti illustri Collegio rem gratissimam; operam daturis, ut vicissim datâ occasione benevolentiam & officia sua cumulatè demonstrent. Per scriptum & sigillo illustris Collegij insignitum: xxv. Martii: Anno Christiano 1680. 100. XIII.

ORATIO


ORATIO ET RELATIO
FRIDERICI
ACHILLIS,

DUCIS WÜRTENBERGIÆ ET

TECCIÆ; COMITIS MOMPELGARDIÆ;

Dynastæ Heidenheimi, &c.

de nationum & provinciarum Europæ inter ipsas principatu atque prærogativa.



CHINENSES, POTENTISSIMUS extrema Asiae populus, eo feruntur esse ingenio, ut reliquos mortales omnes, tanquam rudes, inertes, barbaros, alto arrogantiq; supercilio despiciant; se verò, suaq; omnia magnifice prædicent, & exquisitis laudibus gloriose prosequantur. Cui rei fidem facit invidiosum nimis & percelebre inter eos dictum illud: Chineses duos habere oculos; Europæos unum; & quod hominū est reliquum, cecutire. Ego verò, ut maxime mores atq; statuta Chinesum pleraq; sint præclara, nec omnes virtutum & elegantiarum thesauri in hoc Occidentis gurgustio lateant; illud tamen, quo se illi à communi aliorum populorum commercio sponte distrahunt, ne ulli civium imperii limites impune excedere permittunt, cum ab omni humanitate alienum, tum sanctissimis mutua benevolentia & charitatis decretis, quæ totum genus huma-

Rectius dicuntur Sineses; & Sine, illorum regio. Lusitani primi omnium, quod sibi lum exprimere non possent, Chinas vocarunt: & hinc vitiosa appellatio Chinarum, à τὴν τῶ Sinarum aut Tzinarum, in omnem Europam propagata est. J. S. Scaliger Isagog. Chronologia Canonum lib. 3. p. 319.

A 2

num

4 Relatio de principatu

num arctissimis nexibus aequè devinciunt, contrarium esse assero: adeò, ut, quantumvis aliàs oculatissimi & Argo, qui totus fuit oculus, circumspēctiores habeantur, hic talpā caciores meritò debeant aestimari. Idem quoq; delirium olim incesit Lycurgum & Platonem: uti Moschovitas etiam hodie fere possidet idem. At per Deum immortalem quæ dementia, an dicam insania, est; creaturam leges creatoris arbitrari; opus factoris sui prudentiam censere velle? Nunquam pictor fuit, qui Apellis statua, nunquam poeta, qui Maronis Aeneidi (quid verò hæc sunt aliud, nisi vanitatis somnia?) uli in manum imponere ausus sit: sed ecce temerarium hominorum de tribu levi manipulum, cui cæli Capitolium invadere, & æternæ sapientiæ Senatus consultum adulterare ludus est. Quid est *ἰσοπαχὲν*, si hoc non est? Deus per Cancellarium suum Moysen edixit, peregrinos non minùs atque cives benigne habendos esse: DEUS Christi ore sanxit, proximum esse diligendum: DEUS per naturam rationis humanæ integritati impressit, hominis interesse, beneficio affici hominem: nihilominus Chineses, & qui sunt erroris socii, ineptiunt contrā; peregrinos nec in Reipub. ditiones admittendos, nec civibus, ut peregrinentur, ullatenus indulgendum esse. Utrius credendum, religio & pietas majestati divinæ debita prohibent, ne quæram. Nam, si de Imperatoris judicio disputare sacrilegii instar est: quo crimine, quo flagitio, quo scelere se obstringet ille, qui oracula cælestia in dubium vocat? Qui

divinæ

Vide & Joan. Bacquetium, du croisé d'Audaine, part. 1. & 2. & Laz. Soranzum in Otomanno, in Epist. ad Lectorem.

Exodi cap. 23. Numeri cap. 15.

Johan. c. 15. Luc. cap. 10. ad Roman. cap. 12.

l. servus eā lege. 7. ff. de serv. export.

l. disputare. 3. C. de crim. Sacrilegii.

inter provincias Europæ. 5

divinæ legis sanctitatem aut nesciendo omittunt, aut negligendo violant & offendunt; sacrilegium committunt: Imppp. Gratianus, Valentin. & Theod. AAA. Eutropio præfecto prætorio rescripserunt. Sacrilegi itaq; Chineses: sacrilegi Moschovitæ, & asseclæ: qui, nisi humanitatis jura interverterent, nisi charitatis igniculos hebescere, aut omninò extingui paterentur; societatem humanam pro virili conservare, vicinos & disitos pupulos, tanquam consanguineos & fratres amare, juvare, cum illis bona communicare: quin etiam si omnibus fortunæ atque terrenæ felicitatis opibus beati, & propterea alieni nullius vel consilii vel auxilii indigi, supra communem hominum sortem essent erecti; vi tamen naturalis obligationis incomparabile gratiæ divinæ flumen in se largiter effusum per hospitalitatis canales & tubulos officiorum in alias gentes quaqua-
ver sum omni studio & promptitudine derivare deberent. Meâ sententiâ, universus terrarum orbis communis omnium hominum patria, communis urbs, ac domicilium commune est: & ex mea mente Socrates interroganti, cuiatem se ferret? mundanum respondit. Quæ enim sit indignitas, animum, quem vix cælum capit, in sesquipedali terræ frustillo captivum teneri? Quæ sit iniquitas, passer culum liberrimo per infinitos spatiorum tractus frui aëre; & hominem cæterorum animalium dominatorem cæveæ unius agelli aut urbeculæ includi? Quemadmodum autem alta & ætheria ingenia gaudent motu: ita diffusæ magnæq; illius patriæ

l. 1. C. de crim. Sacrileg.

Cicero lib. 5. Tuscul. Quæst.

A 3 triæ

6 Relatio de principatu

triae partes nobiliores pedibus & oculis usurpasse, atque cum iudicio penitus cognovisse, incredibile est, quantum utilitatis publice privatimque, cum maximo saepe numero gloriae & existimationis faenore secum trahat: ut mirum haut sit, optimum quemque patriae suae amantem, induciis ad tempus cum laribus paternis & jucunda amicorum consuetudine factis, admiranda variarum nationum scrutari, mores asperiusculos limam peregrinationis emollire, domesticam rusticitatem extero civilitatis cultusque sale macerare: eniti denique, ut ea, quae alibi audiverit, viderit, animadvertenterit laudabilia, in succum & sanguinem convertere, datamque postea occasione Reipublicae suae negotiis cum fructu & gratia attemperare queat. Hinc Galli non male: un honneste homme, est un homme meslé. Equidem si penitiores cogitationum recessus mihi sint explicandi, tantum abest, ut testudinum more domunculis infixarum domi semper haerere cupiam, ut flagrantissimo potius proficiscendi desiderio, ad quasvis coeli injurias viaeque labores ac molestias invicto, accensus, statim comitatum instruere, sarcinas componere, ocreas induere & calcaribus armare, sumere penulam, equo insilire sum paratissimus; praecipue ab insignibus cum aliorum Principum, tum familiae meae exemplis ad emulationem stimulatus; nempe serenissimi & magnanimi patris mei, divi Friderici, fratrum charissimorum Johannis Friderici, Ludovici Friderici, & Julii Friderici, honoratissimorum adgnatorum beatae memoriae,

inter provincias Europae. 7

moriae, Eberhardi, cognomento Barbati, nec non Christophori, augusti nominis Würtembergiae Ducum: de quibus singulis, quod Poëtarum Princeps de Ulysse, verissime & sine jactantia effari possim:

πολλῶν ἀνθρώπων ἰδεῖν ἄστεα, καὶ νόον ἔγνων.

Homerus
Odyss. A.

Verum dum corpore nondum peregrinor, animi causam interea peregrinor animo, & cogitationum alis florentissima Europae regna frequentius emetior. Quamquam vix unquam hoc facio, quin bilem mihi moveant bene multi ex peregrinatoribus nostratibus; qui

vix e conspectu patriae telluris in oras digressi peregrinas, si Galliam limis oculis aliquando adspexerunt, Gallica omnia; si Italiam intuiti sunt, Italica omnia; si alterum pedem in Hispaniam intulerunt, Hispanica omnia; si in Anglia pernoctarunt, Anglica omnia; & undecumque tandem peregre redierunt, peregrina omnia, mores, gestus, ceremonias, vestitum, linguam, histrionicam temeritate ac stultitiam probant, jactitant, extollunt; Germanicis & paternis omnibus neglectis, fastiditis, rejectis. Cuiusmodi histrionem, eumque Anglum, graphice depinxit Thomas Morus: cuius Epigramma dignum censeo, quod illustriissimo huic auditorio recitetur.

Amicus (ait Morus) & sodalis est Lalus mihi,
Britanniaeque natus altusque insula:
at cum Britannos Galliae cultoribus
Oceanus ingens, lingua, mores, dirimant;
spernit tamen Lalus Britannica omnia;

miratur

miratur expetitque cuncta Gallica:
 togâ superbit ambulans in Gallica,
 amatque multum Gallicas lacernulas;
 Zonâ, locello, atque ense gaudet Gallico,
 & calceis, & subligare Gallico,
 totoque denique apparatu Gallico.
 Nam & unum habet ministrum, eumque Gallicum:
 sed quem, licet velit, nec ipsa Gallia
 tractare quiret plus (opinor) Gallicè:
 stipendij nihil dat, atque id Gallicè:
 vestitque tritis pannulis, & Gallicè hoc:
 alit cibo parvo & malo, idque Gallicè:
 labore multo exercet, atque hoc Gallicè:
 pugnisque crebro pulsât, idque Gallicè:
 in coetu, & in via, & foro, & frequentia,
 rixatur objurgatque semper Gallicè.
 Quid? Gallicè illud? imò semi-Gallicè.
 Sermonem enim, nî fallor, ille Gallicum
 tam callet omnem, quam Latinum psittacus.
 Crescit tamen, sibi que nimirum placet;
 verbis tribus si quid loquatur Gallicis:
 aut Gallicis si quid nequit vocabulis,
 conatur id verbis licet non Gallicis
 sonoque saltem personare Gallico,
 palato hiant, acutulo quodam sono,
 & foeminae instar garrientis molliter,
 sed ore pleno, tanquam id impleant fabæ;
 balbutiens videlicet suaviter

pressis

Bey solchen ge-
 wanderten
 Narren muß
 alles Frangd
 Fisch sein und
 heißen.

pressis quibusdam literis, Galli quibus
 ineptientes abstinent, nihil secus
 quam vulpe gallus rupibusque navita.
 Sic ergo linguam ille & Latinam Gallicè,
 & Gallicè linguam sonat Britannicam,
 & Gallicè linguam refert Hispanicam,
 & Gallicè linguam refert Lombardicam;
 & Gallicè linguam sonat Germanicam;
 & Gallicè omnem, præter unam Gallicam.
 Nam Gallicam solam sonat Britannicè.
 At quisquis insulâ satus Britannicâ,
 sic patriam insolens fastidiet suam;
 ut more simiæ labore fingere
 & æmulari Gallicas ineptias:
 ex amne Gallo ego hunc opinor ebrium.
 Ergo ex Britanno ut Gallus esse nititur:
 Sic Dii jubete, fiat ex Gallo capus.

*Tales Lalos, tales Gallos, Cybeles sacerdotio dignis-
 simos (& isti sacerdotes quoque Galli, sed semimares
 atque capi erant) in media Germania videmus oppidò
 multos: qui sicuti in Hispania equas à vento Favonio
 concipere ajunt, sed foetu evanido: ita & illi Austro
 blandientium opinionum gravidi, domi serium nihil
 pariunt, sed ut tumidi tantum utres ventos fabularum
 & mendaciorum evaporant. Imò uti in vico Lute-
 tiæ vicino Eccho est, quæ vocem semel acceptam tre-
 decies & sæpius reddit: sic illi peregrinatores multi-
 plicant visa vel audita; & non modò Indicas formicas*

B vulpium

Natalis Comes
 Mytholog. lib.
 9. cap. 5.

Plin. Hist. na-
 tur. lib. 4. c. 22.

Le Pont Cha-
 renton.

10 Relatio de principatu

Plin. Hist. nat.
lib. 11. c. 31. lib. 7
c. 2. Strabo
Geogr. rer. lib.
2. & 15. Gabr.
Köthenhagen
in den glaubs-
würdigen Lu-
gen.

Adiculas ex Ge-
tuffu & putre-
factis narium
earum procrea-
tas testari pos-
sunt, qui nares
quæ Fr. Drake
orbem circum-
navigavit, in
Tamisii ripam
subduclam vi-
derunt; cuius
earum exterius
eiusmodi ad-
icula magno nu-
mero inanimas
& implumes
adhaerunt.

Quarum tamen
semina non fu-
isse è truncis
sed ab Oceano,
quem verum
parentem dix-
it Poeta, opinari
libet. G. Cam-
den. in Scotia
Buchania. p.
713.

Plin. Histor.
natur. lib. 3,
cap. 1.

vulpium aut luporum magnitudine; arbores tantæ
proceritatis, ut sagittis superari nequeant, tantæ ca-
pacitatis, ut sub una ficu turmæ condantur equitum;
Spythamæorum Pygmæorum arietum caprarumq; dor-
sis insidentium trimestres in grues expeditiones; ge-
nerationes Basiliscorum; Ægypti Pelicanos; Phoe-
nices Arabiæ; Gryphos Scythiæ Asiaticæ; Madaga-
scaris Rukos; Scotiæ anseres è ligno putrefacto ena-
tos, quos Angli Bernacles, Scoti Clakes & Soland-
Geefe vocant; sed & alia ex Plinio, Luciano, S.
Brandano, & aliunde denarrant, quæ neque vide-
runt unquam, neq; etiam videbunt unquam, & tamen
tanquam à se visa, additis interdum dejerationibus,
in circulis stultè eblaterant:

de nihilo magna: & de parvo maxima fingunt.
Aliter prudentes & cordati Germani peregrinan-
tur: aliter de patria Germania sentiunt: nec tis tan-
ti est exoticum vitrum, quanti domesticum aurum.

At enim, jucundissimi mei cognati Principes, Ma-
gne frater, vosq; qui ex Baronum & Nobilium ordi-
ne huic splendido confessui interestis, colloquia vestra,
quibus vel mensas, vel deambulationes cottidie
condire soletis, præsertim, quæ de Europa terrarum
longè pulcherrima, & victoris omnium gentium
populi altrice, deq; singularum Europæ provincia-
rum inter se comparatione & prerogativa habuistis
creberrima & suavisima, sæpè mihi salivam move-
runt, ea auditione repetitâ penitus imbibendi. Quod
dum

inter provincias Europæ. II

dum facilius à vobis impetro, quàm ipse petere ausus
sum; dumque huic negotio conficiundo aliquot die-
rum usuram mihi transcribitis propriam; næ facitis,
Principes, & vos Nobilitatis ocelli, ut & ego in
omnes occasiones gratitudinis declarandæ intentus
studium meum tantò vobis sim probaturus luculen-
tius.

Et sine prolixiori digressiuncula: præbeo vacuas
aures: vos adfectibus vacui liberè & ingenuè senten-
tias dicite; & quod felix faustumque sit, Ex nationi-
bus & provinciis Europæis, quæ hodie præ reliquis
dignitatis palmam & laudum principatum merca-
tur, edisserite.

Tu illustrissime cognate, FRANCISCE CAROLE
Dux Saxoniae, nisi grave est, fac
initium.

B 2 ORATIO

O R A T I O
FRANCISCI
CAROLI
 DUCIS SAXONIAE, ANGARIAE,
 & Westphaliae;
 P R O
 G E R M A N I A.

NON solum hoc, FRIDERICE ACHILLES
 Dux, charissimè mi cognate; sed & omne
 militabitur bellum. Cur enim fructuosos
 hosce adversarer conventus? Cur Reipub.
 tyrocinia negligere? Sicuti miles per lusoria certa-
 mina se praeprarat pugnae: ita nos prudentiae civili, &
 rerum agendarum arenae per frequentiam αἰγυμνα-
 σμάτων assue fieri oportet. Luctantes, binos simul ac ter-
 nos fatigant, ut facilius singulis resistent: cursores, quod
 intra exiguum spatium de velocitate eorum iudicetur,
 id saepe in exercitatione decurrunt, quod semel decur-
 suri sunt in certamine. Multiplicatur ex industria
 labor, quo condiscimus; ut levetur, quo decernimus.

Verum, priusquam Relationis tuae aurà fortius
 impleantur vela orationis meae, & subvehar in altum
 longius, in peregrinationes aliquid habeo dicere: quas
 ut tu studiosè laudavisti, & Reipub. utilissimas esse
 voluisti; ita ego, uti hodierni mores & peregrinandi
 consue-

Seneca contro-
 versiar. lib. 9. in
 princip.

consuetudo ferunt, eas Chinenesium exemplo, gravissi-
 mo edicto, si mei arbitrii res sit, prorsus inhiberem,
 aut saltem accuratissimas peregrinandi leges prae scri-
 berem. Nam cum juventuti id unice sit addiscendum,
 quod ad Reipub. utilitatem pertineat, & virilem
 aetatem ornet: absolum & ab omni prudentia alienum
 fuerit, id quaerere extrapatriam, & petere ab extra-
 neis, qui toto vitae genere, & penè tota imperandi &
 parendi ratione dissident à nobis. Ut, qui è sartoria
 vestem poscit Hungarus, formulam usitatam, non
 Hispanicam, non Americanam, aut aliam moribus im-
 probatam poscit: sic in Republ. omne est improbum,
 quicquid usus & ratio non comprobavit. Nostri ve-
 rò Germani quàm inopes & egeni virtutum peregrè
 redeant, experientia satis superq. testatur. Quantus
 eorum est numerus, de quibus spes concepta erat, fore,
 ut aliquando Agamemnonis personam sustinerent:
 qui tamen ex Italia, aut alio voluptatum stabulo re-
 duces, ubi perditio aetatis vere intra paucos menses aut
 annos sibi tristissimam vitae hyemem accelerarunt, do-
 mi vix Thersiten agere potuerunt? Quis satis Ger-
 manus, quis satis vir domum revertitur? Scapulas
 contrahendo attollere, in amico salutando pronis cer-
 vicibus & vestigiis verrentibus terram dexterae ti-
 biae illius integumentum infra genu timidissimâ ma-
 nu libare, capillum in varios gyros frangere, ad mu-
 liebres blanditias vocem extenuare, mollicie corpo-
 ris cum foeminis decertare, & immundissimis se ex-

Livius lib. 2.
Decal. I.

Vide Er. Pu-
teani Comum.

Ulricus Dux
V Vürtember-
gicus dixisse
fertur: Nos
vestitus intro-
ducit nos mo-
res: nos mo-
res introducunt
nos homines:
nos homines
expellunt vete-
res.

colere munditiis; ad numerum ire, salire, garrire: hæc nostrorum peregrinatorum specimina sunt. Nec miror valde, quod non sint alia. Quemadmodum enim Q. Mutius Scævola scribam pro Rege Porsena habuit & appetiit, quod ille pari fere ornatu sedens multa ageret, cumque milites vulgò adirent: ita foris non satis cauti juvenes vitia virtutum, ut meretrices honestarum matronarum, mentientia habitum præproperè amplectuntur. Et uti Paris Homericus, è prælio profugus, cum Helena se oblectat; ita illi, relictis seriis, voluptuaria sectantur. Et denique quod medici de cucurbitis, quas affigunt corpori, tradunt; non nisi prævum eas vitiosumque sanguinem educere: ita illi attrahunt ad se non nisi mala. Atque o si attraherent tantum, nec etiam in alios dispergerent virus, & contactu nocerent! Nam unde est alicubi in Germania luxus vestiarii varietas? unde est, quod in contumeliam naturæ adscitæ & adoptatæ undique pompâ penè in simulacra migratur; quod vestium partim tomento, partim tormento, omnis membrorum gratia corrumpitur; nemine ditiorum satis ornatum se putante, nisi admirantis plebecula trahat oculos, & cultum ab humiliori extorqueat? unde diversiformes pilei pretiosi, thoraces ventricosi, aut omnino eviscerati, caligæ follicantes, tibialia in rugas composita, pallia cucullis & manicis superbientia, collaria pavonum caudas æmulantia? unde stolæ fœminarum aliquando pretiosissime subtiles & perlucidulæ, quibus

quibus vix sexum tegunt; aliquando verò prodigè fluentes, sinuumque multiplici nexu industriè crispatæ, & circa femora farciminibus monstrosis vel circulis ferreis ad brachia reclinanda aut vitium utericielandum suffultæ? unde capitis cirri, tutulus & adoptivæ comæ suggestus, colli vallum, lineicandoris radii? unde unionum auriq; non jam ornamenta, sed onera; unde aurium vulnera & elenchi? unde calcei turriti, & reliqua stultitiæ schemata, unde sunt? Docuit illa omnia peregrinatio. Unde alicubi conviviorum apparatus, certissima patrimoniorum exitia? unde dapes, unde condimenta, palati irritamenta, in novorum Apiciorum culinis & mensis, fugatâ antiquâ frugalitate? Docuit peregrinatio. Unde alicubi libidinum gymnasia, modi Veneri litandi detestabiles, Messalinarum redivivarum greges cellis tantum non pretium superscribentium? unde quædam, si Displacet, virgines sic maturè languentes, pallentes, prurientes: dum etiam cerussam, purpurissum, melinum, & si quid huiusmodi offuciarum spernunt; & luridum ac morticinum colorem insano facinore adfectant; aliis pertinaci jejunio vigorem emacerantibus, aliis venam secantibus, aliis frugum semina, cuminum, carbones, calcem, cineres, terram vorantibus, acetum haurientibus, ipsamque valetudinem pallori impendentibus; ex voto pulchris, quando vultu cadavera sunt, & sanguinis in facie non hæret gutta? Docuit peregrinatio. Unde alicubi violentia morborum

Vide in hanc
sententiam La-
novium dis-
cursu 3. & A-
lex. Pontame-
rium in libello
de la Noblesse
Françoise.

Bartholomæus
Maranta Me-
thodi cognosc.
simplicium lib.
3. c. 11.

borum nuper exortorum inexpugnabilis, Gallica lues,
Anglicus sudor, Hungarica labes, Africana lepra?
Docuit peregrinatio. Quid commemorem alia discri-
mina? Quot Germani animi gratiâ in Italiam profe-
cti sunt, qui ibi animum & animam perdididerunt? quot
opum augendarum causâ in Hispaniam abierunt, qui
Iro pauperiores domum redierunt? quot pietatem in
Gallias intulerunt, qui impietatem inde retulerunt?
quot morum constantiam & sanctitatem foras aspor-
tarunt, qui inde levitatis & inconstantiae flagitia re-
portarunt? Quid dicam de aliis, qui intra lares pa-
ternos expectatione primi, & quibus meliores fingine
voto quidem poterant, foris apostatae, hostes patriæ,
Nerones & Sardanapali evaserunt? Nemo istius-
modi errorum tempus malè locatum ad calculum fa-
cile revocat. Nemo in istis sordium amoribus cogi-
tat de remedio. Quanquam dubito, an remedium mor-
bi gravitas admittat? Asserunt quidem Medici, ho-
minem ab epoto veneno servari, si statim in exentera-
tum mulum se abdiderit, & tam diu ibi maneat in-
volutus, donec calor nativus bestiae penitus evanes-
cat; tuncq; in alium mulum eodem pacto ingrediatur,
rursusq; in alium atq; alium; ac quò plures induerit
mulos, eò certius vitæ periculum superaturum; fu-
isseq; Principes, qui triginta vel etiam quadraginta
mulorum impendio præsentissimum mortis discri-
men depulerint: sed si ex huiusmodi peregrinatori-
bus venena, quæ foris in vitiorum patria suxerunt,
essent

essent educenda; omnis mulorum, omnisq; asinorum
in illorum gratiam mactandorum natio non suffecerit.
Imperiales sanctiones vitæ & bonis multant, qui im-
probam monetam à commerciis exclusam in Germa-
niam invexerint: quare sicam non etiam stringimus
in illos, qui graviore peccato peregrinas vitiorum
merces in patriam important, & non ut monetarii nu-
mos aliquos, sed popularium integritatem radunt,
singunt, conflant, permutant, corrumpunt? O igitur
hac quidem in re parum sapientes Germanos illos! O
nimis improvidos patres illos! qui nullo cum fructu,
fructu autem? imò damno inæstimabili, filios suos,
carnem & sanguinem suum, in Italiam, in Galliam,
in Hispaniam; vel ut propriè magis & Latiniùs lo-
quar, in Veneris & Floræ ergasterium, in nequitiae
& flagitiorum amphitheatrum, in metallum deniq;
omnium scelerum, non mittunt, sed relegant, sed de-
portant, sed damnant. Credite, mei Collegæ; piissimo-
rum majorum nostrorum cineres, nisi illa peregrinan-
di licentia & hæresis reprimatur, aut modus ad pru-
dentia & boni publici regulam statuatur, ultores ali-
enigenas & barbaras tortorum legiones in capita no-
stra excitabunt: quin & posteritas nostra, si qua fu-
tura est, hanc nostram incogitantiam seriis, at seris,
lachrymis prosequetur, mores & puritatem Germa-
norum priscam undique quæsitura, inventura nus-
quam. Etenim oberrandi & divagandi æstus ma-
gis magisque succrescit; & nostrates, communi erro-

Petr. Denai-
sius in noviss.
juris Com-
pend. cap. 192.

Chi vuol andar
sàlo per lo mon-
do, bisogna a-
ver occhio di
falcone, orecchio
d'asino, & se di
scimia, bocca di
porcello, spalle
di camello, e
gambe di ceruo.

re imprudentibus jus dictante, gregatim peregrino solo impluunt, non aliter quàm coturnices ortygometrà duce, aut cynchramâ, vel lingulacâ, evolant gregatim & advolant, fluvios ac maria tentant, sed volatu defatigatæ demerguntur; ex quo fit, ut earum piscatio utilior sit quàm piscium Octobri mense, ac præsertim in litoribus maris Siculi & Tyrrheni. Sunt tamen quidam, qui peregrinationes sibi suscipiendas esse putant, ut saltem terræ admiranda & regionum amplitudinem foris videant, quæ domi non vident: quos pulchrè refutavit pridem Rodolphus Camertium Princeps: qui cuidam amore per orbem terrarum peregrinandi capto injungens, ut Maceratam usque proficisceretur, tum eidem domum reverso dicebat: jam vidisti orbem terrarum universum, quinihil est aliud, quàm colles, montes, valles, planities, silvæ, & hujus generis alia. Omnino sicuti pueri pilam percutiunt & reperiunt sterili voluptate: pari modo peregrinatores illi plagas terrarum aliquam multas inaniter errant & pererrant, regna inutiliter emetiuntur atque remetiuntur. Quid enim conducit, Cairum, Pyramides & Mumias in Ægypto; Romam & Capitoliâ, atque ædem Lauretanam, portumquæ Anconitanum, Puteolos, Pratelinum, San-Marcantum thesaurum Venetum in Italia; flammivomum Ætnam in Sicilia; Fontisbellaquei, San-Germani, & Luparæ palatia, San-Dionysiaca Mausolea, cervam cornigeram Blesensem, in Gallia; in Hispania San-

Bodinus in
theat. naturæ:
lib. 3.

Theodorus
Zvvingerus
in Method. A-
podem. lib. 2.
Melch. Junius
in Orat. de lau-
dib. German.
Adde & Frid.
Furium Cerio-
lanum in libel-
lo de Conciliis
& Consiliariis:
qui hanc histo-
riam tradit
paulo aliter.

Laurentianum Escurialis monasterium, San-Facolum Compostellanum, Hispalensem Indicorum negotiorum domum; quid alia perlustravisse juvat? quid

evasisse tot urbes

Argolicas, mediosque fugam tenuisse per hostes?

Et quantum spatii ita est decursum? Quantum distat Cairus Compostellâ? Sanè ubi capacissimam terræ totius intercapedinem rumino, parasangas mihi videor aliquot; ubi tabulam Geographicam, palmum; ubi verò cælum intueor, nihil quicquam promovisse. Eudoxus vovit, & DEOS rogavit, ut sibi facultatem darent Solem proximè cernendi, ejus formam, magnitudinem, & pulchritudinem contemplandi; isto spectaculi pretio, ut ille illicò cremaretur: ita hic ferè sit; & nostri peregrinatores evadunt Eudoxi, qui cum vitæ jactura venantur cassam scientiam, cujus possessio punctum temporis sit mansura. O perversitatem ingenii & naturæ nostræ! Ea quæ assunt, curamus minimè; quæ absunt, maximè: & nullibi minùs esse volumus, quàm ubi esse debemus; nullibi minùs sumus, quàm ubi sumus. Appetitus noster

Michael de
Montaigne
liv. 2. des Essais
chap. 12.

Aeneas Silvius
Epist. 19. ad Ri-
chardum de
Valencia.

transvolat in medio posita, & fugientia captat.

Sic Lauretani libentiùs vota solvunt Jacobo Compostellano; & Compostellani malunt Mariæ Lauretanæ reddere: Thusci Spadanas aquas Leodiensium; Leodienses Thuscorum Lucenseis æstimant: magnus

Michaelis Nicon-
taig. lib. 2. c. 1.

Cato foeminam adhuc uxorem suam negligebat: alii vero nuptam postea impensè diligebat.

Epist. 104.

Omnia in fasciculum colligit sapientissimus Seneca; quando ita ad Lucilium: Quid per se prodesse peregrinatio cuiquam potuit? Non voluptates illa temperavit, non cupiditates refrenavit, non iras repressit, non indomitos amoris impetus fregit, nulla denique animo mala eduxit, non iudicium dedit, non excussit errorem: sed ut puerum ignota mirantem, ad breve tempus rerum aliquā novitate detinuit. Cæterum inconstantiam mentis, quæ, cum maximè ægra est, laceffit, & mobiliorem leviorēque reddit ipsa jactatio. Itaque quæ petierant cupidissimè loca, cupidius deferunt, & avium modo transvolant, citiusque quàm venerant abeunt. Peregrinatio notitiam dabit gentium, novas tibi montium formas ostendet, invisitata spatia camporum, & irriguas perennibus aquis valles, & alicujus fluminis sub observatione naturam: five, ut Nilus æstivo incremento tumet; five, ut Tigris eripitur ex oculis, & acto per occulta cursu integræ magnitudini redditur; five, ut Mæander, Poëtarum omnium exercitatio & ludus, implicatur crebris anfractibus, & sæpe in vicinum alveo suo admotus, antequam sibi influat flectitur: cæterum neque meliorem faciet, neque faniorem.

Nunc ad scopum tuæ, amplissime Præses, Relationi proprium, & quem huic illa sibi Confessui proposuisti,

suis, linguam vocemque compono; & statim in principio mentem meam nudè, ut Germanum decet, explico tribus verbis; Germania Europæ Princeps. Quod candidè dico, & ne unquam mihi aliquid ex sententia, nisi hoc ex animi sententia dico. Ad cujus meæ sententiæ probationem, nullam Oratoriam, nulla pigmenta, nullas ingeniorum fatiganteis persuasunculas desidero; nec etiam aurea veterum Oratorum flumina vacuis votis evoco, quorum vis Ἰν τὸ πλεῖστον in causis dubiis & desperatis præpollebat: sed hoc magis mihi attendendum, & evigilatis consiliis elaborandum est, ut ex immensa rerum pulcherrimarum & nobilissimarum copia, quam difficulter orationis modus capere queat, verissimarum & debitarum laudum vel summa tantum capita compendiosè & breviter decerpam. Et quemadmodum Geographi in Orbis descriptione Nilum, Gangem, Rhenum, Rhodanum, Eridanum, Tagum, Tamisum, & fluvios alios prægrandes (minutulorum enim non habetur ratio) tenuissimis lineolis; Romam, Constantinopolim, Olisiponam, Londinum, Lutetiam, Coloniam, Gandavum, Viennam, & alias urbes potentissimas, exiguis punctulis designant: ita ego de maximis minima dicturus, cætera transultaturus, officio strictim defungar. Quicquid tamen dixerò, minus erit.

Quid autem? Quid tenebris lucem aspergo? Quid hirsutam hyemem veris floribus frustra investio? Quis, ait Tacitus, præter periculum horridi & ignoti ma-

C. Cornel.
Tacit. de
morib. Ger-
man.

is, Asia, aut Africa, aut Italia relicta, Germaniam peteret, informem terris, asperam coelo, tristem cultu adpectuque, in universum aut silvis horridam, aut paludibus foedam, frugiferarum arborum impatientem, pecorum quidem sed improcerorum foecundam? *Quis gentem laudaret* argentea vasa non in alia vilitate quam quae humo finguntur reputantem, sine urbibus agentem, somno ciboque deditam, inertem, literarum secreta ignorantem; aleam inter seria exercentem, tantam lucrandi perdendive temeritate, ut, cum omnia defecerunt, extremo ac novissimo jactu de libertate & de corpore contendat? *Quis populum praedicaret, qui Caesare teste*, maximam laudem in eo ponit, quam latissimis circum se vastatis finibus solitudines habere; qui latrocinia extra fines cujusque civitatis juventutis exercendae ac desidia minuendae causa permittit? *Hec & alia plura Caesar, qui aliquoties cum Germanis conflavit: & Tacitus, qui sub Vespasiano Belgicae Gallicae rationes administravit. Utinam vero & Caesar, & Tacitus, & qui olim extremas insuperabilis Germaniae oras timide attigerunt, (interiora enim & regionis medietatem Romanus non nisi captivus & servus aspexit.) vel rumusculis aliquid acceptum literis mandaverunt; utinam reviviscerent, & ipsimet oculata fide omnem, quanta quanta est, Germaniam jam dispicerent; tot florentissimas provincias, tot munitissimas & praeclearissimas urbes, tot vicus amenissimos, tot agros omnium*

Caesar. lib. 6.
de bello Gall.

Plinius nat.
hist. lib. 7.
cap. 16.

nium frugum fertilissimos; tot fodinas auri, argenti, plumbi, ferri, & omnium metallorum ditissimas; tot denique in Martio & victore populo, scientiarum & virtutum gloriam longe Principe, amplissimas Regum, Archiducum, Ducum, Marchionum, Landgraviorum, Comitum, Baronum, Equitum, familias; & quicquid in felicitatis Germanicae theatro spectatorem morari & in stuporem cojicere potest, accurate considerarent: nullus dubito, Auditores, quin illi redirent & orci liberti, veritatis lumine & rei novitate attoniti, in hanc sententiam liberè fassuri sint: Nos Romani in multis olim in hostium vitia creduli, in non paucis etiam ingenii nostri figmento injurii fuimus: sed in plerisque hoc omnibus sensibus convicti nunc testamur, Germaniam hodie esse aliam. Nos fuimus Troes; & omnis nostra gloria in cadaveribus tumultata est, posteris majorum fortia facinora otio, torpore, squalore, miseria, & vitiorum coeno turpificantibus: Germani autem sunt heroes, majorum virtute magni, & sua maximi atque incomparabiles: sunt fortissimi, sunt justissimi, sunt religiosissimi, sunt fortunatissimi; sunt, uno verbo, beati. *Quid faceret vitæ seculoq; redonatus Virgilius, divini ingenii Poeta? Ille dignum venam & spiritum aetheria argumentum nactus, relictoq; Augusto sacratissimum Imperatorem nostrum MATTHIAM, repudiatam Romam Romae magistram Germaniam, devoto & humilimo obsequio amplexus; opus aeternum supra*
Odyssae

Odysseæ & Æneidos perfectionem moliretur; initio forsitan in hunc sensum facto:

Ille ego qui quondam gracili modulatus avenâ
carmen, & effudi laudes magnæ Urbis in Or-
bem;

gratum opus Augustis. at nunc horrentia Martis
arma, virosque cano: Romæ qui moenia primi
æquavere solo, superatis Alpibus; amplos
& de fortuna tandem duxere triumphos, &c.

Sed hæc, Auditores, sic interpretor, ut non tam examinare, quales majores nostri fuerint, quam inquirere debeamus, quantum nos usque huc profecerimus, quantum ad illorum virtutes labore & vigilantia nostra accesserit. Hæc enim benignitatis divinae lex est, spargere dona in ætates, & in homines, nec in unam illam, aut hunc unum, omnia simul & semel conferre.

Homerus.

ἀλλ' οὐ πῶς ἅμα πάντα θεοὶ δόσαν ἀνθρώποισι:

Sed non in simul & semel omnia Dii sua donant.

Genebrardus
Germanoma-
stix histori-
cus lib. 1. Chro-
nolog.

Quid igitur profecerimus? Sine DEO olim fuimus. Imo nunquam sine DEO fuimus: quanquam & sine DEO fuimus: quia DEI non fuimus, quia sine Christo fuimus; ut & ipsi Romani, atque gentiles omnes. Verum DEI ineffabili gratia, & immensâ bonitate, jam domestici DEI sumus; jam in familiam & nomen Christi cooptati omnia filiorum familiâs jura, honores, & privilegia consequuti sumus: quæ una prærogati-

va

va meretur, ut benignissimi & plusquam paterni numinis omnipotentiam & clementiam per omnes seculorum decursus devotissimè veneremur, atque nunquam depositâ inenarrabilis beneficii memoriâ perpetuò grati exclamemus: Sanctus, Sanctus, Sanctus Dominus DEUS exercituum: plena est omnis terra gloria ejus. Et quemadmodum multa flumina statim ab ipsis fontibus tantâ vi fluunt, ut naves onerarias subvehant; ut quidem in Gallia Ligerellus Aureliorum; aut aliquot pistrinenses molas intorqueant, uti in hoc Ducatu Blavius: sic lumen Evangelij in Germania divinitus exortum eam mox totam splendore suo complevit, radiisq; gratiosissimis emortua & ex glaciali paganae superstitionis bruma torpentia & rigentia pectora, etiam in remotissimis regionibus, admirabili celeritate & virtute excitavit. Inde secutum pietatis certamen in omnium ordinum hominibus; nemine se satis felicem & pium esse existimante; nisi in pauperes, in scholarum, templorum, monasteriorum substructiones, & alios religiosos usus, insignem patrimonii partem attereret, aut etiam totum cederet. Et, qui excessus charitatis & devotionis fuerat, Imperatores & Principes Germani totas provincias & ditiones nobilissimas Ecclesiastico ordini donavere; & fecere Pontifices Regibus, Episcopos ipsis Ducibus potentiâ pares, auctoritate, dignitate, & externopompæ satellitio majores. Nemo profectò in Ecclesiam Romanam magnificentius bona elargitus est ipsis Ger-

D

manis.

Esaie cap. 6.

Bodin. in thea-
tro naturæ:
lib. 2.

manis: & nemo Patriæ suæ Ecclesias liberalius dota-
vit, quàm Germani suas. Ex Abbatis unius potentia
de Archiepiscopis, & Episcopis, quorum ingens est nu-
merus; de Præpositis, Abbatibus; Prælati, & id ge-
nus, quorum non est numerus (nam in sola Belgica su-
pra sex septem millia Vestalium tantum sunt, nec satis
etiam dixi) iudicium ferte: Unus Fuldenfis Abbas
sexaginta millia bellatorum Imperatori præbebat o-
lim in hostem.

Verum ut in amantissimo quoque arboreto præter
hortulani spem nonnunquam senticetum, & in tritico
lolium internasci solet: ita Satanas juxta DEI do-
mum ædiculam sibi extruens proxime, plurimum su-
perstitionis Religionis sanctissimæ immiscuit: & fu-
re inter fortissimos Prætorianos Christi milites fa-
ctiosi turbones, quibus haram quàm aram, noctem
quàm lucem, terram quàm cælum, appetere gratius;
quibus contra legem, contra Mosen & Prophetas,
contra vetus & novum Testamentum, novos nova-
rum Religionum articulos condere & credere erat
Religionis summa. Itaque cum Ecclesia Christiana
tractu seculorum non in putidum Augiæ, boum fimo,
sed horrendum Antichristi monstris oppletum stabu-
lum transisset; in quo missarum, purgatorii, exorcis-
morum, indulgentiarum, idololatriæ, & alia in Christi
meritum, in Sacramenta, imò in omnes divinarum
Pandectarum & Symbolorum parteis, injuriosa por-
tenta morabantur; periculi jugulum Fidei & Reli-
gionis

Lips. in præfat.
ad Syntagma
de Vestalib.

Ita testatur idē
Lips. in Gent.
miscell. Epi-
stol. 27. ad C.
Urenhovium:
sed vereor, ne
error calculi
numerum au-
xerit.

gionis petentis magnitudo Herculem, non fabulosum
illum, qui geminos à Junone immisos angues elideret,
Antæum suffocaret, aprum Erymanthæum caderet,
Stymphalides aves expelleret, Busirim interficeret,
Cerberum caperet, obtruncaret Nemeæum leonem,
hydram opprimeret, & quicquid prætereà Herculeo-
rum laborum fingitur exantlaret; sed novum aliquem
invictum Christi militiæ imperatorem requirebat, qui
Antichristo eis πρόσωπον ire ausus omnia illa hæretica
prodigia ferreà verbi divini clavâ prosterneret, con-
fringeret, perderet. Sed Germania una digna fuit,
quæ tanto miraculo inclaresceret. Nam Martinus
Lutherus Augustinianus Monachus, homo aliàs nullâ
natalium aut fortunæ gratiâ pollens, cum blasphemias
totâ Europâ exundantes & infame indulgentiarum
mercimonium diutius pati non posset, ancipiti verbi
divini gladio tutus in Babylonicum imperium, quod
adversus omnium temporum injurias perpetuo & sa-
cro quodam fœdere securum sibi esse videbatur, mag-
nâ vi irruit, & in Papam ipsum impetu facto, quasi
uno momento omnia regni ejus fundamenta quassavit.
Et quo tempore? Tunc, quando passim credebatur, Pa-
pam in his, quæ ab Apostolis statuta fuerunt, & contra
sancita in Concilio totius Ecclesiæ, dispensare posse:
quando passim scribebatur, Papam in omnibus & per
omnia posse dicere & facere, quicquid sibi placet, eti-
am auferendo jus suum, cui velit; nemine adversum
hiscere audente, cur ita facis? quando passim affirma-
batur,

Vide Natal.
Comitem My-
tholog. lib. 7.
c. 1. de Hercule.

Philip. Mor-
naus de Eccle-
sia c. ult. & in
Historia Papa-
tus ad finem.

Ludov. à Pe-
guera decif. 52.
n. 5. & 6.
Ph. Decius
Consil. 588. n.
4. & 5. ex Spe-
culatore & Bal-
do. addc omni-
nò Leonhard.
Hutterum in
Orat. de Illade
malorum re-
gni Pont. Rom.

batur, Papam contra jus, supra jus, & extra jus omnia posse; omnia & super omnia esse: quando Papa dicto & facto Principes ditionibus & provinciis liberâ cum potestate evertibat, subditos fidei nexu resolvebat; quando Principes atque Imperatores ipsi Papam adorabant, & humili officiorum cultu revereabantur.

*mira sanè res:
quis dubitet?
at vera tamen.
Aelian. lib. 8.
cap. 12.*

παράδοξον γὰρ, ὅτι γὰρ; ἀληθὲς δὲ. Sic cœlestis ille Germanus Anti-Christum, antea terribilem omnibus, solâ oris buccinâ conterruit; & parvâ Sodalium infirmitatis contra potentiam, simplicitatis contra fraudes, humilitatis contra fastum, contra crudelitatem patientiæ arma conjungentium, manu stipatus, in restitutione Evangelii eos fecit progressus, ut exiguo tempore, non pagi, non oppida, non civitates, sed totæ provinciæ, & tota regna atque imperia à sede Romana defecerint; maximi Reges & Principes Diabolicum superstitionis jugum rejecerint, & spoliis bestiae onusti libertatem palam fuerint professi, etiamnum post partam victoriam Angelo vocem illam fortiter intendente: Cecidit, Cecidit Babylon magna: exite de illa populus meus. De Luthe-
romecum Beza, Poëta aliâs quàm Theologus melior:

*Apoelyps.
cap. 18.*

*Theod. Beza
in Epitaphiis.*

Roma orbem domuit, Romam sibi Papa subegit:
viribus illa suis, fraudibus iste suis.

Quantò isto major Lutherus, major & illâ;
illum illamque uno qui domuit calamo?

I nunc, Alcidem memorato Græcia mendax:
Lutheri ad calamum ferrea claya nihil.

Ecce

Ecce quod miraculum hodie in orbe terrarum, nedum in Europa, huic Lutheranopar est? Ecquis Europæ populus supremi & divini beneficii fructum non percepit? Ecquis hominum erit solvendo? Ecquis inter Europæos in Principatu Germanis deferendo potest esse tardus?

Et quid profecimus amplius, Auditores? Sine literis fuimus. At hodie qui sumus? Literatissimi sumus, eruditissimi sumus, doctissimi sumus: jam

Tacit. de morib. German.

& pueri nasum Rhinocerotis habent.

*Mart. lib. 1.
Epigram.*

Nec longinqua est argumentorum venatio. Veritatis enim tanta est vis, ut J. Bodino, quem aliâs ut hostem & inimicum Germanorum à testimonii dictione jure repellamus, vel invito calamum digitis impegerit, & in hæc verba scribenda duxerit manum: Nul- lum illustrius est, quàm Germanorum exemplum: qui cum à feritate belluarum non procul abessent; cum in paludibus ac silvis ferarum more vagarentur: cum inveterato quodam odio semper à literis abhorruissent; nunc tantum profecerunt, ut humanitate Asiaticis, militari disciplinâ Romanis, religionē Hebræis, Philosophiâ Græcis, Geometriâ Ægyptiis, Arithmeticâ Phœnicibus, Astrologiâ Chaldæis, opificiorum varietate populis omnibus superiores esse videantur. Quid P. Jovius, & ille erga Germanos aliâs non bene affectus? Literæ (ait) non Latinæ modò, sed Græcæ & Hebraicæ in Germanorum terras fatali commigratione transferunt. Neque enim

Reiner. Reineccius Comment. de Saxonum Orig. l. 3. ff. de testib. Just. Reuber de testib.

Joan. Bodin. in Method. Hist. & de Rep. lib. 5. cap. 1.

Paul. Jovius in Elogiis doctor. viror. ad finem.

contenti illi suā veterem militiæ laudē, quā Martium decus, Romanis gentium victoribus ereptum, stabili disciplinæ severitate feliciter tuentur, ipsa etiam pacis ornamenta, literas optimasq; artes, decoquenti Græciæ, ac Italiæ dormitanti (quod pudeat) abstulerunt.

Bodin. in Metk.
Mist. cap. 5.

Et quidem Macchiavellus suæ ætatis Italos urbanè increpabat, quod cum ingeniosi admodum sibi viderentur; attamen Germanos accirent ad metiendos fines agrorum. Ita Joannes Regiomontanus ob decimæ sphaeræ, inclusas diurnæ rotatione rapiens, inventum, ab Italis Thaleti, Eudoxo, Calipo, ipsiq; Ptolomæo prælatus, Romam à Pontifice vocatus est; ut annum ex vetusta intercalatione fastis minimè respondentem ad stas ex cursu lunæ Paschales ceremonias revocaret. Incredibile autem est, quā Scholæ in Germania, præsertim post Concilium Constantiense, pullulaverint:

Lip. in Lova-
nio lib. 3. c. 8.

Vienna septem
sepe studioso-
rum millia re-
censita sunt.
Ant. Bonfin
rer. Ungar. De-
cad. 4. lib. 5.
Basilea donata
est omnibus
privilegiis;
quibus fruun-
tur Academia
Bononiensis,
Coloniensis,
Heidelbergensis,
Erfordien-
sis, Lipsiensis &
Viennensis.
Jof. Simlerus
de Rep. Hel-
vet. lib. 2.

cum ibi penè plures nunc numerentur Academiae, quā in reliqua Europa universa. Nam ut scholas majorum gentium (ut sic dicam) tantum attingam; in quas confluent ex Europa omni bonarum literarum Studiosi; sunt Viennensis, Heidelbergensis, Basileensis, Pragensis, Lipsiensis, Rostochiensis, Erfordiana, Francofordiana, Wittebergensis, Jenensis, Ingolstadiensis, Marpurgensis, Moguntinensis, Coloniensis, Trevirensis, Regiomontana, Gripswaldensis, Friburgensis, Lovaniensis, Helmstadiensis, Wirzburgensis, Dillingana, Giessensis, Leidensis, Franeckerana, Altorfina, Argentinenensis; & quæ minimè postrema est, Tubingensis.

gensis. In hisce & aliis pluribus scientiarum omnium secreta recluduntur, & præmia bene meritis conceduntur: & tam honori maximo est civi Germano bene nato Athenas illas vidisse, quā rubori & opprobrio maximo illas non vidisse. Atque amor literarum nihil remitteret, sed magis dignitatem pabulo aleretur; Imp. Lotharius Saxo, cum à Carolo M. Germano excitatæ scholæ barbarorum illuvie devastatæ essent, non solum situm & squalorem dispulit, sed & studia instauravit, cathedras & publica suggesta præsertim in Italiæ restituit, jure Justinianeo, quod cum tuncis ἀσπὸνδον gerebat bellum, in libertatem, lucem, & existimationem reducto; unaq; consuetudine titulorum Scholasticorum, Magistrorum & Doctorum creandorum solennibus ceremoniis cohonestatā. Quā honorum esca illecti bonæ mentis & famæ candidati tantā diligentia & contentione in stadio Academico decurrerunt postea, ut in sola Witteberg intra centum annos tantum à Philosophico Collegio lauru Magisterii quater mille quadringenti & triginta quinque Studiosi donati sint. Et cognoscite, mei Auditores, fervorem atq; inexplebile discendi desiderium Germanicæ nostræ Nobilitatis. In primis literaturæ in Germania nostra renascentis incubulis, in Fuldensi cœnobio sexcenti nobilissimorum Equitum filii, Sturino Abbate cum aliis triginta Doctoribus artes & linguas ibidem tradente, uno eodemq; anno ingenii exercitiis incubuerunt. Quid Nobile tantum memoro? Etiam Barones & Comites, etiam Principes dulcissi-

Petr. Heigius
part. 1. quæst. 7.
num. 49. 50.
quæst. 8. n. 44.
& part. 2.
quæst. 11. n. 47.
48. 49. &c.

Wolff. Franz
ius in Orat.

Hermannus
Kirchnerus in
Orat. de ma-
gnatibus Do-
ctoribus, &c.

dulcissimoliterarum Nectare, in ipsarum amorem rapti, Magistri aut Doctoris titulos non minori studio & assiduitate aucupabantur; quam si cum Jasone aureum vellus ad Colchos capturi essent. Joannes Dux Megalopolitanus totos XX. annos Lutetiae studiorum gratia commoratus, non ante, nisi publice S. Theologiae Doctor renunciaretur, ad ditionum suarum gubernacula reverti voluit. Hermannus Hassiae Princeps, in Academia Pragensi summam Caesaris Caroli IV. & Bobemiae regni Procerum congratulatione Magister artium factus est. Richvvinus Lotharingiae Dux & Episcopus Argentinensis Magisterii gradum assumpsit, & inter ornamenta duxit. Albertus Comes Hohenbergensis, Decretorum Doctor, & Eberhardus Baro Starenbergius, Theologiae Doctor, ingenio infusas meruerunt: ille Frisingensem, Episcopalem; hic Salisburgensem, Archiepiscopalem. Sed Geldriae Ducum exemplum admirabile est. Arnoldus & Wilhelmus fratres erant: quorum ille literatus, iste illiteratus: ille in gratia Regum & Pauli Pontificis, iste eb ruditatem neglectus. Quam ignominiam ne hereditariam cum patrimonio in liberos transmitteret Wilhelmus, filios suos in Academiam Lutetianam missos, inde redire noluit prius, quam publicis Academiae testimoniis probati Magistri artium liberalium evasissent. Aliquot centurias Principum, Episcoporum & Archiepiscoporum, qui Doctoris, Magistri, aut Licentiatii titulos acceperunt, jam producerem, nisi ad alia properaret

M. Cranus Annal. Suev. part. 3. lib. 4. cap. 14. Hier. Megiserus Annal. Carinthiae lib. 9. cap. 58.

peraret oratio. Baccalaureum tamen unum atque alterum e Magnatibus videte. Albertus IV. Dux Bavariae, Ingolstadianae Academiae autor, artium studia eo dignatus est honore, ut non tantum ipse adolescens primi gradus laurum Lutetiae sumpserit, verum etiam insignia, quae Baccalaureos ab aliis Ordinibus distinguunt, publice per plateas gesserit. Sigisimundus Baro Herberstenius, cujus historiam Moschovitica lectu dignissimam judicant eruditi, inter omnes dignitates & honores tum variis legationibus, tum aliis expeditionibus, muneribus & laboribus partas, primas detulit titulo Baccalaurei; quia illum non generis & Principum blandimentis, sed solis ingenii viribus in Academia Viennensi sibi proprie comparasset. At quis, Auditores, in tanto literariae gloriae splendore Germaniam jam dicere illiteratam ausit, nisi impudenter effrons? Quis vero tantae felicitatis originem ac fontem scrutari cunctetur, nisi improbe lividus? Et quis Imperatorum exemplum aliis legem, & ex Aula in omnes Imperii provincias Musarum amorem sparsum fuisse diffiteatur, nisi stolidus fatuus? Quid enim Carolus Magnus noster? Noster enim, & frustra pugnantis Gallis, Germanus, & ex Germanis est: de quo Sigebertus natione Gallus ita: Carolus non solum patriam linguam, sed etiam peregrinis linguis eruditus, barbara & antiquissima carmina, quibus veterum Regum bella & actus canebantur, scripsit & memoriae mandavit. inchoavit etiam Grammati-

Arnold. à Raiger in quaestione, an Doctoratus Nobilitatem dedecoret.

Sigebertus in Chronico ad annum Domini 794. adde Joannem de Serres in Carolo. Felicem Fabrum Histor. Suevor. lib. 1. cap. 7. Henning. Ar-

niscum de
Translat. Im-
perii, num. 33.
Chr. Lehman.
Chronico Spi-
rensi lib. 2. c. 45.
P. Heig. part. 1.
Quæst. 5. num.
20. Steph. For-
catulum in Po-
lonia Felice.
Wolff. Grunin-
gius in quæst.
an Doctoratus
Nobilem dede-
cat?

Naclerus vo-
lum. 2. generat.
33. Cruf. An-
nal. Sucv. part.
2. lib. 5. cap. 2.

Petr. de Vineis.
Epist. lib. 3.
Epist. 67. Lean-
der in Italia de-
script.

Camerarius
meditation.
Hist. centur. 3.
cap. 67.

cam patrio sermone: mensibus anni juxta propriam, id est, Theutonicam linguam, vocabula imposuit: ventos etiam duodecim propriis nominibus appellavit, cum antea quatuor tantum cardinales venti nominarentur. Ille Carolus literarum amantissimus Lutetiae examini-
bus Studiosorum sæpe intererat, eos ipsemet tentabat; memores officii & frugi bonæ à reliquis segregabat; plebeios diligentia laudabiles honorum spe confirmabat; Nobilibus ignavis, nisi resipiscerent, ordinis imminutionem comminabatur. Quid Otto Secundus? Ille quoque felicissimo Martis & Artis con-
jugio maximus, hoc ex re literaria tulit beneficium; ut Romanorum & Beneventanorum fugacium culpam in Italia à Græcis victus, & in fuga à nautis intercep-
tus, quia se militem gregarium simulabat, & eadem fecilitate linguam Græcam, quam suam loquebatur, ly-
tro persoluto incolumis nec agnitus evaserit, posteri-
tati cogitandum relinquens, quantæ sit utilitatis Principem esse doctum & linguarum gnarum. Quid
Fridericus Secundus? Ille bonis literis excultus, & li-
teratorum familiaritate semper usus, Germanicè in-
super, Latine, Græcè, Italicè, Gallicè, & Saracenice doctus, præcipuam paravit inde famam, quod Aristoteli opera ex Græco & Arabico in Latinum trans-
ferri sermonem, & eadem Bononiensi Academia dono missa publicè legi curaverit. Quid Carolus Quar-
tus? Ille verè Aquilas Imperii in Musarum hortis ju-
cundissimè pascebat, purpuram & diademata cathedræ
inter

inter subsellia scholastica sæpe submittebat, prolixas
Professorum atque Magistrorum disputationes Au-
gustalibus epulis & dapibus deliciores, & suavio-
res, & utiliores aestimabat; nec quicquam murmuran-
tibus Aulicis. Quid Carolus Quintus? Ille indivi-
duus Thucydidis (autor iste mirificè probus res qui-
dem nec multas nec magnas nimis scripsit, sed palmam
fortasse præripit omnibus, qui multas & magnas.) e-
tiam in castris amicus, amicus quoque P. Appiani,
Humelii & aliorum Mathematicorum amicus, Do-
ctor sanè non erat, magnitudine statim Imperii tener
adhuc à studiis abductus; attamen reverentiam litera-
rum, ubi ubi poterat, constantissimè propagavit, &
Doctores atq; doctos sincerissimè dilexit: qui aliquando,
ò humilitatem in fastigio! Lovanii Rectori Academi-
co loco cecidit & latus textit: qui aliquando Ulissingæ
ventos navigationi idoneos expectans, in multam noctem
cum Georgio Sigis. Seldio locutus, interea familiam omni
sive dormiente, sive alibi divagante, & nemine ad nolæ
signum apparente, ipse Carolus Doctori Seldio quan-
tumvis recusanti lychnum prætulit, eumq; per gradus
deduxit; Hoc tibi monumentum, inquit, Cæsaris il-
lius Caroli habeto, Seldi, tot exercitibus & excubiis
quondam stipati; quem nunc solum à familia etiam
desertum vides; & cui tot annos serviisti, is tibi nunc
etiam serviit, & tibi lumen prætulit. Quid Maximil. II.
Europæ linguarum; quid Rudolphus II. Matheseos,
peritissimi? Nunquam nostra Germania fuit doctior:

Lipf. in not. ad
lib. 1. Pol. c. 9.

Treutler. in
Orat. funeb.
Wilhelmi Haf.
Landgr.

Lipfius in Lo-
vanio lib. 3.
cap. 4.

D. Chytræus
in Orat. fu-
neb. Caroli V.

nunquam eruditorum in omnibus ordinibus meſſis fuit copioſior. Et ut iterum ex ſummatibus viris & Germaniæ proceribus paucos nominem: non ita pridem Georgium Anhaltinum Principem Germania mirata eſt, & optimi Principis, & ſanctiſſimi Paſtoris munere fungentem, in cubiculo templum, Academiam, & curiam habentem: & hodie ex eadem ſtirpe magnanimum heroa, illum Martis & Muſarum amicum, illum prudentiſſimum juxta & fortiſſimum Principem Chriſtianum admiramur. Henricus Julius Brunſvicienſium Dux potentiſſimus, avunculus meus, ingenium & doctrinam in numero habet: quicquid aliis præſtat longa cogitatio, illi dat prima animi intentio. Mauricio autem Haſſiæ Landgravio, quem exteri inter Principes omnes, qui hoc tempore vivunt, ingenio opibus & excellentiâ doctrinarum habent parum? Pater Wilhelmus, aquila Aſtronomorum fuit, & velut alter Atlas, qui cælum humeris quaſi ſuis ſuſtinuit: ſed filius Mauritius literarum belluo & gurgies eſt, παις οφίας & ſcientiarum orbem animo complexus. Muſicus eſt: Poeta eſt: Orator eſt: Philoſophus eſt: Juſiſconſultus eſt: Theologus eſt: & quis non? Princeps immoderati ad verſum ſe imperii, et in omnia paratus. Nunquam verbi inopiâ ſubiſtit: ſed velociſſimo curſu ac facilimo ad omnes res beata confluit oratio: & quo dicit, eodem ſcribit impetu: non illi de verbis in conſilium venire neceſſe eſt. Utrinque, & voce & ſtylo rerum potitur. Sed quis ſit modus in illa ingeniorum multitudine?

Elias Reuſner.
in ſtirpe Alca-
nia.

H. Treuler. in
Orat. funeb.
Wilhelmi Haſſ.
Landgr.

titudine? Si enim jam ex cæteris doctorum Germanorum Ariſtarchis, veteribus ac novis, quos gratius ſit audiviſſe, quàm olim apud Romanos vidiſſe conſulem triumphantem, & quidem ex Theologorum ordine (in Facultatum ordines ex communi ſcholarum conſuetudine, Auditores, Germanos Doctores noſtros, pro ſingulorum tamen profeſſione præcipua, etiam hæc diſpono ſciens prudens: cum aliâs pleroſq; eorum, quippe plerarumq; Facultatum arcana rarâ felicitate perſcrutatos, pluribus honorificis plurium quoque ordinum literariorum titulis judicem longè digniſſimos) ſi, inquam, ex Theologis præter illum ſuprà laudatum, & nunquam ſatis laudandum, MARTINUM LUTHERUM, laudem Joh. Brentium, Hadrianum VI. Papam, (ſalvâ enim pietate, doctrinam & virtutem in quibuscunq; vel hæreticis vel ſectariis, etiam in gentilibus, admirari & laudare poſſumus.) Ph. Melanchthonem, Erh. & Theod. Schnepffios, H. Zwinglium, duos Andreas & duos Lucas Oſiandros, M. Bucerum, J. Oecolampadium, G. Caſſandrum, Bidembachios, H. Bullingerum, Joh. Wigandum, Gretſerum, Z. Urſinum, Jac. Andreæ, M. Chemnitium, Jac. Herbrandum, Æg. Hunnium, Steph. Gerlachium, B. Menzerum, L. Hut-terum, Muſculum, Paræum, J. Winckelmannum, Joh. Georg. Sigvvardum, Rungios, S. Geſnerum, Nic. Selneccerum, D. Chytræum, Mylium, Pappum, Becanum, Pelargum, Lyſeros, M. Höe, Cunr. Theodericum, Fr. Balduinum, B. Krackevizium, Joh. Haube-
E 3 rum,

rum, J. Schröderum, B. Meisnerum, M. Schæferum, Theod. Thummium, & *nostrum optimum καὶ μάλιστα θεοδιδάκτον* Matthiam Hafenrefferum: *si ex Politicis ac Jctis* Fr. Baronem Schenckium, Baronem G. Ac. Enenckelium, Rich. Streinium Baronem, Camerarios, U. Zafium, J. Mynfingerum, A. Gailium, B. Wurmserum, H. Viglium, Seb. Fabrum, M. Wackerium, M. Welferum, J. Leunclavium (*cui legationis à Rodolfo Cesare ad Osmanicam Portam missæ occasione veram Turcicorum annalium, atque adeo recentis Orientalis historiæ, quam luculentis scriptis illustravit, cognitionem debemus*) J. Lipsium, Marq. Freherum, Eb. à VVeih, Pruckmannum, Er. Cothmannum, Hub. Gifanium, M. VVesenbecium, J. Fichardum, Pistorum, H. Schurfium, J. Oldendorpium, M. Clingium, M. Colerum, H. Vultcium, J. Goedæum, G. Obrechtum, A. Reigerum, C. Rittershusium, H. Rosenthalium, L. Schraderum, M. Lycklema, J. G. Hervvartum, J. Sichardum, R. Sixtinum, N. Vigeliū, P. Denaisium, Chr. Gevvöldum, M. Goldastum, Chr. Besoldum, Fr. Hortlederum, J. Gruterum, H. Kirchnerum, Hug. Grotium, J. Halbritterum, J. Harpprechtum, H. Bocerum, D. Arumæum, P. Friderum, Forsteros, R. Rulandum, J. Alemannum, A. Knichen, P. M. Wehnerum: *si ex Medicis* A. Vesalium, L. Fuchsiū, G. Copum, Th. Eraſtum, J. Cratonem, Hadr. Junium, J. Guinterium, J. Langium, I. Pi-

Thuan. Hist.
lib. 80.

J. Pistorium, Bauhinum, Cornarium, Milichium, Ph. Theophrastum, Ad. Bodensteinium: *si ex Philologis & Philosophis* Albertum, illum Magnum, (*qui profundâ rerum omnium divinarum & humanarum contemplatione, & curiosâ latentium reconditarumque in natura potestatum indagine hoc consecutus est, ut veræ magiæ ministerio, inferiora superiorum dotibus copulando, artemque ad naturæ commercium flectendo, stupenda sæpe miracula ediderit: à profanis cæteroquin Diabolice magiæ imposturis alienissimus.*) J. Trithemium, J. Reuchlinum ἀλεξιβάεσθαι, J. Nauclerum, B. Pirckheimerum, Erasimum, (*cujus eloquentia Christophoro Longolio plaris fuit, quàm totius Gallie opes.*) B. Rhenanum, U. Huttenum, C. Celten, (*qui primus in Germania Frider. IV. Imp. Augusti manibus Poëta coronatus est.*) A. Cranzium, J. Aventinum, I. Cuspinianum, W. Lazium, I. Sleidanum, Laur. Surium, H. Golzium, H. Megiserum, S. Neugebauerum, Chr. Lehmannum, Mich. Piccartum, M. Berneggerum, J. Kirchmannum, G. Agricolum, (*illum in rei metallicæ cognitione omnibus antiquis præstantiorem*) J. Scheckium, G. Xylandrum, Gu. Canterum, Conr. Gesnerum, I. Simlerum, Th. Zvvingerum, J. Sturmium, M. Junium, G. Lieblerum, Sam. Heilandum, M. Crusium, Nic. Frischlinum, R. Goclenium, H. Arnisæum, Corn. Martini, Jac. Martini, G. Vvei-

Paul. Scalichius de Magia naturali.

Joh. Trithemius in Chronico Hirsaug. ad ann. 1280.

Chr. Longolius lib. 5. Epist. ad Jac. Lucam.

G. Vveiganmeierum, J. Buxtorfium, Joh. Meurfium, P. Bertium, B. Keckermannum, Siberos, Eobanum, Sabinum, Lotichium, C. Utenhovium, P. Melissum, D. Baudium, D. Heinsum, Fr. Taubmannum, G. Calaminum: & si speciatim ex Mathematicis (quâ quidem disciplinâ Germani tantopere excellunt, ut exteris rectè judicaturis ad Ovidium eundum sit, ut transformentur, & novos animos induant magnitudinis illius capaces.) si, inquam, dilaudem Joh. Regiomontanum, (quem jam ante C. annos Georgii Trapezuntii, ut creditur, filii, qui Germanum ab Innocentio VIII. ad corrigendum Kalendarii errorem Romam evocatum, Græcis longè doctrinâ superiorem ferre non poterant, veneno extinxerunt) si collaudem Peurbachium, Joh. Stöflerum, N. Copernicum, T. Brachæum, M. Mœstlinum, J. Kepplerum, Chr. Clavius, J. Stadium, Reinholdum, Schonerum, Appianum utrumque, Gemmam Frisium, Vadianum, Dryandrum, G. Jo. Rhæticum, S. Stevinum, G. Mercatorem, Ab. Ortelium, Seb. Münsterum, P. Merulam, Ph. Cluverium: & ex Musicis (ne ignoremus, Germanos Musicos esse re-stauratores) Orlandum Lassum, Hasleros, Lechnerum, Daferum, Prætorium: at DEUM immortalem! quantum eruditorum Germanorum exercitum nullo definentem adhuc prospicio? & quantum dixi? Profecto, Auditores, paulò plus, quam nihil. Adcolatè disseminata & sparsa est divina & beatissima ingeniorum Germaniæ ubertas. Quin & ibi hodie lite-

Thuan. Hist.
lib. 76.

Tanti fecit
Clavius Jos.
Scaliger, ut ma-
luerit ab illo
corrigi, quam
ab alio laudari.
Scalig. in Castig.
Calend. & Re-
cheone ou le
Plaine Apolo-
getique pour
les jésuites.
Lud. Guicciar-
dinus in Belgii
deser.

ra nidificant, ubi aliàs minimè solitæ. Jam enim & mercatorum officinæ bibliothecas ambiunt; & mercatores cum Musis mansuetioribus ineunt societatem. Atque ut illi aurum gemmasq; lanariis saccis aut vinariis vasis nonnunquam includunt, & transvehunt itinerum periculis declinandis; ita quoque ex iisdem bene multi sunt artium bonarum mystæ vocabulo mercatorum; hoc ipso invidia immunes & laudandi, quòd rem ipsam habent coluntq; laudis & titulorum securi. Ergo nos Germani in literaria Repub. nulli secundi, & cum pace aliorum populorum dixerim, omnium primi sumus.

Gaugeric Ri-
vius in præf.
ad Principem
literarium J.
Lipsi.

Venimus ad summum fortunæ, pingimus atque psallimus, & luctamur Achivis doctius unctis. Eant verò calumniarum artifices, mendaciorum institores; perfricent os, & si quæ pudoris supersunt reliquiæ in Utopiam eas relegent; & denuo maledice erudent & despuant illud: I Tedeschi hanno l'ingegno nelle mani: Germanorum ingenium in manu positum est. Siccine, nugivendi, cum veritate cerebrum omne abjecistis, ut Theologiam, Politicam, Jurisprudentiam, Medendi peritiam, Historicam, Mathematicam, & universam pulcerrimæ Philosophiæ contemplationem; quibus omnibus Germanos præcellere, nonnescitis, & maxime in Mathematicarum disciplinis præ illis pueros & infantes & nullos vos esse probè scitis; in extremis digitis collocare non sitis veriti? Dedicite depudere miseri; & discite, Germanorum hodie,

Horat. lib. 2.
Epist. 1.

Henric. Ste-
phan. in enco-
mio mund.
Francof.

Bodin. in Meth.
Hist. cap. 5. &
de Repub. lib. 5.
cap. 1.

F

non

non hominum, sed semideorum, Religionis, Virtutum, & Scientiarum sancta nomina esse.

At verò, illustrissimi Principes, Auditores cæteri humanissimi, quia adeo ingeniosas habemus manus, vel adversariorum confessione; agite dum, in hoc Germania miraculum oculos mecum cursim vibrare. Italos sine controversia vincimus: qui non solum ipsi gentes nobis omnes in architectura cedere asseverant; sed & ex patria nostra avorum adhuc memoriâ architectos, pictores, statuarios, sculptores & perargutæ manus artifices, ac item aquileges, septempedariosque mensores petierunt. Et Galli manus dant; qui testantur, omne genus supellectilis & instrumentorum à Germanis tam artificiosè, tam affabrè fieri, ut ea cæteri populi mirentur, imitari non possint. Omnes celebriorum urbium tabernæ atque officinæ hujus rei documenta dant cottidie: quæ vota hominum prævertunt, & novitate atq; indole suâ si non numos, saltem extorquent à prætereuntibus applausum & admirationis murmur. Norimbergensium certè industria non est borna: jamdudum exteris creditum fuit, illorum opera non de grege opificum, sed planè egregia esse. Sicuti Augustanorum quoq; aurifabri, bractearii, cælatores, annularii, textores, quorum omnium in nulla Europæ urbe est compar numerus, in Orientem & Occidentem usque solidam nec intermorituram suarum artium laudem protulerunt. Sed quod de Norimbergensibus, quod de Augustanis dixi, de omnibus urbi-

Aen. Silvius
Epist. 170. ad
Johan. Cam-
pifium. Paul.
Jovius in Elog.
doctor. viror.
ad fin.

Bodin. in Meth.
histor. cap. 5.

Ulricus Hut-
ten. in Epist.
ad Birekheim-
rum: quâ ille
vitæ suæ ratio-
nem exponit.

urbibus Germaniæ pro cujuslibet conditione intelligi velim. Ubilibet fervent opificia: nisi quod alia oppida in uno, alia in alio magis occupantur. Videre enim est Friburgi Brisgojæ expoliri chrystalla, & inde pocula, capulos, & alia miræ subtilitatis opera elaborari: videre est Essendii sclopetorum; Ulmæ autem pannorum, quos Barchet & Golsch vocant, incredibilem copiam quotannis parari. Ita aliam civitatem orichalcarii, aliam chartarii, aliam stannarii, aut quadrigarii, aut abenarii, aut tormentorum fusores, aut plumbarii, aut serarii, aut cultrarii, aut falcifices; aliam fullones, tinctorum, textores; aliam coriarii, restiones, ephippiarii; aliam plaustrarii, scriniarii, fabri lignarii, cæmentarii, statuarii, vitriarii, figuli; aliam alii nobilitant. Et qui gestit compendio manuarum acuminis Germanici artes intueri, is Saxonicum Dresdæ, Würtembergicum Stutgardia, Bavanicum Monachii, ceimiliarchium videndi veniam impetret; comprehendet uno intuitu, cui planè perspicendo non satis erit annus; & oculos admirabili rerum mirandarum ac nullibi visarum delectu lassabit, non satiabit. Et quod de Superiori Germania nostra memoramus; in eo Inferior, sive Belgium, haudquaquam est inferior: quam opificibus supra cunctas orbis provincias abundare, Thuanus scribit. Annales habent, Anno M. CCC. XXX. Lovanii tantum tantam textorum multitudinem fuisse, ut ad tria, imò quatuor millia textrinorum in urbe essent: quolibet

Thuan. Hist.
lib. 46.

Lipf. in Lova-
nio lib. 2. c. 2.
§. 11.

G. Cambden.
Annal. rer.
Angl. ad An.
Chr. 1568.
Thuan. Hist.
lib. 46.

Madr. Junius in
Batav. histor.
cap. 15.

textrino non minus triginta aut quadraginta homines exigente, qui lanam præpararent, qui carminarent, qui nerent, qui fullonicam aliasque tales operas exercerent. Sicque ex solo illo genere ad centum sexaginta milia in una urbe degere aliquando oportuit. Et quæ gloria panno Britannico Londinensi hodie tribuitur; eam possidet beneficio Lovaniensium & aliorum Belgarum lanificum; qui pannificii colonias in Britanniam intulerunt, Anglosque artificium, antea agriculturæ & pecuariæ solum deditos, docuerunt: nuper etiam, cum in Belgio nil nisi excidium gentis spiraret truculentus Albanus, profugis & extorribus Belgis aliquot insulæ urbes infrequentes antea & penè desolatas, Norvicum præcipuè, Colcestriam, Maidstonam, Sandvicum, Hamptonum, & alias instaurantibus; qui tunc quoque artem conficiendi levidensas, quas Bayes & Sayes vocant, & id genus lineæ & laneæ variâ texturâ primi Anglis monstrabant. Textoria autem Belgarum novis inventionibus semper se ipsâ surgit ornatiores & pretiosiores: dubiis tamen rerum æstimatoribus, plusne in lanificio, an verò in linificio illi præstent. Nam in hocce Batavorum solertia est singularis: qui linearum telarum toto orbe celeberrimorum subtilitate Arachneæ labores et Palladias manus provocant; earum candore nivem, tenuitate sindonem, & byssum pretio peræquant. Textiles nempe picturas Flandrorum, maximè Alostensium & Oudeaardorum, Regum & Principum pompa jam dudum auri

auriponderibus anteposuit: cum fere nulli impalatium sit, quod ex illa Belgica acupictoria officina non instruatur. Scio veteres varia in veste mirabiliter luisse. Cui enim ignota sunt Istrianae pexæ? cui Phryxianæ togæ? cui Attalicae curo intextæ? cui Babylonica Martiali laudatæ eleganti versu?

Non ego prætulerim Babylonica picta, superbè texta, Semiramidæ quæ variantur acu.

Martialis lib. 8.
epigr. 28.

Sed vetus illa pulchritudo cum Belgica comparata in agris & silvis nata videatur. Superatres ipsa fidem: adeò in immensum crevit Acupictoriae splendor. Nullus hic color abest: cogita, quem voles. Ac si exemplum poscis, nulli pavones tam variâ venustatis vestiuntur plumâ, quàm Belgica nostræ tapetia: ita multicoloria, discoloria, versicoloria videas; totiesque propè mutanda, quoties movenda; ac in omni flexu reflexuque alium atque alium colorem ostendantia: ut ambigas, ludatne aliquis error in re seria firmâque. Sic in reliqua arte pictoria omni nemo facile alium populum Belgis composuerit: e quibus primam ludem obtinent Quintini, Florii, Bruegelii, Clevii, Brilii, Cockii, Congneti, Mabusei, Mostardi, Afori, Schoorelii, Aersii, Hemskerckii, Pourbusii, Barenzii, Vvinghii, Hofnaglii, Cocxii; & cum multis aliis Joannes Eickius, qui quomodo coloribus oleum sit miscendum, primus invenit. Ad summam tamen pictoriae gloriam, quantum ego hic judicare possum, conscendit Albertus Dürer Norimbergensis; qui Italorum invidiam ingenio compescens ipsos ad-

Carol. Scribanius in Antverpia. c. 15.

Carol. Scribanius in Antverpia cap. 12.

G. Mercator in suo Atl.

Ulr. Hutten. ad
B. Birckh. de
vitæ suæ ratio-
ne.

egit & ad veritatis confessionem, & ad falsi commen-
tum: cum Dürero quidem herbam porrigerent; sed ut
opera sua facerent vendibilia, fraudulentâ Dure-
riani nominis inscriptione ea proponerent. Veniant jam,
qui unquam manuum dexteritate immortalitatem sibi
pepererunt; veniant pictores, Apelles, Xeuxis, Proto-
genes, Parrhasius, Aristides Thebanus; veniant ar-
chitecti, Ctesiphon Gnosius, qui templum Ephesinæ
Dianæ construxit; Dinocrates, qui Alexandriam
Ægypti; Philo, qui Pyréum Atheniensium; veniant
sculptores, Leochares, Alcamenes, Bryaxis, Pythis,
Scopas; veniant statuarii, Polycletus, Praxiteles, Cte-
sias, Lysippus; veniant artifices opifices alii quicunque;
invenient in utraq; Germaniam magistros, sub quorum
disciplina artium tyrocinia iterasse reputabunt omnis
suæ felicitatis caput: sed rapiuntur omnino extra sese,
ubi Solem & Lunam miraculorum, illa duo illustrissi-
ma inventionum Germanicarum sydera, illa duo ma-
xima manuum humanarum, imò ingenii prodigia.
Quid hoc est? An novus aliquis Albertus, aut Ma-
gnus ille redivivus, statuam ad vivi hominis imaginem
construxit, quæ libramentis quibusdam rotisq; intra
latentibus, & linguam quâdam machinarum discipli-
nâ peritissimè moventibus, verba quædam articulatè
pronunciet? Qualem statuam cum aliquando Thomas
Aquinas (ab Alberio missus in cubiculum, ubi illa late-
bat) inopinatò clarâ voce loquentem audiret, vehe-
menter perterrefactus, fuste eam confregit: quare sta-
tim

Isaacus Wake
in Rege Plato-
nico.

tim intellectâ, Pol, inquit Albertus, triginta annorum
opus uno momento contrivisti. Aut, an novus aliquis
Regiomontanus aquilam fecit ligneam, quæ ante Impé-
ratorem Norimbergam ingressurum in aëra subvolet,
atq; præcedat usq; ad portam? Tenuia hæc sunt, Audito-
res, & veluti nebulosæ stellulæ in serenissimo undecun-
que emicantium & fulgentium astrorum cælo. Sed illa
longè maxima sunt: Bombardæ & Typographia: ille
Martis, & hæc Artis, propria: digna unis Germanis in-
ventoribus; ut qui armorum & literarum gloriam obti-
nerent, iidem quoq; armorum & literarum gloriam plus
aliis gentibus adangerent. Bombardarum equidem &
muralium tormentorum vis per est terribilis non solum,
quod flammæ & flammeos globos evomunt, ingenti
fragore detonant, fulgurant, fulminant; sed & quod
pro sifonis modulo hostem intra centum, trecentos, mille
passus, & amplius consistentem, cminus feriunt, & te-
lum fronti eius, pectori, aut quocunq; tandem dirigitur,
certè & cum interitu impingunt; quod arces fortissi-
mas, muros crassissimos dverberant & deiiciunt. Et
quàm nihili sint hodie Bælearidum fundæ, catapultæ,
balistæ, scorpiones, arietes, & reliquæ antiqui moris
machinæ? Unâ bombardâ colubrinâ aut quassatoriâ
maius infertur damnum, quàm mille materibus, mille
tragulis. Etiam fulmen & tonitru ipsum sono superat
ictus bombardarius: quod observatione longâ compro-
batum Ostendana nupera obsidio totum triennium, &
fere indies singulos fecit indubiū; cū Lovaniimugitus
machi-

Henr. Salmuth
in comment. ad
G. Pancirol.
nov. repert. c.
10.

Bodin. in Meth.
histor. c. 7.

Lipsin. Epist.

Jul. Cæs. Scali-
liger in Orat. de
Turc. Vien.
obsid.

Aventin. An-
nal. lib. 7. Po-
lyd. Vergil. de
rer. invent. lib.
2. cap. 7.

Bodin. in Meth.
hist. c. 7.

Joh. Naucler.
vol. 2. generat.
49.

Joan. Merceri-
us Opinion.
lib. 1. c. 12.

Cuspinian. in
Tacito Imp.

H. Kirchn. in
Orat. de Stud.
Hiflor.

*machinarum fulminalium horis matutinis facile ex-
audiretur. Pace tua dicam, Juppiter, inquit Scaliger
pater: fulmina nostra sunt terribilia tuis: age, coge
nubes, ut tonare queas: nos etiam te tranquillo iratum
regnum tuum faciemus. Atque hujus miraculi inventor
fuit Berchtoldus Schvvarzius, Franciscanus, Philo-
sophus. Sed alterum, Typographiam, Monguntiaci
invenit Iohan. Guttenbergius, vir Equestri dignitate:
quod unum cum omnibus omnium veterum inven-
tis certare facile potest. Nimirum certe natura re-
rum sibi permisit, cum illum Germanum Guttenber-
gium gigneret; & omnem munificentiam superavit,
cum rationem excudendorum librorum nobis aperiret:
ut Philippus Beroaldus Italus, ille, qui eruditissimis
commentariis Apuleii Asinum aureum instruxit &
exornavit, tantis Germaniæ meritis ad gratitudinis
confessionem impulsus exclamaverit:*

*O Germania muneris repertrix,
quo nil utilius dedit vetustas,
libros scribere quæ docces premendo!*

*Quanti olim labores erant devorandi in authoribus
exscribendis, & à vetustatis injuriâ conservandis?
Quantum operæ adhibuit Imp. Tacitus ut gentilis sui
Taciti historias ab interitu vindicaret? Et licet illas
in omnibus Bibliothecis reponi, & singulis annis decies
describi curaverit; tamen satis non cavuit, quin fere
fieret, quod timuit: ac perisset scriptor aureus, nisi Cor-
beiense monasterium in Westphalia custodiam susce-
pisset,*

*pisset, & post tot seculorum silentium loquendi liber-
tatem Tacito restituisset. Tantos verò exscribendi
labores nimium exasperabat incuria librariorum: de
quorum negligentia & fraude semper conquesti sunt
olim literarum mystæ. Equidem Cicero testatur, suo
tempore libros Latinos adeò mendosè scribi solitos, ut
nesciret, quò se verteret. Inde factum est, ut Christiani
autores putarent, librarios esse adjurandos, ut cautio-
res fierent. Sanctus enim Irenæus, sine operis, per Chri-
sti nomen diemq̃ tremendi judicii adjurat transcripto-
rem, ut postquam descripserit, conferat & diligenter
emendat ad exemplar. Ceterum Typographia tempori
cuncta abligurienti, & sub mortalitatis jugum tra-
henti frenum injecit: illaq̃ verè est ars memoriæ, &
mors oblivionis, & ingeniorum asylum. Hisce enim
elogiis divinum illud inventum jure ornare possumus:
nequaquam eo facto ultra justæ laudationis modum
progressi; quemadmodum olim Philon Medicus, qui
alexipharmaca sua Deorum manus appellabat; &
hodie Medici facere solent, qui ingenti jactatione
compositiones suas vocant manus Christi, Apostoli-
con, gratia Dei, antidotum Paulinum, & id genus su-
perstitiosè inditis vocabulis. Quamobrem Joanni
Frobenio & Joanni Oporino, qui Basileæ; Christo-
phoro Plantino, qui Antuerpiæ; Aldo Manutio, qui
Venetiis; Robertis & Henrico Stephanis, qui Lute-
tiæ & Genève; & aliis Typographis, qui nulli parcen-
tes sumptui rem literariam suâ diligentia promove-
runt,*

Cicero in Epist.
ad Atticum.

Vide & Euseb.
Cæsar. in Hist.
Eccles. Fr. Jure-
tum ad Sym-
mach. lib. 1.
Epist. 18.

Ulr. de Hutten
in libro, de
morbo Gallico.
c. 6.

Thuan. histor.
lib. 59. de Ma-
nuciana familia
honorificentis-
simè.

runt, editis summâ characterum elegantia innumeris veterum ac recentium monumentis; plus debet Christianus orbis, quam cuiquam fortissimorum bellidum ob propagatos sineis patria debuit unquam. *Et de Aldo Manutio venuste admodum Beza:*

Thuan. Hist.
lib. 25.

Beza in Juvenilibus. cui adde Nicolaum Leoniceum in libello de morbo Gallico: ubi in Aldi laudem præclare.

Didonis cecinit rogum disertus
Maro: Pompeii rogum Lucanus;
et disertè ad cò hoc uterque fecit;
ut nunc vivere judicetur illa,
nec jam mortuus hic putetur esse:
imò sunt redivivi & hic, & illa.
Ergò credere fas erit poëtas
Divos; utpote qui loquendo possint
vitam reddere mortuis: quod ipsis
est Divis proprium & peculiare.
Quòd si credere fas Deos Poëtas;
vitam reddere quòd queant sublatam;
quantò est justius æquiusque, quæso,
Aldum Manutium DEUM vocare;
ipsis qui potuit suo labore
vitam reddere mortuis poëtis?

Quando igitur Typographia mortuos in vitam revocat, & propterea Diva est: quid aliud Germani nisi Dii, qui illam genuerunt? Hæc sunt duo illa maxima Germaniæ miracula; quæ nos fecimus optima, quia toti Orbi communia; & iisdem omnibus hominibus viam ad pacem publicam, viam ad virtutum & doctrinarum mysteria, ad Religionem, ad cælum, ad Christum ipsum

ipsum Salvatorem nostrum communi vimus. Tribuunt nobis Itali, & verè, etiam machinarum rotulis tempora & siderum cursus recursusq; distinguendum inventionem: I. Tedeschi, inquit, sono stati inventori della Stampa, dell' Artigliaria, & dell' Horologio à ruota, cose nobilissime: quod ut laudem nostrarum non est exigua accessio; ita silentio illud minimè præterire volui. Cujus ergo nationis, Auditores mei, inventum est bombardà? Nostra Germania. Quis memoria statuit æternitatem typis æneis? Nos Germani. Quis horologiorum rotulas docuit? Nos Germani. Nos Germani, Auditores, bombardà Iovis iram imitatumus: tempus ipsum librorum perpetuitate superavimus: horologiis temporum comites, rotarum circumactiones, effecimus.

Boter. in Relat. Europ. part. 1. lib. 1. de Germ.

Verba sunt Iul. Scaliger. exercit. 99.

Quid verò profecimus amplius, Auditores? Sine urbibus fuimus. Sed hodie non sumus: hodie alias regiones antecellimus. Unus Ducatus Wirtembergicus continet urbes sexaginta, & quod excedit. Una Hollandia, exiguo ambitu Comitatus, triginta tres urbes comprehendit. Ex turri Goricomensi, in regione planissima, prospectus est in viginti duas urbes facillimus. Ita Ultrajectum inter quinquaginta sedet urbes: quarum quæ absunt longissimè, unius diei itinere distant. Quin pleraque Germania urbibus referta est, vicinitate ita fere conjunctis, ut altera alteram quasi manu ducere videatur. Omnes penè naturâ loci, & operibus firmissimæ; ædificiorum structuris, templorum

Caspar Ens de bello Gallo-Belg. tom. 1. lib. 1.

molibus, fontium deliciis, viarum nitore, & omni elegantia ornatissime, cultissime, pulcherrime. Quid enim Christiani Orbis clave Viennâ, quid Harlema (quæ & Typographia inventionem sibi adscribit) quid Amstelodamo, Argentorato, Brunsvico, Ingolstadio, Dresdâ, Lubecâ, Hamburgo, Bremâ, Magdeburgo, Antuerpiâ, munitius? Quid Augustâ, Monachio, Lipsiâ, Breslaviâ, Graciov, Saltzburgo, Lunaburgo, Basileâ, Tiguro, Bernâ, Norimbergâ, Lugduno, & Casiteridum insularum (Hispanis Azores dicuntur) in ventricibus Brugis, magnificentius, purius, & spectabilius? Quid Lovanio, Gandavo, Pragâ, Erferdiâ, Colonia, capacius? De quibus omnibus, & aliis multo pluribus, quorum catalogus nimis foret longus, dici potest, quod in Vienna Austria laudatur, ut quæ sint civium domus, ex Principum palatia esse videantur. Afferit Strabo, Græcos vinci à Romanis puritate urbium: Itali autem scribunt, Romanos longè vinci à Germanis. hora i Tedeschi avanzano di gran lunga i Romani. Et quod encomium aliquando serenissimus Archidux Carolus, Imp. Max. II. frater, in honorem Florentiæ proferebat, eam civitatem tantum diebus festis & solennibus monstrari debere; uti scilicet pretiosæ vestes in magna pompa & festivitate solum indui solent: id rectius usurpabimus de civitatibus Germanorum. Antuerpiam inspicite. Locus quis? ad flumen pulcherrimum, pulcherrima planities; & in hac juxta illud pulcherrima urbium, quas Europa,

Africa,

An. Christi.
1417. ex mensura
procurum
certamini
fuit ita, conser-
tem est; Lo-
nium superare
Gandâ, Antri-
bus virgibus Leo-
dicum acti, in-
retiani decem,
Coloniâ mecto-
decim. Lipsi. in
Lovanio lib. 2.
cap. 7.

Aen. Silvius
Epist. 165. in
descript. urb.
Viennens. ad-
de Ant. Bonfin.
rer. Ungaric. de
cod. 4. lib. 5. in
Vienna,
Gi. Botero nel
Relat. univers.
part. 1. lib. 1. de
Germania.

Africa, Asia, videt: structurâ, ordine, symmetriâ, mœnibus, ædificiis, viis, universâ elegantia, non est quæ illam superet, imò æquet. singula si spectentur, alie forsitan excedent: sed omnia corporis, ut sic dicam, membra junctim qui exploraverit, suffragium judicio meo dabit. Quanta fuerit, cum supra omnia Orbis emporia nuper fuit, docet Germani sanguinis germen, Julius Cæsar Scaliger, isto Epigrammate, quod fecit de Antuerpia:

Lipsi. in præfat.
quadam ad S.
P. Q. Antuerp.

Thuan. histor.
lib. 6.

Oppida quot spectant oculo me torva sinistro:

tot nos invidiæ pallida tela petunt.

Lugdunum omnigenum est, operosa Lutetia,

Roma

ingens, res Venetum vasta, Tolosa potens.

Omnimodæ merces, artes priscaeque novæque;

quorum insunt aliis singula, cuncta mihi.

Si nunc urbium singularia conquirere; & magnitudinem templi Ulmensis in Suevia, pulchritudinem Freidenstadiensis in Würtembergia, Monachiensis Jesuitici magnificentiam in Bavaria; Gruningensis in Episcopatu Halberstadensi nitorem; si Augustanorum augustissimos fontes & machinas aquarum tractorias, Spirensium montem oliveti, Dresdensium equile & armamentarium, Ratisponensium pontem; Stutgardiae suburbicarium Ducale prætorium, & hortos omnium deliciarum sedem: si turrim Argentinensem, Viennensem, Landsbutensem, Antuerpiensem, se se altius è terra attollentes, quàm turris Babylonica; si item multa

G 3

millia

millia singularium alia, quæ spectatores ita titillant, ut quò videant sæpius, eò recedant illibentius, & quæ totos Deliciarum libros hodie conficiunt, investigare vellemus: ubi, & quando tandem desinendum esset?

Tacit. de morib. German.
Mela. lib. 3. c. 3.

Atqui in regione terris informi, cælo aspera, cultu ad spectuq; tristi, in universum sylvis horrida, paludibus fæda, frugiferarum arborum impatiente, sine agriculturæ honore, sine vinetorum coronis, sine pecorum gloria, sine auro & argento, & sine ferri copia, etiam sine commercio; & latrones, & aleatores, & pauperes, & tantum non crucis candidati fuimus. Vereor, Auditores, ne prisci Romani fuerint auditionum faciles in Germaniæ opprobrium, & rumusculos interdum exceperint è tonsura. Describunt nobis bestiarum & lucifugarum serpentum sterilitate & omni infelicitate damnata cubilia, non domicilia hominum. Non tamen hic repugnabo acriter illud affirmantibus: dummodo & id cogitent, non omnes antiquorum narrationunculas esse Evangelia aut Fidei articulos. Quid enim de Zona torrida tradiderunt veteres? Quàm fecerunt illam torrentem & ustulantem omnia: & tamen adeo temperatam experiuntur nostri Belgæ, Hispani, Galli, Angli; ut neq; vestem ob æstum deponere, neq; ob frigus sumere cogantur: nisi quòd Josephus Acosta in Indiam navigans, cum sub Æquatore versaretur, sole in Arietem mense Martio ingressò, eas frigoris sensit morsuunculas, ut ab apricatione calorem mutuari habuerit

Thuan. Hist. lib. 11. Busbeq. Turc. Ep. 1.
Joseph. Acosta in Ind. nat. hist. lib. 2. cap. 9.

buerit necesse. Quid prodiderunt Aristoteles & alii de cygnis? Quot seculis creditum; quòd

Arist. de histor. animal. lib. 9. cap. 12.

Dulcia defecta modulatur carmina lingua
cantator cygnus funeris ipse sui?

Martial. in Xenis.

sed falsimoniam illorum suaviter febrientium meridies veritatis refellit experientia. Quid antiqua confector? cum his etiam temporibus reperiantur Itali, Hispani, Galli, qui de Germanis non aliter differunt, atque si Germania Utopiæ provincia censeretur. Witteberga Electorale Saxonie oppidum Natali Comiti est urbs propè inexpugnabilis, in planitie plana nudaque sita, quadratâ formâ, cujus pars extensior fluvium habet conjunctum, quæ potest vel procul accedentes conspiciere, &c. In hac descriptione quot verba, tot fabulas enunciat Historicus. Quin Joann. Boëmus, Aubanus, Germanus, & ipse de Germanis nonnunquam tam inscitè tricatur, ut eum vigilantem somniasse putem. Quid si Tacitus aliquando dormitavit? quem Budæus scriptorem omnium sceleratissimum, Tertullianus mendacissimum, Orosius adulatorem appellavit. Hæc verò censoria nomina nimis acerba non probo: & cum Lipsio potius Tacitum inter Latinos scriptores prudentiâ & judicio facioprimum; cujus equidem historia est veluti hortus & seminarium præceptorum, quæ moribus & affectibus emendandis tanquam sapientiæ gemmas narrationibus suis ingeniosè inserit: dico tamen illum erroris manifestum, quòd

Plin. hist. nat. lib. 10. cap. 23.
Frideric. Tileman. de histor. del. Georg. Nollenhagen in den warhafftigen Eugen/ cap. 22.

Lib. 3. Histor.

J. B. Aubanus de gentium morib.

Bodin. in Meth. Hist. cap. 4.

Lipf. in not. ad lib. 1. Polit. c. 9.

Tacit. lib. 5.
hist.

quod *Judeos ab Ida Cretenſium monte deduxit. Ita omnimale Punico granum ineſt putidum.*

Cæſar de bello
Gall. lib. 6.

Verum facite ita eſſe; fuerimus infeliçiſſimi omnium, & fuerit Germania ipſa barbaries. Quid proficimus? Aperite fenestras: circumſpice, Auditores. Ubi ſunt illæ fædæ paludes? Ubi eſt Hercynia ſylva; cujus latitudo IX. dierum iter expedito patuit, & cujus initium nemo, cum dierum iter LX. proceſſerit, dicere potuit? An ruderibus ſuis humata diſparuit? Sylvas quidem habet Germania, ſed ad neceſſitatis & utilitatis modum; quem focus, & opificia, & mercatura circumſcribunt: imò in Friſia occidentali & tractu proximo lignorum inopia eſt; ſi inopia dici poteſt, quam admirabilis ceſſitum eſt paluſtri terra effoſſorum, & ad ſolem torrefactorum copia, incredibili fœnore

Et offe.

compensat. Nam loca etiam ulgiſſima, aliàs frumenti haud feracia, Germanorum labor ad Reip. commodum attemperat: cum abraſa ſuperficie unctuoſas teſſellas eximunt, & ſiccant; quæ ignem & facile concipiunt & diu ſervant, præbentq; carbonem multò quàm quodvis lignum ardentiores. Cæterâ terrarum omnia cultiſſima & fertiliſſima ſunt. Quid enim ad felicitatem huic nobiliſſimo Würtembergiæ Ducatui de-eſt? Summen eſt. Quid Alſatia, tota ditio Rhenenſis, quid Belgium eſt? hortus eſt. Quid Weſtphalia, Haſſia, Saxonia omnis, Bavaria, Sileſia, Thuringia, quid Miſnia eſt? horreum eſt. Quid Franconia, Helvetia, quid Tirolis eſt? cella penuraria eſt. Quid Syria,
quid

Cæſp. Enſ. hiſt.
Belg. tom. 1.
lib. 1. in Friſia.

quid Austria eſt? paradifus eſt. Quid uniuerſa Germania eſt? cornu copiae eſt.

Virg. in Georg.

Illius immenſæ ruperunt horrea meſſes.

Certè ſolum agricolarum labores magnâ mercede frumentorum, frugum, & fructuum omnis generis liberaliter remuneratur: non tantum quando pingue eſt, uti in Austria, ubi vili & ſtrigoso equo ager ſulcari poteſt; ſed etiam, quando eſt arenosum & macrum. Nam in Campania Brabantia, & aliis quibuſdam locis aridis, coloni terræ corium latiori vomere in bractæas abraſunt, eaſq; artiſcioſè congeſtas ſubjecto igne redigunt in cineres; quibus in excoriatos illos agros inſperſis, ſiticulosas arenas ita letificant, ut ſupra quàm credi poteſt triticum profundant. Pauca in Germania noſtra provinciæ inveniuntur, quibus domini non ſuppetat tritici affatim: ſi quæ tamen ob populorum frequentiam indigeant, vicini ſubvehunt abundè. Sic in Hollandia, quæ tamen ſupra modum fœcunda, ſed parvula eſt; frumenti non ſatis creſcit pro tanta & ſtupenda hominum multitudine: nihilominus in Hollandia frumentum eſt reliqua Germania eſt copioſiſſimum. Quemadmodum & aliæ res eò cumulatiſſimè importantur; dante mari, quod terra negavit: ut non immerito inter miranda numeraverit Joſephus Scaliger, qui ſic ad Douſam.

Heins. in laudat. funeb. Jan. Douſæ.

Ignorata tuæ referam miracula terræ,
Douſa, peregrinis non habitura fidem.

Joſeph. Scaliger.

H Omnia

Omnia lanicium hinc lassat textrina Minerva:
 lanigeros tamen hinc scimus abesse greges.
 Non capiunt operas fabriles oppida vestra:
 nulla fabris tamen hæc ligna ministrat humus.
 Horrea triticeæ rumpunt hinc frugis acervi:
 pascuus hinc tamen est, non Cerealis ager.
 Hinc numerosa meri stipantur dolia cellis:
 quæ vineta colat nulla putator habet.
 Hinc nulla aut certè seges est rarissima lini:
 linifici tamen est copia major ubi?
 Hinc mediis habitamus aquis: quis credere possit?
 et tamen hinc nullæ, Doufa, bibuntur aquæ.

A. C. 1591.

Jansonius in
 Merc. Gallo-
 Belg. tom. 1.
 lib. 4.

Germaniam verò frumentorum esse divitem, esuriens
 Hispania magno suo commodo quotannis experitur:
 nec etiam Italia dissitebitur. Cum enim ante hos XXII.
 annos illam universam, & præsertim urbem Romam
 dira fames pressisset adeò, ut Judæis, meretricibus, &
 hominum purgamentis cæteris ejectis, in singula capita
 octo tantum panis uncia cottidie distribuerentur, de-
 creto ad id facta; quod antequam jussu Pontificis pro-
 mulgaretur, populum ex armari necesse erat: Holsa-
 tia, Dania, & Hanseatica Vandalorum civitates,
 atque Belgium, Italæ in communi totius provincie
 necessitate suppetias promptè tulerunt, & multas na-
 ves annonæ oneratas, circumnavigatâ Galliâ & Hi-
 spaniâ, per angustias freti Herculei in mare Medi-
 terraneum & Ligusticum, & in ipsos Italiæ portus,
 salvas magna cum gratulatione pauperum deduxe-
 runt;

runt; Pontifice cursorem, qui nuntium adventantium
 Germanorum primus attulerat, mille ducatorum ho-
 norario donante. Verum de fertilitate Germaniæ
 quis conjecturam capiat ex dititione Bernatium in Hel-
 vetiis; quæ licet neque Alsatiæ, neque Vvürtember-
 giæ, neque Austriæ, quæ jam olim exterorum calculo
 sine pari fuit, frumentorum proventu comparari pos-
 sit; tamen agro Mediolanensi, qui totius Italiæ longè
 feracissimus est, æquatur; dicentibus Italæ: che Ber-
 na & il Bernese, vale Milano & il Milanese.

Cuspinian. in
 Austria. Ant.
 Bonfinius rer.
 Ungar. decad. 4
 lib. 4.

Boter. in Re-
 lat. Europ.
 part. 1. lib. 1.
 in Germania.

Nec vinis indigenis in Germania, iisq; generosis
 destitutumur; quæ in Angliam, in Poloniam, in Moscho-
 viam, & in Septentrionis regna longè lateq; exportan-
 tur. Quod enim Rhenensi est delicatius? quod Nec-
 carico subtilius? quod Franconico fortius? quod Au-
 striaco suavius? & si magis specialia libare juvat:
 quod Pfetersheimio, quod Vvangemio, quod Trami-
 nio dulcius? quod Vipachico, quod Valtelino, nobilius?
 quod Baccharensi Principum mensis dignius? O Bac-
 charam, Bacchi aram!

Hæc mihi pocula sint: contemnam Gallia quot-
 quot,

Henric. Ste-
 phanus in lau-
 datione Bac-
 charæ.

Græcia quotquot habet, quæcunq; dat Itala tellus.
 Nec sitiam varios, mihi quos lautissima Roma
 sæpe ministravit, latices: me iudice quamvis
 Romanæ Bacchi sint maxima gloria mensæ.

Sicut Imperator
 Augustus quon-
 dam delectaba-
 tur Syro Ro-
 tico; Tiberius
 S. ost. re. ite.
 Carinus 11.
 Escobar. 11.

Nam varia ob varios passim celebrantur honores

Maximilianus I. Buchberger, ut constantissimo, quocumque, Sebastianus. Crus. Annal. Suev. part. 3. lib. 5. cap. 12.

Franconia cum Faleris montis autumno hodie audeat contendere de copia vini & bonitate. Stephan. Forcatulus in Polonia Felice.

S'on ne cuilloit de Stutgard le raisin, la ville iroit se noyer dans le vin, disent Galli.

vina, sibi propriam poscentia singula laudem: at tua cunctorum cumulata videmus honore, cunctorumque simul titulos laudesque mereri. Bacchi igitur meritò tribuit tibi nomen ab ara, Bachara: quicumque est primus tibi nominis autor. Cum vini bonitate quoque certat copia: quæ, nescio, an alibi sit major. Si quis autem est, qui gravatè mihi assentiat, is velim Herbipolim, urbem antiquitus celebri Dianæ fano, nunc verò Episcopali sede clarissimam, abeat; & in montes vitibus vestitos, quibus illa circumvallata est, excurrat; spondeo, illum in dubium vocaturum; quò fieri possit, ut tot vasa atque dolia, vino colligendo & asservando parata, urbs una capiat: Aut divertat is in proximam Stutgardiam; & inter perpetuos vitiferorum collium anfractus paulisper deambulet; vel in editissimum adscendat locum, & periculum faciat, an vinearum tractum universum possit oculis emetiri: scio, credet ille, non procul omnino à vero aberrare Stutgardianorum hyperbolen, jactantium: sibi plus vini, quam aquarum esse: & si rationes subdixerit, comperiet, ut hodie rerum sunt pretia, si vineæ Stutgardianæ omnes de integro statum inibus impedandæ essent, centum millia aureorum, & forsitan adhuc amplius, in eam unam rem insumptum iri: Aut etiam secundo Danubio in Austriam ligneo festinet equo, atque è monte Cæsio prospectum agri Viennensis circumcirca petat, observetque quantum vinearum cultura hodie promoveat? Nam ante CLX. annos, quo tempore

re urbis felicitas in summo tamen non fuit, Æneas Sylvius in hæc verba scripsit de Vienna: Incredibile videri potest, quot per dies singulos in civitatem victualia ingeruntur. Ovorum atque cancrorum multæ quadrigæ adveniunt: pistus panis, carnes, pisces, volatilia, sine numero afferuntur: ubi adversperascit, nihil venale ex his invenies. Vindemia hîc ad quadraginta dies protenditur: nullo non die trecenti currus onusti vino bis terque inferuntur: ducentos & mille equos indies ad opus vindemiarum exercet. Cellæ vinarie adeò profundæ & spatiosæ sunt, ut sub terra non minus, quam supra terram ædificiorum apud Wienam esse feratur. Contingit etiam aliquando, vindemiam apud nos ita abundare, ut nobilissimi liquoris æstimatio fere sit nulla. Nam in Suevia A. C. 1432. & 1483. & sequenti, vinum satis bonum nec ignobile eâ fuit vilitate; ut vas plenum pro vase vacuo daretur; multum, quod condi non poterat, effunderetur, aut calci ad ædificandum macerandæ adhiberetur. De prisco, & post aqua lactisque usum antiquissimo, quippe quem etiam ante terrarum inundationem primi sæculi mortales habuisse videntur, si vini usum primus invenisse rectè creditur Noachus; de peculiari, inquam, Germania & totius Septentrionis potu, cerevisia, sive bordeacio vino, quod Rostochii præcipue, Brunsvici, Zervestæ, Torgæ, Einbeccæ, Breslaviæ, Dantisci, Delphis, Paderbornæ, & ubi non? coquitur optimo vino conferendum: itidem de medone, Creticum dul-

Epist. 165. in descript. urb. Viennens.

Vienna. arage. En vina.

Crusius Annal. Suevic. part. 3. lib. 6. cap. 16. lib. 8. cap. 17. & 19.

Ph. Cluverius German. antiq. lib. 1. c. 17. Et vidit Cluverius biram Dantiscanam annorum L. X. miranda nigredinis (spissitudinisque): quæ tamen post tantam vetustatem non in sitis, sed morborum remediis habetur.

cedine sua vincente; quid attinet multa dicere? Nisi quod Italiam perfectiorem gustum mentemque sanio-rem precamur, qui cerevisiam capitali odio & sic persequuntur, ut eam a suis doliis & cellis vinariis gravi indicta poena proscripserint. Quid de croco Austriae, quo nullum invenitur excellentius; de thure & myrrha Moraviae, de glycyrriza Franconiae, de rubia Silesiae, de Thuringiae glasto? Quid de arborum opulentia? quid de pomariorum hortorumque ad invidiam amenantium & praestantium opibus? Singula singulas orationes postulant. In pecuaria quoque, quam coelum solumque nobis est benignum? quam proclive incommoda nostra est & promptum? Carnes omnis generis ferinas & domesticas, & saporis exquisiti, habemus abunde: nec spinis argenteis dentes fodiendo, ac si quid reliquiarum haesisset, ludimus famem: sed mundis dapibus pellimus. Quid laudatius Germaniae pabulis? ait Plinius. Et quid laudatius Germaniae armentis? ajunt hodie scriptores fere omnes. In Geldria magna vis bouum Dania usque ad pascuorum saginam mittitur quotannis. Hollandiae ex hac una re quanti proventus? ab una vacca nonnullis in locis undecim lactis mensurae, id est, fere congi tres, emulgentur aestivis diebus. Unde tanta butyri caseique optimi, Placentino nihilo inferioris, copia est; ut ex eo, quod ad exteras regiones effertur, decies centena aureorum millia annua cogi Lud. Guicciardinus testetur: quae sane summa precibus nostro tempore immane quantum ob pecuniarum auri argentique incremen-

Jac. Menochius
lib. 4. praesum.
152. num. 11.

Plin. Hist. nat.
lib. 17. cap. 4.
Bodin. in Meth.
Hist. cap. 5.

Quinetiam in
Selandia et Hol-
landia agris
tres ter quater-
que singulos an-
nos (non sine ad-
miratione) fe-
tare vidimus,
& interdum
ter geminos, &
quater geminos
parere: ait Bod.
de Rep. lib. 5. c. 1.

mentum audis, jam multo major sit ratio dicat. Helvetia nostra

Quam dives pecoris nivei, quam lactis abundans? Sic Bavaria, quae numerosissimos suum greges suppeditat aliis regionibus, quantum lucri facit? quantum numerorum ex eodem mercimonio corradit Vestphalia? quas Principum extraneorum mensas pernae Vestphalicae (quae a Gallis Moguntinenses, les jambes de Mayence, vocantur perperam) non intrant? cibus tam divinus, ut famen apud saturos inveniat vel in epuli calce. Equis quoque Germanicis, quibus non tantum in domesticis laboribus, sed & imprimis in bello gloria summa est, ut inhiant Galli? & quis animosius cataphractum militem ferat Frisio? quid non expectari possit a Carstis, Pomeranis, Hassis, Bohemis, & vicinis Steinlachianis? & quot celebres passim equorum merعات sunt in Germania? Francofurti solum nundinarum tempore quanta multitudo vel uno die videtur in spatiosissimo hippodromo? quanti est, vel unum ex Holstiae Principibus, illustrissimum tuum, cognate Joachime Erneste, Parentem, mille & amplius insignes equas propaginum causa alere? Sed ubi sunt hodie faedae paludes Taciti? Rarissima apud nos aquarum foeditas: imo maxima pulchritudo, commoditas, utilitas, & salubritas est. Non exspatiabor in maria: non expiscabor lacus. Non etiam Pomeraniae, Prussiae, Livoniaeque litora adibo, succinum lecturus: quod tamen praecipua & copia & nobilitate (nobilissimum autem est, quod candi-

Virg. in Ecl.
ga 2.

Vide Ph. Ca-
merar. medita-
Histor. Cent. 2.
cap. 91. & 92.

Ph. Cluver.
Germ. antiq.
lib. 3. c. 44.

candidum.) in ea Prussia regione, quæ vulgò incolis dicitur die Sudaro / Regiomontio contermina, invenitur: adeò, ut illud, quod ad Hispania, Britannia, aliarumq; terrarum litora olim legebatur, quodq; etiam nunc legitur, semper æstimatum fuerit prævum, vile, nulliusq; pretii, omnisq; fama & præstantia omni ævo uni soli Prussiaci succino (quod hodieq; Turci summo-pere expetunt, eoq; Persæ sua conclavia, Musæa, & sacraria ornare solent.) manserit; atq; etiam Tacitus & Theodoricus Rex, solos omnium hominum Ætios id legere, rectè pronunciaverit. Sed quæ alia regio nobis par est, fluminum nobilitate? Noster est Danubius, omnium Europæ fluviorum Rex,

qui centum populos, & magnas alluit urbes; noster est Rhenus, noster Albis; nostri sunt Nicer, Mœnus, Mosa, Mosella, Scaldis, Amasius, Visurgis, Suevus, Viadrus, Vistula, Dravus, Savus, Athesis, Licus, Oenus, Trauna, Anisus, Ilcius unionum ferax; & qui

fluit Isara Jaspide multo,

Isara, qui Slesius quanquam sit montibus ortus, gemmiferam tamen amne vehens prædator arenam

Bojemum limphis ditat furacibus Albim; & multò plures alii fluvii, quos supervacaneum sit recitare, nostri sunt: qui omnes & mercium, commeatum, aliarumque rerum sine magno impensarum damno inserviunt subvectionibus, locaq; quæ alluunt omni bonorum

Aug. Busbeq.
Ture. Epist. 3.

Piscationis annuus proven-
tus in Belgio,
Guicciardino
supputante, vi-
cies centenis
aureorum mil-
libus æstima-
tur. Caspar. Ens
in histor. Belg.
lib. 1.

Nic. Henelius
in Slesio-
graphia cap. 2.

rum affluentia collocupletant; & varietate piscium admirabilem ac multitudine quæstuosissimum piscatum reddunt. De Trauna ita scribit Silvius: habet Trauna miri saporis pisces; nescio an alius feracior sit fluvius: nusquam terram aut arenam juxta hoc flumen effodies, quin aqua inter crescente mox pisces invenias. Jovio quodam opus sit, qui salmones, salares, busones, fundulos, percas, lucios, thymallos, truttas, & mille piscium delicatiorum genera describat: quos si Praga condierit, nemo nisi insulsissimi sit gustus negabit, & pisces esse suavissimos, & culinam Pragensem hac in re erudire orbem posse. Sed quid de cancris fluviatilibus? Æsopo olim, nepotum omnium gurgiti maximo, tam suaves ac jucundi fuere, ut ab urbe Roma in Istriam navigaverit, ubi eorum copiam nasci audierat: sed cum in Istriam venisset, & multò grandiores ac meliores in Africa gigni intellexisset, repente portu solvit, & Africam petiit, ut grandiorib. cancris se exaturaret. At si Æsopus resciscere potuisset, Austriæ aliquot annes prægrandibus cancris scatere; totam verò Marchiam Brandenburgensem prodigiosè & abundantissimè plenam esse: momento temporis procul dubio, valedixisset Africa, & in Germaniam nostram advolasset. Sunt & inter aquarum dotes non ultimæ, cum salinæ: quarum virtus & opes Lunæburgi, Halæ Saxoniæ, Halæ Tirolensium, Halæ Suevorum, Halæ Bojorum, Halæ Austriorum, & alibi sunt inexhaustæ: tum fontes salubres, qui sunt valetudinis afflictæ per-
fugium;

Aen. Silvius
Epist. 170. ad
Joh. Campi-
sum.

P. Jovius scri-
psit de piscibus
Romanis accu-
rate.

Bodin. in theat.
naturæ lib. 3.

fugium; ad quos ex remotis terræ plagis primæ quoque dignitatis viri fœminæq; confluunt: vcreq; sunt isti officinæ, in quibus natura ipsa medicinam facit, & artis suæ majestatem infinitis miraculis contra Hippocratis & Æsculapii placita cottidie confirmat: vixq; est ullæ Germaniæ provincia, cui provida & benefica illa parens ejusmodi fontium & balneorum canalibus non prospexerit; & quibusdam sic cumulatè, ut hæc Vürtembergia sola plures ostendere, quàm foris tota regna ostentare queant. Cumq; rerum naturalium mystæ doceant, singularem illam aquarum in pellendis morbis efficaciam à metallicis saporibus eas imbuentibus conciliari; non importunè fecerimus, si interiores patriæ sinus & reconditas penetralium divitias per transennam quasi inspiciamus. Si enim qui in Galliis peregrinantur, S. Dionysii thesaurum, qui Venetiis versantur, gazam S. Marci perlustrare plerumq; ambitiosè sit agunt: cur nos à domesticis gazophylaciis, quibus Gallus ille Dionysius & Italus ille Marcus collati è Codri familia esse videantur, oculos fastidiosè avertamus? E terræ autem visceribus non tantum eruimus marmora diversa, candidi, nigri, rubri & variegati coloris; è quibus mensarum tabulæ, instar speculi relucens, magnificarum ædium camini, columnarum coronides, bases, scapi, aliæq; monumenta adornantur; & alia saxa lapidesq; & gemmas omnis generis, pretii, & usus varii; carbones lapideos admirandos, qui super infusâ aquâ accenduntur, oleo autem

Veneti thesauri
æstimatio & vicies
centena aureo-
rum millia a-
quare dicitur.
Phil. Camerac.
medit. Hist.
cent. 1. cap. 64.

ut in Ducatu
Limpurg. & in
Comitatu Na-
murensi. Lud.
Guicciard. &
C. Ens.

tem extinguuntur; verum etiam effodimus aurum, argentum, æs, stannum, plumbum, ferrum, & quicquid ad metalla referri potest. Fodinæ visuntur hinc inde celeberrimæ in Saxonia, Bohemia, Silesia, Austria, Styria, Alsacia, Belgio: & nulla provincia est metalli sterilis. Aurum quidem licet natura non semper trimodio & toto horreo admetiatur: tamen metallæ reliqua eò largitur uberius. Argentum enim fere omne Gallia, Hispania, & Italia, habuit ex Germania, ante novi orbis inventionem. Tamque illud est copiosum; ut totæ massæ prægrandes ex nonnullis fodinis eruantur. Et quidem una in Snebergi Georgio effossa est tantæ magnitudinis, ut illius videndæ gratiâ Albertus bellicosus Dux Saxonie in ipsam Georgium descenderit, cumque is & ejus corporis stipatores massam illam in mensæ usum adhibuissent, dixerit; Imperator Fridericus (erat tunc ejus nominis IV.) potens & dives est, hodie tamen ejusmodi mensam non habet. Ita alia insignis massæ patrum memoriâ reperta est in valle Joachimica, in capite fodinarum venæ, quæ & Stella & Suicera dicitur, pondo decem talentorum Atticorum. Quin argenti ea passim reperitur abundantia, ut nostrum seculum possit dici argenteum; cum, quod olim Equestri ordini erat factum difficilimum, hodie vel paulò lautiores rustici, potissimum in hoc Ducatu, argenteis & inauratis poculis aliisque utensilibus mensas & mundum ornent: quæ in pecuniariam æstimationem redacta,

Georg. Agricola
de natura
fossilium, lib. 8

quot aureorum, aureorum autem? imò tonnarum myriadibus summa circumscribetur? Ut etiam inde non leve ducatur argumentum, quare prædia & quaecunque alia bona hodie tam grandi pretio emantur vendantur, præquam olim æstimata fuerunt. Nam olim

A. C. 1367. Episcopus Pataviensis Albertus vendidit Ulrico & Henrico fratribus Comitibus Schaumburgensibus Eferdingam, superioris Austriæ oppidum, cum omni jurisdictione & jure, quater mille libris numulorum Viennensium, hoc est, ut noster loquendi mos est, quatuor florenorum millibus; singulis florenis quindecim baciū: at hodie illius oppidi pretium ad centum milia surget. Totum hoc oppidum Tubinga olim venit octies mille & ducentis libellis obolorum: at hodie prædia sunt in territorio Tubingensi, qui majoris sunt.

A. C. 1408. Olim Balinga à Friderico Comite Zollerensi viginti duobus millibus florenorum ad Württembergiam pervenit: hodie privatorum ædes inveniuntur non paucæ, Augustæ Vindelicorum, Norimbergæ, & Vienna, quæ triginta, quadraginta, & amplius florenorum millibus taxantur. Copia, inquam, argenti pretia rerum exaggerat: & ipsius vilitas omnium rerum invenit caritatem. Etiam ipsi Helvetii jam argentum noverunt. Nam illo tempore, quo cum Carolo Pugnace Duce Burgundiæ bellum gesserunt, tantà premebantur inopiâ, ut ipsorummet legati ad Carolum de pace missi inter alia demonstraverint, pluris debere æstimari calcaria & equorum frena in exercitu Carolino,

A. C. 1301.
hoc est: 5857.
flor. 4 solid.

Response de Bodin
au sieur de Malestroit.
Idem Bodin. de
Repub. lib. 6.
cap. 2.

rolino, quàm omnem eam pecuniam, quæ ex ipsorum agris cogi posset: & cum si perbum hostem pacis nomen fastidientem postea prope Cironsonium vicissent ac fugassent, prædâ optimâ & regiâ omnino potiti, ignari tamen, quantas opes & divitias consecuti essent, pecuniam captam non numerabant, sed pileis dividebant; tabernaculum quoddam Caroli longè pulcherrimum & exquisitissimum in multa frustra discindebant; patinas argenteas nonnulli, cum stanneas esse putarent, vilissimo pretio vendebant; adamantem item Caroli toto orbe celeberrimum, cui erant appensi aliquot uniones, quidam, ubi reperisset, in pyxidem reponens, mox sub currum abiciebat; paulò post reversus recipiebat, & sacrifico cuidam vendebat aureo numo: isq; deinde à sui oppidi magistratu, cui miserat, accipiebat aureos duos. Verùm Helvetii eâ occasione de auro argentoq; communem hominum opinionem apprehendere cœperunt; & eâ dexteritate progressi sunt, ut facti pecuniosissimi argentarios nunc justè & utiliter argentum, versandi & collocandi modum docere possint; nec raro ab illis tanquàm bonæ fortunæ depositariis Galli & alii populi in maximis necessitatibus ingentes pecuniarum summas impetrarint. Quod autem de argenti redditibus dixi; idem de plumbo, stanno, ferro, & reliqua omni metallica opulentia intelligendum est: quæ non minori fœnore labores impensasq; fossorum & patronorum habetenus beaverunt. Audite, quid Imperator Maximilianus I. invictissimi Domini Imperatoris nostri MAT-

A. C. 1476.

Crus. Annal.
Suev. part. 3.
lib. 7. cap. 12.

Pbilip. Comi-
naus commen.
lib. 7.

Steph. Pighi-
us in Hercule
Prodicio.

Noter. in Relat.
Europ. part. 1.
lib. 1. de Comi-
tat. Tirol.
Georg. Agrico-
la de veterib. &
nov. metall. lib.
2. contra nug-
tur Renatus
Herpinus in
Apologia pro
J. Bodin. Repu-
blica.

THIÆ abavus, de Comitatu Tirolensi, metallis foeta pro-
vincia, judicaverit: & idem judicate de aliis locis me-
tallorum fertilibus: illam scilicet rudem & agrestem
rustici tunicam, multis quidem plicis & rugis horri-
dam ac deformem; valde nihilominus bonam, cali-
dam, ac commodam esse. *E montium enim illius
Comitatus scriniis hauriuntur permagni auri, argen-
ti, metallorumq; omnis generis optimorum thesauri: ca-
cumina silvis ferarumq; multitudine plena sunt, col-
les & clivi frugibus ac vineis: valles fluminum ac
fontium aquis irriguæ, armentis & pecoribus refertæ
sunt: quæ pabulo non minus, quàm lacus & stagna in-
ter montes spatiosissima variis & nobilissimis piscibus
abundant: ut ita Tirolis non solum Ducatui, verum
etiam regno divitiis possit æquiparari. Audite verò
etiam, quid Germaniæ nostræ Plinius, Georgius Agri-
cola, de Germaniæ metallis scripserit: Nostri tem-
poribus, ait, Germania præter cæteras Europæ regio-
nes magnam metallorum copiam effundit. Etenim
auri ramenta defert Albis, Edera, & multi rivi. idem
effoditur in Vestophalis Corbachi: in Francis, Steine-
heidæ: in Lygiis Reichesteini, & Zucchemanteli; in
Carpato monte. Argentum verò eruitur in Saxonia
Cellerfeldi, & in finitimis locis: in Misena Fribergi,
Mariebergi, Annebergi, Snebergi: in Boëmia, in val-
le Joachimica, Cottebergi, & in multis aliis locis.
Argento autem vivo in Boëmia foecundum est
Schonbachum, item Beraunum. At æris copiam
suppedi-*

suppeditat Melibocus & Carpatus. Plumbi candidi
fertile est in Misena Aldebergum & Irberesdorfum:
in Boëmia Slacchevaldum: sed plumbi nigri mons
Ramelus ad Goselariam in Saxonia: cinerei in Misen-
na Snebergum. Ferrum autem innumeri loci dant,
sed optimum in Sorlandis Segena: in Francis, Sulce-
bachum: in Misenis, Gishabelum & Lauesteinum.
*In hac omnium fortunæ bonorum affluentia, jubebat
charitas aliquid, imò quicquid domi non erat usui &
necessitati sublevandæ, foris in proximos & egenos
auxilii populos elargiri: sed jussum prævenit Germa-
norum promptitudo; quæ*

nil negat, & sese vel non poscentibus offert.

*Olim, dum barbari tamen adhuc dicebamus, quem-
cunque mortalium arcere recto nefas putabamus;
pro fortuna quòque advenam apparatis epulis exci-
piente, nemine notum ignotumque, quantum ad jus
hospitii discernente. Nondum degeneravimus, po-
pulares mer: virtutem illam charitatis dexteram reti-
nuimus: & haud dubiè portio ejus est non aspernabi-
lis hodie mos iste, peregrinos vino & lautis honoran-
di, qui non exiguis sumptibus absolvitur. Sed &
extra hæc lautia animus Germanorum multò lautissi-
mus vel ipsam provocat munificentiam. Ille*

nunquam divitias nigrantibus abdit in antris;
nec tenebris condemnat opes; sed largior imbre
æsolet innumeras hominum ditare catervas.
quippe

Claudian. lib. 2.
in Eutrop.

Tacit. de mo-
rib. German.
adde Cæsar.
comment. 6.
Diodor. lib. 4.

Claudian. in
panegy. Probi.

quippe velut denso currentia munera nimbo
usque videre licet populis nudare penates,
assiduos intrare inopes, remeare beatos.

Ne tamen omnia dando, & nihil accipiendo, impru-
denter in egestatem precipitaret patria; honesta popu-
lo permissa est mercatura: ut quicumque infra nobilita-
tis gradus essent, liberè res domi superfluas aliò effer-
rent, & inde utiles domum referrent. Quod rei cum
publicæ tum privatæ lucro cessit maximo: civibus e-
tiam bene multis privatorum conditionem ita feliciter
supergressis, ut ad magnatum fortunas pervenerint.
Ut autem nulla non Germaniæ civitas mercaturæ va-
cat: sic Inferiores Germani hæc laude Superiores su-
perant plurimum: cum viri pariter & fœminæ, senes
& juvenes ibi negotientur, in eamque rem plures singuli
linguas addiscant: & insuper ipse regionis lectus se ac-
commodet commercio totius orbis. Quod vel navium
multitudo planum facit dubitantibus: si quidem quot an-
nis in Hollandia solum, millenas circiter naves constru-
ajunt oceano sulcando aptas: quarum singularum nuda
fabrica & materia, sine armamentis, binis constet au-
reorum scutatorum millibus: ut à vero non abeant, qui
credunt, Ordines Belgii confœderatos, si in conti-
nente nullo bello implicentur, majorem navium clas-
sem in mare educere posse, quàm Principem alium in
Christiano Orbe quemquam: cum Daniæ Rex ob in-
juriam legato suo illatam uno eodemque tempore sex-
centas naves Hollandicas per Cimbricum fretum na-

vigan-

Casp. Ens in
hist. Belg. lib. 1.

Petr. Matthæus
in histor. Hen-
rici IV. G. R.
lib. 6. narr. 3.

vigantes detinuerit; quæ omnes ex eodem portu, Flevi
scilicet ostio, fuerant profectæ; præter eas, quæ ex eo-
dem & aliis locis in Angliam, Scotiam, Galliam, Hi-
spaniam, Lusitaniam, Norvegiam, Italiam, Ægy-
ptum, Turciam, veteris denique & novi orbis insu-
las solverunt. Amstelodamum, quod hodie florentis-
simum Europæ est emporium, tot unico sæpe die ex di-
versis oris & regionibus appellant vela, quot annus in-
teger dies complectitur. Qualis fuit Antuerpia, ante-
quam Martis intemperiem passa est? Uno ibi mense
plura & majora inter mercatores tractabantur nego-
tia, quàm Venetiis duobus annis. Et qui studiosius
quævis rerum admiranda in memoriæ codices referre
solent, observârunt: in illa temporum felicitate, cum
ditiores totius penè Europæ mercatores cum suis opi-
bus in hanc urbem confluerent, eam aliquando trecentas
è sola Hispania familias, plerasque potentes incoluisse: ibi-
dem tunc singulis diebus bis, statis horis ante meridianis
& pomeridianis, in celeberrimo urbis compito, quod
medium Janum quidam non immerito, alii Bursam di-
xerunt, supra quinque hominum millia negotiationi-
bus Orbis terrarum expediundis conventus egisse: item
sæpe ibi in Scaldi flumine bis mille & quingentas na-
ves mercatorias in anchoris stetisse; & quotidie quin-
gentas minimum adnavigasse, aut enavigasse, variis
mercibus onustas; multoties unico maris æstu quadrin-
gentas appulisse: vix diem insuper abuisse, quæ non du-
centos viderit currus vectoribus gravidos, non annu-

Joan. Jfac. Pon-
tanus in hist.
Amstelodam.
lib. 2. cap. 19.

vi si facevano
più facende in
un mese, che
in Venetia in
due anni. Boter.
in Relat. Europ.
part. 1. lib. 1. de
Brabant.

Carol. Scriba-
us in originib.
Antuerpiensib.
cap. 8.

K meratis

meratis plaustris Germanicis, Hansaticis, Lotharingicis, Gallicis, quæ unâ septimanâ millia adæquabant; nec etiam in istum numerum venientibus carris rusticis commeatum copiosè deportantibus, qui unâ septimana decem millia superabant: denique in perennibus hisce commerciorum vicissitudinibus & jugi exercitio, singulis annis, in rerum emptiones ac venditiones quingentos argenti milliones, auri nimirum centum triginta tres, & quod excedit, erogatos fuisse; extra tamen cambia & recambia (sic enim hodie loquimur: & utimur sermone tanquam nummo, cui publica forma dat pretium) sive campsualem pecuniam, illam reciprocam & tanquam adlabentis relabentisq; oceani æstu adfluentem refluentemque statâ accessione & fugâ; dum per universum orbem inambulabat fenerario ita redituq; quam nulli propè numeri capiant, nulla Arithmetica expleat. Unde cum arbs hæc Anno Christi 1576. ab Hispanis immaniter & avarè direpta esset, pecunia tantum collecta & extorta (omnem tamen non potuere nancisci; multis parvo se redimentibus, quater centum florenorum millia & plus in arcis custodiebant) ad vicies centena millia coronatorum æstimata fuit; in ea summa minime comprehensis gemmis & pretiosis cimeliis, aureis vasis & argenteis; nec etiam incendii damno, quod non fuit minoris: milite interea incertum relincente, majorène licentiâ pecuniam corraderet, an jam partam dilapidaret. Mox enim in ipsa Bursa mens-

Rationibus sc.
ad valorem
monetæ Belgi-
cæ subductis.

Em. Metera-
nus in histor.
Belg. libr. 6. &
Thuan. hist.
lib. 61.

sa in aleæ lusum publicè collatæ sunt, in quibus plerique ex gregariis etiam militibus uno die adversâ aleâ ad decem coronatorum millia perdiderunt. Consultiores cum periculosum ducerent, prædam extra urbem deferre, pugionum & ensium manubria, alii galeas ac loricas ex auro solido confici & sandarachâ infucari curabant, ne colore dignoscerentur: qua in re tamen aurificum astu decepti sunt, qui cupri & æris mediâ parte auro admistâ direptionis partem ab ignaris prædonibus callidè reciperarunt. Nec tamen sic abiit pecuniaria negotiatio ex ista urbe: sed & in ipsis mediis Martis furoribus ad miraculum floruit postea. Vidimus annis superioribus, paulò ante pactas inducias, e privati nobilis negotiatoris manu, ingenti ausu, vix solidis diebus viginti, in militaria stipendia supra septingenta aureorum millia fuisse expensa; vidimus deinde ab eadem manu, mense uno, auri millionem unum: ab eadem denique, mensibus non tribus integris, portentoso conatu, auri milliones duos, & super hæc, aureorum septingenta millia. Inter humani animi prodigia ducit Plinius æs alienum Milonis illius, qui P. Clodium occidit. At quid sestertium septingenties (tantum debebat Milo) ad auri milliones sex, quos privati duo Antuerpiæ privato debuerunt nomine, sed quibus Rex ipse plura longè debuit? Sed missis Antuerpiæ opibus, auriq; tonnis ac millionibus,

Ita scribit Carol. Scribanus in Antuerpia cap. 9.

Natural. Histor. lib. 36. c. 15.

relinquamus Belgii mercaturam; & aliquem mercatum sive panegyrum in Superiori Germania considerare. Florent & vigent hoc nomine Lingium, Freistadium, & Cremsa in Austria; Lipsia in Misnia, Bozenum in Tirol, Argentina in Alsatia, Nordlinga in Suevia, Francofordia in Marchia, Numburgum in Thuringia, Gracium in Stiria, & plurima oppida alia: sed Francofurtum, quod ad Mœnum sedet, omnium totius orbis nundinarum est caput; ubi quis merces non solum quasunque requisierit, sed plerasque etiam, de quibus ne cogitaverit quidem, & de quibus nec ipse nec alii multi quicquam fando audierint, expositas videbit: idque cum tanta in unoquoque genere copia, ut non è multis civitatibus, sed ex orbis universi regionibus coactas congregatasque fuisse crediturus sit.

Tot tibi nostra dabit pulchras Francofordia merces: hæc habet, ut dicas, quicquid in orbe fuit.

Gargara quot segetes, quot habet Methymna racemos;

æquore quot pisces, fronde teguntur aves:

quot cœlum stellas, tot habet Francofordia merces;

Mercuriusque suo prostat in emporio.

Seu caperis nostram peregrè advenientibus urbem;

Ante oculos veniet merx numerosa tuos:

sive petis merces patrias, tibi mille placebunt;

cogèris voti nescius esse tui.

Quid verò Auditores? Num latrocinia non turbant commercia? Num itinerantibus mercatoribus nullæ timen-

Henric. Stephanus in encomio nund. Francof.

timentur prædonum iendicula? Olim fieri potuit in illa bellicosa & Martiali mundi ætate, cum jus in viribus omnes gentes haberent, ut nec maiores nostri fortè ubique fuerint innocui: sicuti & Cimbros Gallicâ linguâ latrones dici Sextus Pompeius memoriæ mandavit: eâ videlicet significatione, quâ Ægyptius superstiosum, Chaldæus astrologum, Sibarita delicatulum denotat. Et quidem illa priscorum latrocinia, quæ juventutis exercendæ ac desidii minuendæ causâ instituebantur, à communi hominum existimatione eam honestatis sumpserant speciem, ut ii, qui ducem sequi detrectarent, in desertorum ac proditorum (patriâ linguâ, Berrâhter vnd Echelmien) numero ducerentur, omniumque rerum iis postea fides abrogaretur. Atque hanc audaciam sive animositatem æquè olim usurpabant Ægyptii, Scythæ, Assyrii, Medi, Persæ, Græci, Romaniq;, cum in exteras gentes imperia constituerent; ut propterea etiam ipse Alexander populusque Romanus latrones passim apud scriptores audiant. Verum hodie in nostra Germania meræ regnat innocentia: probitas & gravitas proborum & gravium virorum testimonio nobis est nativa, non semper in Gallorum gente (nec etiam apud alias) reperienda. Et quemadmodum Eberhardus I. Dux Vvürtembergiæ (qui cum Hierosolyma peteret adhuc investis, sed redux referret barbam, & postea præter ætatis suæ morem aleret, Barbati nomen accepit.) non tam familiæ tuæ, Friderice Achilles cognate, quàm seculi sui lumen; illud inter

Cæsar. comment. lib. 6.

Phil. Cluverius Germ. Antiq. lib. 1. c. 19. & 46.

Lipf. in Epistola.

Crus. Annal.
Suev. part. 3.
lib. 7. cap. 14.

Wab Erenberg
de onerib. sub-
dit. cap. 6. n. 37.

Lips. ad Tacit.
lib. 13. Annal.
num. 50. &
Aventin. in
procem. An-
nal. lib. 2.
Suet. in Galba
capit. 12.

Tacit. Annal.
lib. 14.
De Germanis
observanti-
mis juris jura-
di singulariter
traditur hodie:
ait Alber. Gen-

meritorum & laudum summa ponebat, quod in media
aestate ruri possit securus cubare in gremio cuiuslibet
suorum civium, & suaviter quiescere: ita idem jam
licet in Germania omni; quæ tota securitatis est por-
tus, magistratibus in id strenuè operam collocantibus;
ut & Philippus Hassiæ Landgravius inter notas boni
Principis retulerit, viarum securitatem. Tantum
autem illi Germanorum nativæ probitati semper tribu-
tum est, ut maximi quique Imperatores, Reges, ac
Principes, sese vitamque suam eorum custodiæ credide-
rint. Hunc honorem exhibuit pugnacissimæ & fide-
lissimæ genti Augustus, Tiberius, aliique ad Galbam
usque; qui cohortem Germanorum, ait Suetonius,
à Cæsaribus olim ad custodiam corporis institutam,
multisque experimentis fidelissimam, dissolvit. Sed
receperunt eos postea reliqui Imperatores. Etiam He-
rodes Judææ Rex nostram gentem in satellitio habuit.
Quæ laus adhuc perennat: Imperatore, Papâ, Hispa-
niarum, Galliarum, Sarmatiæque Regibus, & magno
Duce Hetruriæ, aliisque exteris præclaris Principi-
bus, vitam & salutem suam Germanorum tutelæ com-
mittentibus: ut nunc optimo jure possimus non Romæ
in aliquo Pompeii theatro, sed in omnium morbis univer-
si ordinum confessu cum legatis Frisus gloriari; nul-
los mortalium armis, aut fide ante Germanos esse.
Equidem iactura nulla tanti fuit, ut fidem non præ-
tulerint. Unde & in pessima alex consuetudine prisca
patres, cum omnibus deficientibus rebus, in quas lude-
rent,

rent, extremo ac novissimo jactu de libertate & de
corpore contenderent, victi voluntariam servitutem
adierunt; & quamvis juniores, quamvis robustio-
res, alligari se ac venire passi sunt: fidem id postu-
lare dixerunt. Servitus tamen illa minimè fuit Ro-
mana, id est, crudelis, veluti imperium esset in bestias,
non in homines: cum Germani raro verberarent ser-
vum, ac vinculis & opere coercerent; domino fru-
menti tantum modum, aut pecoris, aut vestis, ut colono
injungente; & servo hætenus parente. Sed ille alex
furor atque etiam servitus ipsa hodie nobis ignoratur.

Verum enim verò probitas nationis nostræ quasi
arbor est floridissima, quæ in omnes partes pulcher-
rimos virtutum ramos fructibus onustos & pendulos
projicit: ingrati sumus, nisi aliquid decerpamus &
ligamus. Castitas & pudicitia, quæ sententiâ
Ægidii sodalis Franciscani est veluti illustre specu-
lum, sed quod solo anhelitu infici ac maculari potest,
ubi terrarum est integrior? ubi incontaminatior?
Intra annum vigesimum foeminae notitiam habuif-
se, in turpissimis habent rebus; de Germanis scripsit
Cæsar. Sera juvenum Venus, eoque inexhausta pu-
bertas; nec virgines festinantur: viri singulis uxori-
bus contenti sunt: paucissima in tam numerosa
gente adulteria, quorum poena præsens; uti &
publicata pudicitia nulla venia: de iisdem scripsit
Tacitus. Nec alii mores sunt hodierni: quibus
nostra maximè omnium nationum honesta-
tem

tit. de jure belli
lib. 3. cap. 13.

Tacit. de mori-
bus Germ.

Hæc alex infan-
tiâ immanio-
res fuere Hun-
ni. Vide Lips.
in not. ad Tacit.
German. n. 67.

Pet. Rodolphi-
us Seraph. Re-
lig. lib. 1. pag. 63.

Cæsar de bello
Gallic. 6.

Tac. de morib.
German.

Thuan. Hist.
lib. 71. ad fin.

tem conjugiorum juxta DEI præceptum colit: scribit Thuanus.

Horat. lib. 4.
carm. ode. 5.

Nullis polluitur casta domus stupris;
mos & lex maculosum edomuit nefas:
laudantur simili prole puerperæ:
culpam pœna premit comes,

Thuan. Hist.
lib. 21.

Venusque illicita tamen est exosa, ut nohis non tantum viam ad honores literarios alicubi, sed & in opificiis exercendis libertatem, quâ legitime nati fruuntur, plerisque in locis intercludat. Ideo optimus quisque impudicitiae vindex est acerrimus. A quo crimine Maria Regina Hungaria, Imperatoris Caroli V. soror, antiqui moris & gravitatis foemina, supraque sexum fortissima, tantopere abhorrebat, ut nunquam à Cesare exorari potuerit, ut cuidam ex primaria nobilitate juveni, fratri percharo, qui unam ex domesticis ipsius virginibus corruperat, culpam condonaret, palam interminata, sicubi illum nancisceretur vel in fratris comitatu, fore, ut extremo supplicio adficeretur. Neque discivit heroina à proavo Carolo pugnace, Belgii Principe: qui sine adpectu & adfectu in præfectum oppidi cujusdam Zeelandici memorabili exemplo animadverterat. Iste præfectus foeminam corpore & moribus scitam, sed animo meliorem deperibat; tentabat omnia, quæ solent & possunt amantes; frustra tamen. Dein ex desperatione ad scelus properans maritum amatæ foeminae proditionis insinulat, & vin-

Just. Lipsius in
monit. Polit.
lib. 7. cap. 9.

ctum in carcerem compingit: ac mulieri virum castè amanti, & pro liberatione illius impigre omnia agenti, innuit; mariti vitam in amoris fructu verti; simulque ad talia trepidanti, rubenti & pallenti, vim adhibet, & potitur. Voti compos nihilominus maritum in carcere damnari, damnatum capite plecti, atque cadaver in arcam ligneam includi curat, mox sepeliendum; imò conjugem ex pacto maritum recipere sperantem, & nihil suspicantem, abire & tollere jubet: quæ tristi spectaculo percussa super cadaver se abjicit, diuque lamentata, consilium viamque ultioni exquirat. Venit in Aulam querula, & rem ordine Principi denarrat: qui, præfecto vocato, interrogato, perplexè multa loquente, tandem confitente, & gratiam implorante, etiam mulieri, ut injuriam solatio aliquo corrigeret, se in matrimonium offerente; illi primum abnuenti, postea aliorum suggestionibus annuenti, novum maritum copulat; etiam persuasum, ut supremis tabulis, si prior sine liberis moriatur, conjugem hæredem ex æsse statim instituerit. Quibus peractis, foeminam jam animo suo factum esse satis testante, Carolus nondum sibi satisfactum esse declarat; & illam ablegatâ, Præfectum in illum ipsum carcerem duci, in quo maritus cæsus, & pariter cæsum in arcam ligneam sive capulum deponi imperat. Tunc mulierem ignaram eò mittit: quæ inopinato iterum casu conterrita, duobus maritis, eodem fere tempore, eodem certè supplicio amissis, mox in morbum incidit & fato obiit: hoc solum alteris nuptiis lucrata, ut li-

L beros

bcros ex priore conjugio divites relinqueret novā hereditate. Sic pudori & castitati consulitur, Auditores: sic stimuli & pruritus vagæ libidinis in Germania retunduntur. Addi quoque mereitur Mariæ avus Imperator Maximilianus I. qui inter alias doctes fuit corpore pulcherrimus; sed ita verecundus à conspectu aut contactu, ut nemo vir aut foemina nudum eum viderit aut retectum. Subducebat se furtim, aquam sumpturus; ad lectum iturus, nec cubiculum quidem ad exuendum, deponendum, collocandumque se admittebat: adeo ut nulla virgo magis teneri pudoris fuisse videatur. Insuper testamento cavuit, caligas & feminalia mortuo sibi induci: ut & tunc cura pudoris esset, cum jam non esset. Sed illibate fidei conjugialis quam illustria nobis suppetunt monumenta in vicinia? Vvinspergum Vvürtembergiæ adhuc calet amore uxorum in maritos. Cum enim Cæsar Conradus III. in illo oppido Guelphonem Bavarum obsedisset, foeminarum precibus hoc dedit, ut inviolatæ abirent, hæc lege, ut nihil secum, nisi quod humeris possent, auferrent: quæ fide majore dicam, an pietate, relictis aliis rebus omnibus, dulcissimum onus, maritos tergis, puerulos brachiis, omnibus insigne & admirabilis charitatis strategema commiseratione & applausu prosequentibus, foras bajulant; sicq. victorem Imperatorem, qui de mundo tantum muliebri cogitaverat, ipsum vincunt; lacrymis nobile facinus comprobantem; & maritis vitam atque libertatem, quam

Cæspian. in
Maximil. Lips.
in monit. Polit.
lib. 2 cap. 17.
M. ch. d. Mon-
targ. lib. 1. des
Ej. n. comp. 3.

Laurentius Me-
dicus, ex hujus
Historia recita-
tione à morbo
convaluisse di-
citur. Bodin.

Nauclet. vo-
lum. generat.
38. Cæf. Annal.
Suev. part. 2.
lib. 10. cap. 3.
Beem. in pro-
cem. meth. hi-
stor.

perdi-

perdituri fuissent, generosè conservant. Salu jam trajiciamus in alium probitatis ramum, qui est modestia: non illa, quā insolitā animi magnitudine Imperator Carolus V. post Diocletianum, Anastasium II., Theodosium III., Isacium Comnenum, Michaelē Rangaben, Michaelē Duca F., Nicephorum Bottonaten, Manuelem Comnenum, Joannem Cantacuzenum, Lotharium Ludovici Pii F. (plerosque invitos) se imperio & omnibus provinciis abdicavit; XII. ministris, & uno equo, quo propter imbecillitatem veheretur, contentus: aut quā Imp. Fridericus IV. non tantum Bohemorum, verum etiam Moravorum, Regnum & Marchionatum, Ladislao Pragæ mortuo, offerentium vota modestā excusatione frustratus est: aut quā Fridericus Elector Saxonie Imperii dignitatem recusavit, suoq. Carolum V. designavit suffragio: aut quā Joannes Gropperus Cardinalitiam purpuram repudiavit: sed illa, quæ est in cultu; quem uti non contemnunt probi Germani omnem, ita ejus apparatu virtutes non metiuntur, minus mentiuntur. Sicuti enim nani disfundunt se laxiori veste, pedum digitis nant, ansati ambulant; ut grandes & corpulenti videantur: ita bonæ mentis exules, quales sunt Thrasones, histriones, funambuli, mangones, faui, & id genus, in transmarini luxus & externæ pompæ splendore dementia latibulum quarant, virtutemque fingunt, quam non habent. Imperator Carolus Quintus, in omnibus maximus, in cultu tamē

Thuan. histor.
lib. 16.

Cuspin. in Fri-
derico.

Slerdan. com-
ment. de statu
Relig. lib. 1.

Thuan. hist.
lib. 16.

modicus vel potius tenuis fuit: quod notarunt Itali, & mirati aut calumniati sunt in solenni ejus ingressu Mediolanum. Cives enim omnia magnificentissime instruxerant, plateas aulæis, tabulis, frondibus, & sese quisque vestibus exornaverant, ut nihil augustius & opulentius in ornamenta triumphalis pompæ excogitari præstare potuerit: sed ille & Imperator, & non semel Rex ac Princeps, in atra penula & vili pileolo spectari voluit; cum foeminarum & plebis curiosa vanitas pictam ex auro trabecam, & fulgentem gemmis in Cæsaris capite coronam expectaret. Rudolphus I. ejusdem sanguinis, in illa tenuitate Carolo adhuc major fuit: qui ab Ottocaro, potente Bohemæ Rege, cujus ille elincuria magister fuerat, homagium accepturus, indutus erat veste griseâ, sive cinereâ; cumque monitus esset, pararet se cultu ornatiore & Imperatorio, talem tantumque Regem auro, argento, gemmis, serico radiantem, admissurus; ille renidens, imò Rex Bohemæ, inquit, griseam meam vestem saepe derisit: nunc ipsum vestis mea grisea deridebit. Quod & factum. Nam licet Ottocarus sub papilione fidem præstaret; deprecatus ignominiam, ne publicè genibus ejus advolutus conspiceretur, cujus servitio & ministeriali operâ olim usus fuerat: tamen solutuli tentorio opportunè remisso & in partes distracto, ille non sine ludibrio supplex Imperatorem adorare visus est. Ottocaro luxu pares Græci; quos Germani, Imperatoris Henrici

P. Jovius histor. lib. 40. & Lips. in monit. Polit. lib. 2. cap. 15.

Albert. Argentinensis in Chronico. Cuspinian. in Rudolpho. Wolf. Lazius Genealog. Aust. Com. n. cent. lib. 1. cap. 11. Lips. in monit. Polit. lib. 2. cap. 15.

Henrici VI. (non V. ut Lipsius vult.) legati, acerbè insectati sunt. Res est digna relatu. Ille miserat ad Alexium Angelum, Principem Byzantinum, magnam pecuniæ vim tributi nomine petitum. Alexius ut opes suas & potentiam ostenderet, & oculos exterorum veneratione aut metu præstringeret, omnes suos quam ornatissimos comparere jubet, auratos gemmatosque: ipse autem à capite ad calcem nil nisi splendor & nitor. Tum Græculi Germanos affari, cubitis tangere, & digitis præire; ut Imperatoris vestem & gemmas adspicerent; quibus ille, ut floridum aliquod pratum, aut Alcinoi hortus, variè nitebat; En, agebant, vel in media hyeme veris opes & gratias usurpate, & oculos iis pascite atque hilarate. Quid verò ad hæc nostri Germani? Nobis, inquiunt, admirationi non sunt ista vestra muliebria spectacula: atque adeò tempus jam est, ut his sepositis ferro aurum commutetis. Si Imperator Alexius postulata neget, necessitas ei imponetur pugnandi cum viris ejusmodi; qui non gemmis, ut prata floribus resplendeant; neque vestibus variatis, ut pavones, gloriantur; sed qui veri Martis alumni flammam nitoremque ex oculis in acie jacent, ac sudorem margaritis splendidiorem totos dies stillent. Exitus hic fuit: ut Henricus, qui pendi sibi quotannis quinquaginta centenarios auri poposcerat, legatione Alexii mitigatus sedecim auri talentis acquieverit. Et tunc primum ab Alexio tributum, quod Alemanicum appellabatur, institutum est. Quæ res molestiæ plena

M. Cruf. Anna. part. 2. li. 12. c. 4. Lips. in monit. Polit. lib. 2. c. 15. uterque ex Niceta Choniata. lib. 1. de Alexii Comneni imperio.

Vide Glossarium Meursii.

cum tumultum minaretur, Alexius sacra donaria è templis auferre conabatur: quod ubi successu caruit, sepulchris Imperatorum effosis ornamenta eorum abstulit, ne Magno quidem Constantino parsurus, nisi intercessum fuisset. Sic ad septuaginta centenarios argenti, & non nihil auri, confecit: sed Henricus, antequam pecunia mitteretur, in vivis esse desiit. Ast quò provehor? Quò me virtutum Germanicarum flumen rapit? Singulas si exequar:

ante diem clauso componet vesper olympo.

Attamen tacere non possum Imperialem & Regiam gentis nostræ virtutem, Fortitudinem; quâ salus Christiani orbis per tot secula stetit inconcussa: quamvis dicere gestientem verba amplitudini & maiestati paria deficiant. Et, quæ infelicitatis non levis est accessio; res majorum nostrorum fortiter olim gestæ fere caruerunt scriptoribus: cum illi non stylum, sed pilum, non pennam, sed bipennem, versarent: exterior autem suatantum mirarentur & extollerent, Germanorum incuriosi. Ita in hisce talibus etiam ludit & illudit sive fatum, sive fortuna; ut quidam meritis, quidam famâ sint magni.

Vixere fortes ante Agamemnona
multi, sed omnes illacrymabiles
urgentur, ignotique longâ
nocte: carent quia vate sacro.

Nisus & Euryalus non attigissent nostram ætatem,
nisi immortalibus Maronis carminibus vitæ fuissent

Virgil. lib. 1.
Aeneid.

Tacit. Annal.
lib. 2. in fine.

Horatius car-
min. lib. 4. ode.
9.

Vide Marg.
Frœherum lib. 1.
de gloria. cap. 3.
5. 11.

sunt redditæ: Ulysses Homero, Meccenas Horatio, Lucilius Senecæ id debent, quod nomina illorum indeleta atque indelebilia videat posteritas in actis memoriae. Propterea Scythæ & Gothi aliquando literas omnes ac monumenta veterum à stirpe convellere conati sunt; quod acerbè ferrent, Græcorum ac Latinorum Bibliothecas & parietes rerum à se gestarum magnitudine repleri; reliquos omnes, tametsi res quoque magnas ac memorabiles gessissent, turpiter omissos, vel etiam atroci verborum contumeliâ notatos.

Verum quas hinc inde in hostium archivis deprehendimus tenuissimas licet fortium & illustrium factorum à majoribus nostris patrum stricturas, illæ hoc facile evincunt; majores nostros tantas res gessisse, quantas audere vix hominum; perficere nullorum, nisi Germanorum fuerit: ut præ illorum præliis Alexandri Magni bella, murium ac ranarum fuisse videantur. Non advocabo illos ultimarum antiquitatum Reges, Tuisconem, Mannum, Ingævonem, Istævonem, Hermionem, Marsum, Gambrivium, Suevum, Vandalum, & alios: spectate mihi, Auditores mei, gentem nostram totam, & nomen ipsum examinare. Germani sumus; Alemanni sumus: hoc est, viri bellaces, & toti viri: apud quos scutum reliquissè, enorme flagitium; Principi virtute vincturpe; turpe comitatu, virtutem Principis non adæquare: infame verò in omnem vitam ac probrosum, super-

Joan. Bodin. in
Meth. Hist. cap.
4. in princip.

Welcher im
Krieg will
Glück haben:
Der fang es
mit den Teu-
schen an.

Tacit. de mo-
rib. Germanor.
Crus. Annal.
Suev. part. 1.
lib. 1. c. 1. Myn-
sing. in pro-
cem. Instir. Jus-
tum. 7. & 13.

Tacit. de mo-
rib. German.

superstitem Principi suo ex acie recessisse: illum defendere, tueri, sua quoque fortia facta gloriae ejus assignare, præcipuum sacramentum est: *qui Gallis ita terribiles, ut quoties isti de transgressu vel adventu trans-Rhenanæ nationis audirent, ingeminarent trepidi, adventare Germanos. Nam Gallia Germanis semper patuit; Gallis vix contra mutire ausis. Cumque hi vererentur, ne aliquando ipsis sit omnino domo emigrandum, aliud domicilium, aliâq; sedes remota à Germanis petendæ: Julium Cæsarem totius fere Galliae legati, principes civitatum, convenerunt, ut sibi secreto, in occulto, de sua omniumque salute cum eo agere liceret. Ea re concessâ, sese omnes flentes Cæsari ad pedes projecerunt: non minus se id contendere & laborare, ne ea, quæ dixissent, enuntiarentur, quàm uti ea, quæ vellent, impetrarent; propterea, quod, si enuntiatum esset, summum in cruciatum se venturos viderent. Loquebatur pro omnibus Divitiacus Aeduus: qui ubi finiit, omnes, qui aderant, magno fletu auxilium à Cæsare petere coeperunt. Animadvertit Cæsar unus ex omnibus Sequanos nihil earum rerum facere, quas cæteri facerent, sed tristes capite demisso terram intueri. ejus rei quæ causa esset miratus, ex ipsis quaesivit. nihil Sequani respondere, sed in eadem tristitia taciti permanere. cum ab iis sæpius quæreretur, neque ullam omnino vocem exprimere posset; idem Divitiacus Aeduus respondit; hoc esse miseriorem & gravio-rem fortunam Sequanorum, quàm reliquorum; quod*

Lips. in not. ad
Tacit. de mo-
rib. German.
num. 9.

Cæsar. lib. 1. de
bello Gallico.

quod soli ne in occulto quidem queri, nec auxilium implorare auderent, absentemq; Ariovistum (*is erat Suevorum Rex*) velut si coram adesset, horrerent. *Omnes mulieres Gallos! O Germanos semideos & heroes! At Cæsar rebus cognitis, Gallorum animos verbis confirmavit, pollicitus sibi eam rem curæ futuram. Quamobrem ad Ariovistum misit legatos, qui ab eo postularent, ut aliquem locum medium utriusque colloquio deligeret; velle se se de Repub. & summis utriusque rebus cum eo agere. Ei legationi Ariovistus respondit: Si quid ipsi à Cæsare opus esset, se se ad eum venturum fuisse; si quid ille à se velit, illum ad se venire oportere. Et Cæsari iterum legatos mittenti, atque Gallorum injurias non neglecturum denunciante, denovo Ariovistus referri jussit: Si ipse populo Romano non præscriberet, quemadmodum suo jure uteretur; non oportere se à populo Romano in suo jure impediri: Aduos sibi stipendiarios esse factos, cum vellet, congregaretur; intellecturum, quid invicti Germani, exercitatissimi in armis, qui intra annos quatuordecim tectum non subissent, virtute possent. Ita utrinque bellum: sed non sine vehementi & periculosa Cæsarianorum commotione. Nam cum illi percontarentur, & ex Gallis ac mercatoribus intelligerent; ingenti magnitudine corporum Germanos, incredibili virtute, atque exercitatione in armis esse, quibuscum sæpenumero congressi eorum ne vultum quidem atque aciem oculorum ferre potuerint; tantus subito timor*
M ommem

omnem occupavit exercitum; ut multi discedendi veniam, alio aliam proficiscendi causam meditante, à Cæsare peterent; nonnulli pudore adducti, ut timoris vitarent suspicionem, remanerent quidem, sed neque vultum fingere, neque interdum lacrymas tenere possent; alii abditi in tabernaculis aut suum fatum quererentur, aut cum familiaribus suis commune periculum miserarentur; vulgò totis castris testamenta obsignarentur. Atq; sic Gallos, sic Romanos tunc conterruerat Suevorum virtus: in quorum gloriam & illud

Cæsar lib. 4. de bello Gallico.

Cæsar lib. 6. de bello Gallico.

Cæsar lib. 1. & 2. de bello Gal.

ferrebat: Suevisne DEOS quidem immortales pares esse posse; reliquum quidem in terris esse neminem, quem non superare possint. Galli equidem paulatim assuefacti superari, multisque victi præliis, ne se quidem ipsi cum Germanis virtute comparabant: & Rhemorum legati, Iccius & Antebrogius, apud Cæsarem testantur; plerisque Belgas, qui omnium Gallorum sunt fortissimi, esse ortos à Germanis, Rhenumq; transductos propter loci fertilitatem ibi consedisse, Gallosque qui ea loca incolerent expulisse; solosque esse, qui patrum memoria omni Galliâ vexatâ, Teutones Cimbrosque intra fines suos ingredi prohibuissent. Hinc Treveri, quorum inter Gallos (uti Cæsar Gallias tum arbitrato suo definiverat: cuius tamen circumscriptionem ac divisionem castigavit postea Augustus) virtutis opinio est singularis, & Nervii, circa affectationem Germanicæ originis. ultrò ambiciosi fuerunt: tanquam per hanc gloriam sanguinis à fimi-

Joseph. Scaliger in Notitia Gallia.

Cæsar lib. 2. de bello Gall. Tac. de morib. Ger.

similitudine & inertia Gallorum separarentur. Nam falluntur illi, qui credunt, Belgium non meliori jure Germaniæ nomine censerì, quàm Asia, in qua Scythæ tanto tempore rerum potiti sunt, Scythia esset: falluntur illi. Præterquam enim quòd tot seculorum consuetudine magna pars Belgarum dicuntur inferiores Germani, quòd loquuntur Germanicè, quòd Imperio, ditio- ne, & Burgundico circulo Germanorum continentur, & ipsimet Germaniam magnam suam patriam vocant: quòd etiam Imperator Trajanus Germaniæ (profectò non nostræ trans-Rhenanæ, sed Belgicæ) præsedisse à Panegyrista laudatur: quis omnium regionum fines semper eosdem fuisse, esse, aut fore affirmabit? Quemadmodum enim urbes terminos habent incrementi & decrementi ambulatorios; jam mœnia panduntur latius, jam contrahuntur angustius: aut uti flumina non semper æquabili in lecto decurrunt; nonnunquam decentius, aliquando fluunt superbius: sic & regionum sua sunt fata, quæ finium regundorum iudicium exercent, statuuntq; ex occasionibus modum: & ferme quot novi reges, tot mutationes provinciarum & nova nomina oriuntur. Non igitur Rhenus, Danubius, & Vistula Germaniam, omnium Europæ provinciarum maximam, claudunt; sed per medios Germanorum delabuntur agros: cum extra illos Belgium, Helvetia, Rætia, Alpes, Styria, Carinthia, Carniola, Austria, magna Sarmatiæ pars, Dania, Suedia, Norwegia, Finnia, & aliæ potentissimæ & patentissimæ regiones in linguam,

Uti Thuanus hist. lib. 40.

Plin. in Panegyrico Trajani: & ibidem Lips. in commentar.

Multis Italis & Gallis, qui nunquam extra liores suos pedem extulerunt, persuasum est; Germanos unam eandemq; urbem inhabitare, & sæpe accidit, ut querant, quàm late urbis Germaniæ, (La Magna vocant) pateat ambitus. Ph. Camerar. in medit. Hist. Cent. cap. 44.

Thuan. histor. lib. 56.

Consule & præfat. M. Gollast. in tomo ult. Confit. Imp. ad Brit. R. Jacobum. & A. Kranzium lib. 1. Daniae. P. Cluver. German. antiq. lib. 1. c. 11.

potestatem, & nomen Germanorum jam olim commigrarint. Sed hæc ἐν παρόδῳ. Quid si autem Galliam non modo Germanorum captivam, o quoties! sed & Germanos Gallorum patres fuisse doceamus? In Galliam vacuum populos quosdam ab insulis extimis & tractibus trans-Rhenanis, crebritate bellorum & alluvione fervidi maris sedibus suis expulsos; ait Ammianus Marcellinus. Sed ubi terrarum sunt illi tractus trans-Rhenani, nisi in Germania? Et res est, verisimilima. Cum enim non uno eodemque tempore Orbis populorum colonias acceperit, sitque planum, antiquissimas populorum profectioes terrarum & pedibus, non mari & classe, susceptas esse; fatendum est, eas regiones prius cultas fuisse, quæ Armeniæ montibus sunt propiores, & aditu faciliores: ut ita Asiæ minor & Græcia ante Italiam; Pannoniæ & Germania ante Galliam, Belgicam, Britannias, & Hispaniam, hominibus frequentari cæperint. Et hæc ratione in universum æstimanti, Germanos vel multitudinis minuendæ causâ, vel ulteriora visendi studio, in Gallias & Britannias vicinas gentis suæ examina effudisse credibile est. De Belgis supra probavi: de Britannis non frustra conjicio, rutilas Caledoniam habitantium comas, magnos artus, Germanicam originem asseverare. Cui accedit sermonis cognatio, de qua Tacitus: dextro Suevici maris litore Æstiorum gentes alluuntur; quibus ritus habitusque Suevorum, lingua Britannicæ propior. Quamquam verè dici potest, antiquitus eandem

Am. Marcel.
lib. 15.

Marc. Vell.
ser. Boicar.
lib. 1.

Tacit. in vita
Jul. Agricola.

Tacit. de mor.
rib. German.

Post omnes vi-
de Ph. Cluver.
German. Ant.
lib. 1. cap. 5. &
Itac. Pontan. in

dem Germanis, Illyriis, Hispanis, Gallis, & Britannis fuisse linguam, dialectis tantummodo variè discrepantem: quod viri doctissimi dudum demonstraverunt. Si verò quidam pertinacius opinentur, Gallos, & inprimis Belgas, vicinum Britanniae solum occupasse; per nos quidem licet, abundant suo sensu; sed interim illud Cæsarianum animo recoquant, plerosque Belgas esse ortos à Germanis; & unà credant, Germanos si non patres, tamen Britannorum avos esse. Pergamus vincere Gallias & Britannias. Non autem immorabor cum Gothis in Gallia Narbonensi, cui subjugatæ nomen dederunt Gothiæ: unde quoque prodiit appellatio Languedoc, quasi Langue de Goth: licet alii differentias idiotismi Francici in illis appellationibus, Langue d'ouy & Langue d'oc, satis ridiculè venentur: nec cum propagine Gothica-Vandalica, Burgundionibus, in regnum ipsorum Burgundicum, in quod compegerant virtute suâ Burgundiæ Ducatum & Comitatum, civitatem Lugdunensem, Delfinatum, Sabaudiam & Provinciam, exspatiabor. Francos, Francos nostros sequamur: gentem omnium, quotquot magna illa atque vasta Germania tulit, generosissimam & florentissimam, haud dubium Romani Imperii excidium: illos, inquam, acerrimos libertatis propugnatores: qui cum ex pluribus Germaniæ populis pro Reipub. & patriæ gloria in unum corpus & novum FRANCORUM nomen, quo universi in posterum adpellarentur, convissent feliciter, & jam inclaruissent sub Imperatoribus

Glossario præ-
fco. Gallico, &
in Appendice
ad itinerar. de
Tolosa.

Tacit. in Agri-
cola. & Cæsar
lib. 5. de bello
Gal. Adde G.
Cambden. in
Britann. de
Belgis.

Estienne Pas-
quier des Re-
cherches de la
France liv. 1.
chap. 13.
Jean de Serres
in princ. Hist.
Gall. Jos. Scali-
ger de hodie-
nis Franc. lin-
guis. Merula
Cosmogr. par.
2. lib. 3. cap. 37.

Ph. Cluver.
Germ. antiq.
lib. 3. cap. 2. Est.
Pasquier des
Recherch. de la
Fr. 1. 1. chap. 13.

Jan. Doufa fil.
in Baryia.

Idem Doufa ex
Zosimo & Pa-
negryco scri-
ptore Adde &
Fr. Hotoma-
num in Franco-
Gallia cap. 4.

Joan de Serres
in princ. Hist.
Gall. Paul. Me-
rula Cosmog.
part. 2. lib. 3.
cap. 16. Vide
Hermanum
Comitem à
Nuenar de
Francorum o-
rigine & sedi-
bus.

Valeriano & Gallieno; illo à Persis capto, isto Impe-
rium per ignaviam & luxum fœdante; audenter &
magnâ spe in Galliam primò, ac deinde in Hispaniam
irruerunt, vastato direptoq; Tarraconensium oppido;
ubi pars eorum navigia nacli, in Africam penetrâ-
runt. Inde illi perpetua belli materia Romanis victo-
res sæpissime, superati quidem nonnunquam, sed victi
nunquam. Inprimis Imperatoris Probi ævo paucorum
ex illis captivorum memoranda eluxit audacia; qui post
acceptas à victore Principe sedes, defectione factâ,
magnam navium prædatoriarum copiam usque à Pon-
tiffaucibus corripuerunt: quibus Græciæ Asiæq; o-
ram universam depopulati; Syracusas, navalibus vi-
ctoriis inclytas, magnâ clade editâ ceperunt: atque post-
ea plerisque Libyæ litoribus non impune adpulsi, tan-
demq; rejecti à copiis, quæ Carthagine veniebant, Ga-
ditani freti angustias perruperunt; ac sine ullo suorum
detrimento in patriam reversi sunt. Sed nihil inten-
tatum relincente illorum fortitudine, cum Gothi
Vandalos & Suevos, Franci Gothos ex Gallis per
Pyrenæos montes in Hispanias exturbarent, & Van-
dali iterum à Gothis ex Hispania ejecti in Africam
transirent, ibiq; Carthagine captâ totam provinciam
Romanis adimerent; Franci interim in Gallia no-
vam Franciæ Occidentalis monarchiam condunt; &
Gallos novo adoptandi modo, nomini, potestati, & im-
perio Francorum inferunt, perpetuoque mancipant;
sine ulla spe metivæ emancipationis: simul omnibus eius
ætatis

ætatis Principibus reverentiâ Francicæ virtutis in-
jectâ. Nam ut flumen, quod pluviarum largitate in-
tumuit, quâ data portaruit, & sternit aquarum volu-
minibus, quicquid obstaculum esset allaturum: ita
Franci victoriarum cursu omnes antiquos limites trans-
gressi tanto pavore induerunt Europam, ut etiam Va-
lentinianus Augustus commune periculum fuerit te-
stis vulgato proverbio isto: τὸν φράγκον φίλον ἔχῃς:
γέγονα δὲ ἐχῃς: Francum amicum habe, aut non vi-
cinum. Quapropter indignabatur Rex Francorum
Theudiberius factum Justiniani, passim se Franci-
cum dicentis; cum is nec subegisset Franciam, nec do-
muisset Francos. Quanquam cognomina isthæc parta
de victis gentibus transibant olim inq; successores.
Quemadmodum & Germanici nomen inter titulos Im-
perierat, eoq; usi omnes, qui Germanicum Cæsarem san-
guine vel adoptione contingerent; ut Caius, Claudius,
Nero, Vitellius, Domitianus, Trajanus; omnesque
qui in spe Principatus; ut etiam filium sinu reti-
nens Vitellius Germanicum dixerit. Qui mos Ro-
manæ superbiæ alumnus ut evanuit: sic gloria Fran-
corum nostrorum, ut flamma in altum, supra omnia
laudum famæ alis evolavit; hoc consecuta, ut
jam Caroli Magni ævo universa Gallia, omnisque
Germania, quæ à Rheno ad Illyricum usque perti-
net, Francia dicta fuerit; atque Asiatici Euro-
pæos hodie universim, & Turci Christianæ cul-
tores Religionis vocent Francos; Abissini
autem Turcico, &

G. Cambden-
in Annal. An-
glic. ad An. 1559.
J. Gorop. Be-
can. lib. 1. Franc.

Alb. Gentil-
disp. Macca-
bæor. cap. 5.

Lipf. in com-
ment. ad lib. 1.
Annal. Taciti.
& in Paneg.
C. Plinii.

Gotfrid. Vi-
terb. p. 17. Leher-
man & perri-
scher Chronol.
lib. 2. c. 2.
P. Merula Cos-
mog. part. 2.
lib. 1. cap. 4.
Leunclavius in
Onomastico
Turcico, &

Hist. Musulm.
Turc. libr. 1.
p. 38.

autem Africanos Alfrangues, Christianorumque regionem nuncupent Frankiam.

G. Cambdenus
in Britannia, de
Anglo-Saxonibus.

Sic ergo, mei Germani, Fortitudine nostrâ bis sumus patres Gallorum. Imò eâdem etiam sumus bis patres Britannorum. Nam Saxones, quos à Sacis præstantissimo Asiæ populo ortum traxisse opinantur viri eruditissimi; animi magnitudine, corporis viribus, laborum tolerantia Germanorum fortissimi habiti, ut Zosimus; Romanis maximè formidati, quia repentini, ut Marcellinus; virtute & agilitate terribiles, ut Diaconus, affirmant; circa Annum CHR. CCCCL. à Britannis contra Pictorum Scotorumque incursiones, rapinas & violentiam, quas diutius sustinere non poterant, in auxilium accersiti, è Germania in insulam trajecerunt; & eandem post multas casuum vicissitudines in potestatem redactam Anglico Imperio honestaverunt. Britannia tamen demum circiter annum salutis MDCCC. X. dicta fuit Anglia; cum antea ab adventu Saxonum oblitterato fere Britannia nomine Transmarina Saxonia vocaretur. Atque adhuc Angli, qui se suâ lingua Englischman nominant, à Cambro-Britannis, Hibernis, & silvestribus Scotis Cassen dicuntur: & de avita Saxonum virtute ipsa Anglorum lingua; ipsa provinciarum Saxonica in Cantium, Southsexiam, East-Angliam, Vestsexiam, Northumbriam, East-sexiam, & Merciam, distributio; atque ipsa nomina oppidorum recentiora, quæ plerumque desinunt in Buriow/ Berwy/ Ham/ Eted/ Ford/ Thorp/ Wich;

Bonifacius Episc.
Mogunt. in Epistol. ad
Zachariam PP. & G. Cambd. d.l.
G. Cambd. in Britannia, de nomine Britannia.

Wich; & Germanicis terminationibus, Burg/ Berg/ Heim/ Statt/ Furt/ Dorpe/ Wic/ respondent, clarissime attestantur.

Sed nonne Scoti & Hiberni quoque nostra sunt soboles? Illi quidem ante Constantinum Magnum sedes suas in Britannia non posuerunt; ut gerræ sint, quod quidam Scoti scribunt, Scotorum nomen & regnum plurimis ante Christum natum seculis floruisse. Transmiserunt autem ex Hibernia in Britanniam. Nam & Isidorus Hiberniam à Scotorum gente Scotiam vocat, Scotosque Hiberniam coluisse, Orosius, Beda, & Eginardus, sunt testes omni exceptione majores. Atque Scotorum nomen, tam Hibernis quam Scotis commune, à vicinis suis & progenitoribus Scythis traxerunt: sicuti & ipsi Hibernorum Historici Nemethum Scytham, & longo post tempore Delam è Nemethi progenie, id est, è Scythica, inter primos Hiberniæ habitatores connumerant. Quod enim Scoti majores suos ex Hispania in Hiberniam, & inde in Scotiam digressos esse jactantius contendunt; in eo suaviter & aversos errant; non attendentes, Scythas in Hispania olim fuisse; ibi Scythicum in Cantabris promontorium Hiberniæ proximum notum, & Concanos Cantabriæ gentem è Massagetis, qui sunt Scythæ, procreatos; Susanam quoque urbem inter Lucensios Hispaniæ positam ab iisdem Scythis constructam; & ex Lucensis atque Concanis, qui inter Cantabros erant vicini, Lucenos & Ganganos in illa Hiberniæ ora, quæ

Uti Georg. Buchanan. in histor. Scotica.

G. Cambd. in Britannia, de Scotis.

N Hispania

Hispaniam prospectat, progenitos esse. Si quis autem roget, quinam illi Scythæ fuerint, qui in Hispaniam devenerint: quid aliud, scientiâ & conscientia concordibus, respondebimus, nisi Germanos fuisse? Germanos enim jam pridem in Hispaniam pervasisse, tum ex Plinio, qui Oretanos Hispaniæ Germanos cognominat, tum ex Seneca Hispanorum sapientissimo constat: Pyrenæus, ait Philosophus, Germanorum transitus non inhibuit: per invia, per incognita versavit se humana levitas. Germanos etiam Scythas dictos fuisse, non solum ex Ephoro & Strabone clarum est, qui gentes ad Arctum omnes Scythas vocarunt; sed etiam ex Plinio, qui Scytharum nomen usquequaque transire in Sarmatas atque Germanos tradit. Quod si vero Hiberni Scotiq; illos Lucensios & Concanos Germanorum nepotes pro patribus suis agnoscere rentiant: in quo tandem nisi patrum numero numerabunt illos Germanos ultiores, illos Francos, qui Gallieno imperante, abrasâ potiti sunt Hispaniâ; & inde ex Gallaciâ per Constantinum Magnum pulsî in Hiberniam demigrarunt? Cumque Franci idem fuerint, aut Francis vicini, qui Cauçi & Menapii prius dicti erant, quâ ratione affirmantibus, Cauços & Menapios, quos in Hibernia statuunt Geographi, ab illis nostratibus satos fuisse, refragabuntur? Assiduus, Auditor, majorum nostrorum fuit discursus: non unâ comprehendî & circumscribi Germaniâ virtus & multitudo Germanorum potuit: quotidie in orbe aliquid mutavit

Plin. Nat. hist.
lib. 3. cap. 3.

Seneca in Consol.
ad Helvian.
cap. 6.

Strabo lib. 1.
& 11. Plin. Nat.
hist. lib. 4. c. 12.
Ph. Cluver.

Ger. ant. l. 1. c. 2.

Paul. Orosius
lib. 7. cap. 22.
Joan. Vassus
in Chronico
Hispaniæ.

mutavit: novas semper colonias, ad exonerandas vires emisit: nova imperiorum fundamenta jecit: nova gentium nomina, extinctis prioribus, aut in accessionem imbecillioribus conversis, imposuit. Germania enim & hac prærogativâ supra omnes alias orbis regiones est admirabilis: quod tantâ fecunditate populos pariat, ut meruerit appellari, vagina gentium & hominum officina. Illustris me-Christe gloria; tantoque illustrior, quanto prima DEI benedictio illa, Crescite & multiplicamini, & replete terram, & subjicite eam, apud Germanos effulsit uberior; tantò sanctior, quanto multitudo imaginum DEI ibi est grandior; tantò denique major, quanto gens nostra tot gentium, Cimbrorum, Suevorum, Gothorum, Langobardorum, Francorum, Saxonum, Alanorum, Burgundionum, Normannorum, Herulorum, Gepidarum, Anglorum, Vandalorum, Danorum, Hunnorum, & aliorum multorum, in orbem terrarum distributione, orbis imperio est dignior. Et quemadmodum jure Romano numerosa proles tribuebat honores, & ab oneribus vacationes; cum è re Reipublicæ maximeque sit necessarium, imperium hominum adjectione ampliari, ut Paulus; repleti liberis civitatem, ut Pomponius; & legem utilem Reipub. subolis scilicet procreandæ causâ latam, adjuvari interpretatione; ut Terentius Clemens, Jurisconsulti eminentissimi, eleganter loquuntur: adeoque Senatus Romanus, cum Neroni ex Poppæa filia nata esset, templum

Vid. Vornander
de reb. Getic.
& Olaus Magnus
in præfat. lib. 14. de
condit. Aquilonar.
pop. Il-
lud etiam in-
credibile, Scytharum
tamen sit, ad Septentriones
aut parem, aut majorem
esse marium, quam
feminarum ubique
copiam: ad Austrum
vero multo plures esse
se in omni genere
animantium faminas,
quàm mares. ita scribit
Bodin. de Repub.
lib. 5. cap. 1. Marc.
Vertranius in lib. singulari
de jure liberorum.
l. 7. §. si plures ff. de bon.
damnat. l. 1. ff. Soluti
matrim. l. 64. ff. de con-
dic. & demonstr.

Tacit. lib. 15.
Annal.

Fœcunditati decernebat: ita Germani nullis satis augustis privilegiis, nullis satis magnificis templis, honorari possunt; cum illi publicæ fœcunditatis magistri, an potius publici orbis patres? non tantum suam Rempublicam, sed & complurimas alias liberis repleverint & corroboraverint. Nam ubicunque vicit Germanus, ibi habitat. Neque nos in insolite prodigiosa mulierum fertilitate laudem illam publicæ fœcunditatis fundamus. Margareta Florentii I V. Comitis Hollandiæ filia, & Hermanni Comitis Hennebergiæ uxor, annos quadraginta duos circiter nata, An. CHR. MD. CC. LXXVI. ipso die Parasceves, horâ nonâ antemeridianâ, trecentos sexaginta quinque enixa est liberos; qui à Guidone Suffraganeo Trajectensi in pelvi simul jacentes sacro fonte abluti, masculis Ioannis, fœmellis Elifabethæ nomine indito, omnes uno eodemq; die cum matre fatis concesserunt. Ita alia Margareta cujusdam Comitis Holstenii uxor, tricesimo septimo anno post, totidem infantes maturo partu edidisse fertur. Sed talia, inquam, prodigia ad communem naturæ ordinem, quem in propagatione generis humani inter Germanos servat, non referimus: cum vel exemplorum raritas, & momentanea infantium fere prius denatorum quam natorum vita; siquidem idem dies fuit natalis & fatalis; id jubeat. Fortitudo Germanorum fortiozem, & diuturniorem postulat sobolem, communi tamen omnium fœcunditate suffultam. Et considerate mecum, mei collegæ, & vos cæteri Auditores,

Mad. Junius in
Batavia cap. 20.
Petr. Scriverius
in Batavia illu-
strata.

tores, illam Tubingæ vicinam arcem Æntringam, quam serenitate aeris ad deambulationes invitante sæpius aspiciamus; in ea ante ducentos annos concorditer & amanter vixere viri Nobiles quinque, cum uxoribus; & centum liberos, spe omnes, re plerosque magnos, procreaverunt: nempe Joannes ab Halsingen ex Nippenburgensi uxore genuit XX. Rudolfus ab Ehingen ex Truchsesia XIX. Marquardus ab Halsingen ex Ursula Bubenbosia itidem XIX. Georgius porro Halsingius ex conjuge Kabina XXI. Hugo denique Giltlingen ex sua totidem. Considerate & Dalburgiam illam, genere nobilem, quæ in sexto gradu descendente posteros vidit; unde nati & hi versus:

Crus. Annal.
Suev. part. 3.
lib. 8. cap. 2.

Videantur ad
hanc rem Cam-
merat. Cent. 2.
medit. Hist. Si-
mon Maiolus:
in dieb. Cani-
cularib. M. Pic-
cartus observ.
Historico-Pol.
decad. II. c. 3.

(1.) Mater ait (2.) natæ; dic (3.) natæ, filia (4.) nata
Ut moneat, (5.) natæ plangere (6.) filiolum.

Ein Mutter zu ihrer Tochter sprach/
Sag deiner Tochter / ihr Tochter Gemach
Erschall / daß ihr Tochter rein
Kleins Kindlein in der Wiegen wein.

Considerate verò mecum & Babonem Comitem Abenspergium, Babonis Schirorum Principis filium; qui ex duabus uxoribus XXXII. filios, atque VIII. filias tulit, bene educavit, & superstites reliquit: qui aliquando ab Imp. Henrico II. venatum secum cum paucis ire iussus, & occasionem nactus, quâ familiam suam tanto Principi commendaret, omnes filios, jam tum puberes, scitos admodum & elegantes, ad venationem instruit, & ita cum omni filiorum turma, an exercitu? ad

Aventinus An-
nal. Bojor.
lib. 5.

Imperatorem procedit; cui multitudinem admiranti,
 & pro paucis, qui debuerant, tot equites, qui non debue-
 rant, adesse obmurmuranti, Babo respondet: cum uno
 equidem dunaxat famulo, sanctissime Cæsar, præsto
 sum; reliqui sunt tui, Principum optime, famuli; filii
 mei; quos tuæ majestati exhibeo, committo; quod
 que bonum, faustumque felixque sit, talem electorum
 juvenum & fratrum cohortem, in pace decus, in bel-
 lo præsidium, dono do. ut ingenuam decet sobolem
 maximâ curâ tibi educavi. adolescentes solertes sunt:
 spero, te dignos & utiles Reip. fore. *Gratissimum mu-
 nus tale juvenum fratrum examen Augusto fuit, sin-
 gulos adolescentum benigne appellanti, dextrâ & os-
 culo excipienti, filios nuncupanti, & postea præfe-
 cturis & prædiis ditanti: ex quibus præcipuam nobi-
 litatem Nariscorum, Vindelicorum, Noricorum,
 Charionum, Bojorum, Francorum, & Rhenensium,
 genus trahere boni autores volunt. Quid verò fecun-
 ditatem publicam ex familiis tantum dijudico? Totas
 civitates, & provincias mecum, Auditores, inspicite.
 Quæ regio, quæ ditio non est plena urbibus & pagis?
 quæ urbes pagive non sunt oppleti domibus? quæ do-
 mus refertæ non sunt familiis numerosissimis? Quo
 tempore primum Hispani cum Philippo II. Rege suo
 in Flandriam venerunt, pagorum populi que frequen-
 tiam demirati judicabant, totum Comitatum perpetu-
 am & πολυάνθρωπον urbem esse: sed hoc iudicium &
 singulæ Germanorum provinciæ sibi non invitis Hi-
 spanis*

Mercator.

spanis adscribere possint: ut Boterus viri boni officium
 fecerit, errorem a se commissum publicè castigando, quo
 Germania, angustissimè licet circumscriptæ, centies
 centena hominum millia tantum tribuerat; & ita al-
 tero tanto maiorem hominum numerum postea Germa-
 nia annumeraverit: rectius tamen, & vero similis
 scripturus, sit tertio tanto ampliorem numerum fecisset.
 Veggo, ait, che quella amplissima provincia passa di-
 cianove milioni d' anime, senza comprendervi i re-
 gni di Denemarca & di Boemia. Unde licet ex Ger-
 mania vel ducenta militum millia (uti nullum magni
 momenti bellum in Europa sine Germanis jam à multis
 seculis confectum est) foras emittantur; domi nihilo-
 minus illa viribus suis tuta est, nec publicè hominum
 infrequentia sentitur. Decumamus quidam fluctus,
 Auditores, ex Britannico mari me in Germaniam re-
 jecerat: iterum tamen Normanni nostri inde meretra-
 hunt: illi Normanni nostri bellicosissimi, non obse-
 quis, sed armis semper magni; nobilissimorum regno-
 rum in Anglia & Sicilia conditores. Cum enim Caroli
 Magni temporibus per Frisiam, Belgicam, Angli-
 am, Hiberniam, & Galliam licenter vagarentur, &
 nominis sui terrorem istis populis tam profundè impri-
 merent, ut ad averruncandum eorum vim publicis Ec-
 clesiarum supplicationibus & hoc fuerit additum; A
 furore Normannorum libera nos Domine: postea-
 que Carolos, Calvum, Crassum, & Simplicem, mul-
 tis magnisq; damnis adfligerent, nec prius vincendi
 facerent

Boter. in Relat.
 Universal. part.
 2. lib. 1. & 2.

Nella lettera al
 signore di Mon-
 forte.

Robur exerci-
 tum plerumq;
 est in Germanis
 militibus firmi-
 tateq; earum
 legionum. Petr.
 Victorius in
 Orat. funeb.
 Max. II. Imp.

G. Cambérin
 in Britan. de
 Normannis.
 Etienne Pas-
 quier, des Re-
 cherches de la
 France, liv. 1.
 chap. 12.

facient in Gallia finem, donec totam Neustriam, ab illis Normanniam dictam, subegissent; Carolo Simplice denique coacto, ut Rolloni eorum Principi è sacro baptismatis fonte suscepto filiam elocaverit, & dotis titulo Normanniam concesserit: quam rem vetus manuscriptus codex monasterii Andegavensis sic non illepidè recitat: Carolus Stultus dedit Normanniam Rolloni cum filia Gisla: hic non est dignatus pedem Caroli osculari: cumque comites illum admonerent, pedem Regis acceptione tanti beneficii oscularetur, lingua Anglicà respondet; *Nese by God*; quod interpretantur, non per DEUM: Rex verò & sui illum deridentes, & sermonem ejus corruptè referentes, illum vocaverunt BIGOD: unde Normanni adhuc vocantur BIGODI: Rollonis tamen posteri non solum parta fortiter conservaverunt; verum etiam, ex illis Guilielmus Conqueror, cum Edwardus Sanctus, cognomento Confessor, Rex Angliæ, è Saxonica stirpe ultimus, in cœlestem patriam cum summo suorum desiderio emigrasset; defuncti is promissis, adoptione & affinitate fretus, contra Haraldum diadema & imperium Angliæ perfidè arripientem signa convertit; quo victo & interfecto, Londinum advolat, magnâque lætitiâ & festis acclamationibus exceptus & Rex salutatus, inde regnum & sanctioribus legibus, & novâ heredum prosapiâ exornavit. Tancredus autem, qui quintus fuit à Rollone, liberis dives, opibus pauper, cum sibi & filiis, quos habebat XII. opimiorum fortunam

Thom. Fazellus post deead. lib. 6. cap. 2. de reb. Siculis.

nam sub alieno cœlo parare constituisset, circa Sergii IV. Rom. Pontificis tempora in Italiam, quantum Berengarius Hunniq; vexabant, intravit & stipendia fecit. Eratque in patre & fratribus, totoq; eorum comitatu, ea majestas, ea corporis proceritas, virium ac sapientiæ magnitudo, ut qui eos ignorabat, non ex uno parente, sed ex toto terrarum orbe selectos, nec ad militandum, sed ad regnandum genitos judicaret. Atque illius Tancredi posteritas, ejectis è Sicilia Saracenis, non paucos annos regnum tenuit, & in terra quoq; Sancta res maximas magna cum laude gessit: cui Siculi hodieque, quod in solo patrio sunt, quod liberi vivunt, quod Christiani sunt, ingenuè acceptum ferunt. Rogerus Hovedenus de Normannis præclare: Audax Francia Normannorum militiam experta delituit; ferox Anglia captiva succubuit; dives Apulia fortita refloruit; Hierosolyma famosa & insignis Antiochia se utraque supposuit. Vereor, Auditores, ne à priscis nostris Germanis discesserim longius: ad quos nisi regrediar, ingratus sim: de quibus Romani, & hostis quidem, testimonium hoc contemnendum non est: Sexcentesium & quadragesimum, ait, annum urbs nostra agebat; cum primum Cimbrorum audita sunt arma, Cæcilio Metello ac Papirio Carbone Coss. ex quo si ad alterum Imperatoris Trajani Consulatum computemus, ducenti ferme & decem anni colliguntur: Tam diu Germania vincitur. Medio tam longi ævi spatium multa invicem damna. Non Samnis, non Poeni,

G. Cambden. in Britan. de Norman.

Tacit. de morib. German.

Poeni, non Hispaniæ, Galliæve; ne Parthi quidem sæpius admonuere. Quippe regno Arfacis acrior est Germanorum libertas. Quid enim aliud nobis, quam eadem Crassi, amisso & ipse Pacorus, infra Ventidium dejectus oriens objecerit? At Germani Carbone & Cassio, & Scauro Aurelio, & Servilio Cepione, M. quoque Manlio, fufis vel captis, quinque simul Consulareis exercitus populo Romano; Varum, tresque cum eo legiones etiam Cæsari abstulerunt. Nec impunè C. Marius in Italia, divus Julius in Gallia, Drusus ac Nero & Germanicus in suis eos sedibus perculerunt. Mox ingentes C. Cæsaris minæ in ludibrium versæ. Inde otium, donec occasione discordiæ nostræ & civilium armorum, expugnatis legionum hibernis, etiam Gallias affectavere: ac rursus pulsi inde, proximis temporibus triumphati magis quam victi sunt. *At verò hæc omnia cum Germanis bellatunc gerebat populus Romanus, cum non Urbis modò, sed fere totius Orbis esset arbiter, cum potentiâ suâ fortunam complexus, quas nationes funditus exscindi, quas transportari, quibus libertatem dari, quibus eripi, quos reges mancipia fieri, quorumq; capiti regium circumdari decus oporteat, quæ ruant urbes, quæ orientur, suam jurisdictionem esse à summo Capitolio intonet. Et tamen in illa tremenda summi & maximi Imperii amplitudine plus erat, aut Germanorum Rhenum transmississe, aut easulam aliquam rusticam ibi exussisse, aut Herciniæ oras attigisse; quam alibi reges*

Seneca lib. 1.
de Clementia,
cap. 1.

reges cepisse, regna occupavisse, & provincias aliquot Imperio adjecisse. Caligula, quia conchas, tanquam spolia Oceani Capitolio Palatioque debita in litore Batavico legerat, id materia decreti fuit triumphi maximi, & quantus nunquam alius antè fuit: ad quem is procerissimum quemque Gallorum, & ut ipse dicebat, ἀξιολογιάμηντον, ac nonnullos ex Principibus legit ac seposuit ad pompam: coëgitq; non tantum rutilare & submittere comam, sed & sermonem Germanicum addiscere & nomina barbarica ferre. O fucatum, & mendacissimum hominum vanissimi triumphum! Caligulanè de Germanis triumpharet; quos ille ita metuebat, ut eorum rebellionè auditâ, adventuq; in Italiam nunciato, mox fugam, & subsidia fugæ, classes appararit; uno solatio acquiescens, transmarinas certè sibi superfuturas provincias, si victores Alpium juga, ut Cimbri, vel etiam Urbem, ut Senones quondam, occuparent? Caligulanè melior Augustus, tantoque melior, quanto malus distat ab optimo; ille Augustus, qui tam prospero fortunæ cursu per omnes felicitatis humanæ gradus grassatus est, ut successoribus Imperatoribus inter publica vota acclamatum fuerit; Felicior Augusto: attamen ille bonæ fortunæ filius graves ignominias cladesque, duas omnino, nec alibi quam in Germania accepit, Lollianam & Varianam: sed Lollianam majoris infamiæ, quam detrimenti; Varianam penè exitiabilem, tribus legionibus cum duce legatisque & auxiliis omnibus cæsis. Hæc nunciata

Sueton. in Caligula cap. 46.
&c.

Sueton. ibid.
cap. 51.

Sueton. in Augusto cap. 23.

excubias per Urbem indixit, ne quis tumultus existeret; & præsidibus provinciarum propagavit imperium, ut à peritis & assuetis focii continerentur. Vocit & magnos ludos Jovi Opt. Max. si Rempub. in meliorem statum vertisset: quod factum Cimbrico Marficoque bello erat. Adeoque consternatus scribitur, ut per continuos menses barbâ capilloque submisso caput interdum foribus illideret, vociferans, **QUINCTILI VARE, LEGIONES REDDE;** diemque cladis quotannis mœstum habuerit ac lugubrem. *Ita plerunque luxuriantem Romanorum & superbiae peninis aliis evolutam fortunam cohibuit virtus Germanica: sed quam Julius Cæsar dexterè attemperare solitus est negotiis suis, in auxiliis Germanorum momenta victoriarum querens; ut sint, qui scribant, Julium Germanorum virtute bella Gallica potissimum confecisse & profligasse. Sanè aleam pugnae Pharsalicæ Germanica virtus Julio fecit secundam.* Nam cum diu æquo Marte contenderent, jussuque Pompeii fusus à cornu erupisset equitatus, repente hinc signo dato, Germanorum cohortes tantum in effusos equites fecere impetum, ut illi esse pedites, hi venire in equis viderentur. sicque terrore latius dato, turbantibus invicem copiis, reliqua strages quasi unâ manu facta est. *Alii autem Imperatores cum meliori gratiâ obtinere non possent pacem & amicitiam à Germanis, emerunt sæpius: & Poëta, semper, dicit:*

III

Jan. Doufain
Batavia. lege &
Ph. Cluverium
de Rheni alveis
& eorum ac-
colis cap. 18

Florus lib. 4.
cap. 2.

Illi terribiles; quibus otia vendere semper Moserat, & requiem, & foedus mercede pacisci. *Imò pax Romana ipsorummet Romanorum iudicio nullo vinculo fortius connectebatur, quàm Germanorum inter se odio: ut Tacitus solenne votum in hæc verba conceperit: Maneat, quaeso, duretque gentibus si non amor nostri, at certè odium sui: quando urgentibus imperii fatis nihil jam præstare fortuna majus potest, quàm hostium discordiam. Quod Imperatorem Carolum V. non latuit, cum ipse Germanus Germanorum imperii majestatem quorundam Principum castigatione tueri discuperet; statimque didicit, frustra se futurum, nisi viribus eorum divisus Germanicum robur contrario Germanorum robore frangeret. Nam ut summæ virtutis atque prudentiæ fuit, bellum Smalcaldicum Protestantium, omnium quæ gesta sunt in Germania & nostris & majorum temporibus maxime memorabile, feliciter confecisse: ita quoque nullus Principum conficere potuisset, nisi Germanus, nullus nisi Carolus, & nullis nisi Germanorum inter se studiis scissorum auxiliis. Non enim ad victoriarum palmas suffecisset; Cæsarem ipsum heroicæ fortitudinis & imperterriti animi specimen undique exhibuisse, exemplo & generosis hortatibus suos confirmasse, asperâ admodum hyeme sub pellibus cum milite mansisse, ut ipsi militi militaris patientiæ exemplum esset; aut etiam aliquot Hispanorum & Italogum centurias, imò legiones in Germaniam adduxisse: non his Ulrici*

O 3 Vürtem-

Claudianus.

Tacit. de mor-
rib. German.
vide & Julianum
Pflugium in
Orat. de Rep.
German.

Thuan. histor.
lib. 2.

Thuan. histor.
lib. 4. Sleidam.
comment.
lib. 18.

Vvürtembergici magnanimitas labefactari, non Philippi Landgravii & Φοβία luxari, non Joann. Friderici Electoris Saxonis constantia, quā vel inimicorum testimonio adversam fortunam superavit, & mortis sententiam latrunculorum lusu in contemptum secure vertit, concuti potuisset: qui Principes singuli ævi nostri Harminii & Heroes nominandi essent, nisi Harminio & priscis heroibus meliores & majores essent: sed in eo confecti gloria belli consistit; quod Cæsar tot annorum expeditionem ita ordinaverit, ut ipsi, contra quos parabatur, longo tempore nihil de ea subveriti sint; quod animos popularium inter se commiserit, aliis metu in suas partes pertractis, ut sibi invicem per mutuam laniationem exitio fuerint; quod privatas Alberti & Joannis Brandenburgicorum contra Hesium simultates, & Mauritiū ambitionem atque adeo occulta in Joann. Fridericum odia arte & mirā versutiā in suam utilitatem converterit, eoq̃ illos furore cæcos adegerit, ut religionis, quam profitebantur, & libertatis Germanicæ spretu periculo, arma pro patria expedienda in sese ipsi strinxerint. Et tamen ex toto illo bello parum emolumenti rediit ad Cæsarem. Nam sit tormenta & aliquot auri tonnarum multa demantur; quid ex omni præda post victoriam victori fuerit reliquum, non video. Quippe regno Arsacis acrior est Germanorum libertas. Proinde Græcus ille (a) verissime: se nullam gentem nosse honestiorem Germanicā; quæ si concors sit, invicta sit.

Verum

Verum quid dicemus de legione VII. Germanica, (ut rursus ad antiqua tempora retrocurramus) quæ in Hispania Tarraconensi regno Legionis nomen dedit? Quid de Vandalis illis, qui Andaluziam; de Suevis, qui Gallaciam insederunt? Quid de Langobardis, qui in Italia institutum à se imperium in annos propemodum ducentos propagaverunt? Quid de Gothis, quorum & supra mentio facta est, & qui ante Langobardos non tantum Italia, sed penè totius Europæ magistri fuerunt? Hi enim sunt ex nostratibus fortissimi illi poliorcetae: qui Romanis rerum dominis & titulos & potestatem infregerunt; qui urbem æternam & orbis arcem, & quam Catonis ævo Smyrnæi, sub Augusto Pergameni, sub Hadriano Athenienses, dixere divinam, sanctam, augustam, sacram, (etiam templum Urbi, veluti Deæ, Smyrnæi statuerunt primi, & Alabandenses exemplum sunt secuti, ludosq̃ in superanniversarios ei Divæ instituerunt) illi nostri Gothi non semel eam captivam, servam, & cadaver effecerunt: qui Romanum omne solum Gothorum Imperium & facere & vocare voluerunt; ut esset Gothia, quod Romania fuisset; fieretque ATALLPHUS, quod quondam Cæsar & Augustus. Atq̃ ab his nostris popularibus nuper admodum potentissimi Hispaniarum Reges stemma suum repetebant: uti & Itali quique nobilissimi hodie ab illis vel genus ducunt. vel ementuntur: Imp. Carolo V. dictitare solito, ex Gothia totius Europæ nobilitatem exortam esse.

Ceterum

Tac. Annal. lib. 4. & ibi Lips. in comment. num. 125. Livius lib. 43. P. Merul. Cosmog. p. 2. lib. 4. cap. 22.

Paulus Orosius lib. 7. c. 45. Goldastus in præf. ad tom. ult. const. Imperial. G. Cambden. in Brit. de Scoti.

Thuan. Hist. lib. 1.

Lev. Lemnius in Epist. ad Eric. Suet. R.

(a) Chalcondyles Atticus lib. 2. rer. Turcic. ἐπὶ τῶν κατὰ τὴν ἀρχαίαν ἡγεμονίαν ἀναχθέντων τε ἀντιπαρισταμένων πολλὰ καὶ ἄλλα.

Cæterum quæ hæcenus de præscis nostris patribus, prout memoria veluti per saturam suggererat, de quæ variis Germanorum nostrorum populis eorumque rebus bene gestis, sparsim disserui; illa sunt quasi experientia, quibus illi orbis terrarum subjectionem periclitantur. Cumque Suevi, Gothi, Vandali, Franci, Saxones, Langobardi, Normanni, & alii nostrates, iter in Capitolium & ad Aquilas perpetuis militiæ laboribus stravissent; Imperio ipso Romano in factiones diviso; tandem istud virtute Caroli Magni cum Repub. Germanorum unitum est, & in eam Imperii Romano-Germanici formam tot secula jam laudatissime perdurantem coaluit, ut nullum robustius corpus aut hodie sit, aut olim fuisse homines meminerint. Hujus nostri Imperii Majestas nullâ dicendi copiâ enarrari, nec comprehendere potest, nisi forte quis ex comitiorum serie, de omni Imperii magnificentia & amplitudine, hoc est, ex guttula de flumine, ex scintilla de flamma, ex radio de sole, iudicium ferre velit. Ibi Imperator veluti numen in cælis præsidet: cui assident quasi VII. Planetae in Zodiaco Imperii statas officiorum periodos obeuntes, illi Septemviri: & undique circumfident nobilissimi stellarum chori; tot Archiepiscopi & Episcopi, tot Archiduces, Duces, Principes, Comites, tot procures & magnates. Quid in omni antiquitate ejusmodi conventui est conferendum: nisi aut Amphictyonum consessum ab Amphictyone Atheniensium Rege, Deucalionis F. Promethei N. ad Thermopylas

Thuan. histor.
lib. 2.

las & apud Delphos institutum, qui XII. Græciæ populos complectebatur; aut Achæorum concilium, quod sub Arato Sicyonio maxime immensum viguit, opponere quis velit. Verum hæc cum Germania comparata, quasi musca ad elephantum. Dignitatem autem hanc Germanorum Imperialem cum Carolus Magnus primum Germanorum sanguini immiscuisset, eam Posteritas sibi devinxerunt, ut hæc jam inter Imperii fundamentales sit leges, ne (a) quis exterus & non Germanus in Imperatorem eligatur. Et certè Germanicæ existimationis intererat. Quare enim ferremus ex peregrina natione Imperatorem, cum domi tot Imperatorias numeremus familias? Quare summum decus & honorem à nostris Carolis, Henricis, Ottonibus, Fredericis, Ludovicis, Albertis, Rudolfis, Maximilianis, Ferdinandis, & reliquis terrestribus Diis, tot laboribus & sudoribus partum & conservatum, tot illustribus accessionibus auctum & exornatum, in alienigenas transferremus? Sine pari est Imperatoria majestas; & quæcunque dignitas interris secunda est, ea procul procul abest. Et Imperator Vir Deo proximus est; qui per orbem nihil non venerationis meretur; cuiusque fortuna omnes supereminet alias: ille est Athanarici Gothi elogio, sine dubio terrenus DEUS, & quisquis adversus eum manum moverit, ipse sui sanguinis reus existit: ille Baldi verbo est summus superior, dominusque Orientis, Occidentis, Meridiei, & Septentrionis: ille confœderatorum Belgarum sententiâ, omnium dissidio-

(a) Pet. de Andlo de Imp. Rom. lib. 2. cap. 3. & ibid. Freherus in not. Eberh. à VVeihæia probl. reg. utriusque regni conditio melior &c. P. Heigius part. 1. Quest. 3. Ferdinandus I. quidam in Hispania, & Fredericus II. in Sicilia, nati sunt, sed ambo nihil minus Germani annuerandi: quia filius sequitur originem patris & a se paterni; l. assumptio. §. filius. ff. ad municipal. Greden. Confil. 1. & qui ex Campanis nascitur, Campanus est, licet in Campania natus non sit. l. 1. ff. ad municipal. l. 3. C. de municipibus & Origin.

Symmach. li. 10. Epist. 27. Eutrop. lib. 8. l. pen. C. de bon. quæ lib.

C. Sigon. l. 8. de Occid. Imp. Quetta conf. 1. n. 11. Cassan. in catal. gl. m. p. 5. confid. 27.

Thuan. lib. 66.

P. rum

rum & controversiarum orbis Christiani à DEO iudex constitutus est & arbiter: ille est, qui in signum incomparabilis excellentiae triplici coronâ insignitur: ille fons est perennis, à quo fluit quodcunque genus humanæ celsitudinis: ille & creator Regum est. Quod postremum solum omnes alios Principes & Reges longè infra Imperatorium solium destituit. Nam ut antiquitus Romanum Imperium Reges dabat Judæis, Syris, Parthis, Albanis, Colchis, Iberis, & aliis: ita posteaquam ad Germanos illud est devolutum, eadem reverentia mansit, ut Imperatores nostri Bohemiæ, Poloniæ, Daniæ, & alios Principes Regalibus dignitatibus decoraverint; Carolo Burgundo quoque Imperator Fridericus IV. tanti honoris insignia ambienti conferre recusaverit. Primatus itaque Imperatoris & totius Germaniæ vel sic liquet; ut qui ampliorem rei clarissimæ probationem sit petiturus, veritati convitium facere velle videatur. Quid? quod ipsa Barbaria, ipsi Christianorum & maxime Germanorum atque Imperatoris capitales & jurati hostes Turcæ, primas Imperatori nostro tuentur. Cum enim Davides Ungnadius, Legatus Cæsarius, Constantinopoli Sultano valedicturus esset, & Legatus Persicus eadem de causa ad Divanum (locus est audientiæ publicæ) se contulisset: ille seriùs adveniens & Persam jam primum occupasse locum conspicatus, in salutato Sultano discessurus erat, nisi Mechemetes Bassa Vezir azemes (περωτοσύμβουλος, consiliarius supremus) ea re animadversâ Persam,

P. de Andlo de
Imp. Rom. lib. 2.
c. 8. Cass. in ca-
tal. gl. m. p. 1.
confid. 27. F.
Pacianus de
Probationib.
lib. 2. c. 35. n. 2.
& 66.

M. Fréherus in
not. ad P. de
Andlo lib. 2.
c. 8. de Imp. Ro-
man.

Crus. Annal.
Suev. part. 3.
lib. 7. c. 9.

Jo. Teunclavi-
us in suppl.
Annal. Otma-
rid.

Persam, licet Mahumetanum, inferiore loco sedere jussisset. Sic in celebritate circumcisionis Muchamētis III., quæ duravit totis XL. diebus & noctibus continuis, præsentibus Constantinopoli maximorum propè totius orbis principum legatis, Rudolphi II. Christianorum Imperatoris Augusti legati loco spectaverunt primo.

Verum ut noster Imperator inter omnes orbis Principes est primus & Princeps: ita patriæ nostræ Nobilitas, quæ ab illi out ex scaturigine descendit & ad omnem virtutem irrigatur, meritò primas tenet: neq. ullo modo peregrino indiget splendore. Sicut enim Germani nostri foris imperaverunt: ita quoque ubilibet seminaria suæ Nobilitatis reliquerunt: ut laterem latent, qui in Italia Nobilitatum quærant origines. Germania cepit Italiam, non Italia Germaniam: Germania præfecit Italiæ Duces, Comites, Præsides, Juridicos, & non semel immisit populorum & unâ Nobilium examina: nihil tale vicissim accepit Germania ex Italia; nisi forsitan illos cives suos aliquando recepit, aut eorum nepotes reduces; aut nisi hoc malimus, victores Germanos interdum ex Italia captivorum multitudinem ad operas domum misisse, aut etiam nonnunquam Romanos, publicos alieni raptores, domi deprensos servituti addixisse. Nam ex Variana tantum clade quam multos splendidissimè natos, Senatorium per militiam auspicantes gradum, fortuna depressit: alium ex illis pastorem, alium custodem

Seneca Epist.
47.

casæ fecere Germani. Et fortassis hodieq; multi in rustica Vvestphalorum plebe reperiuntur, qui præcipuas Consulares & Cæsarias veteris Romæ familias agnatione contingunt. Alias nullas hodie scimus Romanas Consulares familias: nullibi est Junia, nullibi Valeria Poplicolarum, Maximorum, & Messalarum; nullibi Lucretia Tricipitinarum; nullibi sunt Horatia, Posthumia, Menenia, Cassia, Virginia, Sulpicia, Aebutia, Veturia, Cloelia, Sempronina Atratinorum, Minucia, Claudia Regillensium, Servilia Priscorum, Gegania, Pinaria, Nautia, Furia, Fabia, Cornelia Maluginensium, Æmilia Mamercinorum, Paullorum, Lepidorum; Manlia, Quinctia Capitolinorum, Quinctia Cincinnatorum, Quinctilia, Papiria Mugillanorum, Papiria Crassorum, Sergia, Licinia Crassorum, Cornelia Scipionum, Papiria Cursorum, Aquilia, Popillia, Plautia Marcia Rutilorum, Marcia Philipporum, Livia, Decia, Junia Brutorum, Ælia, Atilia, Regulorum, Cornelia Rufinorum, Claudia Marcellorum, Fulvia Patinorum, Domitia Calvinorum, Æmilia Barbularum, Sempronia Sophorum, Cornelia Lentulorum, Curia, Fabricia, Æmilia Paporum, Valeria Lævinorum, Cecilia, Fulvia & Valeria Flaccorum, Atilia Calatinorum, Sempronia Longorum, Servilia Capionum, Servilia Geminorum, Aurelia, Lutatia, Sempronia Tuditanorum, Sempronia Gracchorum, Valeria Faltorum, Quinctia Flamininorum, Portia Catonum, Acilia,

Vide Rich. Streinii Baro. Schvvarzena-vii gentium Romanarum Stemmata: & Elia Reufneri γενεαλογικὸν Romanum.

lia, Mucia, Hortensia, Licinia Lucullorum, Æmilia Scaurorum, Servilia Vatiarum, Maria, Licinia Murænarum, Tullia Ciceronum, Pompeia Ruforum, Pompeia Magnorum, Antonia: & quicquid tandem ad hanc revocari classē potest: nullibi, nullibi sunt: sicut & ex veterum Regum atque Imperatorum sanguine nulli amplius sunt. Nulli enim Julii, nulli Octavii, nulli Domitii Ahenobarbi, nulli Vespasiani, nulli Antonini, Severi nulli; minus verò ulli amplius Romuli, ulli Numa, Hostilii, Marcii, Tullii, Tarquinii: nulli sunt omnes, & emortui sunt omnino omnes, & in cineribus hospitantur. Germanica autem Nobilitas ubique viget; vespillonum opera frustranea adhuc est: & Itali ipsi non obscure illius gloriam extollunt, plenāq; collaudant manu. Campanus enim in oratione Ratisbonensi; Vestra, inquit, Nobilitas totum penè orbem, ut fons uberrimus inundavit; ut nulla gens, nulla regio sit, quæ non nobilitatem suam à vobis habere gaudeat, jactet, lætetur. Et Æneas Sylvius; Ita agamus, ait, ut potius Germani, quàm Ita-

J. Ant. Campanus.

Æn. Sylvius.

Felix Faber Histor. Suevor. lib. 1. cap. 7.

Francesco Sen-
sò della
Origine & de-
fatti delle fa-
miglie illustri
d'Italia. Jul.
Pflugius in O-
rat. de Repub.
Germanor.

Signoride Collalto, della Scala, di Castel Barco, della Rovere, di Beccaria, del Carretto, di Montefeltro, di Porcia, Azzoni & Avogari, Pii, Carraresi, Bolchetti, Carrafi, Rossi, Landriani, Caraccioli, Farnesi, Bentivogli, Brancalconi, Gonzaghi, Gabrielli, Pallavicini, Roverelli, Chiavelli, Malatesti, Correggi, Costanzi, Soardi, Savorgnani, & multi alii. Ita quicquid Itali in Nobilitatis suae honorem magnifice aut dicant, aut faciant; semper in partem laudum Patres Germani venient. Et idem gratitudinis vinculum Europam tenet omnem. Nam laudent Polonia, Dania, Suecia, Reges suos; illa religiosissimum SIGISMUNDUM, ista fortissimum CHRISTIANUM, haec generosissimum GUSTAVUM ADOLPHUM: una tamen cogitent, illos & fere omnes eorum cives veros Germanos esse, & olim Imperatores nostros aliquot eorum decessoribus summa Regii culminis aequumara donavisse. Facitet etiam magna Britannia, illa Anglia, Scotia, & Hibernia, nobilium regnorum triga, incomparabilis sui JACOBI illustrissimas virtutes; & praeterea in Principes, Comites, Barones & Equites suos, praconia decantet: sed una meminerit; illorum majores, invictos Germanos, Saxones & Normannos, fuisse; quibus hoc inter principes curas fuit, ut posteris summae fortitudinis, laudatae justitiae, & omnium virtutum opulentam haereditatem relinquerent. Hispania quoque suae Nobilitati & suis Regibus primatum poscat: sed interim sedulo expendat,

M. Freher. in
not. ad Petr.
de Andio lib. 2.
cap. 8. p. 186.

Stuarti, Da-
norum proge-
nies: ita asse-
rit Jovius in
Scotia.

dat, & ignara discat, gnara fateatur; Suevos, Vandalos, Alanos, Gothos, Hispaniam domuisse, hodieq; Austriacos ibi rerum potiri; atque omnium ignobilissimos & vilissimos esse, qui ibi Germanos avos ciere non possunt. Gallia insuper sua decora, & XII. seculorum regnum, ostendet, eoque nomine aliis nationibus novitios & nudius tertius sumptos titulos objiciat, ac totos heroum exercitus e sua Nobilitate consarcinet, inque Orbis theatro ad adorationem usque aliis proponat: sed eadem opera observantiam parentibus Germanis debitam ne neget, atque testificetur, maximam sui partem a Francis & aliis Teutonibus hodie habitari; quin etiam, si adfectus pietatis semimortua est reliquus, publicae gratiaeque voce denunciet universis, Germaniam jam per amplius XII. secula Gallis imperavisse, & tres Regum ordines successivè, per Merovaeum Francum Merovingios, per Carolum M. Ingelhaemium Carolingios, & per Hugonem Capetum, magni Vvitekindi Saxonis trinepotem, Capevingios, (ex quibus Ludovicus XIII. in spem gentis post patris Henrici IV. funestissimam caedem, nuper sceptrum cape sivit) inaudita felicitate praefecisse. Ita foris, quicquid nobile & generosum est, tantum Germanum fere est. Domi vero, quae Nobilitas nostra est, Auditores? Majora sane illius sunt merita, quam ut aestimari, nedum a me laudari possint. Ut quaedam gemmae sunt, quae ob miram pulchritudinem, magnitudinem, & rarissimas alias dotes, omnem excedunt aestimationem et pretium: ita nostra domestica est

est Nobilitas : omnis extranea cum illa composita, plebs est. Hujus infima classis, Ordo Equestris, nihil sapit plebejū, nihil spirat ordine suo indignum : imagines refert, sed virtutes præfert; (οὐ γὰρ ἐν ἄλλῳ τινὶ τὴν ἀνθρώπινον εὐγένειαν ὑπάρχειν νομίζει, ἀλλ' ἐν αἵματι) quas exercitiis propriis, decursionibus, hastiludiis, torneamentis, ad leges censorias Imperatoris Henrici Aucupis strictissime servandas, veluti in schola sibi reddit familiares. Sed in Equestrium familiarum stemmata saltem indicem intendere digitum, fuerit invidiosum. Si enim unam prædicavero, sexcentæ aliæ indignabuntur, sibiq̃ ignominiosā præteritione notam censoriā graviolem inustam fuisse conquerentur. In honoranda Comitum Baronumq̃ classe idem me pungit scrupulus. Fürstenbergii, Helfensteinii, Montfortii, Ottingi, Mansfeldii, Nassovii, Schvvarzenburgii, Hohenloii, Oldenburgii, Ostfrieslandii, Barbii, Hannovii, Eberstenii, Schaumburgii, Zollerii, Lippii, Solmii, Salmii, Reingravii, Benthemii, Ortenburgii, Tubingenfes, Stolbergii, Vvaldecci, Bronkorfii, Vviedii, Falckenstenii, semper-liberi Limpurgii, Gleichii, Reussii, Rappolstenii, Cimbrii, Castelli, Erbachii, Leiningi, Vvaldburgi, Sulzi; & aliæ ejusdem dignationis gentes amplissima, ac quàm plurimæ sunt : quarum potentia & auctoritas singularum plus habet ponderis, quàm alibi Principum & Ducum. Sed de suprema Principum, Augustalis fastigii candidatorum classe, quid dicam, aut non di-

Melch. Haiminsfeld. Goltastus tom. 2. Constit. Imperial.

cam

cam? Quot & quantæ circumspicienti occurrunt Imperatoriæ & Regiæ familiæ? Narrat Gulielmus Brüssius Scotus, se ut in Italia palatia & antiquitatum monumenta, in Gallia milites, in Hispania præsules, in Anglia agricolas, in Polonia Nobiles; ita in Germania Principes omni laude & admiratione dignos invenisse. Verissimè invenit. Quamquam & hos & illa omnia in Germania invenire potuisset. Et, agite, mei Auditores, aliquot Principales familias nostras contemplemur. Tua, Friderice Achilles cognate, rebus pulcherrimè gestis à multis seculis est maxima. Nota est Ulrici VII. amabilitas, Ludovici probitas, patris tui Friderici magnanimitas, avi Georgii humanitas; Ulrici IX. Eberhardi primi, secundi, tertii, fortitudo. Et quantus Princeps fuit Eberhardus Barbatulus? quem virtutum ipsius radiis Itali inflammati quasi cœlestenum coluerunt ante alios Principes, atque venerati sunt: cujus sepulchrum aliquando invisens Maximilianus I. Imp. Aug. hæc illi solidā laude benedixit & parentavit: ibi jacere Principem, cā virtute & prudentiā, quā nullum in Imperio habuerit, & ex cuius consiliis sæpe ingentes perceperit fructus. Quantus fuit Christophorus? quem Catharina Galliarum Regina, Antonio Navarro & Francisco Guisio mortuus, cum domi neminem dignitate & auctoritate parem videret, cui regis pueri subditi licentiæ assueti parituri essent, atque in primis ipsa Condæi ac Momorantii partium ducum potentiam vereretur, Rascalone cum literis fi-

G. Brüssius in consil. de bello advers. Turcam felicit. gerendo. Bern. Zierizius in comment. de Princip. prærogat. Principes Germania Beldus pro Regibus habet in l. fin. C. de test. milit.

Martilius Fictorius. Cruf. Ann. Suev. part. 3. lib. 9. cap. 6.

Cruf. ibid. c. 7.

Thuan. histor. lib. 34.

An. Christi, 1563.

Q. duciariis

duciariis Stutgardiam misso, multis precibus rogavit, ut in Galliam cum III. clo equitum ac peditum Germanorum veniret, & ibi res pace ac bello suo arbitrio moderaretur. Sic tua, cognate Joachime Erneste, inclita Holsatiae Principum familia, quot splendidissimis praesulget titulis? Surculus ex magno nostro Vvitikindo, & tanto parente digna soboles est: cujus virtutes praestantissimae licet Dania, Norvegia, Gothia, & Vandalia regna; potentes Schleswigae, Holsatiae, Stormariae, & Diethmarsiae Ducatus; opulenti Oldenburgi & Delmenhorsti Comitatus; minimè aequare possunt. Immortalis operum & benefactorum memoria parui tui Friderici II. avi Christiani III. abavi Christiani I. regum optimorum, pro me loquitur. O felicitatem magni Vvitikindi, qui tot annorum centuriis post mortem in posteris magnus est! Magnus olim fuit in illis Saxonibus Imperatoribus Henrico Aucupe, Ottone I. II. III. & Henrico II. magnus & adhuc est in Galliae Capetis: magnus in Sabaudiae Ducibus: magnus quoque est in Marchionibus Misniae, & Saxoniae Ducibus; & quidem praecipue in Henrico illustri ac munifico, Friderico admorso, Friderico gravi, Friderico bellicoso, Ernesto, Alberto dexterâ Imperii sive Rolando; Friderico sapiente; Joanne, & Joanne Friderico, constantibus, Mauricio, & Augusto, & huius filio Joanne Georgio, qui hodie gentis suae & Imperii decus singulari auctoritate tuetur, maximis Principibus. Mea autem Saxonica familia, bis Electoralis, an minus merito-

rum

rum magnitudine est illustris? Fater maiores meos Bernardus Elector Henrico VI. Caesari Imperium Romanum licitanti, & illud in haeredes sanguinis jure transmittere annitenti, acerrimè restitit, omnesq; tanti praedicii molitiones in herba praefocavit. Factum ob servatam Germaniae libertatem omnibus trophaeis & triumphis anteponendum! Sed injungit pudor & modestia, ne quid amplius de meis addam. Anceps quippe & lubricus hic locus est, etiam cum necessitas lenocinetur. Etenim si alienae quoque laudes parum aequis auribus accipi solent, quàm difficile est obtinere, ne molesta videatur oratio de se, aut de suis differentis? Solatio sit, quòd adhuc spes duret avorum.

Ita Anhaltina familia, originis honore cum mea Saxonica in vetustissima stirpe Ascania concurrens, quot virtutum numina? Sigismundum, Vvolfgangum, Rudolfum, Joachimum, Joannem, Joachimum Ernestum; & quot alios Principes exhibet? In Badenfi verò familia, tantum ab uno illo publicae tranquillitatis custode, illo Jacobo; qui ubi in ditione sua latrocinium commissum esse didicerat, iis, quibus damnum fuerat illatum, tantum ex fisco reddebat, quanti jurejurando illud aestimavissent; quot ab hoc uno Reipubl. nostrae columnina sunt exorta? Joannes & Jacobus Archiepiscopi Trevirenses honoratissimi, Philibertus, Christophorus, Carolus, viri summi; & qui hodie totius Principalis domus est anchora, Marchio Georgius Fridericus; dignus, cujus virtute & bono publico nixis

Q 2

cupi-

Aen. Silvius in
Parall. Alion-
fin. lib. 4. cap. 7.

cupiditatibus fortuna præstet fidem, hocq̃ certius, quò in illius filio Friderico, juventutis principe, omnia nobilissimæ gentis merita novo exemplo efflorescunt pulchrius. In familia Brunsvicensi, Conradus Cardinalis, Henricus Leo, Henricus junior Leonis F. Albertus magnus, Otho cocles, Henricus pacificus, Gulielmus victoriosus, Ericus senior & junior, Julius Juliae Academiae pater, & Henricus Julius literis & armis, togâ sagoq̃ nemine Principum hodie minor: In Mechelburgica, Henricus Hierosolymitanus, Henricus Leo, Albertus I. Henricus suspensor, Magnus II. Ulricus: In Pomeranica, Suantiborus I. Suantipolcus II. Casimirus III. Ericus I. Bugslavus X. Philippus I: In Hassiaca, Henricus ferreus, Ludovicus mitis, Imperii purpuram recusans; Hermannus Archiepiscopus Coloniensis, Philippus belli fulmen, & Mauritius Musarum amor: In Brandenburgica, Fridericus IV. Joannes I. patris voluntate Electoratum fratri Friderico cum ferreis dentibus cedens; & ingenti animo benevolentiam paternam omni pompæ, honestumq̃ otium splendido negotio præferens; Albertus à fortibus facinoribus Achilles Germanicus, Joannes, ab eloquentia Cicero Germanicus, Joachimus I. & II. Joannes severus, Georgius Fridericus: quid aliud sunt illi omnes, nisi reliquorum agnatorum expressissimæ imagines? quid aliud sunt, nisi pietatis, religionis, probitatis, sapientiae, justitiae, fortitudinis, bonitatis, humanitatis, & omnium virtutum genuinae effigies? In familia

familia Palatina--Bavara, quamcunque stirpis totâ Europâ illustrissimæ partem contempler, statim circumfunditur memoriae admirabilis præcellentium Principum series. Inde enim veluti ex equo Trojano immortalium & propè cœlestium heroum prodire cohortes. Otho major Comes Vitelsbachius, qui virtutis ergo Bavariam ab Imp. Friderico I. accepit: Ludovicus I. Dux Bavarus, nulli bono Principi secundus: Ludovicus II. Elector, legum, justitiæ, & Reip. custos acerrimus: Ludovicus & Rupertus Imperatores, majestatis Imperii studiosissimi: Ludovicus barbatus, Fridericus victoriosus, Ludovicus III. Otho Henricus, Fridericus pius, Electores, & veræ sanctæq̃ virtutis promi condi lectissimi: Vvolfgangus Bipontinus, qui peditum quinque & equitum sex millia, à Rheni limite in intima usque Aquitaniæ, semper inter longè numerosiores hostium exercitus & per infesta loca incedens, transmissis tot periculosis fluviis, contra omnium Gallorum opinionem deduxit: Stephanus II. Ingolstadiensis, qui nullum Boium esse asseverabat, in cujus sinu solus & inermis tutò dormire non possit: Ludovicus dives Landshutensis, qui patris duritiem obsequio vicit: Albertus III. Monacensis, qui regno Bohemiæ destinatus legatos ea de causa ad se missos liberaliter donatos re infectâ domum remisit: & Maximilianus consummatæ prudentiæ Princeps, cujus hodie inter Imperii optimates existimatio & auctoritas per est magna: omnes, omnes illi inter homines divinorum æmuli, ante

De la Noue dit
memorable
passage du Duc:
de deux ponts..

mortem fato aeternitatis eripuerè confessionem. Sed quâ fronte Philippum Palatinum illum bellicosum hîc omitto? illum, qui unâ cum Nicolao, natu grandiore, Comite Salmio, Solimanni, omnium Turcicorum Imperatorum fortunatissimi, votum virtute fecit irritum. Iste enim cum tria ante mortem sibi perficienda divinitus concedi optaret: instauracionem aquæ ductus maximi, per viginti plus minus milliaria ex ipso Danubio copiosas aquas in urbem Constantinopolin ferentis; quem ab auctore Valentem, aut Valentianum (non Valentinianum) Historici dixerunt: duorum pontium in utroque sinu maris refectionem: & Viennæ Austriæ occupationem: prioribus duobus perfectis, tertium ei Palatina fortitudo in sempiternum nominis Othomannici dedecus turpemq; fugam commutavit. Obsedit autem Solimannus urbem nondum propugnaculis, ut hodie, munitam ter centum hominum millibus, eamq; interclusis omnibus itineribus aquâ terrâq; ita circumfedit; ut ex edita S. Stephani pyramide, unde longissimè prospectus patet, humani oculi acies exercitus magnitudinem metiri nequivit: tantâ nihilominus constantiâ & fiduciâ propugnatoribus, quorum tantum sedecim millia erant, immanem illam & barbaricam molem excipientibus; ut Turci vices quidem muros urbis aggressi, sed & toties à mœnibus generosè ita rejecti fuerint, ut, frameis licet ac fustibus adhibitis, nullâ vi ad oppugnationem redintegrandam amplius compelli potuerint. Magnum profectò benignitatis divinæ testimonium

Joan. Leun-
clav. in Pan-
dect. histor.
Turc. c. 196.

Descriptio Ob-
sidionis Vien-
nensis.

Joan. Leun-
clav. in Pan-
dect. histor.
Turc. c. 224.

monium! magnum Germanicæ virtutis in pauculis legionibus experimentum! magnum Philippi Palatini in omnes Christianos beneficium! Fac enim Viennam DEUS, DEUS, omen hoc averte!) à Turcis captam: audio jam in Italia, in Gallia, in Hispania, in extremis orbis Christianioris tumultuari. Quid autem de Austria caloquar familia? Quæ oratio mentem, quæ mens gentis hoc seculo & toto orbe maximæ amplitudinem capere potest? Equidem si poëta essem, pectus mihi optarem æreum, linguas centum, & ora centum; si orator, enthy-memata Demosthenis, aut Tullii opulentiam: nunc quineuter sum, potius utar Papæ cujusdam, ad Imperatorem scribentis verbis; & audenter dicam, non si omnia silvarum ligna vertantur in linguas, suffecturas tamen commemorandis tot virtutum exemplis. Nam

In familia Au-
striaca nullum
unquam ty-
rannum & elle-
gimus vel au-
diemus fuisse.
H. Kirchnerus
in Morvillerio
lib. 2. cap. 1.
num. 83.

micat inter omneis
Austrium fidus, velut inter igneis
Luna minores.

Horat. carm.
lib. 1. od. 12.

Audiant hoc, & exaudiant

& nati natorum, & qui nascentur ab illis;

Virgil. 3. Æ-
neid.

audiat universa posteritas, & in Annales relatum discat, ac sæpius ruminetur: nunquam in unam stirpem tot sublimia imperia, tot diademata & sceptrâ coisse, atque in hanc unam: ut tellus pondere suo sit nuta-
tura,

ni foret Austriacæ gentis suffulta columnis.

Pagana

Pagana antiquitas multa olim de Diis suis ingeniosè commenta est, & nescio quos Joves, Saturnos, Martes, Neptunos, Jafones, Hercules somniavit: sed Austriaca domus familiares Deos suos longè veriori ἀποδείξει in cœlum inferre, & colere possit; cum illam solam natura omnibus virtutibus cumulaverit, & illa sola naturæ universas virtutes repræsentaverit. Quid enim ex undecim Austriacis Imperatoribus Romanis de Rudolfo primo sentiendum: qui dixit, se in qualibet mundi parte cum electis quatuor galeatorum, & quadraginta peditum armatorum de Alemannia millibus, stare invictum? Quid de Imp. Alberto I. qui Adolpho Cæsare in agro Spirensi prælio superato & occiso, cum ritè non fuisset electus, comitiis convocatis coronam deposuit, & Imperii jus ordinibus resignavit; ne de violenta usurpatione atq; occupata tyrannide notari posset? Quid judicandum de Imp. Alberto II. qui cum ab Electoribus Cæsar Augustus appellatus, & ad suscipiendum tantæ majestatis decus vix persuasus fuisset; altâ voce non sine suspiriis exclamavit: O prodigiosa fortuna, nec diu manfura: tria uno anno regna nobis obtrudis? Quid de Imp. Friderico IV. qui in annos LIV. summâ moderatione res Imperii administravit? quid item de Maximiliano I. & II. quid de Carolo V. quid de Ferdinando I. quid de Rudolfo II. Imperatoribus invictissimis, sanctissimis, humanissimis: à quibus ipsa virtus & fortuna ipsa nominis ac famæ suæ æternitatem accepisse

Albert. Argentinensis in Chronico.

Cuspinianus in Alberto I.

Cuspin. in Albert. II. & Stephan. Pighius in Hercule Prodicio.

cepisse videntur? Quæ nova præconia & elogia, tot novis Diis optimis maximis digna, ingenium humanum, conquirit unquam? Quid verò de sacratissimo & clementissimo nostro Imperatore MATTHIA? quid dicam, mei Auditores? Cum Timanthes Iphigeniam Oratorum laudibus celebratam, stantem ad aras, & perituram, in tabella exprimere vellet; mæstos pinxit omnes circum, præcipuè patrum; jamq; omni tristitiæ imagine consumptâ, patris ipsius vultum velavit, quem dignè non poterat ostendere: idem, Imperator Auguste MATTHIA, in dissimili quidem affectu, dum tuam majestatem venerabundus suspicio, mihi contingit. Nam dum Patriæ nostræ dulcissimæ elogia pro modulo virium tenuiter edissero, & quæ in ea, quâ homines, quâ terrarum omne genus dotes, ad meritas laudes compono; tam omnem ingenii vim exhausti, ut, cum te Patriæ Patrem non possim dignè ostendere, Timanthis velum tibi injicere cogar: voto tamen animitus conceptò DEUM precatus, ut te generi humano, cujus tutela & securitas salutis tuæ commissa est, incolumem florentemque præstet. Annue, ô DEUS!

Plin. nat. hist. lib. 35. c. 10.

Quanti ergo nos Germanissimus, quantum profecerimus, jam intelligis, amplissime Præses; jam capitis, mei Collegæ; jam videtis, mei Auditores: ut vel incogitans, vel ineptus, vel cæcus sit; qui hanc nostram prærogativam non intelligat, non capiat, non videat. Quem admodum igitur olim Plato naturæ gratias egit, quod

R natus

natus esset homo, non bellua; masculus, non fœmina;
Græcus, non barbarus; præsertim verò Socratis tem-
poribus: ita ego Divina Majestati hymnos laudum &
gratiarum purissimo corde decanto, & decantabo,
quàm diu hujus lucis fruar usurâ; quòd me fecerit ho-
minem, quòd Christianum, quòd Germanum; & cum-
primis quòd vitæ meæ periodum in hoc felicissimum
produxerit seculum, atque ad tempora gloriosissimi
Principis, IMPERATORIS MATTHIÆ AUGUSTI.

PRINCEPS
FRIDERICVS
ACHILLES, &c.

Quid verò tibi videtur, mi charis-
sime cognate,

Dn. JOACHIME ERNESTE,
Dux Slesvici-Holsatiæ?

ORATIO

JOACHIMI
ERNESTI,

HEREDIS NORVVEGIÆ; DUCIS
Slesvigæ, Holsatiæ, Stormariæ, Diethmarsis,
Comitis Oldenburgi, & Delmenhorsti.

pro
GALLIA.



Imperator MAXIMILIANUS, qui non
tantum à nomine, quod in sacro regene-
rationis fonte volentibus ita parentibus
Augustis accepit proprium, verum etiam
ab incomparabili in Remp. Christianam meritorum
magnitudine, cum primis à singulari sapientia, & de o-
mnibus dexterè judicandi gratia, inter omnes sui seculi
Principes, meritò primus est; is aliquando in fami-
liari colloquio ad domesticos & aulæ suæ proceres nobi-
lissimum Galliarum regnum in hanc sententiam col-
laudasse fertur: Si per rerum naturam (dicebat) fieri
posset, ut quis ex hominibus mortalis evaderet DEUS,
egoq; is essem; sic ultimam voluntatem, quantum ad
familiæ herciscundæ judicium, disponderem; ut ex filiis
meis primogenitus esset Deus post me, & natus secun-
dus Gallis imperaret. Quo augustissimo elogio maxime

Hierôme Bi-
gnon de l'ex-
cellence du
Royaume de
France: lib. 4.

R 2

Injuncta

Imperator testari volebat; potentem Gallorum Regem omnibus orbis terrarum monarchis, Principibus, & dynastis, honorum palmam facere ambiguam; sed & illius regno nullum aliud sub sole componi, nedum anteponi posse. Atq. hanc præfatione hic utor eò libentius; cum, ut apud te, Friderice Achilles cognate, & vos collegas reliquos, audientiam conciliem attentio-rem; tum, ut tanti Imperatoris suffragio munitus quàm longissimè à me adulationis invidiam amoliar: si, quò me veritatis majestas non ducit, sed trahit, præ Germania, cui ut patriæ charissimæ vitam, spiritum, & omnia acceptum fero, & ubi ubi necessitas postulabit, pro illius salute omnia fundere sum paratissimus; si præ aliis etiam omnibus Europæis regionibus, uni jam Galliæ patrociner. Sed quod censeo, procul dubio censebunt mecum haud parum multi, adeòque in castra mea veluti pedanei transibunt volentes; si in victis rationum momentis, non amoris aut odio, locum dare maluerint. In altum igitur laudum Galliæ, vestrâ bonâ cum veniâ, Præses, Collegæ, & Auditores, exspatiabor; & argumentis sole meridiano clarioribus evincam; Galliis propter summam planèq. prodigam soli fertilitatem; propter populi plurimorum populorum patris, & de omnibus in univ-ersum populis, heri & hodie, olim & nunc, præclarissimè meriti, excellentiam; & deniq. propter venerandam Regum supra omnes alios Reges ac dynastas majestatem; omni jure prærogativam existimationis & gloriæ principatum deberi.

Qui

Qui Galliam aliquando oculis minimè ad livorem contortis perambulaverunt; testimonium dicent non inviti; eum esse Galliæ situm, ut non possit esse nobilior. Posita enim est veluti in meditullio Europæ: cælo quàm maximè salubri, benigno, & temperato eam ambiente: ita ut nec ob immanem frigorum sævitiam stultas Germanorum, nec ob insolitam æstus gravitatem Mauritanorum specus subterraneas desideret; neque etiam corrupti aeris totas morborum legiones parturientis vim reformidet. Et quod situs felicitatem perficit, illa undique libera, & ad totius generis humani commercia terrâ marique aperta est undique; ac quasi arbitra & regina in medio sedens, Principum Europæorum arma ad nutum & voluntatem suam unit, dividit, temperat: modò immoderatum petulantius in vicinos grassantium pruritum cohibendo, modò justitiam tenuium validdè juvando; ut ut commodissimum Reipubl. Christianæ visum fuerit: ita à fronte terrens Italos, à tergo Britannos frenans; dexterâ Hispanis compedes crucisque minitans; & sinistrâ Germanorum furorem compescens: denique contra quorumvis hostium impressiones & truculenta consilia circumcirca securas mari mediterraneo & oceano duo illius latera claudentibus; montibus quoque Pyrenæis & Alpibus altera duo circumvallantibus; arte naturam, ubi opus est, strenuè adjuvante. Hanc situs & gratia terræ ipsius nunquam satis prædicata bonitas etiam exuperat; quæ

Michaël Surianus Venet. in Relat. Gal.

R 3 tantæ

tanta est, ut nullam aliam mundi regionem solintueatur clementius. Nam quemadmodum vas Cretico vino plenum ex omni parte, si relinatur, dulcissimum fundit liquorem: sic Francia tota, quanta quanta est, omne genus divitiis infarcta, veluti ex copiae cornu, quaquaversum missilia luxuriantis fortunæ non jact, sed spargit; ut hanc laudem sibi vindicare possit propriam; creditricem se esse ditiorum mundi omnium, debitricem nullius. Cumq̃ aliàs communi naturæ lege

Voyez la Réponse de Bodin au sieur de Malcstroit.

Claudianus.

non omnis ferat omnia tellus,

sed quælibet singulari quâdam dote gaudeat, quæ cæteris sit denegata: soli & uni Franciæ privilegium hoc cœlitus concessum est, ut fertilis sit bonorum omnium, nec ullibi apud peregrinos tam rarum carumq̃ inveniat, quicquam, quod Gallis non sit domesticum & commune. Quam Franciæ prærogativam Itali in laudes suas aliquin nimio opere prodigi, in aliorum parci satis, candidè agnoscunt, & publicis scriptis luculenter contestantur, profiteri nihil erubescunt; omnia quæ in Italia quibusdam iisq̃ paucis in locis singulari memoriâ & admiratione digna occurrunt, ea in Gallia passim & ubivis reperiri. Laudes igitur, quas olim Strabo & Plinius Narbonensi provinciæ, & Salvianus Aquitaniæ, tribuebant, ego jure hodie adscripserim Galliæ universæ. ἡ Ναρβωννίτις ἁπασα, (verba sunt Strabonis) ὡς περ ἐν Ἰταλίᾳ, τὰς αὐτὰς ἐκ φύσεως ἀγαπᾷ, Narbonensis provincia, inquit Plinius, agorum

Boterus in Relat. universal. part. 2. lib. 1. de Gallia.

Strabo. lib. 4.

Plin. H. N. lib. 3. cap. 4.

rum cultu, virorum morumque dignatione, amplitudine opum, nulli provinciarum postferenda: breviterque, Italia veriùs, quam provincia. Et, nemini dubium est, ait Salvianus, Aquitanos ac Novem-populos medullam ferè omnium Galliarum, & uber totius fecunditatis habuisse; nec solum fecunditatis, sed, quæ præponi interdum fecunditati solet, jucunditatis, voluptatis, pulchritudinis. illic omnis admodum regio aut intertexta vineis, aut florulenta pratis, aut distincta culturis, aut confita pomis, aut amœnata lucis, aut irrigata fontibus, aut interfusa fluminibus, aut crinita messibus fuit: ut verè possessores ac domini terræ illius, non tam soli istius portionem, quam paradisi imaginem possedisse videantur.

Salvian. lib. 7.

In primis autem quatuor sunt, quæ supra copionem hominum in Gallia mirificè abundant; videlicet Frumentum, Vinum, Cannabis, & Sal: quæ non ineleganter Boterus dixit Galliæ magnetes. Ut enim magnes, non tamen omnis, sed cæruleus, & præsertim Æthiopicus, cui laus summa datur, pondusq̃ argento rependitur, domitricem illam rerum omnium materiam, ferrum attrahit, sistit, & complexu tenet: sic isti Gallicimagnetes; qui Æthiopico tantò sunt meliores, quanto Gallia est nobilior & cultior Æthiopiâ; omnem extraneorum pecuniam, omne aurum & argentum ad se trahunt, & Galliam constituunt quasi thesaurariam Orbis terrarum universi. De frumento quidem dubium nemini esse debet, perfectissimum id nasci.

In Relat. universal. part. 2. lib. 1. de Gall.

Plin. histor. natur. lib. 36. cap. 16. Æthiopicum argumentum est, quod magnetem quoque alium ad se trahit.

Jul. Solin. Polyh. cap. 34. & ibi Joan. Camers. P. Melalib. 3. cap. 2. & ibi Joach. Vadianus.

Pro Fonteio & alibi.

Plin. hist. nat. lib. 18. cap. 7.

H. Bignon du Royaume de Fr. lib. 1.

Bodin. lib. 6. de Repub. c. 2.

nasci in Galliis : quas propterea Solinus felices præpinguibus glebis, accommodas proventibus fructuariis; & Pomponius Mela, terram frumenti præcipue feracem, prædicaverunt: sine dubio multo altiore bucina agri excellentiam decantaturi, si hodiernam culturam priscâ illâ immane quantum ditiores rediivis oculis jam præsentibus arbitrarentur. Nec subticuit Cicero, suâ ætate ingentem frumenti vim ex Galliis inopiæ publicæ sublevandæ aliorum transvectam fuisse: uti nec Plinius ille naturæ protonotarius; qui hoc addit amplius, Gallicum esse nitidissimi grani, & quatuor libris plus panis reddere, quàm far aliud. Hodie certè famelicæ Hispaniæ Gallia tanquam bona nutrix largiter succurrit, & annuis frumentationibus fastuosæ & ingratae gentis mensam instruit opiparè; sed tanto cum fœnore, ut Hispani directum Peruviae dominium, & Galli utile habere videantur. Vino verò Gallico non opus est suspensâ hedera: siquidem illud ingenti pretio comparant, & cottidie immensâ copiam domum asportant Angli, Scoti, Belgæ, Germani, Dani, Sueci; & quicquid populorum bibacissimus continet septentrio. Cujus rei argumentum majus habeo nullum, quàm quòd unus Lauda mercator Cameracensis, Anno M. D. LXXVIII. triginta tria millia modiorum vini terrestri vecturâ in Belgium exportari curaverit, tametsi aditus arduos ac multis locis ab hostibus interclusos sibi videret. pretium in singulos modios ut minimum fuit quatuor coronatorum. Ex quo intel-

intelligi potest, quanto plura navibus deducantur. Atque ut streptos uva ubique cum sole se circumagit: ita Nectar Gallicum ad solis cursum se studiosè componens passim terras omnes dulcissimoli liquore suo, veluti aureo quodam imbre, refocillat. Quin & exquisitissimam Italorum gulam jam priscis temporibus sibi fecit vectigalem; fidem huic rei facientibus Columellâ, Plinio, Plutarcho: ut propterea, quid Vopiscus & Eusebius velint, dum Imp. Probum Gallis potestatem vitæ ferendi dedisse tradunt, viri docti nondum capiant. Hodie verò inter primæ nobilitatis vina sunt Aurelianensia, Andegavensia alba, Turnonia, Benearnensia, Furanconia, Burdegalsia, Provincialia pleraque, Belnensia, & quæ in Burgundiæ Comitatu nascuntur ad Arbosium, Vadam, (apud Arbosianos & Vadanos vasa vinaria sunt ingentis magnitudinis, & quæ altitudine domos propemodum æquent; fortè nihil aut parum capacitate suâ celebribus in Germania vasis, Tubingenfi, Heidelbergensi, vel Gruningensi, concessura.) item ad Grimoniam arcem, Polichnium, Lothanum, Castrum Caroli, Villephanum, Gyum, Morellum. Jam delino, tertio Galliae magnete, quibusvis gemmis & lapidibus pretiosis pretiosiore, quid dicam? Quem enim non in stuporem conjiciat herbam esse, herbam tam parvulo semine progeneratam, tam gracili avenâ, vix paulò altius ulnâ à terra sublatam, nonnullâ cum naturæ injuriâ viribus exutam, audaciq; hominum artificio passam tufamq; & in mollitiem lanæ coactam; talem, in-

S quam,

Plin. nat. hist. lib. 14. cap. 3.

P. Merula Cosmogr. p. 3. lib. 3. cap. 3.

Plin. Hist. nat.
lib. 19. in pro-
emio.

Thuan. Hist.
lib. 44.

Plin. hist. nat.
lib. 19. cap. 1.

quam, herbulam esse, quæ admoveat Ægyptum Ita-
liæ; in tantum, ut Galerius à freto Siciliae Alexan-
driam septimâ die pervenerit, Babilius sextâ, ambo
præfecti: æstate verò proximâ Valerius Marianus
ex prætorii Senatoribus à Puteolis nono die, lenis-
simo flatu: herbam esse, quæ Gadeis ad Herculis
columnas septimo die Ostiam afferat, & citeriorem
Hispaniam quarto, provinciam Carbonensem ter-
tio, Africam altero: quod etiam molliſſimo flatu con-
tigit C. Flacco legato Vibii Crispi Proconsulis? her-
bam esse; quæ Santonum Rupellam & Floridam
XVII. dierum spatium, c. I. c. leucas emetiendo
conjungat: quod prospero successu evenit Domi-
nico Gurgio Gallo: herbam esse, quæ ventos &
procellas, Æolum & totum ipsius satellitium ad obse-
quium componat & mansuefaciat? herbam denique
esse, quæ orbem terrarum ultrò citroque portet; quæ
Orientem & Occidentem, Meridiem & Septentrio-
nem, in quavis mundi plaga societ, & ad omnia hu-
manitatis atque charitatis officia uniat? Ubi autem
lini copiosior proventus, quam in Gallia? Ubi quæstus
ex telis, velis, rudentibus, & hujusmodi instrumentis
nautico est amplior? Ubi mercatus uberior? Itane &
Galliæ (ait Plinius) censentur hoc reditu? Cadurci,
Caleti, Ruteni, Bituriges, ultimique hominum existi-
mati Morini, jam verò Galliæ universæ vela texunt.
Imò nisi hodieque Galli vela texerent; unde Hispa-
ni equitatus suos ligneos, quos tot tantosque singulis
annis

annis in utrasque Indias, innocentes & simplices po-
pulos excarnificatum & spoliatum mittunt, sint instru-
cturi, non video.

Transeo ad salem, verè omnium condimentum,
condimentorum: quod præter medicinæ & alios in vi-
ta humana usus excitat aviditatem invitatque in omni-
bus cibis, ita ut sit peculiaris ex eo intellectus inter innu-
mera condimenta: quod adeò necessarium est elemen-
tum, ut pecudes armenta & jumenta maximè solici-
tet ad pastum, multò largiore lacte, multoque gratiore e-
tiam in caseo dote. Nascitur & conficitur hic magnes
in multis terrarum tractibus, nec copiâ contemnenda:
cum Africa circa Uticam conficiat acervos salis ad
collium speciem; & Carra (est Arabia oppidum cla-
de Crassi nobile) muros domosque è massis salis faciant,
aquâ ferruminantes; & Hammanientes restagnanti-
bus ibi Mauritania aquis domos sale, montibus suis ex-
ciso, ceu lapide, construant: & apud Indos ex monte
Oromeno lapicidinarum modo sal cadatur renascens,
majori regum ex eo vectigali, quam ex auro est atque
margaritis. Atqui sal Gallicus, cujus cumulos veluti
argenteos quosdam colles non modo terra suppeditat,
sed & Oceanus ipse litoribus acervatim alluit, ipso
Phæbo statim & feliciter coquente, quantum & à co-
pia & à bonitate longè præstat aliis omnibus? Quantum
nummorum quotannis in arcas infert regias? Nam
regiones ad Arcton excurrentes, quibus, ut Catulli
quidem verbis, non autem sententiâ utar,

Plin. hist. na-
tur. lib. 31.
cap. 7.

Plin. hist. na-
tur. lib. 5.
cap. 24.

Plin. hist. na-
tur. lib. 5.
cap. 5.

Catullus.

vix in tam magno corpore mica salis,
quot millies millenos modios è salissima Gallia singulis
annis domum vectant? Exploratum enim & experi-
entiâ diuturnâ compertum est, nec Belgas, nec Britan-
nos, nec Danos, sale Gallico vacare posse. Et cum an-
tea Imperator Carolus V. Belgas non tantum ab Hispani-
is sal accipere cogeret, verum etiam Gallico sale uti
prohiberet; civitates ac populi, qui ab Hispanis sale me-
rant, animadvertenter, piscarias merces, quarum u-
berrimus & copiosissimus est in Belgio quaestus, Hispani-
co sale propè extabuisse, propter acrem nimis & arro-
dentem salis Hispanici vim ac naturam; importunisq;
rogationibus obtinuerunt, ut Gallicis salibus, qui vege-
tiores & suavioris sunt, uti liceret. Unde sapissime
navium peregrinarum classes ad littus Celticum appel-
lunt salium emendorum causâ: & quia frumento, vino,
oleo, cæterisque rebus ad vitam beatiùs commodiusque
degendam necessariis abundat Gallia, illi negotiatores
vacuas naves arenâ aut lapidibus onerant, ut emere li-
ceat, cum rariùs permutare possint.

Ad tot tantasque Gallia divitias non parum emo-
lumentum adcrevit ex oleo, ficibus, malis aureis, cytreis,
granatis, pyris, nucibus; vitri item pastillis sive glasto,
oryza, cocco, croco, nardo, (quod ad Theriacam confi-
ciundam ex Gallia peti, Galenus testatur.) libanotide
sive rosmarino (cujus in Languedocia non minor copia,
quàm apud nos juniperorum) aliisque herbis, & flori-
bus: quibus omnibus non tam ad vitæ necessarios usus,
quàm

Bodin. de Rep.
lib. 6 cap. 2.
Et en la Respon-
se au sieur de
Malestroit.

H. Pignon du
R. de Fi. liv. 1.
P. Merul. Col-
mogr. p. 2. lib. 3.
cap. 3.

quàm ad delicias & medicinas in certamen usque ple-
raque provinciae Gallicae luxuriant. Ita pascua latis-
sima, innumeri ovium, caprarum, suumque greges, infi-
nita boum armenta; avium examina, exercitus cervo-
rum, ferarumque omne genus; quid utilitatis, quid jucun-
ditatis, quid solidi gaudii non afferunt? Et quidem la-
nae Gallicae jam olim summam nobilitatem habebant.
Et nonne nos hodieque pannos Bituricenses, Parisienses,
& alios Gallicos aestimamus, & ex iis elegantiora pallia
caligasque conficimus? Neque etiam illaudatos Gal-
lia generat equos; qui nullos non labores sustinent forti-
ter, atque in pugnis facile ante omnes obtinent palmam:
Lotharingicis tamen Neapolitanorum & Turcico-
rum gloriam proximè aequantibus. Sed præcipuè Cel-
ticas equas olim laudibus & pretio efferebant Ro-
mani: sicuti & iidem ex Galliis canes venaticos, tan-
quam aliis generosiores petebant; speciatim canes Galli-
cos appellando. Atenim dum canem Gallicum nomino,
an istius amphitheatrum, silvas & lucos, non simul no-
minem? Refert Strabo, nullas in Gallia esse terras
otiosas & inutiles; nisi ubi lacubus & sylvis impeditur:
sed si hodie Strabo Galliam perlustraret, omnino eam
undiquaque fertilem, utilem, & beatam, sine omni ex-
ceptione & laudum temperamento, diceret; nec ulla
loca deserta, nulla inculta, nulla impedita & ad usus
hominum inepta, quantumvis oculatissimâ per vestiga-
tione jam reperiret. Stagna enim, quæ adhuc supersunt,
reditus præbent opulentissimos; & silvas luci & reliquæ

Pet. Quinque-
ranus de laud.
Provinc. inter
alia ita: Quid
totam Provin-
ciam diu com-
modere opus
cum Insula Are-
latensis agri
plus quatuor
millibus equa-
rum alar, bovi-
ni vero pecoris
millibus item
non minus sex-
decim: quam
copiam ego sat
scio alibi totis
provinciis, inq;
cultissimis de-
siderari. Adde-
tis etiam Phil.
Camerar. me-
ditat. hist. Cen-
tur. 2. cap. 99.

telluri emolumento pares, nisi & superiores sunt. Nam præter venationum delectamenta concessa Equestri Ordini sine agricolarum injuria, & præter umbrarum suavitatem, isthinc populus focum culinamq; armat, isthinc belli machinas instruit, isthinc utensilia parat, isthinc mari sulcando & fluminibus domandis, naves, rates, pontes extruit; isthinc casas, horrea, domos, palatia ædificat. Nec omiserim taxum, quæ olim Galliis fuit copiosissima, venenatam arborem; sed innoxiam, si in ipsam clavus æreus adigatur. Eam Dioscorides Narbone tam præsentis esse veneni tradit, ut qui obdormiant sub ea, cibumve capiant, moriantur. Vasa etiam viatoria ex ea vinis in Gallia facta, mortifera fuisse compertum est. Unde sunt, qui & taxica hinc appellata dicant venena, quæ nunc toxica dicimus.

Atq; hætenus, Auditores, faciem & purpuram Helenæ Gallicæ extremis tantum lineis adumbravi: sed quia ad gloriam ejus pertinet, ventrem quoq; illius, non tamen ex edicto prætoris, nec ex Divorum fratrum rescripto, parumper inspicere fas sit. Metalla innuo, quibus non minus prægnans est Gallia, quam regiones aliæ: & quidem ferro maximè, optimo pessimoq; vitæ instrumento. Siquidem hoc tellurem scindimus, ferimus ambusta, ponimus pomaria, vites squalore deciso annis omnibus cogimus rejuvenescere: hoc figuramus tecta, cædimus saxa, innumerosque ad alios usus ferro utimur; ita ut incolæ insulæ de los ladrones, quamvis omni metallo

Plin. hist. nat.
lib. 16. c. 10. P.
Merula Conf.
mogr. p. 2. lib. 3.
cap. 2.

ff. de vent. in-
spic.

Plin. hist. nat.
lib. 34. cap.
14.

tallo destituantur, à navigiis prætereuntibus, non aurum, non argentum, sed tantum ferrum altâ voce efflagitent; non nescii, ferrum inter metalla omnia utilitate primum esse. Sed & eodem utimur ad bella, cædes, latrocinia, non cominus solum, sed missili volucrig; nunc tormentis excusso, nunc lacertis, nunc verò pennatos, quam sceleratissimam humani ingenii fraudem arbitror: siquidem, ut eius mors perveniret ad hominem, alitem illam fecimus, pennasq; ferro dedimus. quam ob rem culpa nobis, non naturæ fiat accepta. Videtur autem natura propterea Galliam ditioribus ferri venis inferuisse, ut fortissima & mascula Gallorum natio ex hoc inexhausto armamentario invictas suas legiones perpetuò armare, & fortunâ virtuti famulante, omnibus totius orbis partibus catenas & compedes innectere posset. Gladii sanè Gallici semper famam, & laudem, & pretium habuerunt. De singulis verò metallorum speciebus tædiosum sit aures illustres hujus confessus fatigare longius: satis sit, Galliam jam sub Augusti imperio cum aliis populis, & nominatim cum Hispanis, pro gloria metallaria, singulis terræ suæ patriæ divitias extollentibus, contendisse. Et quamvis argento eam carere scripserit Diodorus: è Pyrenæis tamen montibus, cum silva casu accensa conflagrasset, liquatum argentum hic, ut & in Hispaniis profluxisse narrat Athenæus. Nemo verò etiam tam vanâ opinione imbui se patiatur, hodie in Galliis quasi effætâ tellure, omnes auri & argentiq; venas exaruisse; cum cottidie novæ se prodant, quæ

Jul. Pollux
Onomast. lib.
1. c. 10.

Athenæus
lib. 6.

Voyez l'Apo-
logie de René
Herpin pour
la République
de J. Bodin.
ou Dominique
Bertin assen-
sion, s'il eût eu
les moyens, qu'
on tireroit plus
d'or & d'ar-
gent des Pire-
nes, qu'il en
vient du Perou.

quæ ad indaginem diligentiorẽ avaritiæ operas solli-
citant & provocant: & quidem Dominicus Bertinus
existimabat, ex Pyrenæis montibus, si quis scrutetur,
plus auri argentiq; effodi posse, quàm colligatur ex venis
Peruviæ. Sed Gallorum virtus, cælo proxima, cum
inferis parum habet commercii. Cum enim illorum ter-
ra summâ sui parte tribuat bona omnia, quæ sive neces-
sitatẽ, sive delicias considerem, omnibus humanæ vitæ
desideriis satisfacere, & ad nova etiam delicatissimos
Apicios stimulare possint: cur in tam sanctæ & beni-
gnissimæ matris ventrem sæviant? cur viscera ejus
cruentent? cur tot hominum exercitus sepeliant vivos,
& in sede manium opes quærant, quas longè sanctiores
& innocentiores possident in horreis? Utinam sic vi-
veremus ubique! Quàm enim beata, & omni pretio
major esset vita; si nihil aliud, quàm supra terras, &
quod secum est, concupisceret? Scilicet

vidius.

itum est in viscera terræ,
quasque abscondiderat, Stygiisque admoverat
umbris,

effodiuntur opes, irritamenta malorum.

Hoc verò etiam attingendum est. Cum Galli ædificia
certatim extruerent: ea ut robusta, ac splendida, & in
longam temporum senectutem durarent; natura illic
ex terræ gremio omnis generis lapides ad structuram
idoneos, quosdam ipsâ duritie immortales, alios autem,
quamvis dentatâ ferrâ secantur, tamen contra tempe-
statum insultus fortes, & contra vetustatem fideles,
quoniam

H. Bignon du
R. de Fr. lib. 1.

quin & ingentem pulcherrimorum marmorum, & ver-
sicoloribus maculis eximie distinctorum, quibus miri-
ficè fecundi sunt montes Pyrenæi, apparatus affatim
suggerit: ut & inter plurima Galliæ miracula anti-
quitas observavit; lapides ibi renasci, & lapicidina-
rum hulnera sponte compleri iterum.

J. Bodin. in na-
tura theatro
lib. 2. Ulp. 11.
1 fructus. 7. 5.
si vir. 13. ff. so-
luto matris.

Reliquas autem Galliæ dotes aquarias cur supe-
rioribus brevi sermonis filo attexere cuncter? Ac li-
cet saluberrimæ passim aquæ cunctas provincias, intra
supraque terram, venis, ut siphonibus, discurrentibus,
admiraculum usque humectent, irrigent, foveant; adeo-
que quibusdam in locis, potissimum in Bearnia, (cui
regioni cum in montibus, tum in planitie, mirandus est
genius & stupenda indoles: & vix oppidum ibi, vix
pagus, cui non aliquid singulare) medicinas faciant,
nec Morboniæ in Gallia locum esse facile patiantur:
non minori tamen gratitudine pensandum beneficium
est illud, quod innumeras piscium species, & saporis
exquisitissimi, naturâ novæ semper pariente, emit-
tunt; & tantâ vi, ut multoties capturam ea impediat,
& piscatoribus speratum, retibus molem ponderis non
tolerantibus, eripiat fructum. Et ut in piscium & a-
quarum miraculis paulum hæreamus: in Arari flumine,
ut habet ex Callisthene Stobæus, nascitur magnus qui-
dam piscis, Clupea nominatus ab incolis; qui crescente
lunâ albus est; decrecente eadem, nigrescit; & corpo-
re nimium aucto à propriis spinis interimitur. in huius
piscis capite lapis perhibetur reperiri, similis grani sa-
lis,

P. Merula. Cos-
mogr. p. 2. lib.
3. cap. 45.

P. Merula Cos-
mogr. p. 2. lib.
3. cap. 3.

lis, qui optimè facit ad quartanas, sinistro lateri corporis alligatus decrescente lunâ. Sic inter Burgundiæ Nozerethum & Ripariam locus est in Bonvalle, lupis, percis, & aliis piscibus abundans; qui septimo quoque anno in aliquot hebdomadas suffugiens & delitescens iterum emergit. Et alius lacus in eadem Burgundia, cui à Voraginibus nomen; in cuius superficie coit limus in eam duritiem, ut terra continens videatur: super quotamen equites currusque securè non ambulent, sed soli pedites. is cælo pluvioso & nebuloso non emergit, nisi serenitatis sit index. tunc enim per foramina brevi tempore se se effundit, & totam Columbanam planitiem rigat. Nec in exiguo censu ponendus est ille aquarum Galliæ fructus: quod probatissimum, id est, quàm maximè rubens, & quàm ramosissimum generent corallium: cuius baccarum autoritas non minùs Indorum viris quoque pretiosa fuit, quàm olim foeminis Romanis uniones Indici. gignitur id quidem & in Rubro mari, sed nigrius; item in Persico, vocaturque Iace; sed laudatissimum in Gallico finit. circa Stæchadas insulas. Quo autem in numero nisi

Merula ibid.
c. 47.

Plin. hist. nat.
lib. 32. cap. 2.

H. Bignon. du
R. de Fr.

Boter. in Re-
lat. univers. sal.
part. 2. lib. 1.

primo & supremo illud collocandum est, quod totum regnum plurimis iisque præstantissimis & gratiosissimis fluminibus perlucit; quæ lica mediterranea non minùs quàm maritima commerciis aptant; sicque in singulis provinciis omnium divitias & totum Mercurii imperium ubique monstrant? Catharina Medicæ, Gallorum Regina, dicere solebat, Galliam à pluribus

ribus navigiorum patientibus fluviis interluit; quàm reliquas Europæ regiones omnes. Quod ut sit oratorie dictum, & hyperbolen sapiat; ea tamen Boteri Itali iudicio à veritate quàm proximè abest. Et quanquam inter tot flumina nullum est, quod singulari quodam naturæ privilegio non gaudeat; quibusdam etiam aurifodinarum æmulis, in ramentis absolutissimum aurum, scilicet cursu ipso trituque perpolitum, vehentibus; ut propterea Galli Hispanis Tagum suum, Padum Italis, Hebrum Thracibus, Asiaticis Pactolum, & Indis Gangem invideant haudquaquam: inter omnia tamen Sequanæ præcipua nobilitas; cuius ea est aquarum amœnitas & munificentia, ut oculos & palatum pelliciat; ea innocentia, & riparum obfirmatio, ut accolæ populos securè in utramque aurem dormire jubeat; lectum non facile evagetur, minimeque omnium orbis fluviorum interdictum Prætoris de ripa munienda exerceat; ea cursus mansuetudo, ut omnibus vicinis familiaritatis usum fructum sinuosis suis flexibus & mæandris, ob quos sæpe creditur reverti, (nam Lutetiâ Possiacum, quæ itinere terrestri inter se leucis VI. distant, navigantibus plus XXVI. numerantur) cupiat exhibere; ea denique in navigationibus commoditas, ut nesciam, an in aliis annibus sit par, nedum major.

Julianus Imp.
in Misopog.

Thuron. hist.
lib. 42.

Hæc igitur est Gallia; hæc terrarum nobilissima, & verè felicitatis humanæ epitome; hæc omnium deliciarum

Sueton. in Ju-
lio cap. 22. 26.
4. Plutarch. in
Julio. H. Bi-
gnon du R. de
Fr lib. 1. Lipf.
de Magn. Rom.
lib. 3. cap. 7.

Plin. hist. nat.
lib. 7. cap. 3. lib.
18. cap. 18. lib. 5.
cap. 9. lib. 8.
cap. 25.

ciarum & elegantiarum paradisus; hæc est, quæ Ma-
nilius divitem, quæ Dion divitiis florentem, quæ
Josephus beatitudinis fontem, omnes terrarum tra-
ctus opibus & bonis irrigantem, quæ Cicero omni
copiarum genere abundantem, quæ Procopius Hi-
spania, & Bignonius omnibus Imperii Romani pro-
vinciis potentior, dixerunt. Hæc ipsa est, cujus
opibus & viribus Julius Cæsar incredibiles aeris alie-
ni sarcinas excussit, omnes amicos & familiares suos
egenos locupletavit, plerosque Romæ proceres & pri-
mores in sententiam suam pertraxit; immensa congia-
ria populo, & militibus donativa dedit; palatium ma-
gnificentissimum, cujus area constitit H.S. millies, quæ
sunt viciesquingies centena millia Philippæorum,
extruxit: breviter; quæ Imperium Romanum uni-
versum in potestatem redegit. Unicum tanquam
Priusægov consummatissimæ Galliarum bonitatis addo
hoc: terram Gallicam aut paucis, aut nullis affligi in-
commoditatibus. O ineffabilem naturæ indulgenti-
am! Quæ enim alia in mundo provincia, quæ plaga,
quis agellus est; cuius felicitatem nulla flagellet cala-
mitas, vis major nulla conturbet, nulli etiam novercar-
tis fortunæ præmiatores contaminent. Ægyptus flu-
men Nilum habet potu fœtiferum, & coloni vice fur-
gentem, qui auctu magno per omnem planitiem exspa-
tius satietatem, hilaritatem, securitatem, & delicias
affert: sed idem Nilus habet Crocodilum, quadrupes
malum, & terrâ pariter ac flumine infestum. Cyre-
naica

naicarosas fert odoratissimas, atque unguentum pulcher-
rimum: sed eadem quoque generat Basiliscum, fruti-
ces necantem, non contactos modò, verum & afflato,
exurentem herbas, saxarumpentem, internecivum hu-
mani generis; omnibus, qui oculos ejus videre, confestim
expirantibus. Sic Arabia ab odoribus, quos spirat &
in totum spargit orbem, felicitis cognomentum adeptæ
est: sed eadem noxiis serpentibus colore mentientibus
terram, & pestilentibus morbis ex gravitate aeris con-
tractis, ita impetitur, ut infelicitis cognomentum non
male gerere possit. Sic China apud omnes audit ferti-
lissima, amœnissima, & Orientis horreum: sed eam
mille pericula, miseriæ mille circumstant & obruunt
sine indicibus; modò igne cœlitus immisso totos pagos,
oppida, urbes, & provincias totas diglutiente; mo-
dò inundationibus & diluviis obvia quæque proster-
nentibus; modò terrâ horrendo cum fragore intremi-
scente, & diductis faucibus homines, pecora, & sei-
psam sorbente ac devorante. Sic etiam aliorum re-
gnorum & imperiorum prosperitatem, semper aliqua
comitatur clades & injuria. Una verò Gallia, &
unica Gallia, quietè & secure suis opibus fruitur: una
serenantis fortunæ domicilium & regiam obtinet: u-
na semper sine omni periculo uberrimam omnium de-
liciarum colligit messem. Hinc Crocodilum non
novit, basiliscum non videt, serpentum morsus non
sentit; leonum, tigridum, ursorum, & reliquorum vel
nomine solum terrentium animalium laniatus non do-
let;

Plin. lib. 21.
cap. 4. & lib. 8.
cap. 21.

H. Bignon du
R. de Fr. lib. 1.

Plin. lib. 2.
cap. 80.

let; aeris pestilentiam, ignium caelestium ingluviem, excidia aquarum non timet; & denique terrae mura, mugitus, rupturas, & cætera prodigia non audit. Qui itaque hæc omnia, huc usque pro Gallis proposita, vacuis percepit auribus; is, nisi me omnes sensus decipiunt, si antea non credidit, in posterum mihi accredet, & assensu suo stabiliet, quæ la France est le petit oeil & la perle du monde.

h. e. Galliam
mundi ocellum
& gemmam
ess.

Proverb. 14.

Gen. 12. 15.
15. &c.

I. cum ratio. 7.
S. si plures 3. ff.
de bon. daman.

Venio ad secundum Orationis meæ caput, & Gallos Gallia suâ dignissimos laudatum eo: quorum sive multitudinem, sive virtutes ad Lydium rationis lapidem vocem, undique ad miracula animus & lingua fatiscunt. Salomonis Regis oraculum veneror, ut sapientia genimen: In multitudine, inquit, populi dignitas Regis, & in paucitate plebis ignominia Principis. Quæ etiam causa fuit; ut Deus Abrahamum exaltaturus, promiserit ei, fore, ut posteritas illius in tantum excresceret populum, cuius numerus non magis, quam stellarum cæli, aut arenæ maris, iniri possit. Et divi Hadriani rescriptum ignobile non est; apud quem favorabilem causam liberorum Albi filiorum numerus fecit; cum ampliari imperium hominum adjectione potius, quam pecuniarum copiâ mallet. Sed quis Gallia est angulus, quæ loca ibi in ulla ostendi possunt parte, quæ non frequentia hominum obumbræt, quæ non gentium hinc inde commeantium & discurrentium exercitus occupet? Nulla ibi solitudo, nihil vacuum, & desertum nihil.

Omnia

Omnia itinera & viæ omnes ædificiis, domibus, arcibus, pagis, oppidis, urbibus sunt repleta: vixq; transenti aliquod ex oculis elabatur, & alia decem circumspicienti comparent: ut tota Gallia tantum una urbs quædam in regiones & vias distincta esse videatur. Et quemadmodum in formicarum receptaculis & domiciliis nihil est inane, sed omnia solertissimo animalculo in cumulos sine numero perpetuo circumrepente sunt plenissima: ita Gallia tota hominibus infarcta, & ubique populus est. Rex Agrippa cum Judæos contra Romanos arma & rebellionem parturientes in officio & obsequio continere cuperet; quæsit ab illis, an opulentia Gallos, fortitudine Germanos, Græcos firmâ inter se concordia animorumque contesseratione antecellerent, qui omnes tamen Imperii Romani jugum subiissent: & ut impotentiam illorum, potentia, quam isti habebant, & tamen Romanis impares erant, constringeret, atque ad sanitatem reduceret, sic de Gallia loquitur; eam supra fidem beatam & omnium divitiarum feracem, trecentis & quinque populis, atque supra mille ducentis amplius oppidis inessam esse. Sed hodie quàm nihil decrementi passa est Gallia? Numerat civitates infula (a) Episcopali illustres CII. & Metropolitanae XIV. ultra has, urbium oppidorumque totas numerat chiliades: & qui curatius calculum sub Henrico II. Rege subduxere, numerant paræciarum XXIV. CIO. ICCCC. XXVII. non venientibus

Joseph. de bell.
Judaico lib. 2.
cap. 16.

(a)
Jof. Scaliger in
Notitia Gallia.
Sunt in Gallia
CIV. Episcopi,
XII. Archiepi-
scopi, DXLVIII.
Abbates, Curi-
orum XXVII.
millia et CCC.
si modo singulis
urbibus & pa-
gis singuli Cu-
ræas tribuan-
tur: extra mi-
nores Archi-
munditas, &
cognobis tenui-
um Monacho-
rum sicutum
mendicantium:
ait Bodin. de
Rep. lib. 5. cap.
2. vide & Aub.
Miræum in
Not. Episcop.
lib. 4. cap. 14.

in

Cicero pro
Fonteio.

Sidon. Apolli-
naris Carm. 23.
ad Conſenti-
um.

in numerum Burgundionibus & Pictonibus. Et o quantum, quantum hominum sub tot tectorum myriadibus degit? Quantum capit Narbo Martius, specula olim & propugnaculum populi Romani?

Salve Narbo potens salubritate,
urbe & rure simul bonus videri,
muris, civibus, ambitu, tabernis,
portis, porticibus, foro, theatro,
delubris, capitoliis, monetis,
thermis, arcubus, horreis, macellis,
pratis, fontibus, insulis, salinis,
stagnis, flumine, merce, ponte, ponto:
unus qui venerere jure divos,
Lenæum, Cererem, Palem, Minervam,
spicis, palmite, pascuis, trapetis:
solis siſe viris, nec expetito
naturæ auxilio, procul relictis,
promens montibus altius cacumen.
Non te fossa patens, nec hispidarum
objectu sudium coronat agger. &c.
Quid? quod Cæsaribus ferax creandis,
felix prole, virum simul dedisti,
natos cum genitore Principantes?

Et quantum capit Nemausus, urbs toto orbe Romano, si Romam unam excipiamus, antiquitatis venerandæ monumentis, amphitheatro, palatio, delubro Vestæ extra urbem, & admirandæ passim pulchritudinis ruderibus ac fragmentis, quæ cum recentibus re-
gum

Thuan. hist.
lib. 46.

*gum ædificiis integris etiam hodie certant; fonte etiam cognomine veterum testimoniis famoso, spectatissima? Quantum capit Mons Pessulanus? quæ urbe nihil amœnius, cujus civibus nihil humanius, aère nihil salubrius, territorio nihil fertilius, & nullum fere, quod Simplicium, ut loquuntur, herbarum majorem exhibeat proventum: quæ res maximè Medicorum ordini hunc locum, in quo studiis suis ponerent sedem, commendavit; instituta Academia eo fere tempore, quo Saracenis Hispaniâ pulsâ Medicæ artes inde cum discipulis Arabum, Avicennæ, Averrois, & aliorum huc feliciter concesserunt. Quantum capit urbs Constantina, sive Gallula Roma, Arelas? de qua ita Imp. Fl. Constantinus: Tanta est loci oportunitas, tanta est copia commerciorum, tanta illic frequentia com-
meantium, ut quicquid usquam nascitur, illic commodius distrahatur. Neque enim ulla provincia fructus sui facultate lætatur, ut non nisi hæc propria Arelatensis soli credatur esse fœcunditas. Quicquid enim dives Oriens, quicquid odoratus Arabs, quicquid delicatus Assyrius, quod Africa fertilis, quod speciosa Hispania, quod fœcunda Gallia potest habere præclarum, ita illic exhibetur affatim, quasi sibi nascantur omnia, quæ ubique constat esse magnifica. Iam verò de cursu Rhodani & Turoni recurſu, necesse est, ut vicinum faciant & pœnè conterminum, vel quod iste præterfluit, vel ille quod circuit. Cum ergo huic ferviat civitati, quicquid habet terra præcipuum; ad*

P. Merula Cof-
magr. p. 2. lib.
3. cap. 37.

Joseph Scalliger in lectionibus Auson. Jo. Ific. Pontanus in Itinerario Gall. Narbon. Fr. Juret. ad Synnach. lib. 9. epist. 15. ubi hanc Construtionem adscribit Honorio & Theodosio.

nullibi melius cœnavisse. Huic verò ingenti & maximæ Parisiorum civitati cum alii reges multi studuerunt, tum maxime Henricus IV. contulit, quicquid ad auctoritatem, nitorem, & amplitudinem illius poterat conducere; sæpe cum votis luctans, in tot annos vitæ prolongationem exoptando, quibus & Luparam arcem ædificare, & suburbia Parisiensiæ muris cingere, atque ita de domo & urbe omnium totius orbis, illa elegantissima, ista maxima, gloriari posset. Propterea etiam illud mundi & omnium divitiarum compendium ullis novis oneribus gravari nequaquam permittere volebat optimus Rex: atq; mercatorum præfectum urbisque decuriones, qui facultatem indicendi pecuniolas in fontium tubulos, ut epulares sumptus in XL. Helvetiorum Legatorum gratiam faciendos sustinerent facilius petierant, ingeniosè repellebat; Aliâ, inquiens, inventione opus est: solius est Iesu Christi, aquam in vinum commutare.

Petr. Matth. in
hist. mortis
Henrici 4. G.R.

Verum, ut cælum inter omnia naturæ corpora pulcherrimum, idemque stellarum populis augustissimum est, & istarum virtutes planè supernates atque cælestes, & Divinis proximæ sunt: ita quoque Gallia omnium terrarum florentissima & populosissima; & Gallorum virtutes omnino sunt Gallicæ, hoc est, heroicæ. Neque enim effœminat animos regionis amœnitas nimia, aut ad corrumpendum illorum vigorem cœli indulgentia operatur aliquid: imò virtutis est cum summa rerum copia tale certamen; ut illa in im-

perio,

perio, hæc in obsequio gloriæ summam quærat; nec male quis, Gallum virtutem heroicè animatam dicere possit. Et quemadmodum virius tantum in libero habitat animo: ita idem libertatis, quod Gallorum est domicilium; servitute undique pulsâ. Ideoque servi peregrini, ut primùm Galliæ fines penetraverint, eodem momento liberi fiunt. Id quod vetere Scto Parisiorum decretum est adversus Legatum quendam Hispanum, qui servum in Galliam deduxerat. Uti & hominum memoriâ factum: cum mercator peregrinus servum in Hispania coemptum Tolosam secum duxisset: hospesque re intellectâ servo persuasisset, ut ad libertatem proclamaret. Rogatione enim ad octoviros perlatâ, & mercatore accito, advocatus fisci ex Archivis deprompsit antiqua privilegia, quibus servos, simul ac Tolosam ingressi fuissent, liberos fieri constitutum erat. Propterea mercator, qui quidem exceptiones suas proponebat, metuebat tamen, ne & servo obsequentissimo, & pretio carere cogeretur, ei libertatem dedit, pactus operas serviles, quamdiu ipse dominus viveret. Consimiliter in obsidione Metensi servus fugitivus hero relicto, & abducto magni pretii equo Hispano, in urbem transierat: quem cum Lud. Avila equitatus Cæsarei præfectus, tubicine cum literis ad Franciscum Guisium summæ rei in urbe præfectum misso, reposceret; Guisius quidem equum jam divenditum conquiri, & pretio persoluto redemptum ad Avilam remitti curavit; quod ad servum, respondit, jam in in-

Bodin. de Rep.
lib. 1. cap. 3.

Anno Christi
1552.

Thuan. hist.
lib. 11.

teriora regni penetrasse: cæterum terræ Franciæ id juris esse, ut quicumque servilis conditionis pedem in ea posuerint, mox libertatem recuperent: quod jus adeo honorificum & Christianæ genti summopere conveniens cum violare neque debeat, neque verò velit, ea in parte desiderio ejus satisfacere se non posse.

Estienne Pasquier de Recherches de la France, liv. 1. chap. 3. Marc. Velfer. Rer. Boicar. lib. 1. Fr. Hotoman. in Franco-Gall. cap. 3. Strabo. & Supplem. in Curt. lib. 2.

Hanc autem libertatem Galli cum militari gloria felicissimè sociaverunt: de qua quid attinet dicere? cum illi ab omni ætate bellicæ laudis famâ claruerint ita, ut qui illustrissimi; pugnaverint, ut qui fortissimi; vicerint, ut qui fortunatissimi. Legimus quidem Alexandrum Magnum ex Gallis aliquando quæsiuisse, Quidnam in humanis rebus præ cæteris extimescerent, ratum nominis sui magnitudinem ante omnia ipsis formidolosam fore: illi hoc se in primis timere respondabant, Ne fortè in se se cælum rueret. Legimus & Celtas, sive priscos illos Gallos, αἰθερώπων φιλοκινδυνότητες, adeo duxisse ignominiosum fugere, ut è collabentibus ædificiis sæpe, cum possent, non effugerint, ne ardentibus quidem, ita ut incendio perierint: multi etiam inundantem Oceanum sustinuerint; quidam in ejus fluctus armati se conjecerint, quorum impetus excipiebant protensis gladiis & hastis, perinde ac si terrere vel vulnerare possent. At hodie Galli, qui veris virtutum nominibus Thraconicos titulos & ampullas vitiorum annumerare non solent, hæc talia potius stoliditati, amentitiæ, & summæ temeritati tribuerint: justissimè tamen invidendis gentis suæ laudibus conjunxerint istud
in

Aelian. lib. 12. c. 23.

in historia Romana per vulgatum, Romanos cum cæteris gentibus de gloria, cum Gallis pro salute certavisse: atque ut facundiâ Græcos, sic gloriâ belli Gallos ante Romanos fuisse. Equidem cum apud Romanos certa ætas faciendis stipendiis præfinita esset, quâ exactâ missionem impetrare possent: bello tamen Gallico nemo civis Romanus sibi ullâ excusatione utendum putabat; & ne sexagenarii quidem, nec ipsi etiam sacerdotes militiâ solvebantur. Adeoque Gallia Romaniserat terribilis, ut post mortem Dictatoris Cæsaris in Senatu fuerit propositum; illam, licet in provinciam jam redactam, iterum juri suo & libertati restituendam esse. Quin etiam in Græciam & Asiam virtus Gallorum pervasit, tantâ nominis reverentiâ; ut non solum Reges, non lacesiti quoque, ultrò pacem ingenti pecuniâ mercarentur; verum etiam sine mercenario Gallorum exercitu nulla bella gererent, & pulsi regno ad nullos alios quàm ad Callos confugerent; sicque aliter majestatem suam tutam, neque amissam recuperare se posse sine Gallica virtute arbitrarentur. Galli illi, Galli sunt illi, qui Poëtæ verbis

Sallust. in fine belli Jugurth.

Sallust. in conjur. Catil.

Lips. de milit. Rom. lib. 5. dialogo 19.

Cicero pro Fonteio.

Joan. Rosinus Antiquit. Roman. lib. 8. part. 2. cap. 1. Appian. lib. 3. bell. civil.

Justin. lib. 24.

Justin. lib. 25.

per omnem
invecti Europam, quasi grando Aquilone vel Austro

importata, gravi passim sonuere tumultu.
Scit Romanus adhuc, & quam Tarpeja videtis.
Arx attollentem caput illo in monte superbum

Pannonos,

Pannonēs, Aemathii norunt, scit Delphica rupes.
Intravere Asiæ fines: propè litora Ponti
in gentem crevèrenovam, quæ tenditur usque
ad juga Pamphilum, Garamantica sidera contra,
inter Cappadoces posita, & Bythinica regna.

*Fidem etiam faciunt rerum gestarum magnitudini
sparsæ tot ubique terrarum Gallici nominis colonia.
Nam & major & melior Italiæ pars de Cisalpina
Galliæ nomine appellatur. Et si ambitiosa & fabulo-
sa Romanorum ad res Iliacas origines suas referenti-
um commentare jiciamus; quis dubitat, quin Veneti non
ab Henetis Paphlagonibus, sed à Venetis Armorica-
nis (quicquid contra Cæsar, quicquid Polybius de Ve-
netis sermone à Gallis diverso utentibus scribant) ori-
ginem ducant? Quorsum illa Senonum, Bojorum, Ce-
nomanorum, atque adeò Insubrum nomina in Italia
spectant, nisi ut intelligamus, Gallos olim hæc loca te-
nuisse, & ad tradendam posteris originis suæ memori-
am de suo nomine appellasse? Et aspiciate, auditores,
nostram Germaniam. Nōne fuit tempus, cum Ger-
manos Galli virtute superarent, ultrò bella inferrent,
ac propter hominum multitudinem agriq; inopiam trans
Rhenum colonias mitterent? Nōne fertilissima
Germaniæ loca circum Herciniam silvam Tectosages
occuparunt; gente ad hoc tempus iis sedibus se conti-
nente, summamque (Cæsare teste) justitiæ & bellicæ
laudis opinionem habente? Nōne & illi populi
sunt Galli, qui inopiâ audaces, occupato inter Rhenum
Danubiumq;*

Thuan. histor.
lib. 1.

Polyb. histor.
lib. 2.

Cæsar de bell.
Gall. lib. 6.

Würtember-
gici.

Tacit. de mo-
rib. Germ. P.
Cluver. Germ.
Ant. lib. 3. c. 4.

*Danubiumq; dubiæ possessionis sclo, decumates agros
exercebant olim, postea Alemanni & Alamanni dicti?
Nōne & Boji in Vindelicia, qui hodie Bajuari sunt,
ad Bojos Gallos primordia referunt? Nōne etiam
Britanni Gallorum sunt propago? Nōne Celtiberi,
Eburovices, Helvi, Braccati in Hispania; atque in
Lusitania Celtici; nōne Galatæ seu Gallo-Græci in
Asia; ex quibus Trocmiorum Hellesponti, Tolistoloci
Æolida atque Joniam, Tectosages mediterranea Asia
loca sortiti sunt; nōne insigne sunt monumentum for-
titudinis Gallicæ? Et si verò tandem etiam à Romanis
bello domiti sunt, tamen omnibus aliis bellis o-
leum & operam perdentibus vix decennio à floren-
tissimo duce C. Cæsare, & ipsorummet Gallorum fa-
ctionibus laborantium viribus, in fidem accepti sunt:
Heduis & Sequanis, amicis Pop. Rom. & Arvernīs
fratribus vocatis; sub quibus nominibus Gallia liber-
tatem quodammodo retinuit. Inde post aliquot secula
Gallis & Francis in unam Gallo-Francorum gentem
coeuntibus, circa annum Salutis C D L XXX.
regnum in Gallia cognominæ condiderunt, quod ad
hæc usque tempora omnium clarissimum & validissi-
mum toto orbe Christiano fuit: ex quo præter infinita
in Rempub. totius orbis merita prodierunt à Tancredo
Normanno Siciliæ Reges; à Helme nothouidem
Normanno, & Godofredo Plantageneta Andega-
vensium Comite, Reges Angliæ à Lusitanis, Reges
Syriæ, Cypri, & Græciæ etiam ipsi Constantinopoli im-
perii*

Tacit. de mo-
rib. German.

Cæsar de bell.
Gall. lib. 6. Ta-
cit. in Agriola.
Cæsar. de
prim. incolis
Britan.

Thuan. hist.
lib. 6.

Civillis in Ta-
cito hist. lib. 4.

perii Orientalis capite à Gallis Imperatoribus longo tempore possessa. In omni antiquitate, etiam in fabulis, nihil cum fortibus istorum Gallo-Francorum facinoribus comparari potest. Quid enim expeditionibus in terram sanctam legitur simile? Videor mihi, Auditores, videre ipsum Godifridum Bononiensem, Ducatu suo ob eam causam Episcopo Leodiensium vendito, Francorum exercitum per Germaniam, Hungariam & Graciam, in Asiam & in Syriam usque, nusquam irritum conatu, nihil insidiis & astu Imperatoris Constantinopolitani, nihil ingentibus fluminibus & inaccessis montibus, nihil sitis diræque famis malo, nihil immensis barbarorum agminibus indomitos animos retardantibus, ad insolitum decus ducentem; centies variis cruentisque successibus dimicantem; Solimanum Turcorum Dynastam, Chalypham Ægyptium, & tot alios fortissimos barbaros fugantem & vincentem; Nicæam, Edessam, Antiochiam, & tot alias potentes urbes, imprimis Hierosolyma capientem. O virum mirificissimum & maximum! Sed quanto se ipso fuit admirabilior; cum unanimi procerum consensu Rex Hierosolymorum salutatus, decorum fortasse aliis, sibi verò superbum Regis nomen pio invictoque adversus fastum animo repudiaret; nefas esse reputans, ea in urbe auream coronam ferre, in qua Christus spineam tulisset? Quanto se ipso fuit major; cum jam Rex, & in obsidione urbis Assur hærens, regulis vicinis munuscula afferentibus & offerentibus, atque ipsum cultu simplici, omnino gregarii militis habitu,

Lanovius Dis-
cursu. 27.

Villetmus
Tyrensis Ar-
chiepisc. de bel-
lo Sacro. P. Jo-
vius in elog.
vir. illustr. de
Godifredo Bo-
lonio.

habitu, sacco stramine pleno humi insidentem, suos, quos pabulatum emiserat, expectantem, invenientibus, & propterea non sine stupore quærentibus; cur tantus Princeps & tam admirabilis Dominus, (verba Tyrensis Archiepiscopi sunt) qui ab Occidente veniens totum concusserat Orientem, & regnum maximum in manu valida occupaverat, ita federet inglorius, ut neque tapetia neque holoserica circa se more haberet regio; nec stipatus satellitibus armatis formidabilem se præberet accedentibus; responso planè divino duplicaret stuporem, & diceret: Homini mortali sufficere meritò terram pro sede temporali posse, cui post mortem perpetuum domicilium sit præstitura? O majestatem in humilitatis amore summam! O gloriam in pompæ contemptu incomparabilem! O immortalitatem in mortalitatis memoria cælestem! Dignus, dignus Godifridus, ille divinus Achilles, ille Christi athleta, cui reguli abiturientes, & meliores quàm venerant, acclamaverint: quia verè hic est, qui universas regiones debeat expugnare; & cui repositum est de vitæ merito, populis & nationibus Principari. Sed de singulis Gallorum & Franco-Gallorum aliquid dicere velle, id esset incipere & nunquam desinere: cum illorum virtus totum complexa mundum, nullum fere orbis angulum sine lauru, aut trophæo, aut triumpho prætermiserit. Proponite enim vobis, Auditores, ante oculos Bellovesum ac Sigovesum, qui per alpes inexuperabiles visas, nullâq; dum viâ superatas, & per juncta

Villetmus
Tyrensis Ar-
chiep. Histor.
lib. 9. cap. 20.

Livius de cad.
lib. 5.

caelo jugā veluti in alium orbem terrarum, in Italiam, & in saltus Hercynios transferunt; Brennum, qui Romanum expugnavit; & alterum Brennum, qui Europam & Asiam tremefecit; Dumnorigem, Divitiacum, Orgetorigem, Diviconem, Vercingetorigem, qui Caesaris armis & animum saepe hebetaverunt: miramini Carolum Martellum, qui Christiani orbis tutor Saracenicam tempestatem innumerabilium hostium occisione dispulit; Pipinum, qui Langobardos Italiā ejecit; Bertrandum Guesquinatem, qui Petrum Castellæ regem ob tyrannidem omnium odio pressum regno spoliavit, & Henricum Spurium, unde postea Isabella Ferdinando Arragonio nupta genus duxit, portione hereditariā exutum, regem constituit: contemplamini Bayardum, qui facie ad hostem conversā mori voluit; Gastonem Foxium, qui penē prius dux quā miles, triumphator quā imperator, Ravennatium campos insigni victoriā, sed fatali suo interitu nobilitavit; Paulum Thermum, qui per omnes militiæ gradus, egregiā cum laude decursos, summam dignationem apud Regem in re tenui ad mortem usque, certissimo vitæ innocenter actæ argumento, retinuit; Ossunium, cujus pugnacitas, ut Thermi prudentia, in proverbium abiit; Carolum Cossæum Brissacum, qui omneis populareis suos duces, qui signa in Italiam intulerunt, in expeditionibus feliciter suscipiendis, & in bello partis prudenter conservandis, longē superavit; Blasium Monlucium, qui nunquam victus est; Mathurinum Scutum

Caesar passim.

Thuan. Hist. lib. 1.

Froissardus lib. 1. Mariana de reb. Hispaniæ lib. 17.

Mich. de Montaigne lib. 2. cap. 3. Paul Jovius in elogio Gastonis Fox.

Thuan. Hist. lib. 34.

Thuan. Hist. lib. 35.

B. Monluc. in commentar. lib. 1 & 5.

tum Romegasium, Equitem Hierosolymitanum, qui tantum nominis sui terrorem toto Oriente sparsit, ut maiores parvulis infantibus etiam hodie pro terriculamento ejus nomen inclament. Atque ex his, & talibus ducibus, de totius Gallo-Francici populi fortitudine judicate, Auditores. In universum enim Galli omnes armis insueverunt; & inter tubarum clangores, perdentium ac pereuntium hostium clamores, telorum & gladiorum fragores, terrificos tormentorum boatus, semper impavidi, semper imperterriti lætitiā exultant, & ultrā passim militiæ dant nomen; ac gregarii milites ut duces sint, virtute suā merentur. Et tamen ex infinita multitudine fortium Gallorum, qui saltē intra proximos mille annos adversis vulneribus mortem admiserunt, quotusquisque nobis est notus?

Thuan. Hist. lib. 50.

Colinius apud Thuan. Hist. lib. 51.

Mich. de Montaigne lib. 2. cap. 16.

Ad nos vix tenuis famæ perlabitur aura: neque belli ducum tantum, etiam pugnarum & victoriarum memoria fere sepulta est. Quid autem Galli nostri præstent non solum equitatu, quo omnibus populis præcipiant palmam: adeo ut jam olim in bello Africo equites minus XXX Galli Maurorum equitum (quæ tamen gens eo militiæ genere maximè pollebat.) duo millia fugarent: nec Parthi, Antonio cum illis bellum gerente, aliter coerceri aut frangi potuerint, quā Gallorum equitatu: verum etiam, quid valeant pediatu; Turci hodie, qui sanè sunt militaris scientiæ censors accuratissimi, in Hungaricis expeditionibus serio testati sunt: Sultano ipso à Rege Galliarum per legatum

Hirtius in bello Africo.

Plutarchus in Antonio.

Pet. Matth. in
hist. Henr. 4.
G. R. libr. 6.
narr. 4.

tum & literas benevolentiae & officiorum plenissimas
enixe postulante; ut ille Gallos suos è militia Hungara
severo edicto domum revocare, & contumaces gravi-
ter punire vellet. Non enim gregarios tantum Gallos
viderunt Turci in Hungaria, & ipsos viros insupera-
biles; sed & ad Baronis Vaubecourii Campani, in in-
tercipiendo Favarino portam machinâ effringentis, &
Ducis Mercurii Albam Regalem capientis, virtutes
planè corroboruerunt. Quantum etiam contra nos Ger-
manos hodie possint Galli, intellectum est in obsidione
Metensi, cui Imperator Carolus V, Gallorum & alio-
rum opinione le plus grand capitaine de la Chrèstienté,
ipse præsuit: cum illi arctissimè obsesti quosvis hostiles
conatus generosè eliderent, & creberrimis eruptioni-
bus alacritatem suam probè ostenderent: Cæsar autem
satis haberet, instructum exercitum tantum ostentare;
quem ubi stupefactum & tristitiâ mutum in murum
apertum insilire nolle animadvertenterat, ingemuit simul
& indignatus est, hæc subinde verba ingeminans: nunc
me desertum à meis, nullosque circa me homines vi-
deo. Ita tunc invidiosum illud Caroli P L V S V L-
T R A monstratoribus Gallis metam invenit Metis;
poetâ postea Carolino isti symbolo subscribere auso,

Si metam nescis, urbs est quæ Meta vocatur.

Atq; eidem Imperatori Tiercellinus Gallorum vires
argutè, & cum aliqua punctiuncula objecit, quærenti,
Quot dierum itinere Pedemontium abesset Lutetiâ?
Si, ait, singulos dies pro singulis justis pugnis capiat,
fore

Lanovius de
passage du Duc
de deux ponts.

Thuan. histor.
lib. 11.

Le Mercure
François lib. 6.

fore duodecim; dummodo aggressor in prima statim
non occubuerit. Nec verò Metis solum, sed & præ-
cipuè Sancerræ, & quidè contra Gallos, Galli speci-
men & exemplum dedere militari ordini urbis fortiter
defendendæ. Oppugnabat eam Carolus IX. Rex, Pro-
testantium odio, omnibus viribus; propugnabant obsesti
animo majori: & quidem fragore tormentorum ex
continuata pulsatione per convallis & vicinas silvas
reboante attoniti cervi per media castra perrumpe-
bant, & in fossam usque penetrabant. longè tamen cru-
delior hostis fames erat, quàm hostis ipse. Nam penu-
riâ omnium rerum invalescente, ad insolentiores mox
cibos ventum est; atque coriis bubulis, pellibus agninis,
equinis, caninis, aliisque consimilibus victitari cœptum:
membranae etiam & chartæ pragmaticæ, quantumvis
putri situ obsitæ, tympanorum quoque ac cribrorum
pelles in hunc usum depromptæ. non publicis, non priva-
tis familiarum instrumentis ac documentis, quorum ja-
cturam alio tempore tanti aestimassent, in tali angustia
parcitur. tum paludamenta è bubulo corio confecta,
capistra, antilenæ & postilenæ cum equorum ephippiis,
Zona coriacea, ventralia, ansæ flabellorum, amenta
clitellarum lagenarumq; è nervis bubulis; equorum
& boum ungula: cervorum, caprearumq; & apro-
rum pedes olim foribus affixi, ossa simetis effossa, la-
ternarum cornua; & herbæ noxiæ, necessitate sug-
gerente ad victum adhibebantur. palea ipsa minuta-
tim concisa cum acere, juglandium putamina; cæ-
rulei

Lauren. Medi-
ces in ore sæpe
habuit illud:
Galliam, si sua-
rum sit guerra
virum, totum
orbem Christia-
num in angu-
stias cogere pos-
se. Le Soldat F-
rançois.

Thuan. histor.
lib. 55.

rulei lapidis, quem vulgò ardosiam vocant, tegulares laminae commolitæ & tusæ usum panis præbebant. ex incerniculo sebum, axungia utcunque vetus & rancida, in deliciis erat. oletum quoque per vicos diligenter & certatim collectum. fimus item equorum, omnesq; è fimeto sordes ac veteramina, quorum aliqui odore solo nemo non læderetur, in alimoniam subducta. & ne quod ad extremæ necessitatis exemplum deesset, puellatriennis ex fame mortua, & jam elata, de consilio vetulæ refossa ipsis parentibus cibo fuit; qui tamen, re compertâ, magistratus sententiâ ad ignem damnati sunt. ita indies ad XXX. fere fame perimebantur, mortis morâ magis quam ipsâ morte cruciati. ut hæc obsidio Samaritanæ famis in sacris literis memoratæ, Hierosolymitanæ à Flavio Josepho descriptæ, & Numantinæ historiis Romanis celebratæ, quæ vix à multis creditur, fidem adstruat: unâque doceat, bellum non esse legitimum modum tollendæ ex Ecclesia scissuræ. Nam ubi quis religione ducitur, in eo nullum habent momentum vexatio & dolor; isque, si vel in Phalaridis tauro peruratur, exclamabit, Dulce est, & ad me nihil pertinet. Quo nomine si ulla natio laudem meretur, uti merentur plurimæ: Gallia tamen habebit primas; quippe quæ omnium est religiosissima, & fortissimè pia. Nec in argumentum traho illud Cæsaris: Gallia est admodum dedita religionibus: uti nec illum veterum Gallorum arcesso morem, quo victoriam consecuti Diis captivos immolabant, & resecta

Seneca Epistol.
66.

Cæsar de bello
Gallico lib. 6.

Strabo. Diodo-
rus. P. Merula
Cosmogr. p. 2.
lib. 3. cap. 13.

hostium

hostium capita spectaculi gratiâ pro portis oppidorum adfigebant; vestigio consuetudinis hodieq; permanente in eo, quod Nobiles in Galliis, & alibi quoque, capita ferarum, quas vel ipsi vel maiores eorum interfecerint, adfixa foribus ostendere solent. Nihil enim nobis in religione laudatum, quod Christianum non est. Sed in eo Gallorum pietatem & religionem extollimus; quia illi primi, aut inter primos, singulari Zelo & devotione Christianam religionem propagaverunt; & propemodum soli ex omnibus populis hærese non monstra quàm maximè à finibus suis removerunt. Qua in re sanctissimi viri operam præstiterunt fidelissimam: cum primis Hilarius Episcopus Pictaviensis, Arrianæ pravitatis domitor, Hieronymo eloquentiæ Latinæ Rhodanus dictus; Sulpitius coætaneus Hieronymi, Pontius Paulinus Episcopus Nolanus, Rusticus, Phœbadius, Prosper, Ecdicius, Avitus, Mamertus Viennensis Archiepiscopus, Sidonius Appollinaris Episcopus Arvernorum, Lupus Episcopus Trecentis, Germanus Autissiodorensis Episcopus, Eucherius Archiepiscopus Lugdunensis, Salvianus & Gennadius Presbyteri Massilienses, Gregorius Turonensis Episcopus, Remigius Rhemensis Archiepiscopus, Jvo Carnutensis Episcopus, Bernardus Abbas Clarevallensis, & multi alii. Hinc in religionis controversiis decidendis tunc temporis plerunque iudices è Gallis deligebantur: sicuti & Stephanus III. Papa per legatum à Pipino Rege Episcopos doctrinâ & moribus insignes ex Galliis ad

H. Bignon du
R. de Fr. liv. 2.

Sigonius de re-
gno Ital. lib. 3.
ad A. Chr. 768.

Y

se

se mitti petiit, quorum auctoritate & consilio in refor-
manda & instauranda Ecclesia uteretur. Neque
his finibus stetit pietas Gallorum; sed in super charita-
tem reddidit fertilissimam, quæ fructus protulit penè
supra fidem magnos: quibus Ecclesiasticus ibi ordo ad
tantas pervenit divitias, ut Lanovii calculo hodie in
reditibus annuis possideat ducenties centena millia li-
bellarum. Equidem cum Caroli IX. Regis jussu cen-
sus ageretur bonorum Ecclesiasticorum in Gallia, qua-
ter millies festeritium (XII millions, CCC mille liv-
res) annui reditus in censum relatum est, extra pecu-
niam & gratuitas oblationes: & illud parè ac tenui-
ter; ne ex vero censu invidia aut periculum ordini
Pontificio crearetur. Nam Alemannus rationum
publicarum Prætor Johanni Bodino curiosius omnia
conquirenti narrabat, duos fere trientes agri Gallici ad
sacrum Ordinem possessione vel domino pertinere.

Verum ut omnem religionis gloriam maxi-
mopere auxit literarum studium; ita hoc nullibi fer-
buit magis, quàm in Gallia. Prisci celebraverunt
Herculem Gallicum, de cujus lingua quàm plures au-
reapenderent catenulae, quibus ille populos auribus re-
vinctos duceret nec invitos, quò quò volebat: iste Her-
cules nihil fuit aliud, nisi animus Gallorum Musage-
tes, qui plurimos populos ad spontaneum obsequium fle-
xit, atque ob domitam barbariem, sibi benevolâ ob-
ligatione obstrinxit. Et quidem Massilia, Phocen-
sium colonia, (quæ hodieq; situ & opere præpotens in
Asia,

Lanovius Dis-
cursu 20.
20000000.
Grancien jar-
lich einkom-
men.

Bodinus de Re-
pub. lib. 5.
cap. 2.

Joan. Boetius
in histor. nar-
rat. inaugurat.
Alb. & Isab.

Asia, Africa, & aliis remotissimis regionibus longè la-
teq; negotiatur) fuit olim magistra studiorum, bona-
rumq; artium mercatus opulentissimus; eòq; neglectis
jam Athenis, Romani, Galli, Hispani, omnesq; quibus
licebat, Philosophiæ Græcæq; linguæ gratiâ se confe-
rebant: ut propterea Cicero audiente populo Romano in
Defensione Fonte dixerit: Civitatis illius disciplinam
atque gravitatem non solum Græciæ, sed penè cun-
ctis gentibus anteponendam. Quæ nobilissima sanè &
beata bonarum literarum doctrix Gallos ita φιλέλλνας
reddebat, ὥς ἐκ τὰ συμβόλαια ἑλληνιστὶ γράφειν, ut con-
tractus omnes Græco idiomate conficerent, & in omni-
bus publicis privatisque rationibus Græcis literis ute-
rentur: imò etiam ex ea consuetudine in suum Gallo-
Romanum sermonem frequentissimos transferrent
Hellenismos. Et quod relatu mirum, verum tamen est;
Lucius Plotius, Gallus, Romæ primus Latine docere
cœpit: ad quem cum fieret concursus, & studiosissimus
quisque apud eum exerceretur, dolebat Cicero tumpuer,
sibi idem non licere. Ac iisdem quasi temporibus, &
ibidem, Marc. Antonius Gniphos, Gallus, ingenii ma-
gni, memoriæ singularis, nec minus Græcæ, quàm
Latine doctus Orator, præcepta eloquentiæ tradidit:
cujus scholam clari quoque viri frequentârunt, & in
his Marcus Cicero etiam cum Praturâ fungeretur.
Lugdunum quoque, licet à natura factum pro commer-
ciis Europæ, atq; ita pecuniosum, ut reges Galliæ non
nunquam in necessitatibus ad sex septem milliones auri

Tacit. in Agri-
cola. Strabo
lib. 4.

P. Merula Cof.
mogr. pag. 2.
lib. 3. cap. 39.

Sueton. de clar.
Rhetorib.

Sueton. de ill.
Grammat.

Pet. Marth. is
hist. Henric 4.
R. G. lib. 2. narr.

civibus Lugdunensibus, & mercatoribus ibi degentibus extraneis, mutuarentur: idem tamen oppidum etiam Musis favit; certamine Græcæ Latinæque facundia, ad aram D. Augusto sacram, à Caligula quondam illic instituto; quo ferunt victoribus præmia victos contulisse, eorundem & laudes componere coactos; eos autem, qui maximè displicuissent, scripta sua spongiâ linguâve delere iussos, nisi ferulis objurgari, aut flumine proximo mergi maluissent. *Quò respexit Juvenalis;*

Sueton in Caligula, cap. 20.

Juvenal. Sat. 1.

palleat, ut nudis pressit qui calcibus anguem,
aut Lugdunensem Rhetor dicturus ad aram.

Valentia item frequentissimo Athenæo valuit: nec Vienna fuit illiterata. Ita enim Martialis:

Martial. Epigram. lib. 7.

Fertur habere meos, si vera est fama, libellos
inter delicias pulchra Vienna suos.

Me legit omnis ibi senior, juvenisque puerque,
& coram tetrico casta puella viro.

Hoc ego maluerim, quam si mea carmina can-
Qui Nilium ex ipso protinus ore bibunt: (tent,
quam meus Hispano si me Tagus impleat auro;
pascat & Hybla meas, pascat Hymettos apes.

Non nihil ergo sumus, nec blandæ munere lingue
decipimur. credam jam puto, Lause, tibi.

Certè jam tunc Galliarum studia florentissima fuisse, multis aliis posset confirmari testimoniis: nisi S. Hieronymus pro omnibus esset; qui alicubi inquit: Sola Gallia monstra non habuit, sed viris semper fortissimis & elo-

Hieron. advers. Vigilantium.

eloquentissimis abundavit: & alibi: Post studia Galliarum, quæ vel florentissima sunt, misit Romam, non parcens sumptibus, & absentiam filii spe sustinens futurorum, ut ubertatem Gallici nitoremque sermonis gravitas Romana condiret. *Quanquam nec inelegans est Constitutio Imppp. Valentis, Gratiani, & Valentiniani, ad Antonium Præfectum Prætorio Galliarum; quæ dicit: Frequentissimas civitates in Galliis fuisse, quæ pollerent & emerent claritudine Præceptorum, Rhetorum, & Grammaticorum, Atticæ Romanæque doctrinæ. Et ad istam antiquorum Præceptorum tribum referendi sunt Druides, Eubages, Bardes; aut potius Votienus Montanus, Domitius Afer, Gabinianus, M. Aper, Jul. Florus, Jul. Secundus, Nazarius, & Nazarii filia Eunomie, Eumenides, P. Terentius Varro Atacinus, Phavorinus, Latinus Pacatus, Rutilius Numatianus, Ausonius Gratiani & Valentiniani Præceptor, & alii. Quibus tamen neque pauciores neque indoctiores habuerunt sequentia secula; Academiis pluribus munificentia Regum extructis: inter quas Lutetiana non Galliæ modo, sed totius Orbis regina, & omnium Europæ Academiarum mater, virtutis & eruditionis officina, ita semper Innocentii III. Papæ adfectus possedit, ut ex ea una omnes Christiani orbis Episcopos, & ad alias Ecclesiæ dignitates viros idoneos legerit: honestissimo inde elogio hucusque permanente: Studium Parisiense esse fundamentum Ecclesiæ. Quod Sorbona, collegium à Roberto de*

Hieron. in Ep. ad Rusticum Monachum. Fr. Juretus in not. ad Symmach. lib. 6. epist. 34. & lib. 9. epist. 83. Th. Sitzman. in Animadv. ad Rutilium. n. 209. & seq.

l. 11. de Med. & Professorib. C. Theod. lib. 13.

H. Bignon. du R. de Fr. lib. 2.

Lipf. in Lovanio lib. 3. cap. 8.

H. Bignon du R. de Fr. lib. 2.

Sorbona, Theologo, D. Ludovico Regi familiari, institutum, dum se machinationibus Paparum, in Gallicana Ecclesia & libertatis Christianae præjudicium, multa novantium, opposuit masculè, sæpe fecit liquidissimum. Stetit omnium nobilissimæ Academiae laus & illustrium Doctorum numero, & multitudine Studioforum, viginti & aliquando triginta millium, inconcussa & potens; donec Fovis Capitolini emissarii & præmiatores Jesuitæ non illi tantum, sed & multis aliis Europæ Academiis florem juventutis subtraxerunt. Lutetianæ autem veluti succenturiantur Tolosana, Bituricensis, Aurelianensis, Andegavensis, Pictaviensis, Burdigalensis, Mompeliensis, Nemausensis, Rheimensis, Nannetensis, Cadurcensis, Avenionensis, Cado-
mensis, Sedanensis, Dolana, aliæ. Ex quibus simul omnibus tanta profluxit eruditorum ubertas; ut quicquid literæ habent hodie, quod sit elegans, sit tersum, politum & perfectum, in Gallia tantum effloruisse videatur. Nostri Theologi præter illos supra nominatos, venerabiles Episcopos & Patres, magnificiunt Jo. Gersonis insignem παρρησίαν, Petri Lombardi Magistrales sententias, Gentiani Hervetii eruditissimam & commendatissimam in Tridentino Concilio pro honestate matrimoniorum habitam orationem; Francisci Vatabli, Ioannis Merceri, & Gilberti Genebrardi, in linguis Chaldaica & Hebraica antea inauditam peritiam; Joannis Calvinii vehementem facundiam, Theodori Bezae multiplicem scientiam, Antonii Sadeelis suavem subtilitatem;

Le frâne & veritable discours sur le rétablissement de Jesuites.

Pierre Lombard première pierre de l'édifice Gerson de Paris: Estien Patquier des Recherches de la France liv. 3. chap. 23.

tem; Frontonis Ducae candidam, et minimè Iesuiticam, integritatem; & supra omnes illos hodie ponunt Philippum Mornæum, doctorum nobilissimum, & nobilium doctissimum: quem virum? quem unum, Platonis, Demosthenis, et Augustini simul compositorum idea vix exprimat. Et omnes illi Galli sunt. Furis consulti nostri mirantur Andreae Tiraquelli, singulis annis singulos liberos ac libros Reip. dantis, felicitatem; Fr. Duareni, inter quatuor Franciscos, qui eadem ætate eandem scientiam profitebantur, primatum; Æmarii Ranconeti, in omni scientiarum genere simul omnia exactè habentis, quæ singula singulos posteritati commendare possent, excellentiam; Michaelis Hospitalii in omnibus togæ gradibus virtutem omnem; (qui vir profectò non vult tantum Aristotelis os, quod ex utriusq. imaginum in Gallia passim prostantium comparatione constat, sed Solonis, Lycurgi, Charondæ, ac Platonis deniq. sapientissimorum legislatorum pectus, mores, doctrinam & iudicium, quibus longo rerum maximarum usu & experientia confirmatam prudentiam junxerat, in omni vita sive privata sive publica actione referebat.) Caroli Molinaei, cuius lucubrationes, apud Gallos proratis juris decisionibus habentur prærogativam; Baptista Menilii, à cuius sententia seu rogatione nunquam fere senatus dissentiebat, animi rectitudinem: suspiciunt & Guil. Budæum, Erasmi elogio ob raram eruditionem, Galliae portentum; Fr. Olivarium, P. Fabrum, P. Rebuffum, B. Chassanæum, H. Donellum, F. Hottomannum, Fr.

Thuan. histor. lib. 21.

Fr. Duareni.
Fr. Conanus.
Fr. Hottomannus.
Fr. Budæus.

Thuan. Histor. lib. 23.

Thuan. Histor. lib. 56.

Thuan. Histor. lib. 39.

Thuan. Histor. lib. 46.

Fr. Conanum, Ant. Contium, Ant. Fabrum, Barnab. Brissonium, Dion. Gothofredum, Robertum, Corasium, Bellonum, Bodinum, Paponem, Charondam, Aerodium, Costalium, P. Gregorium, Pythoeum, Renat. Choppinum, St. Forcatulum, Enimundum Bonestidium, (de quo Cujacius censebat, si ipse moriens rogetur, ut olim Theophrastus, non alium habere se, quem discipulis suis posset ostendere successorem) & denique ipsum, qui coryphaeus esse queat, Jacobum Cujacium, seculi nostri Papinianum. Sed & illi Galli sunt. Nostri Medici Joannem Fernelium, Jacobum Hollerium, Andream Laurentium, Joan. Gorreum, Jac. Dalechampium, Quercetanium, & tot alios novos Hippocrates admirantur. Verum Galli sunt & illi. Ita omnes literati celebrant Orontium Fineum, Joannem Penam, Petrum Montaeum, Petrum Ramum, Michaëlem Nostradamum, Mathematicos subtilissimos, & praesertim Franciscum Vietam inventionum acumine in eo ordine facile principem: quibus merito sociandus Petrus Lescotus, qui cum iisdem disciplinis egregie a puero innutritus esset, demum ad architecturam praecipue animum appulit; in qua supra omnes hujus aetatis architectos excelluit, ingeniumque sui insigne specimen dedit cum aliis aedificiis privatorum, tum maxime Luparensibus regia magnificentiâ a se designatis; quae utcumque inchoata, nequedum consummata, cuncta palatia Italiae, quae summopere hujusmodi structuris luxuriat, stupendi operis magnitudine & elegantia, vel Italorum ipso-

Thuan. Hist.
lib. 59.

Thuan. Hist.
lib. 65.

ipsorum confessione vincunt: concelebrant etiam, & meritissimo, Jac. Augustum Thuanum, qui suae aetatis Historiam summo judicio & fide, sine odio & gratia, ad Dei gloriam & publicam utilitatem, prudentissime conscripsit: opus & styli elegantia, & gravissimarum rerum copia ac majestate cum quibusvis sive veterum sive recentium in eo genere scriptis conferendum: item Sammarthanos fratres, qui Thuanum in toto opere multum operâ suâ & diligentia adjuverunt; quos publico nomine atque in primis Petrum Puteanum, & Nic. Rigaltium, hortamur & rogamus, ut editionem reliquorum necdum publicatorum librorum & lucubrationum, quae omnia supremo elogio eorum fidei commendaverat Thuanus, pro virili maturent, nec longiori morâ Reip. literariae desiderium & expectationem summam frustrentur: item Petrum Ronsardum, omnium post Augusti excessum poetam praestantissimum; & cui in Gallica poetica secundum faciunt, Joachimum Bellajum, & tertium, Remigium Bellaquam: Hadrianum Turnebum, & Michaellem Montanum, veros rarâque eruditionis & probitatis Philosophos, (& illum hujus judicio à mille annis inter omnes doctos literatissimum) Marc. Antonium Muretum, oratorem suavissimum; Isacium Casaubonum, omnes doctrinae opes veluti in sanctiore quodam ingenii arario reconditas habentem; & illum omnis literaturae Dictatorem, Josephum Scaligerum; qui

Thuan. Hist.
lib. 64.

Mich. de Montaigne
lib. 1. c. 24.

eruditione

Z

Jdu-

P. Scriverius.

Idumæus, Arabs, Syrusque, & Indus;
Chaldæus simul, Æthiopsque civis;
quemque Achæmenii suum vocarent,
Pelagus simul, & simul Latinus,
& Grajus vetus, & quotidianus;
& Thuscus simul, & simul Britannus;
& quod altera secula obstupescant,
Hispanus simul, & simul Batavus;

Et idem tamen ortu Gallus est; & reliqui, Galli sunt omnes. Prætereundum verò nec hoc est, quod Galli omnium scientiarum & doctrinarum capace linguâ utantur propriâ, eâque elegantissimâ, lenissimâ & suavisimâ; cum qua, verborum sive venustatem sive copiam spectemus, neque cognata Græca, neque mater Latina, neque sorores Italica atque Hispanica, contendere possint; nedum nostra Germanica ad horrorem usque adspirationibus barbarè infarcta, quam propterea Galli voce barbarâ Barragouin vocant: adeo, ut si omnes aliæ linguæ interciderent, ex sola Gallica omnes disciplinæ & artes instaurari & denuò consummari possent. Ideoque Imp. Carolus V, divino ingenio Princeps, uti Gallos, (fertur enim aliquando Philippo filio dixisse, supremum suum honorem in eo verti, quod ex illustri Regum Galliarum profapia per aviam Mariam Valesiam descendisset) sic & Gallicam linguam ante alias amavit plurimum; & unâ adfectum in domesticos ita transmisit, ut in illius aula ea evase-

fol. Scaliger. in
Diatriba de ho-
diern. Franc.
linguis.

M. Freher. in
quæst. quâ lin-
guâ prisci Fran-
cor. Reges pro-
pria uti.

H. Bignon du
R. de Fr. lib. 4.

evaserit familiarissima: Inferioribus Germanis ho-
dieque eundem animum retinentibus; apud quos major
fere passim Gallicæ, quam vernaculæ domesticæque
linguæ est usus. Et quia in tota Europa non invenitur
lingua in tantis finium angustiis, quæ tot habeat discre-
pantias dialectorum; nullaque tam emendata est diale-
ctus, cui non adjaceant *ἑσθλὰς ἰσοφαι*: purissima ta-
men Francici idiotismi proprietates quasi habitare vi-
detur in Belsia Blœsis, & potissimum Aureliæ; ut Gal-
lis omnibus sit Aurelianismus, vocibus quibusdam emo-
tis, qui Græcis quondam Atticismus. Ac mirum in-
modum virgines Aureliæ elegantias linguæ venantur; in
eâque sic excellunt, ut Pindarum exprimere se glorien-
tur, quod Pindarifer appellant. Verum enim verò &
linguam, & doctrinam, & virtutes, & omnia alia mi-
randa, perfecerunt Galli summâ naturæ suæ dexteri-
tate; illoque in universis sensibus vigore, apud alios
non querendo, non inveniando: de quo Julius Sca-
liger Italus, homo minimè vanus, & judicio lima-
tissimo: Illud est, ait, cum primis animadverten-
dum: non esse cum animorum mobilitate conjun-
ctam fidei jacturam. Gallos enim video ad omnia
momenta vel eventuum vel disciplinarum prom-
ptos, paratos, versatiles: ut semel quicquam vel
visum, vel auditum, illico apud eorum ingenia
& deponat & amittat novitatem. in eo ipso peni-
tus exemplo videntur nati atque educati. qui ani-
morum vigor igneus maturaque celeritas nulli

P. Menius. Col-
log. p. 2. lib. 3.

Jul. Scalig. de
subtilitat. ad
Cardan. exer-
cit. 167. sect. 1.

alii nationi data est à natura. quoquò incubuere, felicissimè se dant, ocyssimè proficiunt: gnaviter exercent mercaturam, artes, arma, literas, eruditionem, subtilitatem, candorem, eloquentiam. Omnium tamen gentium atque nationum fide sunt maximè integrâ & constanti. Cui Pauli Merulae, doctissimi viri, *elogium in Gallicæ Nobilitatis & literarum gloriam maximè est geminum*: Videre est, ait, in Gallia summo loco natos illustribusque ortos familiis noctes diesque inhærere chartis, & nunquam non Musarum sacris operari. Novi cum stupore, qui de quacunque re in medium prolata expeditissimè poterant, methodo admirandâ, ex tempore & absque ulla præmeditatione, per horas aliquot disserere. *Ex quibus omnibus manifestum est, convitia, quæ passim jaciuntur in Gallos, vel ex livore & malitia, vel ex stulta credulitate & ignorantia profecta, adeoque falsum esse, quod tradit Servius, Gallos pigrioris esse ingenii; quod Julius Firmicus, stolidos; quod Julianus, stupidos & rusticitatem amantes; quod Polybius, doctrinæ & artibus operam non dare; quod idem cum Diodoro, Athenæo, & Clemente Alexandrino, infidos esse; crapulæque & ebrietati deditos; quod Livius Polybiusque, molles esse & effœminatos; quod Mela, auri avidos, superbos, superstitiosos; quod Solinus, vaniloquos; quod Plutarchus, pecuniæ infatiabiles; quod denique Cicero, Gallos minimè ullâ Religione moveri.*

Ceterum quod in Gallia nobilissimum, & ob quod ipsa

P. Merula Conf. mogr. p. 2. lib. 3. cap. 18.

P. Merula Conf. mogr. p. 2. lib. 3. cap. 11.

ipsa inter omnia Europæ imperia est nobilissima, illud sunt Reges: quorum tantus honor, gloria, & majestas, rerumque gestarum tanta est copia, ut neque possit quisquam, ne si mentiri quidem velit, majora confingere; neque vera confectans omnia tam brevi temporis spatium persequi: sed aut ab ipso multa, aut ipsum à tempore deserui necesse sit. Quæ enim illa sunt encomia, quæ præconia, quæ laudes? Quanto cæteros homines regia dignitas antecellit, tanto cæterarum gentium regna regni vestri culmen excellit: ait D. Gregorius ad Childebertum Regem. Reges Gallorum opposuerunt se tanquam murus inexpugnabilis pro populo Christiano; ait Honorius III. Regnum Galliæ est quasi pharetra, quam Christus sibi circa femur accinxit, ex qua sagittas electas extrahens, ipsas, ut sibi gentes & regna subjiciat, in arcu brachii potentis emittit; ait Gregorius IX. Rex Galliæ est Christianissimus inter omnes Christianos, ait idem. Rex Galliæ est Princeps inclytâ devotione præclarus, Princeps Christianissimus præcellentium meritorum, athleta Christi strenuus, & sollicitus fidei Christianæ defensor; ait Urbanus IV. Rex Galliæ est tanquam stella matutina in medio nebulæ meridionalis, est corporalis quidam Deus in regno suo; est super omnes Reges; ejusque umbra totus mundus regitur; ait Baldus. Imò orans pro Rege Gall. habet centum dies indulgentiarum concessarum à Clemente, & decem ab Innocentio IV. ait S. Thomas. Sed qui potest esse primus gradus magnitudinis

M. Anton. Muræus in Orat. pro Carolo IX. Gall. R. ad Piam V. PP.

Belluga, JC. Hispanus, et Oldradus sua ætate decus, negant quemquam in orbe terrarum Principem Rege Francorum superiorem esse. Bodin. de Repub. lib. 1. c. 9.

B. Chassaneus in Catalogo glor. mundi. part. 1. confid. 30.

dinis Regum Galliae, Regnum illud ex lege Salica inter colos non distrabitur:

Gallorum Imperii successor masculus esto.

Nam natura huc ducit & ratio: cum in viro animus, corpus, vox, visus, & omnia sint robustiora, atque reverentiam creent; in foemina vero omnia mollia & levia, quae flectunt magis ad amorem: in illo auctoritas, & majestas; in ista timor, & contemptus: in illo prudentia & constantia; in ista argutia, & in decretis sensibusq; Euripus. Et quae sit injustitia, viros, quibus divino jure traditum est imperium, sequiori sexui parere? Quae sit iniquitas, foeminis jus potestatis & imperium denegari in familia privata:

(Inferior matrona suo fit, Prisce, marito;
non aliter fuerint foemina, virque pares.)

& tamen in magna Reip. familia illis omnem & summam potestatem conferri? Quemadmodum igitur semper sexus masculinus etiam foemininum continet; sed exemplo pessimum est, foeminino vocabulo etiam masculos contineri: ita in imperiis & regnis bene constitutis semper viris foeminae subesse, nunquam praesse, atque ab omnibus officiis civilibus vel publicis removeri debent: ut propterea Hispani & Britanni γυναικοκρατές μὲν, ac deterioris conditionis existimari possint. Ac licet sint muliebris imperii boni & felicitis aliquot exempla; & historiae commendent Zenobiam Palmyrenorum reginam, Pulcheriam Theodosii junioris sororem, Isabellam Castellanam Ferdinandi

Ant. Faber. in
Jurisprud. Pa-
pin. tit. 3. pr. 8.
Martial. Epigr.
lib. 8.

1. qui duos. 62.
ff. de leg. 3. l. si
ita scriptum
45. ff. de leg. 2.
& l. servus le-
gatis. 81. ff. de
leg. 3. Gode. ad
l. 1. ff. de V. S.

1. 2. ff. de Re-
gul. Jur.

nandi Arragonii uxorem; & nuper admodum Elisabetha Angla virtute sua omnibus bonis Principibus praeluxerit; foemina praeter multas corporis dotes, supra sexum prudens, multisq; literis expolita, Graece & Hispanice mediocriter, Latine vero Gallice & Italice admiraculum docta; quae uno & eodem die tribus maximorum Regum Legatis, Latine uni, alteri Gallice, tertio Italice respondere audita est: tamen Athaliae & Laodices, toties parricidarum, & toties culeos meritatum; Cleopatrae Aegyptiacae, Messalinae & Faustinae Imperatricum, Fredegundis Gallicae, Joannarum Neapolitanarum; quae omnes omnium flagitiorum sordidae fuerunt cloacae; & tot aliarum saevissimarum tigris, atque impurissimarum luparum, infelix memoria, nigrum theta foemininis sceptris praefixit. Eumolpus, aut potius Porphyrius poeta, sub Constantino in exilium missus, sic muliebrem levitatem indicat:

Crede ratem ventis, animum ne crede puellis:

namque est foemineâ tutior unda fide.

Foemina nulla bona est: & si bona contigit ulla,

nescio quo fato res mala facta bona est.

Deinde, quod aliud & eminens privilegium est; Reges Galliae non moriuntur. Nam Regina Maria proximè inopinâ mariti morte consternata & exclamanti, Helas! le Roy est mort: Cancellarius aetutum respondit; Vostre Majesté m' excusera. Les Rois ne meurent point en France. Non moriuntur autem: quia nascuntur, non eliguntur. Et sicuti in omni successione, Gallorum

Casp. Ens in hi-
stor. Belg. tom.
4. lib. 8. ad fin.

Petron. Arbi-
ter in fragmen-
tis.

Bodin. de Rep.
lib. 1. cap. 8. Pa-
pon. in Arre-
tis, lib. 4. tit. 2.
cap. 4.
Le Mercure
François lib. 6.

Gallorum loquendi formulâ, le mort faist le vif: ita in regno, ubi

uno avulso non deficit alter,

Bald. in c. 1. de
feud. March. n.
5. H. Bignon du
R. de Fr. lib. 3.

Lipf. in monit.
Polit. lib. 2. c. 3.

Bod. de Repub.
lib. 6. cap. 5.

agnatus proximus, si vel millesimo distet gradu, jure sanguinis statim succedit. Quod non solum utrinque inter Principem & subditos charitatem fovet & auget: sed etiam interregni tempestates omnes prævenit, & perpetuam tranquillitatem æternitate regni domus firmat. In electione contra, quæ turbæ? Quæ mala? Quæ adfectuum & respectuum certamina? Quis alienam rem curat ut suam? Quis electus solutiùs & minore curâ non administrat? Ut quidem rei nec diu suæ, nec postea suorum, nimis acriter intendat? Quæ sæpe intervenit sententiarum nundinatio? Romanum imperium statim à Claudio, qui primus à militibus electus est, & fidem eorum præmio pignora vit, in vilissima capita & pessima hæc venit electione; an palam emptione? Nam & hoc scimus, velut sub hasta venale pendisse; & non aliud magis clarum certumque exitium rei tum Romanæ fuisse. Interdum etiam qui Senatui placuerat, legionibus displicebat: ac sæpissime tot Imperatores, quot in provincias exercitus dispersi fuerant, creabantur; ut uno tempore triginta facti sint, cum Zenobia Imperatrice. In Germania nostra quot electi dedit interregna? Quot annos illa post mortem Imperatoris Friderici II. inter tot capita fuit sine capite? Quis licentiæ, confusionis, fraudum & deprædationum fuit modus? Et quæ bella, pluribus per factiones electis.

electis, in ultoties sunt exorta? Et quæ fuerunt presentationes Caroli IV? Vendidisset is, uti & Venceslaus, Imperium; modo emptorem habuissent. Sanè ita deplumaverunt Aquilam, ut cæteris animantibus sit contemptui; & Imperator Maximil. I. dixerit; Carolum illum fuisse dissipatorem Imperii, alterum Crassum, vitricum Imperii; & pestilentio rem pestem Germanis nunquam contigisse. Et quia me oratio hac duxit, non possum non animum ingemiscere, & status Imperii nostri, hac quidem in re, fonticum morbum miserari. Nam cum olim sub Imp. Friderico I. viribus licet Imperii jam tunc admodum attenuatis & imminutis, annui reditus fuerint sexaginta tonnæ auri, sive sexagies centena aureorum millia: hodie ea est Imperatoris, eorum quos ex Imperio percipit, reddituum exilitas: ut eximii J. Cti Schneidevini judicio disponendis & alendis postis vix sufficiat, nedum ut ille inde se & familiam commodè sustentare; imò nisi ex hæreditariis provinciis multa centena aureorum millia impendat annua, Imperialem & intanto fastigio necessariam pompam minimè tueri possit; Granvellano etiam apud Landgravium in colloquio Spirensi intrepidè affirmante; ex Imperio ne tantillum quidem emolumenti habere Cæsarem. Quâ tenuitate in orbe Christiano regum novimus neminem. Sed illos Comitiales imperiorum morbos non patitur Gallia: successionem Regum secuta. Atque ut incolumitas ejus tantò esset durabilior & constantior, Regibus data est

Aa

Summa

Crantzius in
Saxon.

Warem. de E-
renberg de o-
neribus subdit.
cap. 4. n. 12. 13.
Spigellius in
Comment. ad
Ligurin. lib. 5.

Schneid. Inst.
de success. ab
intest. sub rub.
de success. Fisci.
num. 5.

J. Pflug. in orat.
de Rep. Ger-
man.

Sleid. com-
ment. lib. 17.

B. Cassan. in ca-
tal. gl. mundi p.
5. confid. 30.

*summa & liberrima potestas, nemini hominum devin-
cta. Et si liberè & candidè loqui volumus, Rex Gal-
liæ majori præditus est potestate, quàm Imperator no-
ster. Opera enim & literis abutuntur, qui cum Bartolo
hæreticos esse pronunciant, quicunque Imperatorem
(a) Germanicum universi terrarum orbis dominum esse
negant; & qui scribunt, regnum Galliæ Imperatori
subjectionis vinculo jure ipso obligatum esse: quia scili-
cet Imperator Antoninus responderit Eudamoni Ni-
comedienfī (a) ἐγὼ μὲν τῶ κόσμου κύριος, ὁ δὲ νόμος τῆς Ga-
λλίας: ego quidem mundi dominus, lex autem maris:
quia Evangelista dixerit; Exiit edictum à Cæsare Au-
gusto, ut describeretur universus orbis. & Nicolaus
de Ubaldis captiosè; qui regnum Galliæ de facto libe-
rum esse; hoc est, uti Bartolus id ipsum explicat, per in-
juriam Imperatori non subesse; contendit. Aliter dis-
putant Galliarum Reges cum Imperatoribus nostris:
aliter illi sceptrorum jura æstimant ac tuentur. Neque
enim sumus immemores, cum Ferdinandi Cæsaris nomi-
ne L. Madrutius à Francisco II. Rege Blæsis restituti-
onem Tulli, Viroduni, & Divioduri Mediomatricum,
quas civitates Henricus II. Rex ab Imperio Germa-
norum avulserat, urgeret, quid fuerit responsum: cum
deliberatione super ea re institutâ, Franciscus Oliva-
rius Cancellarius generosè, antequam alii sententiam di-
cerent, occuparet, & dignum capitali pronunciaret
supplicio, qui Regi tam fœdi consilii auctor esset. Quin
imò majestatem Imperii Romani ne comiter quidem ob-
servant;*

(a) I. d. 1015. 9.
ff. de L. Rhod.
de jactu.
Bodin. de Rep.
lib. 1. cap. 9. A.
Tessaurus in
præf. ad Decif.
Pedem. n. 14.
Vide H. Kirch-
ner. in Legato
libr. 1. cap. 8.
St. Forcatulum
in Cupidine Ju-
risperito cap. 9.
addo A. Kni-
chen in Epopsi
Hypot. Dauth.
num. 24. 25. 26.
&c. D. Cova-
ruviam in Re-
lect. cap. Pecca-
tum. §. 9. num. 5.
F. Vasquum in
præf. illustr.
controvers. &
part. 1. lib. 1. c.
20. & seq. Chr.
Besoldum de
Appellationib.
cap. 2. §. 7. R.

Thuan. Histor.
lib. 39.

*servant; ut Lutetiae Romana, jura doceri aliquan-
do vetuerint, & speciatim Blæsenfī edicto caverint; ne
quis publicè profiteretur Romanas leges in Academia
Parisiensi, nève quem ad Scholasticos ejus disciplinæ
gradus auderet provehere. Hinc Hospitalius Caroli
IX. Cancellarius, Rege ipso & regni ordinibus præ-
sentibus, in senatu Rotomagensi demonstraturus, Re-
gem XIV. annum ætatis vix ingressum, tamen mayo-
rem, & regni per se administrandi capacem censendum
esse; nec ut in minorum restitutione à momento ad mo-
mentum tempus computari, verum ut in publicis mu-
neribus & honoribus annum inceptum pro completo ha-
beri; in eam rem vulgarem juris Romani regulam, cum
præfatione & petita venia ex Pandectis adduxit. Et-
si, pro mea sententia, Romanarum legum neque publi-
ca in Scholis professio, neque etiam quotidiana in vita
communi foroque observatio, extra Imperii ditiones
tessera subjectionis esse possit: cum illarum non autho-
ritas & sanctio, sed ratio tantum & æquitas foris
spectentur. Quare nec olim Romani, dum civitatem
suam legibus Græcorum fundabant, ideò sub Græ-
corum imperium concesserunt: nec hodie Tur-
cæ, si Codici Justiniano, quem & in lingua sua
barbara habent, eorum Laconismus & in foro pro-
cedendi simplex modus, vereque strepitus omnis ex-
pers, atque cum singulari subitæ executionis rigore
conjunctus, permetteret in judiciis locum, ob hanc
causam quicquam vel Romano Imperio adderent
potestatis*

Renat Chopin.
in præf. ad leges
Paris. municip.

A. Chr. 1562.

Thuan. Histor.
lib. 35.

Rectè contra
Knichen id af-
ferit Chr. Be-
soldus de Ap-
pellation. cap.
2 §. 7.

1 2. §. 4. ff. de O-
rig. jur.

Jo. Leunclavi-
us in Prologo
ad antiq. para-
tit. libros. & in
proemio ad
Historiam Mu-
sulmanam.

Girard. de May-
nard sing.
quæst. lib. 4.
cap. 58. sic scri-
bit: Excepté la
province de
Languedoc, en
laquelle le Roy
ne peut com-
mander tailles
& subsides
quels qu'ils
fussent, sans l'
expres consen-
tement de trois
Estats du dit
pays de Langué-
doc: la plus part
des autres pays
est serilement
traictée, & sans
autre mystere
que d'une sim-
ple infusion tail-
le, chargée con-
traincte, comme
l'on void.

Bod. de Repub.
lib. 3. cap. 1. &
cap. 6.

potestatis, vel sibi demerent libertatis. Porro legibus soluta potestas Regum Galliae cum in belli indicendi, pacis firmandae, legum sancendarum, creandorumque magistratuum jure, & in aliis rebus tum in indictione tributorum & exactionibus cognoscitur maxime: cum non ordinum supplicare conventibus cogantur, ut alibi fieri solet; sed secundum Reipub. necessitates ipsi arbitatu suo subditis praestationes injungant. Nam regnum Galliae est pratum florentissimum, in quo pascuntur infiniti ovium greges aureis velleribus, quae tonderi possunt, quoties pastori libuerit. Illam tamen suam libertatem potentissimam, & potentiam liberrimam, Franciae Reges omnium virtutum excubiis ita circumsepunt; ut nemo de injustitia conqueri possit. Cui rei plures curiae explicandis gravaminibus & litibus judicandis constitutae; sine provocatione verò & summae sunt, Tolosana, Gratianopolitana, Burdigalensis, Aquensis, Divionensis, Rotomagensis, Rhedonensis; & quae antiquitate & dignitate ceteris excellit, Parisiensis, ac singulari quodam jure Curia Parium & Parlamentum sine loci adjectione appellatur: in cuius acta referuntur omnia ad Rempub. pertinentia; edictis quoque regis nihil valituris, nisi in supremo illo Senatorum consensu fuerint promulgata: adeo, ut etiam Reges bellum suscepturi Curiam autorem fieri velint. Atque ut Gallia est Europae lumen, Lutetia Galliae oculus; ita Parlamentum hoc est Lutetiae pupilla; consessus senatorum totius mundi amplissimus & augustis-
simus,

simus, Principum arbiter, innocentiae custos, aequi & iniqui iudex: quod tanquam illustrissimam majestatis regum Galliae effigiem cum admiratione viderunt Sigismundus, & Carolus V, Imperatores; atque Reges Portugalliae, Neapolis, Siciliae, Scotiae, Navarrae. Nullum verò justissimi Consistorii majus argumentum est, quam quod Reges & Principes exteri ab extremis Germaniae, Italiae, & Hispaniae oris ad illud, velut ad Divae Themidis templum magno concursu non raro confluxerunt. Imperator Frid. II. controversias, quae illi cum Innocentio IV. Papa intercesserunt de regno Neapoleos, ad hunc senatum detulit. ita Comes Namurcensis ibidem causam egit adversus Carolum Valesium, pro Comitatu Namurcensi; non veritus gratiam tanti Principis, quem iudicio superavit. ibi consimiliter Philippus Tarenti Princeps Burgundiae Ducem vicit, cum ageretur de sumptibus factis pro imperio Graecorum recuperando. ibi etiam pari voluntate Dux Lotharingus & Vidus Castillionensis ejus sororius familiae herciscundae iudicium acceperunt. ibi Delfinus & Comes Sabaudiae, cum de Marchionatu Saluciarum inter se contenderent, & suam se voluntate eò contulissent, Comes iudicio victus, ac rursus alio iudicio fractus omnem causam restituere damnatus est. ibi quoque Cameracenses liberi populi in jus vocati, ut rebus à Senatu iudicatis acquiescerent, se iudicio stiterunt. ibi denique (infinitum enim sit omnia exempla exequi) Regum Castellae & Lusitaniae foedera, cum ea non prius vim

Pert. Matth. im
hist. Henr. 4. G.
R. lib. 3. nar. 1.

Estienne Pas-
quier des Re-
cherches de la
France. liv. 2.
chap. 2. pag. 59
& 62.
Bodin. in meth.
Hist. cap. 6.

habitura judicarent, ab amplissimo ordine sancita, & patentibus portis promulgata sunt. Et quod auctoritatem ordinis Parlamentarii ab omni macula immunem conservat, nemo inter purpuratos recipitur, nisi virtute & eruditione illustris per legitimum examen ad dignitatem illam conscenderit; ordinis ipsius privilegio hoc requirente: ut nec Henrici II. Regis quidem habitata fuerit ratio; qui, cum quendam à summate fœmina Parlamentarius proceribus commendatum in examine rejectum fuisse audivisset, dixerat; que parmy tant de chevaux d'Espagne un asne pouvoit bien passer: inter tot equos Hispanicos etiam asino locum dari potuisse. Isdemq; integritatis propugnaculis circumvallantur magistratus etiam alii. Et quidem Parisiis ad mercatorum Præfecturam nemini, qui vel minimis vitiis, imò sinistrâ tantum opinione urgetur, patet aditus. Unde puero, fortè inciviliori sibilo publicè lascivienti, statim commune istud objicitur dictum; tu ne feras point Prevost des marchands: tu Præfecturam mercatorum non geres. Sed in conferendis magistratibus & officiis Regis Ludovici XII. prudentia erat summè admirabilis: qui catalogum sive codicem semper habebat secum, in quem nomina virorum, meritis præstantium, & à se cognitorum, referret. Cumq; aliquando scribam quendam, eleganti in oratione Aurelius ad se habitâ pulcherrimè stantem, illi honoratorum codici inscribi curavisset; post aliquod tempus istius Oratoris recordatus, ei Officium de Juge Mage,

El. Monlucius
in comment.
lib. 7.

Franc. Des-
Rues en la de-
scription de la
France.

El. Monluc. d. l.

Mage, quod Aginni in Nitobrigibus non est ignobile, ac tum ob mortem curatoris erat vacuum, nihil tale cogitanti, missodiplomate, gratiosè concessit. Exemplum omnibus Principibus ad imitandum proponendum: & ob quod unicum Justiciarii cognomentum Ludovico dandum fuisset; cujus tam sancta & venerabilis etiam nunc inter Gallos viget memoria, ut quoties in consistorio Principis, in regni curiis & comitiis, de optimo regimine & rebus in meliorem statum reducendis agitur, toties Ludovici XII. honorifica mentio habeatur. At verò ut Galliarum Reges omnem suspensionem iniquitatis à se depellerent, æquè ac privati legibus & judiciis patriis acquiescere solent. Et quidem Ludovicus Sanctus præter aliam multa sanctissima præcepta, etiam hoc filio dedit; ut in causis dubiis ipsum & subditum concernentibus, & in quibus veritatis dispectio sit lubrica & incerta, semper contra se pronunciaret. Sæpe quoque Reges ipsimet judicia exercebant; & Carolus VIII. omnibus septimanis binos dies, ut olim Ludovicus pius ternos, destinabat juri in publico reddendo: idq; aditu tam libero, ut nemo vel è fece plebis regio conspectu & affatu arceretur. Ita enim justus sunt Galliarum Reges: ut etiam sint humanissimi & familiarissimi, visus faciles, dictuq; affabiles. Namq; ut sol quamprimum manè nobis oritur, omnes gratioso suo lumine irradiat, nec magis Cræsum quàm Irum, Aquilium quàm Corydonem intuetur: sic illi omnes suos pari humanitate & gratiâ complectuntur. Rex Chinois nunquam pedem

Thuan. histori.
lib. 1.

H. Bignon du
R. de Fr. lib. 3.

Jean. de Serres
in vita Caroli
VIII. & Lipf.
in monit. Polit.
lib. 1. cap. 9.

Alex. Valignanus in administrand. regni Sineas.

pedem effert è regia, & plusquam Assyriorum Principum solitudine inclusus otiosam majestatem ineptissimâ gravitate damnat, ubique per internuncios imperans: at Galliarum Reges in amore civium venerationem sui & imperii sempiternum robur quærentes, omnibus amici, omnibus patres publici sunt: sermone benigni; vultu, qui maxime populos demeretur, amabiles, æquis desideriis propensi, nec etiam iniquis acerbi. acerbi autem? imò clementes sunt. Quid enim statuit Ludovicus XII. in hostes suos? Is adhuc Dux Aurelianensis in disgratia erat Caroli VIII. regis; plerisque procerum & vulgi auram præsentis fortunæ captantibus, & illum aversantibus: sed Carolo subito extincto, & Ludovico ad regnum evecto, cum Aulicus quidam magnâ fiduciâ à novo Rege civis cujusdam Aurelianensis, qui tristi tempore inter acerrimos Ludovici erat inimicos, bona peteret; Rex animo planè regio effatur: Tu verò aliud à me pète, & meritis tuis gratia erit. de isto omitte. nam Rex Gallix non exsequitur injurias Ducis Aurelianensis. Quid Henricus IV. in Parisienses Ligistico furore intransversum à fidei & obsequii semita abreptos decrevit? Urbem is nec opinantem, tot armatorum millibus stipatus, composito & modesto ingressus agmine, sine ullo terrore, sine ulla direptione, sine ulla noxa sibi asseruit; libertatem illi reddidit; hostem externum, cujus præsidio captiva tenebatur, sine tumultu, sine cæde, sine sanguine, partim novitate exempli,

Lips. in monit. Politic. lib. 2. cap. 12.

Ifac. Casaubon. præfat. in Polybium.

exempli, cui simile nihil ætas ulla unquam viderat, attonitum & stupentem; partim Benearnensis nominis terrore perculsum, & Borbonicæ virtutis fulmine afflatum, exire præcipitem & longè terrarum facessere coëgit: urbs ipsa, cujus ruinam omnes timuerant, solâ lætitiæ significatione fuit commota: capta fuit, se captam esse non credidit: victorem vidit & obstupuit, victam se esse non sensit. Ut enim vilis calculus decoctus in smaragdum mutatur: ita regius miles, etsi longâ patientiâ irritatus, egenus, victor & triumphator, clementissimi tamen regis moribus temperatus, & ejus exemplo formatus, prohibitione cohibitus, Catone abstinentior, Xenocrate evasit continentior & castior. Hæ verè sunt regix & imperatorix artes; hæc sunt boni Imperii insignia: quibus qui gaudet, illum non adulatione vanâ adducti Patrem patriæ appellamus. Cætera enim cognomina honoris magis damus: Magnos, & Felices, & Augustos dicimus, & ambitiosæ majestati quicquid possumus titulorum congerimus; sed Patrem patriæ vocamus, qui utitur potestate patriâ; quæ est temperatissima, liberis consulens, suâq; post illos ponens. cum tardè sibi pater membra sua abscindat; etiam cum absciderit; reponere cupiat; & in abscindendo gemat, cunctatus multum diuq;. Quare paternus ille Regum in cives suos amor tantum potest, ut ipsorum corda & intimos adfectus plerumq; possideant in solidum, atque unico sæpe verbulo benigno, & intuitu blandulo, veluti potentissimo quodam fascino eorundem

Seneca lib. 1. de Clementia. cap. 14.

B. Mœnlic. in comment. lib. 1.

dem voluntates, arcas & scrinia expugnent. Et ut in proximæ memoriæ exemplis permaneamus, fervor & exundans & undique protuberans amoris, observantiae & venerationis civium adfectus, nonne in teterri-
mo & funestissimo Henrici IV. parricidio satis apparuit? Nonne omnes *ῥῆσις* Galli in luctum ἀπαρῃ-
γόντων coniecti? Nonne ceu tonitru cujusdam fragore subito & vehemente edito alii repente conciderunt, alii statim expirarunt, vel in morbos inciderunt, quibus mox sunt extincti? Nonne simul ac de Rege palam factum est, omnis ætas, sexus, conditio, dignitas, parenti communi, & pio quodam in Stygium parricidam furore parentavit? Quilibet ingenium exercebat in excogitandis novis carnificinae et torture instrumentis: nemo non Ravallaci & corpus & animam Diabolo adjudicabat; multis indignantibus, monstro illi hominum remissionem peccatorum à sacrificio annunciari.

Verum quis civici amoris potentiam, & regii favoris magnitudinem, & omnium prerogativarum excellentiam satis ponderare possit? Et si omnia in æquitatis statera collocentur, quæ pro Gallia & Gallis dixi, quanquam pro magnitudine & multitudine rerum breviter & nimis tenuiter dixi, quis Galliam Germaniæ, nedum cæteris Europæis provinciis præferre nolit? Quis Christianissimo Regi & natu maximo Ecclesiæ filio non concedat lubens meritoque primum locum? Ac licet Imperator veteri consuetudine inter omnes

Th. Casaubon.
in præfat. in O.
piscula Jote-
phi Scaligeri.

Pet. Matth. de
morte Henrici
IV.

omnes Principes sit primus, & quoslibet reges antecedit: tamen Regi Franciæ hoc privilegium stetit in-
violabile à longo seculorum ductu, ut præ omnibus aliis regibus honoratior semper fuerit habitus. Et quem-
admodum simplici Poëtæ nomine per excellentiam in-
telligimus Homerum aut Virgilium, Episcopi nudo vocabulo denotamus Pontificem Romanum: sic solâ Regis appellatione venit Rex Galliarum. Quodq; negligendum non est; in ipsa Gallia Galliarum Regi exteri Reges & hospites erant secundi. Nam Carolus VI. Gallus, & Henricus Anglus, Reges, cum unâ Lutetiam inter festas populi Parisiensis congratulationes cum comitatu ornatissimo ingrederentur, Gallus equitabat à dextris, primusque reliquias Sanctorum osculabatur. Solus Hispaniarum Rex à quadraginta aut quinquaginta annis potentia & fortunæ suæ fiduciâ regi Christianissimo controversiam de honorificentiori loco movere, & apud Pontificem importunis efflagitationibus secundum se pronunciari peterè ausus est: legatis illius apud omnes Principes & Respublicas id ipsum sollicitè ambientibus; ut Mendoza quoque in Concilio Tridentino, cum supremum inter regios legatos locum obtinere non posset, declaraverit, se nolle quidem anteire, tamen cogi non posse, ut Francorum legatos sequeretur. Sed conservata fuit antiqua possessio Christianissimo Regi apud Pontificem, Anglos, Polonos, Venetos, & alios; & postremo Vervini in ipsa Gallia, in ultima inter utrumque Regem pacificatione;

Bb 2 frustra

Thuan. Hist.
lib. 77.

Bodin. de Rep.
lib. 1. cap. 9.

B. de Vitakins
in Clementan.
præf. Molinar-
us in Consti.
superf. 3. C. 3.
cilli Trident. B.
Choveronius
comm. in tit.
de publ. con-
cubinariis. H.
Bagnon du R.
de Fr. lib. 4.

An. Ch. 1420.

Eng. Monstre-
letus in Caro-
lo VI.

Bodin. de Rep.
lib. 1. cap. 9.

Thuan. histor.
lib. 36. & 36.
1. c. Mach. in
lib. 11. 4. lib. 1.
narr. 2. 617.
Est. Adriani
nella storia
lib. 17. & 18.
C. 2. Goldatus
in Seniore 1. 2.
1. cap. 17.

frustra disceptantibus, frementibus, frendentibus, & ringentibus Hispanis; atque in illis immoderate ambitionis & fastus stimulis ingratitude suam pro-
dentibus; quâ Gallorum vetera & nova beneficia, to-
ties illorum virtute sub Carolo Martello, Carolo Ma-
gno, Ludovico pio, Roberto, Philippo I. Carolo V. Ca-
rolo VI. & aliis, crudelissimis Sarracenorum persecu-
tionibus & aliis extremis periculis erepti; toties divi-
no Regum Galliae attactu à strumarum (a) foeditate
liberati; improbâ alienae existimationis imminutione
turpiter compensare voluerunt. Cogitarent saltem
Hispani, Reges Galliae non sine causâ dici Christianis-
simos, semper fuisse primos ut dignitate & honore, ita
meritis & virtutum gloriâ. Non enim omnes boni
Galliarum Reges uni annulo inscribi possunt; minis
tam illustria singulorum elogiâ tam brevi temporis spa-
tio memorari. Merovæus Attilæ typhum in cam-
pis Catalaunicis compescuit: Chlodovæus Gothorum
victor, & tot hostium domitor, cum in Christianae fi-
dei capitibus à S. Vedasto esset institutus, Rhemos pro-
fectus, ibi aquâ salutiferi fontis cum tribus hominum
millibus est ablatus à S. Remigio Rhemensis antistite,
his tunc in sacra actione verbis utente; Mitis depone
colla Sicamber: adora, quod incendiisti; incende,
quod adorasti: Childebertus, Almarico Gottho inter-
fecto, magnam Hispaniae partem subegit: Clotarius in-
domitos Saxones domuit: Dagobertus æquitatis ora-
cula sparsit: Pipinus Ecclesiam Romanam adversus
Aistul-

(a)
 St. Forcatulus
 de Gall. Imp. &
 Philos. libr. 1.
 Petr. Bizarus
 lib. 17. Histor.
 Genuens. Le
 Capitaine, qui
 conduisoit les
 Espagnols, rap-
 porta attestati-
 on des Prelats
 d'Espagne d'
 un grand nom-
 bre de gueris
 par l'atouche-
 ment du Roy.
 Pet. Matth. in
 hist. H. 4. lib. 5.
 MATT. 2.

Gregor. Turo-
 nens. & alii
 Francicarnm
 ser. scriptores.

Aistulfum Langobardorum regem defendit, & Exar-
chatu Ravennatensi donavit: Carolus Magnus supra
omnes Principes orbis evasit magnus; quem Reges Sco-
tiae & Gallitiae, tanquam illius cives & subditi, humi-
liter coluerunt: Ludovicus Pius quadraginta dies an-
te mortem nullo alio cibo quàm sanctæ cœnæ usus est:
Robertus literatum regem a sino coronato prætulit:
Ludovicus Crassus Imperatorem Henricum V. nomine
solum suo terruit & in Germaniam fugavit, atque Pa-
pas ex Italiâ profugos Paschalem II. Calixtum II.
Honorium II. & Innocentium II. humaniter excep-
pit: Philippus Augustus de quorundam suorum bene-
volentia dubius coronam de capite detraxit, & si quis
se sit regno dignior, illi se sponte & cum bona gratia
cessurum, & coronæ copiam facturum, testatus est: S.
Ludovicus ipsam Barbariam in admirationem virtu-
tis Christianæ rapuit: qui (dicendum enim est aliquid)
cum in Ægypto victoribus Sarracenis, in quorum pote-
statem venerat, ex lege transactionis deberet libellas
quingies mille centenas, & verò accidisset, ut, dum
expeditius pondere quàm numero Sarracenis dabantur
pecuniæ, pereorum incuriam decem millia Galli reti-
nerent, ideoq; veluti solertes eo compendio exultarent;
Rex optimus, ubi hoc rescivit, tantum abest, ut hoc suo-
rum factum probaverit, ut potius malum lucrum dete-
status excanduerit, & Philippo Montforti dederit
in mandatis, curaret, ut quamprimum integra summa
exolveretur; hostibus ad tam illustre bonæ fidei & præ-
claræ.

Du Haillan en
 la vie de Char-
 le Magne. l.^r A-
 vant victorieux
 pag. 99.

Jo. Sireus in
 Chron. D. Lu-
 dovici c. 5. St.
 Forcatul. de
 Gall. Imper. &
 Philos. lib. 2.

Dan. Heinfus
in Epist. An Li-
terato sit du-
cenda uxor.

claræ justitiæ exemplum obstupescantibus: Carolus V. consilio Anglis extorsit, quicquid illi multis victoriis acquisiverunt: Carolus VIII. non totis quinque mensibus Italiam subegit: Ludovicus XII. pater populi, totam Lombardiam, non integro mense, sub imperium redegit: Franciscus I. novus Musarum præses (quem & ad Robertum Stephanum, typographum suum, subinde visitasse, & cum ei non vacaret, quod eorum quæ tum edebantur emendationi intentus sederet, paulum expectare jussum esse, legimus) Helvetios memorabili pugna ad Melenianum in Italia devicit: Henricus IV. omnibus illis major; & inter sexaginta tres Galliarum Reges maximus: in quo cum virtus & fortuna certarent, utra vinceret, utraque vicit; aut magis, ipse utramque vicit: qui licet è tribus justissimis præliis, è quinque & triginta armatis congressibus, è quadraginta supra centum præliis regiâ pugnatis manu, è trecentis locorum oppugnationibus, totus laureatus, undiquaque tamen pacis fuit amantissimus; ut idem sit creditus publicæ tranquillitatis propugnator, status Reip. redhibitor, Ecclesiæ ornamentum, Christianorum arbiter, Orbis delictum. Tanti Principis aboleri memoria non potest: universorum pectoribus infixus est: nec commendatione ceræ aut pigmentorum fucis renitet, sed novo cottidie desiderio efflorescit animorum. Una HENRICI oblivio est humani generis occasus. Post tanti numinis nomen, imò post tot numinum sanctissima nomina deficio: cum nemo hominum sit,

fit, qui illis non assurgat meritò, & omnes splendoris, nobilitatis, & majestatis fasces non submittat lubens.

Quare, illustrissime cognate Præses, hic cursum orationis meæ sisto: & cum Galliam natura, virtus autem Gallos, & felicitas Gallorum Reges, ad principatus culmen duxerint, censeo; Galliam omnibus Europæ provinciis omni jure anteponendam esse.

P R I N C E P S

FRIDERICVS
ACHILLES, &c.

ET QUID TU CENSES
MAGNE, mi frater?

ORATIO

ORATIO

MAGNI,
DUCIS WÜRTEMBERGIÆ ET
Teccie, Comitissæ Mompelgardie, Dynastæ
Heidenhæmii:

pro

HISPANIA.

Imperator CAROLUS V. Augustus, quamvis natus & educatus in Germania, Hispaniam tamen ex omnibus aliis regionibus delegit unam, quam profusiore benevolentia & amore dignaretur: cum non solum, quamdiu per bella Germanica, Gallica, & Africana licuit, præcipuam in ea sedem habuerit; sed & postremo, renunciato Imperio, & abdicatis à se regnis, ibi privatus mori voluerit. Et, quod curiose à Cæsarianis scriptoribus observatum est, cum ille Sudeburgo cum Helionora Franciæ, & Maria Hungariæ, reginis sororibus solvens, Euroque propitio profectus, sine ulla nausea in Hispaniam trajiciens, Lareduni in Callaiciis portum appulisset; ubi primum terram tetigit, prostratus ei osculum fixit, & Salve, agebat, mihi optatissima mater: nudus ex utero matris exivi, nudus ad te tanquam alteram matrem redeo: & quod unum possum, pro tam

Thuan. histor.
lib. 17.

Oratio pro Hispania. 201

tam multis in me meritis corpusculum hoc & ossa mea do dedicoque. *At quorsum ista? Nimirum ut tenellis infantibus amuleta quædam ab officiosis matribus, contra oculorum linguarumve aut alias fascinationes, de collo appendi solent: sic ego tanti Cæsaris præjudicium orationis meæ, quam pro Hispania habere animus est, tanquam amuletum, aut potius ut salvam guardiam præfigere volui; cum ut aliorum obnoxios calumniæ & invidiæ adfectus, quibus Hispanorum natio passim in circulis vapulat, averterem aut corrigerem; tum etiam, ut tanto confidentius laudes omnium nobilissimæ provinciæ, & illi debitum Europæ principatum propugnarem. Quia verò prærogativarum tam illustria concurrunt & affluunt argumenta, &*

adeo sunt multa, loquacem ut

de lassare queant Fabium,
elaborabo, mi frater Friderice Achilles, ut breviter magis & ad rem propositam, quam prolixè & ornate dixisse videar.

Hispaniam terrarum esse felicissimam, si aliunde non liqueret, hoc unum possit testimonio esse gravissimo, quod prima ea à Romanis tentata, & ultima subacta fuerit. Romani enim, & Ecclesiasticus Pontificius ordo, pari fere ingenio iis tantum in locis potentie suæ domicilia constituerunt, in quibus cum illorum cupiditatibus certaret omnium rerum ubertas: ut veluti novi fæsones non nisi optimam & auratam prædum semper respexisse & inhiasse videantur. Sed altius

Cc

Hisp.

Homer. 4.
Odyss. Nata-
lis Comes
Mythol. lib. 3.
cap. 19. Lud.
Nonius in Hi-
span. cap. 5.

Hispaniæ dotes repetendæ sunt. Et, quod in quolibet loco primum in laudem vocatur, temperies cæli tota vitalis ac perennis salubritatis est; ut non immerito beatorum hic felices sedes & Elysios campos Homerus & alii statuerint. Æqualis aeris tractus per omnem regionem nullâ paludum gravi nebulâ inficitur: & ab auris marinis omnem provinciam penetrantibus, eventilato terrestri spiritu, præcipua omnibus sanitas redditur. Indeneq; ut Africa, violento solet torretur; neq; ut Gallia, assiduis ventis fatigatur: sed media inter utramq; tum calore temperato, tum felicibus & tempestivis imbribus, in omnia frugum genera sic foecundæ est, ut non ipsis tantum incolis, verum etiam Italiæ, urbiq; Romanæ cunctarum rerum abundantiam sufficiat. Quin supeditat Hispania plerisq; Europæis, sed & sub sole calentibus Indis, vina generosissima, oleum perfectissimum, sales candidissimos, gallam (cujus tum ad atramentum conficiendum, tum ad densanda hircorum caprarumq; coria, quæ vulgo corduana dicunt, magnus est usus) olivas muria maceratas, Græcas nuces seu amygdala, ficus; & quoslibet arborarios fructus sapidissimos; metalla quoq; omnis generis copiosissime: etiam Germaniæ nostræ aliquando in publica penuria frumentum subministravit. Hispalensis ager ita pinguis & fertilis est, ut omnes terrarum alios eo nomine facile superet: ac, quo tempore Ferdinandus Sanctus illum Maurorum jugo eripuit, centum millia, quâ villas, quâ trapeta, in iis olivetis, quibus Assa-

A. C. 1561. Lud.
Nonius in Hisp.
cap. 19.

Jo. Mariana de
reb. Hisp. lib. 13.
cap. 7. adde &
L. Nonius in Hisp.
cap. 16.

Assaraffio nomen est, numerata fuerint. Ingens numerus: sed Alfonsi tamen regis Sapientis historiæ auctoritate probabilis. Et Plinii ætate, cardui duntaxat apud Carthaginem magnam, Cordubamque præcipue, fectertia sena millia reddiderunt. Planities Granatensis tantis honoratur proventibus; ut ex solis mori arboris foliis, quibus bombyces vescuntur, præter multas serici libras, triginta millia coronatorum quotannis in vectigal regium inferantur. Sed in singula locorum me non effundo. Lina quoque pretiosa sunt: & nobilia pecoris vellera nullibi gentium sunt meliora:

Plin. hist. nat.
lib. 19. cap. 10.

C. L. millia coronator.

L. Non. in
Hisp. cap. 22.
Boter. in Relat.
univers. part. 1.
lib. 1. in Hispania.

Vellera nativo pallent ibi flava metallo,
& linit Hesperium bractea viva pecus.

M. Val. Epi-
gram. lib. 9.

Etiam aliubi, & præsertim in Gadium insula pabulæ est letitia, ut pascentium pecorum lac non fere scat, caseusq; non nisi multâ affusâ aquâ coeat; & ni menstruo quoque tempore vena illis tundatur, ex nimio abdomine suffocationis sit periculum. Equorum verò primatum quis extra Hispaniam quæsierit? Petrus Quinqueranus ait, ex omni genere equorum pulchritudine præstare Hispanos, ferociâ Turcos, velocitate Numidicos. Nec malè ita censet Quinqueranus. Etenim in Andalusia & Granata natura equos (quos incolæ Genettes vocant) eâ effingit industriâ, ut ad velocitatem, generositatem, & ad omnem elegantiam nihil illis desit: unico sæpe

Strabo Geograph. lib. 3. L.
Non. in Hispan. cap. 9.

P. Quinqueran. de laud. Provinciar. P. Camerac. Med. hist. cent. 2. c. 91.
Boter. d. in Hispan.

L. Non. in Hispan. c. 43.

equo multis aureorum millibus constante. Nec certe ignobiles sunt Asturcones, ab Asturia regione (cui universa Hispania debet & Christianae religionis, & a vitae Gothicae Nobilitatis adversus hostes Mauros defensa conservationem) ita dicti: quibus non vulgaris in cursu gradus, sed mollis alterno crurum explicatu glomeratio: de quibus Silius:

Silius lib. 3. de bello poen.

His parvus sonipes, nec Marti notus, at idem aut inconcusso glomerat vestigia dorso, aut molli pacata celer trahit effeda collo.

& Martialis:

Martialis in Apophoret. 199.

Hic brevis ad numerum rapidos qui colligit ungues,

venit ab auriferis gentibus Astur equis.

Iust. lib. 44.

Neque tamen summatantum terrae Hispaniae laudanda sunt bona, et si per pauca adhuc dum laudavimus: etiam abstrusorum felices sunt divitiae. Lapidum ad aedificia mirabilis ubique est copia: & quod miraculo adscribendum, non procul à Barcinone mons se extollit praecelsus, vulgo Mon-Ivi, ab antiquis Mons Jovis, aut, ut alii melius, Mons Judaeorum, dictus, in quo inexhausta & perennis lapicidina: ac licet ad urbis muros, & ad complures Nobilium domus, assiduò hinc materia petatur, adimplet tamen liberalis natura montis illa ulcera, & cicatricem obducit, ut tot annorum decursu nihil penè excisum videatur. Singulariter tamen pulcherrimos lapides & marmora perbella, ad palatiorum & substructionum decus, in omnibus fere provinciis invenit

L. Non. in Hispan. cap. 88.

invenit magnificentia: quod vel ad stuporem usque intuentium San-Laurentianum monasterium in Escuriali ostendit; admirandi operis egregia & vere regia moles; in quam Philippum I. I. ducenties centena millia coronatorum, sive viginti milliones auri, insumpsisse aiunt. Et jactitent licet Aegyptii suas Pyramides, Graeci sua delubra, Romani sua amphitheatra, theatra, ludos, circos, thermas, capitolia, palatia, & vanis numinibus sacrata templa: dum sese Hispania hoc Escurialis monasterio cetera orbis miracula superare noverit. Quid enim ad summam perfectionem peritissimi artifices illic requirant? An materiam? nihileà rarius. An architecturam? ne Vitruvius quidem dederit exactiorem. An magnitudinem? vel quatuor Regibus simul hospitium commodè praeberit. An etiam hortorum nitorem, fontium amoenitatem, silvarum umbracula? ne ipsa Antiochia Daphne se comparaverit. At quot praeterea ex illis Hispaniae lapicidinis sumptuosissima aquaeductuum, pontium, arcium, aliarumque structurarum operas: quot fortissimae & ornatissimae prodierunt urbes? Quam jucundum sit, illustriissimi & dilectissimi Collegae & Auditores, si jam praesentes corameas invisere possemus. Peponem pro corde habeat, qui videndi ardore non stimuletur. Quae enim urbs est Hispali opulentior?

l'on dit a voir
ceste plus de
vingt millions
d'or. Petr. Mar.
in Hist. Henr.
4. lib. 1. narr. 4.

L. Non. in Hispan. cap. 71.

Hispal, aequorius quam praeter labitur amnis:

Aulonia urbis.

submittit cui tota suos Hispania fasces:

ubi binæ quotannis classes, auro argento gemmisque onustae,

L. Non. in Hispan. cap. 16. Jo-
han. Baptista
Vallalpandus
Cordubensis
Explanat. in
Proph. Ezech.
cap. 27. vers. 7.
pag. 10.

stæ, Americae divitias exponunt, (magnificâ in eum finem extructâ domo, cui ab Indicis negotiis nomen impositum est, La casa de la contraction de las Indias) & civitatem tantis opibus beant, ut illa Regi singulis annis sesquimillionem aureorum obsequii & vectigalium ergo pendat; & veraci feratur proverbio: quoniam non ha visto Sevilla, non ha visto Maravilla. Quæ est Olisipone illustrior? ubi thesauri ab Afris Asiaticis & Indis advekti liberali manu dispensantur per universam Europam: &

Jul. Cæs. Scaliger.

ubi in parvo est India tota sinu.

L. Non. in Hispan. cap. 22.
Borer. d. l. in Hispania. P.
Merula Cosmogr. p. 2. lib. 2. c. 23.

Quæ Granatâ capacior? ubi tot ædificia, tot domus, ut quemadmodum malum Punicum granosum, & acinis refertum est, ita & hæc nobilissima Granata densissimas domos & dehiscantis granati similitudinem referre videatur: ubi vetus regium, vermiculato opere, & immensis sumptibus extructum palatium in Alhambra, tantæ amplitudinis est, ut defensores commodè admitat ad quadraginta millia, ideoque urbs potius, quam domus dici possit. Quæ Toletum clarior? ubi minimum septendecim, quot alibi nusquam, Concilia celebrata fuerunt; ubi olim Gothorum aula; ubi templum augustissimum; ubi Archiepiscopus primas Hispaniæ, secundus à Rege, & ditissimus; ubi aquæductus nobile Janelli Turiani Cremonensis opus, qui hydraulicâ machinâ, magnâ versatili rotâ aquas ex Tago, ingenti impetu per tubos ductiles in editissimam urbis partem pertraxit,

L. Non. in Hispan. cap. 59. P.
Merula Cosmogr. p. 2. lib. 2. c. 20.

*pertraxit, unde in multos rivulos insigni civium commododistribuuntur: ubi lanificio sericoque vitam quarunt hominum millia fere decem. Quæ Vallisoletum nobilior? ubi Philippus II. Rex natus; locusque est in amenissima Pisuergæ ripa, non Hispaniæ solum, sed Europæ totius pulcherrimus: ubi forum spectatissimum capacissimumque, cujus ambitus DCC. passuum est. Quæ Legionem præstantior? ubi in augusto templi omnium in toto regno artificiosissimi sacrario sepulti jacent septem & triginta Reges, & unus Hispaniæ Imperator. Quæ Segoviâ est laboriosior? ubi nemo conspicitur mendicus, nisi qui per ætatem aut morbum ad opus est inidoneus; ubi lanificium est laudatissimum: ubi aquæductus est, magnum architecturæ ornamentum. Quæ Matritum gratior? ubi Imperator Carolus V. quartanâ diu ante conflictatus solâ aeris clementiâ morbum molestissimum brevi fugavit. Quæ Valentia formosior? ubi perpetua tam hyeme quam æstate inter citreos parietes & citrea conclavia est viriditas; ubi loci elegantia advenis oblivionem patriæ inducit: ubi Borgia familia duos Pontifices Calixtum III. & Alexandrum VI. Ecclesiæ Romanæ dedit: ubi Philippi III. conjux Margarita eâ pompâ introducta est, ut tricenis centena coronatorum millia insumpta fuisse dicantur. Quæ Flaviobrigâ sive Bilbao negotiosior? ubi quotannis lanâ tantum circiter quinquaginta naves oneratae in varias regiones transvehuntur. Quæ Cæsar-Augustâ est augustior? ubi tantus ædiu-
nitor,*

L. Non. in Hispan. cap. 56. & Paul. Merula Cosmogr. part. 2. lib. 2. cap. 19.

L. Marinus Siculus lib. 3. de reb. Hispan.

P. Merula Cosmogr. part. 2. lib. 2. cap. 19.

L. Non. in Hispan. cap. 71.

J. Mariana de reb. Hispan. lib. 12. cap. 19.

L. Non. in Hispan. cap. 69.

Jo. Boetius in hist. narratione profect. Alberti & J. J. J. J.

L. Non. in Hispan. cap. 79.

L. Non. in
Hisp. cap. 52.

Plin. hist. nat.
lib. 3. cap. 3.

P. Merula Cof-
mogra. part. 2.
lib. 2. cap. 3.

L. Non. in
Hisp. cap. 54.
& cap. 77.

Plin. hist. nat.
lib. 3. cap. 3.

nitor, ut nulli urbi sit secunda. Quæ Barcinone est mundior? ubi ad maiestatem patriæ conciliandam civium virtus & fortuna nihil prætermisit. Quæ Compostellæ est religiosior? ubi non modò Hispani, sed omnes quasi nationes, piâ quâdam superstitione excitæ, cum votis donisq; ad S. Jacobi, uti credunt, reliquias comparent frequentes. Sed quis amor, Collegæ & Auditores, ex lapidicinis in urbes, & ex tot longè præstantissimis in pauculas (nam Pompejus M. trophæis suis, quæ statuebat in Pyrenæo, DCCCXLVI. oppida ab Alpibus ad fines Hispaniæ ulterioris in ditionem abs se redacta testatus est) istas deduxit? Quis genius me Compostellam abduxit? Redeo ad lapides. Suntq; iuxta Antiqueram montes singulari fœcundi lapide, quem Hispani vernaculâ linguâ nuncupant Hicflo: ex quo gluten conficiunt architæti, usitato nomine, Tarram dictum, muris consolidandis aptissimum. Lapis enim ille igne coctus, tusus, & per incerniculum cribratus, aquâ deinde maceratus, tam tenaces incrustationes reddit, ut ædificia ex continuo lapide nata, non manufacta esse videantur. Et si lapidum pretiosorum copiam quis desideret; non procul à Flavio Brigantio, hodie la Corunna, & propè Cluniam, quæ hodie Crunna del Conde, præstantissimæ fæspidis sunt latumicæ. Sed ad metalla abeo, quæ in Hispaniis sunt abundantissima. Et Plinius disertè loquitur: Metallis plumbi, ferri, æris, argenti, auri, tota ferme Hispania scatet: citerior & specularibus lapidibus: Bætica & minio: sunt

P. Merula Cof-
mogra. part. 2.
lib. 2. cap. 3.

Georg. Agrico-
la lib. 1. de vete-
rib. & nov. me-
tall.

Plin. Hist. nat.
lib. 34. cap. 14.

Mart. Epigram.
lib. 12.

Plin. hist. nat.
lib. 33. cap. 6.

P. Merula Cof-
mogra. part. 2.
lib. 2. cap. 3.

sunt & marmorum lapidicinæ: ut verè Posidonius scripserit; τὸν ὑποχθόνιον τόπον ἔχ' ὁ Ἄδης, ἀλλ' ὁ Πλάτων κατεῖκε; loca subterranea Hispaniæ non à Plutone, sed ab opulentia Deo Pluto incoli. Georgius autem Agricola ex nostris, in palma Hispaniæ deferenda nil cunctatur. Qui ait, Europæ regiones, è quibus multa metalla quondam fuerunt effossa, considerant; primas tribuunt Hispaniæ, secundas Thraciæ, tertias Britanniæ, quartas Galliæ, quintas Græciæ, quas reliquæ sequuntur. Apud Cantabros præter plumbum, & magnetem lapidem, quem nonnulli ferrum vivum vocant, ferri chalybisque venæ adeò sunt divites, ut Vulcanus illic officinam, & Mars armamentarium posuisse dici possit. Et Plinius auctor est, in Cantabriæ maritima parte montem esse præruptè altum, totum ex ferro. Sic & auri ferriq; gloria Bilbilin nobilitavit: teste Martiali;

auro Bilbilis, & superba ferro.

Maximam quoque argenti fodinam quondam apud novam Carthaginem, & in illa quadraginta hominum millia in labore versatos fuisse, singulisq; diebus Populo Romano XXV. drachmarum millia, quæ Budæi calculo sunt bis mille & quingenti coronati, inde accrevisse, ex Strabone discimus, Et Bebelo argenti puteus, ab Hannibale inchoatus, auctori suo CCC. pondo, quæ Budæo sunt tria aureorum millia, in dies subministravit. Argenti ex Pyrenæorum nati incendio, si modò Diodorus & Strabo historiam, non fabulam narrant,

Dd tanta

Arist. in lib.
de mirab. au-
culis.

Justin. lib. 44.

Plin. Hist. nat.
lib. 4. cap. 4.

Plin. Hist. nat.
lib. 4. cap. 12.

tanta fuit copia, ut Phœnicum naues illud nec capere,
nec ferre potuerint; ipsis etiam anchoris inde confla-
tis. Aurum verò ubi non invenitur in Hispania? Gal-
lecia aris ac plumbi uberrima, & auri feracissima; ad-
eò ut etiam aratro frequenter glebas aureas excindant
agricolæ. Et olim Romanis, Asturia, Lusitania, &
Gallecia, singulis annis vicena millia pondo auri præ-
stiterunt. Sed quota illæ sunt totius Hispaniæ pars?
Quid universam præstitisse putabimus? Consulite Li-
vium, Auditores, & in acervum conferte triumphales
Romanorum ducum manubias ex Hispaniis asportatas;
& videbitis, exiguo annorum spatio populum Roma-
num deprædatum fuisse supra sexcenta millia argenti
infecti pondo, argenti Oscensis quadraginta millia;
auri verò circiter decem millia; signati autem infini-
tam copiam: non computatis in eam summam, ducum,
militumque rapinis, donativis, stipendiis; quæ sine du-
bio multò superant: ut id temporis Hispania Romanis
eo fuerit loco, quo nunc Hispanis est America: & pa-
rum absit, quin assentiar illis, qui credunt Tartessum
Hispaniæ urbem olim notissimam, hodie ignorantie te-
nebris involutam, esse regnum Tharxes, & Ophir, quò
Salomon classem mittebat, ad aurum argentumque ave-
hendum. Sanè regionis circumjacentis felicitas, auri ar-
gentique perennis fecunditas, & scriptorum ea de re con-
sentiens opinio, plurimum persuadent: præsertim cum
Tyrii ac Phœnices, ex qua gente et inter Salomonis clas-
siarios quidam erant, Hispaniam frequentiarint, &
inde

Arist. de mirab.
aulis.

P. Merula Cos-
mogr. p. 2. lib.
2. cap. 2.

Joh. Vassius in
Chronico Europ.
cap. 2.

Merula d. 1.
cap. 7.

Plin. Hist. nat.
lib. 4. cap. 1. Ge-
ogr. lib. 2. cap. 1.
Plin. Hist. nat.
lib. 4. cap. 12.

inde domum ἀχρευστοί τε καὶ ἀνδραγατοὶ οὐκ ἔτι non redierint.

Sed quid? An Hispaniæ aquas sicco transibimus pe-
de? Comparatur amplissimæ illius provinciæ forma à
Strabone, Pomponio Mela, Ptolemæo, & aliis, corio
bubulo humi protenso; cujus partes fere omnes cir-
cumluunt maria: ita, ut Aquilonare latus Cantabrico o-
ceano, Occidentale Atlantico claudantur; Meridionale
pulsetur freto Herculeo & mari Balearico; Orientale
autem occupetur corii collo sive Pyrenæis montibus,
ubi Hispania in eas coit angustias, ut Joannes Vassius
memoriæ prodiderit, cum per Cantabriam iter faceret,
in monte divi Adriani, Ferdinando Colone istarum
rerum peritissimo commonstrante, nisi fefellerint oculi,
utrumque mare se vidisse, oceanum scilicet, cui erant
proximi, & eminus, quantum oculorum prospectus fer-
re poterat, mediterranei maris albicantes fluctus.
Tot verò maria, tot insuper flumina, (sunt, qui nume-
rant centum & quinquaginta, & in iis pontes septin-
gentos & amplius) tot stagna lacusque, tot thermas, tot
fontes, (in territorio enim Pacis Augustæ solus Xericii
ager fontes habet mille & quingentos) tot alios aqua-
rum sinus ac recessus, & earum summas opes cum pari-
bus miraculis conjunctas, in hac temporis fuga nunc
enarrare, nedum pro singulorum pretio meritisque lau-
dare non possim: etsi nihil aliud jam dicendum foret.

Quemadmodum igitur, Anas, hodie corruptè dictus
Guadiana, procul ab ortu suo ex hominum conspectu se
cripit, & per subterraneos meatus ad septem miliaria

Dd 2

fluit

*sed alii Hispani
Elinio & recepta opinio
suffragantur. L.
Non in flum.
Hispan.*

fluit lucifugus, donec propè Villabartam, sæpius nasci
gaudens, iterum in lucem erumpit, majori vi & alveo
latiori: ut inde accolæ jocandi materiam sumpserint,
dum patrio sermone ferunt, pontem esse in Hispania,
ubi perpetuò plurima armentorum millia pascantur:
ita ego nunc simul omnia flumina & aquas Hispania-
rum in Anæ latebras abscondo, donec alibi sit occasio
prolixioribus laudationibus singulorum dotes prose-
quendi. Auream tamen laudem non reticeo; quod ple-
raq; auri grumulos, tanquam telluris spolia Oceano de-
ferunt: & in fidem vetustæ gloriæ Lusitanorum Re-
gum sceptrum ex Tagano auro, quo purius nullum in-
veniri possit, conflatum esse memoratur.

Talis est illa altera Imperatoris Caroli V. mater:
talis est illa omnium Europæ provinciarum regina Hi-
spania: de qua Claudianus optime,

*Claudianus de
laude Serenæ.*

Quid dignum memorare tuis, Hispania, terris
vox humana valet? primo lavat æquore solem
India, tu fessos exactâ luce jugales
proluis, inque tuo respirant sidera fluctu:
dives equis, frugum facilis, pretiosa metallis.

*In Panegyrico
Theodoli. A.*

Et Latinus Pacatus, Gallus, elegantissimè: Hispania
terris omnibus terra felicior, cui excolendæ atque a-
deò ditandæ impensius quàm cæteris gentibus supre-
mus ille rerum fabricator indulgit: quæ nec Austrinis
obnoxia æstibus, nec Arctoïis subjecta frigoribus, me-
diâ fovetur axis utriusque temperie: quæ hinc Pyrenæis
montibus, illinc Oceani æstibus, inde Tyrrheni maris
litoribus

litoribus coronata, naturæ solertis ingenio velut alter
orbis includitur. Adde tot egregias civitates: adde
cultâ incultâque omnia vel fructibus plena, vel grê-
gibus: adde auriferorum opes fluminum: adde ra-
diantium metalla gemmarum. Scio fabulas poëta-
rum, auribus mulcendis repertas, aliqua nonnullis
gentibus attribuisse miracula: quæ ut sint vera, sunt
singula: nec jam excutio veritatem. Sint, ut scribitur,
Gargara proventu læta triticeo; Mevania memoretur
armento, Campania censeatur monte Gaurano, Ly-
dia prædicetur amne Pactolo: dum Hispaniæ uni,
quicquid ubique laudatur, assurgat.

Verum Hispani ipsi, quales sunt? Ab omni memo-
ria, Auditores, fuerunt fortissimi, libertatis retinen-
tissimi, & omnino mortis contemptores.

Prodiga gens animi, & properare facillima mor-
tem. *Silius Italicus.*

Namque ubi transcendit florentes viribus annos,
impatiens ævi spernit novisse senectam:
& fati modus in dextra est.

In bello Punico celebris fuit patientia servi; qui ultus *Justin. lib. 43.*
dominum inter tormenta risu exultavit, serenâq; læ-
titiâ crudelitatem torquentium vicit. Et in bello Can-
tabrico cum Augustus Cæsar magno tandem labore
gentem debellasset, major pars, ne servitutem servi-
ret, igne, ferro, aut veneno se à captivitate vindica-
vit. Ac fuerunt matres, quæ amore libertatis liberos
suos necaverunt, ne in hostium manus pervenirent;

*Luc. Florus lib.
4. cap. ult. Stra-
bo Geograph.
lib. 3. P. Merula
Cosmograph.
part. 2. lib. 2. c. 8.*

D d 3 uer. p

puer, qui mandatu patris parentes fratresq; omnes captos, ferrum nactus interfecit; & mulier, quæ unâ secum vinculis mancipatos obtruncavit. Stupendus certe mortis contemptus. Ait Silius:

Silius Ital. lib. 3.

Cantaber ante omnes hyemisq; æstusq; famisq;
inviectus, palmamq; ex omni ferre labore
mirus amor populo:

&

omnis in armis

lucis causa sita est, damnatum vivere paci.

Valer. Max.
lib. 2. cap. 1.

*Celtiberi in acie gestiebant lætitiâ, tanquam gloriose
& feliciter vitâ excessuri; lamentabantur in morbo,
quasi turpiter & miserabiliter perituri:*

Sil. Ital. lib. 3.

his pugna cecidisse decus: corpusq; cremari
tale nefas; cœlo credunt superisq; referri,
impastus carpat si membra jacentia vultur.

Valer. Max.
lib. 6. cap. 6.
Flor. lib. 2. c. 6.
Augustin. de
civit. Dei lib. 3.
cap. 20.

*Quid de fide & ærumnis incluta Sagunto, cujus reli-
quæ hodie Morviedro, quid dicam? Saguntini victri-
cibus Annibalis armis intra mœnia urbis suæ compul-
si, cum vim Punicam ulterius nequirent arcere, fessi
fame, machinis, ferro, & igne, versâ denique in rabi-
em fide, collatis in forum quæ unicuiq; charissima, atq;
undique circumdati accensisq; ignis nutrimentis, ne a
societate populi R. desciscerent, publico & communi
rogo semetipsos superjecerunt. Crediderim tunc ipsam
fidem humana negotia spectantem mœstum gessisse vul-
tum, perseverantissimum sui cultum iniquæ fortunæ
judicio*

judicio tam acerbo exitu damnatum cernentem. Sicque Hannibali non Saguntum, sed fidum Sagunti sepulchrum capere contigit. Quid referam de fortium militum genetrice Numantia? Quæ cum esset sine muro & turribus, cives patriæ fuerunt pro propugnaculo, non secus ac prisci Spartani. illa quatuor millibus Celtiberorum Romanum XL. millium exercitum per annos XIV. sola sustinuit, magnisq; cladibus & pudendis fœderibus affecit; ita, ut Numantini viri non vocem, non conspectum ferret Romanus miles. Sed tandem à fatali urbium everfore Scipione Africano victa, cum omnia, quæ famem trahere poterant, consumpsisset, ad ultimum humanorum corporum dapibus usa; compluribus jam eâ captâ inventis, qui artus & membra trucidatorum corporum sinu suo gestaverunt; nullum de se hostibus gaudium, nec spolia quidem reliquit. Unus vir Numantinus non fuit, qui in catenis duceretur: præda nulla: triumphus fuit tantum de nomine. Quæ perseverantia, aut potius summæ fidei & fortitudinis reposita fuit Calaguri? Calaguritani enim, quò interempti Sertorii cineribus, obsidionem C. Pompeii frustrantes, fidem præstarent constantius; quia nullum jam aliud in urbe eorum supererat animal, uxores suas natosq; ad usum nefariæ dapis verterunt, quòque diutius armata juventus viscera sua visceribus suis aleret, infelices cadaverum reliquias salire non dubitavit. Sicq; dulcia vitæ pignora, quæ aliis hominibus proprio spiritu chariora sunt, ea Calaguritani fidei

Flor. lib. 2.
cap. 18. Valer.
Maxim. lib. 7.
cap. 6.

Valer. Max.
lib. 7. cap. 6.

Ambrosius Mo-
rales. L. Non. in
Hispan. cap. 81.

Sueton. in Aug.
cap. 49. & in
Jul. capit. 86.

C. Velleius Pa-
tere. hist. lib. 2.

*fidei causâ prandia atque cœnæ extiterunt. Et pro-
pè Laurenam, Logronno hodie, cippus antiquus in-
comparabile fidei Calaguritanae exemplum ostendit:
cujus hæc verba: Diis manibus Q. Sertorii me Bebri-
tius Calaguritanus devovi; arbitratus religionem ef-
fe, eo sublato, qui omnia cum diis immortalibus
communia habebat, me incolumem retinere ani-
mam. Vale viator, qui hæc legis: & meo disce exem-
plo fidem servare. ipsa fides etiam mortuis placet cor-
pore humano exutis. Memor tantæ & inimitabilis
fidelitatis Augustus Cæsar cohortem Calaguritanorum
in corporis sibi custodes delegit: uti & ante ipsum Fu-
lius Cæsar Hispanorum cohortem habuit custodiæ suæ.
Sed quid potuerit Hispanorum virtus contra vires
Romani Imperii, in pauca compegit Paterculus: Per
ducentos annos, ait, in Hispaniis multo mutuoq; ita
certatum est sanguine, ut amissis P. R. imperatoribus
exercitibusq; sæpe contumelia, nonnunquam etiam
periculum Romano inferretur imperio. Illæ enim
provinciæ Scipiones consumpserunt; illæ contumé-
lioso X. annorum bello sub duce Viriatho majores
nostros exercuerunt; illæ terrore Numantini belli po-
pulum Rom. concusserunt; in illis turpe Q. Pompeii
fædus, turpiusque Mancini, Senatus cum ignominia
dediti imperatoris rescidit: illa tot Consulares, tot
Prætorios absumpsit duces; patrumque ætate in tan-
tum Sertorium armis extulit, ut per quinquennium
dijudicari non potuerit, Hispanis Romanisve in ar-
mis*

A. C. 1293. Joh.
Mariana de reb.
Hispan. lib. 14.
cap. 16. J. Lips.
Monit. Polit.
lib. 1. cap. 7.

*mis plus esset roboris; & uter populus alteri pariturus
foret. Quid verò in pagana vetustatis hæreo exemplis:
cum Christiana sint in propinquo & in promptu? San-
ctius Castellæ Rex (audite, quæso Auditores, stupen-
dum exemplum, simile fortè alibi non audituri) San-
ctius, inquam, Castellæ Rex Tariffam, quæ veterum
Tartessus est sive Carteja, de Mauris ceperat: sed illo
anxio custodiendi & tenendi, ob hostium viciniam, &
ingentes sumptus; Alfonsus Peresius Gusmanus pace
& bello, etiam opibus, & quod in opibus rarum, recto
earum usu, magnus vir, ultrò in se curam tuendæ ur-
bis suscepit, & partem stipendii de suo daturum pro-
misit; rege interea alias res agere jussu. Paulo post fra-
ter Regis Johannes ad Maroci Regem transiit, &
copiis ab eo acceptis subito Tariffam obsedit. Obse-
ssi nihil trepidare, in sua & ducis virtute fidere, animos
supra periculum habere; nisi quòd infregit eos casus
inopinatus, Alfonsi unicus filius interceptus, & quem
Mauri ante mœnia ostendebant, & nisi opidum dede-
retur, sub oculis statim interfecturos se, & fædè lanci-
natos, comminabantur. Ad eas voces pater nihil
commotus, quin animo adversus privatas charitates pro
Reipublicæ & patriæ salute planè invicto constanter
edicit, si vel centum filios Mauri in potestate haberent,
non idè se à fide & honesto abiturum: Et sit tanta, in-
quit ad hostes, vobis libido jugulandi est, en gladium:
& cum dicto suum è mœnibus projecit, atque inde ad
prandium abiit imperterritus Alfonsus. Vix abiit, &
Ee mox*

mox dissono clamore & vehementi militum ejulatus revocatus, denuo in mœnibus se sistit. Quærenti constellationis causam, refertur, Filium barbarâ crudelitæ jussu Joannis Principis trucidatum esse. Hoc erat? inquit. Credebam urbem ab hostibus captam. Et sic pari tranquillitate ad prandium uxoremq; rediit. Hostes magnitudine viri attoniti, re infectâ discesserunt. Libet hîc exsultare: libet hîc interrogare; sitne factum vel in omni antiquitate fortius, vel laudabilius? Gratulor genti & domui illustri Ducum Methymnæ Sidoniæ; quæ ad hunc auctorem stemma & sanguinem refert. Ego in militares & totas laureatas Hispanorum Academias hinc me inferam passu paulò liberiori. Equidem nulla gens est hodie, nullus populus in universo orbe terrarum, qui militaris disciplinæ laude æquè floreat, ut Hispani: dignissimi, quos alii imitentur. Pulcherrimum visu est, inter eos militem novitium statim atque in numerum est relatus, erudiri à veteranis; aliubi peccantem humaniter corripi; & illum monitiones grato animo admittere, nec malè interpretari: laudatissimum est, inter eos tale vigere obsequium, ut nemo vel maximus legitimus etiam minimi detrectet imperium; talem modestiam, gloriæ tamen amore egregiè excitatam, ut veluti in schola sermo tantum sit de officio militum & ducum, de obsequio, honore, virtute, & quicquid armorum decus concernit; insolentiâ, petulantia, atque jurgiis longè pulsus; quod Petrus Pafius, tribunus, suarum laudum cumulo meritò ad-

Jac. mag. Brit.
Rex lib. 2. Basil.
dor.

Lanovius Di-
scurs. 15. & 16.

tò addere poterat, cum affirmaret, in ea legione, cui præerat, & quæ ex XXIII. signis Hispanorum erat composita, octodecim mensium spatio nihil fuisse turbatum: admirabile deniq; est, inter eos eam regnare charitatem, ut se tanquam fratres mutuò diligant; lacerum commilitonem, ne ordini & nationi toti sit dedecori, vel jejunio pecuniam ad id comparaturi vestiant, vulneratum aut aliàs ægrotum pro virili benignissimè juvent. Hâc disciplinâ gens sagax et bellicosissima tantam rerum maximarum molem confecit, ut nullius ætatis, nullius seculi, & nullius gentis imperium ita excreverit unquam, cujus felicitatem virtus & fortuna Hispanorum non antecellat. Atque ut posteritas in Annalibus omnia cum stupore est lectura: ita hodieq; venerantur Turcæ Alvarum Sandæum; qui quatuor millia perditum Hispanorum, in ipsa Barbaria, per quinq; milliarium planitiem, hostili XX. millium Maurorum equitatu variis assultibus perpetuò, & sexies omnibus viribus petitus, cum LXXX. suorum jactura, sed interneccione DCCC. barbarorum, in tutum deduxit: & illorum Hispanorum continentiam magni faciunt, qui Horuccium Barbarusam Algerii Regem, longissimo cursu per arenosas Mauritania solitudines fugientem, cum passim aurum, ut persequentes distineret, callidè sed frustra effudisset, fortiter occiderunt. Galli laudant illos bis mille Hispanos, qui ex clade Ravennatensi justis ordinibus abeuntes insequentem hostilem equitatum adorti, et ducem ipsum Gastonem Foxium jam

Lanovius in
paradoxo se-
cundo.

Paul. Jovius in
eleg. Horuccii.

Lanov. para-
dox. 2. F. Guic-
ciard. hist.
lib. 10.

P. Jov. in vita
Con. alvi M.

(a)
C. grand capi-
taine Antoine
de L'ève gou-
veneur & impe-
tent a plus gai-
gué de victoires
da is sa chaire,
qu'autre de no-
stre sage n'a
faict à cheual.
Blas Monluc.
comment. lib. 3.

Rainerius.

Justus Lipsin
præfat. ad Phy-
siolog. Stoicor.

Thuan. Histor.
lib. 69.

H. Contestag.
lib. 8. de Portug.
& Castell. con-
junct.

*victorem vicerunt & interfecerunt: & imprimis co-
horrescunt ad memoriam Gonzalii Ferdinandi Agui-
larii, Magni ducis cognomentum meriti, qui illis Nea-
politanum regnum summâ fortitudinis & nominis Hi-
spanici laude eripuit; à Ludovico XII. Galliarum
Rege vel in hoste virtutem veram admirante, post ac-
cumulatas laudes aureâ torque e collo regio in ejus cer-
vicem injectâ donatus: extollunt etiam impigrum &
providentissimum Antonium (a) Levam; qui
implicitus cunctis morbo artubus, horrida bella
artibus & ferro gessit & explicuit:*

*& Petrum Enriquez Comitem Fontanum reformi-
dant, qui in Belgio non defendit solùm fines, sed etiam
protulit; & opida recepit ac expugnavit in medio ardo-
re duplicis belli, quæ recipi & expugnari vix in vo-
tis, certè in spe non erat Belgarum. Itali verò, imò alii
etiam populi, timent adhuc Ferdinandi Alvari Toleta-
ni Albæ Ducis manebis; qui Romam cum capere potuis-
set, noluit; qui Galliam terruit, Hungariam tutatus
est, Africanum vicit, Germaniam utramque compe-
scuit; qui Hispaniam castigavit; qui expeditionem Lusitani-
cam statim post Sebastiani cladem per literas & amicos
urgere non cessans, dictorio, cum de exequiis mortuo fa-
ciendis ageretur, addito, debere Regem Sebastiano regi
Olisiponæ justâ persolvere, denique mortuo Henri-
co quinquaginta dierum intervallo totam Lusitaniam
subegit; ejus militibus contra baccalaureos (ita con-
temptim præcipuos Doctores in Consistorio regio voca-
bant)*

*bart) ingeminantibus, se hoc regnum Lusitanicum
prorsus eo modo, quo regnum coelorum acquiritur,
cepisse; nimirum comedendo panem & bibendo a-
quam, & à rebus alienis abstinendo: & hoc dicebant,
quia solo buccellato vixerant, nullâ urbium prædâ ipsis
concessâ. Profectò nos Germani etiamnum miramur
illam præsignem Hispanorum decuriam, qui in bello
Saxonico vestibus exutis, nihil tormentorum ictibus
scloppetorumve grandine territi, gladios ore transver-
sos deferentes, natando erranteis scaphas in Albi flu-
mine affecuti, post breve certamen, XXXV. ex hosti-
bus cæsis, in citiorem ripam adduxerunt. Et magis
adhuc demiramur Christophorum Mandragonium,
Belgicis bellis clarissimum ducem, qui fœderatis Bel-
gis I ergoam Zelandiæ obsidione acriter prementibus,
audaci omnino & memorabili facinore in insulam
pedestri itinere, per longum admodum & aquis sta-
gnantibus importunum ac cœnosum tractum, cum dele-
ctis aliquot Hispanorum, Germanorum, & Gallorum
centuriis penetravit; ipsiq; Mandragonius, quamvis
jam ætate affectâ, sed crudâ senectute, primus vadum
ingressus duarum horarum spatium transmisit, militibus
armis & saccos pulvere sulphureo plenos supra capita
gestantibus, ex iisq; IX. tantum, qui amnium interflu-
entium rapiditate, dum longius deerrant, abrepti sunt,
amissis: cujus penè supra humanas vires generosi incæ-
pti is successus fuit, ut multi fœderatorum, dum ad in-
esperatam Mandragonii præsentiam consternati tu-*

A. Chr. 1547.
Thuan. histor.
lib. 41

A. Chr. 1572

Thuan. Histor.
lib. 54. fanfon.
in supplem.
Mercur. Gallo-
Belgici.

multuariâ fugâ navēs suas conscendere festinant, fluctibus fuerint intercepti, & Paceco impressionem in ultimum agmen faciente, eorum ad Idccc in conflictu perierint. Et quid verba perdo? Si verum amamus, si fateri & audire volumus: Hispania rerum potitur in Europa. Nam non solum domi jam est unita, pluribus regnis sub unum imperium redactis: verum etiam Gallia & Germaniae per Burgundiam & Belgicas provincias jamdudum compedes injecit; Italiae autem dominatur ita, ut ipsa possideat Longobardiae cor Mediolanensem Ducatum, regnum Neapolitanum, Siciliam, Sardiniam, & insulas reliquas; Hetruriam ex Plombino, Herculis portu, Telamone, Orbitello, fortibus argumentis ad observantiam & modestiam cogat; Genuenses quæstus dulcedine, dum eorum pecunias grandi fœnore pascit & ad se trahit, sibi insolubili nexu devinciat, atque sub specie protectionis temperet ad nutum; Romam denique ipsam per gulam, & per gli capelli, hoc est, per comæatum subvectiones ex vicinis Hispanicæ ditionis locis & per Cardinales pensionibus emptos, in officio contineat.

At verò adsint hîc novi Anaxagoræ, novosq; & infinitos constituent mundos: Hispania habet Alexandros, qui subjiciant, & qui gubernent. Hispani sunt, qui Novum Orbem invenerunt & cœperunt: & si audimus Jurisconsultos, ceperunt omni jure: cum Dei sit sententia; quicquid calcaverit pes tuus, tuum fiet; &

Thuan. Histor.
lib. 61.

Petr. Marth. in
hist. H. 4. lib. 1.
narr. 4.

A. Tessaur. in
præf. ad decis.
Pedemont. n.
14.

& coelum cœli domino, terram autem dedit possidentibus; & ratio doceat, populos, qui ferarum modo magis quam hominum viventes sine ulla omnino religione sunt, quasi piratas, communes hostes omnium, bello persequendos, & in hominum mores conformandos esse; & insuper jus gentium velit, quæ bona nullius sunt, ea fieri occupantium. Equidem Lusitani Africa portibus nobilioribus & adjacentibus insulis captis, Asiae oram maritimam penè omnem & Indiam Orientalem fecerunt captivam aut tributariam; in primis virtute fortissimorum ducum, Francisci Almeidae, qui Campsonis Sultani Aegyptii classem profligavit; & Alfonsi Albuquerquei, qui Goam occupavit, ibiq; Proregum Indiae sedem constituit; dein Malacam aureæ Chersonesim metropolim expugnavit, arcem Calecuti condidit; toties Turcis, alijsq; Sarracenis & paganis, non minus ad pugnas animatis quam armatis, feliciter fuis ac fugatis, cum singulis Lusitanorum sæpe quingenti hostes opponerentur. Quod & ipsum tamen divini fere herois, & omnium qui post homines natos usquam fuerunt, imperatorum gloriam supergressi, Ferdinandi Cortesii copiis in Occidente usu venit. Successere incomparabili illi Lusitanorum pari in Indica prætura, longè maxima, Lupus Suares, Jacobus Lupus Sequera, Eduardus Meneses, Vascus Gamma, Henricus Meneses, Lupus Sampasius, Nonius Cugna, Gratianus Norogna; & Johannes Castrensis, qui memorabili illâ in Diensis arcis

Alb. Gentil. de
jure belli lib. 1.
cap. 9.

Instit. de rer.
divis.

H. Conestag. de
Portug. & Castel.
conjunct.
lib. 1. Joh. Petr.
Maffejus in histor.
Ind. passim.
Thuan. histor.
lib. 1. G. Sciop.
in Consilio Res.
glo.

Boter. in Relat.
univers. part. 4.
lib. 5.

arcis à Turcis obsessæ propugnatione contra Cambajæ regem partâ victoriâ, Lusitanorum imperium in Oriente firmavit: & alii: qui omnes eam multoties gesserunt, ut miraculo sint propiora; numero paucis stupendam & antea incredibilem navigationem perficientibus, numerosissimas hostium copias vincentibus, vastissimum maris & terrarum imperium parantibus, & cruces suas in extremo Oriente, ubi nomen Christianum nefando quidem erat notum, statuentibus. Castellani autem & Hispani cæteri, ducibus Christophoro Colombo, Americo Vesputio, Joh. Pontio, Ferdinando Magellano, Ferdinando Cortesio, Guterisio Vargo, Francisco Pizarro, & aliis, insolito victoriarum successu novum Orbem, sive Indias Occidentales occupaverunt, maximos reges sub jugum miserunt, gentes barbarissimas & hominivoras, quæ captivos saepe jungebant suis cognatis sobolis procreandæ causâ, quam postea ut gallinarum pullos vorarent, Religionem & Virtutem docuerunt. Quid verò omnibus illis Hispanis, quid viris tantis, mei Auditores, in universo heroum theatro invenitur simile? Quæ seculatulære pares? Et ubi comitatus invidiæ potest esse major? Facessant hinc fabulosi illi Argonautæ, & in cælestium numerum falsò relati Bacchi Herculesve: Hispani sunt, qui titulos illos & decora sibi jure vendicent: quibus illi comparati in nullo censu futuri sint. Cælo descendat Argo navis, tantulo ex Græciâ tantum per Pontum factò itinere celebrata, & Magellani VI-
CTORIA

CTORIA ascendat; quæ primâ in auditò post omnium seculorum memoriam cursu totum Orbem emensa, & in Hispaniam cum nauclero suo Johanne Sebastiano Cano, (ex oppido Guetaria Vardulorum, ad Pyrenæum: ne patriam novi Neptuni ignoremus) viro fortissimo, feliciter redux, clarissimum de Oceano triumphum nullo casu, & nullo temporum fato interiturum, reportavit. Verum difficile est dicere, Auditores, splendidiorne sit gloria Hispanorum, qui Orbem novum invenerunt & aperuerunt, & in quo sine rivali dominantur: an verò majus inventi Orbis sit beneficium, quod is ab inventoribus accepit. Nam illi quidam ab Europa extrema festinatis itineribus rapti, sed nec tot marium novorum discriminibus, nec tot terrarum incognitarum periculis, nec tot laborum & curarum, & fatigationibus victi, in alio Orbe, & sub alio penè dixerim sole positos Americanos, ipsos Antipodas, quos superioribus seculis in rerum naturâ quæsiisse hæreticum erat, homines ipsâ barbariâ magis barbaros vicerunt, & tantæ amplitudinis regiones, quæ ipsam Europam & Africam, quantæ quantæ sunt, magnitudine superent, tam brevi annorum curriculo subegerunt, ut, si Hispanica virtus pro dignitate causarum æstimanda sit, jure contenderim, equites illorum Pegasis, pedites talaribus vectos fuisse: (victoriæ omnes fuere pennatæ.) cum interim Fortuna Americanorum & Indorum illos adventitios Deos, & Viracochas (sic Hispani in Peruvia appellantur.) post terga re-
Ff spectans,

Joh. Petrus
Maffejus Hi-
stor. Ind. lib. 8.

Joseph. Acosta
histor. nat. Ind.
lib. 1. cap. 21. &
lib. 6. cap. 22.

spectans, in modum amentis attonita a volaret; neque ul-
lum consilium, ullam verationem, aut denique spem, quæ
postrema miseros deserit, sequeretur: quin ipsos viæ im-
plicabat errores, & nunc dextra, aut læva, nunc vesti-
giis suis obvia, incertum iter ancipiti ambage texebat.
quoties sibi ipsam putamus dixisse, quò fugio? bellum-
ne tentabo? sed filiis DEI altissimi impar sum. exula-
tum ibo? sed nullus exilio locus superest. petam mare?
sed & ibi piscium sum esca. quid ergo faciam? à tergo
premor hostibus, à fronte omnibus aliis miseris moriar,
& evasi. sed ecce nec animum sequitur manus, nec ma-
num gladius. Itaque ut clausæ casibus feræ quæ sito
diu exitu desperatoq; consistunt, & ubi omnes fugiendi
impetus consumpserunt, tandem præ timore non fugi-
unt: sic illa Americana Fortuna ipso quo agitabatur
metu alligata, ad pedes Hispanicæ Virtutis se provol-
vit, fidemq; suam perpetuo tributo astringit; traditque
mox auriferos amnes, montes aureos, mare unionum
ferax, gemmis gravidam tellurem, aromata, ligna, no-
vas fructuum & animalium species; & quicquid cu-
piditatibus humanis lenocinari potest, annuis classibus
in Europam deportandum ex omnibus locis, unicâ tan-
tum argenti fodinâ Potozienfi in Peruvia singulis die-
bus supra XXX. millia Philippicûm dante, prompta
conquirat. Quæ omnia, etsi maxima sunt: & talia, ut
angustè Majestatem Hispanorum ponderet, quisquis
id tantum de illis, quod ab aliis populis fieri potest, cre-
dit: tamen beneficium, quod illi in Novum & in-
ventum

ita Hispani ipsi
se nominant
et ne primum
audirent essent in
dramat. m.
Lib. Calvero.

Jos. Acosta hist.
nat. Ind. lib. 4.
cap. 7.

ventum Orbem, quasi ab humanitate derelictum &
expositum, contulerunt, est omni illâ gloriâ multò ma-
jus, omnibus illis spoliis & redditibus præstantius.
Quemadmodum enim infantes omnis intellectus & bo-
narum artium rudes à parentibus fari, legere, scribe-
re, res inter se discernere, & alia in hominum vita
necessaria aut utilia discunt: sic Americani & novè
reperi Indi, quibusvis elementariis indoctiores, ab al-
teris parentibus Hispanis inestimabilia bona, humani-
tatem, literas, pondera, mensuras, vestimenta, vina,
tritum; & qui est omni bono melior, omni magno ma-
jor, & omnium rerum creator & pater, DEVM
ipsum acceperunt. Nam ibi locorum Christus, &
Christianorum religio, ante Hispanorum adventum
prorsus ignorabatur: ut Hispani meritò dicantur A-
postoli novi Orbis. Sanè, qui primi illic vineam Do-
mini excoluerunt, hanc laudem soli possident in soli-
dum, quod in ulla terrarum parte nemo unus tot homi-
num millia sanctæ regenerationis aquâ abluerit, quàm
ibi singuli: ut ex Patribus Franciscanis unus solum-
modo circiter quadringenta millia hominum sacro
fonte tinxisse scribatur. Sicuti & Jesuitæ, qui in Lu-
sitania Apostoli appellantur, in Indiis Orientalibus spi-
ritualem militiam eo cum fructu laudabiliter exercue-
runt; ut integra regna, quæ idololatriis referta erant,
expugnârint, & ad Christi ovile deduxerint. Viri
equidem meritis maximi, extra Hispaniam non ita re-
periendi.

Mich. Montan.
lib. 5. c. 6.

Borer. in Relat.
univers. part. 4.
lib. 3.

Bodin. de Rep.
lib. 4. c. 1.

P. Merula Cof-
mogr. part. 2.
lib. 2. cap. 8.

Alvar. Gomeci-
us de reb. gest.
Fr. Ximenii lib.
1.

Unde etiam intelligi potest, quàm religiosi & li-
terarum studiosi sint Hispani, ingenii præstantiâ cæ-
teris Europæ populis superiores; quamvis & ingenio-
rum monumenta illud ipsum ingrato sæculo cottidie non
sine ignavia exprobratione inculcent. Nam si audi-
re juvat Theologos, adsunt Vigilantius, Aquilius Se-
verus, Prudentius, Osius, Avitus presbyter, Marcia-
nus, Paulus Orosius, Pacianus, eiusq; filius Dexter,
Audentius, Isidorus, Justinianus, Leander, Marti-
nus, Fulgentius, Eladius, Eutropius; quibus annu-
merandi, quamvis adventitiæ stirpis & sectæ Judaicæ,
(censuram Religionis hic mihi non sumo: ad inquisito-
res hæreticæ pravitatis ea notio pertinet.) Rabbi
Aben-Ezra, Rabbi Moyses, Rabbi David Chimbi,
Moses Cordubensis, Rabbi Camora. Adest & Franci-
scus Ximenes Cardinalis & Archiepiscopus Toletanus,
ille, qui amplius sexaginta millia ducatorum in Com-
plutensium Bibliorum editionem erogavit; summus
certè vir, & felici sidere istis temporibus Hispania da-
tus, quibus singularis quidam & divinus in constituen-
dis Academiis ardor occupaverat magnatum animos;
cum tunc Franciscus Alvarus Toletanus, Magister
Rodericus à sancta Ælia, qui dictionarium Ecclesia-
sticum composuit, Hispalensem, Fernandus Talabri-
censis Hieronymianus, primus eius urbis antistes, Gra-
natensem, Mercatus Abulensis Episcopus, in mediis
Cantabrorum montibus Onnatinam, in Batia Giro-
nius Urania regulus Urfaonensem, Alexander VI.
Pont.

Pont. Maxim. Valentinam, & magnus ille Ximenes
Complutensem, erigerent. Adsunt etiam ex Theolo-
rum ordine, Hieronymus Osorius, Andreas Resendius,
Benedictus Arias Montanus, (hic rarâ in hoc sæculo be-
nignitate, & magno posteris exemplo, Lipsium, non ut
hospitem aut amicum, sed quasi filium, sæpius è Belgio in
Hispaniam, suamq; domum invitavit, & se vivo rerum
suarum consortium, mortuo successionem ex asse obtulit)
adsunt duo Dominicani lectissimi; alter Ludovicus
Granatensis, summo ingenio & eloquentiâ verè ad pie-
tatem natâ præditus; alter Franciscus Forerius Ulis-
siponensis, non solum scriptis editis, sed & Synodi Tri-
dentinæ, cujus pars magna fuit, actione clarus; hoc uno
infelix, quòd in Lusitanico bello, cum alienus à Philip-
po commissas utrinque acies ad Almadam spectaret, &
suos partim cæsos, partim in fugam versos videret, tam
vehementi seu pavore seu moerore correptus est, ut sel-
lâ, in qua sedebat, præ indignatione reversâ retrò aver-
sus supino corpore corruerit, & defixis in cælum oculis
obrigescens nullâ voce emissâ subito exspiraverit, haut
multum sexagenario major: adsunt quoque Societatis
Jesu Theologi, Hieronymus Pradus, & Joan. Baptista
Villalpandus, laboriosissimis & elegantissimis in Eze-
chielem commentariis illustres; Fr. Turrianus, Bened.
Pererius, Joannes Maldonatus; ô virum qualem!
ô quantum! qui cum ad exactum Philosophiæ & Theo-
logiæ studium singulare pietatem, morum candorem
& accerrimum iudicium attulisset, Lutetiæ, ubi in

Aub. Miræus in
vita Just. Lipsii.

Thuan. Histor.
lib. 75.

Thuan. Histor.
lib. 70.

Thuan. Histor.
lib. 78.

Casp. Cichocki
in anatomia
Confirii contra
Jesum. passim.

Genebrard. in
Chronolog. lib.
4.

Claromontana schola totos X. annos professus est, unus in causa extitisse merito creditur, ut sodalitium illud toti Academiae valde invisum, & alioqui jam prudentioribus suspectum, ob tanti viri gratiam ac commendationem à Senatu, apud quem lis adhuc indecisa pendebat, tam diu toleraretur. Ostendunt viri summi doctrinam eruditissima commentaria in IV. Evangelistas Mussiponti edita, operâ ac curâ Clementis Puteani ex eodem sodalitie viri doctissimi; meliora & integriora multorum judicio futura, si superstite autore edita fuissent: quibus tamen si pari diligentia elaboratae in Acta Apostolorum & Apostolicas Epistolas interpretationes, quas scripsisse illum constat, olim accedant, habebunt profecto omnes docti & pii opus paucis in hoc genere comparandum, & quod unum multorum instar esse possit. At quid unum & alterum, aut paucos Jesuitas commemoro? Adest totus eorum ordo, qui in Hispania natus, in vetere & novo Orbe jam supra trecenta Collegia juventuti instituendae destinata habens, pomerium regni Christi mirabiliter profert; in Indis utrisque versatur; & in Japonia sola, praeter alias vastissimas regiones, ultra viciis centena millia ad fidem Christi convertit, tresque regulos Japonenses, qui nationum suarum nomine superfluo quodam pietatis Zelo Pontifici Romano se dediderunt, ante paucos annos Romam ad insolitum spectaculum stupentem deduxit. Male quidem audit hic ordo passim; atque ut Hirsaugiensibus Palatinis

Voyez le Cavalier de Savoye.

Petr. Matth. in
Panegyri Henrici 4. Le Mercure François
lib. 6.

Thuan. Histor.
lib. 38.

nis & Schildanis Misnicis ridicula quaeque, & quibus audiendis vel ἀγέλας & ille Crassus in cachinnos solveretur, imputari solent: ita vix tam horrenda scelera in Republica perpetrari possunt, in quorum conscientiam Jesuita non arcessantur. Sed qui possum non sentire melius de Jesuitis, ad quos convolat ex omnibus mundi plagis melior & nobilior juventutis pars? quibus Henricus IV. Rex Galliae prudentissimus, cum eos viros probos, bonos & doctos, adeoque Timotheos in domibus, Chrysostomos in cathedra, Augustinos in disputationibus, & omnino alios esset expertus, quam antea fama vel livor descripserat, & ipse crediderat, non solum honorem et bona restituit, multa nova beneficia concessit, sed & illis denique cor suum dedit legavit. Si vero, Auditores, Jurisconsultos Hispanos in consilium vocare lubet; venient Calixtus III. Pont. Max. Fortunius Garzia, Didacus et Antonius Covarruviae, Ant. Augustinus, Arius Pinellus, Ferdinandus Vasquius Joannes et Franciscus Vergaras, Emmanuel Soarez, Did. à Segura, Jo. à Villalobos, Alvarus Valascus, Jo. Gutierrez, Antonius Goveanus, (de quo Cujacius testatum reliquit, illum ex omnibus juris Justiniani interpretibus, quotquot sint, aut fuerint, unum esse, cui, si quaeratur, quis excellat, palma deferenda sit) & alii. Sin Medicos videre animus est; apparebunt Averroës Cordubensis, Rasis Almanfor, Messaballab, Abincenna Hispalensis, Petrus Nonius, Amatus, Christophorus à Vega, et alii. Sin cum Philosophis et reliquis bonarum

rum literarum sacerdotibus placet colloquium; se-
sistent Seneca Philosophus, qui morali sapientiâ su-
peravit

I ipf. Manud. ad
 Stoic. Philo-
 soph. lib. 1. dif-
 fert. 18.

Seneca Rhetor
 lib. 1. controver.
 in proœm.

L. Nonin Hifp.
 cap. 95.

T. Luan histor.
 lib. 64.

L. Nonin Hifp.
 cap. 59.

τὰς ὄντας, τὰς τ' ἐσομένους, καὶ τὰς αὐτὰς τ' ὄντας:
Seneca Rhetor (cujus memoria in miraculum usque
processerat: cum duo millia nominum recitata, quo or-
dine erant dicta, referre; & ab his qui ad audiendum
præceptorem convenerant singulos versus à singulis da-
tos, cum plures quàm ducenti efficerentur, ab ultimo
incipiens usque ad primum recitare posset) Lucanus,
Silius Italicus, Martialis, Columella, Fabius Quinti-
lianus, Pomponius Mela, Trogus Pompejus, Justi-
nus; Alfonsus Rex Castellæ, cujus sunt tabulæ Alfon-
sinæ; Henricus, Infans Portugalliæ; Arnoldus Villa-
novanus, ejusque discipulus Raymundus Lullus; (qui
popularibus tantus est, ut illum pro Aristotele juvenuti
interpretentur) Ælius Antonius, Ludovicus Vives,
Ferd. Nonius, Ambrosius Morales, Hieron. Surita,
Alvarus Gomecius, Joannes Barrosius Indica historiâ,
summa fide conscriptâ, bene de suis & omnibus, qui ha-
rum provinciarum famâ tantum olim notarum cogni-
tione delectantur, meritis; & Aloysia Sigæa, virgo
Toletana, quæ linguarum quinque adeò fuit perita, ut
Paulus III. Pont. Max. literas illius ad se scriptas
videns Latine, Græcè, Hebraicè, Syriacè, & Arabicè,
admiratus fuerit in tenella & mustea virgine tam
multiplicem ingenii fructum, in viris etiam rarum: &
alii docti Hispani sexcenti, quos

aget

aget pennâ metuente solvi
 fama superstes.

Quod igitur Ausonius de Cæsare Augusto amplifica-
tione poëtica cecinit; id nos de tota Hispania nullo pla-
cendi studio, & pro rei magnitudine parcè satis, ita ef-
fari verè possumus:

Bellandi fandique potens *Hispania* honorem
 bis meret; ut geminos titulos, qui prælia Musis
 temperat, & Geticum moderatur Apolline Mar-
 tem

Ausonius.

arma inter. quantum cessat de tempore belli;
 indulget Clariis tantum inter castra Camœnis.

Verum enim verò Hispanici Imperii magnitudo me re-
moratur; & cum sit supra tenuiter adumbrata, jam
comparationem subire gaudet. Exira aleam quidem
est dubitationis, à condito mundo nulli Imperatorum,
Regum, vel Principum, majus imperium obtigisse eo,
quo Philippus III. Hispaniarum & Indiarum Rex
hodie potitur: sed rem certius definire, si dicam,
Philippi imperium decuplo esse majus quàm sit Tur-
carum Imperatoris; qui tamen tenet in Europa melio-
rem Hungariæ partem, Bosniam, Serviam, Bulgari-
am, Macedoniam, Epirum, Græciam, Peloponnesum,
Thraciam, Archipelagum cum suis insulis; in Asia &
Africa id omne, quod ab oppido Belis de la Gomera ad
Alexandriam Ægypti; à Bugia ad Guargalam; ab
Alexandria ad civitatem Siene; & ab Heroum urbe,
quæ nunc Suez vocatur, ad Suachem usq. est: aut si di-
 Gg cam,

F. Vafq. in præf.
 illust. contr. P.
 A. Canonher. ad
 Tacit. Botes. in
 Relat. part. 2.
 lib. 4. Cervera
 de Turrel 2. c.
 ult. de felici ex-
 ces. Philip. 2.

Bodin. de Rep.
 lib. 2. cap. 2.

In hoc magni-
tud Rom. lib. 1.
cap. 3.

cam, Romanum imperium quando vel maximum fu-
it, Hispanico minus fuisse. *Trajanus Imperator pos-
sedit in Asia Colchidem, Iberiam, Albaniam, Pontum,
Bosphorum, Cappadociam, Galatiam, Bithyniam, Ar-
meniam, Syriam, Arabiam, Palaestinam, Ciliciam,
Pamphiliam, Lydiam, & Asiam totam minorem; in
Africa, Aegyptum, Cyrenaicam, Marmaricam, Ga-
tuliā, Africam propriam, Numidiam, Maureta-
niam; in Europa, Italiam, Hispanias, Gallias, Inal-
pinos, Rhaetiam, Noricum, Illyricum, Macedoniam,
Epirum, Graciam, Thraciam, Mæsiā, Daciam,
Pannoniam: sed Philippus III. Hispaniarum Rex
hodie dominatur multo latius, ut quocunque se die no-
etq̃ sol vertit nunquam in Philippico regno cernat
occasum, adeoq̃ semper terram regiae ditionis aliquam
collustret, nullo Caesarum aut Regum praesentis ævi aut
præteriti exemplo. Neq̃ crediderim ex alia causa Re-
ges Portugalliae, quorum potentia omnis hereditario
jure ad Philippum II. Hispaniarum Regem transit,
sphaeram mundi insignibus suis conjunxisse, quam ut
ostenderent, ipsorum imperium in omnes mundi partes,
in Ortum & Occasum, in Meridiem & Septentrio-
nem extendi. Nam ex CCCL X. gradibus, quibus or-
bis terrarum describitur, Portugallia ducentos usur-
pat: ut jam dicere liceat;*

Juppiter in coelis, in terris regnat Iberus:

divisum imperium cum Jove Iberus habet.

Nihil haecenus, Auditores, quam Hispanica audivi-
stis

J. B. Villalpand.
praef. in Ezech.
p. 7.

Petr. Matth in
hist. H. 4. lib. 1.
narr. 4.

stis miracula: sed primum mihi omnium est miraculo-
rum, tantum imperium, aut potius, tantum tot imperio-
rum corpus, tanta prudentia & felicitate gubernari.
Nam praeterquam quod inter Regem et subditos ea est
in imperando & parendo harmonia suavissima, ut neq̃
ille de istorum contumacia & inobedientia; neq̃ isti de
illius inhumanitate & contra libertatem praesumptis
molitionibus justè conquerantur, et verissime Rex Hispa-
niarum, non Rex asinorum, ut Gallus; non Rex diabo-
lorum, ut Britannus; non Rex Regum, ut Imperator;
sed sit Rex hominum: quod Imperatorem aut Regem
quempiā aliquando dixisse memini: hoc tamen fato quo-
dam Hispaniae videtur esse factum proprium, ut illa sit
Principibus foecunda piis.

Clodian. in
laud. Sc. mac.

Fruges, araria, miles,
undique conveniunt; totoque ex orbe leguntur:
Haec generat, qui cuncta regant.

Cedant itaque huic terrae, terra Cretenensis, parvi fo-
vis gloriata cunabulis; & geminis Delos reptata numi-
nibus; & alumno Hercule nobiles Thebae: una Hispania
Italica, quae multorum opinione hodie est Sivilla la-
veja, multo maximorum Deorum ortu est felicior. Haec
enim dedit Imperatorem Trajanum, sub quo Imperium
Romanum fuit florentissimum, & qui ea gloria vitam
transegit, ut posteris Imperatoribus in Senatu non aliter
fuerit acclamatum, nisi, felicior Augusto, melior Traja-
no; & Plinius in Panegyrico post accumulatas sanctas
laudes tandem in hanc amplificationem cum impetue

Lat. Panat. in
Panegy. The-
odol.

L. Non in Hisp
cap. 17.

Eutropius in
Brevi.

conjunctam solverit linguam; nihil felicitati Rom. Reip. astrui posse, nisi ut Dii Trajanum imitentur: hæc dedit Imperatorem Hadrianum, literatissimum, humanissimum, laboriosissimum; qui omnes penè partes orbis nudo capite, & in summis plerunque imbribus ac frigoribus peragravit: hæc dedit Imperatorem Theodosium I, moribus & vultu & successurum Trajano similem, qui labentem Remp. in pristinas vires restituit; & imperium, quod otio & negligentia trium Principum consenuerat, rejuvenescere fecit. Complutum etiam priori seculo dedit Imperatorem Ferdinandum I, & dedit perillustri cum fœnore cum ex hac causa, quod tantus Princeps sibi natus esset, perpetuam vectigalium immunitate fuerit donatum: Republicam Complutensi in hunc usque diem ad beneficii impetrati monumentum Ferdinandi cunas & crepundia servante. Et fuit Ferdinandus ille Princeps prudentia, justitia, libertate, mansuetudine, assiduitate, vigilantia, nulli secundus; in quo supra eas omnes virtutes, pietatis & pacis in domo DEI constituendæ præcipuum studium erat. Sed Hispania illos Imperatores omnes dedit nationibus aliis. Quid dedit sibi? Dedit & sibi, Auditores, numero plurimos; bonitate optimis, rerum gestarum magnitudine maximis æquales, sæpe superiores: quorum tamen omnium opes, potentiam, virtutes, cum propriis decoribus mirifice copulavit Philippus II. vir non seculi sui, sed omnis ævi prudentissimus: quem paulò accuratius, quæso, contemplantini mecum. Quæ enim illius fuit

Cuspinian. in
Hadriano.

Pompon. La-
tus, in Theodo-
sio.

Alv. Gomecius
de reb. gest. Fr.
Ximen. lib. 3.
Sig. à Sarnau in
Oratio. funeb.
Ferd.

Thuan. Histor.
lib. 36.

fuit cautio in administratione Reipublicæ? In officiorum distributione circumspectissimus & ita erat moderatus, ut quantumvis multos ex magnatibus impensissimè amaret, tamen non nisi idoneis, sicque pro singulorum meritis munera concederet: cum sciret, honores in homine inepto, ut cibos delicatos in malo stomacho corrumpi; nec cujuslibet esse magnam fortunam concoquere. Et ut omnia præclara ingenia sibi devinciret magis, quoscumque literis aut armis inchytos præmiis mactabat. Non enim sartorem pro Feciali, tonsorem pro Legato, medicum pro Cancellario habebat, quod factitatum à Ludovico XI. Galliarum Rege, homine sordidissimo, qui idem ad ludibrium usque abjectè vestiebatur, pileo præpingui imagunculis plumbeis & cochleis squalenti, vesteque lanea vilissimæ pretii ac tetrici coloris utens, cum in publicis rationibus exstent duo capita; quorum altero XX. asses expensi feruntur, ut thoraci regio brachialia nova consuerentur; altero denarii XV, pro axungia ocreis regis inungendis: altiori cothurno incedebat Philippi prudentia. Quodque in illo summo opere laudandum: nihil in Reip. gravioribus negotiis tentabat unquam, quod Consilio, quod appellabat Conscientiæ, examinandum prius non proposuerit: quod ei maximo sæpe cessit lucro & commodo. Cum primis autem in acquisitione regni Lusitaniæ multa modestiæ hujus suæ dedit specimina. Nam extincto Sebastiano Rege in bello Mauris temere facto, & postea etiam Henrico

Petr. Matth. in
hist. H. 4. lib. 1.
narr. 4.

Phil. Comina-
us comment.
lib. 3. Bodin. de
Rep. lib. 6. c. 2.

H. Conestag.
lib. 3 de Portug.
& Castell con-
junct.

Regemortuo, plures erant candidati, qui Lusitaniam ambibant, suis quisque titulis: Philippus Rex Hispaniarum, Emanuel Philibertus Dux Sabaudia, Rainutius Farnesius Alexandri Parmæ Ducis filius, Joannes Dux Bragantia, Antonius notus Prior Cratensis, & Catharina Medicæ, Gallia Regina. Unde factiones, dissidia, & denique arma. Philippus legationibus quam legionibus rem conficere mavult, a vi adeo alienus, ut Antonium in quodam cœnobio latitantem, quamvis facile potuerit, tamen inde extrahere, & in illo velut torre extinguere incendium surgens noluerit; etiam Ducis Bragantia filium à Mauris captum per legatum suum redimi curaverit; eundemq; cum retinere posset, contra aliorum opinionem liberum dimiserit. Ideo jus suum ante omnia disputari à Theologis & consultis ejus facit, de q; eo certior postea copias promovet. Jam verò in limite erat Lusitania, & mora noxia; moratur tamen ille iterum, iterumq; peritos convocat, & per Deum & Fidem obtestatur, liberis vocibus sensibusq; edicerent, ecquid juris sui esset: hoc non cupere se modo, sed jubere. Omnibus uno ore jus affirmantibus; tum demum Albanus invadit, & brevi tempore Lusitaniam totam subjicit, uno prælio Antonio, qui regem se ferebat, pulso. Cumq; inter Academias Hispanicas; quarum Salamanticensis illustrissima, Complutensis religiosissima, Ilerdensis frugalissima est; in regno Portugallia Conimbricensis maxime florens studiis jus Regis Philippi verbis & scriptis ob-

Lipsi. in monit.
Polit. lib. 2. c. 5.
H. Conestag.
passim. Camb.
in Annalib Angl.
lic. A. C. 1581.

stina-

stinatissime impugnasset, & quidam auctores essent illius, tanquam tumultuum seminarii, et in qua IV CIO. juvenum quasi jurisdictione regiâ solutorum liberè vagarentur, exstirpanda: Rex tamen & innata clementia & cause suæ fiducia impulsus non tantum Academia antiqua jura, privilegia, ac libertates servavit; sed etiam eos Doctores, qui contra ipsum legerant aut scripserant, dissimulatâ generosè injuriâ fovit, & præcipuo favore prosecutus est, confirmatis & auctis stipendiis. Qui verò Philippi fuit amor in Republicam? Ingens est gloria Principis, Republicam magis amare, quam filios. Philippus ita amavit, Auditores. Erat illi filius unus & unicus Carolus, qui more Gallieni censuram parentis ferre non poterat, votivumque illi erat, ut imminentem cervicibus gravitatem paternam non haberet. Et quidem Carolus insidiarum suspicionem patri non vanam pepererat: cum non solum scloppetulos binos summâ arte fabricatos caligis gestaret, sicq; somnum caperet, ut sub pulvillo duos gladios strictos & totidem scloppetos ad displodendum paratos semper disponderet, item in arca asservaret duos majores scloppetos pulvere & glandibus oneratos: verum etiam sacerdoti confessus esset, habere se in animo quendam occidere, & hac de causa Absolutionis repulsam passus ab eodem petisset, ut sibi saltem ad publicam offensionem vitandam panis non consecratus coram populo traderetur. Philippus hæc & alia omnia edoctus,

H. Conestag.
lib. 8. Thuan.
hist. lib. 73.

Flav. Vopiscus
in Tacito.

Trebel. Pollio
in Gallieno.

Vide Thuan. hi-
stor. lib. 43. Petr.
Matth. in Hist.
H. 4. lib. 1. narr.
4. Geo. Barr. A-
driani nella
Storia lib. 29.

edoctus, filii conatus antevertit, & ipsum redigit in po-
testatem; mox S. Inquisitionis Senatui facinus filii de-
tegit, & ab eo exquirat, quomodo sit animadvertendum.
Senatus censet, cum Rex per clementiam ignoscat illis,
quos amet minimè, non posse eum non ignoscere illi, quem
inter omnes homines debeat amare maximè: & addit
preces, ut Caroli Magni imitari velit exemplum, qui
filium Pipinum gibbosum ob initam conspirationem
extrema meritum venià dignatus est, sed ad nequitiam
denuò prolapsus monasterio inclusit. Sed Rex respon-
det; ex naturæ lege se plus filium, quàm semetipsum di-
ligere, ex lege verò DEI salutem populi filio, & publi-
cam charitatem privata antehabere;

Seneca in Tro-
ade,

Seneca 10. con-
troverf.

præferre patriam liberis, regem decet;
simul quærit, num illa conscientia filio criminum
gratiam facere, nec tamen miseriarum, quas fortè cle-
mentia sua in Repub. creaturus esset, accusari queat.
Theologis ad hanc inopinam quæstionem nutantibus, &
invitis quamvis dicentibus, salutem populi filii inco-
lunitati præponendam, multa que ingeniis donanda,
sed donanda vitia, non portenta esse; Rex tandem
omnino illis Carolum submittit, hoc procedendi ordine
præscripto; in negotii totius disceptatione regiam au-
thoritatem suam non plus æstimarent, quàm subditorum
vilissimum, & filium Carolum non aliter, atque si ipse-
met Rex esset, respicerent, donec criminis enormitas ta-
lem respectum non rejiciat: & præcipue animò memo-
rire peterent, ipsos gerere imaginem judicis illius, qui
Ange-

Angelos judicaverit, & olim sine discrimine Reges
terrarum & Regum filios, uti alios homines, sit judi-
caturus. Ita Inquisitionis Senatus judicium tulit, mor-
tisq; sententiam dixit; & Philippus pater subscripsit.
DEUS bone! quos conflictus sustinuerit, dum senten-
tiam signabat, & affectus paternos catenis justitiæ li-
gabat? dum semetipsum in sententiæ de filii capite lata
condemnatum sentiebat. Pater erat: nunquam hi af-
fectus in tantum vincuntur odio, ut non ad naturam su-
am tandem revertantur. Sed debuit patrem exiungere, ut
pater patriæ, ut verus & justus Rex esset. Ita Caro-
lus, cum sibi sæpius parricidales manus inferret, sed si-
ne successu; tandem vim ultimam tanquam reus da-
mnatus passus est: Ita sol novus, quem Grandes Hispa-
niæ jam adorabant, cum totius Europæ stupore, in æ-
tatis Oriente occidit, plurimis simul ad istud Bonæ
Spei caput naufragium facientibus; anno Christiano, A. Chr. 1568.
quem vates prædixit isto versiculo:

Quintilian.

FILIVS ante DIE M patrilos InqVIRIt In annos. Ovidius.
Sed quid dicam de Philippi pietate? Quæ tanta erat,
ut Paulus IV. Pontif. Max. moriens dixerit, se DEUM A. Chr. 1559.
vocantem æquo ac propenso animo sequi, præsertim cum
Philippum Catholicæ fidei defensorem à DEO datum Thuan. Histor.
relinqueret; quo vindice Remp. Christianam quan-
tumvis afflictam recreari & in pristinum statum resti-
tui posse minimè dubitaret: & Gregorius XIII. pro
salute suâ Romæ preces concipi audiens, liberum hoc
ad familiares protulerit verbum: Vitæ meæ prolonga-

Petr. Matth. in
hist. H. 4. lib. 1.
narr. 4.

Hh

tio

tio parum potest Ecclesiæ conferre utilitatis; siquidem Pontifex me melior facile habebitur: sed orate pro incolumitate Hispaniarum Regis: illa universo Christiano orbi est necessaria. *Non nescio, Philippum à Protestantium orthodoxa doctrina fuisse alienum; atque utinam non fuisset! ille tamen suæ Pontificiæ religionis propagandæ fervor satis indicat, in eo pietatem altissime radices egisse, admirabiles allaturam fructus, si præscripta tot seculis superstitione non fuisset impedita. Constantia ejus & Patientia Christianissimum animum pulcherrime produnt. Erat extra aut supra adfectus; non gaudio, non dolori perxius; vultu æquabili; nec spe, nec metu fractus. Quando enim cursor letum attulit nuncium de victoria Lepantina, cognitopugnæ navalis ordine & successu, sine ullo letitiæ signo frigide subiciebat: D. Joannes multum periclitatus est. Et quando cursor alius moestum attulit nuncium magnæ illius classis in mari dissipatæ & perditæ, nihil commotus dicebat; contra homines, non tempestates classem se emisisse. Morbos tulit sævissimos, & quidem extremum pedicularem paucis hominibus communem: sed pertulit tantâ constantiâ & animi præsentia, ac si dolores, impatientia, & quicquid satellitii secum invaletudo aliâs ducit, ad se nihil pertinerent. Voces etiam tum quasi ex oraculo effabatur, quibus sub exemplo sui præclare filium & filiam admonebat, ut reputarent animo rerum humanarum instabilitatem, ac miserrimam vitæ conditionem.*

Dom. Baudius
in Notis ad
Poemata. Cerva-
vera de Turre
in libris de ex-
cessu Philippi
2. Hisp. R.

tionem. Cum enim accitu eius adstarent ægro, En, inquit, adspicite in hoc afflictissimo corpusculo quàm tenui filo pendeat pompa & splendor magnitudinis terrenæ! de vita mortali quidem actum est, illicet: sola sepulchri cura restat, & supremus honor exsequiarum: de quo multa sigillatim & curiose præcipiebat, ita ut de suo ex hoc mundo egressu non aliter, quàm de magnificentissimo in primariam Hispanici imperii urbem & triumphali ingressu, atque de sepultura veluti de regia inauguratione differeret. Et ut assiduâ mortis commentatione firmaret se se adversus imminentem metum, jussit pheretrum, quo componi corpus defuncti oportebat, in conspectu suo collocari; coronamq; regium capitis decus, unâ cum mortui calvaria super imponi; non absimili ritu, quàm quo veteres Romani triumphantibus adjungere solebant infimæ conditionis hominem, qui eodem curru vectus idem idem inculcaret, HOMO ES, HOMINEM TE ESSE MEMINERIS. Quid verò deniq; de Philippi majestate dicam? Illa ut familiaritate nimia in contemptum, ita se veritate nimis austerâ in odium abire solet. Sicuti Fridericus Urbini Comes tamen erat comis, ut obvios quoscunque compellaret, & pileum quasi continuo manu teneret; ab Octaviano Ubaldino necessario suo propterea dictorio petitus, qui, si quando hominem valde negotiosum & festinantem conspiceret, eum Comitis Friderici pileo occupationem esse dicebat. Et Turcorum Sultanus Bajazites Ita erat rigidus, & præcipitis simul iracundiæ

Casp. Ens Epi-
dorp. lib. 1.

Johan. Leun-
clavius Histor.
Turc. lib. 6.

Petr. Matth. in
Histor. Henr. 4.
G. R. lib. 1. narr.
4.

H. Coneftag. de
Portug. & Ca-
stel. conjunct.
lib. 4. Thuan.
hif. lib. 69.

atque implacabilis, ut consiliarii eius percussi formidine, humi dejectis oculis ne mutire quidem auderent; capitali propterea, ei quod iustissimo & communi omnium odio subjectus tyrannus. Philippus verò noster ita erat familiaris, ut auctoritatem & gravitatem nunquam exueret; ita severus, ut clementiam non deponeret. Annon admirabile est, illum perpetuò fere in Escuriali suo inter amicos diversantem, calamo tamen plus sibi venerationis apud omnes subjectos in tam dissitis locis parasse, quam si multis legionibus armatus semper terrorem secum circumtulisset: adeò ut unicus ab illo in provincias missus homuncio regio mandato & membrana instructus plura effecerit, quam in aliis imperiis multa militum millia & multi auri milliones expedire potuissent? Annon stupendum auditu est, illum, cum Ducem Albanum tot adoreis illustrissimum, potentiam etiam & ætatem magnum Ducem, quia is Friderico filio è Tordefillarum carcere (in quem conjectus fuerat, quod data fide de quadam Nobili virgine è Gynacéo Elisabethæ reginæ in uxorem ducenda eam stuprasset) evadendi dederat consilium, simulque Albæ Mariam Garfiae Toletani filiam uxorem ducendi consensum impertierat, Vzedam ad vitam quasi deportasset, eidem, licet jam Lusitanicæ expeditionis summo præfecto, veniam tamen in aulam veniendi & regiam manum deosculandi, quod summæ gratiæ loco petebat, denegasse; ut Albanus ad exercitum proficiscens dixerit, se catenis & compedibus vinctum à rege ad acquirenda regna mitti?

mitti? Quid multis? Rex Philippus, & reges Hispaniæ omnes, facinorum miraculis & operibus immortalibus demonstrant: nihil eorum virtuti esse reliquum, quod effectum dare non possint. Et quemadmodum DEUS, si ædificat, condit mundum; si irascitur mundo, diluvio absorbet mundum; si mundo gratiam confert, filium cruci & morti tradit pro salute mundi; si præmia distribuit mundo, dat paradisum: si arma induit, angeli aciem ducunt, elementa in hostem irruunt, nubes de die, columnæ igneæ de nocte præeunt, maria ad transitum se findunt, sol ipse stat immotus, ut victorias illuminet: ita, si modò infiniti cum finito est aliqua comparatio, possit dici de Hispanis; illos ad magna tantum natos, & magna tantum patrare; & quando ædificant, tunc illos extruere palatia San-Laurentiana, templa Hispalensia, & talia: quando irascuntur, tunc illos Maurorum & Judæorum sordes omnibus regnis pellere: quando Reip. incolumitati consulunt, tunc illos filiorum charitates saluti populi postponere, & pro Repub. devovere: quando præmia exolvunt, tunc illos restituere Muleassem Tuneti, ex Præceptoribus facere Papas & Hispaniæ Primates: quando verò arma sumunt, tunc illos novos Orbes, Reges Mexici, Peruviae, Galliaeque, & Principes Germaniæ capere; Turcas in fugamvertere; inter spolia autem totas classes auro argento & margaritis plenas domum reducere, tormenta captiva Mediolani, Neapoli, & alibi ostendere; & denique toti Orbi tacitam vel

Hadrianus VI.
Papa fuit Præceptor Imperatoris Caroli V.
& Joan. Martinus Silicens,
Primas Hispaniæ, fuit Præceptor Philippi II.
Reg. Hisp.

*subjectionis, vel imparitatis confessionem extor-
quere.*

*Quare, charissime mi frater, FRIDERICE A-
CHILLES, sicuti aliis Europæ provinciis suas & pro-
prias laudes non subduco; & nulla non peculiari quâ-
dam prærogativâ letatur: ita cum videam & sciam,
Hispaniam inter omnes solium gloriæ occupasse, & nul-
la tanta sit in orbe potestas, quam majestas illius &
meritorum amplitudo fulgore & lumine suo non hau-
riat, lubens meritò eidem suffragio meo decerno prin-
cipatum.*

PRINCEPS

FRIDERICVS
ACHILLES, &c.

ET TUAM SENTENTIAM, CO-
gnate per dilecte, Dn. RUDOLFE MAXIMILIA-
NE, Dux Saxonie, perquam audire avelo.

ORATIO


ORATIO

RVDOLFI MA-
XIMILIANI,

DUCIS SAXONIÆ, ANGARIE,
& Vestphaliæ, &c.

contra

GALLIAM.



ACTIUS Sincerus Sannazarius poëta,
qui Maroni

Musâ proximus, ut tumulo;

cum in Venetiarum urbis gloriam, laudem

& honorem, condidisset hexastichon illud:

(Viderat Adriacis Venetam Neptunus in undis

stare urbem, & toto ponere jura mari:

nunc mihi Tarpejas quantumvis Juppiter arceis

objice, & illa tui moenia Martis, ait;

sic pelago Tibrim præfers. Urbem adspice utram-
que;

illam homines dices, hanc posuisse Deos.)

S.P.Q. Venetus, carminis elegantia oblectatus, poë-
tae ingrati & benigni animi signum pro singulis versi-
bus singulos centenos aureos liberaliter donavit. Mul-
tò verò merita tua, cognate Princeps, Joachime

Erneste

Petr. Bembus
in carminib.

Fr. Schottus &
H. Capugnanus
in Italiae itine-
rario, parte 1.
Jo. Baptista Cris-
pus in vita
Sannazarii.

Erneste, Dux Schlesviggæ Holsatiæ, &c. in Galliarum regnum sunt majora; qui, quicquid laudabile in imperium aut populum dici potest, id singulari quâdam affectus benevolentissimi ubertate omne in Gallos prodigisti: ut vel ob hoc unum beneficium propriè Gallicum à Rege inter Conchiliatos Equites San-Michaelios, & Regni Pares, esses connumerandus. Sed omisisti unum, quod omittendum non erat; & quod Joannes Bodinus contra Aristotelem negantem excandescens, & totus in fermento, Galliæ suæ fortiter iovit assertum. *Is ita conqueritur:* Neque tamen verum est, quod Aristoteles scribit; nullos in Gallia Hispanis proxima asinos reperiri; cum tota fere Gallia, ac potissimum in agris Andium (*Bodinus autem est Andinus*) & Arvernorum robusti sint asini; unde muli prægrandes ac robustissimi nascuntur. *Tanti Bodino est patriæ caritas, ut etiam ab asinorum majestate illius supremum præconium mutuetur.* Potuisset addere, in Galliis lepores quoque permagnos esse: ut Varro jam olim annotavit. *Quid vetat in gratiam Bodini par versuum proludere?*

Dum laudas asinos patriæ, Bodine, quid erras?

Ignotumne tibi γινῶσι σεαυτὸν erat?

Extra jocum: Bodinus immoderato patriæ amore cæcus in eodem luto hæsitat cum illo stulto: qui, quoties aliarum civitatum referri encomia inaudiret, hætenus ea admittebat, ut semper patriam suam præferret; & cum aliquando etiam fatuorum fieret mentio, nec ille patriæ

Bodin. in theat.
nat. lib. 3.

Arist. de histor.
anim. lib. 8. c. 28
ἐν δὲ τῇ Σκυ-
θικῇ καὶ Κελ-
τικῇ ὅλως ὁ
γίγνονταί οἱ
ἄνοι.

Varro de LL.

Bezain Juveni-
libus fere iif-
dem verbis in
Ponticum.

patriæ gloriam obscurari patiebatur, in hæc verba prorumpens: Quid illi illepidi? Nullibi præstantiores fatui, quam in mea patria. *Atqui omnem Galliæ felicitatem esse personatam & bracteata tantum, intus contemptibilem si despoliaveris, jam nunc liquidum & sic faciam planum, ut te, Princeps Joachime Erneste, pœniteat tuæ sententiæ, & collegæ nostri omnes intelligent, Galliam, quando abest proximè, tum valde procul adhuc distare à fastigio quæsi primatus. Multa per noctem habita terrori, dies vertit in risum. Ideo equum empturus, solvi jubet stratum: siquidem ementibus ornamenta ipsa suspecta sunt: cum mangones, quicquid est quod displiceat, aliquo lenocinio abscondant:*

Seneca Epistol.
80.

Regibus hic mos est, ubi equos mercantur, apertos inspiciunt: Horatius.

ita nos de Gallia judicaturi, prius ei demamus personam; & deprehendemus, multum mali sub illa latitare. Nisi mali nimium est, aut si quod nimio exuperantius malum esse potest: quod Gallia in Furiarum vinculis jam animam agit, & postremas exspectat dapes. Quod capitale periculum vir Gallus, sed Galliâ suâ melior, qui dum cæteri procures ac belli duces Galli, si-ve ævi si-ve aulæ vitiis corrupti, gentis suæ existimationem decoquerent, unus antiquum Gallici nominis decus innocentia vitæ, fortitudine, astrictâ militari disciplinâ, ac prudentiâ, quæ cunctæ simul in eo virtutes incomparabiles & sine fucos fuerunt, domi forisq; asser-

Thuan. histor.
lib. 68.

Li

tum

metum, luctum & turbas coniecit. Quam putatistum fuisset rerum faciem, Auditores? Sæviebatur Lutetiae à carnificum cohortibus in insontium capita & fortunas sine discrimine; peculiari hoc veluti penso illis attributo, dum plebs à decurionibus & centurionibus huc illuc circumvolitantibus irritata in conciveis, effusa ad omnem intemperiem licentiâ, baccharetur. Tum strepitu concursantium ad cædes & prædam plateæ & viæ personare, morientium aut proximorum periculo queruli ululatus exaudiri, cæsorū cadavera per fenestras deturbari, ædium arcæ ac conclavia ipsa cæsis oppleri, cadavera per compita & lutum provoluta raptari, cruore per alveos vicorum tantâ copiâ exundante, ut sanguinei huc illuc torrentes in subiectum flumendimanarent. Innumera multitudo cæsa, virorum, mulierum, etiam prægnantium, & puerorum. Spectemus tragædiam propius. Colinius igitur ante Villemurianas aedes pedes iter faciens, dum libello fortè porrecto legendo intentus lentiùs incedebat, ex fenestra, linteo velata, scloppeto à Morevellio Guisicæ factionis sicario disploso, duabus glandibus ictus est: cum Rex quidem, quamprimum tam atrocis facinoris nuntium in sphaeristerio acceperat, statim illiso in terram reticulo, quasi casu inopinato consternatus, facti indignitatem scriptis ad præfectos provinciarum literis detestaretur, & tanti criminis polliceretur severissimum exemplum; quin etiam Regi Navarro & Condaeo abitum ex urbe molientibus, fidem, re in majus exaggera-

geratâ, vehementissimis pro more diris obstringeret, se de percussore, auctoribus, fautoribus, ac conscis eas poenas sumpturum, quæ & Colinio & amicis satisficiant; imò Colinio ipsi, quem unâ cum Reginamatre, fratribus, & multis Principibus comitatus inviserat decumbentem, & subtristi anxioque vultu de valetudine diligenter interrogaverat, additis in laudes illius invidendis & præclarissimis elogiis, eadem prolixè confirmaret; nihilominus contraria omnia (ô minime Regium Regem!) cum alibi, tum postremò in Lateranis ædibus, ubi conscii adultæ & diu coctæ conjurationis, imprimis Rex ipse, Reginamater, Andinus, Nivernius, Engolismensis notus, Biragus, Tavanus, & Radesianus, consilium de ambulandi specie habebant in commune omnium Protestantium exitium & excidium; (siquidem morte unius hominis Colinii, in cujus tamen corde & animâ totam Protestantium vim ac potestatem acquiescere, vivere, ac vigere asseverbat sanguinaria factio, omnes illius asseclæ exstinguinequeant) impiè & proditoriè machinaretur. Itaque profundâ jam nocte, quæ festum Bartholomæanum antecessit, summâ violentiâ prorumpunt latrones; ad arma, ad arma, ubique vociferantur, furentem plebem ad cædes promiscuas inflammant, & primo impetu in aedes Colinii facto, gladium in pectus imperatoris fortissimi sceleratè intorquent, quem repetitis ictibus exanimant, sanguine deturpatum per fenestram in aream præcipitant, contumeliosè calcibus impetunt, cadaver miris

modis injuriosè fœdatum in stabulum proximum abjiciunt, & postremò capite amputato, quod Romam usque perlatum est, pudendis item & manibus ac pedibus truncatis, per vicos ad Sequanæ ripam trabunt; cumq; in eo esset, ut in profluentem à pueris mergeretur, inde retractum ad furcas Monfalconias, cruribus in altum sublati, & propendente corpore, ferreis catenis suspendunt; igne prætereà subjecto, quo tantum ustularunt, non etiam consumpserunt; ut ita omnium elementorum carnificinam experiretur. In terra enim occisus, aquis mersus, in aëre pendulus factus, & denique igne ambustus est. Eadem tempestas mox Franciscum Rupifulcaudium Comitem, regi alioqui ob facetias & venustatem gratiosum, cum hesternà die ad intempestam usque noctem, sed intempestivè, cum Rege jocus fuisset, domi, cum à personatis sicariis seminudus crudeliter interficeretur, absorpsit. Sic & Telinius, Colinii gener. per tegulas domum discursando frustra refugium queritans: sic Antonius Claramontius Renelii Marchio: sic Antonius Marasinius Guerchius, Baudineus, Pluvialis, Bernius, Carolus Quelle vetus Pontius Armoricæ regulus, Carolus Belomanerius Lavardinus & Bellovarius, uterque olim pueritiæ Navarri moderator: sic Claudius Gaudimellus excellens Musicus, qui Psalmos Davidicos, vernaculis versibus à Clemente Maroto & Theodoro Bezæ expressos, ad varios & jucundissimos modulationum numeros aptavit: sic Briolius Marchionis Contii pueritiæ

ritiæ admotus canitiæ venerandæ senex inter amplexus alumni sui, brachia protendentis & se ad ictus opponentis: sic Franciscus Nompars Caumontius cum filiolo: (nam non ferastantum, sed cum feris catulos omnino perdendos esse ingeminabant Assassini) sic Petrus Ramus Aristoteli-mastix quidem, & propterea communi & gravissimo Professorum odio flagrans, sed ex eo commendatione dignissimus, quod ingenio, diligentia, assiduitate & opibus etiam suis, quantum in ipso fuit, rem literariam juvit ac promovit; institutâ Mathematicæ Professione, cui annum vectigal 15. librarum è facultatibus suis attribuit: sic, inquam, Ramus ille à Carpentario æmulo Philosopho, & seditionis camino oleum copiosè suffundente, immixtis sicariis, è cella, in qua latebat, eductus, & post depensam pecuniam inflictis aliquot vulneribus è summis adibus in aream dejectus; effusis visceribus, quæ pueri frementes magistellorum pari rabie incitatorum hortatu per vias sparserunt, & cadaver ipsum scuticis in Professionis opprobrium diverberantes contumeliosè & barbarè raptaverunt: sic Magdalena Brissoneta Guilielmi Brissoneti Cardinalis neptis, fæmina lectissima nec mediocriter erudita, ad ejerationes frustra adaucta, contis confossa, & cum semianimis in fluvium projecta supernataret, concursu naviculariorum quasi ad canem rabidam suffocandum facto, variis ac lentis ictibus summâ immanitate obruta: sic Petrus Placius Curie vectigalium primarius Præses, Annas Terre-

rius

500. Francien-

rius Chapius, Montamarius, Montalbertus Robe-
reus, Joach. Vassorius Cunerijs, Rupius, Colomba-
rius, Velavaurius, Gervasius Barberius Francurius
Navarri Cancellarius, Hieronymus Grolotius Au-
reliani praefectus, Stephanus Cevalerius Pruneus re-
giae gazae in Pictonibus curator, Pardallanius, Sam-
martinus, Bursius, Armannus Claromontius Pilius;
sic multa millia hominum, utriusque sexus, omnis æ-
tatis, omnis conditionis, sine ullo humanitatis, pietatis-
ve immanium tyrannorum sensu, crudelissimo fato,
paucissimis diebus, & Lutetiae tantum, involuta sunt.
Fuitq; inter Caniblicos illos conjuratos Cruciaris
quidam aurifex, verè cruce dignus, qui sæpius postea
cum horrore bonorum visus & auditus est vāsā con-
fidentia jactare, cum nudum exereret brachium, isto
se CCCC. amplius homines in illa laniena macta-
visse. Neq; etiam illa summæ impietatis tempestas in
unos Parisienses detonuit;

Claud. in Ruff.
lib. 1.

sed velut infecto morbus crudeſcere cœlo
incipiens, primò pecudum depascitur artus,
mox populosq; urbesq; erapit;
& quòquò venit, sandapilarios occupat opere diurno
nocturnoq; ita isti Væjovēs Gallici fulminibus suis Gal-
liam penè universam funeraverunt. Cum primis Au-
gustobonæ Tricassium, Andegavi, Aureliani, Mel-
dis, Avarici Biturigum (ubi Franciscus Hotomanus
& Hugo Donellus Juris Professores discipulorum
suorum ac præcipue Germanorum ope præſenti peri-
culo

culo erepti sunt) Valentiae Cavarum, Romanii, Tolosæ
(ubi ex primoribus Parlamentarii Senatores aliquot,
& nominatim Iohannes Corasius, à proſtigati pudor-
is & perditæ vitæ homuncionibus, qui juris civilis
ſcientiæ operam dantibus immiſti gladiatoriam in
ea urbe faciunt, inter quos excellebat Turrius, im-
maniter trucidati, & deinde geminata ſævitia ad ul-
mum in area palatii Senatorio cultu ſuſpenſi ſunt)
Charitæi, Rotomagi, Burdigalæ; & multò crudeliſ-
ſima ſtrages edita eſt Lugduni. Huc cum Petrus
Autiſſiodoreniſis ſiſci procurator, homo ingeniâ pravi-
tate & libidinibus probroſis infamis, per veredarios
equos advolaffet, & ſine ullis literis, quaſi in ipſius di-
gnitate ſatis ponderis ac fidei eſſet, ac Franciſco Man-
deloto Urbi præfecto hanc eſſe Regis atque Reginae
voluntatem confirmaffet, ut Proteſtantes, qui compre-
henſi eſſent & comprehendi poſſent, ad unum omnes
quamprimùm, nec expectato alio mandato, deleren-
tur; continuo Mandelotus, à circumfuſa multitudine
ſeditioſa, ſanguinis ſitientiſſima, inſtante victus, dat
manus, & ad horrendæ ſententiæ nuncium converſus;
Idem tibi, inquit, Petre, quod Petro olim Chriſtus, e-
dico; quicquid ligaveris, quicquid ſolveris, ligatum
ſolutumq; eſto. Hæc publicatâ licentiâ, confeſtim
neſarii quique & ad omne flagitium prompti ad cædes
& rapinas diſcurrunt. Verùm cum illi carnificis urbi-
ci operâ in ea re patranda, uti vellent, ille omnino recu-
ſabat; & legitimi magiſtratus ſententiæ ſe quidem pa-
rere

Kk

rere paratum ostendebat, at qui promiscuis cadibus fatigari aut immisceri se nolle. Cumq̃ idem præsidiariis arcis postea mandaretur, illi pariter ultra modum commoti, non carnifices se esse, nec militari decori tam probrosum factum convenire, indignabundè respondebant; nullam à miseris hominibus sibi illatam injuriam dictitantes. Itaq̃ è macello & fece plebis purgamenta & postremi mortaliū deniq̃ conducuntur. Et sic quod carnifices, quod homines exteri constanter à se rejece- rant, illud cives in cives suos alacriter susceperunt. Nec mora, in supplices illos, qui in Episcopio attine- bantur, ac DEI hominūq̃ fidem implorabant, statim irruunt novi tortores, eosq̃ immisericorditer, prius ta- men miserorum crumenas sagaciter scrutati, occi- dunt; luctuosissimū utique spectaculo; cum filii patrum collo implicati, patres filios complexi; fratres, amici, se ad constantiam invicem hortantes, ab efferatis laniis, bajulis, naviculariis, ceu pecudes mactarentur, inter ululatus, lamenta, clamores horrendos, qui totā urbe personabant. Inde sub vesperam ejusdem diei iidem lanii ad Rhodamensem publicum carcerem veniunt, & novo crudelitatis genere in vinctos sæviunt, laqueis- que in collis insertis miseros cruciant, & semineces ad flumen proximum raptant. Et quia contrucidatoriū in cadaveribus in Archiepiscopali in adium area jacen- tibus sepultura negabatur, eadem quoque in fluvium ab effreni plebe precipitata sunt: optimi viri & pin- guioribus cadaveribus ad adipem conficiendam, phar- macopolis

macopolis ea deposcentibus, concessis. Supernatantia autem per Rhodanum corpora tanto ad Turonium cumulo ripas compleverunt; ut oppidani casu inopina- to territi, tanquam hostis adesset, ad arma conclama- rent; mox horrore perculsi & sceleris auctores abomi- nati, quamvis à Protestantium religione alieni es- sent, ministros adhiberent, qui ad amovendum spe- ctaculum rapido fluctu delata cadavera contis à ripa averterent. Nec minis illud execrabilis crudelitatis exemplum aversati homines sunt Vienna, Valentia Ca- varum, Burgi, Vivarii, ad Spiritus-fanum, etiam Avenione, ubi tamen majus Protestantium odium. Arelate verò, ubi puteorum & fontium penuriā a- quam è fluvio vicino haustam potant, ultra facinoris detestationem gravissimo incommodo oppidani con- flati sunt; cum esu piscium & aquā, quæ ipsis è solo Rhodano suppetunt, uti nollent, & à conspectu flumi- nis ipsius abhorrerent. At verò magnitudinem perni- ciei in viros fortissimos, in regni procures, in veræ pie- tatis alumnos, in florem utriusq̃ sexus innocentissimum et pulcherrimum, aborti emissariis sic immaniter exer- citæ, quā, si Vvolfgango Prisbachio credimus, triginta hominum millia interfecta, centum millia honestissi- marum familiarum, triduo in Gallia, latrocinis & ra- pinis oppressa fuerunt; viduis ac pueris orbis innume- rabilibus ad summam vel mendicitatem vel inopiam reductis; nulla lingua satis edisserere potest. Quis enim

W. Prisbach. in
Resp. adorat.
habitam apud
Helvetios.

prodere tanta relatu

Kk 2

funera

Claudian. in
Ruff. lib. 1.

funera? quis cædes posset deflere nefandas?
Quid tale immanes unquam gessisse feruntur
vel Schinis Isthmiacâ pinu, vel rupe profundâ
Scyron, vel Phalaris tauro, vel carcere Sylla?
O mites Diomedis equi, Bufiridis aræ
clementes! Jam Cinna pius; jam Spartace lenis
his Gallis collatus eris.

Thuan. histor.
lib. 53.

Hæc tamen Gallorum, Auditores, est pietas; hæc Religionis eorum sunt sacrificia; hic divini numinis est cultus; hæc sunt Regis & sociorum in DEI honorem edita munera; hæc sunt fidei antiquæ monumenta; omniatam illustria, omniatam sancta, & religiosa; ut Enimundus Augerius ea ab Angelo DEI patrata, pro concione multoties repetito sermone, identidem Burdigalæ inculcaverit; ut Parlamentum Parisiense SCto, IX. Kalend. VII br. quæ B. Bartholomæo dicta est, amburbis supplicationibus quotannis celebrandam indixerit; ut Rex æmulatione veterum Imperatorum in memoriam victoriæ varios numos argenteos & aureos, cum talibus gloriosis inscriptionibus: Virtus in Rebellēs: Pietas excitavit iustitiam: Carolus I X. Rebellium domitor: flaverit; ut Pontifex de tragædia feliciter peracta factus certior statim cum Cardinalibus ad B. Marci concesserit, D.O.M. pro tanto beneficio sedi Romanæ collato gratias ritu solenni egerit; Fubilæum toto Christiano orbe publicaverit; in Hadriani mole publicæ lætitiæ signum festâ tormentorum displosione dederit, totam rei bene gestæ historiam parietibus artificii

tifici penicillo ille verit, nihilq̃ eorum, quæ in cunctis ac maximis quibusque pro Ecclesiæ Romanæ victoriis fieri solent, prætermiserit: ut denique Cardinalis Lotharingus tam optatum afferenti evangelium mille aureorum evangelia numeraverit. Scilicet hæc omnia ab omni fide tam sunt aliena; ut inde unanimi Orbis Christiani sine adfectu iudicantis suffragio, cum æterna & nunquam interitura infamia, atq̃ odio in seram posteritatem transituro, antiqua levitatis nota, antehac aliquatenus excusata, nunc planè credita & Gallorum propria facta sit: hæc ab omni honestate tam sunt devias; ut inter ipsos Gallos viri dignitate, pietate, integritate, ac doctrinâ præstantes, & aliàs vanitatis & fuci hostes, Schombergius, Morvillerius, Thuanus, Monlucius, Bibracius, Belleureus, Cujacius, passim in Polonia, Germania, Gallia, & alibi; ut regni regisq̃ bono, famæ, & honori inservirent; officiosis mendaciis scelus patratum, quod intra se omnibus diris & imprecationibus flagellabant, aut simulatè laudare, aut astutè imminuere, vel exquisitissimis ex falsa narratione detortis ratiunculis ingeniosè diluere necesse habuerint: ita deniq̃ à bona conscientia illa omnia sunt exorbitantia, ut Rex ipse post infelicissimum San- Bartholomæanum casum ex horroribus nocturnis damna somni senserit terribilia; quem interruptum adhibiti symphoniaci pueri ex pergefacto reparabant; & postea is Musices studio Orlandum Lassum è Norico paulò ante mortem evocârit. Non itaque

Thuan. histor.
lib. 53. & 56.

Thuan. histor.
lib. 57.

Juvenal. Sat. 13.

evasisse putes illos, quos conscia facti
mens habet attonitos; & surdo verberare cædit
occultum quatiente animo tortore flagellum.
Pœna autem vehemens, ac multò sævior illis,
quas & Cæditius gravis invenit, & Rhadaman-
thus,

nocte dieque suum gestare in pectore testem.

Cambd. in An-
nal. Anglic. A.
Chr. 1572 Thu-
an. hist. lib. 54.

Memoriâ verò maximè dignum est, quòd Theodorus
Bezanovam Stellam, quæ post lanienam Parisiensem
mense Novembri proximo sub Cassiopeæ asterismo ap-
parere cœpit, tanto fulgore, ut Jovem etiam in peri-
geo eccentrici & epicycli superaverit, & Cornelius
Gemma Frisius scripserit, post natum Christum vix
aliud phænomenon illuxisse comparandum, sive subli-
mitas signi, sive raritas & diuturnitas spectetur, ad
stellam illam, quæ Christo nascenti præluxit, & inter-
necionem infantum sub Herode, ingeniosè accommoda-
vit; Carolumque Regem, qui se lanienæ autorem fassus
jamerat, ut timeret hoc versiculum monuit:

Th. Beza in E-
pigram.

Herodes caveas tu tibi quisquiserit.

Nec vanâ quidem fide. Mense enim post stellæ hujus
disparitionem quinto ille sanguinis profluvio inter lon-
gos et graves dolores expiravit. Non autem immanis-
sima ista Gallorum Impietas sine comitatu & ministe-
rio incedit: quin sequitur horrendum & vastum famu-
litii agmen. Videre ibi est Atheismum; homines sine
Deo, creaturas sine creatore; lanienarum civilium ge-
nuinos fructus. Cetero nos guerres pour la Religion,
qui

Lanovius Di-
scursa 1.

qui nous ont fait oublier la Religion. Bella Religionis,
tollere memoriam Religionis: querela est prudentis-
simi Lanovii. Audire ibi est sanctissimi numinis exe-
crationes ac contumelias omnino alibi inauditas (quan-
quam ex Italia insolitarum blasphemiarum merces in-
Galliam invecetas esse ajunt) exemplo ab aula corrupte-
larum sede in urbes, & ab urbibus ad paganos ac rusti-
cos, à pueris virilis ætatis etiam in pueros infantes vix
septennes, tantâ licentiâ grassante; ut tertio quoque verbo
Dei caput, mortem, sanguinem, ventrem, & alia mem-
bra; cælum & terram nefariè insectentur; sicque ex omni
parte injurias in DEUM pestiferè eructent. Intueri ibi
est magorum & sortilegorum (& hoc ex Italia maxi-
mè venisse ajunt) culicum instar hinc inde circumsu-
surrantium tota agmina; ut Triscalanus Cenomannus,
illorum Princeps, cum judicio capitali in ipsum lato ve-
niam hæc lege impetrasset, si indicaret criminis affines,
fassus fuerit ipsi Regi Carolo IX, In Galliarum regno
tunc supra XXX. millia magorum esse: qui tamen
plerique omnes pessimo publico impune abierunt. De
qua impia Caroli Regis gratia ita judicabat, &
piè quidem, Joannes Bodinus; Credibile esse, si Rex,
qui alioqui bene compositis membris & lacer-
tosâ corporis mole erat, in Triscalanum & sce-
leris conscios, ex lege DEI morte dignissimos,
meritâ ignis poenâ animadvertisset; Deum pro
ista justitiæ administratione fuisse ipsi diuturniorem
& beatorem vitam concessurum. Quanquam
Catharina

Thuan. hist. lib.
53. vide Novell.
Justiniani 77.
Ut non luxuri-
entur homines
contra natur-
am, nec jurent
per capillos
Dei, &c.

An. Ch. 1576

Bodinus de De-
monom lib. 3.
cap. 5. Lanov.
Discurs. 1.

Thuan. histor.
lib. 53. & 57.

Petr. Matth. in
histor. mortis
Henr. 4. G. R.

Catharina regina, Caroli mater, vetitas artes cognoscendi curiosa mulier, & huiusmodi prestigiatorum operâ non raro per familiariter usa, proculdubio illa infernalium muscarum examina auxisse videri potest. Certè tantum tribuebat execrandis hariolorum prædictionibus; ut etiam de filiorum fortuna, & eorum successoribus, ab illis edoceri voluerit: magistro quodam profanæ artis ei speculum, quod aulam siue augustum conclave referebat, exhibente; in quo Regina filiorum quilibet toties circumambulabat, quot annos regno esset præfuturus: cumq; Henricus III. suas periodos absolvisset, Dux Guisus quasi fulgur speculum percurrit; & postea etiam Navarra Princeps bis supra vicies se ostendens confestim disparuit. Qui hæc & plura talia audit, non mirabitur, poetam, nescio quem, istos versiculos in Catharinam licentius effundere fuisse ausum:

Tres Erebi Furias ne posthac credite vates:
addita nam quarta est nunc Catharina tribus.
Quod si tres Furias à se dimitteret Orcus:
hæc Catharina foret pro tribus una satis.

Nemo etiam mirabitur, patrum memoriâ creditum, Parisiis scholam magorum haberi; cum nuperrimè adhuc aula regia, imò tota Gallia studio damnato nefariis libris de evocandis demonibus, & conjurationibus, Orcinum pruritum proritantibus, operam dederit; omnibus elementis, & quæcunque cælum & terra complexu suo fovent, in execrabiles impiissimi servitii abusus

usus raptatis: & ex præcipuis insani magisterii artificibus Nostradamo famosissimo Mathematico, veluti ex Apollinis Tartarei tripode de omnium cujuscunque conditionis hominum fortunis & vitæ mutationibus cum stupore oracula cottidie pronunciantes. Nemo item mirabitur, non ita pridem ex sacro ordine Normannum quendam in vicinia Lutetiae, sub patibulo, sacra Diabolo fecisse, Missæque horrendum carmen præposterè à calce ad caput recitasse. Quid? quòd non modò domi suæ pietati bellum indixere Galli, verum etiam nomini Christiano universo vulnus inflixerunt incredibile, in detrimentum Religionis & Reipublicæ: dum Rex Franciscus I. qui tamen tot tantisque laudibus celebratur, & Henricus ejus filius, insigni ad omnem posteritatem infamiâ, tantum stimulis ambitionis & invidiæ ob felicitatem & gloriam Augustalis domus Austriacæ, se se quaquaversum expandentem, perpetuò pungentibus fatigati, in viscera Europæ attraxerunt sævissimum hostem Turcam; fœdere utrinq; solenniter sancito: quo factum, ut

gens inimica Deo Tyrrenum invaserit æquor, Turciam in Italiam portans;

& Hariadenus Ahenobarbus Solimanni heri sui jussu infastas Gallicis rebus suppetias ferens, vastatâ Liguriâ & Hetruriæ orâ; Ilvâ prætereà, Igyllo, Ænariâ & Liparâ insulis, crudeli populatione adflictis; ingentem hominum miserorum, puberum & impuberum prædam sub intolerabile Turcicæ servitutis jugum mi-

Ll

serit:

Lahovius Dis-
cursu 1.

Le Mercure
Francois lib. 6.

Leundavius in
Pandest hist.
Turc. cap. 223.
& in supplm.
Annal. Turc.
Joh. Bapt. Hadrianus hist. lib.
3. & 4. Vvare-
mund ab Eren-
berg. lib. 2. Me-
dicat. pro fœde-
rib. Le Cava-
lier. de Savoye.

Thuan. hist.
lib. 3.

ferit: cum antiquitus tamen Francisci Henriciq; maiores, Ludovicus junior, Philippus Augustus, Ludovicus Sanctus, & alii, in Asiam & Africam lilia victoricia adversus Mahumetanos pro Christianorum salute & incolumitate gloriaq; laudabiliter inferre consuevissent. Tametsi Gallica causa iniquitatem variis aequitatis coloribus, uti scilicet in culina interdum carnes rancidae condiri embammate solent, infucare conati sunt: cum exemplis nihil huc facientibus ipsi vanè persuasi, aut vanius persuasuri aliis, dicerent; Davidem Regem & Prophetam sanctissimum, à Saule inclementius habitum, ad Regem idololatram Achis confugisse; Azam Judæorum Regem contra Israëlitam Regis Syriaci suppetias expetuisse; Constantinum Magnum Gothis, Narsetem Langobardis, Imperatores Heraclium & Fridericum, Basilium & Constantinum Joannis Imperatoris Constantinopolitani filios, Henricum & Fridericum fratres Reges Castellanos, Sarracenis; & Christianos alios plures paganorum & gentilium operà in expeditionibus bellicis usos fuisse: illo crudeli Blasio Monlucio, qui fere semper famulatio carnificum (quos vulgus appellabat les Laquais du Monluc) cingebatur, insuper dictitante, ex quolibet ligno contra hostem fingi debere sagittas, & se vel omnes infernales Dæmonum legiones in perniciem illius, qui sibi periculum creet, evocaturum esse: sed hic idem Monlucius conscientia vellicante gratiam temerarii dicti Deum precatus statim subjunxit, Dieu me le pardoint; passus præterea,

Vide ad hanc rem Alb. Gentil. de jure belli lib. 3. cap. 19.

Blas. Monlucius Commentar. lib. 1.

præterea, post illam immemorabilem Muhametis & Christi confarreationem Gallorum res non habuisse melius. Quin etiam Antonius Pratenfis, Franciæ Cancellarius, fæderis inter Regem suum & Solimanum initi capita manus suæ subscriptione confirmare constanter recusabat; quòd totum hoc negotium & ad Regis & ad universæ Reipubl. Christianæ ignominiam & damnum vergere judicaret. Certè DEI ἐκδο-
χον ὄμμα impiam istam confæderationem torvum aspe-
xit. Nimirum

Casp. Ens Epidorpid. lib. 1.

quotidie ille scit, quis hic quærat malum, qui hic litem adipisci postulat perjurio: mali res falsas qui impetrant apud judicem, iterum ille eam rem judicatam judicat: majore multa mulctat, qui litem adferunt: bonos in aliis tabulis exscriptos habet.

Plaut. in Rudente.

Ecce enim vindictam divinam lento quidem passu incedentem, sed peccata parentum vel in liberis tandem animadvertentem, & tarditatem pœnarum gravitate probè compensantem. Namq; etsi aulici quidam Placentini, qui quoslibet impios Principum conatus instar divinarum sanctionum venerari, et aliis ad assensum et obsequium minaciter inculcare solent, inter adversa Francisci I. Regis fortè numerent; quòd ejus emissarii Cæsar Fregosius, & Antonius Rinco, uterq; transfuga, ille Genuensis Germanici, Hispanus iste Hispanici Imperii subditus, quiaper Italiam contendebant Constanti-
nopolim, ut novas res cum Sultano molirentur;

H. Kirchner. in Legato l. 1. cap. 8. num. 18. &c.
G. A. Enenckel Baro, in l. 2. Thucyd. n. 98.

in Insubria trucidati fuerint: in quo facinore jus gentium violatum esse nemo sobrius Politicus, nemo juris publici bene consultus mihi persuaferit; cum proditores illi nomine & jure legatorum contra Dominum ac Cæsarem suum Carolum proficisci haud potuerint; deinde furtim & occultè transcurrerint per Insubriam cum exulum comitatu, quod ipsum capitale est ejus regionis consuetudine: tamen videri potest, omnia regis illius infortunia extremâ & supremâ felicitate prorsus obscurata & sublata fuisse: cum is ære alieno omni exoluto moriens amplius millies sestertium, id est, decies septies centena coronatorum millia in ærario publico reliquerit; præter tributa ac vectigalia, quorum dies venerat; imperii insuper finibus Mediolanum usque prolatis, & pace terrâ mariq; cum omnibus finitimis pactâ. At simul ac Henricus filius mortuo patre regni gubernacula suscepit, sensim omnia mutaverunt; & priori felicitati parvula quidem, duarumq; tantum literarum, sed longè infauistiſſima syllaba accrevit. Novus enim Rex non modò annis paulò minus duodecim omnes opes pessumdedit, Republicâ ære alieno usque adeò oppressâ, ut amplius decies millies sestertium deberetur, accisis etiam imperii finibus, Insubriâ, Corsicâ, & Allobrogum provinciâ amissis; sed & ad Dianæ Pictaviensis, superbi & impotentis animi fœminæ, quæ philtis & magicis artibus sibi illum devinxerat, prostitutus libidinem, omnia pacis ornamenta, regni robur, florem & decus reliquum fidemq; decoxit; demum inter

Sleidan. lib. 14.

Bodin. de Re pub. l. 2. cap. 4. & l. 5. cap. 4.

Summa fuit ex rationibus publicis expressa, quadraginta tres milliones, C C C C. L X X X I I I. millia, D C C C. XXXIX. libræ Turonenses.

Thuan. hist. lib. 3. & 22.

inter nuptialia orgia & hastiludia in ludicro duello, ita numine justo volente, quòd ille serium inter Vidum Cabotium Jarnacium, & Franciscum Vivonum Castaneum, duellum, rem Christianâ religione vetitam, infauſtis regni auspiciis adprobasset, à Gabriele Comite Mongomerio casu extinctus; relictis filiis penè pueris, sub uxore vidua Catharina Medicæ, pessimam faciente medicinam, & factionum pocula, quippe quæ inter filios neque tutam pacem, neque pertinax odium ferre poterat, nimis profusè miscente. Successit Franciscus II. non tam adversâ valetudine, & pravo ab infantia corporis habitu, quàm tumultu Ambrosiano jactatus; mancipium Guisianorum: qui homines privatis cupiditatibus lenocinantes, & ærario exhausto omni ratione vel cum aliena injuria supplendo intenti, cum ex cunctis fere regni provinciis ad novum regem confluerent, qui debita, remunerationes, beneficia exigebant, præfracti juxta et inhumani importunas illas petitiones unicâ responsione expungendi consilii auctores fuere; ut patibulo erecto edictum ille proponeret, quo injungeretur, ut omnes, cujuscunque conditionis essent, qui quacunque de causa vel debiti, vel remunerationis, aut beneficii à rege impetrandi, in comitatu essent, intra XXIV. horas aulâ excederent; nî parerent, ignominiosè patibulo suffigerentur. Franciscum, qui nondum exacto decimo octavo ætatis anno mortalitatem expleverat, alter frater Carolus IX secutus est: cui Hospitalii Cancellarii ore in primis Comitibus à fratre præter plo-

Thuan. hist. lib. 3.

Thuan. hist. lib. 23.

Thuan. hist. lib. 6.

Thuan. hist. lib. 27.

rare nihil sibi relictum conquerenti condolare possemus, nisi ipse excitatis civilium bellorum carnificinis sacra profanis, cœlum terræ miscendo, causam subditis perpetuò plorandi & calamitates suas lugendi dedisset: supremâ tamen voce charitatis erga suos indice testans; gaudere se, quòd in ea ætate moriturus nullos liberos regni hæredes relinqueret; quippe qui proprio exemplo abundè expertus esset, quàm misera regum puerorum conditio existeret, quàmque deplorandus regni status foret, cui pueri turbatâ republicâ præessent; & de fratre Henrico sic existimans, futurum, ut is de se conceptam non solum Gallorum, sed & externorum Principum expectationem aliquando frustraretur. Quod livore dici ab ipso tunc creditum, cum favoris & gratiæ omnium ordinum in fratrem concursus non sine occulto morsu cerneret; non prorsus falsum fuisse postea eventus demonstravit. Siquidem Henricus profugus ex Polonia, quod ipsi regnum postea Poloni abrogaverunt, quamprimum rediit in patriam ad capeendum hereditarium imperium, mox tristi exemplo suo fidem fecit illi verbi Xenophontis; ὁ πρῶτος μέγας ἔργον εἶναι τὸ καλῶς ἀγεῖν; & Diocletiani adhuc dum privati; Nihil difficilius esse, quàm bene imperare. Et adjuvabat ille statim ab imperii initio malè ominantium opinionem, moribus admodum à Gallorum indole alienis: cum non, ut decessores ejus consueverant, regio more se populo visu facilem & dictu affabilem ostentaret, sed plerunq; cibum sumens septis ante mensam

Thuan. hist.
lib. 57.

Xenoph. l. i.
Pzd. Cyri.
Fl. Vopiscus in
Aureliano.

mensam positus cunctos accessu prohiberet, ac post prandium audiendis supplicibus properanter defungeretur, Thuan. hist.
interdum intra privatum conclave se contineret, raros lib. 58.
eosq; juvenes neque ullo digno operæ pretio gratiam ejus promeritos ad colloquium admitteret, proceres & meritis subnixos excluderet, majestate regiâ & vetere disciplinâ paulatim in fastum & mollietiem solutâ. His accedebat impotens effundendi cunctaque perdendi libido, constituto dignitatibus primariis & præfecturis militaribus immodico pretio; quò eas à dignis, & qui virtutis ac fidei ergo illas à regibus meruerant, mercaretur, atque in indignos transferret. Crescebat æs alienum in illamorum intemperie mirum in modum, & in dies magis magisque; & quod jam in Comitibus Blæsensibus, An. Chr. Histoire de
1579. habitis quadrages millies, sive centum auri dern. troubles
liv. 1.
milliones excedebat: (ita enim Rex tunc ad regni ordines loquebatur, d' adviser au moyen d' acquitter la Couronne engagée à plus de cent millions d'or) & quod omnes regni calamitates & misérias adhuc multò superat, summopere cruciabatur capitali & contumacissimâ animorum ac voluntatum inter subjectos distractione. Quibus horrendis malis sanandis cum impar esset Æsculapius, tantisq; monstris eradicandis impar esset Hercules, & severa atque regiâ magnanimitate digna adversus invalescentem contemptum & occultas familiarium machinationes in tempore non applicaret remedia; teterrimum tandem

tandem, & quantum Gallia sustinuit unquam sacerri-
mum *LIGÆ* monstrum, pessimo imminuta & con-
culcata majestatis exemplo, suo assensu formavit, omni-
busq; viribus in suam propriam & communem reipu-
blicæ perniciem, imprudentissimè armavit; cum abomi-
nabilis & portentosa bestia illa sub speciosissima Re-
ligionis & boni publici persona exinde, non ut serpen-
tentes *Indici* solidos cervos taurosq;, sed totas pro-
vincias & populos abliguriret: cum illa instar hyænæ,
sermonem humanum inter pastorum stabula a simulan-
tis, nomenq; alicujus addiscentis, quem evocatum foris
laceret; regis salutem ac subditorum incolumitatem,
proditoriè mentiens, illius auctoritatem, & istorum fi-
dem ac obsequium cum omnium præsentissimo discri-
mine cardinibus sic emoveret, ut isti illum quibuslibet
famosissimis dictariis & libellis dilaniarent, Magum,
Sathanæ discipulum, (monstrantibus è suggestu ima-
gunculam sacrificis, & illam idolum Diaboli esse, quod
tyrannus adoret, dejerantibus) appellarent, ad Chilperi-
cum in monasterium relegarent; infantibus quoque in
precolarum recitationibus ejus memoriam execrari
jussis. Atque Parisienses ut docerent, quousque scele-
ra progredi possent, illum Regem suum indulgentissi-
mum, & ad superstitionem usque religiosum, urbe pel-
lunt, per Inferni prolem, Jacobum Clementem, te-
ctum cucullo sicarium, ad Clodoaldi pontem occidunt,
atque ita Valesiam familiam (ecce vindictam divi-
nam!) delent totam; tantò detestabiliore scelere, quòd
prius

Plin. hist. nat.
lib. 8 c. 14.

Plin. histor. lib.
8 c. 39.

Le Catholicon
d'Espagne. L.
histoire de
dern. troubl.
lix. l.

Frere Jacques
Clement.
d'avy, ap.
c'est l'enfer, qui
m'a créé.

prius monachum amplissimis præmiorum, divitiarum,
insule Episcopalis, galeri Cardinalitii, & præroga-
tiva in Paradiso super aliorum beatorum conditionem
eminentis, promissionibus ad facinus parricidale auda-
cissimè perpetrandum nequissimè animaverunt; &
deinde parricidæ confossi imagine ædes decorave-
runt; eundem in Martyrum & Sanctorum numerum
recensitum superstitiosè coluerunt; omnibus, qui san-
guine ipsi junctierant, publicà pecunià & stipe libe-
raliter ditatis. Percussus erat Rex ante aliquot an-
nos, cum jam illa Ligæ conjuratio passim glisceret in
regno, memorabili somnio. Nam visus sibi fuit per
somnia à leonibus laniari: quod ille de leonibus, quos
more inter reges usurpato in area Luparæ subjecta ale-
bat, interpretatus, statim eos à stationariis, suppresso
nihilominus somnio, scloppetorum ictibus interfici jus-
sit. Id mirati initio pleriq;, qui causam ignorantes,
ubi ex amicis in arcano resciverunt, somnium longè
aliter ac verius interpretati sunt; cum Regem à mise-
ris leonibus, quos caveis conclusos tenebat, securum
degere, in factionis jam adultæ duces, qui jam tum Re-
gis laniæ multorum judicio fati destinabantur, in-
spicere potius debuisse, si mens non læva fuisset, palam
dicerent. Ceterum licet illa nefaria Ligæ conjuratio
postea felicitate, sapientià, & fortitudine Henrici
IV. ad incitas & restim redacta, postremò profligata
& penitus dissipata jacuerit: tamen quod interdum in
pestilentia contingere solet, ut etiam exuvia agroto-
rum

Thuan. hist.
lib. 78.

Quand Italie
sera sans poison,
France sans tra-
hison, Angleter-
re sans guerre,
sera lors le mon-
de sans terre. ita
proverbiū
habet.

rum veneno afflatae longo tempore post creent periculum; ita Ligæ purgamenta tam diligenter everri non potuere, ut non corripuerint turbam levium Gallorum bene magnam; qui patriæ funus gratioribus oculis, quam solem aspicientes, illi maximam capitis in ipso capite deminutionem, per tot bella, tot conspirationes, tot insidias, tot Barrerios, Castellos, Bironios, intentando, inexpiabile crimen concipere ausi, multoties quidem speratis successibus exclusi frustra fuere, donec tandem perditissimus Engolismensis Alastor Ravallacus, cultro impacto, nefaria & clandestina molitione, in omnium letitia, inter gratulantium certamina, in alta pace, Henricum illum, illud os augmentum, illud sacrum pectus extinxit, & Gallorum oculis eripuit, nescio an aliquid simile domi unquam visuris. O prodigium, non hominem! O monstrorum cubile Engolismiam! Oparricidarum hospitium Lute-
tiam! O nomen Henricorum infaustum!

Il ne faut plus nommer HENRYS le Roys de France,
La mort par deux cousteaux, & un esclat de lance,
A tué trois Henrys: l'un joustant à cheval,
L'autre en son cabinet, le tiers en son carosse.
Cinq Roys du nom de IACQUES (a) ont fait croire:
à l'Escoffe,

Qu'il y a dans le nom quelque secret fatal.

Verum enimvero facessere hinc jubeamus Impietatem: & aliam Galliarum Exynnin, quæ Injustitia est, ad

(a) Quinq. Reges Scotia, IACOBI, omnes violenta morte ante diem perierunt. II à conjuratis in cubiculo trucidatus est. II à machina violentia ignis, interne furentis, excusso cuneo ligneo, in terram dejectus, exanimatus est. III à subditiis interfecit: unus est, Ordines regni factum approbantis. IV in pugna contra Anglos vitam amisit. V Veneno sublatum est. Petr. Matth. in Hist. Henr. 4. lib. 6. narr. 2. Paul. Jovius in Scotia. G. Buchananus in Histor. Scot. pag. 4m.

ad censuram paucis vocemus. Illa autem tot atrocibus passim grassatur flagitiis, tot sceleribus & iniquitatibus texendis noctes diesq; impendit solertissime dolosa, ut prima Furia huic collata fere perdat nomen primæ, & haberi possit secunda; adeoq; facinorum & stropharum enumeratio non exiguum sit paritura molestiam,

tempora si fastosque velis evolvere mundi.

Horat. l. i. sat. 3.

Hæc secunda tamen ambitiosissima est, & gaudet sanctissimo Justitiæ salutaris & honorari nomine: quo eam etiam summo studio palliant ac imperiose venditant fucati & nequam magistratus bene multi; qui auctoritatem juris præferentes omnibus fraudum, & mille novarum exactionum decipulis circumveniunt; opprimunt, tondent, & sic excoriant populum inopem & pauperem, ut vix oculos ad deslendum, vix linguam ad enarrandum propudiosa justitiæ miracula habeat integra. Quod ipsum publicæ furatrinæ artificium in illis patrimoniorum depeculatoribus cum dolore advertibat nuper oculatissimus Rex, Henricus IV, cum queritaretur; duplex tributum à subditis exigi; unum pro Rege, alterum pro Officialibus; sed primum per secundum fieri intolerabile; vixq; caveri posse, quin & Rex & subditi simul exspolientur. Quam in re illustre fecit tyrocinium superioribus bellis civilibus quidam Præses curiæ Normannorum; qui jussus aureorum XXX. millia iis, qui Protestantium religionem profitebantur, extra ordinem

Lanovius disc. 1.

Petr. Matth. in histor. mortis Henr. 4. G. R.

Bodin de Rep. lib. 3. c. 4.

Mm 2 impura.

imperare, ipse cum hanc procurationem sibi decerni petisset, trecenta millia extorsit; præmia poposcit, & tulit etiam pro temporum calamitate maxima. At verò cum Injustitiæ in Galliis quamplurima sternant latam viam, nihil tamen meâ sententiâ malo sponte surgenti plus confert virium ac roboris, quàm illud, quod per aulicorum avaritiam pessimo more invaluit, nempe ut Justitiæ magistratus passim turpissimâ nundinatione prostent, & infamî auctiori publicâ autoritate subjiciantur. Cui licet quidam auri sacrâ fame profanati ab blandiantur, ante hos triginta annos publicè professi, ex venditionibus officiorum, viginti annorum curriculum, in arcas regias centum & undequadraginta milliones libellarum, sive circiter quadraginta sex milliones coronatorum illatos fuisse, atque hoc ipsum ita legitimè & laudabiliter fieri exemplo Venetorum tueri conentur, qui cum in bellum, quod inter ipsos & Ludovicum XII. Gallorum Regem gestum est, supra quinque milliones ducatorum prodegissent, ut exhaustum ærarium denuò replerent, & ipsi quasi sub hasta publicis venditionibus officia & magistratus proscripserunt, unde centum milliones postea corrasisse feruntur: naturæ tamen quodam ductu hoc est consequens, ut tam prodigioso mercimonio probis antelati nequissimi, prudentibus imprudentissimi, doctis indoctissimi, ex justitia ipsa rem faciant promercalem: cum quæ emeris, vendere juris gentium sit. Sicut enim lanii bovem, uno pretio emunt, quem post in macello per partes mul-

Histoire de
dern. troubl.
lib. 3. p. 81.

Fr. Hotomanus
in Franco-Gal-
lia. cap. 27.

tis

tis pretiis distrabunt: ita & qui magistratum uno comparat pretio, eundem quoque veluti per partes postea in administratione, singulis jussu officiumve postulanti- bus, tot pretiis sine ullo conscientie scrupulo divendere solet. Nam si Præses aut Procurator Generalis duodecim, quatuordecim, aut viginti millia librarum sive Francorum in emptionem magistratus expenderit: (modò pretia hoc tempore non sint majora. car la vente des offices aujourd' huy est montée à sa periode.) nisi talis emptor contemptor sit pecuniæ & familiæ dissipator, procul dubio in omnes occasiones evigilabit, quò lacunam marsupii unâ grandi emptione factam plurimis deinde muneris sui venditionibus iterum cum lucro explere possit. Lex quidem est sanctissima & vetustissima, ab Imp. Theodosio & Valentiniano lata, omniumque populorum usu firmata, ut nemo ambitione vel pretio ad honoris insignia promoveatur, & magistratum auspiciaturus publicè jusjurandum det, se nihil eo nomine neque per se neque alium dedisse, aut promississe: in Gallia autem quamvis illud ipsum juramentum omnibus magistratuum mercatoribus in omnibus Parliamentis deferatur; plenissimâ tamen perfidiæ confidentiâ accipitur, conceptisque verbis præstatur: cum pauci admodum, ac propè dicam nulli, totâ Galliâ monstrari possint, qui præsentî pecuniâ officium ac jurisdictionem non sint mercati. Atque ut ingeniosa est avaritia, etiam cum bonorum oppressione; sic

fans scrupule
de conscience
on vent en de-
tail la justice,
qu'on a acheté
en gros.

Anti-Macchia-
vel. lib. 3. c. 35.

Mercure Fr. lib.
5.

l. ult. C. ad l. Jul.
repetundar.

Fr. Hotoman.
d. l.

Mm 3

hæredi-

Mais la Paulet-
te est revoquée,
ostée, & abolie
par le Roy
Louis XIII.
l'an. 1615. Claud.
Malingre en l'
histoire de Lou-
is XIII. p. 580.

Thuan. hist.
lib. 60.

Hist. de dern.
troubl. liv. 4.

hereditario transmittere in indignos satagit plurima
judiciaria & quaestoria munera Edicto Pauletæ: cui
à Pauleto quodam nomen & fama, cum illis usitatis
loquendi formulis, Iay Pauleté, & ay payé la Paulet-
te, erunt immortalia. Quare Elisabetha Regina,
Caroli IX. Regis uxor, Imperatoris Maximiliani
II. filia, virtutis & integritatis Germanicæ vel in-
juvenili ætate, & inter Gallos, retinentissima fæmi-
na, cum defuncto marito reditum ad patrem in Ger-
maniam pararet, & donationis propter nuptias, quæ
amplissima ei in Boiis & Segusianis attributa erat, ad-
ministrationem Petro Gondio Parisiensium Episco-
po & aliis viris probitatis perspectæ committeret; pu-
dendam illam honorum & officiorum mercaturam
detestata, istis speciatim in mandatis dedit, ut mune-
ra publica, ac eorum inprimis, qui jus dicunt, viris
idoneis, de quorum integritate nullum sit dubium,
nullo accepto pretio concederent: quod & religiose
observatum est, laudando potius quam imitando Gal-
lis exemplo. Neque verò sperandum est, illam ar-
tem Injustitiæ institutoriam meliorum & incorrupto-
rum magistratuum subrogatione facile emendari pos-
se: cum judicum, advocatorum, procuratorum, scri-
barum, accensorum, & reliquorum vultuum toga-
torum, forensi latrocinio misellorum clientum patri-
monia deprædantium (in Justitiam enim à populo fa-
cti sumptus bis superant regni exactiones & vectiga-
lia, ut Archiepiscopus Bituricensis in Comitibus Blæ-
sensibus

sensibus An. Chr. 1588. calculum subducebat) mul-
titudine tam sit immanis; ut muscarum, culicum, pu-
licum, pediculorum, lendum, tinearum, erucarum,
acarorum, cimicum, & id genus bestiolarum, homi-
nibus divexandis natarum, examina æquare videat-
ur; & quæ vel decem mundi optimè compositi turba-
ri & corrumpi possint. Equidem hodie Rex Gal-
liarum, etiam Stephani Paschasii, Galli, eruditif-
simi simul & integerrimi viri opinione, citius & mi-
nori negotio domi collegerit ducenta millia scriba-
rum (de chiquaneux & gaste-papiers, suivans l'estat
de la plume) quàm militum millia vel triginta tan-
tum. Et Vvolfgangus Prischachius, aut quicumque
tandem Gallus sub isto nomine, ut in sicarios Pari-
sienses veritatis stylum stringere posset liberius, late-
re voluit, arbitratur; in unica Galliæ Lutetia
plures numerari rabulas, quàm in universa Germa-
nia, quæ tamen duabus partibus Galliæ major esse
memoretur. Et hoc pertinet illud nobile scili-
cet forensium declamatorum & rabularum enco-
mium: quod vix in omnibus Europæ regionibus &
imperii simul omnibus tot lites, quàm in uno Gallia-
rum regno concreverint: imò nullum sit caput le-
gis, nullum verbum, nulla syllaba, nulla lite-
ra, ex qua Galli argumenta aut vera, aut veri-
similia, ad litium propagationem exprimere non
possint. Ac meminit Bodinus cujusdam judicis, pro-
pter vitæ infamiam postea relegati, qui novis legibus
inhians

Vide Claud.
Scyffellium de
Monarch. Fran.
G. Budæum in
Pandect. Fr.
Hotoman. in
Franco- Gall.
cap. 27.

de Recherch-
de la Fr. l. 1. c. 3.

in Resp. adorat.
habitam apud
Helverios.

Bodin de Rep.
l. 6. c. 2.

De Rep. lib. 6.
c. 6.

La France a
plus de loix,
que tout le re-
ste du monde
ensemble. Mon-
tan lib. 3. c. 13.

Dom. Baudius
cent. 1. Epist. 2.
p. 6.

Le Mercure
François liv. 6

inhians, cum in Curia lex aliqua promulgaretur, dicere solebat; Hec præsto sunt lites, & aureorum cumuli. Neque verò minori periculo Justitiam involvit, & amplexibus suis penè enecat immensa & incredibilis legum multitudo; quâ Gallia sola anteit & vincit reliqua Orbis imperia & regna universa. Atque hoc legum diluvium comitantur judiciorum in eodem argumento pugnae, arrestorum *ἐναγίωσις*, subtilitatum griphi, consuetudinum farragines, opinionum cerebri- na aequitas: & quæ pestis est singularis, legum & Senatus consultorum etiam optimorum aut brevissima aut nulla observatio. Et profectò nihil tam parabilis copiae est, ac fere dixerim tam publicæ mercis, quàm rescriptum impetrare super libello *αἰαψήλαφῆσεως* seu revocationis arrestorum. Ut jam suprema Galliae curia, cujus olim sacrosancta auctoritas erat, nihil prope- modum ex pristina majestate retineat præter umbram magni nominis & inania dignitatis: & constitutiones regiae, quibus tamdiu stetit hoc imperium, pompæ tantum & ostentui sint, ac vel inusu, vel contemptu paulatim exolescant. Quem edictorum decretorumque et legum neglectum etiam Legatus Venetus, ingeniosius an acris incertum, perstringebat; cum Henrico IV. Regi pro decreti alicujus Veneti abrogatione verba facienti responderet; Domine, inquit, Senatus Venetus diu deliberat, antequam decernat: sed quod decrevit, revocat nunquam. Cene font pas cris de Paris: Venetorum decreta non sunt Parisiensium proclamationes.

nes. Et nonne idem Rex in visceribus suis postea sensit eam Galliae Curiarum incuriam & parricidalem in exequendis regis sententiis torporem? Etenim cum Rex Henricus II. animadverteret olim, Lutetiae viam Ferroneriam, quâ ex arce Lupara ad Turriculas transiri solet, justo esse angustiores, edicto sanciebat, ut omnes officinae et substructiones, quæ transitum impeditiorem reddere poterant, diruerentur: quod licet ratum habuerit Parlamentum Parisiense, tamen quia executione fuit frustratum, nefario Ravallaco in Henricum Quartum illac cisisio vehementem, & ob plaustrorum occursum sapius morulas facientem, facinus dudum conceptum perpetrandi occasionem denum præbuit. Sed quemadmodum in tempestuoso mari nulla particula à commotionibus libera est, nihil ibi quietum, nihil stabile; unda trudit undas; & quæ navis anchoris nixa prius circumspiciebat læta diffusum sine terminis æquor, nunc ea inter altissima fluctuum præcipitia cum naufragii periculis luctatur, nec eluctatur: sic Gallia illo pravitate oceano inundata tota, inter mille voragines, inter scopulos mille, hoc unum solatium habet reliquum, nullam sperare salutem. Ita domi justi sunt Galli. Quales sunt foris? Nimirum ut morbus Gallicus familiaritate & consuetudine Gallorum longius progressus in plurimis extra Galliam locis sævitiae suæ stigmata inussit: ita si quando Galli regna & provincias subegerunt, quod factum est aliquoties, non minus immaniter & injustè

Nn
semper

Perr. Matth. in
hist. mort. Hen-
rici 4. G. R.

semper se gessere; sic tamen, ut pari fortunâ cum eorum cognomine morbo, tandem ignem, ferrum, & omnia ultima remedia passi sint; nihilq; foris præter suorum funera, cadavera, sepulchra, & infamem memoriam reliquerint. Quod demonstratu per est proclive Annalium memoriam retexenti; creditu per facile audienti: sed aurium vestrarum patientiam tentabo, Auditores. Carolus Andegavensis, Sancti Ludovici Galliarum Regis frater, à Papa, magnificentissimo alieni largitore, utriusque Sicilia regno donatus & Ψευδοβασιλεὺς factus; cum perfidiâ Nobilitatis Apula & plerorumque regni incolarum succollante, Manfredi Rege debellato & occiso, rege puero legitimo herede Conradino, & ex Hobenstauffensium Imperatoria familia ultimo, jam victore, per insidias Alardi victo, & à piscatore prodito, & unâ cum Austrio Duce Friderico carnificis manibus obtruncato; O tyrannum!

Nauclet. vo-
lum. 2. generat.
43. Cruf. An-
nal. Suev. part.
3. lib. 2. cap. 19.
16. 17. 18. 19.
Philip. Mornæ-
us in Historia
Papatus.

Marc. Guaz. in
Chronicis.

Consultus Pa-
pa respondisse
fertur, Vita
Conradini,
mors Caroli:
mors Conradi-
ni, Vita Caroli.

Quis talia fando
temperet à lacrymis, luctumque coherceat al-
tum?

Veramente di sasso sarebbe colui, che non fusse da un tanto crudele esempio commosso; che un Re tanto generoso, & da tanti Cesari derivato, & un Duca tanto valoroso, & amendui giovenetti, fussero tratta- ti vilmente con sommo vituperio; & poi senza alcuna ragione per consiglio di Papa Clemente quarto decapitati: Saxeus, ait Italus, esset, cujus animum tanta

tanta crudelitas non frangeret, in Regem generosissi- mum tot Cæsaribus ortum, inque Ducem fortissi- mum, eosque ambos ætate adolescentes edita: qui pessimo & infami ad omnem posteritatem exemplo vilissimè habiti, dein inclementissimo Clementis IV. consilio securi percussi sunt: Ille Carolus, ille Petri Aragonici Regis elogio, Nerone Neronior, & Sar- racenis crudelior; cujus truculentiam gener ipsius Robertus Flandria Comes eâ ferebat impatientiâ, ut protonotarium Robertum Barium, qui è cathedra capitalem sententiam tenuissimæ conditionis homo, ad- versus tantæ excellentiæ Principes pronunciaverat, tanquam vitâ indignum, ense confoderit: Ille, in- quam, Carolus cum omnem Sicilia utriusque ditionem cepisset, magistratus ex popularibus suis Gallis ubique constituebat, qui jura dicerent, et provinciæ præessent: quod officium illi ita obibant; ut fastu, luxuriâ, crude- litate opplerent omnia, insolita vectigalia imponderent, intolerabilia tributa exigerent, fœminas nobiles et opu- lentas ad matrimonia adigerent, nuptas adulterarent; sub prætextu laneorum substragulorum, quæ Judæi ac cæteri pro viribus facultatum militibus & ministris regis curiæ jussu exhibere tenebantur, domos ingressi, suppellectilem omnem excuterent, mulieres impudicè tangerent, in cives non aliam ob causam, nisi quia lau- tioris fortunæ essent, proscriptionibus, relegationibus, l morum publicationibus, infremerent. Verum Siculi XVII. annorum tyrannidem composito animo, inter

Pandulf. histor.
Neapolitan lib.

Thom. Fazel-
lus de reb. Si-
cul. poster. de-
cad. lib. 8. c. 4.

N n 2 murmura

murmura tamen tacita perpeſſi, ſimulac illos primum Zelotypiæ ſenſus inceſſit; tum quoque indignari, excandescere, concurrere; conſilia, arma, bona & ſanguinem in Gallorum excidium conferre caperunt. In primis ad Nicolaum III. Pontif. Max. mittunt legatos, qui eum tali exordio aſſati: Miſerere mei fili David: Filia mea malè à Dæmonio vexatur: ad Gallorum feritatem & petulantiam compeſcendam longâ ſerie recitatis criminibus excitant: inde per Johannem Prochyta etiam Palæologum Imperatorem Conſtantinopolitanum, et Petrum Aragoniæ Regem, ſibi contra Carolum conciliant; & deniq; communibus ſuffragiis conjurant, de omnibus Gallis in tota Sicilia, nullo ſexus, ætatis, conditionis, diſcrimine habito, uno eodemq; tempore, cum primum circa veſperam campanæ ſignum auditum fuerit, improviſo occidendis. Igitur Anno Chriſti MD CCLXXII.^{mo} Caroli verò regni XVII.^{mo} 3. Kalend. April. ad æris οὐρανὸν per totam inſulam pulſum Siculi in Gallos nil tale unquam veritos ſummâ violentiâ & uno quaſi impetu derepente inſurgunt; omnibus, qui quidem arma ferre poterant, Monachis quoque, punctim cæſimq; rem agentibus: quâ re ultionis ardori ſic indulgebant, ut etiam prægnanteis exenterârunt, & parvulos (ne quid Gallici generis ſuper'eſſet in Sicilia) ſaxis illiſerint; bihorii tantum ſpatio octo Gallorum millibus interfectis. Hæc, Auditores, Gallorum in Sicilia fuit juſtitia: hæc licentiæ diu exercitiæ fuit remuneratio: hæc dæmonii

filiam

filiam exagitantis fuit proſtigatio: hic proverbio celeberrimus fuit Siculus Veſper. Et quis ambigat, ſi Galli vel ſexcenta imperia ſubjugarent, quin ubilibet Veſperum Siculum ſint habituri? Equidem vicini quid in Gallos machinaturi eſſent, Attrebatum docere poſſit: quo à Rege Ludovico XI. expugnato & in poteſtatem redacto, multi ex civibus maluerunt ſuſpendium ſuſtinere, quàm dicere, Vive le Roy, Vivat Rex. Quid dicam de Franciſco Alençonio? Ecquod juſtitia monumentum, ecquam fidei, integritatis, & clementiæ memoriæ reliquit ille Belgis ſuis? Credebatur primum à Rupellanis, Montalbanenſibus, Ne-mauſenſibus, & alijs Proteſtantibus, quaſi Hercules novus, (& erat id ei olim nomen) ad mala pellenda & monſtra Galliæ debellanda è cælo in terras demiffus eſſe: ſed quia is domi faſtum & ambitionem ſaturare non poterat, captatâ ex turbis Belgii, cui jam pridem inhiabat, occaſione, protinus ad Ordines, qui à Philippo II. Hiſpaniarum Rege defecerant, Fugereum mittit cum mandatis, quibus ſe ſuamq; operam & opes prolixè deferebat. Interea VIII MD peditum, & MD equites ex voluntaria Nobilitate conſcripſit: quibus cum ſtipendium non numeraretur, immane quàm ſævâ ubique graſſati ſunt licentiâ, ne Nobilium quidem domibus per agros parcentes; patiente Rege Henrico III, qui fratrem quâvis conditione cum ſequacibus ſuis extra regnum eſſe percipiebat; nec illi tanquam auxiliares, ſed quaſi infeſtiſſimi hoſtes Belgium

Nn 3 ingreſſi

Mich. Montau.
lib. 1. cap. 40.

Thuan. hiſtor.
lib. 61.

Thuan. hiſtor.
lib. 66.

ingressi sunt. Intellecto autem exlegatis, quos deinceps alios miserat Alençonius, adventum suum Belgionon ingratum fore; venire nihil cunctatur, & quantum potest iter maturat. Sed antequam profisceretur, ex compacto cum parente regina ad levandam invidiam, dissimulatis veris causis, (Solenne enim hoc est imperiorum invasoribus. Et ô quoties hanc fabulam jam spectat hic orbis? Quoties in hanc scenam novi prodeunt histriones?) specioso programme enarrat & testatur, procerum & ordinum Belgii rogatu se invitatum esse, ne provinciam Hispanorum tyrannide tamdiu vexatam, & olim coronæ Franciæ beneficiariam, in tantis calamitatibus defereret. Et verò quamvis dissuadente carissimâ matre ceterisque Principibus, eorum preces contemnerenoluisse, sed boni Principis officium se facturum existimasse, si honorificis adeo conditionibus oblatis in tam necessario bello occasione non deesset. Nam suum hoc votum ac desiderium unicum esse, non ut rebellanteis adversus legitimum Principem populos protegat, verum ut pacem concordiamque ordinum tueatur, & quæ per superiorum temporum injuriam perversa sunt corrigat, atque antiqua privilegia ac libertates conjunctæ Gallico nomini nationi operâ suâ conservet. Proinde Deum se obtestari, non avaritiâ aut ambitione, vel convellendi cujusquam imperii desiderio, sed officio tantum & adflicte adeo provinciae commiseratione stimulat

tum

tum hoc bellum suscipere. Post hæc, cum certis conditionibus cum Ordinibus transsegisset, Defensor Belgicæ libertatis promulgatus; & Arausionensi annitente autoreq; biennio post (An. Chr. 1580.) in Principem Belgii electus est: Henrico Rege in gratiam fratris non solum ad Belgicum bellum magnam pecuniæ vim concedente, sed etiam ad delectus, quos novus Princeps per regnum habiturus esset, dissimulaturum se promittente, lege tamen additâ, ne sibi in bellum contra Hispanum in Aquitania proxima Navarri hoc ipsum urgentis ductu gerendum consentiendi necessitas imponeretur. Etsi verò Henricus Philippo Hispano ea dere per Oratorem expostulanti se excusaret, causatus, à fratre illa omnia se invito fieri, & injussu suo Nobilitatem extra regnum militare: tamen sic Philippo minimè responsum, nedum satisfactum est; qui inde etiam ad antiqua consilia de rebus in Gallia turbandis odium irreconciliabile adjecit, quo tandem occasionem nactus ad florentissimi & potentia suæ æmuli regni perniciem defunctus est. Alençonio postea ex Anglia, ubi totam hyemem apud Elisabetham inter hastiludia ac nocturnas pompas, nuptiarum fiducia, de quibus jam tabulis confectis convenerat, erat moratus, in Belgium appellenti, triumphales & sumptuosissimi ac planè regii honores Vlissingæ, Mildeburgi, Bruggis, Gandavi, alibi, exhibiti sunt; & potissimum Antuerpiæ: ubi cum in capita Læti Introitus jurasset, Braban-

Thuan. hist.
lib. 71.Thuan. hist.
lib. 72.Thuan. hist.
lib. 73.

Brabantiae, Limburgi, & Loterii Dux pronunciatus est; Arausionensi, dum ei inter sollemnia togam induebat, hæc verba usurpante: Hoc Principale pallium, quod sumis, arctâ tibi fibulâ nectendum est, ne quis illud detrahare possit. *At enim læti introitus parum memor Alençonius, nec sacramenti religionem diu veritus, mox contra Belgii libertatem tyrannica agitat consilia, & futuri anxius præcipua Belgii loca sui juris facere molitur. Re inter conscios deliberatâ, & functionibus tam infamis executionis distributis; ad diem condictam Eindovia, Dun Kerka, Dismunda, intercipiuntur; Brugis tamen & alibi fraude conjuratorum successu carente. Antuerpiæ occupationem Dux ipse sibi sumpserat, vanâ potiundæ urbis spe ita exultans, ut quasi jam re confectâ jactationi minime temperaverit, & humero Consulis Philippi Schonovii ter percusso subjecerit: Hæc illa dies erit, (erat autem XVI. Kal. Febr. A. Chr. 1583.) quæ inani Principatus imagine deceptum adhuc me deinceps verum rei Belgicæ summumque Ducem imponet. Monpenserijs, Lavallus, ac Rupifulcaudius, quibus tunc primum res communicabatur, facti atrocitate perculsi intercedebant; gentis decus, ex qua ille prognatus esset, non pati, ut claritudini ejus tam fædam labem aspergeret: & propterea parendi necessitatem deprecanti, ut se excusatos haberet, Ducem rogabant. Verum Duce in sententia obstinato, Gallisque jam in urbem ac civeis impetum vertentibus, & modò se ami-*

Thuan. histor.
lib. 77.

cos

cos clamentibus, modò cædem & exitium interminantibus; cives imperterriti generosè sese opponunt furialibus Gallis; & quamvis diversitate religionum scissi, tamen conjunctis viribus pro vita, liberis, uxoribus, in communi causa miscent iras, tanto ardore, ut quibus glandes plumbeæ deessent, animis industriam facientibus, numos marsupijs promptos & dentibus mansos protinus scloppetis indiderint & exploserint. Eventus Gallicæ hujus prodicionis hic fuit: ut Dux amissis cunctis flagitii tam nefarii sociis & ministris, ipse & gentis existimationem, & fidem, & denique semetipsum perdiderit: nuncio postea de casu Antuerpiensi & strage Gallorum in aula & regno variè accepto; illis tamen, qui divinam providentiam profundius scrutantur, justo Dei judicio id tribuentibus, cui perperam dominantium vindicta, & salus bonorum, æquè curæ esset. Tandem Dux sive serâ pœnitentiâ ductus, sive sinistrorum rumorumpertæsus, e Belgio discessit inglorius, & in Castro Theodorici, quod erat ejus ditionis oppidum, IV. Eid. Junias, proximo anno, ex hac vita migravit. Sepeliri quidem voluerat tanquam Brabantiae Dux ac Belgii dominus, cum insignibus illarum provinciarum: sed regii consilarii nequaquam consultum existimârunt, & offensionem Regis Hispaniarum veriti ab illis titulis abstinerunt. Et eandem ob causam patrocinijs Cameraci, quod frater petierat, Rex suscipere recusavit. Mortuum laudavit vir summâ facundiâ & eruditione Reginaldus Belnensis

Thuan. histor.
lib. 79.

Oo

Archi-

Archiepiscopus Bituricensis, olim ipsius Cancellarius, qui res ejus in Belgio gestas à Rege monitus tanquam scopulum prætervectus est, magnitudinem familie & solas de mortalitatis conditione querimonias multis verborum pigmentis exornatas quasi solenne carmen addere contentus. Quis mei Auditores, quis hîc Dei præferendum Alençonii fastum & nimis altos Spiritus desubito deprimentis, justitiam non veneretur supplex? Quis perfidiam & injustitiam Galli Ducis & sociorum non infectetur imprecationibus omnibus? O minimè lætus introitus, quem sequitur & brevi temporis intercapedine tam tristis exitus! O minimè patranda Principibus illa facinora, quæ post aurum mortem aut honoris causâ silentio damnantur, aut cum eorum infamia ad posteritatem eunt! Fidei religionem, ait Bodinus, plerique Principes nullam esse putant oportere, si publica utilitas agitur. Quin etiam tanta est hominum perfidia, ut cum maxime fallere proposuerunt, omnibus execrationibus se se devovere non dubitent: ut Lysandrum dicere solitum ferunt, pueros quidem astragalus, cæteros jurejurando falli oportere. Id tamen Bodinus demonstrare non poterit melius, nisi exemplis è Gallia petitis. Quare cum Henricus Fitz-Alanus Comes Arundeliæ, familiæ suæ ultimus (qui primus rhedarum, quas Coches vocant, usum in Angliam induxit) illos improbos Gallorum mores & illam indolem tempestuosam haberet exploratam, nuptiis reginæ

De Repub. lib.
5. cap. 6.

Plutarch. in
Lysandro.

Guise. en.

ginæ Elisabethæ, quas Alençonius tantopere ambabat, se palam opposuit, professus; GALLOS SIBI MINIMÈ PLACERE; seque à patre in Suffexia Gallis vicina nato edoctum esse, NE GALLIS CREDERET. Verum iterum iterumq; dico, quod dixi sæpius; Gallos fraudibus agere, & fidem publicam, quæ perire non debet, quâdam juris specie à quibusdam legitimis & justis conventionibus sine fronte & nullo pudoris indicio exterminare, vanissimis ratiunculis innitentes; quasi Galliæ Reges, quia regnum non hæreditario jure, sed lege Regiâ obtineant, majorum obligationibus & pactis conventis non vincantur. Sic enim curia Parisiorum jampridem judicavit. Hinc Ludovicus XII, Caroli VIII successor, repetentibus tormenta bellica, quæ Carolus commodatò acceperat, reposuit illud, se Caroli hæredem non esse. Et nuper Franciscus II. Helvetiis patris debita reposcentibus negavit, ad paternorum debitorum solutionem se teneri: siquidem non hæreditate, sed lege Salicâ imperium ad se fuerit delatum: Jasoit, scribit ad istos, que nous ne soyons tenus au payement des debtes faictes par feu nostre tres-honoré seigneur & pere: pource que nous n'avons apprehendé ceste couronne comme son heritier; mais par la loy & coustume generalement observee en ce Royaume, depuis la premiere institution d'iceluy, laquelle ne nous oblige seulement

Camden. in
Annal. Anglic.
A. Chr. 1580.
Thuan. hist. lib.
70.

Florus lib. 3.
cap. 10. l. ult. C.
de rejudic.

Bodin. de
Rep. lib. 1. c. 8.

An. Chr. 1559.

qu'à l'observation des traictés faicts & passés par nos predecesseurs Rois, avec les autres Princes & Republiques, pour le bien & utilité de ceste couronne: toutesfois desirant descharger la conscience de feu nostre dit sieur & pere, nous nous sommes resolus d'acquitter celles, qui se trouveront loyaument deues, &c. *At verò quæ hæc insania est; Principes, qui supra omnes homines sunt, & quorum vitam & actiones alii homines pro vitæ regula & canone observare solent, ab hominum conversatione sic imprudentissimè arcere, & cum levis armaturæ homuncionibus, & tantum non cum Vasconum illis contemptissimis componere velle? Est enim in Vasconia, & præcipuè apud Bigerrones & Benearnenses despectum hominum genus, quos Capots, & variante dialecto Gahets vocant; plerumq; fabri lignarii, vietores, aliisq; mechanicis artibus dediti: quorum commercia nemo non fugit & abominatur; quia creduntur leprâ infecti, & alios inficere: ideoq; oppidis excluduntur, & in suburbia remouentur; in templis quoq; certis eis stationibus, ne odore & halitu suo, quem spirant graveolentem ac tetrum, vicinis sint molesti, assignatis. servorum habentur loco, ne ausi quidem mutire, si quid injuriæ inferatur vel à vilissimo. si quis eorum fortè ditior moriatur; liberi tamen non sunt heredes, nisi rerum mobilium; quas omnes alii tanquam certam luem averfantur. Sed & nos ab hisce Vasconibus sermonem nunc avertamus. An verò ita luscitiosi, aut*

Vide G. A. E.
nenkelium B.
de priv. lib. 3.
c. 11.

P. Merula Conf.
mogi. p. 2. lib. 3.
c. 38.

ita talpæ, & asini sunt Galli; ut non arinad vertant, fide Principis vacillante, neminem cum eo, aut certè invitum gementemq; contracturum? Principe contractus & pacta majorum non observante, vicissim nec illos, qui cum majoribus bonâ fide contraxerunt, promissa isti præstaturum? pariq; ratione contra juris rationem, legatum Principi relictum, qui antequam dies legati cedat ab hominibus ereptus est, ad successorem non perventurum? Quorsum illud Francisci I. Galliarum Regis dictum? Etiam si Fides toto orbe exsularret, tamen Regibus tenendam esse; qui eâ solâ, & nullo metu, cogi adstringique possent. An fides Gallica jam est extorris & exul? Aut, an fides Gallica jam sterile scit, nec fert amplius bona opera? Quorsum etiam illud toties à Gallis jactatum: Reges Galliarum non moriuntur? An reges vivunt, & fides illorum non vivet? An reges non morientur, & tamen fides illorum morietur? An, quod credibile est, iste fidei publicæ ludus dependet ab antiquissimo gentis præconio, Gallos esse leves? Quod à Cæsare scriptum, à Tacito & Trebellio confirmatum, ab Italis & Germanis sæpissime repetitum, frustra refutare conatur ille Andius sine bono, vernaculo more, vitia quibus ipsius populares abundant, aliis per calumniam levissimè abscribendo: veluti meretrices quadrantariæ, quæ ut turpitudini suæ fucum aliquem objiciant, probas fœminas probris & maledictis incessere non cessant. Et ut semel dicam, Bodinus homo, sicuti à Cujacio laudatur, est temera-

arg. l. ratas. 7.
C. de rescind.
vendit. & l. 1. ff.
quod quisque
jur. in alt. stat.

l. quod Prin-
ceps. 56. ff. de
legat. 2.

Lips. in monit.
Polit. lib. 2.
cap. 13.

Bodinus de Re-
pub. lib. 1. cap. 8.

Bodinus in
Meth. hist. c. 5.
& de Rep. lib. 5.
cap. 1.

Cujac. in ob-
servat. lib. 18.
cap. 38.

rius & insolens, falso admodum pro more suo & manifesta mendacia scribens, propriaque sibi convitia perperam in omnes effundens: *vel, uti à Cambdeno honoratur*, auditionibus & incertis rumoribus nimium serviens: cui meâ sententiâ in multis scriptis consueudis mater errorum Ignorantia, obstetrix ignorantiae Levitas, & nutrix levitatis Calumnia, saepe cerebrum stylumque implevisse & circumduxisse videntur. Cumque is licitum sibi putaret, popularium suorum dignitatem honesto mendacio tueri; hâc ille viro bono indignissimâ credulitate in syrtes calumniarum & vaniloquii Euripos abreptus, passim in Germanos tota mendaciorum plaustra evomit; indeque Germanos & stupidos, & rusticos, minimum rationis & plurimum roboris habentes, leves, suavitatem orationis ac Veneres dicendi respuentes, Principes Germanorum ligios vasallos Regis Galliae, Germaniam provinciam Galliae, Imperatorem Germanorum Sultani Turcarum tributarium, Mauritium Saxoniæ Electorem perfidiae Licentiatum; & ejusmodi plurima levitatis repetitum a scribere non erubescit. Quod si autem vir bonus hæc præstare debet, ne mentiatur: quem ille locum inter bonos viros habere poterit, qui in viros bonos, in virtutum procures, in Imperii optime meritos Principes, in nationem longè honestissimam & nobilissimam, tot cumulatâ putidis mendaciis grassari audet? Tametsi nebuloni Bodino, quem sanitas ambigua cum talia scriberet excusat,

Cambd. in Hiberniæ descrip.

Bodin. in meth. hist. cap. 4.

Vide Tileman. in Discursu de histor. delectu.

Bodin. in meth. hist. cap. 5. & de Rep. lib. 1. cap. 9. lib. 5. cap. 6.

Bod. Meth. Hist. cap. 6.

cusat, non tam indignor; quippe qui hunc assertionum suarum fructum jam collegit apud cordatos, ut, quod ipse de Jovio scripsit, etiam cum vera scribit, sit suspectus; quàm quibusdam mente spuria præditis Germanis, qui illius mendaciis ingratitude in patriam mantellum circumponentes, strenuè cum eo contra Imperii majestatem stylo digladiantur. Ita nullum tam impudens mendacium est, ut teste careat. Olim Romæ tantâ veneratione & religione Imperatorum statuae imaginesque colebantur, ut ne constare quidem eas ac vendere sine capitis periculo, & citra majestatis crimen licuerit: qui erant perfugium ingenuis & servis, injuriâ adfectis; curâ istâ cultus eorumque demum progressa, ut apud Aspendios impietatis damnatus quidam fuerit, quod servum suum verberasset, qui drachmam argenteam Tiberii imagine signatam gestabat. At si tantula peccatula olim animadversum est: quid hodie faceret Tiberius aliquis Bodinianis illis; qui pestilenti inutilium disputationum hecica furentes Imperii Germanici Monarchiam arietant; (quia fortè Albertus Moguntinensis Archiepiscopus in rejectione Francisci Gallorum Regis, Cesaream dignitatem ambientis, Aristocratiam retinendam esse sensu minimè Bodiniano dixerat) qui Imperatori majestatem detrahunt; qui subditos quosdam Imperii refractarios, rebelles, & transfugas, jure suo liberos esse pronunciant; qui Florentinum, Sabaudum, Lotharingum, Genuenses, Senenses, Helvetios, & alios, amplius

In meth. histor. cap. 4.

Plinius nat. histor. lib. 8. c. 22.

L. 5. §. 2. l. 6. ff. ad L. Jul. majest.

Philostatus de vita Apollonii lib. 1.

Sleidan. lib. 1. commentar.

amplius ad Imperium nihil pertinere magno nisu vociferantur? Illi enim, Auditores mei, non Imperatoris statuæ vel imagini inferunt injuriam; sed ipsummet Imperatorem augustissimum, ipsummet Imperium, quod sacrosanctum nobis esse debebat, furialiter adoriuntur; decusq; Germanicum & legitimum civium obsequium per cuniculos monstrosarum opinionum subruere pro virili conantur. Profana scripturientium rabies, & dirum cacoëthes: quod in Republica, & præsertim in literaria tolerandum non sit. Nam cum Imperator sit Academiæ pater & fons, & illius gratia Doctores, Magistri, & Studiosi, honores & privilegia amplissima consequantur: quâ impietate se illaqueant illi, qui summum illud Imperii & totius Christiani orbis caput voce calamoq; depri-
munt? quâ ingratitudine se collutulant Academiæ, quæ talia dicta sive scripta impune grassari permittunt? aut, quod gravius, ea censuris & testimoniis publicis probant? An verò illa curiosorum grandiloquentia sic bacchabitur semper? An nulla illam licentiam sistet pœnitentia? Plinius avunculus in montis Vesuvii incendio (quod sub Tito Imp. contigit: & non solum tanto fragore mugituq; ex imis cavernis flammæ densissimo fumo mixtas expuit, ut aërem omnem & solem ipsum obscurarit; cineribus quoque ventorum vi Romam usque, & in Africam, Syriam & Ægyptum ejectis: verum etiam duas integras urbes, Herculanium & Pompejos populo sedente in theatro, penitus ob-

Dio. Cassius histor. libr. 66.
Plin junior lib. 6. epist. 16. Leander Albertus in Ital. de Campania felice.

ruit) cum ille miraculi causas exploraturus accederet propius, & jam flammâ undique incumbente inceptum perseverantius exequeretur, crassiore caligine spiritu obstructo periit: & tamen Plinius hac curiositate contemplandi publicè nocuit nemini. Sed ut in via si bestia luto me adspingat, non excandesco statim, & vicissim in illam regero sordes: ita hîc mihi faciundum; & Bodinus atque Bodiniani omnes pro bestiis habendi, quæ non judicio, sed proterviâ lædunt Germaniam, & Germanos nostros.

Tertia Furia, quæ præcipuè privatas pessumdat familias, Gallis jamdudum exautoratâ virtute omnem decussit honorem. In hujus diræ famulitio valde numeroso primas tenet Temeritas: quæ Cæsaris testimonio Gallorum genti maximè est innata. Adeò ipsa natura quoque Galliæ est adversa & novercalis. Sane ut insulæ quædam semper fluctuant: sic Galli perpetuo temeritatis æstu agitantur. Sive ut Circius ventus, quem ex sua terra flantem Galli sævissimum patiuntur; & cui Augustus, ne Galliam rapidus infestaret, aliquando votum exolvit, & sacrum fecit: vertigine turbat regiones: sic Galli singuli Circum in capite gestant, qui illorum consilia & cogitationes quasi turbine quodam perpetim versat, raptat, circumnat & emasculat.

Mens oculosque pedesque rapit, rapit undique mentem,

quicquid in occursum pesque oculusque rapit.

Pp

Dispu-

Cæsar. lib. 7. de bello Gal.

Plin. H. N. lib. 2. cap. 95.

A. Gell. noct. Attic. lib. 2. cap. 22. Constat Narbonensibus & Aquitanis nullos esse in Gallia populos feroces; quod illic Alani ac Circii fere semper, & quidem violentissime spirantes, feritatem quandam & irrequietum animi agitationem ingenerant. Bodin. de Repub. lib. 5. cap. 1.

Michael Savonaiola tract. de Vermib. cap. 1.

en l'Academie de la Noblesse Françoise.

Disputant Medici ; an vermes ex putrefactione in homine nati, alibi quàm in ventre vel stomacho generentur : ego existimaverim , nullam nationem æquè vermibus divexari atq Gallicam, sed illis bestiis natale solum ac domicilium in cerebro stabili Gallicæ instabilitatis stabulo esse. Exemplar autem & vivam Gallicæ temeritatis hominisq in moribus atq actionibus omnibus semper variabilis imaginem singulari studio & bonâ fide delineavit Alexander Pontamarius, & ipse Gallus, in descriptione Gallicæ Nobilitatis : nemo artifex Gallum pingere vel fingere potuisset diligentius & verius. La jeune Noblesse de France (ait) est d'autre humeur : elle ne se plaist qu'à une espee de mignotise, ou elle rend plus preuve de lascheté, que de valeur : elle est tellement imbue de je ne sçay quel mespris, que tout son maintien n'est qu'un perpetuel desdain : elle a plus de mouvement aux espauls, plus de bricolles aux pieds, plus de fingeries aux mains, & de tournoyements en la teste, qu'il n'y a de goutte d'eau en la Seine. elle se contrefait, elle se desguise, elle begaye au lieu de parler, elle Pantalonne à cheual, & se comporte en toutes ses actions si ridiculement, qu'un peintre ne sçauroit avec plus d'artifice esbaucher la figure d'un fol, que ce pauvre Gentilhomme François en donne de tesmoignage. Et puis oyez le discourir, c'est luy qui ne craint personne, & n'a jamais appris de se faire craindre : c'est luy, qui bat tout le monde, & il ignore le moyen de se defendre : c'est

c'est luy, qui est bien à cheual, & il ne sçait pas tenir la bride : c'est luy, qui entretient bien les dames, & les filles de chambre se moquent de ses discours : bref, c'est celuy mesme, qui est la fable du peuple, l'ordinaire pitié des honnestes gens, & la scandale de sa lignée. Va-il par la rue, il ne fait pas une desmarche, qu'il ne regarde en arriere pour se glorifier en la suite de ses valets ; chascquefois il aura les yeux sur les souliers, il portera sa main au collet de sa chemise. Homme sot & miserable, &c. *Hoc dicit Pontamarius, Auditores :* Nobilis Gallus in delicias & inertiam quàm magnanimitatem est proclivior, cum perpetuo rerum omnium fastidio : ubique in mimicis pedum manuumque gesticulationibus, scapularum motationibus, capitis vibrationibus prodigiosè frequens ; in cessu, vestitu, sermone, & in omnibus actionibus ita ridiculus & histrio, ut omnem consummatissimi fatui indolem & personam exactè repræsentet. Si colloqui res sit, ille est, qui timet neminem, sed quem timet nemo : ille est, qui prosternit omnes, sed qui modum se defendendi ignorat : ille est, qui omnium optimè regit equum, sed qui frenos moderari adhuc nescit : ille est, qui Gynæcei applausum sibi vendicat, sed quem à tergo famularum multa ciconia pinxit. summa : ille est fabula vulgi, bonorum miseratio, ordinis sui macula. Si verò deambulationibus per urbem indulgeat, sine stultitiæ scena id non facit ; modò, vix gradu uno promotus, ad pedisequos

oculos rejicit gloriosulè se prædicans, modò in calceis miracula quærit, modò indusii collare manibus terit. homo stolidus, & publicis Christianorum supplicationibus includendus. *Ex hac Protei Academia omnes penè artes expullulant, quæ familias fortunis honoribusq; evertunt. Interq; eas Aleæ lusus mirum quantum invaluit: qui licet in aliis bene compositis Rebus pub. graviter inhibeat, constitutâ in transgressores pœnali actione famosâ; sitq; receptum, ut susceptori aleatorum, qui aleatoribus longè nequior est, impunè fiat furtum, & injuria damnumq; detur impunè; ut quoque, qui cogit ad ludum, gravi multâ coercetur, vel ducatur in latomias aut vincula publica; atque insuper domus, quibus aleâ luditur, publicentur: nihilominus hodie tota Gallia est alea, & permissione publicâ alearum gymnasia fervent. Tesserari ibi non in res nihili, non in argentum comicum, sed in aureos Hispanicos, quos acervatim ponunt, & in tota patrimonialia ludunt, vereq; Imperatoris Justiniani verbis, quidam nec ludentes, nec ludum scientes, sed numeratione tantum proprias substantias perdunt die noctuque ludendo, argento, apparatu lapidum, & auro. Ac nuper Medici cujusdam filius in tali publica aleæ Academia (hoc enim nomine corruptionis officinæ indignantur) sexaginta coronatorum millia dilapidavit. Non enim viri magnates solum, (quamquam nemo magnus esse potest, quem turpia & infamia delectant) verum etiam Doctorum & Advocato-*

l. 1. & 2. ff. l. 1. &
2. C. de aleato-
rib. Cujac. para-
tit. in Cod. ibid.
P. Gregor in
Syntagm. jur.
univ. lib. 39. c. 3.
Jac. Concenari-
us Quæst. lib. 4.
cap. 6.

Mercur. Fran-
çois. lib. 5.

l. 2. C. de alea-
torib.

rum filii pueri, adolescentes quæstores & mercatores, eandem fortunæ scholam frequentant; qui minoris faciunt nunc mille pistoletos aureos, quàm ipsorum majores Francisci I. ætate solidum unum (constituunt autem hodie LXX. solidi, aut præter propter, aureum Hispanicum pistoletum) faciebant. Gallica autem justitia interim nec segnem dat operam, ne Alea quid capiat detrimenti. Res alibi insolita, & creditu difficilis, aliquo exemplo demonstranda est. Annis enim proximis cum Jonas quidam, hujusmodi tesserariæ Academiae rector, ad infame istud exercitium ædes quasdam Lutetiæ, in San-Germani suburbio, tempore nundinarum conduxisset, in dies tantum quindecim mercede mille & quadringentarum libellarum constituta; & verò locatore solutionem postulante, conductoris uxor, quæ divisas & omnino separatas bonorum rationes à marito habebat, à magistratu facultatem peteret, res suas mobiles è domo conductitiam aliò transferendi: Senatus judicavit, ut petitrix suppellectilem suam ablatura exolveret aureos XX, veniâ locatori concessâ reliquum ex conductoris bonis excutiendi. Proh rem stupendam & dolendam! In Gallia, in Gallia metropoli, in primaria Regis sede, in justitiæ Gallicæ domicilio, in clarissimæ Academiae facie, impurissimas illas Academias ferri, pro alea judicari, pro alea tantum pecuniarum perditissimâ prodigendi voluptate consumi! O tempora! O mores! Ne tamen quid dissimulemus; accepimus, se verum ad-

1400. Stran-
den.

Claude Malin-
gre en l' Histo-
re de Louys
XIII. R. de Fr.

modum à Ludovico XIII. Rege edictum in aleatores
nuperrimè conditum fuisse: quod, ut malum tollat pe-
nitus, aut minuat saltem, volumus quidem; sed qui in-
genium & indolem nationis habent per spectam, non si-
ne causa verentur, ne improbiſſimorum morum contu-
macia edicti ſanctitatem contumeliose vincat. Ve-
rùm in obſcœna Veneris alea non minùs fortunati Gal-
li, & verè ibi ſunt galli: & cum alii populi, jactatis
iſtiusmodi voluptatum talis, vix canem aut ſenionem
mittant, illi Venerem jaciunt frequentiſſimè; quæ ta-
men inexplicabilibus ſtudiis, nec non infamibus expen-
ſis, ſæpe extremis vitæ periculis conſtat. Equidem aver-
ſæ Veneris flagitio Galli, & præſertim Maſſilienſes in-
quinati jam ante plurima ſecula turpiſſimo proverbio,
πλεύθειας εἰς Μασαλίαν Maſſiliam naviges, locum
fecerunt. Credebantur enim γυναικοπαθεῖν. Atq; hunc
ſcleratiſſimum puerorum amorem molles Græculi cum
aliis pluribus ſcleribus tradiderunt non Gallis ſolùm;
ſed & eòdem ſcèdârunt Hiſpanos, Illyrios, Italos, & ex
his maxime Romanos. Germani tamen huic abomina-
bili peccato minime erant obnoxii. Itaq; Quintilianus
pro Mariano milite, qui tribunum pudicitiae ejus neſa-
riam vim inferre tentantem occiderat, & ad primum
ſtatim obſcœnæ libidinis ſermonem ferrum per pectus
infandi corruptoris exegerat, veriſſimè excipit, &
meretriciam neceſſitatem hoc refellit oraculo: Nihil
tale novère Germani: & ſanctius vivitur ad Oceanum.
Batavi quoque duce Civili propterea arma vertebant
in

Vide Lipſ. in
notad Tacit.
Germaniam:
n. 39.

Quintilian. in
Declam. 3.

in Romanos: quòd illorum liberi impuberes ad ſupra
& muliebrem patientiam à furioſis iſtis naturæ ſexusq;
temeratoribus vocarentur. Sed quid hæc exequor ex-
trema flagitia? In aliis forſitan cauſis, Auditores, per-
mittitur indignitatem rei oratione exaggerare: hic par-
cendum verbis eſt, pudoris gratiâ: & pudet me, quòd di-
centem intellexiſtis. Hodiernis autem moribus in Gal-
liæ perperam quaeritur, an in ſcortationes et vagas libi-
dines animadverti debeat: ſiquidem ſecundum Franciæ
mores etiam adulteria non puniri magni nominis ſc.
Joannes Faber, & nonnulli alii olim ſcripſerunt. Et
memini, cum Aureliani Landa Molinus, qui Godar-
dam Jo. Godini uxorem, dum vir in caſtris morabatur,
corrupiſſe convictus & ad mortem damnatus, amboque
Landa & Godarda in publica platea laqueo ſuſpenſi
eſſent; Pigreterio priſci moris ac ſeveritatis viro, qui
à Ludovico Condæ urbi præpoſitus fuerat, judicium
urgente, & graſſantibus vitiis exemplo opus eſſe di-
ctitante; aulam regiam adeò malè illud accepiffe, ut ple-
rique ſummâ impudentiâ palam teſtarentur, ſe à Pro-
teſtantibus ſemper alienos futuros, & vel ob eam cau-
ſam nunquam in eorum verba juraturos eſſe, qui
adulteriis hucusque impunitis novâ & apud Gallos
inauditâ ſeveritate poenam capitis ſtatuerent. Quid?
quòd Aula ipſa facit lenocinium. Quò enim ſpectat il-
lud, quòd Catharina Medicæa, ut arcana ſcrutaretur,
è comitatu ſuo nobilem puellam Antonio Navar-
ræ Regi, aliàs nimiam proclivitate in vagas volupta-
tes

Tacit. hiſtor.
lib. 4.

Faber in ſ. ex
non ſcripto. In-
ſtit. de J. N. G. &
C. ſ. item lex.
Inſtit. de publ.
judic. adde An-
naum Rober-
tum. rer. judi-
cat. lib. 1. cap. 14.

An. Ch. 1563.

Thuan. hiſt. lib.
35.

Thuan. hiſtor.
lib. 33.

tes decurrenti, & ista efflicti in depereunti, submitit? Quò illud, quò eadem Medicina pariq̃ astu Condæum inescavit? cum auctor esset virgini cuidam cognatione sibi conjunctæ, ut Condæum, quem sciebat in istam oculos crebrò conjicere, amoris mutui occultis eòq̃ acrioribus stimulis inflammaret, & penitiores ejus sensus rimaretur: quæ tamen cupido amanti copiam faciens ex nobilium Gynæcéo postea ob prægnantes causas ejecta est: prudentius factura Medicæa, si totum Gynæcéum, lupanar cogitans, ex aula exturbasset. Quid enim in Gynæcéo pudicum, quid verecundum restabat? Quota Gynæcéi pars Gagatem^(a) cum aqua tritum sine læsæ virginitatis indicio bibere poterat? In matutinis Parisiensibus inter occisos erat Carolus Quelle vetus Pontius Armoricæ regulus, qui Catharinam Parthenæam Joannis Subizii filiam & heredem in uxorem duxerat; sed cui à Parthenææ matre frigiditatem generi causata de dissolvendo matrimonio lis movebatur. Itaque illius & aliorum interemptorum cadavera cum ante arcem in Regis, Reginae, & totius aulici comitatus conspectu abjicerentur; frequentes è Gynæcéo feminae, nequaquam crudeli spectaculo eas absterrente, curiosis oculis nudorum corpora in verecundè intuebantur, & in Pontio præcipuè aciem defigebant, si quâ ratione frigiditatis illius causam aut notas perrimari possent. Verùm ubi, per DEUM immortalem, castitati est locus in Gallia? Ubi locorum non regnat Venus in Gallia? Et heu scelerum societatem!

Sævus

Thuan. hist.
lib. 35.

(a)
Pro vocat enim
urinum. Paul.
Jovius in Scot.
Plin. Hist. na.
lib. 26. cap. 19.
sed fabulosum
lapidem vocat
Jac. Menochius
lib. 6. præ-
sumpt. 89. n. 13.

Thuan. hist.
lib. 52.

Sævus amor docuit natorum sanguine matres
commaculare manus:

Virgil. Eclo-
ga 8.

ut ita furtivo complexu gravida, utero celato, partuq̃ ad extremum enecato, & vel in sterquilinum seu profluentem abjecto, aut in locum profanum defosso, famam virginitatis quâcunque ratione conservarent. Quod crimen antea impunitum, nunc severissimè vindicatum, nihilominus est frequentissimum: nec ulla fere septimana etiam hodie abit, quin in classe, quæ de judiciis capitalibus Lutetiæ cognoscit, una pluresve tam horrendi flagitii reæ producantur. Adeò malus pudor in verecundo & impotenti sexu supplicii terrorem, & quod omni corporis pænâ gravius est, conscientiae morsus vincit. Quin etiam virorum sapientum in illicitis illis vagæ Veneris castris stipendia legimus. Et militavi non sine gloria, de se scribit Michael Montanus; mea que fortuna in Quartillæ Petroniæ comparationem venire potest, quæ Junonis iram sibi imprecatur, si unquam se meminerit virginem fuisse. Quanquam dum Montanum hîc sapientem prædico, simul recorder judiciorum, quæ vehementer diversa vel potius adversa patitur vir ille: aliis ejus ingenium, stylum, judicium laudibus ad cælum extollentibus; quibusdam humiliter deprimentibus & penè nullo censu censentibus. Hoc in eo putidum nimis, & puerilis jactantiæ est, quòd toties de lamentatur ad nauseam & irrisum legentis, quàm sit labili ac nullâ prorsus memoriâ: cum domestico testimonio, ipse sibi fi-

Thuan. histor.
lib. 13.Mich. Montan.
lib. 3. cap. 13.
Petron. Arbi-
ter in Satyrico.Vide Baudium
in notis ad poe-
mata. p. 206.
&c.

Lq

dem

dem demat, tot lectissimis poetarum versibus, tot sapientum dictis velut ad nutum paratis, tam aptè scriptis suis instar emblematum intextis. Uti & hoc in eo ambitiosum, quod negat se recordari servorum, nisi eos officiorum nominibus appellet. Videor mihi in scena audire Petronii Eumolpum, cui tanta familia scilicet erat, ut Carthaginem capere posset. Gloria nempe cupiditatem specie contemnentis manifestius ostentat, quam si palam præ se ferret. Hisce & similibus aliis vitiis abundat quidem Montanus, sed quæ non temere nisi in præclaris & excellentibus ingeniis deprehendantur; & quæ compensantur pluribus longè virtutibus, inter quas vitia illa blandientia stationem honorificam tueri possunt. Ut herbae quaedam inutiles non innascuntur nisi solo præpingui ac feraci: sic luxuries illa efflorescit ex redundantia & fecunditate generosæ indolis. Vix est, ut unquam supra mediocritatem assurgant ingenia, quæ se continent intra terminos artium & scholasticarum præceptionum: in quibus tamen umbratici doctores jejunam laudem anxie venari solent. Equidem si punctum omne fert scribendi dicendiq; rectè, qui faciliè felicissimeque cogitata mentis enunciare novit, vix quisquam hanc facultate cum Montano conferri potest. Sensus & conceptiones ejus summo vent plebem: sermo ne tum quidem humile aut abjectum quidquam sonat, cum res minutas exsequitur, & positas in quotidiana consuetudine vivendi. Verbis è trivio quæ sitis dignitatem ac splendorem conciliat. Di-

cas

cas aliquem è plebe per adoptionem transire ad patres. In metaphoris dominatur; nisi quod interdum exemplo summorum oratorum peccat nimis in iis audendo. Montani amor, Auditores, paulum me, etsi non invitum, à proposito abduxit. Et volupe mihi est, subinde excelsi ingenii viros spectare, qui ex illo luctuoso Galliae virtutum naufragio inter medios decumanosq; vitiiorum fluctus in portum felicitatis & tranquillitatis incolumes enituntur. At

apparent rari nantes in gurgite vasto.

Sed enim salacissimi Galli, qui in turpissimis Veneris castris, fere sine ulla pudoris & honesti memoria, sine metu pœnæ, arbitrato suo domi luxuriantur; foris aliquando, ubi minimè expectant, ultricem Dei dexteram experiri solent. In primis insigne memoratur exemplum ab eis, qui res Anni 1578. scripsere. Tribunus quidam Gallus, Pontius nomine, qui Alençonii militiam in Belgio sequebatur, ad Becurtium pagum sibi hospitium sumpserat in domo Joannis Milleti, probi & ditis agricolæ, cui tres filiae eximiâ formæ erant. Harum major natu, annorum circiter sedecim, & cæteris formosior, ut placato hospite uteretur, sedulo omnia domus ministeria obibat. In eam oculos conjecerat tribunus, occasionemq; libidinis explendæ quærens patrem cum filia mensæ accumbere jubet, & libidine inter pocula incalescente per ludibrium rogat, an sibi filiam in uxorem dare vellet. Agricola, qui imparem conditionem suam prætexebat,

Q 2 se

Virgil. Aenid.
lib. 1.

Thuan. histor.
lib. 66. Em. Me-
teran. Histor.
Belg lib. 8.

se modestè excusante, tribunus statim irarum fulminibus debachatur, & protinus cœnaculopatrem pulsatum facessere jubet: quem filia ponè sequens à militibus vi retenta, moxq̃ à furente tribuno inter lamenta & ejulatus compressa, ac postea temulentis sociis pariter ad stuprum exposita est. Inde ad mensam reditum, & juvencula magnos supraq̃ sortem & ætatem generosos spiritus gerens sedere juxta tribunum jussa paruit, & composito ad dolorem dissimulandum vultu, post crebras ad injuriam adjectas per lasciviam contumelias, tempus nata Pontium, dum ad aurem insurranti cuidam faciem averteret, cultro in cor violenter adacto conficit, disjectisq̃ subito mensis, dum commilitones ad tribunum accurrunt, illa per posticum elabatur, & ad patrem in proximo diversantem properat, reque exposita, ut fugam mature capebat monet. Ipsa post ereptam virginitatem vivere non sustinens, cum vitare periculum potuisset, grassatores intrepidè expectat; à quibus illico comprehensa & arbori alligata, ut scloppetorum ictibus conficeretur, post commendatam Deo animam, Feri, inquit, miles, & certis ictibus mortem ei optatam accelera, quam vi illata indignam effecisti, quæ viveret; haud utique injuriam, quam jam in duce vestro inultam non sivit Deus, diu impunè laturus. Nec verbis augurium defuit. Nam pater tali filiâ dignus, ubi rem rescivit, geminata injuriâ efferatus, vicinos ex pagis agresteis ad arma ciet; qui milites facti complices, cum iisq̃ quatuor alias cohortes

cohortes circumventas ad unum omnes ceciderunt. Verum ut prisci fabulatores Veneri balthœum tribuunt, sive cestum discolorum, in quo suavitas & dulcia colloquia, & benevolentia, & blanditiæ, suasiones, fraudes, veneficiaq̃ includantur: sic & Gallica Venus tali cestotot imposturis prægnanti incingitur. Quæ enim lingua amoribus conciliandis est aptior, quàm Gallica? Quæ lingua à mascula constantia est remotior, quàm Gallica? Non illud commune ingemino diverbium, quo Italos & Gallos aliter scribere quàm loqui, & aliter loqui quàm sentire, significamus: sed hoc affirmo, nullo unquam tempore linguam Gallicam in turpiora adulationum & illecebrarum adulteria fuisse prostitutam, præ quàm hodie ea est abjecta, & servilis: in qua Vita, Anima, Devotio, Adoratio, Servus, Mancipium, & hujus farinae verba alia levissimam quamque adfectus declarationem infarciunt, ut in seriis & severis propensæ voluntatis animique benevoli motibus exprimendis nulla penè dicendi formula supersit. Videas permultos tam cæco linguæ suæ meretriciæ amore efferri, ut boni amici quàm fortè verbuli aut scommatis venustuli, jacturam facere malint. Unde miror, quid causæ sit, cur Germanicam nostram linguam quidem Gallicæ, aut alii ulli exteræ posthabeant; eamq̃ aliter placere posse negent, nisi ex admistione vocum Latinarum, Italicarum, Gallicarum, aut aliunde peregre petitarum novam sumat personam: cum majores nostri talem cum peregrinis copu-

Lq 3 lam

Natal. Comes
Mythol. lib. 4.
cap. 13.

Italicum pro-
verbium de
Gallis hoc est:
I Francesi non
dicono, come
vogliono fare;
non leggo, co-
me scrivo;
non cantano, co-
me notano.

Mich. Montan.
nus lib. 1. cap.
39.

Christ. Tsch.
man. Chronic.
Spirens. lib. 5.
cap. 107.

Arnold. Clap-
mar. de arcan.
Rerump. lib. 3.
cap. 22. Paul.
Matt Vvehner.
in præfat. ad
observ. Præf.

Tacit. de mo-
rib. Germanor.

Marc. Velfer-
rer Boicar. lib. 2.
ex Otfrido in
Prol. Evang. ad
Lutbertum Ar-
chiep. Mogunt.

Beat. Rhena-
nus rer. Ger-
man. lib. 2. p.
202.

Lipf. cent. 3. ad
Belg. Epist. 44.
Marq. Freher.
in not. ad fœd.
Lud. Germ. &
Karol. Gall.
Regum.

laminiter dedecora et nomine Germanico indigna facta recensuerint. Non enim ea nostræ est vel paupertas vel rusticitas, ut foris opes & fucum arcessere debeat; imò verò tanta illius est majestas, et dignitas cum pari ubertate tanta, ut cum aliis omnibus de elegantia, de selectissimorum verborum splendore & dicendi Veneribus, de pulcherrimis periodorum simulq; admirandis ductibus, & de universo planè orationis ornatu certare possit. Neq; ea hodie patriæ incumbit barbaries, quæ temporibus fuit vel Taciti scriptoris Romani, cum tunc Germani literarum secreta, viri pariter et fœminæ ignorarent; vel Otfridi Monachi, qui vixit ante annos abhinc amplius septingentos, & Germaniæ sermonem omnium primus literis tractare aggressus linguam appellavit scriptu perdifficilem, propter sonum incommodum & literarum plerumq; congeriem, multis in eam sententiam collectis argumentis. Sicuti etiam serò admodum scribi cœpit vernacula nostra: & solebat Imp. Maximilianus I. studiosis antiquitatis præmia constituere, si qui diplomata ante quingentos annos Germanicis literis conscripta reperissent. Sed quicquid tandem de scripturæ difficultate conceperint majores nostri; hoc tamen compertum habemus, in ipsa Gallia jam ante aliquot secula honestiores & nobiles Germanicâ, rusticos autem & viliores Romanâ illâ corruptâ, sive hodiernâ Gallicâ, quam rusticam Romanam & squamam Latini sermonis, & rubiginem trivialium barbarismorum, dicebant, usos fuisse.

Scio

Scio quidem, multos inter linguas ita distinguere, ut cum DEO ob majestatem Hispanicè, cum Principibus ob gravitatem Italicè, cum fœminis ob gratiam Gallicè, cum hostibus verò ob terrorem Germanicè loquendum esse autument. Sicuti & illa sive fabula, sive historiola de quodam Legato Germanorum narratur: qui apud Imperatorem Carolum V. Germanicè dicere jussus, cum sermonis & linguæ autoritate Hispanos ad applausum commovisset, existis unus ita censebat; opinione suâ Germanicam linguam & graviores & severiores esse, atq; se credere, & DEUM, cum expelleret è paradiso Adamum, & Angelum gladio formidabilem, qui paradiso custos datus est, terroris majoris causâ Germanicâ linguâ illum nostrum Patrem increpuisse: cui tamen Germanus acutè reposuit, Hispanicæ linguæ non minus se magnificare pompam, quàm subtilitatem; & persuasum habere; Diabolum, cum Evam circumvenire vellet, linguâ Hispanicâ fraudum & callidiorum consiliorum tragulis aptissimâ, usum fuisse. Sed amemus nos victricem nostram linguam; & aliis delicatulis, qui hoc unum agunt, ut videantur à majoribus descivisse, Hispanicam, Italicam, atque Gallicam, illegitimas Latine filias, quæ etiam nostræ captivæ sunt, & à nostris verborum auxilium, ut vocant, elegantiam habent, relinquamus. Ut Germani viri sunt, ita illorum lingua & facundia est virilis: quæ nemini, nisi qui virilem animum non gerit, ingrata esse potest. Ceterum illi Galliæ corruptelæ lascivia Poëtarum

etiam

Thuan. hist.
lib. 15.

Lanovius Dis-
cursu 6. Bodin.
in meth. Hist.
cap. 4.

etiam atque etiam patrocinata est; qui ingenio suo
abusi, juventute à veris studiis ad ludicra, adulatoria,
& amatoria abducta, praesertim ex virginum animis
pudorem & verecundiam, per impurissimas versicu-
lorum & cantilenarum strophas eliminaverunt. Mox
etiam tristior & funestior emerfit clades, ex damna-
tissima Amadisi bibliotheca: quæ Hispanis parentibus
genita, plus tamen Gallia & nominatim Gorraeo Pa-
risiensi debet; quo nutricio & duce ad summam digna-
tionem pervenit, ut Henrici II. Regis Galliarum æta-
te nemo contra illam mutire auderet. O seculi insani-
am! O morum infamiam! O bibliothecarum ulcera!
Hi enim Amadisi libri sunt, qui castitatem deturpant,
qui evertunt temperantiam, qui vagam linguam &
mentem formant, qui innumera adulteriorum & ef-
frenatarum libidinum strategemata ostendunt, qui
matrimonia furtivis iisque quotidianis complexibus
quasi in antecessum consummare, & ante legitimum
tempus polluere docent: qui etiam per Venerem pejera-
re nullum piaculum fore commonstrant:

Tibull. i. Elegi-
ar.

I anov. Discursu
6.

Valer. Max. lib.
6. c. 3.

(nec jurare time: Veneris perjuria venti
irrita per terras, & freta longa ferunt:)

libri flammis tradendi, aut certe in Siciliam deportan-
di; ubi viri perpetuis se macerant vigiliis contra va-
ferrimos noctium aucupes, furesque nuptiarum. Lace-
dæmonii libros Archilochi, maximi poetæ, aut certe
summo proximi, è civitate sua exportari jusserunt,
quòd eorum parum verecundiam ac pudicam lectionem
arbi-

arbitrabantur. Noluerunt eà liberorum suorum ani-
mos imbui, ne plus moribus noceret, quàm ingeniis pro-
desset. O factum bene & prudenter! Sed hodie pauci
supersunt Lacedæmonii.

Nec garrula & dicacula solùm est Venus Galli-
ca; etiam luxuriosa & gulosa est: Comicusque est ve-
rax: Sine Cerere & Libero friget Venus. Et olim
audiebant Galli, vini avidum genus, affectans ad vini
similitudinem multiplices potus; inter eosque humi-
les quosdam obtusis ebrietate continuâ sensibus ra-
ptari discursibus vagis. Hodie verò licet Liberi impe-
rio liberos sese esse putent, & sobrietatem suam aliis in
exemplum ponant: nescio tamen, an ubique sint invinii
& sobrii: nescio, annon populi Vvalonici, qui sunt
Galli, aliorum ebrietatem & compotationum certami-
na longè supergrediantur. Quid de hisce amphoris, de
hisce gurgitibus & Bonosis loquor? Producam fœmi-
nam, Montani encomio castam, & quidem non Vvalo-
nicam, sed Aquitanicam. Ea erat vidua, & in pago
quoppiam Burdigale proximo habebat domicilium;
quæ cum prima graviditatis signa in se adverteret, vi-
cinis suis familiaribus referebat, viduitate tantum se
refelli, quò minis credat, se gravidam esse: sed ventre
in dies magis magisque intumescendo, & omnium συμπτω-
μάτων ac circumstantiarum evidentia contrarias inte-
gritatis spes & suspiciones excludente; tandem è tem-
pli suggestu per præconem renunciavit infortunium
suum, testata si facinoris autor nomen edat, & factum
Rr confitea-

Terent.

Am. Marcellus
lib. 15.

Mich. Montan.
lib. 2. 2.

confiteatur, omnem culpam se condonare, & præterea cum eo, si ita censeat, matrimonium inire velle. Famulus itaque rusticarius, juvenis, benevolentia dominæ ista animatus delictum fatetur, & recenset, se festo quodam die illam, cum vinum bibisset, super foco indecentius supino corpore recubantem invenisse, & profundo somno oppressam nec expergefactam compressisse. Sic castæ bibunt in Gallia. Paulò delicatius bibunt Cardinales Galli. Nam, ut priscis seculis Cyrus Persarum Rex Choaspis fluvii aquam decoctam, quò quòibat, in argenteis vasis secum circumvehebat, siquidem ex alio flumine non potabat: sic inter Cardinales Gallus fuit, qui è media Gallia Romam usque aliquot lagenarum millibus comitatus profectus est: ignominia unius in omnes Gallos redundante, quos Itali inde vocant botiglioni, quasi lagenarios. In ciborum apparatu apud Gallos luxur est idem. Cumque nuper naturæ cum injuria avulsi ex utero vivarum marum foetus in mensis vulgò apponerentur, aulicus quidam Apicius morem istum novis palati insidiis mox reddidit vilem; & verba propediem exprimendis aliis ejus circa cibos & ciborum παρρησια novitatibus futura erant, si civilis Galliæ Mars illi parcere, & coquorum celebrium vota, quibus insigne sui desiderium reliquit, exaudire voluisset. Atqui hæc fortassis in Aula & apud Magnates tantum? Imò & extra Aulam hic luxur habet: atq; in humilioribus casis. Parisiis si alicujus opificii administer vel tabernæ curator,

in

in caupona unico prandio coronatum unum, si magister ejus binos prodegerit, uterque bene et pulchrè factum existimabunt. Et domi, lactucas aqua saccharata irrigari, insolens non est: ut eò minus dubitandum sit, quandam Avenionensem, quæ aula Pontificiæ ibi tum sedem Apostolicam habentis Laus fuerat, turdis & perdicibus aliisque avibus vesci solitam, quæ fœniculi, anethi, coriandri, aut similium semine saccharo condito pasta essent. Glires etiam, immunda animalia; quos tamen Censoriæ Romanorum leges, princepsque M. Scaurus in Consulatu, non alio modo cœnis ademere, quam conchilia, aut ex alio orbe convectas aves; lurcones Gallici appetivere: qui gulæ suæ mancipia voluptatem in impuritate quærentes rusticorum ædificia hyeme diruebant, ut glires dormientes ad delicias conquirerent. Sed in hac Sybaritica Gallorum ingluvie sæpe mentem ea subit cogitatio, quæ fieri possit, ut homines aliàs gloriolæ in ceremoniis & gestibus captandæ solertiissimi tam indecore cibum capiant, & superstitiosas mensarum solennitates tot solæcismis contaminent. Putes alios populos edere, Gallos autem vorare & glutire; qui præ nimio cupediarum appetitu sepicule linguam & digitos morsicant, & jussulis fœdè inunctipatinas non aliter ut suæ trullas suas circumagitant. Diogenes olim puelum offendens Gallico isto more esitantes, ejus præceptoris faciem depalmarat. At quid in Gallia facturum fuisse opinamini, Auditores? Quot alios debuisse substituere vicarios, qui colaphis in præceptores & discipulos

Rr 2

Gallos

Bodin. en la
response au-
teur de Male-
branch.

Hen. Steph. in
Ap. il. pro He-
rodote.

Plin. lib. 10. nat.
lib. 8. cap. 17.

Bodin. in theat.
natur. lib. 3.

Mich. de Mon-
taigne. lib. 1. c.
4. chap. 13. des
Eclairs.

Hen. Steph.
in Ap. il.

Hen. Steph.
in Ap. il. pro
Herodote.

Gallos depugnarent? Quot item magistris Romanis opus esset, qui, quod antiquitus in Urbe factum novimus, hodie Gallis bellè gradiendi & bellè comedendi modos præscriberent, & eorum animis inscriberent.

Quò verò perniciosam & maxime variam vestimentorum varietatem Gallia, novitatis semper studiosa, semper hic peccantis, nisi ad Furiam tertiam referam? Quis Proteus, quis Vertumnus, quis Chamaleon præ Gallo toties mutat, toties se transformat, toties ali-
us est? Ut taceam, in regum aulis id vestis genus, quod manè gestari cæperit, vesper pro obsoleto haberi; id demum circa cultum corporis magnificum et splendidum ducitur, quod diu magnificum splendidumq; esse non potest: ne videlicet novæ semper sumptuum occasiones desint. Rabelesius fabulatur, Panurgum in Italia LXXVIII modos parandi argentum observasse: sed ubi paullulum Gallis & Hispanis usus est familiariter, centum & amplius modos pecunias magnificè expendendi addidicisse: quâ de causa ille messem & triticum suum semper in herba absumpserit. Hic verò Panurgicus mos hodieq; apud Gallos durat: & quem sumptus vestiarum inveteratâ licentiâ probè confirmant. Vestis serica postremos hominum & fecem plebis tegit: siq; veteramentarius sutor biennium tantum cacularem militiam sequutus est, audebit is accingere gladium inauratum, quem tamen antiqua Nobilitas nisi Equestri dignitate ornata rarò gestabat; audebit is in publicum prodire tibialibus indutus sericis, quibus
tamen

Rob. Gaguinus
lib. 8. in Philip.
Valefio.

H. Stephan. in
Apol. pro He-
rod.

Lanovius Dis-
cursu 23.

Lanovius Dis-
cursu 9.

tamen Henricus II. Rex semper abstinebat. Qui monstrosas vestium formas, qui sinuosa caligarum volumina, quibus tertio aut quarto amplius, quàm necessitas requirit, insumitur; qui fœminarum papiliones, (vertugados dicunt) quibus penè bipatentes portæ parum patulæ sunt; qui reliquum mundum vestiarium omnem particulatim ad calculum & rationes exigere voluerit; cognoscet, hanc esse tritam semitam, quâ compendiosissimè itur ad ptchodochium. Duana quidem Lugdunensis institores contendunt, ex ista vestiendi libertate reditus regis annuis trecentis coronatorum millibus augeri: sed regni tabulis accepti & expensi bene & sobriè ponderatis & inter se collatis, manifestum est, quotannis plusquam quadragies centena libellarum millia ex Gallia in Italiam transportari, & pro mercibus luxus fomentis & instrumentis exponi; quæ in Galliam in vecta luculento quidem mercatorum fœnore, sed damno Regis & subditorum, centies & vicies centena libellarum millia superante, superfluas & non necessarias vestium pompas ac stultitias exhibent, quibus honestissimè Gallia carere posset. Et si verò sumptuariae leges multæ emendando luxui latae sunt multoties: illæ tamen, vicies centenis hominum millibus repugnantibus, & in alia omnia euntibus, ponderis nihil habuere. Ac licet in speciem fœminæ quædam parerent, textilis auri & argenti usum intermittentes; mox eæ tamen insigni legis fraude vestes, Mediolani Phrygio opere artificiosissimè elaboratas,
Rr 3 emerant

Lanovius Dis-
cursu 4.

400000
Granten.

1200000
Granten.

Reponse de
Bod. au fleur de
Malestroit.

Bodin, ibid.

Reinoldus Hei-
denhenus de
bello Moscovi-
tico lib. 1. Alex.
Guagninus rer.
Polon. rom. 1.
C. Vvarsevici-
us in Panegy-
rico ad Steph.
Reg. Polon.

Mich. Monta-
nus lib. 1. cap.
46.

emerunt & induerunt, quingentis coronatis in singu-
larum manupretium, sine materiae ipsius aestimatione,
erogatis. Et ut Galli undiquaque proderent, temeri-
tatem etiam vestiariam ut aliam omnem sibi esse inna-
tam; unus ex illis indusia sua Lutetiâ in Belgium usq[ue]
lavanda misit; lotrici pro mercede Testone (sex baci-
um nummo) in singula dato. Nisi hoc dementiae pro-
ximum facinus potius ad aliud gentis vitium, fastum
spectat: qui in Nobilium ordine tam alto incedit su-
percilio, ut vix ferri possit. Quotusquisque inter eos
familiam suam cum regio stemmate non conglutinat?
Quotusquisque avorum & majorum catalogum non
fingit ingentem? Ut Johannes Basili F. magnus Mo-
schorum Dux in superba ad Stephanum Poloniae Re-
gem epistola absurdè genus suum à Prusso quodam
Octavii Caesaris fratre deducebat: sic illi alium spiran-
tes Galli in proavorum injuriam novos imaginarios &
spurios regillos plerunque mentiuntur. Quam stolidi-
tatem facetiæ explosit inter eos vir primarius, & cete-
ris prudentiâ antestans; qui in conventu quodam No-
bilium frequenti, cui unus intererat reliquis titulorum
& ad finitatum prærogativâ major, cum perspiceret, a-
lios omnes ad unius eminentiam commoveri, & condi-
tionis se haudquaquam esse vilioris velitari, illo ex fal-
laci nominum similitudine, isto ex gentilitiorum insi-
gnium collatione, hoc ex charta domesticatinearum pa-
bulo, antiquitatis et dignationis argumenta extruente,
& ex omni numero vel minimo quoque regem aliquem
trans-

transmarinum inter avos multis verborum ampullis de-
narrante: ille prudens mensâ stratâ & prandii ferculis
jam apposis accumbere nolle, sed prono in supplicem
cultum corpore longâ et profundâ veneratione circum-
fusam Nobilitatem honorare, temeritatem suam ex-
cusare, qui hactenus cum ea nimis æquabiliter vixerit,
ignorantiâ delictum velare, & tandem inter tot Prin-
cipes prandere incivile & rusticum dicere. Ad hanc
mimicæ irrisionis & ludibriorum scenam mox cumulus
accedebat insectationum & objurgationum: Acquie-
scite pet DEUM, ait, & vivite eâ sorte contenti, quam
& hereditariò à Patribus accepimus, & virtute nostrâ
acquisivimus.

— Intra
fortunam debet quisque manere suam.

Sapientem nunquam fui, nunquam majorum suo-
rum poenitet. Atq[ue] idem Nobilitatis typhus trecentos,
& plures ex eodem grege, ambitionis stimulis adhuc no-
strâ memoriâ compulsi, & importunis precibus Reges
impulsi, ut hi illos in Equestrem S. Michaelis ordinem
cooptaverint: quod an illustriori accipientium in re
familiari detrimento, an verò dantium existimatio-
nis læsione factum sit, dijudicatu difficile est: cum illi
novitii, ne novam dignitatem vilipendere videren-
tur, immoderatos sumptus facerent, & facultates gra-
viter mutilarent; supra centum ex illis, ubi intellexe-
runt S. Michaelē ad Lazarum grillatoris passibus
properare, torquem in manticam mutaturum, vete-
rem vivendi modum repetentibus, inutili famulatio-
dimisso

Lanovius Dif-
cusu 8.

mal soupe, qui
rout diſne.

Thuan. histor.
lib. 23.

dimisso, & torque in arculam incluso; hi verò Eque-
stem honorem virtuti ac meritis prius debitum pas-
sim vilibus conferrent, & sic, quos minimè debebant,
collegas suos crearent: C. Tiercellino Rupimano an-
tiqui moris Equite, mordaci dictorio indignabundo
sepius dicente; torque conchyliatum, postquam
indignis promiscuè communicari coepisset, non jam
esse fortium virorum insigne, sed omnium bestiarum
collare.

La France est le
plus facile cli-
mat, qui soit au
Mondé, à rece-
voir de nouvelles
impresions.
Le Cavalier de
Savoie.

Supereſt, Auditores, & aliud crimen, quod solum
ad infamiam Gallis perpetim inurendam suffecerit:
quod sint illi ut in amorem, ita & in odium ac sævi-
tiam nimii ac levissimi. Et quemadmodum vehemen-
tissimas tempestates, quæ agris calamitatem inferunt,
exhalationes ac vapores tennes generant: sic illi ob nul-
lius momenti ac ridiculas sæpe causas in proximi vi-
tam, fortunas, ac honores petulantissimè grassantur.

Am. Marcellin.
lib. 15. Alb. Gen.
tit. de iure belli
lib. 1. c. 10. & lib.
3. cap. 11.

Inquieta gens; tranquillitatis inimica, & turbarum
rixarumq; avida; quod Flandri adagio innuunt isto;
Quand le François dort, le diable le berſe; quando
Gallus dormit, diabolus est motor cunarum. Et li-
quidiùs Caspar Colinius in scripto quodam ad Regem
Carolus IX. testatur id ipsum; Gallis hoc insitum ef-
ſe, ut cum hostem extra fines non habeant, in com-
mitones ac concives suos sæviant, & omnes pacis
artes perosi sceleratè mente viatores hostiliter aggre-
diantur. Et ut res memoriæ recentiores libemus;

Thuan. histor.
lib. 51.

Thuan. histor.
lib. 25.

Draginianum meminit, Antonium Richiendum, vi-
rum

An. Chr. 1560.

rum honestum & piū ab efferata plebe immaniter ef-
ſe occiſum; quæ exenterato cadaueris ventre, visce-
ra per vicos tracta postremò in cloacam mœnibus sub-
jectam projecit, cor & jecur hastæ affixa & per oppi-
dum ferali pompâ diu circumgestata tandem canibus,
tanquam genus cibi, devoranda præbuit; averſanti-
busq; ea canibus, indignati qui dederant, in canes ve-
luti Lutheranos sævierunt. Cæsarodunum referens
horreſcit ſui Præſidis, Joannis Burgeolii, ſenis totâ
vitâ innocentis, indigniſſimam necem: quem plebeja
rabies, cum is extra portas, incolumitatem magno pre-
tio pactus, se diſſimulatâ perſonâ proriperet, agnitum
ac fuſtium dolonumq; ictibus nequiter contuſum, ad
extremum exutum, & ad Ligeris ripam deductum, pe-
dibus ſurſum ſublatis, & capite deorſum in aquam
pendente ſuffixit, ita ut corpore tenuis aquâ extaret:
tum ſpirantis adhuc ventrem aperuit, avulſisq; visceri-
bus & in profluentem projectis cor exanimato extra-
xit, & conto affixum per urbem contumelioſis vocibus
ad immanitatem additis circumtulit. Matisco fera-
lem præfectum San-pontium omnibus diris merito in-
ſectatur: cui elegantiores urbis ſœminas, & vicinæ re-
gionis nobiles matronas, quæ ad urbem ventitabant,
plerumque convivio accipienti, ſolenne erat, poſt cœ-
nam, dum ſecundum ripas amœni fluminis urbem al-
luentis inter militum greges deambulare, unum aut
alterum è captivis, quos levi de cauſa plurimos in car-
cerem cottidie trudebat, producere, ac de ponte de jice-

Thuan. Histor.
lib. 30.
An. Chr. 1562.

Thuan. Histor.
lib. 31. An. Chr.
1562.

S s

re:

re : eoq̃ spectaculo se ac convivarum oculos satiabat, dijudicans ac plerunq̃ à commessantibus quæritans; Ecquis expeditiore saltu & majore cum alacritate se præcipitem dedisset? *Monbrisonium* crudelem spectandi voluptatem in *Adretio* Protestantium duce exsecratur : qui propugnaculo per deditiōem capto, partem deditorum in editissimam turrem duxit, & post prandium quasi ad oblectamentum è fenestris præcipitavit. Inter quos unus repertus est, qui ad præcipitium ductus, cum tempore & spatio ad impetum capiendum, ut desiliret, petito semel atq̃ iterum restitisset, increpante *Adretio*, quasi tempus inutiliter consumeret; ille nihil turbato vultu, Atqui, inquit, quod me jubes ut faciam tam citò, id ut decies capto impetu facias per me licet : quo audito *Adretius* præsentiam ac securitatem animi in tanto discrimine jocantis admiratus, homini ignovit. *Nonnaeum* inter lugubria deplorat; mulierem è latebris, in quas, ut primum militis furorem evitaret, cum viro confugerat, eductam in conspectu ejus summâ contumeliâ vitiatam fuisse, tum gladium stringere jussam, in quem usum ignaram, cum alienâ manu regeretur, & ab albis à tergo impelleretur, in virum incubuisse, & lethali ictu confecisse; non contento milite innocentis foeminae pudicitiam violasse, nisi etiam uxorias manus cæde mariti contaminasset. *Piscarium* prætorium domini sui *Renati Campani*, ob naturalem quidem utriusque

Thuan. hist.
lib. 21.
A. C. 1562.

Thuan. hist.
lib. 34.
A. C. 1562.

Thuan. hist.
lib. 30.
A. C. 1562.

coxendi-

coxendicis luxationem ex eaque claudicationem armis ferendis imparis, sed aliorum qui arma tractabant truculentos mores superantis, inhumanam vafritiem altum inclamat : qui bipedum nequissimus quoscunque vel minimâ suspitione invisos per dolum aut vim nactus in profundissimum vivarium, quod majus suum poculum jocosè appellitabat, dejicere solitus est; & ut immanitatem ludibrio cumularet, *Carolo IX.* Regi interroganti, quot Protestanteis his ultimis bellis majore poculo suo ad bibendum invitasset, hoc est, vastissimo illo barathro ad lucios saginandos immersisset, respondit; Rerum nihili ac nullius valoris se repertorium conficere fusque deque habuisse. Sic & *Engolisma*, *Vasconum*, hominum licentiæ ac prædæ assuetorum, expilationem reformidat : qui præter infinita scelera se teterrimo sacrilegio obligaverunt, in maneis *Johannis Engolismæ* Comitis, *Francisci I.* avi, debacchati; capsulâ plumbeâ refractâ, aridoq̃ cadavere, sed adhuc integro disjecto, istud flammis abolituri, nisi prohibiti fuissent. Certè ex arcula conflata pilas majori pietatis contemptu, quàm sacrilegii fructu effecerunt. Quid versor in minutius? *Guillerii* latrones in *Britanniam* *Armoricam*, *Pictonicum* *Andinumq̃* agrum, & alias provincias, tantum nuper sparserunt timorem, ut conturbatâ commerciorum libertate & itineribus omnibus infestis, necesse fuerit, non secus atq̃ in aperto bello vigilum stationes passim collocare : Præfectis

Thuan. hist.
lib. 30.
A. C. 1562.

Le Mercure
Francois lib. 4.
A. C. 1608.

SS 2

&

& Furidicis provinciarum illos aggredi nec ausis; cum homicidiorum & crudelium populationum frequentia, atque publicâ arboribus affixâ scripturâ potissimum territarentur, quâ latrones illi Nobilibus pacem, Praefectis & eorum satellitio mortem, Mercatoribus sacciperii exinanitionem denunciabant; Paix aux Gentils-hommes, la mort aux Prevosts & Archers, & la bource des Marchands. *Guillerius* autem, à quo toti latronum factioni nomen, in praedatoria excursionum venatione egregios saepe faciebat ludos; & quâdam meridie, in regia via, quae *Condivicinium* *Nannetum* fert, jacens pronus sistit mercatorem eodem proficiscentem, quo cum unâ comitem se iturum simulabat. Sed mercator interrogatus cum litis causâ *Condivicinium* se tendere diceret; nec tamen pecuniam, nisi septem solidos in futurum prandium, habere responderet; *Guillerius* statim; Et ego, inquit, pecuniam non habeo: sed ut habeamus uterque, *DEUM* invocabimus; quicquid ille dederit, equaliter inter nos distributuri: & cum dicto libellum promit, mercatoremque ingenua procumbere & preces dicere cogit: lectâque & finita unâ oratiunculâ, scrutari jubet, num aliquid coelitus ob venerit. Cui manum in sacculum immittenti, & nibildum offendere posse affirmanti, simulq; culpam, ac si obiter tantum & sine acriori cordis consensu preces demurmurâisset, amolienti; *Guillerius* quinque solidos ex sacculo colligens, dimidium ex pacto offert. Ambobus ita preces iterantibus, &

Guil-

Guillerio jam decem solidos, postea quindecim extrahente; mercatore autem semper vacuas manus reducente; *Guillerius* insit; Magna in te cordis & oris pugna sit opottet; alias mecum perinde precum ferres pretium: sed mercatori, quantum potuerit, animatus precatum esse denuò assèveranti, astutè reponit *Guillerius*; Tu igitur procul dubio habes nummos. nam si ego, qui non admodum profundas preces fudi, argentum præmium accepi, quantò magis tu accipere debuisti: & continuo illius scrinia explorat & excutit, & reperit quadringentos coronatos; ducentosque sibi societatis lege servat, & cum reliquis infelicem precatorem dimittit, atque increpat, quasi se circumvenire, & sociale lucrum solus auferre iuste voluerit. Quid autem talibus immoror? Illæ enim historiæ sunt tantum veluti guttulae ex immenso & profundo Gallicæ levitatis, crudelitatis, & malitiæ mari. Propius tamen gladiatoriam Gallorum intemperiem in monomachiis illegitimis nunc considero: quæ omnibus increpationibus & detestationibus digna, tantopere excessit modum, ut fere plus patricii sanguinis harena ista hauserit, quàm si bello decertatum publicè fuisset. Ut enim *Pilatinus* lacus in *Helvetia* ejus esse naturæ fertur, ut, si quid in aquas illius projiciatur, statim cælum in atras coeat nubes, ac fulminibus, grandinis & nimborum fragore horrendum detonet, cum viciniae damno & tremore; quod ipsum et de *Bessino* lacu *Arvernæ* memorant: sic Galli

Seb. Münsterus
in Cosinogr. lib.
3. cap. 71.

P. Merula Cos-
mogr. lib. 3. c. 10.

Bod. de Rep.
lib. 4. cap. 7.
Perr. Matth. in
hist. Henr. IV.
lib. 2. nar. 2. &
lib. 5. narr. 2.
Le Mercure
François lib. 2.
& 5.

quisquiliis, apinis, tricis, & si quid vilius istis, offensi, aut potius offensiunculas captantes; quia fortè alter alterius cisiarium percusserit, puerum verberaverit, meretriculam blandiusculè appellaverit, aut etiam verbum aliquod audaciùs prolatum, aut vitium etiam non fictum objectum sit; extemplo in duella prouunt, periculum facturi, uter citius alterius animam elidere & Orco oppignorare possit. Nullibi certius Diaboli lucrum: nullibi laniena hominum immanior; nullibi contemptus mandatorum contumacior. Interdicat licet DEUS ipse, Ecclesia vetet, Rex prohibeat, & per DEUM vivum juret, nulli gratiam delicti facturum, nullius intercessionem, ne Regina quidem auditurum; stet proximè carnifex; pœnæ etiam acerbissimæ gladii, suspendii, confiscationis, sepulturæ privationis, infamiae, læsæ Majestatis, & aliæ, sequantur: quid tum? Galli rixari, decertare, furere, πορνεύειν non desistent: non, si in extremis Libya desertis agant, vel unum mensem transigent quietum. Mettez trois François, ait Montanus, aux deserts de Libye, ils ne feront pas un mois ensemble sans se harceler & esgratigner. Quid obstat, quò minus, nihil proficientibus pœnis, Gallorum petulantia insanum regni Narsingæ morem propediem vincat: ubi Rex non modò singularia certamina permittit, verum etiam victorem præmio torquis aurei donat, his legibus, ut alius paribus armis dimicaturus victo id rursus auferre possit. Apud Gallorum majores monomachiam antiquaverat Ludovicus

IX.

Mich. Montanus. lib. 2. c. 27.

Perr. Matth. in
hist. Henr. IV.
lib. 5. narrat. 2.

Guido Papæ de
cif. Gratianop.

Question. 617.
& ibi P. Matthæus in Annotat.

IX. quam planè extinctam ab inferis revocavit, sed in quibusdam duntaxat casibus approbavit Philippus Valesius: demum Franciscus I. plenè restituit; cum in Principum corona virum bonum esse negaret, qui mendacium oblatum armis non rejecisset. Quod immaturum dictèrium postea prava consuetudo arripuit, ut jam inter Nobiles aut milites gravem infamiae labem contraxisse videatur, & nemo vir bonus aut fortis censeatur, qui injuriosum istum injuriæ revincendæ modum certaminis aleæ non expiaret: gravissimis inde controversiis, vulneribus, cadibus, ad omnes civium ordines permanantibus.

Bod. de Rep.
lib. 4. cap. 7.

Fam verò tandem illustrissimi cognati, & vos ceteri collegæ, judicate,; annon Gallia Galli quæ commiseratione Europæorum potius, quàm primatu inter Europæos sint digni? Annon fortuna Gallica serpat humilius, quàm ut in summo spectari possit?

Verum enim verò quid hoc rei est? Quæ Germanorum famæ accrescit ignominia & labes? Quis ignorat, hodiernos Gallos esse Germanorum sanguinem, nepotes, surculos, colonias? An virtus avorum ita obbruit in posteris? Dudum, Auditores, hoc doloris saxum volvi; dudum miseriam cognati sanguinis deploravi. Utinam! Utinam! Et quid possum nunc aliud, quàm Utinam? Peregrina terra est, peregrinus aer, & coelum peregrinum est; quæ nostros sæpiissime corruperunt, & pessimam metamorphosin à se ipsis alienaverunt: ut ita Galli nepotes perinde avos Germanos hodie

Natal. Comes
Mythol. lib. 6.
cap. 6.

Virgil. 7. Ae-
neid.

*hodie repræsentent, uti personata illa terriculamenta,
a vibus & feris abigendis in agro posita, homines refer-
re videntur. Et quemadmodum Poëtarum Circe ex
hominibus effecit bestias;*

(hinc exaudiri gemitus iræque leonum
vincla recusantum, ac ferâ sub nocte rudentum,
setigerique fues, atque in præsepibus urfi
sævire, ac formæ magnorum ululare luporum;
quos hominum ex facie Dea sæva potentibus
herbis

induerat Circe in vultus ac terga ferarum:)

*ita Gallia. Germanis Circe fuit, quæ illos avito vir-
tutum patrimonio spoliavit, & eorum corporibus bel-
luinos animos immisit. Sive ut in Italia Albunco, Ani-
ene, Elsa, Silaro, & aliis omnibus ac fontibus quibus-
dam, ligna lapidescunt; aut sicuti argentum in aquam
chrysulcam mersum, totum in aquam liquatur, nullo
argenti vestigio apparente: eodem modo Germani in
Galliam digressi degeneraverunt, & illâ transmigra-
tione tanquam legitimi successores veterum Gallorum
commoda & incommoda susceperunt, eorumque vir-
tutes ac vitia possessum iverunt: quod ipsum mecum
& quidam Franco-Galli sincerè & apertè, quæ Ger-
manici candoris reliquiæ sunt, fatentur. Les François
(inquiunt) passans le Rhin ne cessèrent de tourmen-
ter les Gaules, jusques à ce, que les François, les ayans
tous si non chassé, du moins appaisé les uns, & forcé
les autres à faire joug, y establirent en fin leur domi-
nation;*

Paul. Merula
Cosmog. part.
2. lib. 4. cap. 13.

Bodin. in the-
at. nat. lib. 2.

Autor. 4. libri
historiæ des
derniers trou-
bles de France.

nation; lesquels reprenans comme par droict de legi-
time succession avec les commoditez du pays le bien
& le mal, tant de l'insuffisance, que de la peu discrete
legereté de ces peuples anciens, n'ont esté moins fig-
nalez pour un semblable naturel guerrier, que pour
les grands troubles & trop animeuses divisions, les-
quelles ont assez souuent approché l'estat de sa ruine,
&c. *Sed manum de tabula. Imò verò nondum; inquis,
illustrissime Princeps cognate, Dux Joachime Erne-
ste. Quò enim, ais, spectant tot amplissimæ terræ Gal-
liæ dotes? Quò pertinent tot clarissimæ laudes, qui-
bus Galli ab Italis, ab Anglis, etiam à Germanis hono-
rificentissimè appellati sunt? Rhetorica, mi cognate,
multas habet figuras, & multos tropos: & ornatus
omnis non raro à verborum proprietate discedit. Audi
quid Martialis dicat ad Cinnam:*

Cum voco te Dominum, noli tibi, Cinna, placere: Martial. Epi-
gram. lib. 5.

Sæpe etiam servum sic resaluto meum.

*At verò ut Gallia Gallisq; omnes laudes non adimo: i-
ta tu plures credidisti, quàm ibi reperire possis. Quod
etsi ex iis, quæ dixi, satis superq; manifestum est: ut ta-
men palpes magis, aliquot adhuc argumenta quasi per
saturam expromam. Dicunt Galli, se clementissimo
frui aëre, nec ullâ coeli gravitate flagellari. Sed falsi
sunt, mi cognate. Claudianus dicit Galliam nive fero-
cem: Petronius refert adagium, Gallicâ nive frigi-
dior: Lucianus memorat glaciem Gallicam: & Dio-
dorus glaciem Gallicam asserit esse tam robustam &*

P. Merula Cos-
mog. p. 2. lib.
3. cap. 3.

T t

contu-

contumacem, ut flumina congelata sint pervia totis exercitibus cum curribus. *Hæc veteres testantur: sed affero nobis propinqua & recentiora testimonia.* Rex Carolus IX. cum aliquando esset in Septimania, quæ totius Gallie maximè temperata & Australis est, venit Carcassonam, urbem Episcopalem in colle sitam; ex qua cum postridie in eam urbem regiam, brevi interjecto spatio distantem, regiâ pompâ ingredi destinasset; nocte, quæ illam diem præcessit, tantâ mole & impetu nix incubuit, ut eversis apparatibus ad eam magnificentiam extructis rex totos decem dies obsessus expectare coactus sit. Uti & olim Maria Andegavensis Caroli VII. uxor toto trimestri à nivibus sex pedum altitudinem supergressis obsessa in eadem urbe moram fecit. Quoties etiam hominum memoriâ Sequana, Liger, & ipse Rhodanus, non minùs quàm quædam Germaniæ aut Sarmatiæ flumina, glacie concreverunt: ut jumenta passim ac carri onusti per ea transmitterent; hyeme tantò sæpe rigore sæviente, ut frugiferas arbores fere omnes in Provincia quoque ac Septimania gelu ustulaverit? Dicunt iterum Galli, Galliam ubique fertilem, nullibi sterilem, & verè copię cornu esse. *Grande error, mi cognate.* In proximo Burgundiæ Comitatu oppidum est Orgeletum, hoc elogio clarum, quod ejus incolæ habeant campos sine graminibus, fluvios sine piscibus, montes sine nemoribus. *Hæc verò indigentia non unis Orgeletensibus propria, sed multis Gallie provinciis communis est.* Per lustra Guiennam,

univer-

A. C. 1565.

Thuan. hist.
lib. 17.Thuan. hist.
lib. 30.P. Merula. Conf.
mogr. p. 2. lib.
3. cap. 47.

universim illam locustarum incursum sæpenumero obnoxiam; non quâ ad Pyrenæos vergit, ubi adsurgit horridior, frigida, vitibus haud idonea, & quam Ausonius nominat ἀσάφουλον χῶρον; nec quâ versus Curianum promontorium humilior est ac paludosior; infestis inundationibus perpetuò fere subjecta, ut mirum non sit, agrum Medulicum, qui nihil propemodum est quàm arena, in dies atteri, atque ab oceano sensim obrui & sepeliri; sed vastam illam regionem, quæ Burdigalâ Bajanam usque longè lateq; excurrit, emetire; putabis, te in Ægypti deserta, aut Africae Syrtes delatum esse. Partem hujus regionis pulchrè depinxit olim Sidonius Apollinaris, cum ita scriberet ad Trigetium: Tantumne te Vafaticum civitas, non cespiti inposita; sed pulveri? tantum Syrticus ager, ac vagum solum, & volatiles ventis altercantibus arenæ sibi possident; ut te magnis flagitatum precibus, parvis separatim spatiis, multis expectatum diebus, attrahere Burdegalam, non potestates, non amicitie, non opimata vivariis ostrea queant? An temporibus hybernis viarum te dubia suspendunt? Et quia solet Bigerricus turbo mobilium aggerum indicia confundere, quoddam vereris in itinere terreno pedestre naufragium? *Non potuit melius solum Vafaticum describi.* Quinetiam hodieque totum illum tractum Vafaticum usque ad fluvium Aturram vernaculâ linguâ vocant Landas, hoc est, deserta

Tt 2 & in-

Auson. Epist.
12.Sidon. Apollin.
nar. lib. 8. Epist.
12.Jof. Scaliger
Auson. lect. lib.
2. cap. 16.

Bodin. de Rep.
lib. 6. c. 2.

P. Merula Cof-
mogr. p. 2. lib. 3.
c. 34.

Et inculta loca. Et ne singulas provincias perreptando indumetis, aspretis, & arenis, orationem cum tædio diutius circumagamus: age audiamus Bodinum pro Gallia sua in libris de Republica ita loquentem: Peræquatoribus nostris exploratum est, deferta & inculta loca, si aquas & vias adjungamus, duos Galliæ trientes auferre. Et post addit: Jam grandium arborum tanta est inopia, ut ad navium & ædificiorum fabricam ex peregrinis regionibus trabes conquirendæ sint: & cum arbores fructiferæ antè cædantur, quàm fructum pecoribus utilem proferre possint, rei annonariæ inopia sequatur necesse est. Hæcine, mi cognate, est illa incomparabilis Galliæ fertilitas? Hæcine est illa beatitudinis sedes? Burdigalenses valde jactitant se suo cupresseto: & qui illud non viderunt, magnis istis laudationibus decepti existimant, lucum esse ambitiosissimè spatiosum; quam opinionem non parùm roborat vetus mos, quo vinum Burdigalæ asportaturis solvere antè non licet, quàm cupressinum ramum ab magistratu acceperint; pro quo pendit quælibet navis drachmam unam & drachmæ duas septimas partes: & tamen cupressetum illud haudquaquam Burdegalsium jactantiæ respondet, quippe quod vix septem est jugerum: ita, si in rem præsentem eundum sit, de tota Galliâ judicandum foret; quæ quidem sine pari est ab immodicis multorum rhetorum commendationibus, & à blandiloquorum peregrinatorum amplificationibus, quæ apud cupidos auditores plerunque imaginatione crescunt;

Bodin. in theat.
nat. lib. 2,

Lemnius de oc-
cult. nat. mi-
rac. lib. 3. cap. 9.

crescunt; sed si visa & prudenti oculo perlustrata Gallia cum non visa & imaginaria conferatur, longissimè illa adhuc ab ista aberit; quippe nec talis, nec tanta. De Sale autem, mi cognate, assentior: qui cum Gallis sit copiosissimus, adeo quidem, ut salinatores Narbonensis provincia lacum Marsilletum, qui est in agro Carcassonensi, & ardenti æstate totus in salem concrescit, sordibus ac stercorebus conspurcent, propterea tantum, ne vectigal salarium marinum minuat: insulsè tamen contendunt Galli, Belgas sive Inferiores Germanos sale Gallico carere non posse. Audi, quæ so Princeps cognate, Lemnium: Majores, ait, nostri salem confecerunt uberrimo fanè quæstu, non ex aqua marina, solis ardore in salem concreta atq; indurata, quale ex Hispaniis ac Galliis ad nos perfertur, sed ex maritimis glebis exustis atq; in cinerem redactis, quem infusâ aquâ minutatim in salem reducebant splendidum ac nitentem; nec alio salis genere tota Belgica ad nostram usq; memoriam usâ est. Qui conficiendi salis modus cum inducto externo exolesceret, excogitatus est alius non minùs quæstuosus. Siquidem advecto ex Hispaniis atq; Aquitanico sinu, rudi ac nigricante sordidoq; sale, exempto limo, excoctisq; sordibus, candidissimum id nostrates efficiunt, rebus afferendis aptissimum. Sed alter ille modus facilè in usum revocari potest, si externus sal hostili odio denegetur, aut ex quavis alia causa ejus copiam nobis deesse contingat. Ac tametsi Belgæ hodie è Gallia salem abundè

Bod. de Repub.
lib. 6. cap. 2.

abundè domum vebant; viliori tamen pretio illum, quàm ipsimet Galliemunt, & nonnunquam è Belgio salem Gallicum in Galliam revehunt; atque ita salem Gallicum in ipsa Gallia, ipsismet Gallis, cum illustri Gallicæ stultitiæ nota, lucrosè vendunt.

Cæsar lib. 6. de bello Gall.

Extollunt præterea Galli totius gentis suæ libertatem, & Galliam servos non pati gloriantur. Olim, vel Cæsare teste, plebs penè servorum habebatur loco: hodie, nescio an sit conditionis melioris. Equidem hominum memoriâ dominus Rupis-candidæ in Aquitania iis legibus operas à subditis exigebat, ut non solum agros colere, fructus legere ac terere, & omnia quæ juberet exportare & importare, ades etiam caducas reficere, dominum captivum suis pecuniis ab hostibus redimere, & quatuor ex causis capitationem pati cogerentur; verum etiam si domicilium originis sine domini venia mutarent, capistro domum reducere sibi licere contendebat: quod postremum tamen Curia Tolosana suo decreto excussit. Sed an servos planè non patiatur Gallia; Galli ipsi non sunt unanimes. Sic enim

Bodin. de Rep.
lib. 1. cap. 5.

A. Chr. 1558.

Carol. Molinæus in annot. ad consuetud. Biturig tit. 1. art. 1.

Carolus Molinæus: Urbs Parisiorum non habet hoc privilegium: car le seigneur de Chasteauroux en Berry vendica son serf, quis s'estoit retiré, & fait bourgeois de Paris, & obtint la provision. Itaque Senatus judicio patroni causa obtinuit adversus Abbatem divæ Genovefæ. Quidam dicunt pour le regard des serfs des seigneurs, qui sont hors de ce Royaume: sed non est expeditum. Atqui Galli se omni-

bus

bus virtutibus ornatissimos, sive potius ipsas virtutes esse volunt. Quis, mi cognate, in illo Furiarum imperio virtutibus possit esse locus? In limite Lemovicano sum, alicubi scribit Josephus Scaliger, & ipse Gallus, ubi non solum librorum sed & bonorum hominum maxima solitudo est; in regione, quæ ab omni humanitate & literis vasta est. At si probi homines, ut numi statim ex inspectione externa dignosci possent; quo vis pignore contenderim, Scaligerum in pleraque Gallia bonorum hominum insolitam solitudinem inventurum fuisse. Et cum ex illis, quæ supra ad ravim usque recitavi, qui vis non imprudens intelligat, Gallos virtutem in vinculis tenere, & paternis vitiis non contentos in sceleribus masculè progredi, nihil fortè horrentes magis, quàm hiatum terræ dedignantis sui oneris improbitatem: sapientibus ita satis dictum esse puto: nisi confutare voluero & illorum errorem, qui heroica priscorum Celtarum & Gallorum facinora, eorumque res ducibus Brennis, & cæteris bonæ fortunæ ac Martis filiis, in Asia, Europa, & alibi fortissimè gestas, unis Gallis, qui tum in Gallia habitabant, perperam adscribunt. Tam enim Germani quàm Galli olim communi nomine dicti Celtæ^(a) sunt; quod apud historiarum doctos est indubium. Κελτῶν γὰρ τινες, ὅς δὴ Γερμανὸς καλεῖται, αἶτ Dio. Γερμανικὸς δὲ φεράγγω λέγεται: οἱ Γερμανοὶ, Κελτοὶ λέγονται: αἶτ Suidas. Et Gallorum nomen pro Germanis quoque olim promiscuè usurpatum fuit. C. Marius,

inquit

In Epistola ad R. D.

Tutelenfes in Lemovicibus litterarum sunt a-mantissimi; quas etiam de lina caprina & nullius pro-rii quisquiliis acutè texere solent; in eorum men boni formam prodigunt omnem, quæ in testimonio dictione fidem & veritatem pecunia mancipant. Fran. Desrues in descriptione Galliarum.

^(a) Vide Fr. Irenicum in exegefi German. lib. 1. Mare. Velfer. Rer. Boicar. lib. 1. Crusium Anal. Suev. p. 1. lib. 2. cap. 1. Lipsium Sat. ferm. lib. 1. cap. 6. Thom. Dempsterum Antiquit. Romanar. lib. 8 in paralip. ad cap. 24. 26. 29. 34.

Cicero in orat.
de provinc.
consularib.

Cæsar lib. 2. de
bello Gall.

G. Cambden. de
primis incolis
Britanniæ. Jo-
an. Ifac. Ponta-
nus in appendi-
ce ad Itinerari-
um.

J. Manlius in
Collectaneis.

Florus lib. 2.
cap. 4.

inquit Cicero, cujus divina atque eximia virtus magnis populi Romani luctibus funeribusque subvenit, influenteis in Italiam Gallorum maximas copias repressit. *Verum Cæsar & Historicorum exarchitestantur*, illos Cimbro sive Teutones fuisse: uti & eos, qui Brenno Duce Delphos Græciæ diripuerunt, Cimbro vocat Appianus in Illyricis: ut credibile sit, illos invictos tot populorum victores moribus, corporibus, fortitudine simillimos Germanis, imò genuinos Germanos, aliquando sub nomine Gallorum latuisse; & quæ laude dignissima de antiquis Gallis scribuntur, ea Germanorum gloriæ accensenda esse. Aliàs Germanis Gallorum militia tanti neq. olim fuit, neque hodie est, ut illi ad horum bellicos strepitus animos demittant: sed quando-
cunque Germani Rhenum armati transierunt, tunc Gallis fuga in mente & alæ in votis semper fuerunt. Cum Imp. Maximilianum I. quidam Regis Galliæ consiliarius contemptim appellaret Consulem Augustanum; Rex Ludovicus hominem graviter coarguebat; Tacetis a line, ait, nec talia amplius effuti: quando hic Consul tympanum pulsat, tunc tota Gallia contremiscit. Galli enim constantiam & pertinax Germanorum robur ferre non possunt. Et experimento deprehensum est; sicut primus impetus Gallis major, quam virorum est; ita sequens minor, quam foeminarum. Habent eorum corpora quiddam simile cum suis nivibus; quæ mox ut caluere pūgnā, statim in sudorem eunt; & levi motu, quasi sole laxantur.

Sed

Sed ne nimis multus sim: hoc denique nugantur Galli, Galliarum Regem fere solum verè monarcham esse, & summā, perpetuā, legibusque solutā potestate frui. In pulvere scholastico, mi cognate, & mei Auditores, multa sæpe de potestate Principum, tanquam de ideis Platoniciis variè differuntur; quæ si ad usum communem exigantur, videtur in somnis fuisse laboratum. Idem contingit illis, qui vel nimis majestatem Principum adulantur, vel nimis eandem arrodunt.

Dum vitant stulti vitia, in contraria currunt.

Rex Gallorum magnam quidem habet potestatem, (& vetus verbum est, Gallum in suo sterquilinio plurimum posse.) sed non habet tantam, quantam alii opinantur. Certè tenetur lege Agrariā; quā publicos agros aut ullam domanii sui partem alienare prohibetur sine ordinum consensu; & ut maximè alienare velit, nullo modo possit, quin regius procurator mortuo Rege perpetuam habeat manus injectionem. Ideoque in Comitibus Blæsensibus (An. Chr. 1576.) cum Rex Henricus III. Ordinibus propriā voce significaret, decrevisse se Cannua aureorum millia ex regio patrimonio in perpetuum alienare; id quod ut accedente eorum auctoritate fiat, expetere; atque postridie Pomponius Belleureus à Rege missus necessitate, quæ potentissimum telum est, id licere contenderet; quippe cum constet, salutem populi supremam legem esse debere: Ordinum tamen, Bodino præcipuè auctore; (qui in illo conventu pro plebejo ordine Veromanduorum præfecturæ nomine,

Vu quæ

Seneca de mor-
te Claudii Cæs.

Fr. Hotomanus
in Franco-Gal-
lia cap. 25. Bo-
din. in meth. hi-
stor. cap. 6. & de
Repub. lib. 3.
cap. 4.

Thuan. Histor.
lib. 63.

quæ secundum Parisiensem regni primaria est, aderat, & summâ fiduciâ (dicendum enim, quod res est.) boni publici causam liberrimâ linguâ tuebatur, ita ut Rex Bodinum, quem unicè diligebat, & obraram eruditionem ac multam variarum rerum experientiam, dum cibum caperet, libenter audiebat, ab eo tempore non tam benigno vultu dignaretur; Ordinum, inquam, nomine Æmarus Burdegalensis præses respondit, & nullo casu à Rege patrimonium coronæ alienari posse multis verbis disseruit: quippe cujus Rex tantum sit usufructuarius, proprietate penes regnum manente; quam nullo tempore alienatam, ne quidem extremâ necessitate urgente, cum Joannes Rex apud Anglos captivus esset, meminerint homines. fulcrum enim et columnen regni illud esse, quod sacrum, inviolabile, & proinde inalienabile majores semper existimaverint. Sic quamvis Rex possit legem ferre; tamen superiores curiæ nullam habent legum rationem, nisi quas suâ promulgatione comprobarent. Ita Ludovico XI. Curia Parisiensis exitium minitanti, nisi leges à se latas promulgaret, purpurati patres constanter repugnabant; & rege ipso compellato; Mortem, ait Lavacrius Præses, potius subibimus, quàm tuas leges iniquas ferri patiemur. Quinetiam Regis testimonium, si sit solum, in causis magni momenti faciunt non magni. Quare cum Henricus II. Italum servum in carcerem duci jussisset, ac religiosè sancteq̃ jurasset, in turpissimo scelere hominem à se deprehensum, quod evulgari nollet; iudices nihilominus fidem affirmanti

manti Regi non habebant, & reum liberaverunt. Et si lapsâ recti consuetudine jam multoties de constantia via deflexerunt boni illi Parlamentarii patres. Id quod & alibi non infrequens est, certo pereuntium rerum publicarum argumento: ubi nonnunquam fit, ut non solum scurras, adulatores, pestilentes novatores, & id genus nauci homines libentiùs audiant Principes & ad familiaria colloquia admittant, quàm aliquem Lavacrium, aliquem Thraseam Patum, aut Helvidium priscum aliquem; verum etiam ipsi moriones, nani, fatui, & cæteri hujus furfuris, aliquando plus animi habeant & sumant de Repub. cum Principe conferendi, quàm mercenariorum Consiliariorum magnus numerus; qui servili præpediti timore sæpe evadunt ita elingues & excordes, ut malint Patriam & Rempublicam damnato silentio perdere, quàm liberâ & generosâ voce gratiam Principis, Regis, aut Caesaris sui periclitari. Præter rem quidem est, quod nunc memoriæ incidit, & forsitan alieno loco dicendum non est: quia tamen in rem est Consiliariorum, dicam. Bajasites I. Turcorum tyrannus (talis enim propriè fuit) utebatur quodam Æthiope apud Indos nato familiarissimè & suavissimè: & quem ob facetias & lepores plurimum diligebat. Accidit autem aliquando, ut Bajasites castra metatus quadam in planicie tentorium figi juberet ad arborem quandam sublimem. Hanc intuens, Bre Areb, inquit, hoc est, Heus Æthiops, si me amas, in hujus

Joan. Leunclavius Hist. Musulm. Turc. lib. 6.

arboris verticem conscende. *Statim Æthiops exutis vestibus paret, & scandit. Ad fastigium ubi pervenerat, Bajasites mandat Solachis, (sunt satellites, qui circum Sultanum equitantem in albis subuculis cursitare solent) ut ad motis securibus mox arborem continuis ictibus dejiciant & prosternant. Quibus strenuè heri imperium exsequentibus, Æthiops arbore propè totà jam resectà anxius, & præcipitio proximus, Sultani consiliarios obtestatur, uti pro se apud Bajasitem intercederent, & vitæ gratiam impetrarent. Sed frustra eorum sollicitabat intercessionem, qui nec prodire in conspectum Bajasitis, nedum unico verbulo eum orare audebant. Æthiops itaq; consilio ex tempore capto, strategemate extremum vitæ periculum prævertit, & subito solutis feminalibus sive subligaculis sordes suas excernit in satellites, qui arborem secabant. Hisce verò ad tam inopinam sordium grandinem ab opere diffugientibus, interim Æthiops ex arbore commodè se demittit, & adpellatis Sultani consiliariis, qui spectaculo præsentibus adstabant; Urinam consiliariis vestri similibus idem hoc usu veniat, inquit, ut conspurcentur; quorum verba tantum non valent, quantum meæ sordes. Sed ad rem. Neq; etiam ærarii dominus est Rex Galliae: siquidem certus modus in largiendo legibus est definitus; ultra quem si progredietur sine Senatus decreto, non paretur, nec rationum iudices Quæstoribus sine gravi causa acceptum ferunt. Et amplius: Rex nec monetam sine publici consilii auctori-*

toritate mutare: nec sine Parlamenti assensu magistratum aliquem regni exauctorare, aut crimen abolere potest. Minimè verò omnium, Ludovici XI. verbo, pratum Gallicum tondere potest, quoties ipsi libuerit. Tributa enim Galliae Reges sine consensu ac suffragio generali regni conventuum instituere non posse, jam inde ab ætate Caroli Magni, testatur Aymonius Monachus. Et cui potius hac in re fidem habebimus, quàm Philippo Cominæo, viro summati & prudentissimo, & cujus operâ Ludovicus XI. in maximè arduis negotiis utebatur. Nemo, ait ille, omnium est Principum, qui jus habeat vel teruncium unum exigendi à suis, præter constitutum annum censum, nisi populus assentiat. Sunt quidem Principes, quibus hoc frequens est in sermone, ut dicant, habere se privilegia, ut quantum velint exigant à populo: Galliarum tamen Rex omnium minimè causam habet, ut istud de se jaçtet. Nec enim vel ipsi, vel cuivis aliis licet. Propterea etiam Ordines Galliae in istum callidissimum Ludovicum intemperantiùs potestate suâ utentem Boni publici bellum susceperunt. Pariter & alii reges cum populum ita exacerbarent, ejus obsequium & observantiam dissipaverunt. Carolus enim Crassus repudiatus, & à suis derelictus, brevi ad tantam egestatem delapsus est, ut ab Arnolpho jam rege facti victi in simplex rogaverit, ne fame periret, atq; ab ipso paucos ficos in Alemannia gratanter acceperit. Et si ad nostra tempora decurramus, quàm refrixit subditorum amor

Vu 3 erga

Fr. Hotoman. in
Franco-Gal. c.
25.

lib. 4 c. 116. 117.
adde J. C. Bu-
lengerum de
vectigalib. P. R.
c. 58.

Comin. libr. 10.
Fr. Hotoman. in
Franco-Gall. c.
25. Philip. Lon-
gus Gal. R. cum
bona fama eti-
am bonam con-
scientiam ex-
terminavit,
quando à sin-
gulis subdito-
rum quintam
redituum par-
tem exigere au-
sus est. Bodin en
la Resp. ou Sieur
de Malestroit.

Cusp. in Caro-
lo Crasso. Otho
Frisingenis
Chron. lib. 6.
cap. 9.

Thuan. Histor.
lib. 66.

erga multos reges? quàm degeneravit in odium? Cum An. Chr. 1578. Ordines Ducatus Burgundiæ libellum supplicem ad Regem Henricum III. perscriberent, quo novorum tributorum & vectigalium ac salarii imprimis onera deprecabantur, antiqua minui postulabant, aut ad eum modum reduci, qui sub Ludovico XI. fuit, quemq; juxta provinciae libertates ac privilegia successores ejus non egressuros se jurejurando ac repetitis sæpius diplomatis confirmaverint; illi qui libellum in aulam pertulerunt, cum verba apud Regem facerent, multa dixerunt viris Reip. & Patriæ studiosis digna, sed non perinde auribus impotenter dominantium & adulatorum, qui circa ipsos regnant, grata; ut illud Tiberii, Boni pastoris esse tondere pecus, non deglubere; & illud horrida libertate ab Hybrea oratore, M. Antonio III viro, duplicari per Asiam vectigalia imperanti, repositum responsum; Ut nimirum geminam æstatem & geminum autumnum, hoc est, binas messeis & binas vindemias eidem anno imperaret. Quæ ægrè à Rege audita, quanquam altè in pectus descendissent, tamen veritus ille, ne longius emanarent, & cæteræ provinciae Ordinum Burgundiæ exemplum secutæ imperium absolutum & licentiosum, quod animo meditabatur, in ordinem cogerent, delegatos utcunq; placatos cum bona in posterum spe domum remisit, fiscalibus edictis, quantum ad eam provinciam spectabat, revocatis. Specialis verò notæ & observationis est, quòd qui Divione, quæ Ducatus Burgun-

Burgundiæ metropolis est, in Majorem legitur, non tam honorem quàm onus suscipere, vel invitatus & renitens cogitur, usq; jurandum præstare in templo D. Virginis, præeunte verba Procuratore Regio, se Regi fidelem futurum, defensurumq; sua civitati jura, libertates, & privilegia, adversus quoscunque, REGEM etiam, quoties flagitat necessitas. Tantum scilicet abest, ut Rex Galliæ pratum illud Ludovicianum, quoties voluerit & ubi voluerit, tondere possit. Quemadmodum autem olim à cuniculis suffossus in Hispania oppidum, à talpis in Thessalia; à ranis civitas in Gallia pulsa, à locustis in Africa; ex Gyaro Cycladum insula incolæ à muribus fugati; in Italia Amyclæ à serpentibus deletæ: sic hodie, micognate, & vos mei Auditores, in Gallia sunt cuniculi & talpæ, quæ Remp. suffodiunt: sunt ranæ ac locustæ, quæ civitatum concordiam pellunt: sunt mures, qui reges fugant; sunt serpentes, imò scorpiones & dracones, qui reges ipsos delent. Quod si electione Galliis daretur Rex; quis Principum in tanto & quotidiano pereundi periculo oblatum sceptrum acceptaret? Quis ita electionem non præferret successioni? Quis Germanicorum Imperatorum salutem in tranquilliori et feliciore sede collocatam esse non diceret? Nam licet ad modum aliàs sit incertum, Electio an Successio sit melior; nec minùs incertum, quàm illud, an Reges Galliæ strumas sanare queant; cum alii affirmant, alii negent; & Petrus de Crescentiis, Medicus Gallus testetur, multoties se quidem reges vidisse promore tangere strumcosos, sed

P. Merula Conf.
mogr. p. 2. lib.
3. cap. 4h

Plin. histor.
nat. lib. 6. c. 29.

Petr. Marth in
Discursu fune-
bri Henric. 4.

Eberhard. à
Vveihe in pro-
blem. regio.

Her. Kirchner:
in disp. Candi-
datoria.

sed qui inde sanatus fuerit, vidisse neminem; ut præstet, strumas in Moraviam ad Zabarovicenses aquas deportari, ubi bitumine, sale, chalcantio, quæ in istis, profligantur: tamen in nostra Germania Electio longè saluberrimè temperatur & castigatur legibus, eaque nunc ita est conformata, ut omnibus aliis populis Successionem non invidet. Etsi & Stephani Battorii Poloniae Regis pro Electione gravis sententia minimè oblivione transeunda est. Efficiam verò, dicebat, ut intelligat orbis, quàm præstet Rex suæ virtutis merito in tantum fastigium à volentibus proventus iis Regibus, quos invitis populis jus successionis obtrudit. Sed quo abeo? Jam tandem manum de tabula; & tibi Franciscæ Carolæ Dux, frater charissime, adfentior: simulq; ad sensum meum Aeneæ Silvii, qui postea Pius II. PP. fuit, iudicio firmo: qui sic de Germanis: Mihi seu nova consideranti, seu vetera mente repetenti, inter omnes nationes, quas bello idoneas judicant, nulla expeditior, nulla fortior, nulla peritior, nulla audentior, quàm vestra, ô Germani, videtur. Vobis homines, vobis equi, vobis arma, vobis pecuniæ sunt. Nulla natio tam grandis sub cælo est, quæ habeat Deos appropinquantes sibi, sicut adest vobis Dominus DEUS noster. Et ubi obsecro tot clarissimi Principes, tot generosi proceres, tot fortissimi equites, tot potentes civitates, tot divitiæ, tot auri, tot argenti, tot ferri mineræ? ubi tanta populi multitudo, tanta juvenus, tantum animi, tantum roboris? Germaniæ fines,

Ep. 131. de Constantinop. clade, et bello contra Tucas.

nes, ut veteres tradunt, ab Oriente Viscella fluvius & Hungariæ limes fuere: ab Occidente Rhenus: à Meridie Danubius: à Septentrione Oceanus & mare Balteum, quod Prutenicum vocare possumus: Nunc quantum extra hos terminos possideatis, ipsi videtis. Vos Angliam, pulsas Britannis, occupastis: vos Belgarum Helvetiorumque fines, ejectis Gallis, obtinuistis: vos Rhetiam & Noricum invasistis: vos usq; in Italiam pedem extendistis: vos Hulmerigros, qui nunc Pruteni vocantur, ex manibus infidelium detraxistis. Vos igitur magni, vos bellicosi, vos potentissimi, vos fortunatissimi, ac DEO accepti Germani estis: quibus adeò fines extendisse licuit, & super omnes mortales Romanæ potentiæ datum fuit obsistere. Nam terrarum ille calcator omnium, & orbis domitor Julius Cæsar, quamvis subactis Gallis sæpe Rhenum transiverit, resque maximas in Germania gesserit; bellicosam tamen & asperam Suevorum gentem dimisit indomitam. Augustus Octavianus, cui & Parthorum & Indorum reges munera miserunt, qui unus omnium Romanorum fortunatissimus creditus est, de quo illa sunt metra;

Augustus Cæsar, divum genus, aurea condet
Secula:

Iste inquam felicissimus Imperator nullibi unquam, nisi apud Germanos succubuit. Ego hodie bello contra Turcam suscipiendo, etiam Italis, Gallis, Hispanis, Hungaris, Bohemis, Rastianis, Bulgaris, Illyricis, Græcis,

Græcis, Asiaticis, domi manentibus; solam Germaniam sufficere non dubitaverim. Scio enim Gotfridum, qui fuit Lotharingiæ Dux, cum solis trans-Rhenanis Teutonibus, & aliquibus Gallicis, paucis Italis, Hungariam percurrisse, Græciam penetrasse, Hellespontum transisse, Asiam permeasse, Hierosolymam ex potestate infidelium vendicasse; victis & prostratis omnibus, qui occurrerent, in medio gentibus; quamvis & Turci & Saraceni numerosi resistere conarentur. In ejus exercitu ducenta millia pugnatorum fuisse traduntur: atque multò majores copias sola Germania cogere potest. *Hæc Italarum doctissimus & prudentissimus de nostra Germania. Et quod encomium possit esse illustrius? Et quod magnificentius? Et quod pulchrius? Dicam & desinam, mei Auditores, sacri vatis verbis: DEUS NON FECIT TALITER OMNI NATIONI.*

Bibl. r47.

P R I N C E P S

FRIDERICVS
ACHILLES, &c.

JAM ET TU DIC, MI GEORGI
FRIDERICE, Baro Limpurgi.

ORATIO

GEORGI
FRIDERICI,

LIMPURGI BARONIS, S. R. I.
pincernæ hæreditarii & semper-liberi,

contra

H I S P A N I A M.

Variè hætenus, illustrissime Princeps & Præses, & prorsus inexpectatis sententiarum divortii decertatum est. Quicquid tamen illud sit; Galliam ego nihilo minus omnibus Europæ provinciis longè præfero: pro qua si post inclytum Principem Dn. Joachimum Ernestum Slesvici-Holsatiæ Ducem, aliquid dicerem; futurum id esset insigni cum temeritatis argumento, & non levi existimationis meæ læsione. Ante oculos enim Cicero ipse stare videtur, & dicere: Illam orationem solam populus Gallicus parem imperio suo habet. Neque etiam excutio, quæ adversus Galliam satis acerbè, pro Germania satis magnificè, & utrinque accuratè satis dicta sunt; quamvis contrariis armis fortiter depugnare possem, & res plurimas non invita circumflueret oratio: sed quia imprimis Hispania passim Europæ reliquæ luminibus officit, & potentiæ suæ confidentiâ

Xx 2

tiâ

tiâ ad monarchiam nostri orbis aspirare creditur; cum ea in arenam paucis descendam, & cum bonatua gratia, Princeps Magne, Dux Württembergiæ, ostendam, Hispaniam tibi tantopere amatam, & tibi tantopere laudatam, nec amore tanto, nec tantâ laude dignam esse. Quemadmodum enim umbra aliquod corpus multo majori modo representare solet, quam re ipsa est; sic tuus amor Hispaniam nobis depinxisse videtur.

Audacem faciebat amor.

Equidem, nisi omnis oculorum & ingenii acies mihi obtorpuit, terram Hispaniæ ego invenio supra omnes alias Europæ regiones incultissimam & sterilissimam, populo rarissimam; desertis, quæ Sierras vocant, plenissimam; adeo, ut etiam ad illam hominum infrequentiam alendam haud sufficiat; ac proinde Germaniæ atque Galliæ, nutricibus suis, nisi alumna haberi velit ingratisima, debeat cultum & venerationem. Gallia certè quatuor milliones auri quotannis ex Hispania capit. Et Henricus IV. Rex cuidam opulentiam Hispaniæ laudanti; quod Pistoleti & Regales, nummi Hispanici, ubique fere pretiarum constituerent, reliquis monetis quasi ferias agentibus; ingeniosè & prudenter responderebat: Hispanica moneta domi significat abundantiam, foris indigentiam & necessitatem: Hispani ad nos veniunt, non nos proficiscimur ad illos: neque nobis donant suas pecunias; sed debent nobis, veluti suis creditoribus. Vix dum enim triticum in spicas exit, granumq; indurescere, & trahere incipit colorem;

Ovid. 4 Metamorph.

Strabo lib. 3. H. Bignon de l'excellence de la France, Liv. 1. Voyez la Réponse de Bodin aux Paradoxes de Malestroit. & speciatim de Lusitanie penuria testatur H. Conestagius de Portugal. & Castell. conjunctio, lib. 1.

Petr. Matthæus in Panegyric. Henrici IV.

rem; & statim frumentarii Hispani adsunt, emunt, auferunt. Et quidem in Lusitania etiam privilegia minime spernenda proponuntur illis: ita, ut si illic quis triticum venum expositurus deferat id in forum, & clara inclamet voce, traho tridigo, hoc est, triticum fero; non possit eum ducere vel in carcerem compingere licitor; nisi idem apparitor eadem operâ etiam operæ pretium à plebe expectare velit fustuarium. Cumq; aliàs aurum argentumve extra Hispaniam exportare nulli liceat impune: soli frumentarii insuper sunt exleges. Quare & illi Angli, qui olim Ducis Lancastrii ductu suppetias tulerant Regi Portugalliæ, in Hispaniam redire nolabant, cum dicerent; in Castilia nihil nisi rupes asperas, quæ in omphacio comedi nequeant; & præterea montes præaltos, aërem durum, flumina turbida; plebem egenam, spurcam, & pessimè vestitam; tantum ibi esse. Et qui adhuc de sterilitate Hispaniæ dubius est; is utinam voti obligaretur eò proficiscendi, & hospitiorum degustandi delicias; si non aliud, saltem disceret ibi splendide esurire: disceret ventri importune obstrepenti aurem obturare, famem speciosè dissimulare; & à prandio mox prodeambulans, mantili fauces mundando, calamoq; dentes carnis non visæ pridem reliquis exonerando, saturitatem disceret sobriè mentiri. Longè alia ibi hospitiorum est facies, quam in nostra Germania: quæ tamen hoc nomine à multis inhumantè vapulat. Nam quod in Marchia Brandenburgica, Pomerania, Mechelburgia, & illa prisca Saxonia,

Response de Bodin aux Paradoxes de Malestroit.

H. Bignon ex Frossart.

(non loquor tamen de urbibus majoribus & elegantiarum amantibus) nostri Germani pro Gallorum, Italorum, aut aliorum genio & ingenio parum interdum sint civiles; & multâ prece pretioque multo sæpe non possit impetrari ab illis cibus potusque; id non regionis penuriæ, sed magis hominum militari disciplinâ viventium, quâ olim singuli secum cibaria sua ferebant, severitati imputandum est. Sicuti & antiqua multis in locis hospitiorum in mensis lectisque frugalitas & tenuitas non ex delicatulorum & effæminatorum, quibus corpus nimis charum, iudicio æstimanda est: ut Erasmus dicaculum dicere possimus, qui ex unius aut alterius cauponis rusticitate, cuius vultibus fortè inerant tormenta, omnium aliorum diversoriorum dotes falso & improbè metitur: & Lipsius, alique id genus κακὸς ὁμαχὸς non boni fuerint Stoici, qui VVestphaliâ vocabant provinciam gregibus quàm Regibus pascendis aptiorem, Scytharum eremiam, barbariam supra omnem barbariam barbaram; ac cognominabant ipsos Vvestphalos, Suillios, Scrofas, Porcios, pultiphagos, homines semi-homines; & eorum hospitia, haras: & Aeneas Sylvius fidei derogaverit, qui omnem sordium & impuritatum sentinam in aulico Germanorum convivio collocabat; & tam spurca de mensis & lectis illorum scribebat, ut de media Turcia vix potuerit spurcius; planè hospitiorum patriorum privatas sordes, cum ita scriberet, oblitus. Quippe in diversoria Italica delati peregrini Germani, plerunq

Ut & Romani milites quondam facebant. vide Polyb. & Lipsium de milit. Rom. lib. 5. dialog. 11. & 16.

Erasm. in Col.

Lips. in Epistol.

Silvius in Epist. 166. de Curiali-um miseris.

plerunque egestatem ibi non sine tristi sensu mox & mirantur & oderunt; quos subinde jejunis squalentibusque epulis inter aviditatem & fastidium divisotum tricliniorum situs, tum culicum cimicumque omnigenere infesta cubilia, acer demum diversitor & inclementis hospitii gravis merces multo cardolio & punctiōibus divexare solent. Quanquam optandum sit, alicubi in nostra Germania diversoria esse plura, & interdum magis munda, & ad mores peregrinantium magis conformia: qua in re Galli omnibus aliis nationibus sine controversia præripiunt palmam. At in Hispania, o mei Auditores, quàm omnia in barbariem abeunt? quàm ipsum regionis exsuccum & aridum solum cum incolarum inhospitalitate certat? Pauci, pauci peregrini sunt, qui ibi diu morari cupiant: & beati sunt, qui miseram illam terram non viderunt, & crediderunt: tantum abest, ut pro aliorum (a) opinione sint pecudes, qui Hispaniam non viderunt. Nam uti in Gallia, velis nolis, pecuniam profundes: ita in Hispania, si velis maxime, non tamen poteris. Magnæ passim solitudines; magna passim armentorum, pabulorum, herbarum, lignorum, & aliarum rerum necessariorum inopia; ut viatores sæpe pro tecto cælum, pro cibo famem, pro potu sitim inveniant: aut si bonâ fortunâ offendant diversorium, sæpenumero in illo nec comedendi, nec dormiendi habeant copiam; & ita plerunque reperiant prandium cœnamve dubiam, dubit incerti que an jejulare cogantur.

Euphorm. Satyr. in Icone Animæ. c. 6.

Nicol. Clenardus in Epistolis passim.

(a)

Domini de Selles. vide Apologiam Vvilhel. Principis Aulici ad Proscriptionem R. Hispan. En Espagne vous ne rencontrez aucuns chasteaux par les champs, ains seulement quelques casines et maisonnetes, esquelles passent chemin vous estes contraint d'heberger; & encorés distantes d'un long intervalle les unes des autres. Etien Pasquier des Recherches de la France, lib. 7. chap. 15.

Et

Et tamen umbra cœnæ lective tanti constat, quanti in Germania aut Gallia magnificum epulum: ut terra vel flumina in Hispaniis ideò aurifera nominari possint; non quia ferant, sed quòd auferant aurum. Quælibet autem Hispanica civitas fere unum saltem habet diversorium: in quod dum divertis, invenis arietis cornu parieti annexum, ad quod jumentum, si quod habes, religas tuum: deinde tibi dicitur, si aliud quid petas; Vade ad forum. Quod si roges, ut vel famula vel famulus tibi commodetur, te operam remuneraturum; mox audies; Vade tu ipse, opus habeo famulatio meo.

Hub. Thomas
Leod. Annal.
lib. 6. de vita
Friderici II.
Elect. Palat.

Neque est quòd avenam, paleas aut fœnum petas: istis caret Hispania. Hordeum emere poteris, & equo tuo dare. Terram prostrato boni consules: pro lecto vel culcitramattam à vicino forsan emendicabis pretio: tibi coquus, tibi famulus eris: vix oleum & acetum, prætereaque nihil, habebis in hospitio. Et audite amplius, mei Auditores; audite alibi inauditam inhospitalitatem, & egestatem. Cum Fridericus II. Elector Palatinus cum aulico XX. tantum hominum comitatu ad Imperatorem Carolum V. proficisceretur in Hispaniam, etiam Cerveram (oppidum est) venit; ubi die Corporis Christi quiescere constituebat, ut equi æstunimio defatigati reficerentur: sed loci magistratus statim Principem accedebat rogabatq̃, ut maturè discederet cum suis; nec panis, vini, & reliquarum rerum annonam longiori morâ redderet cariorem. Promoto ita itinere, venit ille Gomorram, urbem non in elegantem;
cumq̃

cumque edendi appetitum diurni caloris vehementiâ corruptum patrio aliquo & familiari cibo reparare discuperet, interrogat in hospitio, num venale reperitur butyrum? & annuente caupone, atque satis reperiri confirmante, conversus Princeps ad dispensatorem ait; vade & eme butyrum, quantum uni mulæ onerandæ sufficiet, & ut cottidie ova friza habeam, cura. Iste cum dicto abijt sciscitaturus de butyro, & ductus ad aromatarium poscit ducentas vel trecentas libras: sed hic admirabundus, Atqui, inquit, tota Castilia non suppeditaret tantum: in Extremaduram tibi foret eundum, ubi sunt boum armenta: in his terris nihil herbarum crescit; & nos alibi emimus, pro emplastris ad ulcera conficiendis; aliâs nobis nullus est butyri usus: & simul attulit capellæ vesicam axungiâ potius, quàm butyro plenam, & ibi esse omne suum butyrum dicit. Quod cum dispensator ita renunciaret Principi, fuit id solutioris cachinni argumentum. Eadem verò hospitiorum difficultas toto itinere Principem comitabatur: qui cum Marefalcum præmisisset Granatam, illic de hospitio prospecturum; reversus iste denarrabat, non aliter potuisse obtinere, nisi ipsemet Imperator rogaret civem aliquem, qui agrè etiam ad vcnas in ædes admittere promisit, in quibus tamen nec lectus, nec stramen erat. Et quia Imperator Principi extra Granatam honoris causâ obviam ire volebat; Princeps propterea in pagum Allabala ibi dimidio milliari ab urbe distantem, & ibidem in domum
Yy

mum per metatores Caesarios ejus mansioni destinatam concessit. Sed quid sit dominus domus sub tempus caenae supervenit ex Granata cum tribus famulis armatus & hastatus, Principem cum suis Germanis inde exturbaturus, vociferans, ædes ad se, non ad Imperatorem pertinere; neque ab illo quicquam epidemetici impetrare poterant; donec prodiiit Princeps, cujus augustam faciem intuitus importunus nebulo, tandem conticuit & acquievit.

Verum quicquid de fertilitate Hispaniæ aliunde assertur; id plerumque vetus est. Hodie enim copiarum disparuit, raritas omnium terræ bonorum successit, opulentissimis quoque auri & argenti fodinis exhaustis. Et quemadmodum Cabillonum Galliæ binis ornatum quondam erat nundinis, utrisque ad totum mensem durantibus, alterisq; Brandoniis, alteris ab Augusto mense nuncupatis; quæ tamen urbe suis cladibus fere sepultâ primo quidem Genèvam, quæ tunc etiam regni Burgundici erat, postea Lugdunum, ubi nunc quoque habentur, sunt translatae; sed ita, ut retineat Cabillonum adhuc dum, quas nundinarum beneficio solitum habere, immunitates: usurpat enim Cabillonensis magistratus nundinarum & mercatum magistri nomen, & quo anni tempore nundinæ celebrantur, nemo Cabilloni adparitor, vel Regius vel alius, quemquam potest jure sistere, vel in ejus bona manus injicere: sic quoque Hispani hodie præsentem terræ suæ sterilitatem inanibus jactationibus superbe colorare

P. Merula Conf.
no gr. p. 2. lib. 1.
cap. 46.

colorare solent, cum ex prisca illa fertilitate, si tamen talis ibi fuit unquam, retineant ejus vix umbram, & propè nudum nomen tantum. Et quod supra de hominum infrequentia dixi; id Gallia Hispaniæ proxima verissimum esse cottidie experitur: cum Hispani magnâ mercede totas opificum colonias è Gallia, & præsertim ex Arvernibus & Lemovicibus accersere soleant: & in Navarra atque Aragonia fere omnes vinitores, agricolæ, lignarii, latomi, carrucarii, restiarii, helciarii, ephippiarii, & ceteri manuarii artifices sint Galli: urbibus ibi & alibi locorum parum solatii ab indigenis Hispanis, qui sunt ignavo otio editissimi, sine Gallorum & aliorum exterorum operâ habituris. Gallorum autem opificum in Hispaniis commorantium multitudinem aperuit maxime Leo Strozzius, Prior Campanus; cum triremes Gallicas, quibus præerat in litore Massiliensi, Barcinonem urbis diripiendæ cupiditate egisset: siquidem detectâ fraude, & terrore in vicinos sparsa, decem millia Gallorum opificum in una urbe Valentina jussu Maximiliani Proregis Hispaniarum capta sunt; quorum tamen Hispani vades esse, quàm ab eis deserui maluerunt. Istam Hispanorum paucitatem creberrimi copiarum, toties in Indias, Italiam, Belgium, tanquam ad macellum missarum delectus extenuant magis magisque: adeo ut si valido & numeroso exercitu impetus jam fieret in Hispanias, ægerrimè à civibus resisti posset. Quæ ratio etiam in Consilio

Response de
Bodin aux Pa-
radoxes de Ma-
stroir

Nicol. Clenard.
Epist. lib. 1. ad
Latom.

Joh. Bodin. de
Rep. lib. 5. c. 1.

hic ipsum etiam
dicit Columellus,
apud I. Juan.
hist. lib. 51.

Muratis III. Turcarum Sultani proposita est, cum de novo bello deliberaretur.

Lazar. Soranzu in Otto-
mauno, cap. 55.

Thuan. hist.
lib. 48.

Essais de Michel de Mon-
taigne liv. 1.
chap. 4.

Vide de hisce
Hier. Cone-
staggium de
Portugal &
Castel. conjun-
ctione, lib. 1.

*Ceterum quemadmodum Hispania alimentorum & hominum est egens: ita quoque Hispani virtutum penè omnium sunt pauperrimi, vitiorum ditissimi. Et quidem irreligiosos illos esse demonstrari posset argumentis & exemplis quàm plurimis, si opus esset: cum Mauriscorum quoque Rex Ferdinandus Valorius intellexerit, illos vestimento tantum religionem, non intimo cordis adfectu aestimare. Vulgo sanè hominum memorià in Galliis dicebatur; Regem quen-
dam Hispanum, cum à DEO esset castigatus, tam impatienter id tulisse; ut injuriam se ulturum juraverit, & mox edixerit subditis, Ne proximo decennio DE-
UM adorarent, nec crederent in eum, nec de eo loque-
rentur. Quo dictorio non tam stultitiam, quàm insitam
genti vanitatem ac religionis contemptum Galli de-
pingere voluerunt. Nam ut nihil loquar de Christia-
nis novis; quo nomine Lusitanorum bene magna pars
veniunt, qui vitam Judaicam religionem à majori-
bus illorum, mortis, exilii, servitutis, & aliorum peri-
culorum metu, linguà quidem jurantibus, sed mentem
injuratam gerentibus desertam, adhuc animo retinent,
Christianam autem in actibus fingunt, servantq; tan-
quam legibus jussam, non tanquam DEO gratam: ec-
quis hodie populus tot Renegatos, (sic appellantur illa
hominum portenta, qui Christi sacris impiè repudiatis
ad diram vaserrimi impostoris Mahometis superstitionem*

*nem desciscunt) ecquod Christianum imperium tot Chri-
sti hostes hodie parturit? Quis putet, bonam Hispaniæ
partem contagio Mahometismi laborare? Quis credat
in bello illo Africano, (An. Chr. 1578.) quo Sebastianus
Rex Portugallie, ætate & prudentiâ fere puer, fu-
nesto prælio occubuit, Moleium Molucum, Mauri-
taniæ Regem, in exercitu suo XV. circiter millia mili-
tum Renegatorum, & eos plerosque ex Andalusia
oriundos, habuisse? En præclaros illos San-Jacobi
clientes! En Religionis Christianæ Atlantes! En
illos toto orbe celeberrimos Catholicos Hispanos! Per
me tamen Catholici sunt Hispani. Sicuti enim fieri
amat, ut qui paternam bonorum & gloriæ heredita-
tem decoxit, de imaginibus tamen blandiatur sibi, &
generis titulo, adeoque Generosus audire velit; &
nisi audiat, in injuriam pessimus trahat interpret:
ita, ut Hispanis utar æquioribus, quàm etiam ratione
D. Paulus Festum dixit optimum, qui tamen vix
bonus; quàm alios quosdam vocamus Nobiles, qui ne-
micam quidem nobilitatis habent; alios Doctores, qui
tamen doctrinam & artes meliores ignorant; eã-
dem & Hispanos Catholicos, qui tamen nihil mi-
nus, appellabo. Et ut dem adhuc plura, atque cum
multis credam, regnum Christi in utrisque Indiis
Hispanorum, & cum primis in Japonia Jesuita-
rum operâ studioq; admirabile accepisse incrementum:
tamen creditu est multò facilius, non pietatem
in Deum, amorem in religionem, sed potius ambitio-
nem,*

Nicol. Clemen-
ti Epist. lib. 1. ad
Latom.

H. Conestag. de
Portug. & Ca-
stel. conjunct.
lib. 2.

Vide Tortu-
ram Torti, pag.
400. editionis
Londinens.

Catholici no-
minales.

nem, avaritiam, & ceteras pravæ mentis cupidines illis calcar addidisse. Robertus Normannorum Dux, in Hierosolymitana peregrinatione, quam voverat, barbarorum humeris ager ferebatur: uno verò ex comitibus domum redituris interrogante; numquid in patriam nunciari vellet? Hoc unum, respondebat; Vidiſſe te Robertum Ducem dæmonum (innuebāt barros) operā in cœlum (Hierosolymam intelligebat) ferri: ita Hispani, ita Jesuitæ, sunt barbari, sunt dæmones; quorum humeris, heu nimis duris! miselli Indi & Japonenses nescio in cœlum ferantur, an in infernum profundius deportentur. Et quia commodum Jesuitarum meminimus, qui sunt Hispanorum genuina proles; quiq; adfectuum & animorum copulā ita utrinque coherant, ut nulli divisioni aut distractioni inter se dent locum: nam quidam ex Burgundiæ delegatis dicebat; un Espagnol sans un Jesuite, est une perdrix sans orange: hoc est, Nec perdix sine malo aureo, nec Hispanus sine Jesuita sapit: ideo in illos religiosos Patres diligentius inquirere juvat; cum ex eorum artibus, de omnium Hispanorum indole & ingenio certius simus judicaturi. Doctrina autem illorum & vita meritò orbem Christianum universum jamdudum impulit ad suspensiones & odia: cum ea doceant & faciant, quæ nunquam docuisse, nunquam fecisse, Ecclesiæ & Reipublicæ plurimum intersit. Theologorum Scholis censendum relinquo, quid illi dissociabiles socii, pro abjectissimis Papismi scoris, pro flagitiosissimis Anti-Christi

Theodorus
Zvinger. Me-
rhodi Apodem.
lib. 1 cap. 3. ex
Polydoro.

Autor Explica-
tionis vocabuli
Higiero.

Christi nugis ac superstitionibus scribant vel vociferentur: ego verò hoc tantum ab aliis sæpiſſime dictum hîc repeto; illos seditiosa dogmata & introducere, & antiquata jamdudum denuò ex Tartaro reducere, novisque coloribus infucare; quæ tam omnium Principum saluti, quàm imperiorum paci sunt pernicioſa; ut si pro merito fiat, non illis verba reddere, sed furcas figere oporteret. Quæ enim est intemperies, Satanicum Hildebrandi errorem in Jovis Capitolini gratiam & Rerum publ. certam pestem, defendere, majestatem Principum imminuere, & sonorâ voce,

Tortura Torti,
p. 38.

cornua quæ vincatque tubas contendere: unicum esse mundi universi dominum, unicum Vice-Deum, unum Imperatorem, unum Regem, unum verè Principem, PAPAM scilicet: cujus imperio si quis Principum parum se præbeat morigerum, si ve in Spiritualibus, ut multi sæpe, si ve in Temporalibus, ut superiore seculo Joannes Rex Navarræ; hunc illâ etiam falsâ Jesuiticâ Hildebrandi Principatus imagine, ipso jure, etiam ante prolatam à Pontifice sententiam, ut multis placet, vel certè statim à prolata sententia, omni imperio excidere: ejus subditos omni vinculo naturalis subjectionis solvi: ipsum vel subditorum vel aliorum Principum, viribus solio detrahendum, & tanquam piacularem victimam finibus ditionis, aut etiam è numero viventium, si opus sit, exterminandum esse? O nefaria societas! O legitimarum societatum nocentissima pestis!

Isa. | Causabo-
nus in Epist. ad
Frone. Ducæ-
um.

Tu

Virgil. AEn. lib. 7.

Tu potes unanimes armare in praelia fratres,
atque odiis versare domos; tu verbera tectis
funereasque inferre faces: tibi nomina mille,
mille nocendi artes.

Obversantur enim quotidie tot horrenda bella jam inde ab Hildebrandi temporibus ex hac causa in Europa exorta & crudelissime gesta; obversantur tot rebelliones, proditiones, caedes, et parricidia nostro seculo ab hoc fonte profecta. Quis itaq; civis bonus, quis patriæ suæ amans, quis Principis sui observans, Centaurica illa novorum turbonum ingenia, & illud ultimum seculi hujus excrementum, postremum Diaboli conatum, toto animo non exsecretur, & canepejus et angue non oderit? Quis tenebrionum illorum scripta ad Romani Pontificis ἀποθέωσις novo audaciæ exemplo excogitata non aboleat? Sapienter patres Curiae Parisiensis fecere; qui Institutionem Marianaë Iesuitæ flammis ultricibus addixerunt: sed sapientissime, quod Roberti Bellarmini Cardinalis, cujus ore tota Iesuitica Societas loquitur, librum de Temporalis potestate Papæ adversus Guilielmum Barclajum libero Scto damnaverunt, & sub pœna læsæ majestatis habere, retinere, communicare, excudere, vendere vetuerunt. Nam qui in incerto relinquendum negotium, aut ad tantam immanitatem connivendum putant, ii publicam Reipub. & dignitatem & libertatem suspendio enecant, aut silentio produnt. Tacere ad talia scripta plerosque Europæ Principes, & præcipue Concilium Caesaris aulicum

Actum in Parlamento 26. Novemb. A. C. 1610.

aulicum, & Imperii Cameram; imò cum S. Casarea majestatis privilegio & Superiorum permissu publicari librum, quo & Caesaris majestas & Superiorum auctoritas omnis tollitur, monstri simile est. Quid enim si subditorum animi Diabolicâ illâ doctrinâ inficiantur? Quid si Castellus aliquis novus, ætate penè puer, malitiâ senex recoctus, Regi suo exitium machinetur? Quid si novus aliquis Ravallacus pari facilitate doctrinam parricidalem imbibat, pari temeritate foveat, pari scelere in Principe aliquo exequatur? Ille enim à supremæ auctoritatis iudicibus de causa suscepti in Henricum IV. parricidii interrogatus, cum more patrio in reorum sellula sederet, non per ambages aut ænigmata, sed liquidò ac disertè respondit; ideò se quod fecisset fecisse, quia Rex Protestantibus Germaniæ Principibus opem ferre parans in causa Clivenfi Pontifici Maximo rem faceret ingratam, ac proinde dignus esset, qui periret: se DEUM in terris Romanum Pontificem agnoscere, contra quem bellum gerere sit DEO ipsi bellum inferre; cum Papa DEUS sit, & DEUS sit Papa. Quæ cum ita sint, nemo, opinor, sanus dicat; parricidarum sicas magis esse Principibus metuendas, quàm venenata Alastorum scripta, quæ ad parricidia ducunt. Non enim tunc demum incipit aliquis esse parricida, cum ad scelus patrandum manus expedit: tunc tunc scelus contrahitur, quando mens doctrinâ Marianaë, Bellarmini, Bucherii, aut aliorum ejusdem monetæ, incipit cor-

Autor Cōmentationis de potestate Papæ contra Bellarminum.

Jfac, Casaubon. in Epist. ad Fronton. Ducum Pierre Matth. en l'Histoire de la mort de Henry IV. Le Mercure François; liv. 6.

Zz

rum-

rumpi: & parricidii horror ac detestatio paulatim minuitur ac labefactatur, quando, mutatis rerum appellationibus, rebellio, perfidia, parricidium, quæ prius existimabantur, ut sunt reverà, & inextinguibile, jam facinora laudabilia, aut etiam meritoria incipiunt videri.

Verum Jesuitæ aliud non minus virulentum dogma contra Reip. & Principum salutem propugnant animosissimè, de Confessione non detegenda, ne in causa quidem majestatis & presenti Regis ac regni periculo: quæ est Hildebrandicæ doctrinæ appendix non poenitenda. Acta narrant Anglica, Comitem Nottinghamiæ pro tribunali ita interrogasse Jesuitam Garnetum: Siquis manè apud ipsum confiteretur, se die sequenti Regem pugione transfixurum, an putaret, rem sibi occultandam? Garnetum id affirmasse. Et Binetus ex eodem Ordine Isaaco Casaubono hisce verbis confirmabat id ipsum: Præstare, Reges omnes perire, quam si vel semel Confessionis sigillum violaretur. Regum enim, ait, imperium juris humani est, Confessio juris divini. Et alius in Galliis Jesuita ausus est nuper profano & impio ore asserere: Si Dominus noster JESUS CHRISTUS in terris versaretur morti obnoxius, & aliquis sibi in Confessione dixisset, velle se illum occidere; prius, quam Confessionem revelaret, passurum se (ô horrendam blasphemiam!) ut CHRISTUS occidatur. Sic & Henricus Henriquez Jesuita nullam omninò ob causam violari debere aut posse

Isac. Casaubon. in Epist. ad Front. Ducem.

Isac. Casaubon. in Resp. ad Epistol. Card. Perroui.

posse statuit; quamvis ageretur (verba sunt Jesuitæ) totius Orbis salus, aut ipsius poenitentis utilitas; nec pro vitando ullo damno gravissimo innocentis; aut quod esset totius Orbis conflagratio, aut perversio religionis, & omnium sacramentorum intentata demolitio. Deus bone, Deus misericors, in quæ nos tempora reservasti! Quæ enim hæc sententiarum, imò blasphemiarum sunt monstra? quæ portenta? Quis sanctorum Apostolorum, quis piorum Patrum unquam sic credidit, sic docuit? Equidem magnum Confessionis, & meritò magnum privilegium est; ut scilicet sacro silentii sigillo muniantur, quæ vulnerata conscientia pro animæ solatio in arcano explicat, atque in sacerdotispectus veluti in Dei ipsius scrinium liberrimè effundit: attamen si ex eo Ecclesia vel Respublica (cujus utriusque salus bono Christiano & civi bono ubi vis suprema lex est) sit contractura periculum; tantum abest, ut sacerdos tacere possit, ut, nisi Religionis & Reipubl. hostis haberi, nisi crimine læsæ Majestatis divinæ & humanæ se se sponte implicare velit, protinus Magistratui Confessionis arcanum aperire debeat. Atenim quod Jesuitæ perperam docent, etiam facere student. Qua de causa passim, ubi ubi possunt, aulas obsident magnatum, domos ditiorum adeunt, omnes angulos per vestigant, omnia, etiam ipsas conscientias excutiunt aliorum; (nulla enim arx satis tuta est, ad quam Confessionis machina à Jesuitis admoveri queat) sat agentes, ne fortè contra Papæ omnipotentiam aliubi

in summa Theol. Moral. lib. operis 6. de poenit. sacr. l. 3. c. 19. § 5. Is. Casaub. in Epist. dedic. Ex. Baron & in Exercit. 16. c. 131.

Tho. Sagittarius in orat. de Lutheranor. liberis ad scholas Jesuit. non mittendis.

B. Menzerus in Exec. August. Conf. art. 12.

Zz 2 consilia

Der Maus-
dreck will all-
teils unter dem
Pfeffer sein.

Esti. Pasquier
des Recherches
de la France
Liv. 7. chap. 18.

Hist. des der-
niers troubles
de France lib. 5.

Estien. Pasquier
des Recherch.
de la France. Liv.
3. ch. 37. & 38.

consilia habeantur, vel ineantur. Unde in Repub. Christiana non facile quicquam constitui potest, in quod diractio si non aperiè, saltem per cuniculos, arbitrium suum non insinuet. Et quemadmodum pictores interdum in una tabula cacodæmones bonis angelis mistos exhibent spectandos; aut Poëta in scenam unâ introducunt crucis candidatos, cum bonæ fidei & famæ sanctioris mystis: ita fere hodie tota Europa scena & tabula est; in qua Jesuitæ, generis humani carcinoma, inter tot hominum miracula non postremum occupaverunt locum. Prolixus forem, si præclara doctrinæ illorum experimenta nunc referrem; quomodo nimirum Sebastianum Regem Portugalliæ corruperint; quas turbas in regionibus Austriacis; in Bohemia, in Hungaria, in Venetorum ditione, in Belgio, in Polonia dederint; quas partes in pulveraria conjuratione Anglicæ tenuerint: quæ alibi perpetraverint scelera: sed si hoc mare ingrederer, quando sim inventurus portum? Alexander Hayus Scotus ita suam Societatem & bene laudabat: Jesuita est omnis homo: hoc est, ut ego propriè interpretor, sunt Jesuitæ Equivocatores falsarii, & insignes omnium fraudum omnisque nequitie artifices & architecti: qui cum Lutetiæ primum in Academia domicilium quærerent, & interrogarentur aliquoties, Seculare an Regulares essent, (nam ad hæc duo membra omnes Universitatis cives & ordines referuntur, nec tertium fertur) Equivocatores illi hoc semper captiosè respondebant, TALES, QUALES;

LES; ex quo hodieque proverbium ibi inter Studiosos usurpatur istud, Jesuitas esse TALES QUALES. Nempe verbadant Jesuitæ, quando verba faciunt: & Poëta verbis,

Vestra datis, cum verba datis, nam fallere vestrum est.

Et cum verba datis, nil nisi vestra datis.

Certè diabolicis suis equivocationibus ac mendaciis simplicitatem commerciorum non parùm turbavit Garnetus in Anglia; ut plerique Anglistrophas & verborum decipulas veriti hanc fere clausulam contractibus jam inferant suis, agere & contrahere se velle sine ulla Equivocatione. A Jesuitarum itaque familiaritate vir bonus quilibet arcendus, & potissimum juvenus tantò est removenda longius, quantò res est periculo prior. Patres enim illos non aliter intueri oportet, quàm agyras medicos; quorum tituli remedia habent, pyxides venena. Et quemadmodum

Clitorio quicumque sitim de fonte levârit,
vina fugit, gaudetque meris abstemius undis:

ita qui Jesuitarum doctrinas imbibunt, fugiunt viro bono dignum candorem & morum rectitudinem, & omnino Jesuitarum animos & personas assumunt. Et tamen sicuti animalia quædam, cum mordent, non sentiuntur; adeò tenuis illis & fallens in periculum vis est; tumor indicat morsum, & in ipso tumore nullum vulnus apparet: idem in conversatione Jesuitarum evenit; non statim deprehenditur semper, quemadmodum aut quando discipulis suis noceant; novisse tamen

Z z 3

depre-

ov Metam.
phol. lib. 1.

Seneca Ep. 24

Thuan. histor.
lib. 37. Est. Pas-
quier des Re-
cherch. de la
France liv. 3.
chap. 37.

deprehenduntur. Verum Sorbona Parisiensis illorum imposturas sagaciter & maturè olfecit: quæ à Senatu Curiae Parlamenti, An Jesuitæ in regno sint recipiendi, sententiam rogata, ingenuè ita censebat: Novam hanc Societatem appellatione insolitâ Jesus nomen sibi vindicantem, præbere occasionem liberè ab aliis votis deficiendi; debitam præsulibus obedientiam subtrahere, dominos & ecclesiasticos & alios suis iuribus injustè privare, perturbationem in civili & sacra administratione, querelas, lites, dissidia, contentiones, æmulationes, rebelliones, variasque scissuras inducere, & his de causis illam in religionis negotio periculofam videri; ut quæ pacem ecclesiæ conturbet, monasticam disciplinam evertat, & magis ad destructionem quàm ad ædificationem pertineat. Licet autem Jesuitæ Guisianorum gratiâ subnixi postea à certis conditionibus fuerint admissi: universa tamen Parisiensis Academia libertatem eorum mox interpellavit; & cum caussa hæc iterum frequenti Senatu ageretur, Stephanus Paschasius pro Academia contra novum Sodalitium differebat gravissimè; & sectam eam ambitiosam & fucatæ Religionis plenam appellans, in Hispania natam, Lutetiæ adultam, Venetiis exercitatam, Romæ initiò exagitatam, postremò receptam, & privilegiis immodicis donatam, postea in Galliis damnatam & rejectam fuisse, dicebat; nunc verò gratuita puerorum institutionis specie grassari; & inde familias captatis testamentis exhaurire, juven-
tutem

tutem specie religionis corrumpere, & fascinatis per superstitiones puerorum ingeniis jam nunc seditiones & defectiones in regni perniciem aliquando erupturas moliri, tum inter plura eorum vota illud vellicabat, quo Præposito suo, qui semper ab Hispaniarum Rege deligitur, quemq; tanquam DEUM præsentem in terris venerari se ajunt, obedientiam, quam cæcam appellant, per omnia & in omnibus pollicentur. & post aliqua subiciebat; novis sectariis istis semel admissis, totidem hosteis intra regni viscera alii qui, si contingat, ut excandescente perversâ bile in Gallos arma veriant Pontifices, regi nominique Gallico bellum indicturi sint. postremò versâ ad Senatores oratione, Vos, inquit, qui nunc Jesuitas toleratis, aliquando ipsi, sed ferò credulitatem vestram accusabitis; cum conniventia vestra effectum videbitis, ut horum astu, dolis, superstitione, dissimulatione, præstigiis, ac malis artibus, publica tranquillitas non solum in hoc regno, sed etiam per universum orbem Christianum periclitetur. Nec fides defuit orationi; & secuta tempora in ipso regni meditullio, in ipsa metropoli, tragica exempla dederunt; Rege tandem ipsomet Castellani iunctum jugulo destinatum maxillâ, sed unius dentis jacturâ, excipiente, ac vocem illam immortalem edente: Falloit il donc, que les Jesuites fussent convaincus par ma bouche? hoc est: Itane fieri oportuit, ut Jesuitæ ore meo convincerentur? Quo tempore Parlamenti Senatores, cernentes oculatiùs, serò quidè justè tamen decreverunt, ut omnes de

Vide Joan. Pèp.
Massejum in
Ignatii vita, lib.
2. cap. 9.

A. C. 1594

Histoire des
derniers trou-
bles de France.
liv. 5.

de grege illo Loyolitico infames & parricidales porci, tanquam juventutis corruptores, perturbatores pacis & tranquillitatis publicæ, inimici regis & regni, intra tres dies post promulgationem sententiæ Lutetiæ, & ex aliis urbibus & locis, ubi sua habuere collegia, discederent; & intra quindēcim subsequentes dies toto regno excederent; ita quidem, ut post dictum tempus in regno deprehensi tanquam læsæ majestatis rei punirentur. Interdixit etiam Curia omnibus Regis subditis sub eadem criminis L. M. pœna, ne filios extra regnum in Jesuitarum collegia studiorum gratiâ mitterent. Neq; hoc tantum meruerunt Jesuitæ: etiam Crucem tunc meruerunt: quæ ante Palatium Parisiis erecta & æternis præconiis exornata aliquot annos stetit justitiæ Parlamenti testis: sed Regis nimia in Ordinem illum nefarium, justitiæ misericordiam præferentis, facilitate, cum bonorum dolore è fundamentis eversa est; memoriâ tamen Pyramidis & vulneris, etiam in vitis Jesuitis, in historiarum monumentis perpetuum mansurâ: quod Gallus quidam ingeniosè prædixit Regi istis versiculis:

le Mercur
François lib. 1.

Sire, si vous voulez du tout à l' advenir
De l' assassin Chastel ôster le souvenir,
Ostant la Pyramide, & l' Arrest qui la touche:

Cambden. in
Annal. Angl.
A. C. 1585. P.
394

Qu' on vous remette donc une dent dans la bouche.
Equidem Elisabetha Angliæ Regina semper timuit
& exhorruit ingenia Jesuitarum; quos non solum suis
ditionibus ejecit; pœnâ læsæ majestatis in eos, qui man-
serint,

serint, aut deinceps in regnum redierint, sancitâ: sed
& ut alibi pellerentur, operam dedit. Et cum inaudisset, Regis Galliarum commendatione factum esse, ut
illis Turcarum Imperator Peræ, qui locus Constanti-
nopoly est vicinus, habitandi facultatem concesserit, Petr. Matth. in
Hist. Henric. 4.
lib. 6. narrat. 2. omnem movit lapidem, ut benevolentiam Turcici Im-
peratoris erga illos potentibus persuasionibus rursus
corrumperet. Neque hodie Jacobus Rex magnæ Bri-
tanniæ illos aliter, quàm hostes suos, & communes o-
mnium Principum proditores ac parricidas habet. Ifac. Casaubon.
in Epistol. ad
Front. Ducæ-
um. Neque nos Germani causam habemus, cur de Jesuitis
sentiamus & censeamus mitius: cum quibus ut cum-
piratis & latronum cœtu nulla juris societatis interce-
dere debet, sed summa distractio. Atque si læsæ maje-
statis crimine se involvunt illi, qui adversus Populum
Rom. vel securitatem ejus committunt; aut ad id ope-
ram, consilium, dolum malum, conferunt: an quis erit
tam felix malarum causarum patronus, qui Iesuitas
illo crimine purgare ausit, nisi sit ingenio Cortelo planè
contrario. Namque uti iste gloriabatur; se vel in
innocentissimo magistratu, qui modò unum atque alte-
rum annum officio præfuerit, occasionem & argumen-
tum reperturum, quo ille extremo supplicio plecti pos-
sit: sic Jesuitarum patronus talibus artibus instructus
veniat oportet; quibus vel omnium hominum, quos ter-
ra sustinet, sacerrimos, & patibulares victimas, viro-
rum bonorum contubernio inserere queat. Quid igitur,
ô boni cives, quid facimus? Cur Jesuitarum So-

Vide Bodin. de
Republ. lib. 1.
cap. 1.

l. 1. & ult. ff. ad
L. Jul. majest.
l. quisquis. C.
cod.

Bl. Monlucius
Comment. lib.
6.

A a a cietatem

Vide Joan. Paf-
feratium Praef.
in Disput. de Ri-
diculis.

cietatem in communi hominum societate; cur speculato-
res Hispani, et tyrannidis Pontificiae acerrimos satel-
lites, in media Repub. impunè versari patimur diutius?
Necquicquam in excolendo boni publici fundo su-
dabimus; necquicquam lolium, carduos, lappas, & tri-
bulos extirpabimus, nisi ex agro nostro hæc filix radici-
tus evellatur. Meminisse semper debemus, quoniam pa-
et profugi homines, nec minus vagi, quam Scythæ, novâ
gratuitæ doctrinæ professione vulgò commendati in
Germaniam, Galliam, et in alias Europæ regiones irre-
pserint; quibus artibus, inbiantes locupletum fortunis,
divites orbos, vel cælibes; deliros senes, superstitiosas
mulierculas, & adolescentulos imperitos deceperint, et
velut Circei poculo repente immutârint: ut religionis
specie, quam inexplibili avaritiæ suisq; fraudibus ob-
tendunt, equum Trojanum paulatim in nobiliores urbes
& provincias introduxerint, ut semper in insidiis man-
serint, & in speculis steterint, proditiōis occasionem
expectantes: ut eâ oblatâ machinam suam continuo ape-
ruerint, armatisq; hostibus multas urbes, provincias, et
regna repleverint. Quod verò insidias & paratam pe-
stem multis locis hætenus non satis caverimus, quod im-
pendentiam mala prospicientibus ac prædicentibus corda-
tis viris non crediderimus; obfistebant Choræbi quidam
atq; Ucalegontes, qui plures in Illo nostro quam Laoco-
ontes fuerunt. Atqui gratis docent Jesuitæ. Mutate
literulam, Auditores; & rem acu tetigeritis: Gratis no-
cent: eòq; mactandi majore infortunio, quod gratuito
sunt

sunt mali: quamquam vix istud sibi persuadebit, qui eos
bene noverit. Testes honestissimæ amplissimæq; fami-
liæ, quarum sanguinem pro levi docendi opella et exiguo
Minervæ istæ hircines exorbuerunt. Testis immanis
eorum census, & superbissima ædificia, quæ cum Re-
gum ac summorum Pontificum opibus & palatiis cer-
tant. Præclara liberalitas, repudiare drachmam, ut ta-
lentum extorqueas. Mirū genus benignitatis, pro stipe
menstrua, immensæ pecuniæ legata opimasq; captare &
rapere hereditates! Gratuita doctrina illis est pro hamo,
vel potius pro reti-jaculo, quo callidi piscatores cuncta
converrunt cum pulvisculo. Et tamen hæc magnifica
magistrorum per aureum funem de cælo delapsorum do-
ctrina est, fere nihil nisi artem mentiendi & dolos, quos
appellant, industrios sapere; & discipulis cum illis tra-
dereritis Hispanos, odium legum institutiq; patrii, et, ut
priscis utar verbis, imbelliam, imbalnitiam, impoliti-
am, imparentiam, meramq; cum Lavernæ sacris bar-
bariem. Hisce miscent quidem externum bonorum pu-
dicorumq; morum fucum, ac tristes vultu vendunt san-
ctimonias: nec tamen, si fibulam gestant, sunt Hippolyti;
nec si bonos auctores evirant, ideo bonis placent. Magna
laus est, scilicet, ac palmarium facinus, ex hircocaprum,
ex ariete vervecem, ac ex verre majalem ferre. Atq; u-
tinam fabri patribus eorum, quâ parte opus fuit, perpe-
tuam imposuissent fibulam! Toties illustria ingenia jam
non depravassent; toties pacem & quietem Rerum-
pub. non turbassent. Et quia hodie in hac mira rerum

Wolmeinender
Dienst/ war
umb sich die
etlichen in
Teutschland/
von den Spa-
niern und Je-
suiten abson-
dern sollen.

*viciſſitudine multa ſperare licet, quæ prius optare vix
licebat, pergam & ego optare, ac dicere; Utinam ſtel-
liones illi illuc revertantur, unde malum pedem attu-
lerunt! Utinam ab omnibus Principibus ac Rebus-
publicis, in quorum ditionibus adhuc illi morantur,
mox audiant carmen, quod eis Dux Venetorum Do-
natus, cum è Veneto Imperio pellerentur, recitaſſe fer-
tur: Andate, niente pigliate, & mai ritornate. hoc eſt:
Abite, nihil auferte, & nunquam redite. O ſalutare
carmen! Odi vinam medicinam. Equidem Germania,
Gallia, Polonia, & alia regna, quæ longum pericu-
loſumq; morbum Sociorum illorum contagione contra-
xerunt, niſi ejuſmodi leventur vomitu, vix unquam
rectè convaleſcent. Nec quis improvidus advocatis
& patronis Jeſuitarum vacuas obvertat aureis, am-
pliſſimas novasq; ſpes mirificis ingentium promiſſorum
emblematis ornatas oſtendentibus. Inſidiæ ſunt: aut
ſi non ſunt, ſpes tamen ſunt admiſſis ſcleribus & con-
ceptæ formidini multò impares. Crimen enim illud im-
piæ deſenſæ Temporalis Papæ in Principes poteſtatis
æternum eſt, incomparabile eſt: quod nulla virtus,
nulla meritorum amplitudo redimet. Nam quoties
quis dixerit: Jeſuitæ diſciplinam Scholaſticam ſta-
biliverunt, & artium liberalium ſtudia propagave-
runt: opponetur: Et juventutem feditiſſam doctrinâ
& fraudulentæ æquivocandi artificio imbuerunt.
Quoties dicetur: Jeſuitæ Eccleſiæ Romanæ majeſta-
tem vo- tyloque maſculè propugnaverunt: oppo-
netur:*

*netur: Et majeſtatem Principum Pontificalis ampli-
ficandæ ſtudio ſclerate impugnaverunt. Quoties di-
ctumerit: Jeſuitæ ad Orientis & Occidentis terminos
Fidem Catholicam protulerunt: opponetur: Et ad
utrumque Solem Perfidiam extenderunt, atque Fi-
dem ſubditorum Catholicam Principibus debitam
imminuerunt. Ita quamvis Jeſuitæ omnia eximiare-
ligioſorum ordinum exempla ſuperent: ex hiſtamen
quæ fecerunt, & quæ facient, nihil tam magnum
erit, quàm crimen Papalis omnipotentia ſic acriter de-
fenſum. Ac licet propterea forſitan nihil in Jeſui-
tas conſtituatur gravius: Principibus tamen, ut antè
dixi, non licet eſſe ſecuris. Fingite enim mecum, Au-
ditores illuſtriſſimi, ornaſſimi; fingite vel Imperato-
rem noſtrum, vel Regem Sarmatiæ, aut alium, in
Vejovis Vaticanæ diſgratiam, uti levicula ex cauſa
contingere poteſt, incidiſſe: & iſtum pro Temporalis
Hildebrandico-Jeſuiticæ tempeſtatis plenitudine fe-
ralia excommunicationum fulmina ejaculari in illos:
fingite, Imperii regniq; ſubditos jam ante peſtilentia
dogmata à Jeſuitis edidiciſſe: & ſic cenſete. Quamdiu,
dicite mei Auditores, quamdiu Imperatoris noſtri, &
Regis Polonici, ſalus erit firma? Quamdiu erit publi-
ca? Quamdiu Imperium & regnum illud ſtabunt in-
concuſſum? Hoc ſine dubio dicetis: primâ quâq; occa-
ſione datâ, horrendam & cruentam civilis tragædiæ
carnificinam, ſacris profanæq; omnibus permixtis, ſe-
cuturam eſſe. Quare ſi quem Principem tangit Reip.*

It. Casaubon.
in Epistol. ad
Front. Duca-
tum. & addel. i.
ff. de SC. Sila-
niano. & ibid.
Fr. Duaren. in
commen. M.
Vvesenb. in Pa-
ratit. Ant. Au-
gust de SCris.

arg. l. i. in fine.
ff. de liber. exhi-
bend.

in cap. Decet de
immun. Ecclief.
in 6 ad le scip
Gentil. com-
ment. in Pauli
Epist. ad Phile-
mon. c. 14.

& posteritatis cura; cavebit is sibi à Jesuitis non mi-
nus, quàm pater familiàs, qui in familia sua famulos ha-
bet, de quorum fide erga se non constat ipsi, aut quorum
fidem suspectat. Quondam Romanus Senatus, post-
quam patres familiàs aliquot servorum suorum conspi-
ratione periissent, Scito, quod Silanianum est dictum,
servos omnes sub tecto heri occisi repertos, nullo fere-
fontis aut infontis discrimine, capitis damnavit: non de-
fuerunt in ordine amplissimo, quibus ea lex durior vi-
deretur: sed erat tanti salus & securitas civium Ro-
manorum; cui ut consuleretur, ne illa quidem ratio est
repudiata, quæ aliquid ex iniquo trahat: quod existi-
marent magni illi prudentiæ civilis antistites, pauco-
rum privatorum injuriam publicâ utilitate abundè
compensari. Sed quid expectatis, Auditores, ut hic ad-
dam? Hoc tantum: Res pub. est domus magna, in qua
Princeps pater familiàs est. Et satis de Jesuitis: quos ita
nominavi, quia vulgò sic appellantur; etsi non bene. Et-
enim, ut ait Abbas Panormitanus, clarissimus juris
Pontificii interpres, Christiani nomen rectè assum-
ptum. nam & unctionem nobis Christus commu-
nicavit. JESUANI, sive Jesuitæ, rectè dici non potui-
mus: quoniam Servator unus ipse est. Quare non in-
callidè, ut cætera, sic & hoc, Ignatiani illi Sacerdotes
sive Monachi. Non enim ipsi inter se Jesuitas vel Je-
suanos appellant, neq; ab aliis appellari, ut opinor, cupi-
unt; sed potius Sodales vel Socios Jesu, & Societatis
Jesu. In quoridiculi tamen sunt, & sui acuminis falsi:
cum

cum in tota Scriptura nemo Sodalit vel Socius Jesu ap-
pelletur, præter unum Judam proditorem, & qui-
dem ab ipso Christo: Εταῦρε, ἐφ' ᾧ πάρεα; Sodalit,
quam obrem ades? Satis, inquam, de Ignatianis Jesu
Sodalibus: qui etsi jam non omnes sunt natione, adfe-
ctutamen & mente intima omnes Hispani, & Loyo-
la magistro simillimi sunt: quorum factionem non
aliter æstimo, quàm agilem quendam & acutum
gladium; cujus lumina quidem in vaginam Galli-
cam, aut Germanicam, aut Britannicam, aut Polo-
nicam, aut Hungaricam, aut aliam recondita sit: sed
ita, ut capulum Romana Aula & Hispanus manibus
teneant, & sic eum arbitratu suo stringant & vi-
brent.

Religionis autem Hispanicæ illustrissimum πό-
σιον est INQUISITIO: quæ ubi primum comperit ali-
quem in quodam Fidei capite à Romana Ecclesia dis-
sentire, confestim opponit ei syllogismum ex igne, aqua,
aut laqueo confectum: qui fortius, quàm qui primæ fi-
guræ dicuntur, concludat, atque ubi mors necessario
ingrediatur conclusionem. Sanguinaria disputan-
di ratio: & quæ magis tortoribus, lictoribus & car-
nificibus, quàm Apostolis & Ecclesiæ Doctoribus
conveniat. At quemadmodum Imperator Helioga-
balus, lupus hominum, ignem virginum Vestalium per-
petuum, & omnes Romanas religiones extinguere vo-
luit, atque efficere, ut Heliogabalus DEUS unus & so-
lus ubique terrarum coleretur: sic Hispani omnibus
modis

Matth. c. 26. v.
30.

Autor Conflii-
de stabilienda
pace Poloniæ.

Lanovius Dis-
cursu 4.

Mart. Cruf. An-
nal. Suev. part.
1. lib. 4. cap. 13.

modis contendunt, ut clarissimo sinceræ Christianæ religionis lumine, & unâ aliis sectarum fatuis ignibus deletis, unicum Inquisitionis idolum inter perpetua & cruenta carnis humanæ sacrificia toto terrarum orbe celebretur.

Hanc Religionis barbariem non parùm aggravat bonarum literarum contemptus. Hispani enim nec infelices ingenio, infelicitèr discunt: semidocti doctos se censent: Sophistarum strophas impensè amant: suos ingenii fœtus ad posteritatem raro, rariùs ad exteros ob linguæ defectum producunt; cum in Academiis Hispanicè magis, quam Latine, Maurorum etiam vocibus non paucis interspersis, (nam quarta pars, ut minimum, Hispanicæ linguæ est merè Arabica) loqui gaudeant. Quam sermonis elegantiam bellè expressit Vergas, quando Academia Lovaniensis Professoribus, facinus Hispanorum, qui Comitem Buranum, literis ibi operam navantem, per vim inde rapuerant, improbantibus, & privilegia sua ingeminantibus, respondere barbarè; Non curamus vestros privilegios. Quinetiam spretâ poetices & historiæ venustate, veterem & planè stolidam in quærendis scientiis rationem obtinent Hispani: cum Theologiam, Jurisprudentiam, & cæteras altiores scientias, Græcâ Latinaque eruditione mitigari indignentur, putentq; hoc modo fucum addi, quo virilium literarum lineamenta elangueant. Vir nuper non ignobilis in literis famæ, cum ab iis, quibus obsequium addixerat, jussus esset in Hispania

Paul. Merula
Cofinograph.
part. 2. lib. 2.
cap. 8.

Jos. Scalig. in
Epist. ad H. Ca-
saubon.

Apologia Prin-
cipis Aurai, ad
proscript. Hi-
span. Regis.

Euphormio Sa-
tyr. in Icone A-
nimorum c. 7.

Hispania divinarum rerum scientias profiteri, statim hæc politioris doctrinæ velut infamiâ evuluit, admotisq; precibus supplex à suæ libertatis dominis impetravit alias sedes, & suæ humanitatis patientes. Præcipua ad Germaniæ nostræ morem ibi eruditionis species, prolixis voluminibus pauca complecti; sed & illa plerumq; ex aliis autoribus supervacuo labore decerpta. Miror autem, quid tibi, Magne Dux, Princeps sagacissime, venerit in mentem, ut Raymundum Lullum catalogo doctorum, & eorum maximè, qui duces ac principes ordinum esse possint, non dubitaveris inserere; hominem stultissimè subtilem; qui cum omnium bonarum literarum esset expers, ac ne Latine sciret quidem, multa tamen ausus est patrio sermone evulgare, & tali obscuritate permiscere, ut doctissimi licet, pauci admodum ea capiant: quod ineptissimæ scientiæ certum existimo esse argumentum. Ego Lulli Lapidem & Doctrinam pari dignor pretio: & cum Poëta sic statuo:

L. Non. in
Hisp. c. 95.

Qui Lulli Lapidem quærit, quem quærere nulli profuit; haud Lullus, sed mihi Nullus erit.

Verum enimverò cum illa Religionis immanitate, & ista literarum inscitia, egregie convenit immanis & inscitus fastus; quo supra mensuram humanæ superbiæ Hispani tument. Inde illi omnibus aliis populis ad ceremoniarum pompam, ad adulationum solennes formulas, & longos titulorum tractus sunt duces. Gravitationem fingunt cum adfectata quadam seve-

P. Merula Cof-
mogr. part. 2.
lib. 2. cap. 8.

Bbb

ritate

ritate : quæ facit, ut odium sustineant nationum omnium. Planè vivunt Hispani ex opinione tantum, imaginando & fingendo nunquam facta, nunquam futura; credendo quæ finxerint, prosequendo quæ crediderint: nec id de se diffitentur Portugalli, qui dicunt; se nitipotiuseo, quod se esse putant, quam eo, quod revera sunt. Omnes, & maxime in Lusitania volunt dici & haberi Nobiles: magniq; probri instar est, aliquam profiteri artem. Etiam matres familias rei familiaris curationem infra decus suum esse arbitrantur: & nihil illæ habent, quod usui sit, præter linguam, & quo tuentur nuptiarum titulum. Itaq; Æthiopes & Mauri captivi omnia obeunt munia domestica: quo genere hominum tam referta est Lusitania, ut credam Olisipone plures esse ejusmodi servos & servas, quam sint liberi Lusitani. Quinetiam Lusitani (qui servitia multis seculis oblivione sepulta in Europa primi revocarunt) exempla Mahometanorum secuti, venalitios ex Africa religionem Mahometis ejurare, ac nihilominus Christianam imbutos cum liberis ac nepotibus perpetuam servitutem servire compellunt: ita ut servorum greges veneant tota Lusitania publicè pecudum in morem. At quibus usibus tot servi? quæritis Auditores. Uno verbo: Pompæ. Nam invenire est Hispanos, in censu etiam pertenui, octo & pluribus stipatos asseclis: qui et si otium agunt omnes, nemo tamen caret negotio & officio. duo præcedunt: tertius gestat galerum: quartus pallium, si fortè non pluat; quintus

H. Conestag.
in præf. ad
histor. de Portu-
gal. & Castel.
conjunct.

Nicol. Clenard
Epist. lib. 1. ad
Latom.

Bodin. de Rep.
lib. 1. c. 5.

Nicol. Cle-
nard. d. l.

tusequi capistrum: sextus holoserica sandalia: septimus scopulas illas, quibus vestes repurgantur à pilis: octavus pannum quempiam ad abstergendum equi sudorem, interim dum dominus audit sacrum, aut confabulatur cum amico: nonus pectinem promit, si fortè honoratior sit salutandus, ne incomposito dominus appareat capillitio. & tamen illi famuli omnes si non grandi cibo, fame tamen splendide sustentantur. Cum Gallo quodam, qui tempore Emanuelis Regis migravit in Lusitaniā, adscitus in familiam Regine Leonoræ, simultates exercebat Lusitanus aulicus. Et sicuti ille fastu externo vincebat: ita Gallus cœnabat lautius; qui morum Lusitanicorum gnarus, astu nactus est libellum, in quo alterius referebantur sumptus diurni; & incidit in locum satis ridiculum & planè Lusitanicum. cum enim sic quotidie scriptum esset: in aquam, quatuor scetilia; in panem, duo regalia; in raphanum sesquiregale: & ita tota hebdomada tam magnificis impensis decurreret, ratus aliquantò lautior futurum diem Dominicum, sic scriptum reperit; Hodie nihil, quia in foro non erant raphani. Et hujus census ἡ ἀφαιρέσις infrequentes non sunt: qui plures secum famulos foris trahunt, quam domi Regalia consumunt: non absimiles priscis illis Hispanis, qui aquam bibere & parcissime cœnare soliti sunt, quò sumptuosius sese amicare possent. Quid dicam de aliis inani- bus superbiæ Hispanicæ spectaculis? Nec novum istud nec rarum est, ut gregarius miles & omninò tyro, si

An. Chr. 1535.
Ducatus Lusitanicus æstima-
batur IV
Testonibus:
Testo V Vigen-
is: Vigenus
X X Rega-
libus: Regale
VI Scetilibus.
habeu zehen
Regalia ges-
macht vnges-
fährlich/ ein
Stüber/ oder
Doppelfürer.
Nicol. Clenard.
d. l.

Athenæus lib.
2.

Fr. Lanovius
Disc. 18. para-
dox. 3.

Virg. Eccl. 3.

Thuan. histor.
lib. 1.

Thuan. histor.
lib. 48. & 78.

Petr. Matth. in
Hist. Henr. 1 V.
lib. 1. narrat. 3.

Plinius hist. na-
tura. lib. 20.
cap. 3.

despici se sentiat, Regi quoque suo se componat & æ-
quiparet. Audebit is dicere: lo soy tan bueno, como el
Rey. Audebo & ego addere;

Quid domini faciant, audent cum talia fures?
Antonius Læva, miles minimè gregarius; sed qui ex
gregario per omnes militiæ gradus ad summum bellicæ
laudis fastigium ascenderat; & tot prosperis succeſsi-
bus inflatus eò insolentiæ venerat; ut ex quorundam
vaticinatione Imp. Carolum Gallia regem evasurum,
& se voti compotem Lutetia in ipsa victoria fato con-
cessurum Hispanico fastu jactaret: is non nescius, post
aurei velleri Ordinem, longè maximum in Hispania
honorem cumesse, si quis inter Grandeis locum habeat;
quorum prærogativa hæc est, ut coram Rege caput te-
gant, & uxores ipsorum à Regina honorificè saluten-
tur, & juxta se sedere in pulvillis jubeantur: ille im-
modicè tanti privilegii cupiditate tam flagrabat per-
ditè, ut absque eo non satis honorificè se vitâ functu-
rum stolidè arbitraretur. Et verò quotidie ad Impe-
ratorem manè more aulicorum ventitans, ac quia ex ar-
ticulari morbo erat admodum debilis, ab Imperatore
ejus miserto sæpius sessum ire jussus, cum ambitionem
suam diutius premere non posset, respondebat aliquando
Imperatori; Non pedibus suis, sed capiti malè esse.
Tantierat Læva, coram Principe suo caput tegere
posse. Similis ille cucurbitæ sylvestri, quæ Græcis σόλ-
ω & appellatur; digitali quidem crassitudine, sed sine
medulla, & intus inani. Cujus farinæ est & illud,
quod

quod Ferdinandus Avila Ulirajet in arcem in ma-
nus Maximiliani Bossuvii Comitiss, qui eam obsidebat,
conſignare, non dedere voluit. nam de iis verbis diu in-
ter eos altercatum fuit, cum Avila vanitate genti inſi-
tâ se potius vitam cum suis omnibus amissurum, quàm
deditionem facturum affirmaret. Sed quid Lævam,
quid Avilam loquor, tantos viros? Sutori cuidam &
egeno, cum jam fata instarent, aderat filius in pater-
nam sortem natus. Is cum rogasset, Ecquid sibi decef-
surus præceptorum relinqueret, jam defectâ voce pa-
ter, Ut, inquit, memineris in majestatem assurgere fa-
miliâ tuâ dignam. Ita quoque miraculo fuit Euphor-
mioni Satyrico, sive Joanni Barclaio, quædam ex Hi-
spania mulier, vix centonibus satis tecta, tribusq; qui
comitabantur liberis precarium spiritum tristi mendi-
citate producens. Fortè in Gallorum cætum illa inci-
derat: & ex his statim unus spectaculo motus, Ego, in-
quit, ô mulier, hoc te onere ex parte levabo: mayo-
rem ex tuis liberis (et is forte ad decennium pervenerat)
mihi trade; hunc levibus suâq; ætati paribus ad ser-
viendum officiis assuefaciam: ubi adoleverit, meo
sumptu curâq; hoc artificii genere, quod maximè pro-
baverit, imbuetur. Ad hæc mulier: Nec Deus siverit,
inquit, ô mi homo, quanquam pauperem me vides,
ut in tantam humilitatem filium damnem. Quî aut
tû, aut ego sciamus, in quæ fata sit genitus? aut quàm
claris virtutibus subsidium patriæ paraturus? Sati-
us illi, si ita fata tulerint, inediâ extinguï, quàm ad servi-
tutem

Thuan. Histor.
lib. 46.

Euphor. Satyr.
in Icone Ani-
mor. cap. 7.

tutem (sub externo præcipue domino) egregiis hominibus indignam accedere. *Paucis multa completar: Hispanus non est, nisi superbus sit: & tum superbire desinit Hispanus, cum homo esse desinit. Quamquam sunt Hispani, qui fastum suum etiam sibi posthumum & vitæ superstitem faciunt: uti Martinus Ivarius Barbuta Alcantaranæ militiæ in Hispania magister, qui sepulchro suo hæc verba incidi curaverat: Hic situs est Martinus Ivarius, in omni periculo experti timoris animo. Quod epitaphium cum ad Imperatorem Carolum V. relatum esset; facetè, Credo, inquit, Equitem hunc nunquam candelam ardentem digito attigisse. Forsitan Ivarius ille pectus omni metu vacuum gerebat; uti ante paucos annos Matthæus Serranus, Slusæ Præfectus; qui Marchioni Spinulæ, an ab annonæ & omni necessario instrumento satis sit oppido prospectum, interroganti, Hispanicâ confidentiâ, Domine Marchio, respondebat, ad tuam obsidionem Ostendam abi: quid mei officii sit, & quid pro Slusæ conservatione facere debeam, sine monitore novi optimè: si hostis secum quinquaginta diabolorum millia huc oppugnatum ducat, non ejiciet me tamen. Sed fastus & vanitas Serrani Slusam perdidit. Hanc verò gentis insolentiam, illum nigrorum hominum fastum, vestitum & incessum pompaticum, omniaq; dicta ac facta turgida & ventosa, meritò tribuimus adustæ eorum naturæ atq; profundæ melancholiæ. Nam melancholicos eos esse, præter alia multa, declarat frequens in illorum*

Joan. Mariana
de reb. Hispan.
lib. 19. cap. 3.
Gasp. Eus. Epi-
dorp. lib. 1.

Petr. Matth. in
Hist. Henrici
IV. lib. 7. nar-
rat. 2.

rum civitatibus Melancholia morbus. *Et una est in Hispaniis Cæsaraugustæ domus, in qua multi adeo, qui valetudinis vitio furunt, morantur; ut non solum totam civitatem mirâ lamentatione, varioplangore, & fremitu conficiant, verum etiam totam Hispaniam mirandis suis dictis ac factis compleant. Alius enim ibi Imperatorem se dici & esse contendit serio: alius, qui mitram gestat, summum Pontificem, itaque crucis signo hominibus benedicit: alius beluam immanem, & catenis constringitur: immò etiam quidam milii se granum putat, qui à gallinis vorari metuens, illas quantum potest & fugit, & odit.*

Pascasius Justus
de alea lib. 1.

Quemadmodum autem mons Serratus, qui ambitu suo IV leucas continet, quamplurimis immensæ altitudinis (ajunt enim è summo jugo, sudo cælo, Baleares in insulas, quæ vulgò Mallorca & Menorca, & LX leucis distant, posse conspici) aspretis constat; ut, ubi in rupis verticem magno labore te evasisse putas, statim se offerat aliam multò altior, in quam ubi per ligneos gradus enixus es, crescere adhuc rupis celsitudo videatur: ita infames Hispanorum mores denarrare conantæ venit; atque ubi pravæ religionis, ignorantia, & fastus vepreta perreptando, omnes nequitia illorum Sierras jam superasse quis existimat; confestim horrendus alius turpissimæ Veneris lucus apparet; quo vix decursò, & mox

Lud. Non. in
His. c. 87.

itur in antiquam sylvam, stabula alta ferarum;

Virgil. Aeneid.
lib. 6.

in

in spelæa devenitur crudelitatis, perfidia, avaritia, & omnis tyrannidis.

Τί πρῶτον, τί δ' ἔπειτα, τί δ' ὑστάτιον καταλέξω;
Veneris lucum jam appellavi; sed debebam dicere Veneris rupem. Talis enim in Hispania est: & quam vulgò vocant Lapenna delos Enamorados, & quæ furtivis amoribus debet nomen. Res breviter aperienda est. Cum Granatense regnum Mauri adhuc tenerent, accidit, ut gliscente bello juvenis quidam Christianus Granatam duceretur captivus: quem Rex barbarus ob morum & formæ elegantiam singulari benevolentia dignatus, inter charissimos, & aulæ familiareis habebat. Nec & in pulchellum illum Regis filia amicum & calidum adfectum celare diu poterat: qui de inmutuo Christiani adfectu fatus, & consuetudine quotidianâ auctus, utriusque pectus ad extremum occulti amoris commercium demum inflammabat. Verebantur autem, iste domini, ista patris iram, ne deprehenso capite poenas darent: iccirco fugæ consilium ineunt, abeunt, & properant quantum possunt, donec fessâ puellâ ad rupem sive petram obviam paulum interquiescere cogerentur. Ecce verò interim patrem & comites ejus omnes equis vectos concitato cursu advolare. Fugitivi quid facerent? In summis angustiis, consilii, auxilii, virium, & gratiæ inopes, metu duce iterum fugiendo currunt, currendo ascendunt, adscendendo repunt, & denique rependo per petrae cautes in cacumen enituntur. Sed ô inane præsidium! Pater enim naribus & oculis

Joh. Mariana de
reb. Hispan. lib.
19. cap. 22.

oculis ultionem & furorem spirans, truci voce confestim de petra descendere jubet, refractariis ultima minitatus. Contra Amantes omnia timere, nihil credere, obmoliri saxa, glebas, stipites, & quæcunque desperatio dabat. Tandem cum adventu sagitariorum, qui è vicino vico advocati erant, fracti essent animis, supremo conatu animos duplicant, certoq; exitio fortè exquisiores cruciatus, probra, & ignominiam vitaturi, sanè arcto complexu mutuo innexi ab ea parte, quâ frendens pater adscensum & vindictam machinabatur, sese præcipites devolvunt. In eoq; complexu perlati extinctique sunt; omnibus, præter patrem, miserantibus fortunam & casum eorum, quos non prius Amor quàm vita defecit. In eodem habitu eo loci sepulti sunt: & petra ab ea tragœdia nomen inditum. Nobile utique certamen, si veræ virtutis amore, & non fatuorum amorum gratiâ susceptum fuisset. At verò turpissima Libido jam olim Hispanias in durissima septem seculorum conjecerat servitutem; cum Rodericus Rex Cavam Juliani Comitis filiam virginem, quam neque gratiâ flectere, neque blanditiis fallere, neque minis frangere poterat, invitam atque reluctantem vitiasset. Julianus enim à filia acceptæ injuriæ sensu in furem acta animatus, ut contumeliam suæ familiæ illatam vindicaret, legiones Arabum ac Mahumetanorum ab oris Africae in Hispaniam accersivit, & ultionem privatam cum Regis interitu, Patriæ prodicione, & jugo peregrino, quod sub Ferdinando postremo vix tandem

Jo. Mariana de
reb. Hispan. lib.
6. cap. 21. &c.
Renat. de Lu-
singa de Imper.
increm lib. 1.
cap. 3. n. 5.

A. Chr. 1492.

Ccc

excussum

excussum est, nefando scelere conjunxit; unâque crudelis magister tunc docuit, illa signa miserae fortunae nuncia Roderico Regi Toleti haud frustra apparuisse. Nam erat Toleti palatium, à multorum Regum temporibus perpetim clausum, validisq; vectibus et ferro munitum: atque tenebat fama, reſeratum id excidio Hispaniae futurum. Quod cum Rodericus rideret, thesauros oculiratus, feras contra omnium voluntatem perfringendas curavit. Sed thesauri nulli, cæterum arca reperta, & in ea linteum: in quo explicato insolentes hominum facies vestesque depictæ, atque ipsi militari habitu & impetu grassantes; nempe delineati erant Arabes capita vittis tegentes, vestibus versicoloribus amicti, gladios & jacula vibrantes, vexillaque in altum extensa gerentes; cum hac Latina inscriptione: Cum continget feras frangi, palatium atque arcam aperiri, & quæ in ea sunt videri; tunc scito gentes ejusmodi Hispanias invasuras, suoque dominio submissuras. Quid plura? fides factis facta. Et, ut dixi, Julianus Comes, cujus filiam Rex stupraverat, ex Africa hostes inducit, Regem occidit, patriam perdit. Sed ne nimis antiquis inhæream; nuper Antonius Prior Cratenſis, cum in Regno Portugalliae, post tot acceptas clades, publicè non amplius eſſet tutus; in mediis tamen calamitatibus nondum lasciviae oblitus erat, & matronæ honestæ difficulter contra ipsius libidinem se tuebantur. Hanc autem insatiabilem gentis salacitatem tum alia hodie

Roderic. Tolet.
rer Hispan lib.
5 c. 17. Jo. Ma-
rian d. loc. Just.
Lipſius Monit.
Polit. lib. 1. c. 5.
Monit. 3. num.
6. Ortho Heur-
nius Barbaric.
Philosoph. 1. 2.

H. Conestag de
Portug & Ca-
ſcl. conjunct.
lib. 9.

ostendunt plurima, tum maxime urbs Valentia, ubi Venus illicita tantâ licentiâ dominatur, ut meretricia opera nullibi sit honoratior, atque libido tam habitatione quàm vestitu ac famulatio præ honestate habeat prærogativam. Quin per omnem Hispaniam verè πᾶνδρη & est Venus, non minus quàm olim celebrabatur apud Thebanos: præsertim verò in Lusitania; ubi credo monstrum eſſet xοῖδρ & sponsus. Et quod multorum flagitiorum instar est; multi, ut quæstum faciant è vernis natis, ancillas tanquam columbas alunt, quarum concubitu adeò non offenduntur, ut etiam admissariis gaudeant; cum partus ventri cedat, non vicino sacrificulo, aut nescio cui Æthiopi & captivo. Mendoza Hispaniarum Regis ad Angliæ Reginam Legato, turpe eſſe opinanti, viros simul cum foeminis more Anglico in concionibus sacris permistos videri; Dalus magister libellorum urbanè reposuit; Turpe id quidem apud Hispanos, qui etiam in sacris locis cogitarent de explenda libidine; à qua procul absint Anglorum mentes. Sed id Reginae Aragoniæ Arrestum, quod illa inter duos conjuges, altero alterius prodigam amorum frequentiam incusante, veluti legitimum & necessarium nocturnum moderamen protulit, sine stupore non cogito, sine pudore non lego, sine rubore in hoc illustrissimo conventu referre non possum: digna Regina Hercule marito, qui Thespiae Regis Boeotiae undequinquaginta filias unâ nocte compressisse scribitur. Cum stupenda ista Veneris lascivia non

Boetius in Relat.
Univers part 1.
lib. 1.

Nicol. Clenard.
lib. 1. Epistol. ad
Latom.

Joan. Bodin. de
Repub. lib. 1.
cap. 7.

Mich. Montau.
lib. 3. cap. 3. des
Eſais.

Nat. Comes
Mytholog. lib.
7. cap. 1. ex Pau-
ſan. in Boeotia.

importunè, & quidem tuo, Rudolfe Maximiliane Dux Saxonix, exemplo, jungo Alex petulantiam: quæ si apud ullam gentem vehemens est, apud Hispanos certè longè est acerrima & imperiosissima. Non impugno, quæ in aleatores Gallos dixisti liberè: sed scire debes, hunc animi morbum non esse propriè Gallicum, sed plerosque alios populos eodem communi malo attineri. Hanc aspice Germaniam: in ea hodieq; calet alea passim: nec otiosis tantum juvenibus, sed & depontanis senibus, qui potius Psalterium nocturnâ diurnâq; manu versare, & adversus imminentis fati metum divino precum clypeo pectus perpetuò communire debebant, ad vanissimas tesserarum jactationes flagitiosâ diligentia assiduâ & frequentibus. Specta & Italiam: tota fervet. Et ô furorem! Hominum memoria fuere, qui dentibus & superciliis lusisse visi sunt. Et Venetus fuit, qui in uxorem suam luserat. Immo etiam inventus est, in quo tanta ludendi appetitio & vesana cupido ac voluptas fuit, ut moriens (quasi parum fuerit, in vita lusisse) testamento religiosè caverit, ut detractâ cadaveri suo cute, ossibusque omnibus exemptis, ex his tesseræ fierent, ex illa verò membranisque omnibus mensa, alveolus, fritillusque, quantâ fieri posset solertia, contegerentur. Nimirum ut, quod vivus libentissimè facitabat, mortuus etiam, quantum posset, obiret. Et quis est, præsertim hoc aureo seculo, qui parenti vel amico, etiam in capitis periculo, numerata in pecunia ut subveniat, cum totam divendere domum suam non

Vide Pascasium Jussum de Alea, sive de curanda ludendi in pecuniam cupiditate lib. 1. passim.

non possit, tectum ut vendat, in animum inducat? Atqui id Mediolanensis quidam, in pecuniam ut luderet, fecit. Cum enim domus illi rustica quædam, nec angusta esset, eamq; propter loci solitudinem & soli sterilitatem, in quo sita erat, emere tum nemo vellet; tegulas divendit, domumque miser pluviis & ventis perviam reliquit. Cæterum Hispanos præ aliis populis proclives esse, & præcipiti impetu ferri in aleam; vel hinc patescit. Etenim Hispanias longè lateq; lustranti sæpe hoc solet contingere, ut cum multis locis nihil eorum, quæ ad victum faciunt, non panem, non vinum, invenire possit, tamen nunquam castellum aut vicum ullum adeo abjectum & obscurum transeat, in quo non chartulæ veneant. Quod quidam in Aula Regia advertens non parvi nominis & industrius mercator, summâ curâ pariq; studio ab Imperatore Carolo V. contendebat, ut nemini præter se toto decennio tabulas lusorias in Hispaniis distrabere licitum esset. Quo privilegio ita prædives deinde factus est ille, ut cæteros ibi mercatores opibus ac potentia facile superârit. Et quàm pauci admodum sint Hispanorum, qui lucrispe toto pectore aleam non anhelent, Barcino, quæ Hispaniæ Tarraconensis est metropolis, testari potest: ubi cum aliquando in magna remigum raritate, obortâ necessitate triremes subito parandæ atque instruendæ essent; tunc mediocri tantum ex publico in aleam subjectâ pecuniâ, hac dictâ lege, ut quoties duo ludiones fortunam periclitari vellent, victor quidem semper pecuniolam propositam

positam lucraretur, & liber abiret, victus autem in remigum numerum referretur; brevi tempore idoneus remigum delectus habitus est. Memini etiam, ante hos sexaginta annos, cum Cardinalis Poggius apud Hispaniarum Regem Philippum Pontificiae legationis munere fungeretur, permultos tum aleatores Hispanos fuisse, qui propter nimias ludi sponiones & sortes, damniq; magnitudinem, ac certam si persisterent perditionem, jurisjurandi religione sanctissime se obstrinxerant, nunquam deinceps in alea se lufuros esse; nihilominus paulo post contempta fractaq; fide & violata religione, magna etiam numerata pro diplomate pecuniâ iteratae impietatis & spretae religionis veniam à legato petitum venisse: alios autem, eosq; satis multos, quibus religio & votum conscientiam fortius obligaverant, cum in contrarium tamen ingenti desiderio & summâ animi impotentia truderentur, tandem non exiguo persoluto pretio fidei & religionis gratiam à legato, qui ludionibus aliud pium munus, perfidiae pallium, injungebat, obtinuisse. Quis verò tales homines, qui credulâ spe stultâq; fiducia elati insatiabili cupiditate tesseras aut talos jaciunt, chartulas sortiuntur, deniq; quosvis ludos, qui temeritate & casu constant, incredibili studio dies noctesq; anbeli ita persequuntur; quis tales, inquam, in perditorum & flagitiosorum ordinem non referat? Alea ut est patrimonii scopulus; ita si rectè rem examinare velimus, quid est aliud aleam jacere, quàm furari velle,

velle, & invito domino rem auferre: ut propterea etiam Aristoteles aleatores cum furibus & latronibus conjunxerit. Et Hispani pulchrè suâ linguâ aleatorem tahur, quasi hurta, id est, furem vocant. Et commodè hîc ad indomitam Hispanorum aliena invadendi & expilandi libidinem sermonem verto: cui abominabili sanè portento ingens aliorum vitiorum agmen supparasitatur. Hispanos fures esse, tralatitium est: adeoq; in manifesto furto deprensos Dios & sanctos quatuor Evangelios perfidè dejerare, id verè Hispanicum est. Cujus quidem tam detestabilis furatrinae strophas nunquam ego nisi summa cum animi indignatione reputo, nec repeto memoriâ, ut non statim multo sum æquior tum illis sobriis Lacedæmoniis, apud quos jus atq; usus furandi olim fuerat, non ob turpia lucra, neq; ad sumtum libidini præbendum comparandamve opulentiam, sed pro exercitio disciplinaq; rei bellicæ; quod et furandi solertia et assuetudo acueret firmaretq; animos adolescentium & ad insidiarum astus, & ad vigilandi tolerantiam, & ad obrependi celeritatem: tum quoq; priscis illis Egyptiis, quos artem factitavisse clepticam, & ibi nomina suadeditos huic studio discipulos dedisse πῦρος τὸν ἀρχιφῶρα, sive apud archifurem aut Principem furum, narratio est elegans Diodori Siculi. Cæsar Carolus V. multis proceribus Hispanis comitatus aliquando tabernam quandam præterequitans, ante quam multi Germani milites stantes, sedentes, hilariter bibebant, commonstratis aliquot, cuidam ex comitibus ait;

Hub. Thomas
Leod. Annal.
lib. 6 de vita
Frid. 2. Elect.
Palat.

A. Gellius noct.
Att. lib. 11. cap. 2.

Diod. Sicul. lib.
1. Theod. Mar-
cilius ad Leges
XII. Tab. cap.
12.

Gasp. Ens Epi-
dorpis. lib. 2.

ait; Annón Germani hi, ut & plerique alii, singulari corporis atque animi robore præstare tibi videntur? *Hoc nemo negare potest, respondet Hispanus: unum tamen mihi vehementer displicet, quòd immodicè vinum hauriunt.* Et hoc verum est, inquit Imperator; Sed an tu nescis, quibus vitiis Hispani laborent? Vt enim illi vini, ita hi alieni sunt avidi: Germanis vini usum circumscribere, idem erit, ac si Hispanis interdicerem velim, ne Furentur. *Et quàm furandi prædandiq; pruritu exagitantur, cum alibi sæpiissime, tum præcipuè in Gerbis Insulæ deditioe inclaruit.* Nam cum prædæ cupiditate & improbâ spe omnia Gerbensium bona jam devorassent; intellecto, inter insulæ Dynastam & Regem Philippum II. transactum esse, illi multum frementes præ ira galeas & arma huc illuc projiciebant; inter quos unus repertus est nomine Ogulnius, qui bolum è faucibus eripi tam iniquo animo tulerat, ut rabie incitante sibi gulam laqueo fregerit. *Minuta tamen sunt talia, & ferè furunculis illis propria, qui in compedibus aut furcis spectantur: Hispani adhuc spirant altius, & furtorum rapinarumque magnitudine ita proficiunt, ut universo terrarum orbi cessionem bonorum (sed minimè ex lege Iulia) imperare, simulq; compedes & furcas nunc minitari videantur.* Magni fures, & imperiorum Harpyiæ; qui ubi ubi locorum semel irrepserint, ad summam semper potentiam artibus cunctis intendunt; atque de dominio acquirendo & retinendo, quàm de fide & integritate

Alber. Gentil.
de jure belli. lib.
1. cap. 14.

Thuan. hist.
lib. 26.

A. C. 1560.

gritate præstanda longè curatius & operosius elaborant.

Armata terram exercent, semperque recentes convecrare juvat prædas, & vivere rapto.

Virg. Aeneid.
lib. 7.

Nupera est gentis potentia, & intra sexaginta annos, aut præter propter, formidabilis facta est & finitimis & longinquis: & primum sub Ferdinando Aragonio, Caroli V. & Ferdinandi I. Imperatorum avo, paulatim senescente Gallorum fortunâ, Hispanicum nomen adolevit; ut meritò dici possit; ubi Galli defecerunt, ibi rerum potiri Hispanos incepisse. Iste quidem Ferdinandus Catholicus, qui omnibus fere suis cupiditatibus honestum religionis velamentum obtexebat, cunctas belli rationes fœderumq; jura, vel cum pudenda mutata fide ilabe & gravi sociorum injuria, ad commodum suum referre solitus est. O infamiam seculi! O societatis humane parricidium! Principibus convenit, & vox est majestate regnantium dignissima: Semel locutus sum: quod scripsi, scripsi: unus calamus, una lingua: immobilis ut lapis angularis, & ut polus in cœlo: sed Ferdinandi Aragonii & calamus & lingua fuerunt duplices; animo Regio ad similitudinem parietum extrinsecus ornato, intus fide vacuo. Cum Carolo VIII. Galliarum Rege, expeditionem in regnum Neapolitanum meditante, certis ille conditionibus fœdus vix pepigerat; & mox id cavillatus, submitit in auxilium Aragoniis patruelibus Ferdinandum Consalvum Cordubensem, qui postea Magni ducis nomen meruit; ipsemet autem cum infesto exercitu contra

Just. Lips in
Epist.

Thuan. hist.
lib. 1.

Fr. Guicciardin.
histor. lib. 12.

Paul. Jovius
hist. lib. 11. & 16.

Phil. Decius
Consil. 286.
num. 8.

Alb. Gentil. de
jure belli. lib. 3.
cap. 14.

Ddd

fidem

fidem datam in Septimaniam descendit: postremoq̄ rebus prosperè à Consalvo in Calabria & Apulia gestis, conciliatâq̄ sibi, uti rebatur, populorum illorum benevolentia, repente alienato à patrue libus animo consilium mutavit, & cum Ludovico XII, qui Carolo in regnum successerat, clam novum fœdus percussit de regno Neapolitano occupando, his conditionibus; ut inter ipsos divideretur, & Neapolis Regni caput, Campania, Samnium Gallo cederet; Hispano Apulia & Calabria. Atque ut augeret perfidiam Ferdinandus, Fridericum Regem, qui Consalvum cum exercitu ex Hispania venientem, & se contra Gallorum molitiones Friderico regniq̄ ejus saluti consulturum affirmantem, benignè exceperat, omni imperio spoliavit; sed & Consalvus Ferdinandum Calabriae Ducem, Friderici Regis filium, in arce Tarentina obsessum, & ad deditionem, libertate abeundi quò vellet solenni jurejurando promissâ, compulsus, sub custodia, novum Ferdinandi Regis imperium caussatus, perfidè in Hispaniam misit. Tandem etiam ob vectigal, quod ad fines Samnii in Apulia ex quadrupedum transitu colligitur, inter socios exorto dissidio; Consalvus rejectis quoque conditionibus de concordia inter Ludovicum XII. & Philippum Ferdinandi generum sacramento firmatis, Gallos totius regni possessione ingenti perfidiæ Ferdinandi lucro dejecit, & sic Hispanorum res hæcenus dubias in posterum stabilivit. Consalvus tamen tantorum meritorum

Thuan. hist.
lib. I.

torum præmium hoc tulit; ut Ferdinandus Neapolim appellens primum ei exercitum, dein loca præsidii munita ademerit, post in Hispaniam abduxerit, & denique vanâ magisterii Equitum ordinis Compostellani promissione, turpiter ludificatum, sine ullo publico honore floridam senectutem otiosè transmittere coegerit. Eadem quoque perfidiæ machinâ & Navarrae regnum cepit Ferdinandus: cum Julius II. Pont. Max. Reges Gallia & Navarrae proscripsisset. Etenim cum Henrico VIII. Anglorum Rege in Aquitaniam impetum facturum, cum ad id bellum per Navarrae regnum proficisci necesse haberet, Joanne Labretano Rege propter amicitiam cum Gallo intercedentem negante transitum, inde statim occasionem rapuit Navarrae regnum, cui jam pridem inhiabat, occupandi. Et quia legitimotitulo destituebatur, censuram Papalem obtendit, quâ fieri dictitabat, ut quos Papa hostes haberet, eos bello prosequi teneretur; atque ita ditiones à Pontifice proscriptæ cederent primo occupanti. Hi sunt novi juris tituli, novi modi, novæ artes, quibus Hispani ad imperium orbis terrarum grassariconantur. Quid verò nunc de Novi Orbis inventione dicam? Imò de inventione Novi Orbis nihil dicam. Facebant enim somnia Hispanorum, inventionem orbis Novi (sinovum esse potest, quod plurima ante secula fuit antiquum & vetus) sibi magna cum aliorum injuria impudenter arrogantium. Et quidem cum India duplici hodie laudentur nomine; aliæ ad solis ortum, aliæ ad occasum;

Nic. Machiavellus Disp. de Republ. lib. I. cap. 29. P. Jo-
vius de vita
Mag. Consalvi
lib. 3.

Thuan. hist lib.
I. Jean. de Ser-
res in vita Lu-
dovici XII.
Louys Richeo-
me en la Plaine
Apologetique
pour les Jesui-
tes.

Plin. Hist. Na-
tural. lib. 2.
cap. 67.

Joseph. Acosta
Hist. Natural.
Ind. lib. 1. cap. 11

In Timæo &
Critia.

illæ historicorum probatorum monumentis ita sunt ce-
lebres, ut helleboro is habeat opus purgando cerebro, qui
vel contra mutire ausit. Nam Plinius recitat, Han-
nonem Carthaginensium ducem à freto Gibilterrae ad
finem Arabiae circumvectum, navigationem eam pro-
didisse scripto. Quod si ita est, uti esse credo, Hannon
tantum spatii emensus est in mari, quantum Lusitani
emetiuntur hodie, bis Æquinoctialem transmittendo.
Malacam etiam, quæ priscis Aurea Chersonesus fuit,
& magnam illam insulam Sumatram, tantopere anti-
quo Taprobanae nomine decantatam, in libris invenire
difficile non est. Neque duplicem illam Æthiopiam,
diffusam & populosam Chinam, Philosophos Brach-
manes huc repetam: quorum memoria omnem disputa-
tionem elidit. Indiae verò Occidentales Platonem non
latuerunt. Dum enim Atlantidem insulam Asia &
Africa ampliore ad fauces Gaditani freti locat: quæ
longè lateq; in introrsum scilicet pateret, & ex qua es-
set ἐπιστάτων ἐπὶ τὰς ἄλλας νήσους, ὅν δὲ τῶν νήσων ἐπὶ τῷ
καταντικρὺ πᾶσαν ἤπειρον, τὴν αὖ τὸν ἀληθινὸν ἐκείνου
πόντον hoc est: gradus transitusque ad alias insulas;
iterumque ex istis ad oppositam continentem, adja-
centem mari, quod vero nomine sic appellamus: quid
aliud hisce innuit, quam prægrandem illam Atlanti-
dem statim ab Hispania fuisse, ubi nunc reliquæ
(nam illuvione periit) & velut fragmenta tot illa
insularum sunt; Canariarum nempe, Fortunatarum,
& aliarum, oræ Africae se se affricantium: & ex
illa

illa transiri potuisse in insulas; eas nimirum, quæ
nunc etiam præjacent continenti; quas ergo? Cubam,
Hispaniolam, & plures: inde verò in continentem
ipsam; quam? in Peruanum vastum tractum, vel in
vastiore Mexicanum, tractum patuisse. Et non-
ne Avitus Declamator Americam respexit, cum
diceret; fertiles in Oceano jacere terras, ultraque
Oceanum rursus alia litora, ALIUM NASCI ORBEM?
Illud minus dubium, & fidum magis, quod Hispani
scribunt, in valle, quæ Cautem dicitur, in Chili pro-
vincia, oppidum esse, quod Imperiale ab hac causa
nominant; quoniam in plerisque domibus & portis
repererunt Aquilas bicipites formatas; ut hodie vi-
demus in Romani Imperii signis. Unde verò istæ bi-
cipites Aquilæ, nisi ab Europæis? Et corroborat va-
lidè fidem; quod nulla in iis locis avis biceps, quam
potuerint adumbrare. Sed quid in profanis testimo-
niis immoror; cum sacris abundemus, quæ in dubium
vocari non possint? Sine neque Strabo, neque Mela,
neque Stephanus, neque Solinus, neque Ptolomæus, &
nullus denique ex Græcis Latinisve autoribus aliquid
edidit, quod, quale quale tandem id sit, comparari queat
cum iis, quæ de terra Ophir in Mose, in libris Regum,
& Paralipomenon, disertis sunt descripta verbis. Et
Paralipomenon scriptor non solum locum, ubi classis
Salomonis ædificata fuit, Asiongaber vocat; naviga-
tionis tempus & moram, triennium, annotat; res quo-
que Indianas; illud apud Davidem, Salomonem,
D d d 3 Isaiam,

J. Lips. Physio-
log. Stoic. lib. 2.
diff. 19. Adde Jo-
Goropium Be-
can. in Hispan-
lib. 7. & Jos. A-
costam Histor.
Nat. Ind. lib. 1.
cap. 11. & 12.

Seneca Sua-
for. 1.

Just. Lips. d. l.

Benedict. Arias
Montanus in
Præf. ad librum
Phaleg, sive de
gentium fedi-
bus primis, or-
bisq; terræ situ.

Quod sentire
videtur B. Arias
Montan. d. l.

2. Paralipom.
cap. 8. vers. 17.

Joan. Gorop.
Hispanic. lib. 5.

Paralipom. lib.
2. cap. 8. vers. 18.

Isaiam, Ecclesiasticum, & istis omnibus antiquiorem, Fobum Armenium hominem, percelebre aurum Ophirium, argentum, gemmas, ligna thyna, ebur, simias, & alia, exquisitè enumerat: verum etiam regionem opum illarum matrem jam tum Parvaim, sive Peruviam appellatam fuisse, aperte significat. Non tamen præterire hîc possum: Josephum, & ductu hujus tam Græcos quàm Latinos interpretes, ad unum omnes, Asiongaber ad mare Erythræum collocavisse. Quod si detur, vix videatur verisimile, classem Salomonis decurso sinu Arabico inde, posthabitis Orientis auriferis regionibus, totâque ferè Africâ circumnavigatâ, per Atlanticum Oceanum in Americam vela fecisse. Sed errant illi. Cum enim Asiongaber sita sit circa Elut in Idumæa ad oram maris Suph; & constet ex Strabone atq; Ptolomæo, Geographorum Principibus, Idumæam ad mare mediterraneum pertinere, ac inter illam & Erythræum interjacere arenosum mare & vastissimam solitudinem: sequitur certè, in sacris Pandectis mare Suph multoties ab interpretibus ad Erythræum perperam contorqueri, & Salomonis Asiongaber esse ipsissima castra Chabriæ, quæ Strabo & Ptolomæus in Idumæorum finibus ad sinum Pelusiæ posuerunt. Et cui hæc nondum sufficiunt, is expendat præterea, Hiramum, Regem Tyri, (quæ urbs ad mediterraneum sedet mare) per manus servorum suorum naves, & nautas maris gnaros misisse in Asiongaber, qui classem Salomonis comitarentur in

in Ophir. Non autem credibile est, Hiram servos, antequam se cum classe Salomonica conjungere potuerint, totum mare Mediterraneum, Atlanticum, Æthiopicum, Rubrum, & Sinum Arabicum pererrasse; aut ex Tyro ad Erythræum mare naves volatiles per juga & præcipitia montium, agrorumque & desertorum longè patentissimam planitiem, velificante Aeolo, adduxisse. Liquet insuper (a) iter in Ophir & in Tharsis pro eodem sumi in sacris literis: ut & hoc manifestum est, Jonam à facie Domini fugitivum descendisse Joppen, ibique navem in Tharsis euntem conscendisse. Jam si Joppen alibi, quàm in mari Mediterraneo quis inquirat; dignus sit, qui Londini Anglorum, in ædibus Nazaræis, curæ Medicorum committatur. Illic enim Angli furiosos quartadecimâ lunâ verberibus cædunt furoris coercendi causâ: quia ad afflictio tribuat intellectum. Verum illâ de nov-antiqui inventione, orbis disputatione relictâ; quid dicemus de Hispanorum jure, quo Indis bellum, & servitutem, & omnem tyrannidem intulerunt? Soleimanes Turcarum Sultanus insitiari solebat, Carolum V. Augustum esse Imperatorem Romanorum, quod se belli jure successorem Constantini Magni diceret, qui tam Occidentis quàm Orientis fuisset Imperator: & stultâ jactantiâ effutiebatur; Romam jure ad Imperium Ottomannicum pertinere, quod à Constantino in præjudicium successorum fuisset alienata. Ut & Selimes, Soleimanis filius.

(a)
Ex lib. 3. Reg.
cap. 10. vers. 11.
collato cum v.
22. & ex cap. 22.
v. 49. ibid. colla-
to cum lib. 2.
Paralipom. cap.
20. vers. 36.

Jonas cap. 1. v. 3.

Bodin. in Theat.
Naturæ lib. 5. &
de Repub. lib. 5.
cap. 1.

Joh. Leunclav.
us Pand. Histor.
Turc. cap. 225.
P. Jovius Hist.
lib. 30.

Laz. Soranus
in Ottomanno.
cap. 57.

Leunclavius in
supplem. An-
nal. Turc.

Seneca de Bene-
ficiis lib. 7. cap.
4. & adde G. A.
Enenckelium
Baronem, de
Privilegiis. lib.
3. cap. 5. &c

H. Benzo in
Hist. N. O. lib.
3. cap. 3.

Did. Covarru-
vias Reg. Pec-
catum. 9. 10.
Alb. Gentil. de
jure belli lib. 1.
cap. 9. & 25.

Marci cap. 16.

filius, eundem juris colorem contra Venetos in Cyprio bello prætulit, quasi Cyprum illi nullo jure possiderent, & ea ob successionem gentis Osmanidarum in jura Sultanorum Ægypti ad se directò spectaret. Sed anne melior Hispanorum in bello Indico prætextus? An fortè concessio Apostolica Alexandri VI, Pont. Max. jus facit? Atqui ne Princeps quidem, qui tamen imperio possidet omnia, singulorum dominium & proprietatem intervertere potest: tantum abest, ut Petrus, aut qui se Petri successorem nominat, cum tamen boni Petri habeat nihil, Papa, contra DEI, naturæ & gentium jus, in Indos sibi potestatem arrogare, aut aliis concedere possit. Et Attabaliba Rex Peruvix, ipso Papâ melior, & juris consultior, Papam insigniter fatuum & impudentem esse oportere dixit; quod is aliena tam liberaliter largiretur. An autem Religionis Christianæ propagatio justus est titulus? At Christus nullam novam condidit legem, quâ liberi populi, vel ob paganam superstitionem, vel ob Evangelii rejectionem fierent mancipia: nemo Apostolorum ex prædicatione Rex factus est: Paulo Evangelium Romanis annuncianti Cæsar Imperium non cessit. Christus dixit Apostolis: Ite in mundum universum, prædicate Evangelium omni creaturæ: Hispani suis Apostolis dicunt; Ite in omnes auri & argenti divites regiones, & Papæ Romani religionem, & Catholici Regis imperium prædicate; omnes populos pecudum instar servitiis addicite, vendite, mactate. Tale enim Hispani,
ubi

B. Cæsar.

H. Grotius de
mari libero c. 2.

Alb. Gentil. de
jure belli lib. 1.
cap. 1. ex Plu-
tarch.

Augustinus de
Civitate Dei
lib. 4. cap. 4.

1. 12. ff. de here-
dit. petit.

Tacit. Annal.
lib. 15.

Alvar. Gomez
de reb. gest. Fr.
Ximenii lib. 2.
Hier. Benzo in
Hist. N. orbis
lib. 2. cap. 18.

ubi primum in aliquam urbem aut locum apud Indos venerunt, proponebant edictum: Cacici, & Indiani hujus loci, vobis omnibus notum facimus, unum esse Deum, unum Papam, & unum Regem Castellæ, qui harum rerum est dominus: statim accedite, & auctoramentum lege clientelæ inite. Atqui credere, infideles non esse rerum suarum dominos, hæreticum est. An fortassis Indiæ nullius fuerunt in bonis? At nec Motezuma Mexicum, nec Attabaliba Peruviam, nec alii ulli Principes suas ditiones & provincias habuerunt proderelictis. Quid igitur? Antigonus, cum ei libellus de justitia à Philosopho quodam offerretur, Stolidum illum esse hominem agebat; qui sibi alienas urbes tum vastanti, disceptationes de justitia scriberet. Et Pompejus Magnus Mamertinis, privilegia quædam obtendentibus; Non desinetis, opponebat, gladio nobis accinctis laudare leges? Tale omnino est jus Hispanorum in Indos; grande latrocinium est. Iccirco illi interrogati, cur possideant? cum prædone apud Ulpianum hoc tantum respondere possunt; quia possidemus: aut cum barbaro Tiridate illud; id in summa fortuna æquius, quod validius: & sua retinere, privatæ domus; de alienis certare, regiam laudem esse. Sedenim quemadmodum olim Romani regiones illas ne tentabant quidem, ex quibus nihil sperari poterat commodi: sic hodie Hispanorum unicus scopus in omnibus expeditionibus est, aurum; quod exinde Indi Christianorum Deum vocant. Propterea Hathuejus qui-
E e e dam

B. Casaus, de
crudelit. Hispan.
in Ind.

Seneca Epistol.
119.

Plin. hist. nat.
12. c. 102 & ibi
Dalechampi
in not. P. Meru-
la Colmogr p.
2. lib. 2. c. 7.

Seneca Epist.
72.

dam Dynasta, qui Hispanorum sævitiam fugiens ex Hispaniola in Cubam transierat, cum etiam huc adventare illos percepisset, suis omnibus convocatis eos naturam & mores Hispanorum sic edocebat: Quoddam, ait, adorant avarum numen, cuius cultui ut satisfacere possint, à nobis multa poscunt, & hoc unum agunt, ut nobis libertatem & vitam eripiant: & mox accepta, quam juxta se habebat, capsula, auro mundo-que referta, his verbis usus est: Ille est Hispanorum Deus; in ejus honorem Arcyos (est chorearum genus) celebremus: qui ita placatus Hispanis mandabit, ne ulla nos molestia afficiant. Insatiabilis gens, & auri semper cupida, nunquam satura. Post Darium & Indos pauper est Alexander Macedo; querit quod suum faciat, scrutatur maria ignota, in Oceanum classes mittit novas; & ut ita dicam, mundi claustra per-rumpit: ita post Motexumam & Attabalibam, & utrasque Indias egent Hispani; & post omnia, adhuc plura concupiscent. Atque ut fons Ferventia, qui hodieq; visitur octo leucis à Conimbrica, quicquid aquis injectum fuerit, absorbet: cujus rei factum periculum se presente adserit apud Joh. Vasaum Henricus Cardinalis & Princeps coram Joanne Rege Lusitaniae, & cæteris fratribus regis, cum in arborum truncis & ramis; tum in jumento, quod fonti admotum pede paulatim absorberi ceptum, agrè tandem ab famulis extraheret: aut ut canis missa à domino frustra panis aut carnis apertore captat; & quicquid excipit, protinus integrum

integrum devorat, & semper ad spem futuri biat: sic Hispani, quicquid illis fortuna projecerit, id statim insaturabili cupiditate glutunt, semper ad rapinam alterius erecti & attentī. Et o quantā Indorum miseria! hominum simplicium, fidelium, innocentium, pacificorum: quibus perfidi illi Cerberi tantā crudelitate incumbunt, ut bona isti omnia, etiam corpus & animam, precaria possideant. Uros, sunt populus in America; qui cum interrogarentur aliquando, cujates essent? responderunt, Uros se, non verò homines esse. Quod si verò jam in hanc crudelitatis Hispanicae contemplationem defixus ego de Hispanis interroger, promptè etiam respondebo; Illos Hispanos tantum, non verò homines esse; id est, illos certum quoddam bestiarum genus esse, quod formā externā homines ab imis unguibus usque ad verticem summum referat; sed malitiā et omnibus sceleribus Tartareos artifices longè vincat. Nos Germani exsecramur, & non immeritò, manes illius Phalaridis & Syllæ Hispanici, illius Ducis Albani, monstri piacularibus sacris lustrandi, qui cum capitali odio persequeretur Germanos omnes, in Belgio tamen fere nihil reliqui fecit ad immanitatem & sævitiam; ubi conculcata antiquā gentis libertate civitatibus superbe & crudeliter impositione arcium, quas vocare solebat Castigavellacos, inequitabat; florem Nobilitatis gladio carnificis demetebat, multa millia miserorum civium (& erat hæc stolidi tyranni jactantia, supra octodecim millia Belgarum se carnifici tantum

Joseph. Acosta
Hist. natur. Ind.
lib. 2. cap. 6.

Princeps Arau-
sionensis. in A-
pologia ad pro-
script. Hispan.
Regis.

Dominic. Bau-
dius de induc.
belli Belgici,
lib. 2.

tradidisse contrucidandos.) *flammis, crucibus, aquis, omnibusq; pœnarum exemplis perdebat; urbes in dedicationem acceptas prædæ exponebat, rapinis exinanibat, cædibus exterminabat; deniq; talem prorsus se gerebat, ut nullum societatis humanæ commercium cum hominibus huic importuno prodigio intercedere videretur: quibus tandem eò ventum est, ut Belgæ coacti viribus invictæ necessitatis, quam jura divina atq; humana legibus solutam esse consentiunt; cum spiritum incolumem servare, hanc lucis usuram oculis haurire, precariam animam retinere aliter non possent, extremam defensionem, quam ratio docetis, mos gentibus, & natura ipsa brutis animantibus præscribit, animosissime susceperint; atq; imperium Regi, quod nemo quisquam aliàs sine crimine læsæ majestatis ausus esset optare, justè abrogarint, seq; suo Marte in libertatem vindicarint; causam armorum & magnâ parte Christianarum gentium approbante, & Deo ipso tam manifesto favore, tam admirandis successibus prosequente; ut unitarum provinciarum status cum qualibet Repub. vel principatu, copiis, opibus, gloriâ, potentiâ, fœderibus, omniq; rerum cumulo, quæ ad magnitudinem faciunt, certare hodie possit; sicq; maximus ille dominator Philippus, tot populis ac regnis latè imperans, ut vix eorum titulis recensendis memoria ipsius sufficiat, flore sui patrimonii devolutus sit sine spe recuperandi, & jam cum suis olim-subditis æquo jure pacisci non adspernetur. Quanquam Philippus Rex pater sæ-*
vum.

vum & inmansuetum Albani ingenium non probavit: in quem, postquam is Belgio vastato spoliatoq; potius quàm devicto aut pacato in Hispaniam redierat, pertinax odium ostendebat. Et observârunt Lusitani, mortuo Albano Philippum postridie in publicum prodisse Missæ audiendæ causâ, nec ullam præ se tristitiam tulisse, contra morem Regum Lusitaniæ; qui ob mortem hominum, multò inferioris conditionis, si de regno bene meriti essent, à publico aliquot dies abstinere consuevissent; nonnullis id quoq; narrantibus, Regem Emanuele per integrum triduum non prodisse propter obitum præstantis naucleri. Verum quantacunque ista Albani in Belgas, quantacunque aliorum tyrannorum alibi fuerit crudelitas; præ illa tamen Hispanorum in Indos exercita immanitate lusus et jocus esse videtur, quicquid alibi audimus, aut legimus. Quadraginta quinque annis, & quod paullum excedit, variis & portentosis carnificinis, plusquàm ducenties centena millia Indorum sustulerunt Hispani: spatium terrarum ad solitudinem redactum, quod decimo tanto sit totâ Hispaniâ majus. Cohorresco, Auditores, vel ad numeri tantum hujus penè innumeri immensitatem; nedum ad feralem tot florentissimorum imperiorum immemorabilibus cruciatibus et homicidiis exhaustorum memoriam: parumq; abest, dum ad ingentem nationi nostræ mansuetudinem ea, quæ sic referuntur à fide aliàs scriptoribus, compono; quin fabulis aut calumniis adscribam: quæ tamen verissima esse credere

Thuan. Hist.
lib. 55. & 75.

Hier. Cone-
rag. de Portug.
& Castel con-
junct. lib. 9.

B. Casaus. A-
polog. Princip.
Aur. ad Pro-
script. R. Hisp.

cogor, si tot immanes expopulationum modos cogitare-
ro. Quot enim myriades Indorum tantum in deferendis
hinc inde oneribus occubuerunt? Nam quod apud nos
asini, equi, & boves, ferunt, trahunt, vehunt: illud o-
mne in Americam fassis Indis ferendum, trahendum,
vehendum incumbit: illi Hispanos in pensilibus vehicu-
lis, aut lectis in modum retis confectis ferre; illi omnia
instrumenta, omnia impedimenta, onera singuli saepe
centum & octuaginta librarum, saepe per iter centum
& ducentarum leucarum transportare necesse habent:
ita infelices illi homines, cum humani generis summa
injuriam, omnium mortalium maxime inflatis & inso-
lentibus sunt asini, equi & boves: imò sunt asinis, equis,
& bobus non parum viliores. Equidem quidam Fucati
Præfectus nequam sic aestimabat Indos: Elegan-
tem puerem aut virginem cum minimo dolio vini, o-
lei, aceti, vel porco falso permutabat. & accidit, ut
quidam puer, qui Principis filius videbatur, pro caseo
& centum personæ pro equo darentur. & in Panuco-
ne pro uno jumento dati sunt octingenti Indiani; tot
homines pro una bestia. Quot verò myriades misello-
rum piscatus unionum hausit? Nam & in maris pro-
fundum descendere compelluntur Indi, & conchas ibi
de rupibus, quibus adhærescunt, decerpere; & sic col-
lecto onere id supra aquam in naviculas efferre. Ac tam-
etsi mare illis in locis sit frigidissimum; infastos ta-
men piscatores saepe per horæ quadrantem, & inter-
dum semihoram, sub aqua anhelitum spiritusque recipro-
catio-

Jos. Acosta Hist.
nat. Ind. lib. 4.
cap. 15.

cationem suppressere oportet; cui necessitati ut pare-
ant facilius, illis Hispani cibos siccos, eosque avarissime
distribuere solent. At verò quot Indorum millia cani-
bus cesserunt in escam? Hispani enim truculentos a-
lunt molossos, ita edoctos, ut statim Indos assiliant &
discerpant: & eos, quocunque proficiscuntur, itineris
comites assumunt, unaque multos Indos catenis vinctos,
quos ad istorum victum, tanquam carnis humanæ lani
mactant immisericorditer; sæpius uno alterum ita
compellente: Da mihi frustum carnis vellaci
(hoc contumelioso nomine vocant Indos) pro pa-
ctu canum meorum; quod si ex meis unum oc-
cidero, id tibi restituam. Sunt alii, à quibus ex ve-
natione domum reversis audire est: Felix fuit vena-
tio; mei canes quindecim vel viginti vellacos inter-
emerunt. Et fuit venator talis, indignus qui nomi-
netur, qui cum inter venandum canes esurire nollet,
infantulum ex amplexu matris corripuit, & confe-
ctum brachiis ac cruribus abscissis cuilibet canum par-
ticulam, quæ devorata, trunci postea corporis reliquias
sinu objecit. Hanc Cerbeream autem gentis sævitiam
adeò nonnunquam etiam canes ipsi aversebantur, ut
crudelitatis alienæ ministerio fungi non sustinue-
rint. Didaco namque Salazari canis erat acer,
& Indis imprimis infestus, nomine Bezerrillus: quem
ille adversus Indicam anum, emittere constituerat.
Id ut faceret commodius, epistolam tradit vetula
perferendam ad Gubernatorem, qui duobus inde
fortè

B. Cælius.

Ovied. Hist.
Ind lib. 16.
cap. 11. Urban.
Calveto in not.
ad Benzon. lib.
3. cap. 5.

fortè milliaribus aberat; sed eo consilio, ut simul atque à suorum conspectu discessisset, canem in eam solveret. Ea cum lata abiret, sperans se hujus epistolæ beneficio libertatem consecuturam, vixq; lapidis jactu abesset; Salazar canem emittit. Iste vetulam facile assequitur. Sed misera anus, ubi molossus furibundus ad se rectè tendere videt, humi residens, eum vernaculæ suæ linguae verbis in hanc sententiam mulcere incipit: Domine canis, domine canis: ego fero istas literas ad Gubernatorem; obsignatam epistolam ei ostendens; & addens; Ne sævias in me domine canis. Hic canis, velut supplices illas & abjectas preces sensisset, protinus mitigato impetu substitit; & sublato altero crure, ut canes ad parietem solent, eam perminxit. Ea res Hispanis, qui ferociam bestiae noverant, miraculo fuit; puduitq; ipsos foeminam interficere, cui canis pepercisset. Sed ex innumerabilibus crudelitatis Hispanicæ exemplis paucula ista, Auditores, hic proponere volui, nec alio fine, quàm in templis malos genios solemus, ad fugiendum & abhorrendum. Illa autem Hispanorum atrocitas Peruvianis absurdam & planè horrendam de Christiano nomine opinionem, & ad religionis nostræ sanctissimæ dedecus pertinentem, impressit: quæ credunt, Christianos non Dei filios, sed ne ita quidem in lucem editos esse, ut aliàs nasci homines solent. Quippe fieri non posse, ut tam ferox & truculentum animal ab ullo homine generetur: vulgoque ferunt, Christianos ex spuma maris concretos venisse in terras ad perdendum

Benzo in Hist.
novi Orb. lib. 3.
cap. 21.

dum mundum. Nempe ita inter se ratiocinantur: Venti domus prosternunt, arbores frangunt, ignis eadem urit: sed isti Viracochiæ (ita nominant Christianos, quasi maris spumas) omnia devorant; terram invertunt, vim fluminibus adferunt; neque ullum tempus remittunt; modò huc, modò illuc vagantur, aurum & argentum quærentes; inventum alicui consumunt; bella gerunt, latrocinantur, blasphemant, Deum ejurant abnegantque; verum nunquam loquuntur; & nos ditionibus ac fortunis nostris exspoliant: denique mare diris insectantur Indi; quod tam sævam & immanem sobolem in terram immiserit. Quare etiam Caribes & vicini populi, qui carnibus vescuntur humanis, ab Hispanorum cadaveribus abhorrent; verentes, ne tum quoque eæ carnes corporibus suis aliquid damni adferant. Quamvis alii etiam Hispanos esui satis aptos esse negent; quod sint duriori & ex succa carne, nisi trucidati tres aut quatuor dies prius macerentur. Hathuei Cacici odium in Hispanos memorabile est: ille, cum istos metu mortis & servitutis fugeret, tandem captus, & ad rogem damnatus est: sed palo jam affixus, & à quodam Monacho Franciscano de Christianæ religionis capitibus verba faciente monitus, futurum, si crederet, ut mox æternæ beatitudinis præmiis, sin minus, æternæ damnationis supplicii afficiatur: postquam cogit abundus hæsit aliquandiu, Monachum interrogat; Num etiam Hispanis regnum coelorum pateret? & illo affirmante, Bonis patere: Fff sine

Benzo in Hist.
novi Orb. lib.
3. cap. 21.

B. Casaus.

sine longiori deliberatione, Coelum se nolle petere, dixit, sed potius inferos; ne sibi domicilium cum gente crudeli commune esset.

Quod si jam quis ex me quaerat; quid igitur publicè profuerit illa Hispanorum in Novum orbem profectio, & in tot ignotas regiones propagatum imperium? vix habeo, quod dicam: sin, quid publicè obfuerit? abundè habeo, quod dicam. Nam præter omnia, quæ dixi, & præter variolarum morbum, qui in America, ob cæli solique conditionem, propè exitialis est, Hispani eò importârunt omnia flagitia & vitia: & docuerunt in disciplinam acceptos Indos jurare, sacrum DEI nomen blasphemis proscindere, aleari, furari, mentiri, scortari, sicas vibrare; & aliam multa peccata, naturæ eorum comi, rectæ, ac simplici repugnantia. In Europam verò secum reportârunt, non solum horribilem illam luem Veneream, sive morbum Gallicum, (hoc etenim nomine in Gallorum injuriam passim insignitur: uti & hodierni Græculi dicunt *Φεαντ ζαζευ*, hoc est, die Francoſen habere: eundemq; morbum Genuenses lo malo de le Tavelle, Tusci lo male de le Bulle, Lombardi lo male le de Brosule, & Hispani las Buas vulgò appellant) quem postea Hispani Neapoli à Gallis obſeſſi Punica fraude prolataverunt, formosissimis scortis, à quibus inficeretur exercitus Gallicus, clam de urbe missis: quod malum dein Medicis multum attulit boni; Hieronymo Capivaccio citra jactantiam asseverante, è Gallia luis curatione ultra

Th. Zvinger.
Meth. Apodem.
lib. 1. c. 5.

Cassius & Benzopallim.

J. Meurs. in
Glossar. Græco-barb.

Jo. de Vigo l. 5.
pract. Chirurg.
c. de cura morbi Gal. non confirmati.

Alb. Gentil. de
jure belli lib. 2.
cap. 6. Gabriel
Fallop. de morbo Gallico. cap. 1.

tra octodecim millia coronatorum selucratum fuisset: verum etiam communicaverunt Europæis aurum Peruvianum Hispani: neque hoc tamen sine ingenti maximoq; Reip. detrimento; cum duplices pistoleti ab eo tempore candidam simplicitatem & germanam integritatem non paucorum corruperint. Quare Poeta Gallus eleganter & verè:

Par toy, superbe Espagne, & l'or de tes doublons,
Toutela pauvre France insensé nous troublons:
Et si de tes doublons, qui causent tant de troubles,
Il ne nous reste rien à la fin que de doubles.

Voyez le Catholicon d'Espagne.

Et alius non minus appositè:

Les François simplets paravant
Sont par doublons devenus doubles;
Et les doublons tournez en vent,
Ou bien en cuyure & rouges doubles.

Artinius Asiaticus è Media aurum in Peloponnesum olim attulerat, Græcos corrumpendi sollicitandiq; causâ; ab Atheniensibus iccirco, prototius Græciæ salute excubantibus, hostis judicatus. Utinam verò nostro hoc seculo vel nulli essent Artinii, vel saltem vigiles fortesque Athenienses nobis non deessent!

Th. Zvinger.
Meth. Apodem.
lib. 1. cap. 1.

Ut autem damnosas illas exoticas merces graviore aliquâ novâ injuriâ adangerent Hispani, ab Indorum commercio omnes alias gentes contra jus gentium malignè arcent: Bernardino Mendozâ, Philippi II. in Angliâ Oratore, homine non plus

l. 5 ff de just. & jure. l. 4. ff de diviser.

Fff 2 militari,

militari, quam bellis Belgicis quaesierat, laude; quam inciendis apud Principes, ad quos diverterat, turbis solertiâ præpollente, dum res à Fr. Draco raptas vehementi cum expostulatione repetebat, congeri auso, quod Angli per Indicum Oceanum, quod solis Hispanis liceat, impunè navigarent. At

Virgil lib. 1.
Aeneid.

quod genus hoc hominum, quæve hunc tam barbara morem

permittit patria? Hospitio prohibemur arenæ.

H. Grotius in
Dissertatione
de mari libero.
cap. 1.

Nonne ille, quem DEUS terris circumfudit, Oceanus, undique & undique versus navigabilis, & ventorum statim aut extraordinarii flatus, nec ab eadem semper, sed ab omni alia regione aliquando spirantes: nonne significat satis, concessum à natura cunctis gentibus ad cunctas aditum? Et nonne Elisabetha Angliæ regina Mendozæ querimonias prudenter & fortiter dispulit; cum verissimè assereret, non intelligere se, cur aut sui aut aliorum Principum subditi in Indias navigare prohibeantur, quas Hispanici juris esse ex Pontificis donatione, aut quia Hispani primi ad eas appulerint, casulas posuerint, flumen aut promontorium de ducis aut diei nomine appellaverint, persuadere sibi non possit: quippe cum Papa iudex inter partes non vocatis cæteris Principibus aut consentientibus constitui nequeat; nullaq; sit illius in huiusmodi causis prærogativa, nedum iutorias, ut Principes obliget, qui nullum ei obsequium nec deferunt nec debent: proinde talem rei alienæ donationem, quæ nullum jus tribuit, atque ad eod

Cambden in
Annal. Anglic.
ad A. Chr. 1580.
Thuan. Histor.
lib. 71.

imagi-

imaginariam proprietatem, obstare non debere, quò minus alii Principes commercia in illis semotis regionibus exerceant, & colonias, ubi Hispani non habitant, jure gentium nequaquam violato, deducant; & cum ut aëris sic maris usus sit omnibus communis, per vastum illud Oceanum liberè evagentur: siquidem in his rebus tantum intelligatur præscriptum esse, quantum sit possessum. Jus igitur asserendum naturæ est contra iniquissimum & absurdissimum usurpatum monopolium Hispanorum: qui nisi potenter probent usurpationem, regula pro omnibus erit, licere quaquaversum maria navigare, & commercia habere cum omnibus. Audiamus igitur interim, & audeamus tenere regulam, & navigare. Quid hoc tantum? Nonne verò etiam omnium gentium interest, unius illius gentis injustitiam puniri? Nonne securitas publica hoc postulat, immensæ illius potentiae & fastus fundamenta subruere? Profectò nisi illa communis omnium salus, communis juris patrocinium publicè suscipiat; licentia Hispanica serpet latius, & mox Europa universa in unius Iberi Regis nutum deveniet, aut omnino cadet:

Alb. Gentil. de
unione reg.
Brit.

Alb. Gentil. de
jure belli lib. 1.
cap. 14.

ut medium si quis vellat de fornice saxum, incumbunt cui cuncta, simul de vix sequentur cætera.

Auson.

Neminem tunc amicitiae fœdera, neminem solennes officiorum denunciationes toties à personatis exploratoribus repetitæ à vi majori turbantur. Et Jacobus

Cambden in
Annal. Anglic.
ad A. Chr. 1582.

Fff 3 magnæ

magna Britannia, tunc Scotiae tantum Rex, cum ab Elisabetha Angla moneretur, ut sibi à classe Hispanica & à Scotis Pontificis providè caveret, rectè imò & argutissimè dixit: Se non aliud ab Hispano beneficium expectare, quam quod Ulyssi Polyphemus promiserat; scilicet, ut, cæteris devoratis, postremus deglutiretur. Quanquam, cur Hispanorum vires magnopere reformidemus, causam justam habemus nullam. Domi equidem Rex illorum potens non est: quem etiam Portugalli (inter quos & Castellanos quamvis sanguine, linguâ, provinciâ, & imperio conjunctos, inveteratum etiamnum ardet odium) ideò in ultimo bello tanti non faciebant; cum dicerent, illum propter regionis sterilitatem nec numerosos exercitus alere posse, nec propter urbes & oppida, minimè omnium munita, militem externum accersere audere. Licet & multa alia in visceribus Hispaniæ hæreant longè graviora mala, quæ impotentiam arguant, aut certè potentiae ruinam accelerent. Non diu est, cum Lusitani ita conquererentur: cum Sebastiano Rege regnasse temeritatem, cum Henrico Rege ignorantiam cum iudicii inopia conjunctam, cum Gubernatoribus confusionem; cum Antonio notho injustitiam: sed eadem hodie in tota Hispania agitur fabula, personarum tantum immutatis. Reditus nec impensis, nec opinioni aliorum respondent: portoria immoderata, & exactiones immensæ, populum flagellant; atque ad imprecationes, vociferationes, turbas & rebelliones excitant:

H. Conestag.
de Portug. &
Castel. con-
junct. lib. 1. &
4.

H. Conestag.
lib. 5.

H. Conestag.
lib. 1.

tant: justitia & totius Reip. administratio in paucorum adfectibus reposita vix spiritum ducit. Eques Aragonius in aulam Philippi II. venerat negotii sui causâ; ibi diu à domesticis & consiliariis Regis delusus, tandem Regi ipsi petitionem suam ingenua provolutus exponebat; quo omnia denegante, supplex ejusdem genua exosculatus, gratiasq. humiliter actis, alacris surgebat: At tu, inquit Rex, icipias, nihil eorum quæ petisti futurum: Eam ipsam ob causam, excipiebat Eques, gratias tibi, Rex optime, habeo, quòd uno hoc verbo sexcenta ministrorum tuorum, unum ex alio causantium, mendacia refutasti: quod si initio audissem, equidem & multorum mensium sollicitudine cariturus, & sumptibus non exiguis parsurus eram. Sic & Magnates Hispani, & universus populus jam quoque regnum Ducis Lermæ, qui Regem regit solus, graviter ferunt; idque carminibus, dictis, notis, mordaciter redarguunt; quodam literas ad Regem mittere auso, cum hac superscriptione: Regi Philippo III. hoc tempore Lermæ Duci à servitiis. Inde verò non verus & sincerus amor subditorum est erga Regem: sed fictus & coactus, in apertum odium erupturus, ubi primum potuerit. Quemadmodum enim olim Romani inferis, morbis, & multis etiam pestibus, dum esse placatastrepidometu cupiebant, publicè fana constituerunt; timore, non amore istos DEOS faciente: sic plerique populi subjecti hodie Hispanicum Imperium colunt

Gasp. Ens Ep̃
dorp. lib. 4.

P. Matthæus in
Hist. Henr. IV.
lib. 2. narr. 2.

Plin. Hist. nat.
lib. 2. cap. 7.
Alex. ab Alex.
Genial. dier. lib.
1. cap. 13. Petr.
Roverius in Pa-
negyr. ad Es-
Reg.

Thuan. histor.
lib. 71.

colunt & reverentur. Et quid hoc aliud est, nisi personatæ felicitatis, fortunæ fugientis, & splendidae paupertatis, imò etiam flagitiosissimæ iustitiæ ac fraudis Hispanicæ insigne testimonium? Quod ergo? Philippus II. Belgico bello, ad quod damnosis sumptibus opus erat, implicatus, ex ea occasione ingenteis summas à Genuensibus, & præcipuè à Nobilium ordine emunxit: pro quibus ingenteis pariter usuras pensitabat, destinatis ad eas exolvendas primariis Indiarum & Hispaniæ vectigalibus. Cum verò in putandis usurarum rationibus erratum esse, & calculi errorem corrigi debere contenderet, ut si majores, quàm deberentur, usuræ persolutæ essent, eæ in sortem imputarentur; interim pensiones eis assignatas decreto sub id tempus in Hispania publicato ubiq; revocavit. Quà re non solum Genuæ, sed Romæ, Venetiis, Mediolani, Lugduni, Rotomagi, Autuerpiæ, & plerisq; in Germania locis omnes argentariam exercentium rationes labefactatæ sunt, parumq; abfuit, quin mensarii passim creditoribus suis decoxerint. Post quadriennium tandem conventum; ut rationes novæ quidem denuò non inirentur, sed ita sortis principalis usuræ deinceps contraherentur, ut quæ prius quasi septunces erant, hoc est, pro Cunciis, VII cum tertia paulò minus pariebant, in posterum quasi trientes essent, hoc est, VII uncia tantum cum tertiaparte quotannis exolverentur. sed & hoc Genuensibus à Philippo tunc concessum: ut creditoribus suis, qui cum Philippo minimè contraxissent, in dissolvendo

vendo ære alieno, quod ab ipsis, ut Philippo crederent, sumpsisse se ajebant, eadem ratione satisfacerent. Quod iniquissimum per se decretum non solum Genuensium, sed aliorum Italarum, atque adeò sparsim toto orbe institutorum rationes conturbavit, ac multos ex iis omnino bonis evertit. Ita scilicet Peruvicæ auri venæ jam tunc defecerant, ut ad scelerum ac fraudum fodinas, quibus nunquam eget Hispania, cuncta consilia & studia convertere oportuerit. At, nisi me omnia fallunt, totum Hispaniæ corpus jam nunc præcipitat ad interitum. Caput enim Castellæ nudum & calvum, nullisque arcibus munitum, non habet, quo se tuto reclinet: cereus nasus Portugalliæ vel levissimam turbarum scintillam non patitur: oculi Aragoniæ pravis humoribus repleti ex privilegiorum amissione lippiunt: brachia Navarræ gangrænâ laborant, à nullis, nisi Gallicis chirurgis persananda: venter Peruvicæ & omnium Indiarum, ex intestinorum exulceratione & sanguinolenta excretionē infandis doloribus torminibusq; exercetur: coxæ Italiæ ischiade infestantur sævissime: pedes autem Belgii jam sectiones & ustiones perpeSSI adhuc severiorem medicinam si non expectant, certè timent. Quid? quod Hispani etiam non ita bellicosi sunt, uti alii putant, & ipsi de se gloriose declamare non erubescunt. Nam si ad prima illorum incunabula respiciamus, comperiemus omnem eorum gloriam mari Mediterraneo, & Oceano, claustrisq; Pyrenæis conclusam fuisse, potiusq; patuisse exteris invadentibus,

Le Soldat
Francois.

Thuan. Histor.
lib. 1. H. Bignon
de l'excellence
de la France,
liv. 2.

Ggg

quàm

Thuan. Histor.
lib. 51.

Thuan. histor.
lib. 65 & 78. &
Conflag. paf-
am.

quàm quicquam memorabile extra fines suos gessisse. Hodie verò, licet & inter illos sint fortissimi, & strenui; tamen ii rari & pauci sunt: & Carolus V. cum plurimos habuit, plures VII clo peditum, & ICCCC equitibus in castris habuit nunquam: ceteri sunt armorum rudes; & præcipuè Lusitani. Ita enim est ingenium hujus nationis, ut inexperti pericula non visa quàm audacter contemnunt, tam viliter visa expavescant. Id quod in supremo bello Africano potissimum singulari exemplo comprobaverunt: cum plebs isti militiæ destinata sed adhucdum valde inepta, crebrò quidem Olibiponâ quasi ad pugnam instruenda educeretur, sed ridiculâ prorsus ratione; quippe nullo campidoctore aut tribuno bellis experto, sed Joanne quodam Gamais præeunte, qui eremitæ habitu tiro-nes, ipsemet belli rudis, arma tractare, agmina ordinare, & concurrere edocebat: Sebastiano Rege non solum inter scloppetorum displosiones plerunque haud citra discrimen versante ac discurrente; verum etiam mari sæpe se committente, maximè cælo procelloso, (nam sereno, ignavi esse ducebat) ita ut pericula, quæ sapientiores vitanda censent, quæreretur, & in exitium sponte ruere cunctis videretur. Tandem decretâ profectiõne, Lusitani de armis securi, tantumq; de magnifico cultu solliciti vesteis sumptuosas comparare, quasi non ad bellum, sed ad nuptias & pompas proficiscerentur; etiam patrio vestitu abjecto Castellensem assumere, & quasi jam victoriâ par-
tâ de

tâ de triumpho adornando cogitare. Itaque videre erat vesteis, equos, tentoria, lectos, ac cætera impedimenta holoserico & auro argentoq; interdum & gemmis ad exquisitum luxum exornata, ut potius hastiludii, quàm serii certaminis apparatus rerum peritioribus viderentur, qui cum occulto doloris morsu infaustra ex eo omnia præsagiebant. Mæsta verò etiam classis in discessu ubique facies, & nemo ridere visus fuit, cunctis tristi silentio defixis; cum vulgò contra evenire soleat, ut qui ad ejusmodi expeditiones ducuntur, per lasciviam letos clamores ingeminent. Jam in Africa erat Sebastianus, cum Franciscus Aldana ad eum venit, galeam & paludamentum, quibus Imp. Carolus V. olim indutus Tunetem victrici pompâ ingressus fuerat, cum literis ab Albano adferens: quibus muneribus acceptis ad insaniam exultabat Sebastianus, pares triumphos sibi in Fessæ & Marochi, quæ primariæ duorum regnorum urbes sunt, ingressu, atque adeò totius Africae imperium spondens. Sed ô vanas spes! ô lubrica & incerta vota! Non longè post heu! infelix pugna alea tentatur: & quid multis? Christiani undique circumventi quasi pecudes à Mauris miserando omnino spectaculo inter carros, equos, suorum occursum, æstu, labore, & ictibus pereuntes promiscuè caduntur; tribus eodem prælio regibus extinctis; Sebastiano, qui à centurione repetitis vulneribus confossus est, Mahamete, qui fugiens in Mucazeni vado nimiam
Ggg 2 festina-

festinatione submersus periit, & Melico, qui gravi febris jactatus cum suos retrocedere indignaretur, lectica egressus ut praesentia sua injecto pudore fugam suorum sisteret, vix precibus à familiaribus revocatus, & praeter compresso spiritu penè ex equo titubans cecidit, indeq; in lecticam denuo illatus, & adductis repagulis, ac prius monitis qui circa eum erant, ut mortem suam celarent, ad moto ori digito animam efflavit; vir fortitudine, prudentia, equitate, industria, & liberalitate, & qui in Africanis ingenius rarus est, candore insignis, & ab iis vitiis, quae detestanda licentia inter se & illius homines regnant, alienissimus, & alioqui, si belli causam demas, Christianis non ita infestus. Ex Christianis pauci admodum elapsi sunt: ex iisq; VIII c. occisi, totidem capti; quorum liberatione Mauri postea non exiguam pecuniae vim coegerunt. Nam cum Lusitani ad incommoda perferenda minimè omnium assuefacti, & captivitatis sint mirè impatientes; propterea etiam apud Mauros semper pluris sunt, quam alii: quia se redimunt, & carius & facilius. Neque verò nobis aliter de cæteris Hispanis judicandi ansam præbere debent illorum nomini tot celebres adscriptæ victoriae. Quicquid enim nos aliis periclitati, quicquid victi sumus, quicquid amisimus, id tot nationum ita conjunctarum viribus; id Germanis, Gallis, Italis, Hungaris, Anglis, non Hispano robori aut solertia est imputandum. Et, si diligenter calculus ineatur, ubicunq; fere infelicitè pugnâvimus, vix Hispani quar-

tam

H. Coneftag. de
Portug. & Ca-
ſel. conjunct.
lib. 2.

Thuan. histor.
lib. 31.

tam exercitus hostilis partem efficiebant. Bellum verò, aut potius laniena, quàm in Indos grassati sunt Hispani, ne umbram quidem fortitudinis habet. Indii enim non illorum virtute, armis, tormentis, hastis, gladiis, aut ballistis, sed ferocia & furore equorum (quos animalia carnivora & sæva existimabant, & conspectis illis veluti attoniti exanimabantur) victi sunt: imò quò equi non potuerunt penetrare, ibi Hispanos semper vicerunt. Quod ipsum Eques quidam Hispanus optimè intellexisse videtur: qui ad Argeriam Imperatori Carolo V. militans, cum fortè Maurorum globus Hispanorum turmam funderet, & Ferdinandus Cortesius (qui regnum Mexicanum sub jugum misit) fugientes clamore sistere, & ad vim hostilem repellendam animare conaretur, Cortesium interpellans; Bellua isthæc, inquit, putat sibi rem esse cum suis Indis, quorum viginti quinque millibus fundendis decem equites suffecerint. Hispanos autem tantum foeminas barbatas esse; nonne Lusitani, imbelles licet, in Algibartana pugna clarissimè demonstraverunt, quàm victis Castellensibus una furnaria septem Castellenseis palam suam occidisse traditur? Nonne verò Galli id ipsum jam sæpe fecerunt toti orbi notum? Quid Philippus II. non conatus est, ut florentissimum Galliarum regnum redigeret in cineres? Flumina sanguinis per mediam Galliam ducebat; cadaverum montes extruebat; flagitiosi in Ligæ monstrum insolitâ magnificentia alebat; regni Proceres contra legitimum Regem arma-

bat;

Phil. Camerac.
medit. Histor.
cent. 2. cap. 92.
ex Petro Mar-
tyre. Benzo in
Hist. Novi Or-
bis lib. 2. cap. 12.

Benzo in Hist.
Novi Orb. lib. 2.
cap. 24.

Thuan. histor.
lib. 7.

P. Matthieu en
l' Histoire de
Henr. IV. lib. 8.
part. 4.

bat; *Lutetiam* (qu' il appelloit sa ville de Paris) præsidio Hispanico frenabat: & quid non? Nihilominus fugatus est, pulsus est, ejectus est e Gallia: & quidem *Narbonenses* ad debitum Regi suo obsequium redeuntis odio factionis Hispanicæ effigiem Regis Hispaniarum in flammis missam & semiustulatam in aquam projecerunt. In inferiori Germania autem Hispanorum fortitudo sic evilit, ut passim ac propalam sit despicatui. Obstupescet, qui quadraginta retrò annis accisas Belgarum opes cognoverit, & horrendas Reipub. procellas, grandines, ac tempestates, examinaverit, & viderit, illos tamen in hanc felicitatem enavigasse: admirabitur, Hispanos tot ingentes exercitus, & nobilissimas provincias amisisse, CXX. auri millionum (Scioppius de ducentis millionibus auri loquitur) impensam fecisse; & demum in ipsum Hollandiæ meditullium pacem delatum ultro venisse: contra verò Fæderatos omnibus modis inferiores, justà tantum irâ & desperatione erectos, pro patria & libertate arma cum laude magna sumpsisse, majori gessisse, maxima posuisse: & quod magis mirandum atque fere supra fidem, cum cæteri populi bellis exhauriantur, solos Belgas ex bellis opulentiores & ditiores factos esse. Et ut cum piratis & vagabundis orbis raptoribus iterum in Africam excurrat hæc oratio: Guleta ibi nonne publicum & permanens est Hispanicæ ignaviæ monumentum? Præerat arci longè munitissimæ Petrus Carrera: qui prius quàm

Turcica

Meursius de induciis Belgicis.

in Ecclesiastico c. 39.

Cambden. in Annalib. Angl. ad A. Chr. 1587.

Turcica classis duce Sinane Bassa, viro astutoreiq; militaris peritissimo adpulisset, quingentos milites veteranos Italos admittere noluit: quod minimè concessurum se diceret, ut in ejus gloriæ partem venirent Itali, quam Hispani Guletâ defendendâ consecuturi essent. Sed ô nullam gloriâ! O infamiam speratæ gloriæ succedaneam! Sinan enim Bassa brevi tempore fastuosum pectus Carreræ exarmavit, Guletam ipsam expugnavit, ibique præter aliam prædampotitus est quingentis machinis bellicis, cum ingenti tormentarii pulveris aliarumque bello necessariarum rerum & annonæ copia: adeoq; mirâ virtutis & fortunæ sibi famulantium gratiâ eum tenuit victoriarum cursum, ut Hispani prorsus ejecti fuerint ex Africa intra trigesimum & sextum diem; amissis per summam ignaviam iis locis, quæ Carolus V. Augustus in potestatem optimo consilio redegerat, ut securitati Siciliæ, Regni Neapolitani, totiusq; tum Italiæ, tum Hispaniæ consuleret. Equidem apud ipsos Turcos ex fide dignis hominibus accepit testis locupletissimus, Joan. Leunclavius, Carreram fuisse virum prorsus ignavum & formidolosum, qui pulveris tormentarii nidorem ferre non posset, nec fulmina displosarum machinarum: quæ sanè, quoties in hostem exonerabantur, ipse subterraneis se testudinibus concameratisq; locis abdebat, bombacæq; suas obturabat aures. Ubi verò de hoc prospero Africane Turcorum expeditionis successu Romam allatum est, statim dicterium Pasquilli nomine sparsum; quo Guletæ & regni

Joan. Leunclavius in supplem. Annal. Turc. Theat. an. hist. lib. 58.

An. Chr. 1574.

Regni Tunetani amissi culpa in podagram Sueffani Ducis; in Joannis Austrii Sphæristerium, hoc est, negligentiam; in Cardinalis Granvellani Neapolitani Vicarii subligar, hoc est, libidines rejiciebatur. Eant nunc igitur Iberi illi Thrasones, illi Pyrgopolinices, illi Therapontigoni Platagidoni, illi Polymachæroplacides Anthomenides; & solitâ insolentiâ in posterum dictitent amplius: Unum Hispanum quatuor Germanis, tribus Gallis, & duobus Italis valere.

Benzo in Hist.
novi Orb. lib.
2. cap. 8.

P. Matth. in hi-
stor. Henr. IV.
lib. 6. narr. 5.

Cambden in
Annal. Anglic.
ad A. Chr. 1585.

Quod sitamen adhuc fastus & potentiae suae alii Hispani altius evolare, & in aliorum populorum injuriam invidiosè decantare non cessent; cœlum, terram, & oceanum ipsis ancillari; fortunam ante illorum vota & supra vota, id est, priusquam volunt, & plusquam volunt, liberaliter omnia elargiri: nihil agunt. Et nihilegit Mendoza Legatus ad Gallorum Regem, frequenter illud crepans: Dios es poderoso en el cielo, y el Rey d' Espanna en la tierra: hoc est: Deus est potens in cœlis, & Rex Hispaniarum in terris. Et nihil egerunt illi Hispani, qui in prætorio S. Dominici, quæ urbs est Hispaniola, insignia Regis sui erexerunt, ita ut subjectus terrarum orbis spectaretur, supra quem Pegasus anterioribus pedibus extra projectis exiliebat, cum hac epigraphe, NON SUFFICIT ORBIS. Id certe ab Anglis, cum ducibus Fr. Draco & Christophoro Carlilo urbem caperent, irrisum & in argumentum infinitæ avaritiæ & ambitionis Hispanorum, quasi nihil sufficeret, arreptum est. Quinetiam ille, cui tum

Orbis

Orbis non suffecerat, post aliquot annos sarcophago fuit contentus; &

Rex ille Philippus

Dom. Baud. in
Heroic. Epist.
5. & in Funerib.

tot populis terrisque potens lateque tyrannus; occidit à fœdore fus grege vermiculorum, carnificesque suos miserando corpore pavit vivens atque videns, & propria funera planxit.

Quod ipsum horribile mortis genus etsi ad naturales causas referri solet à medicorum filiis, tamen religiosius censeo cum Ægyptiorum Magis digitum Dei in tam notabili casu suppliciter venerari: præsertim cum antehac nullus excelsæ dignitatis Princeps interierit tali genere mortis, nisi qui vel sæviendo, vel divinos honores affectando humanitatem exuisset. Verum omnia illa, quæ vos tumidos, ô Hispani, et supra humana elatos oblivisci cogunt vestræ fragilitatis, quæ ferreis clavis custoditis armati, quæ ex alieno sanguine rapta vestro & alieno defenditis; propter quæ quassatis urbes, ignari, quantum telorum in adversos fortuna comparet; propter quæ, ruptis toties ad finitatis, amicitiae, collegii, & omnis humanitatis fœderibus, terrarum orbem miscetis; non sunt vestra: in depositi causa sunt, jam jamque ad alium dominum spectantia. Aut hostis illa, aut hostilis animi successor invadet. La coda condanna spesso la volpe alla morte per esser troppo lunga. Et quæ sunt divitiæ; quas non egestas, & fames, & mendicitas à tergo sequatur? Quæ dignitas; cujus non prætextam, & augurale, & lora patricia, comi-

Vide Senecam
de Benefic. lib.
6. cap. 3.

Sen. de Tran-
quillitate ani-
mi cap. 11.

Hbb

tentur

tentur sordes, & deportatio, & notæ, & mille maculae, & extrema contemptio? Quod regnum est; cui non parata sit ruina & proculcatio, & dominus, & carnifex? Nec magnis ista intervallis divisa: sed horæ sæpe momentum interest tantum inter solium, & aliena gēna. Magnæ arbores diu crescunt: unâ horâ extirpantur. Locuples es? ad Pompeium abi: qui cum tot flumina possideret in suo orientia & in suo cadentia, mendicavit stillicidia; fame ac siti periit in palatio cognati, dum iste heres illi publicum funus esurienti locat. Honoribus summis functus es? Sejanum vide: quem eodem die, quo illum Senatus deduxerat, populus in frusta divisit: in quem quicquid congeri poterat, Deus hominesque contulerant: ex eo tamen nihil superfuit, quod carnifex unco traheret in Tiberim. Rex es? non ad Cræsum te mitto, regno & mortis suæ superstitem: non ad Ptolomæum Africæ Regem, Armeniæ Mithridatem, inter Cajanas custodias agentes: spectamibi Valerianum Romanorum Imperatorem; quem cum Sapore Persarum Rege bellum gerentem, iste victum uti catenarium mancipium circumduxit, equum conscensus ejus inclinati cervicibus pedem imposuit; & cui tandem etiam pellem detraxit: spectamibi Bajasitem I. Turcarum Imperatorem; qui à Temire captus, ferrea cavea inclusus & spe libertatis exclusus; cum audisset ad urbem Tataricæ Semercandam se abducendum, præ furore fremens ac frendens caput validis iteratisque ictibus cavea allidendo indignantem animam evomit. Quædam

Curt. lib. 7.

Vide Eberhard.
von Weiche de
van glor. hūm.Cuspin in Va-
lerian. Agathias
lib. 4 de bello
Gothico.Annales Turci-
ci. Leunclavius
in Pandect. hist.
Turc. cap 64. ex
Theodor. Span-
dugino.

dam scilicet vini ebrietas; quædam etiam fortunæ est. Atque illa firmo etiam cerebro homines commovet, imbecillos omnino dimovet: ita ista quamlibet prudentes deludit, imprudentes planè dementat. Et ut meretrix neminem amat, dum amatores perpetuò mutat: ita & Fortuna.

Petr. Roverius
in not. ad Pan-
gyr. Henr. I V.
Gall. R. dictum.

Invida fatorum series: summisque negatum stare diu.

Lucan. lib. 1.

Et jam videor mihi videre Divini numinis justitiam in tribunal ascendentem, omnibusque angelis in purpura circumstantibus toti orbi Christiano ita de cælo pronunciantem: Illos Orbis raptos Iberos de imperio dejici, & sine mora omnibus bonis exui, libertate multari, & catenis vinciri debere. Ego vel imagine & fictione tantum spectaculi terreor, augustissime Præses; & cum Buchanano ex Lusitania in Galliam redeunte ita Hispaniam & Galliam, illam valere, istam salvare jubeo:

Jejuna miseræ tesqua Lusitaniæ,
glebæque tantum fertiles penuriæ,
valete longum. At tubæcata Gallia
salve, bonarum blanda nutrix artium,
cælo salubri, fertili frugum solo,
umbrosa colles pampini molli comâ,
pecorosa saltus, rigua valles fontibus,
prati virentis picta campos floribus,
velifera longis amnium decursibus,
piscosa stagnis, rivulis, lacubus, mari,
& hinc & illinc portuoso littore

Georg. Bucha-
nanus.

H h 2

Orbem

Orbem receptans hospitem, atq; orbituas
 opes vicissim non avara impertiens:
 amœna villis, tuta muris, turribus
 superba, tectis lauta, cultu splendida,
 victu modesta, moribus non aspera,
 sermone comis, patria gentium omnium
 communis, animi fida, pace florida,
 jucunda, facilis, Marteterrifico minax,
 invicta, rebus non secundis insolens,
 nec forte dubiâ fracta, cultrix numinis
 sincera, ritum in exterum non degener:
 nescit calores lenis æstas torridos,
 frangit rigores bruma flammis asperos;
 non pestilentis pallet Austri spiritu:
 autumnus æquis temperatus flatibus;
 non ver solutis amnium repagulis
 inundat agros, & labores eluit:
 ni patrio te amore diligam, & colam,
 dum vivo; rursus non recuso visere
 jejuna miseræ tesqua Lusitanæ,
 glebasque tantum fertiles penuriæ.

PRINCEPS
 FRIDERICUS ACHIL-

LES, &c.

DIC TU

GEORGI, BARO STUBEN-
 bergi.

ORA-

GEORGI
 BARONIS STU-
 BENBERGII,

pro

HISPANIA.

HGO ILLUSTRISIME PRINCEPS, CUM
 inchyto fratre tuo Magno, pro Hispania
 censeo. Miror autem, quid tibi, Baro
 Limpurgi, venerit in mentem, ut tam acer-
 be in Hispaniam & Hispanos diceres. In Hispaniam
 abi, & in palatio Escuriali Philippo III. Regi ora-
 tionem tuam coram Notario & testibus repete, atque
 rei gestæ testimonium instrumento solenni comprehen-
 sum posce; crede mihi, bene dixeris, si ad nos semper-li-
 ber redieris. Nondum Hispania ita esurit, ut colligat
 stipem; nondum ita viribus deficit, ut expectet vultu-
 rium; nondum ita in vitia prolapsa est, ut DEUM & bo-
 nam mentem omnino abjecerit. Et quomodo esuriant
 Hispania, quæ semper ad manus habet paratam pecu-
 niam; quæ Orbis, fere dixerim, totius possidet æra-
 rium?

Quisquis habet nummos, securâ naviget aurâ,
 Fortunamque suo temperet arbitrio.

Petronius Ar-
 biter.

Hhh 3

Uxorem

Uxorem ducat Danæen, ipsumque licebit
 Acrisium jubeat credere, quod Danæen.
 Carmina componat, declamet, concrepet omneis
 & peragat causas, sitque Catone prior.
 Jurisconsultus PARET, non PARET, habeto;
 atque esto quicquid Servius & Labeo.
 Multa loquor: quidvis nummis presentibus opta,
 & veniet: clausum possidet arca Jovem.

J. Lips. in Epist.
 Cent. 3. ad Belg.

*Habet sane hoc Rex Hispaniarum, Crassorum omnium
 Crassus, ut quando domi panis non suppetit; (& quan-
 do non suppetat Hispania, illud inexhaustum humanæ
 felicitatis promptuarium?) alibi emere, sed alia etiam
 omnia parare, & omnia facere possit, perennibus auri
 argentiq; fontibus, quos alii Principes frustra requi-
 runt. Et ridiculum est, quod quidam Philippo II. pa-
 tri timuerunt, ne æris alieni oppressus mole, fideq; pu-
 blicâ passim creditoribus decoctâ, tandem bonis cedere
 cogeretur; & quod alii Philippo III. filio, ne is sine in-
 ventarii beneficio paternam hereditatem adeundo, &
 Quartam Falcidiam perderet, & rationes omnes con-
 turbaret. Scilicet*

Vide Colinium
 apud Thuan. hi-
 stor. lib. 51.

La réponse au
 Soldat Fran-
 çois.

Martial. lib. 9.
 Epigr. 4.

grandis in æthereo licet auctio fiat Olympo,
 coganturque Dii vendere, quicquid habent;
 conturbabit Atlas.

Casp. Ens Epi-
 dorpid. lib. 2.

*Henricus Glareanus, vir doctissimus, sed parum opu-
 lentus, rogatus ab amico; quomodo viveret ac vale-
 ret? Ego, inquit, Principum ac Magnatum vitam
 vivo. Altero quærente, qualisnam ea esset? Edo, ait,
 bibo,*

bibo, & genio indulgeo; interim in omnium ære sum
 ac maneo. Sed, quod regulam sequitur proximè; Ex-
 cipe, Glareane, & tu mi Limpurgi; excipite Regem
 Hispaniæ; qui etiam edit, bibit, genio indulget, res
 gerit maximas; & interim, quantumcunque contra-
 bat æs alienum, semper domi auri millionibus ab-
 undat. Quomodo verò etiam, mi Limpurgi, viri-
 bus deficiat Hispania? Regis Hispaniarum uxor est
 Fortuna; quæ prodote attulit in mariti domum poten-
 tiæ perpetuitatem. Domus verò est Principis aula;
 quæ est illud punctum extra mundum, toties ab Archi-
 mede desideratum; ex quo Rex Philippus, novus Ar-
 chimedes Hispanicus, totum terrarum orbem facile
 movere, & hinc inde propellere potest. Et potentia ea
 est; quâ Philippus, quandoque lubet, plura regna,
 quàm Gallus provincias; plures classes, quàm iste na-
 ves; plures nationes, quàm iste civitates; plures bel-
 li imperatores, quàm iste duces; & plures centuriones,
 quàm iste gregarios milites, armare & in aciem pro-
 ducere potest. Dolet quidem Gallis, quando vident il-
 lud magnum titulorum agmen, summi & amplissimi
 Hispanici Imperii insigne: Don Phelippe por la gra-
 cia de Dios, Rey de Castilla, de Leon, de Aragon, de
 las dos Sicilias, de Jerusalem, de Portugal, de Na-
 varra, & quæ longo tractu sequuntur: quamvis Fran-
 ciscus I. Gallie Rex ex eo in Imperatorem Carolum
 V. joci argumentum sumpsisse videatur; cum in
 quibusdam provocationis tabulis ita, sed non sine
 invidia

Le Cavalier de
 Savoye.

invidia morsu, præscriberet; François par la grace de Dieu Roy de Gentilly: sed ea hodie Hispanica virtutis majestas est, ut ex novorum titulorum accessione hostes mox & invidendi & jocandi copiam sint uberius habituri. Totum enim imperium vernat, totum floret, perenniq̃ beatitudinis autumno totum lætatur: ejusq̃ felicitas mediam veluti aeris & infortunii regionem supergressa hinc inde fulminantes alibi turbarum tempestates, grandines seditionum, & fatuos dissidiorum ignes, spectat periculi expers & securus. Rex verò ipse, qui semper vigilat, & pro Repub. insomnes alit curas, veluti Jupiter

in alto fiede:

Onde senz' esser' visto, e ode, e vede.

Strabus quidam tam certâ oculorum perspicuitate olim usus est, ut pervideret CXXXV. millia passuum, atq̃ in Punico bello à Lilybaeo Siciliae promontorio classem è portu Carthaginensi solventem cernens, & navium numerum & velorum seriem dinumeraret: ita magnus ille Philippus, patris Philippi, & avi Caroli æmulus, è prudentiæ suæ Pyrenæis providentiæ lumen in omnes Europæ regiones circumferens, videt omnium Principum consilia & molitiones; & quicquid Romæ, quicquid Viennæ, quicquid Pragæ, quicquid Londini, quicquid Lutetiæ, etiam in ipsis Luparæ arcis penetralibus agitur, quasi præsens intuetur. Quomodo autem Hispania DEUM & bonam mentem abjecerit, Limpurgi? An quia multi inter Hispanos ætheoi sunt, & vitiosi?

Plin. nat. histor.
lib. 7. cap. 21.
Valer. Maxim.
lib. 1. c. ult. Strabo
lib. 6. Tho.
Fazellus de rebus
Sicul. prior.
decad. lib. 7.
cap. 1.

tiosi? Nimirum, quod Theologi hodie aliquando facere solent, ut, si fortè in Luthero, Bellarmino, Calvinio, Beza, aliquid offenderint oraculis divinis & morum sanctitati parum congruens; indefinitè Lutheranos, Papistas, Calvinianos, hallucinari & scribant, & de suggestu clament; et si alius nemo præter istos auctores eam rem cogitavit aut dixit: ita ut David Pareus in Schwalbacensibus acidulis non solum Martino Becano, illud Deum Calvinistarum esse autorem peccati ex ipsiusmet Calvinii verbis ac sententiis solidè probari posse, contendenti responderit, ut maximè illa Calvinii sententia sit, non tamen Calvinistarum esse; verum etiam Nicolai Serarii judicium, qui componenda litis facilem hanc rationem invenerat, si particula STARUM expungatur, laudaverit; & postea missa Moguntiam ad Becanum epistolâ Jesuitas officii monuerit, hoc carmine,

Vos quoque promissi memores, delete liturâ ingenuâ STARUM, impegistis quod malè nostris: sic verò & tu, mi Limpurgi, Hispanos ob quorundam & paucorum peccata, imprudenter omnes reos facis. Non in Academiam Salamanticam, non in Aulam Vallisoletum te voco; ut illic à Doctoribus, isthic à Regiis Consiliariis, validis rationibus convincaris: sed duco te ad milites, genus hominum maximè in licentiam proclive; & videsis mihi Petri Henriquez Fontium Comitum edictum castrense; quo in militem nefarias de DEO ac Dei matre semper Virgine, aut Sanctis, voces

Iii proferen-

M. Becan. Theol. Scholasticæ
p. 1. c. 16. qu. 1.
concl. Calv. 4.
p. 182. Adam.
Contzen in
Idolo Calvinist.
in pr. p. 213.

Joan. Bochius
in Historica
narratione in-
augurationis
Alberti & Isabellæ
Archiducum.

proferentem, locis aut hominibus sacris injuriam inferentem, matronas virginesque vitiantem, scortum in castra secum adducentem, captos deditosque contra pacta trucidantem, socios deprædantem, privatas injurias monomachia vindicantem, capitis pœnam statuit. An hoc edictum sine DEO & bona mente à Fontano conditum fuisse putas? Quin sequere adhuc paulisper, & centurionis, lupanar in castissimis ædibus petulanter quærentis, memorabilem cognosce virtutem. Ille juxta Insulas, quæ potens & populosa Belgii civitas est, in caufidici cujusdam domo exceptus, hospitis filia admodum formosæ vim in arcano parabat: sed ea inter luctandum pugione correpto ipsum in lumbos aggressoris tam violento ictu adegit, ut hoste strato pudicitiam fortiter defenderit. Saucius Hispanus, & morti ex vulnere proximus, cum crimen sacerdoti confessus esset, factique ultra modum pœnitentiâ duceretur; juvenculam ubique vestigatam coram sibi jussit, his verbis eam affatus: Morituro mihi expetendum fuerat, ut injuria tibi à me illata à te mihi remitteretur: sed ad expiandam culpam haut satis confessio ac veniæ petitio visa est, nisi scelus intentatum decorâ satisfactione eluerem. Igitur metibi virum addico: & quoniam crimine meo & virtute tuâ effectum est, ut me frui non possis: habere nomen uxoris, titulos, insignia; & bonorum meorum hæres esto: ut qui te conatu violatam meminerint, sciant te conjugium tentatæ virginitatis, quam tam strenuè defendisti, honestissimum

Thuan. hist.
lib. 66. Em.
Metoran Hist.
Belg. lib. 8.

mum præmium retulisse. Quibus dictis, & sacerdote verba præeunte, cum patre consentiente matrimonio contractum esset, Hispanus statim exspiravit; ambiguo relicto, uter generosius, hic culpam emendasset, an illa pudori consulisset. Quod hoc consilio tantum commemoro; ut omnes intelligant; Hispanos, etiam quando sunt consceleratissimi, subinde tamen honesti ducatum revereri.

Verum tibi, Baro Georgi Friderice, non erat satis, Hispanos omnis impietatis, vitii, & impotentia arguisse: nisi quoque simul inventi novi Orbis laudem illis adimeres. Quis autem contradixerit, Americam ante Americi Vespucii, Christophori Columbi, & aliorum adventum, olim non patuisse? Certè homines ibi ut fungi & boleti è terra enati non sunt. Sed cum illa per tot seculorum periodos ex nostri Orbis hominum memoria aufugerit, ut etiam Lactantius, Augustinus, Nazianzenus, eos, qui Antipodes credebant, irriserint: cur eam gloriâ negemus Hispanis, qui Indias illas tanquam res deperditas feliciter reperrunt? Seneca Tragicus poeta fuit propheta: cum de popularibus suis ante mille ac quingentos annos ita prædiceret:

Venient annis
secula seris, quibus Oceanus
vincularum laxet, & ingens
pateat tellus, Tiphysque novos
detegat orbes; nec sit terris
ultima Thule.

Iii 2

Neque

Jose Acosta Hist.
natur. Ind. lib. 1.
cap. 7. & 8.

J. Ann. Seneca in Medea.

J. Acosta Hist.
N. Ind. l. 1. c. 14.
C. Waser de an-
tiq. num. Hebr.
l. 1. c. 17. B. Ke-
ckerman. pro-
blem. naut. 9.

Genes. cap. 10.
v. 29.
Joi. l. 1. Antiq.
c. 7.

lib. 8. Antiq. c. 2.
Ch. Adrichom.
in Theat. terræ
S. Jo. Gorop. l.
9. Hispanic.

M. Marinus in
Arca Noë.

Vvaser. d. l. c. 9.
Acosta d. l. c. 13.

Jo. Mariana de
reb. Hispan. lib.
26. c. 20.

Neque statim tibi adsentior in iis, quæ de Ophir & Tharsis, Idumæa, Asiongaber, mari Suph, Parvaim & Peru, ingenti nisu ex sacro codice protulisti. Nam ut brevitatis amore præteream, nec explicem, varias esse Ophir & Tharsis significationes, adeoque regionem Ophir denominatam esse ab OPHIR Jectanis filio, cujus mentionem facit Moses, & quem in Oriente sedem constituisse Josephus testatur: ut sileam quoque, duplicem esse Idumæam, superiorem & inferiorem; nec non eundem Josephum patriæ antiquitatis studiosissimum, quem veneranda Patrum & sanctorum interpretum autoritas tuetur, Asiongaber ad mare Erythræum locasse: ut taceam, ubique in lingua sancta Jam Suph mare Erythræum denotare: ut item transiliam, Parvaim & Peru nomen incolis regionis Americæ tam notum fuisse, quam ipsimet Hispani ante adventum suum ibi fuerint: ut mittam insuper, non solum veri non esse simile, Salomonem relictis Indiis Orientalibus, auri feracissimis, naves suas in extremas illas Occidentales misisse, quod si factum fuisset, tantæ rei & expeditio- nis haud dubiè aliqua superesset hodie vestigia; verum etiam Peguensium, magni Indici Orientalis populi, traditionem à majoribus acceptam fidem maximè mereri, quæ gloriantur, se ab iis Judæis genus ducere, quos olim Salomon ad aurum Ophirium colligendum in eas regio- nes miscrit: ut denique nec hoc exequar, Hiramum ex Tyro naves suas terrestri itinere in Asiongaber mitte- re potuisse; quod equidem absurdum videri debet nemi- ni,

ni qui vel præsentia tempora contulerit, cum Cairi in Agypto quotannis aliquot triremes in navali ædifi- centur, quas in partes suas resolutas onerarii cameli in- de usque ad Heroum urbem sive Sues, & ad mare ru- brum, per vastum arenosumq. terræ tractum deportare solent: nihil, meâ sententiâ, nihilest, quod Ophir à Pe- ruvia magis discriminet; quam quod classem Salomoni- cam etiam ebora ex Ophir attulisse sacræ literæ te- stantur; cum sit certissimum, Americam nullum agnoscere elephantum. Quid verò jam consequitur, mi charissime? Hoc scilicet: Ergo Salomonis classis non attigit Occidentem: Ergo Asiongaber non est in mari mediterraneo: Ergo Ophir non est Peru: Ergo Hispanis sua constat laus & existimatio. Ergo illu- strissime Princeps, meritò pro Hispania sententiam fero.

Joh. Hefrich
in seiner Reiss-
ins. H. Land.

Vvaser. d. l. c. 17
Acosta d. l. c. 14.

P R I N C E P S

FRIDERICVS
ACHILLES, &c.

DIC TU

HENRICE ALBERTE, BARO
Limpurgi.

Iii 3 ORA-

HENRICI
ALBERTI,

LIMPURGI BARONIS, S. R. F.

pincernæ hæreditarii, & semper-liberi,

pro

HUNGARIA.

PUBLICE INGRATI SUMUS, ILLUSTRIS-
sime Princeps, dum in hoc prærogativa-
rum certamine memoriam gentis inter om-
nes Europæos fortissimæ, & per quam pax
salusque Christiani orbis hætenus stetit incontamina-
ta, tam turpiter hîc destituimus, & tantis meritis fune-
stissimâ oblivione parentamus. Sanctior debebat esse
benefactorum recordatio. At verò quemadmodum o-
lim Romana Respub. in optimos ac devotissimos sibi ci-
ves multoties peccavit. Camillus enim in exilium mis-
sus, Scipio dimissus est; exulavit & post Catilinam Ci-
cero, diruti ejus penates, bona direpta, factumque quic-
quid victor Catilina fecisset; Rutilius innocentiae præ-
tium tulit in Asia Smyrnæ latere; Catoni populus Ro-
manus præturam negavit, Vatinio mortalium ultimo
etiam illi antelato: sic fere ubique nunc Hungarorum
immortalia beneficia nigro ingratitudinis calculo nos
exputamus. Equidem si Hungaria ipsa commovere se
fundi-

Seneca lib. 5. de
Benefic. cap. 17.
Valerius lib. 5.
cap. 3.

funditus, atque huc venire jam posset; tota profecto co-
ram unâ voce profiteretur dolorem, ex hac sui præteri-
tione conceptum; & verbis effunderet adfectum, quem
rei indignitas excitavit: sed quoniam illud non potest,
(gestit animo) quod natura non patitur, clamoresque suos
hoc in loco exaudiri à te, Princeps, non sinit interjecta
tot regionum intercapedo: id quod fieri decebat, ego no-
bilissimæ provinciæ nuncium sponte suscepi, ut essem
non jam privati studii literarum, sed publicæ causæ ora-
tor. Verum uti in magna sylva boni venatoris est, feras
indagantem quàm plurimas capere, nec unquam culpæ
fuit, non omnes cepisse: sic nemo, spero, vitio mihi ver-
tet, si in tanta laudum Hungariæ copia, & tantulo tem-
poris intervallo, plurimas transilierim. Certè callidos
plerosque Italiæ caupones ac stabularios hîc imitari om-
nium minime habeo necesse; qui simul atque peregre ad-
venientem aliquem conspexerint longè procurrunt ob-
viam, salutant benigne, hospitioque suo ambiciosè laudato
miris blanditiis invitant, deducunt alicres usque ad am-
plum & bene pictam januam: postquam autem ingres-
sus fueris, et illi ad alios hospites captandos revolârint,
nihil reperias culinâ frigidius, nihil stabulo inanius.

Et ubi primum in laudum sylvam ingrediar? Ec-
quod Hungariæ decus indicabo primum? An dele-
ctat aliquem inestimabilis omnium opum thesaurus?
At nullibi jucundior & plenior bonorum, etiam ipsâ
naturâ summo conatu voluptatibus humanis ancil-
lante, est messis, quàm in ipsa Hungaria. Mira ibi
est

Joan. Passerat-
us Præfat. in
Cicer. orat. pro
L. Manil. & ad-
de Guil. Bar-
claium libr. 1.
cont Monar-
chomach. p. 26.

Vide L. Tuber-
onem in Com-
ment. de tem-
poribus suis.
A. Bonfinium
de reb. Hungar.
J. Sambucum in
appendice. rer.
Hungar. Busbeq.
Turc. Epist. I.
I. Cuspinianum
in orat. de bello
fufcip. cont.
Turc. G. Ens
rer. Hungar. lib.
I.

Thob. Coberus
in observ. Ca-
strensis.

Galeotus Mar-
tius de dict. &
fact. Marth. c. 6.
Georg. Wernh.
de admirand.
Hung. aquis. T.
Coberus in ob-
serv. Castrenf.

est locorum amœnitas, mira aëris clementia, mira so-
li fecunditas. Agri ea est fertilitas, ut frumentum nul-
libi crescat laudatius & copiosius: vinetorum ea est ex-
cellentia, ut nullibi vinum nascatur fortius: pratorum
ea est luxuria, ut ob graminis altitudinem præceden-
tem currum saepe posterior non videat, ac proinde nul-
libi gregum armentorumque sit fructus uberior: mercato-
ribus inde singulis annis tot & tot præpinguium bouum
millia ad vicinarum & disitarum nationum culinam
agentibus: (et ajunt, Viennam quotannis circiter octo-
ginta millia agi.) nemorum & saltuum ea est felicitas,
ut præter ferarum omne genus venationes, (quæ curvis
licitæ sunt, sic, ut lepores, phasiani, perdices, quæque apud
nos in deliciis habentur, rusticorum etiam ac plebejo-
rum hominum familiaris sit cibus) nullibi sit salubrium
fruticum, plantarum, herbarum; castanearum item,
prunorum, glandium proventus utilior: ea quoque flu-
minum est præstantia, ut nulla sint in tota Europa ma-
jora, nulla ad aquationem & com meatus rerumque omni-
um subvectionem commodiora, nulla piscosa magis; ut
de Tibisco fama sit apud accolas, duas illius fluvii par-
tes esse aquas, tertiam verò pisces; & Vvernherus scri-
ptum reliquerit, mille carpiones, Tibisco extractos,
unico aurco Hungarico veniisse. Quid de metallorum
divitiis dicam? Ultra abundantiam, alibi non sic in-
veniendam, argentum ibi est purissimum; aurumque per-
fectissimum. Et quidem in Dalmatia, quæ imperii
Hungarici portio est non ignobilis, utrum una fodina
Princi-

Principatu Neronis singulis diebus quinquagenas au-
ri libras fuderit, an plures, Plinius non explicat.
Transylvania quoque amnes auri ramenta plerum-
que sesquibralia trahere, Antonius Bonfinius tradit.
Ut propterea difficile creditu non sit, avorum ætate
Sigismundum Chanzarem, Quinqueecclesiarum
Episcopum, adeo pecuniis fuisse locupletem, ut justum
exercitum suo sumptu alere potuerit. Hinc etiam Al-
bertus Polonus, cum regnum Hungariæ contra fra-
trem Vladislaum sibi vindicare satageret; à regionis
præsertim bonitate & opibus incredibilibus animos
militum accendere & confirmare voluit, cum diceret;
Hanc esse illam regionem, quam mediam Danubius
tot fluviorum confluxu incolis per commodus inter-
fecet, & quæ universi penè orbis felicitatem comple-
ctatur; esse illam optimorum feracissimam fructuum,
vinctis speciosissimam, equis & cæteris pecoribus af-
fatim abundantem; auri atque argenti multorumque
præterea metallorum ditissimam; omnibus denique
rebus, quæ non modò ad vitæ usum spectant, sed & lu-
xum possint ministrare, instructissimam. Verum enim-
verò omnia illa splendidissima naturæ atque fortunæ
munera minimè ad communem hominum opinionem me-
titur Hungaria: ad usum & necessitatem flectit illa;
ad Lydium Virtutis lapidem examinat; & quicquid ul-
tra est, dedignatur. Altum quiddam est Virtus, excel-
sum, regale, invictum, infatigabile: Voluptas humile,
servile, imbecillum, caducum; cujus statio ac domici-

Georg. Agrico-
la de vet. &
nov. metallis
lib. I.

Lud. Tuber-
onem. lib.

Seneca de vita
Beata. cap. 7.

Kkk lium

lium fornices & popinae sunt. Virtutem in templo invenimus, in foro, in curia, pro muris stantem, pulverulentam, coloratam, callosas habentem manus: Voluptatem latitantem saepius, ac tenebras captantem; circa balnea ac sudatoria, ac loca Aedilem metuentia; mollem, enervem, mero atque unguento madentem, pallidam, fucatam, & medicamentis pollutam. Sed quocunque Virtus abit, semper Pannonia, ut vetus nomen est, semper Hungaria, ut novum nomen est, ita comes; tantis meritorum cumulis beata; ut olim (uti & nunc) non solum Ecclesiae Christianae gravissimos doctores, & inter illos longe eminentissimos, B. Martinum Tironensem Episcopum, virum planè Apostolis conferendum; & D. Hieronymum, propter sanctitatis & doctrinae magnitudinem inter Confessores & Magistros Ecclesiae relatum; & nuper Andream Dudithium, qui, relicto Papatu, Episcopatu, simulque summis honoribus, divitiis, & sublimi Aulicae vitae valedixerat, ut ab omni strepitu et ambitione alienus, sacris studiis in tranquillo unice vacare posset, gloriose dederit; verum etiam praclarissima ingenia scientiis literisque instaurandis & exornandis nata bono publico felicissime eduxerit. Quod si aliorum exemplo per illustrium doctrinam Hungarorum nomina eundum hic esset, fortè catalogus non minus foret prolixus, quam fuit Germanorum, Gallorum, vel Hispanorum. Quin producerem literatos, qui vel in privata fortuna penè Principum gloriam in re literaria amplificanda superarunt. Equidem Joannes Sambu-

Aedilib. cura
popinarum, for-
nicum, & co-
rum, qua ad li-
bides specta-
bant, olim apud
Romanos com-
missa est. Just.
Lips. comment.
ad Tacit. lib. 2.
Annal. n. 170.

Sulpicius Seve-
rus Sac. Histor.
lib. 2. circa fin.

C. Sigonius de
occident. Imp.
lib. 11.
Quirin. Reuter.
in vita A. Du-
dithii.

Sambucus, Tirnaviensis, professione Medicus, eam in veteribus libris colligendis diligentiam adhibuit, eam liberalitatem in publicandis declaravit, ut Magnatibus, qui hac re laudem consecuti sunt, debeat aequari: quod Nonnus Dionysiacorum scriptor, Aristanetus, Eupapius, Hesychius Illustrius, & alii ejus beneficio editi abundè testantur. Verum nos hoc loco virtutes Hungarorum magis excelsas et heroicas, magisque armatos quam togatos imus spectatum. Et quidni primo loco spectemus octo Imperatores, quos magnos & augustos terrarum orbi felici fidere peperit Hungaria? Imp. Decium laudat antiquitas; quod in eo virtutes cum aetate creverint; quod non ambitione, non emptis suffragiis, non corruptis amicitiiis, sed bonis moribus ad amplissimas dignitates pervenerit: cujus vita sanctissimis institutis nunquam adversa optimi Principis cognomentum Senatus judicio rectè meruisset; nisi pagana superstitione impulsus Christianam religionem tot cruentis persecutionibus contaminasset. Sed heros ille Decius fuit Pannonius. Imp. Aurelianus, & ipsum Christianorum inimicum, concelebrat historia; quod Romanum orbem triennio ab invasoribus receptarit, terminos imperii auxerit; rebus gestis magnis Principibus non modò aequandus, verum etiam antefereendus. staturus is procerus & nervis fuit validissimis; adeoque manu sua in bello Sarmatico una die XLVIII interfecit; plurimis autem et diversis diebus ultra non-gentos & quinquaginta; ut hac de causa pueri etiam cantilenas componentes, ad numeros diebus festis

Thuan. Histor.
lib. 80.

Pompon. Læ-
tus. Egnatius.

Sext. Aurelius
Victor.

Pomponius
Lætus.

Flavius Vopiscus.

Pomponius I. ætus. Egna-
tius.

C. Sigonius de
Occident. Imp.
lib. 1.

C. Sigonius de
Occid. Imp. lib.
7.

militariter saltitarent: mille, mille, mille, mille, mille, mille decollavimus: unus homo mille, mille, mille, mille decollavimus. mille, mille, mille vivat, qui mille, mille occidit. Et verò Aurelianus quoque fuit Pannonius. At Imp. Probum nemo improbaverit, nisi qui ipsam probitatem. is genitus patre agresti, hortorum studioso, ita se & in toga & in militia gessit, ut res ipsa nomen sequeretur, & non illi fuisset Probi nomen, nomine hoc appellari potuerit. Sarmatas contudit, tyrannos extinxit, Orbem pacavit, judicia bonorum de se admirabili virtute confirmavit; pace terrâ marique partâ dicere solitus, Milites minimè necessarios fore, cum defunt hostes. Atqui & Probus Pannonius est. Pannonius etiam est Imp. Diocletianus, qui novâ virtute primus Imperium & communicavit, & posuit; omnibus major futurus, si decimam persecutionem intermisisset. Etenim novem ante hunc Imperatores religionis Christianæ labefactandæ gratiâ vexationes acerbissimas exercuerant; Nero, Domitianus, Trajanus, Marcus, Severus, Maximus, Decius, Valerianus, & Aurelianus: quibus Diocletianus quasi decimæ palmæ avidus socium se adjunxit. Pannonius fuit & Jovianus Augustus: quo imperium favore militari delatum abnuente, quod se gentilibus nolle imperare diceret, milites se Christianos esse clamaverunt. Pannonii sunt Valentinianus, & hujus frater Valens, atque filius Gratianus, Imperatores; sed qui plura fortiter gesserunt,

quàm

Ovid. Metamorph. lib. 13.

quàm quæ comprehendere dictis
in promptu mihi sit.

Cum autem omnes illi æternæ & melioris famæ Pannonii Principes, quantumvis Hungariæ incolæ & cives, non tamen Hungarici sanguinis fuerint: Hungari enim posterius demum post Pannonos, Vandalos, Gothos, Hunos, Ostrogothos, & Longobardos, Pannoniam incoluerunt, & ipsam Pannoniam dixerunt Hungariam: jam ipsos Hungaros accedam, & ad meritum modum laudationem meam attemperabo; colorum fucis ad alios veræ gloriæ aut pauperes aut decoctores populos reiectis. Hungarorum namque virtus in edito stat admirabilis, non exurgit in plantas, nec summis ambulat digitis, eorum more, qui mendacio statueram adjuvant, longioresque quàm sunt videri volunt. Quinetiam ut Timanthes Cyclopi dormientis magnitudinem in parvula tabella exprimere cupiens, pinxit iuxta Satyros thyrsos pollicem ejus metientes: eadem ego ratione arctioribus temporis spatiis conclusus, quàm ut amplitudinem majestatis Hungariæ explicare possim, tantum exiles lineas ducam. Quamobrem animus non est Attilæ fulguris instar circumlatum per omnem Europam imperium huc arcessere; non etiam illorum temporum victorias exequi, quibus Hungari Italiam et Græciam sæpius stipendiariam fecerunt; Galliam incendiis, vastationibus, & excidiis afflixerunt; Germaniam multis populationibus, direptionibus, & cladibus concussam ad tributum pendendum, necessitate & æ-

Plin. hist. natur.
lib. 35. cap. 10.

Elías Bergerus
in Trinubio
Europæo.

Kkk 3

rarii

M. Cruf. An-
nal. Suevic. par-
te 2. lib. 3. cap. 5.
& 6. item lib. 4.
cap. 2.

Aneas Silvius
in Epistol. ad
Archiepisc.
Strigon.

G. Ens Rer.
Hungar. lib. 2.

rarii penuriâ templorum & monasteriorum vasa atque vestes in hunc usum conferente, coegerunt: cum nullus tunc esset populus in orbe toto, qui Hungarorum arma laceßere auderet. Unde imperium illud hominibus & opibus potentissimum longè lateq; sic effloruit, ut à Constantinopoli marique Pontico usque ad Austriam, & à Polonia usque ad sinum Adriaticum protenderetur: in cuius ventre septem amplissima regna clauderantur, quæ ab Hungaria feudi vinculo dependebant: multis ex hac causa Hungariæ Principem non Regem tantum, sed ArchiRegem vocandum esse existimantibus. Sed quid dicam de Stephano sancto, qui præterquam quòd Christianæ religionis capita ita tenebat, ut vel ipsos mystagogos docere posset, nihil unquam aggrediebatur, quin præcipua aliqua divini numinis observantia in omnibus ejus dictis & factis eluceret, sanctè persuasus, si vellat unguem à justitia et pietate deflexisset, continuo se cum regno ipso corrui-
turum? Quid de Andrea II. qui educatione libero-
rum felix, ex quibus Elisabetham Ludovico Thu-
ringiæ & Hassiæ Landgravio collocavit in matrimo-
nio, ob incredibilem vitæ sanctitatem divarum nume-
ro postmodò adscriptam, bello Syriaco gentis gloriam
novis decoribus mirificè illustravit? Quid de La-
dislao I. qui Cunis bis cæsis, Ruthenis domitis, vi-
ctis Polonis, dum extremam in Sarracenos cum aliis
Christianis Principibus parat expeditionem, in ipso
apparatu decessit, rerum gestarum magnitudine ma-
ximis

ximis regibus par, morum integritate & innocentia
vix ulli comparandus? Quid verò de Geyfis, de Belis,
de Emerico, de Carolis, de Ludovicis, quid de Si-
gismundo, de Alberto, de Uladislao & de multis a-
liis summâ pietate & virtute nobilissimis Regibus di-
cam? Quibus præconiis Matthiæ I. illustrissima fa-
cinora enarrabo? O quantus heros Matthias ille!
ille Orientis & Occidentis terror! ille victoriosi Hun-
niadis filius! qui tam profundi consilii ac peritiæ in
Republ. temperanda rebusque gerendis fuerat; ut
nunquam ferme quicquam inceperit, quantumcunque
id fuerit arduum, quin ei ex voto cesserit: qui tam
providenti ingenii dexteritate animos militum per-
tractare noverat, ut nonnunquam illi operam nullo sti-
pendio, sed solâ victoriæ spe præstiterint. Imp. Ma-
ximilianus I. cum Albam Regalem occupasset, trium-
fantis specie urbem ingressus statim Deiparæ virginis
ædem, divi Stephani Regis sepulchrum invisurus, pe-
tit: ubi fortè conspectis Matthiæ Corvini insignibus, su-
pratumulumejus de more parietis recens affixis, una cum
hac inscriptione: Marmore hoc Matthias Corvinus si-
tus est: quem facta DEUM ostendunt, fata fuisse homi-
nem: flevisse fertur. Tanti aestimabat Maximilianus
Matthiam. Et quem non extra serapiat tantæ virtutis
& humanæ majoris aestimatio? Matthias enim fere uno
tempore, unus omnium arma sustinuit; Boemiam sube-
git, vicit Valachos, afflixit Polonos, Hungariam rebel-
lem domuit, Austriam in suam potestatem redegit, ad
Oceanum

Lud. Tubero
Comment. lib.

L. Tubero
Comment. lib.

G. Ens rer.
Hungar. lib. 4.

Oceanum usq; & mare Adriaticum regni terminos protulit, Hydruntum obsidione liberavit, innumerabiles deniq; Turcorum copias dissipavit atq; concidit, audaciâ & præaltis Sultanorum spiritibus ita compressis, ut Mahometes ille Constantinopoleos expugnator, omnium propè gentium victor, (equidem duobus & triginta annis duo magna Imperia is evertit, duodecim regna acquisivit, & ducentas urbes vi cepit) successorq; ejus filius Bajazetes, æquissimis legibus pacem petierint; isto Mahomete Sultano insuper, cum is aliâs omnibus se regibus, qui essent, aut unquam fuissent, belli gloriâ anteponeret, hunc invictum Matthiam, quem itrenui Principis nomine dignabatur, semper ex-cipiente. Sermo meus fere prolixior est, Auditores, quàm ille victoriarum cursus fuit. Vix enim maximus ille novus Alexander militem legerat; jamq; locum belli tenebat: vix hostem invenerat; & jam urgebat: vix pectora viderat; jam terga cadebat. In primis tamen memorandum ego hîc puto, quòd Matthias felicissimo conjugio armis literas permiscuit: quarum studiis, quicquid à cæteris Reip. negotiis supererat temporis, impendebat: inter cœnandum vel prandendum, vel liber legebatur, vel doctorum sermones variis de rebus audiebantur. Quæ res hodie apud alias gentes tantum habet novitatis, ut nisi frequenter isset in literas, fides facti jam laboratura esset. Negabat ille Regem aut Ducem absolutæ virtutis & gloriæ famam adipisci posse, nisi literarum præsidio munitus omnis ætatis insti-
tuta

Renat. de Lu-
singa de inclin.
imp. lib. 3. cap. 3.

Paul. Jovius
Elog. lib. 3. in
Matthia.

Cuspinianus in
Mahomete II.
& in Bajaze-
tho II.

tuta militiæ, ipsaq; antiquorum strategemata ex histo-
riis percalleret. Regia illius Budæ veræ virtutis do-
micium, perpetuq; splendoris hospitale diversorium
cunctis gentibus patebat: cum vincere hostes, & scri-
benda facere, & virtutem liberaliter exornare, Re-
giæ fortunæ proprium munus esse duceret. Et quæ-
nam toto orbe terrarum extra Hungariam auri argen-
tiq; metalla tam larga sunt; quis Tagus, quisve Pacto-
lus tanto fluxerunt auro; quantum liberalitas Mat-
thiæ in togæ & sagi proceres distribuit? Hinc tan-
tam incomparabilium heroum copiam felicissima pro-
tulit illa ætas, ut eam nec Trojanus equus capere po-
tuerit: ex quibus Emericus Scepusiensis Comes Ulys-
sem, Stephanus frater Agamemnonem, Paulus Cini-
sius Ajacem, Nicolaus Cypor Diomedem, Michael
Palatinus Nestorem, Blasius Magerus (eo fuit hic
robore, ut vas vinarium vix currui ferendum solus hu-
mo tollere, & armatum hominem dentibus surreptum
inter militares choreas saltando armatus circumferre
potuerit) Magerus, inquam, Herculem, & Rex Mat-
thias Achillem omni ex parte referebant. In hac
virtutis & præcipuè militaris disciplinæ Academia
tota Hungarorum natio per omnes gradus & ordines
progressa supremos honores consecuta est; & adhuc-
dum bono rei Christianæ publico quotidie laurus trium-
phales perpetuis victoriarum accessionibus auget &
multiplicat. Nemo verò satis unquam expenderit,
nemo satis ponderaverit propriam hanc Hungarorum
præro-

Ant. Bonfinius
rer. Hungar. de-
cad. 4. lib. 2.

Auger. Busbe-
quius Legat.
Turc. Epist. 3.

Discorso sopra
la guerra d'
Ungheria.

Iud. Tubero
Comment. lib.
6. & 7.

A. C. 1552.
Thuan. hist.
lib. 10.

prærogativam: nisi in examen simul hæreditarii hostis, Turcæ, potentiam devocaverit; à quo sanè stant immensæ imperii opes, vires integræ, armorum usus & exercitatio, miles veteranus, victoriarum assiduitas, vigilantia; cum apud plerosque alios populos spectentur publicæ egestas, privatus luxus, deminutæ vires, infracti animi, laboris & armorum insolentia, contumaces milites, duces avari, disciplinæ contemptus, licentia, temeritas, ebrietas, crapula; quodq; est pessimum, sape vinci: ita ut vani non sint, qui ex immani hoc morum utrinque discrimine arbitrantur, majoris molis opus esse Turcis eripere casam aliquam rusticam, quàm Regi Galliarum Caletum aut Bajonam. At Hungari soli fere cum Turcis pugnare, soli illos vincere sciunt: soli fere ab illis, contemptoribus licet omnium populorum, magnifunt, & inter viros recensentur. Quin & fœminas Hungaras novo privilegio inter viros jam recensere licet. Cum enim Mahometus Bassa Agriam superiori ætate obsideret, & præfidiarii deditionem facere per tubicinem iussu pro responso feretrum in muri pinnis erigerent, sepulchrum deditioni anteferentes: ille aliquoties fortiter cum magna jactura suorum repulsus, tandem ab omni parte oppidum scalis admotis oppugnari imperat. Sed geminato impetu, geminari quoq; visa est obsessorum virtus; in eoq; longè crudelissimo certamine fœminarum fortitudo enituit: quarum una inter alias, quæ coram matre & marito depugnabat, cum occiso marito à parente

rente moneretur, ut corpus tolleret, & sepulturæ mandaret: Non hoc, inquit illa, ô mater, Deus sinat, ut vir inultus terrâ condatur; pugnam hoc tempus, non exequias sibi poscit: arreptoq; demortui ense & clypeo in medios hosteis irruit, nec prius à pugna destitit, quàm III Turcis, qui in murum enitebantur, manu propriâ interfectis animo ultione ardenti satisfacit, & viri manibus parentavit; demumq; sublatum in sinum cadaver ipsa in templum intulit, & honorificè tumulandum curavit. Cum verò primaria quædam matrona prægrande saxum capiti impositum gestans ad ruinam properaret, tormenti ictu capite truncata est, saxo in terram prolapsa; quod mox filia, quæ matrem sequebatur, nullo dolori ac lacrymis tempore dato, in caput tollit, & ut materno adhuc cruore fluebat, in confertam Turcorum murum subeuntium multitudinem projecit, duosq; ex iis elisit, multis insuper vulneratis, Quo facto victrix ceteras suo exemplo ad fortiter capeffendam pugnam hortata tantum animi suis addidit, ut eruptione factâ hosteis repellerent, & duo tormenta clavis configerent. Et accidit, dum reliquæ fœminæ propè murum ad impetum propulsandum starent, ut una ex iis tormento transverberaretur, cerebroq; illius in ora sociarum effuso non solum non moverentur illæ, sed eò acrius certamen redintegrarent, magnâ Turcarum strage editâ. Quâ tandem constantiâ Mahometus territus obsidionem inglorius solvit. Dimissis tamen heroidibus illis, quæ patriæ salutem propriæ salutis impendio &

A. Bonfin. rer.
Hungar. dec. 3.
lib. 10.

A. Chr. 1530.

P. Jovius histor.
lib. 30. M. Soi-
terus de bello
Pannonico. H.
Megif. Chron.
Carinth. lib. 11.
cap. 24.

A. Chr. 1566.
Thuan. histor.
lib. 39.

arctissimis sanguinis vinculis summâ ratione præfere-
bant; virorum virtutem, Turcis exitialem, amplius con-
templabimur. Quàm verò illud est animi pro Republ.
devoti, & cuncta pericula contemnenti; quòd Hunga-
rus quidam in Fayzæ obsidione Turcam imperatoria
signa turri imponere contendente statim corripuerit,
& unâ cum eo se præcipitem ex alto dederit? O gene-
rosam & immortale præcipitium! Dignosci arduum
est, utrum Jayza utiliùs habuerit hunc novum Curti-
um Romanum, an amiserit: quoniam vitæ ejus, ne vin-
ceretur Fayza, obstitit; mors fecit, ut vinceret. Sed me-
ritò objecerim Fayzensibus libertatem suam magno ste-
tisse. Et quàm istud est obstinata præsentia, ubi vel
animosissimus aliàs desperare poterat; quòd Nicolaus
Jurischizius Gunzium, oppidulum tenue, & nullâ re
nisi hostium ignominia clarum, contra Solimanni vires,
quæ quingenta hominum millia tunc conficiebant,
strenuè & immortalis cum nominis gloria defenderit?
Non extinctus est quidem Jurischizius pro patria;
sed admirabili virtute, ne patria extingueretur, provi-
dit; & velut alter Scipio Africanus non tantum pieta-
tem ipse plenissimam exhibuit patriæ, sed etiam expe-
ditoribus aliorum abeuntem revocavit. Quàm autem
hoc est singulare perfectæ & prorsus divinæ virtutis
specimen; quòd Nicolaus Serinius Sigethi obsidionem
ingenti animo tamdiu toleraverit, & ad extremum in-
de incendio à tergo omnia depascente, hinc fame, siti,
omnium rerum inopiâ & miserabili tot mulierum &
infan-

infantium ejulatu pressus, pro Principe & patria in-
ter confertissimos hostes generosissimè pugnando vitam
amiserit? Quoties, illustrissimi & humanissimi audi-
tores, quoties hoc insigne facinus mecum reputo, toties
in me summæ lætitiæ cum dolore pari sentio acre duel-
lum; cum non solum hominis, salutem suam pro totius
Christianæ Reip. salute tantâ promptitudine profun-
denti jacturam animi deplorem; sed etiam admira-
bilem constantiam illius, securitatem mortis in ipsa mor-
te præseferentis, magnâ cum voluptate exosculer. Jam
amenim Serinius ille omni alio destitutus auxilio ulti-
ma experturus, pretiosa vestimenta sua promi jubet,
eâq; pro lorica induit; galeæ item loco galerum sumit ex
villosa serico, palâ, in quamagni pretii adamas inclusus
erat; & ex qua pennarum ardeatarum fasciculus
cristæ instar assurgebat, insigni; gladios præterea IV ex
armamentario produci imperat, quorum unius acie ten-
tatâ eum sibi deligit, alios inter amicos distribuit; hæc
arma sufficere ei dictitans, qui expeditiùs pugnare,
quàm diutiùs cum morte certa luctari mallet: tum cla-
ves à cubiculario allatas in tunicam interiorem insui
mandat, & unâ centum aureos, ejus, qui se interfecto
potitus esset, præmium. & ita ducibus ac militibus om-
nibus in aciem instructis; & masculâ oratione confir-
matis, post nomen JESUS ter in clamaturn portis ar-
cis apertis stricto gladio cum exigua parma ante suos
intrepidè exit, atque sanguinem suum in multo hosti-
um cruore sepelit. O incomparabilem constantiam!

LII 3 O illu-

O illustrem etiam in ipsa morte de hostibus triumphum! Capi Serinia virtus nescit, patientia dedecus ignorat: fortunæ succumbere, tristius omni fato ducit: nova & speciosa genera interitus excogitat; si quisquam interit, qui sic extinguitur. Miramur animalia quædam, quæ per medios ignes sine noxa corporum transeunt: quantò Serinius noster mirabilior vir, qui per ferrum, per ruinas, per ignes, & per ipsam mortem illæsus & indemnis, imò se ipso major & illustrior evasit? Calamitas virtutis est occasio: adeoq; terrores mortalium sub jugum mittere, proprium magni viri est. Illos autem meritò quis dixerit miseros, qui nimiam felicitate torpescunt, qui sine morfu animi transeunt vitam, & rerum naturæ ignorant alteram partem; quos velut in mari lento tranquillitas iners detinet: quicquid illis inciderit, novum veniet; cum magis urgeant sæva in expertos, & grave sit tenere cervici jugum. Ignominiam judicat gladiator cum inferiore componi; & scit eum sine gloria vinci, qui sine periculo vincitur. Idem facit fortuna: fortissimos sibi pares quærit; quosdam fastidio præterit; contumacissimum quemq; & rectissimum aggreditur, adversus quem vim suam intendat. Ignem experitur in Mutio, paupertatem in Fabritio, exilium in Rutilio, tormenta in Regulo, venenum in Socrate, mortem in Catone; et illa omnia, ac multò acerbiora in Hungaris. Quemadmodum igitur tot amnes, tantum supernè dejectorum imbrium, tanta medicorum vis fontium, non mutant saporem maris, nec remittunt quidem:

Seneca Epist. 9.

Seneca de providentia cap. 4.

Cap. 3.

Cap. 2.

dem: ita adversarum impetus rerum, nec Serinii, nec Jurischizii, nec Georgii Thurii, nec Nadaſti, nec tot innumerabilium fortium Hungarorum, vertit animum: manent illi in statu; & quicquid evenit, in suum colorem trahunt. Si ex animi sententia, Auditores, veritatem dicere volumus: una & unica Hungaria murus & antemurale est tutissimum Christianæ nostræ religionis: adversus eam ducentissimum jam annum Turcorum signa fremunt, & adhuc circa Savum ac Danubium hærent; quibus tamen illa victa (quod nunquam permiserit DEUS) nihil erit invium, nihil insuperabile orbis Imperium quærentibus; non Germanorum fortitudo, non Italarum vigor, non impetus Gallorum, non Britannorum vehementia, non circumspectio Hispanorum, non Sarmatarum insultus, non montium asperitas, non altitudo fluminum, iter impediunt. Et nisi impediunt Hungari, jam Achmetes est ad portas: adest suis & majorum rebus gestis formidolosus; trahitq; secum, quicquid est gentium à finibus Persarum: multorum regnorum opibus instructum, ducit exercitum; & ex tribus Orbis partibus nulla est, quæ non suam partem ad Christianorum exitium conferat. Quod itaq; horrendam illam barbarorum tyrannidem non patimur, quod durissimum intolerabilis servitutis jugum cervicibus non excipimus; eccui alii post DEUM, nisi fortissimis Hungaris debemus ferre acceptum? Et opietatem singularem! O ingentem atq; mirabilem ex pietatis radicibus pullulantem charitatem! Ut alia

Vide Pii 2. P. R. Orat. Suaſor. pro bello Turc. inferendo, habitam in conventu Mantuano.

Auger. Busbequius Legat. Turc. Epist. 4.

Andr. Dudichi-
us in Orat. i. ha-
bita in Conci-
lio Tridentino.

aliae gentes gaudeant umbris, otioq; & summis pacis bonis perfruantur; ipsi Hungari saevissimam Asiae tyranni tempestatem in sua admittunt latifundia; ipsi hostis omnium crudelissimi furori, quem etiam extra belli agonem solâ nominis mentione horrent alii, fortunas suas objiciunt; ipsi barbarorum tela in omnes Christiani orbis partes directâ, corporum suorum objectu repellunt. Ita Germani per Hungarorum arma ditescunt, Itali per Hungarorum funera vivunt, Galli per Hungarorum calamitates quiescunt, Hispani per Hungarorum jacturas crescunt, Britanni per Hungarorum labores gaudent, Sarmatae per Hungarorum molestias otiantur; & Christiani omnes per Hungarorum beneficia sunt in tuto. Ita velut DEI Opt. Max. hominumq; consensu & arbitrio Hungaria facta est clypeus & arx Christianitatis inexpugnabilis. Ita, illustissime Praeses, ipsa Hungaria & ipsi Hungari sunt Patroni & Dii tutelares totius Europae; digni vel hoc unico nomine, quorum majestatem omnes populi comiter conservent.

Hanc verò inusitatam Hungarorum virtutem cum Poloni minimè ignorarent; post fugam Henrici Galli & secutam exaugurationem, ex omnibus nationibus Hungarum in Regem sibi deligendum esse praevidentissimè censuerunt; & omnibus aliis candidatis praetulerunt Stephanum Batorium: qui injuriarum à Moschovitis Polonico imperio illatarum memor res statim suas repetitum venit, militibus Hungaris ad negotium

negotium id dextrè conficiendum usus. Summas fuerunt incommoda omnia, immensa itineris longitudo, silvarum densitas tanta, per quam via aperiri ferro vix poterat, paludes & torrentes transire difficiles, regiones ob vastitatem superatu incredibiles; ita ut hac expeditio contra Moschum cum longissimis & difficillimis omnium regum & aetatum expeditionibus jure ac meritò conferatur. Non Turcae in Persidem non Hispanorum ex ultimis Hispaniae oris in Germania inferioris provincias, non ula in Syriam quingentos ante annos Christianorum expeditio longior & difficilior fuerat: non deniq; Christianorum Regum & Principum alius sua contra Moschum arma longius protulerat; vastato Moschico agro à Boristhene Cernibovam usq; & à Duna fluvio Stariciam & Novogardiam ac Lohodemusq; lacum; CCC hominum praeterea absumptis, & ad XLCL in captivitatem abductis; quod solitudinem magnam in Lukensi, Savolocensi, Plescoviensi, & Novogardensi ditionibus secum traxit, juventute omni fere subleâ & adultioribus sine prole decedentibus; Moscho demum eas pacis leges pati coacto, ut portibus cunctis Baltici maris amissis, & à Boristhenis navigatione jamdudum à Turco, atq; ad id à miri fere omni, praeterquam importuosissimo, quale glaciale est, ac periculosissimo, in mariarum fere nationum Occidentalium & Australium commerciis exclusus, in interiorem Russiam tanquam injectis compedibus, quò minus liberè vagari queat, re-

Mmm

legatus

Laz. Soranz.
in Ottoman.
cap. 58.

C. Vvarsevicus
in Panegyrico
ad Steph. Pol.
Reg.

Thuan. Histor.
lib. 76 Reinold.
Heidenstemius
de bello Mos-
chovico lib. 5.

legatus videatur. Unde insigne maximè hoc ad Hungarorum gloriam additum est decus; quòd post tot ætatum horrenda & perpetua bella, etiamnum tot supersunt, ut in tam longinquis regionibus militare, & pro Reip. Polonica incolumitate à Danubio, à Tibisco, à Savo, à Dravo, à Marossa, in ultimas Aquilonis latebras armorum suorum vim terroremque extendere potuerint. Quo tempore Stephanus Rex Plescoviam obsidebat, in castra venit ab Amurate III Tartorum Sultano legatus, gravis ætate homo; qui antequam dimitteretur à Stephano, per exercitum Polonicum egregiè in aciem instructis ubique copiis traductus est. quæ omnia intentis & avidis oculis conspiciatus barbarus, & equitum ornatum, equorumque præstantiam, & universi exercitus speciem admiratus, Faceret Deus, inquit, ut isti Principes, Regem Stephanum, ac Imperatorem suum designans, conjuncti inter se animis essent, ne Orbis quidem terrarum viribus eorum par ad resistendum foret. Ceterum laudes Hungarorum, in hujus Stephani Batorii Polonia Regis elogio, veluti in speculo, simul exhibeo vobis, Auditores, cunctas: ille vero Bonifacii Vanotii verbis fuit,

in templo plus quàm Sacerdos:
in republica plus quàm Rex:
in sententia dicenda plus quàm Senator:
in judicio plus quàm Jurisconsultus:
in exercitu plus quàm Imperator:
in acie plus quàm Miles:

in

A. Chr. 1580.

Thuan. Histor.
Lib. 73.Petr. Andr. Canonherius in
Discurs. Polit.
ad Tacit.

in adversis perferendis injuriisque condonandis
plus quàm Vir:
in publica libertate tuenda plus quàm Civis:
in amicitia colenda plus quàm Amicus:
in convictu plus quàm Familiaris:
in venatione ferisque domandis plus quàm Leo:
in tota reliqua vita plus quàm Philosophus.

PRINCEPS

FRIDERICVS
ACHILLES, &c.

DICTU

PAUL EUBESVAL
DIE BARO.

Mmm 2 ORA.

PAVLI, EVBES- WALDIAE BA- RONIS,

pro
BRITANNIA.

SIQUIS IN HOC ILLUSTRIS CON-
fessu urbem aliquam laudaret insignem;
cujus solum circumcirca incredibili re-
rum omnium, quas necessitas & deliciae
postulant, proventu laetissimum incolarum omnium vo-
ta superet: cujus robur & invicta murorum, fossarum,
propugnaculorum, armorumque praestantia omnem vim
hostilem rejiciat: cujus magistratus ubique justitiam
administret ex aequo: cujus denique cives omni pie-
tatis, virtutum omnium, morum, scientiarum, artium
& elegantiarum omnium, & pulchritudinis laude flo-
reant supra mortales omnes: non opinor futurum
quemquam, qui non ejusmodi urbem videre gestiat,
eamque aliis omnibus longè anteferendam esse arbi-
tretur. Ego vero, illustrissime Princeps & Praeses,
jam tibi non urbem, sed magnum aliquod regnum,
imò aliquot magna regna, quae in unum maximum
regnum sub uno nomine & Rege uno maximo felicis-
sime

simè nuper coaluerunt, laudabo: cui propter dotes in-
comparabiles, nec alibi sic collectim inveniendas, non
tantum omnes illas regiones, quae hactenus exquisitis
laudibus ornatae sunt, sed & quasvis alias ab aliis for-
tè adhuc laudandas; audacter & verè postponere au-
sim: minimè ambigens, laudationem meam, & tuum
excelsum judicium, & plerorumque Collegarum as-
sensum, merituram.

Britanniam intelligo, & praecipuo meritissimè di-
gnor honore; insulam totius orbis longè celeberrimam
& maximam:

ἡ δὲ τῆς ἀλλοτρίης

ἡ δὲ τῆς ἀλλοτρίης

est omnes inter par insula nulla Britannis:

quae à circumvicinis regionibus commodo undiq; inter-
vallo disjuncta, gremioque passim patentibus universi
orbis commercii opportuna, & tanquam ad juvandos
mortales avidè in mare omni ex parte se projiciens,
undiquaque caelo & solo juxta fruitur felicissimo. Cae-
lum enim ita mite & temperatum est, ut aestatis fer-
vorem perennes aerae, terrae nascentia recreantes, &
homini pecorique saluberrimè abblandientes, casti-
gent suaviter; & hyemis inclementiam crassiusculus
aer infrequentes ac sedatas pluvias dissolutus, mare
quoque circumfusum moderato tepore terras fovens, pe-
nè tollant; remissioribus frigoribus, quàm in Gallia,
aut Italia. Solum autem ab omni frugum genere ita
Mmm 3 beatum

Dionysius Afer
in orbis descrip-
de Britannicis
insulis.

Guilielmus
Camdenus, vir
incertum hu-
manior, an do-
ctior, accuratis-
simam de
Britannia de-
scriptionem: ob-
quam ille om-
nium literato-
rum meretur
applausum.

Caesar lib. 5. de
bello Gal. P. Jo-
vius in Britan-
nia.

beatum est, ut in ea Cereris sedem fuisse recte dixerit
Orpheus:

id' evgia deuat' a' d' o' n' s

Δι' οὐρανὸν ἔειπεν Ὀρφεὺς

Cereris regalia sunt hic
ampla Deæ.

Camdenus in
Britan. Edit.
Londin. A. Chr.
1607. in fol.
pag. 2. ex Zosi-
mo & Eunapio.

Occidentalis sanè Imperii quasi horreum & cella pe-
nuaria diu fuit; unde D. C. C. navibus, quæ lembis
maiores orant, magnam frumenti vim in Germaniam
ad limitaneos exercitus alendos quotannis exportave-
runt Romani. Quam singularem & planè mater-
nam naturæ benevolentiam in hanc insulam eleganter
Poëta, nescio quis, expressit his versibus:

Anglia terra ferax; tibi pax secura quietem,
multiplicem luxum merx opulenta dedit.

Tu nimio nec stricta gelu, nec sydere fervens,
clementi cœlo tempericque places.

Cum pareret natura parens, varioque favore
divideret dotes omnibus una locis;

seposuit potiora tibi, matremque professa,

Insula sis felix plenaque pacis, ait;

Quicquid amat luxus, quicquid desiderat usus,
ex te proveniet, vel aliunde tibi.

Panegyricus
Constantino A.
dictus ab Eume-
nio.

Et in eandem sententiam Eumenius Panegyristes
præclarissime: O fortunata & omnibus beatior terris
Britannia, quæ Constantinum Cæsarem prima vidisti!
Meritò te omnibus cœli ac soli bonis natura donavit;
in qua nec rigor est nimius hyemis, nec ardor æstatis;
in qua

in qua segetum tanta fœcunditas, ut muneribus utri-
usque sufficiat, & Cereris & Liberi; in qua nemora
sine immanibus bestiis, terra sine serpentibus noxiis:
contra, pecorum mitium innumerabilis multitudo
lacte distenta, & onusta velleribus. certè quidem,
quod propter vita diligitur, longissimæ dies, & nullæ
sine aliqua luce noctes, dum illa litorum extrema
planities non attollit umbras, noctisque metam cœ-
li & syderum transit aspectus, ut sol ipse, qui nobis
videtur occidere, ibi appareat prætereire. Atqui fossa
illa, quæ Britanniam ambit, & insuperabilem (rum-
pantur ut ilia hostibus) facit; non ita leviter transi-
lienda est: Oceanum dico, vastissimum & apertissi-
mum, regionis, quæ quæ patet, circumfusum: qui tan-
tis æstibus contentus accedit, & recedit, ut octogenis
cubitis supra Britanniam intumescere Pytheus Mas-
siliensis prodiderit, & B. Basilus mare magnum &
navigantibus horrendum dixerit. Latè equidem mo-
dò campos vicinos inundat, modò refugit & nudat; tan-
tâque vi semper grassatur, ut non solum flumina retroa-
gat, sed & excursionibus suis terrestria deprehendat
animalia, nec fugâ præproperâ destituat marina. Vi-
dit enim & obstupuit singula quæque ætas monstro-
rum marinarum in litore ibi derelictorum copiam &
immanitatem: nec temere Lyricus recinit;

Camden. in
Britan. de Oce-
ano Britannico,
pag. 720.

Belluofus qui remotis
obstrepi Oceanus Britannis

Quinetiam fossam illam hyberno tempore navigare
olim

Horat. carm.
lib. 4. od. 14.

Julius Firmicus
de errore pro-
fanarum reli-
gionum.

olim tanti erat, ut Libanius Græcus Sophista in Pa-
negyrico ad Constantium Chlorum navigationem in
Britanniam triumphimaximi instar extulerit; & Ju-
lius Firmicus, non ille Astrologus, sed alter Christia-
nus, ad Impp. Constantem & Constantinum mirabun-
dus exclamavit: Hyeme (quod nec factum est ali-
quando, nec fiet) tumentes & sævientes undas calcâ-
stis Oceani Britannici, sub remis vestris. Incogniti jam
nobis penè maris unda contremuit, & insperatam
Imperatoris faciem Britannus expavit. Quid amplius
vultis? Virtutibus vestris victa elementa cesserunt.
Gaude igitur Britannia, & triumphas: natura tibi se-
sam circumduxit, quam nullus hominum labor compla-
nare, nullum ingenium & nulli machina siccare potest.
Muniant licet Belgæ Ostendam novis substructioni-
bus; Albanus arcem Antuerpiæ insitato fastu et opere
ædificet, suâ opinione invictam; Mediolanenses Por-
tæ Fovæ castrum Europæis aliis omnibus anteferant:
Hungari suum Javarinum & Comorram, Turcæ su-
am Goletam, Veneti suam Palmam, Sabaudi suum Mo-
milianum, Galli suam Rupellam, Bazonam (in quam
nemini ingredi licet armato, nisi Regi ipsi, & Regii
sanguinis Principibus; cum alii quicunque arma sua
ad inferiorem urbis partem relinquere cogantur) suum
Ambianum, Hispani suam Malacam & Fuentarabi-
am, Poloni Smolensko suum, Sueci suam Calmariam,
Dani suum Croneburgum, dilaudent; Alsatii Argenti-
nam, Austriaci Viennam, Bavarî Ingolstadtum, Vvür-
tembergici

P. Merula, Col-
moge. p. 2. lib. 3.
c. 34.

tembergici Tuelam altam, & Aspergam; Branden-
burgici Cüstrinum, Hassi Ziegenhanium, Silesii
Breslaviam, Francones Norimbergam, Misnii Kö-
nigsteinium; & alii alia loca bene munita prædicent:
sed qui illa omnia fossæ Britannicæ voluerit compone-
re, eadem operâ is colliculum arenaceum monti Senisio
contulerit. Neque verò securitatem tantum insula-
nis, sed & alias commoditates præstat inæstimabiles
fossæ illa, mare illud. Nam quod ibi terrarum lati-
funda perpetuâ quâdam caloris temperie animentur
quasi; quod aer vaporibus nutriatur & agri irroren-
tur; quod flumina innumeris piscium examinibus re-
pleantur; & ea omnia, & alia plurima, à mari sunt.
Non sunt ibi piscatorum labores fri stranei: & ubi-
que salmonibus, passeribus, paguris, ascellis, halecibus,
congris, mugilibus, rhombis, phocis, cuculis, soleis, sar-
dis, raijs, ostreis, locistis, cancris, & cæteris, insidiæ
præsentissimo lucro strui possunt. Et Haleces quidem
sive Leucomenidæ, aut Chalcides, si ita maris, cum
proavorum seculo tantum ad Norwegiam sua quasi
stativa habuerint, nostro tempore non sine divino con-
silio quotannis Insulam totam immensis exercitibus cir-
cumnatant. Circa solstitium astrorum ex alto litora
Scotiæ petunt; quo tempore, quia pinguiiores sunt, sta-
tim divenduntur: inde Anglica litora adeunt, & ab
Augusto medio ad Novembrem optima & uberrima
eorum est captura, à Scarborough, castro in Brigantibus,
usque ad Tamisis ostium. postea aliqui à vehementi-
Nnn
tiori

Camden. in
Britann. de Bri-
gantibus. pag.
586.

tiori procellâ in Britannicum mare deferuntur, & in eo ad Christi usque Natalitia se piscantibus offerunt. hinc Hiberniam utrinque pernatantes in Septentrionalem Oceanum circumnavigatâ Britannia se transferunt, & ad funium quasi subsistunt; & postquam ibi fatiscavere, numerosissimo agmine regrediuntur. Quid margaritas dicam, post Indicas proximum dignitatis locum obtinentes, & quas rotundâ specie mari Britannico natâre ducem sectantes, more apum, Fubas memorabat? Earum spe Julius Cæsar Britanniam petierat, quas tantâ magnitudine inveniebat, ut in nonnullis manu exegerit pondus. Atque ita mediis tranquillâ in undis, velut alter orbis, extra Orbem, sedet magna Britannia.

Camd. de Oceano Brit. p. 721. ex Origene.

Sueton. in Jul. Cæs. cap. 47.

J. Jacius Tzetzes in Comment. ad Lycophronem.

Quia verò illius beata amœnitas aliquibus fidem fecit Fortunatas insulas, in quibus omnia perpetuo vere ridere tradunt Poetæ, in ea collocandi: & vix jam judicaverint aliud, qui judicium præjudicio nondum mancipaverunt: injurius sum in gentem & regionem illustriſſimam, si salutato tantum litore, nec factâ excursionē, statim orationis meæ navim domum vertam. Ut enim qui illiustre hoc Collegium perlustratum advenit, non satis habet, id procul solummodo, extra urbem, ex alto despexisse; sed accedit propius; situm, structuræ formam, & symmetriam ponderat exquisitiis; intrat Athenæum, Bibliothecam, triclinium, gymnasia, conclavia, cubicula, hortum, & omnem ornatum interiorem intuetur; imò etiam in cunctis hisce summam

summam serenissimî nostri Principis & Patroni, Dn. JOANNIS FRIDERICI, Ducis Vvürtembergiæ magnificentiam, quâ paternæ virtutis & potentiae hæres atq; æmulus supra alios hujus ævi Principes Nobilitatem Germaniæ omnemq; ejus posteritatem devinxit sibi universam, admiratur, & nisi invidus aut malignus meritorum censor est, simul cum omnibus Illustris Collegii Studiosis publico nomine, inclytæ Domui Vvürtembergicæ solennes agit gratias, Divinam majestatem veneratus, ut cælesti perenni in hanc illustrissimam familiam effuso favore tantis beneficiis addere velit perpetuitatem: sic verò & nunc mihi faciendum est idem, cum omnium totius Orbis insularum primati, Regiæ & Imperatrici, decus suum asserere confidam, certè cupiam.

In Insulam igitur exspatior, & primum incolis hominum pulcherrimis, omniq; laude majoribus, dexteram, fidei tesseram, studiū & amoris nunquam intermorituri testem, porrigo. Et cur facerem aliter? Etenim cum in eos, qui salutem, à magnatibus aut amicis missam, nobis vel nunciant tantum, benevoli simus mittentium causâ; & secus fecisse, inhumanitatem & incivilitatem vocemus: quâ fronte Doctoribus nostris, & alteris parentibus nostris, Britannis; qui nos in re religionis & literarum erudierunt; qui nos ex impiis & barbaris, novas Christianæ pietatis doctrinæq; animas quasi ex machina infundendo, novos

Caesar. lib. 6.
de bello Gall.

Cambd. in Bri-
tann de Roma-
nis. pag. 47.

Baron. Annal.
Ecclef. Tom. 1.

Paul. 2. ad Ti-
moth. c. ult.
Martial. l. 11.
Epigram.

Dorotheus Ty-
ri Episcopus. Ni-
cephorus & Si-
meon Meta-
phrastes.

Sophronius &
Theodoretus

homines effecerunt; quâ, inquam, fronte, sine horrendo nefariae ingratitude scelere observantiam et amorem perpetuum subtraheremus? Fuere autem Britanni præ aliis populis semper deditissimi religionibus. Atque uti in Druidum disciplina, cujus existimantur repertores, excolenda primas tenuere; (siquidem Galli ejus diligentius cognoscendæ desiderio inflammati, discendi gratiâ in Britanniam proficiscebantur) ita quamprimum CHRISTI nomen innotuit, adeo flagranti germanæ probitatis adfectu curaque devotâ se isti DEO nostro humanissimo hominique divinisimo consecravere; ut penè prius Christianæ fidei capita crediderint, quàm audierint; imbiberint, quàm acceperint. Non defuerunt tamen, etiam in ipsa Ecclesiæ infantia, sancti præcones, qui salutarem Liberatoris generis humani adventum illos gratulabundi edocerent. Nam ut Josephum ab Arimathæa, nobilem Decurionem, quem è Gallia digressum esse in Britanniam memorat Baronius; atque Claudiam Rufinam, Auli Pudentis uxorem, Britannam, foeminam doctiorem an Christianiorem haud facile dixerim, (et hodie Britannia Rufinas habet) à Divo Paulo & Martiali celebratam, non numerem Simon Zelotes peragrata Mauritaniâ, in Britannia occubuisse; Petrus verbum Divinum ad Occidentalem Oceanum Britannicasque insulas pertulisse; Paulus quoque, vinculis Neronianis Romæ solutus, idem Gratia lumen in Britannia sparsisse, feruntur. Et hic, ait Poeta,

tran-

Venantius For-
tunatus.

de quo Beda lib.
1. cap. 4. hist.
Ecclesiast.

Camden. in
Brit. de Roman.
pag. 52. & de
Briganub. pag.
572.

transiit Oceanum, vel quâ facit insula portum, quasque Britannus habet terras, quasque ultima Thule. Talibus tantisque magistris usi Britanni, precibus & rebus sacris quotidie faciendis, templis magnifice extruendis, & quibusvis pietatis operis atque operibus gnaviter peragendis, omnes certatim ita incubuerunt; ut primi Christianorum omnium Christianum Regem habuerint Lucium, circa A. Christi CL.^{mum} Christianam religionem amplexum; & postea, gloriâ non minori, Constantinum, primum Imperatorem Christianum, orbi terrarum educaverint. Et quemadmodum inter creberrimas tyrannorum persecutiones Ecclesiæ fundamenta jacta sunt: nam

sanguine fundata est Ecclesia, sanguine crevit, sanguine succrevit, sanguine finis erit: sic nulla alia est regio, quàm Britannia; quæ Christianismum conservavit constantius, professâ sit sincerius; & quæ tot tantosque Principes in Sanctorum, Martyrum, & Confessorum catalogum relatos ostendere possit. Digna me-Christe, quæ propterea, non ut olim tenebris paganorum immersa ab impio illo Porphyrio dicebatur, Ferax tyrannorum provincia; sed Regio Sanctorum fecundissima nominetur. Sed postquam nobilissimi illi Christi athletæ per aliquot secula ex quotidianis & acerrimis exercitationibus invictum fidei robur collegerunt; simulque institutis passim Musarum domiciliis ornatis, virtutum & scientiarum galeâ animos masculè induerunt: tunc veluti torrente be-

Nnn 3 nigni-

Camden. de
morib. Britan.
pag. 23. & de
Anglo-Sax. pag.
98.

nignitatis cœlestis obruti, & felicitatis suæ colonias deducere coacti, admirabili promptitudine miracula verbi divini & literarum adminicula liberalissimè quaquaversum distribuerunt: Vvinfrido in primis, Vvillebrodo, & aliis in Germania; Alcuino autem in Galliis, ubi Parisiensem Academiam, multarum Academicarum postea matrem, auspiciis Caroli Magni, discipuli sui, in vitam lucem & splendorem produxit; strenuam & egregiam operam navantibus. Nos Germani, Germanico more & candore, versibus poëtæ Germani, tanti beneficii accepti memoriam hoc testemur modo:

Hæc tamen Arctoïis laus est æterna Britannis;
quod, post Pannonicis vastatum incurfibus orbem;
illa bonas artes, & Grajæ munera linguæ,
stellarumque vias, & magni sidera cœli
observans, iterum turbatis intulit oris.
Quin se Religio multum debere Britannis
servata, & late circum dispersa fatetur.
Quis nomen Vvinfride tuum, quis munera nescit?
Te duce, Germanis pietas se vera fidesque
insinuans, coepit ritus abolere profanos.
Quid non Alcuino facunda Lutetia debet?
instaurare bonas ibi qui feliciter artes,
barbariemque procul solus depellere coepit.

Et ô homines Deo plenos! O viros bono Reipub. natos!
Quibus merito suo ex innumera heroum cohorte

Camden in Britannicis p. 606.

addo Bedam, qui pietate & eruditione Venerabilis
cognomen

cognomen adeptus est; addo Joannem Duns Scotum, qui in Dialectica & spinosa Theologia ad miraculum doctissimus subtilis Doctoris titulum promeruit, & novam Scotistarum sectam condidit; Homero major, utpote cum de eo non civitates, sed regna contendant; Anglis verè suum, Scotis suum, Hibernis suum, suum quoque civem Gallis & Italis adseverantibus; sed vitæ exitu infelix, quippe apoplexiâ correptus & nimis festinato funere elatus, cum redeunte vitâ sero morbi impetum natura discuteret, frustra miserabili mugitu opem petens, & diu sepulchri lapidem pulsans, tandem in ipso sepulchro fessam animam elisit: addo Joannem Vvickliffum, virum ingenio subactio, & in sacris literis versatissimum; & huic geminum, Guilielmum Ockam, Nominalium patrem; qui ambo Pontificem Romanum calamo strenuè sunt aggressi: addo Joannem Baconthorp, virum seculo suotam variâ & reconditâ doctrinâ præditum, ut ab Italis propterea Doctor Resolutus vocaretur: addo Joannem de sacro Bosco autorem de sphaera; Reginaldum Polum, Joannem Coletum, Guilielmum Liliū, Guilielmum Grocinium, Thomam Linnacrum, Thomam Lupsetum, Ricardum Pacæum, Joannem Fischerium Roffensem Cardinalem, Thomam Morum, Guilielmum Latemerium, Cutbertum Tunstallum, summarum artium scientiâ & vitæ sanctitate nulli secundum, Tobiam Matthæum Archiepiscopum Eboracensem, à Paulino, qui A. CHR.

DCXXV.

Cambd. in Otadonis p. 670. Alb. Gentil. de laud. Acad. Oxon. Jul. Scalig. appellat illum limam veritatis de subtil. ad Card. Exercit. 324.

P. Jov. in elogiis Doctor.

Paul. Panfa. Cambd. in Iconis. p. 349.

Georg. Eilius in Elogiis Anglor.

DCXXV. primus consecratus est, sexagesimum sextum, sed eruditâ facundiâ primum; Thomam Stapletonum, Nicolaum Wottonum, Joannem Ivelum, Edmundum Grindallum, Joannem Whitgiftum, Edmundum Plo wdenum, Philippum Sidnejum, Roge- rum Aschanum, Joan. Cajum, Antonium Cocum, Thomam Smithum, Guilielmum Whitakerum, Gui- lielmum Camdenum, Strabonem Britannicum; addo insuper Joannem Owenum, seculi nostri Martialem.

Verum Britannicum hocce Religionis & Lite- rarum stadium passu liberiori ad metam decurrere; at- que ex singulis pietatis & scientiarum decoribus trium- falem coronam pertexere, voluntas quidem, sed facul- tas nunc non est: cum in hac temporis angustia & alia gentis virtutes ac laudes hic necessario sint libandæ. Quod ergo opificibus solenne est, ut magisterii sui can- didatos non in una tantum particula examinent proli- xè, neglectis reliquis; sed totum artificii systema leviter pererrant; quæstiunculis dexteritatem illorum per- contantur, & pluribus velitatiunculis variè pericli- tantur; facile sic cognituri, quantum viribus eorum, sit fidendum: eandem rationem & ego hic sequar. Quid igitur de Britannis amplius? Omnium Europæ po- pulorum bellicosissimi & strenuissimi sunt Britanni. Quis hoc dicit? Gallus hoc dicit: Bodinus hoc dicit. Et quis nescit, Gallis inimicitias fere per naturam esse cum Britannis? Et quis nescit, Bodinum in laudem Gallorum ingeniosè plurima, & in opprobrium alia- rum

Joan. Bodin. in Meth. Hist. c. 3. de recto Histor. judicio. Alb. Gentil. in lau- di. Academ. Oxoniens. Per natura i Fran- c. filio sembre nim. ci de gli Inglef. Istoria de Gio. Bat. Adria- ni lib. 7.

rum nationum plurima improbè mentitum fuisse? Illu- stre profectò Galli, & quidem Bodini, de bellica Bri- tannorum virtute testimonium. Neque hic falsus est Bodinus. Quamcumque enim temporum seriem con- secter; ubique Britannorum victorias, trophæa, & triumphos, cum admiratione intueor. Nam si celeberrimas illas, & tantopere à tot præclaris scriptoribus decantatas expeditiones, fortissimo duce Brenno in Italiam, Græciam, & Asiam susceptas, considerem; video Britannos illorum veterum Gallorum fortunæ & gloriæ socios; video Brennum ipsum (cujus herois apud populares suos etiamnum nobile est nomen, qui Regem sua lingua Brennin appellant) Britannum fuisse. Si autem Romana arma, ambitionis & avari- tiæ chalybe indurata, listrem; DEUM immortalem, quam illa in Britannia fuerunt mortalia, ingloria, & hebetia? quam illa, cum alibi valuerint plurimum, ni- hil, aut parum valde, valuerint in Britannia? quam turpiter facti sunt Romani, esse validissimas gentes, & esse

Camb. de Bri- tannor. morib. p. 24. & de agro Denbighensi p. 547.

Tacit. in vita Julii Agricola.

inviectos Romano Marte Britannos? Equidem Silures, Britannorum popellus, Caractaci reguli sui virtute & viribus confisi; atq; Claudii Imperatoris Romani voce proritati; qui, ut quondam Su- gambri excisi, ita Silurum nomen penitus exstinguen- dum rebatur; adeò difficili bello Romanos devexa- runt; cohortibus auxiliaribus interceptis; legione, cui Marius Valens præerat, fusâ; & vastatis sociorum

Tibullus lib. 4. carmin. 1.

Tacit. Annal. lib. 12. & Ca- den. in Brit. de Siluribus p. 466

Ooo

agris;

P. Matth. in hi-
stor. Henr. IV.
lib. 7. narr. 1.

agris; ut P. Ostorius, Britannia Proprator, his æri-
minis fessus & curarum tædio confectus vitâ concesserit. Quid factum Carolo Magno? Descenderat is
in aciem per legatos, & ter aut quater cum Britannis
confluxerat; sed tantâ suorum clade & cade, ut serio
affirmaverit; si vel semel tantum cum illis adhuc si-
bi depugnandum esset, ne unum quidem militem si-
bi superfuturum. O elogium magnum! tantôque ma-
jus; quanto, qui protulit, omnibus sui & posteriorum
temporum bellatoribus bellicâ laude fuit major. Sed
Galli sunt præcipui, qui ante alios Britannorum sagit-
tariarum fulmina cum tremore, horrore, & interitu,
in pectoribus & visceribus suis, exacte & diu sense-
runt; qui ad inanem eorum strepitum etiam hodie ve-
hementissimo metu motuq; concutiuntur; ut non abs re
Bodinus scripserit, Gallos sæpe ab Anglis maximas
in ipsa Gallia clades accepisse, ac penè imperium ami-
sisse, nunquam in Angliam, nisi ab incolis accitos, pe-
netrare potuisse. Et Anglicus Martialis:

Bodinus Meth.
hist. c. 5.

Jo. Ovveni

Anglorum sensit virtutem Gallia semper:

Ad Galli cantum non fugit iste Leo.

Les Chroni-
ques & Anna-
les de France
de Belleforest;
Jean de Serres;
Froissard; & alii,
passim.

Quoties enim Reges, Principes, Magnates, & uni-
versæ Gallorum ingentes copias, vicerunt, profliga-
verunt, ceperunt, deleverunt Britanni? Quoties per
totum regnum grassati, provincias, urbes, oppida, va-
staverunt, expugnaverunt, exhauferunt? Quoties opi-
mis onusti spoliis, & Gallicis exuviis amplificati, pa-
triam ditaverunt? Quam existimatis fuisse Gallia
faciem

faciem, auditores? cum Eduardus III Angliæ Rex,
Philippum Valesium Galliarum Regem ad Cresia-
cum vinceret: ubi interempti Gallorum circiter XXX
millia; & inventi inter cadavera Joannes Rex Bohe-
miæ (hic etsi captus oculis, in hostem tamen pugnare vo-
luit) decem Principes, octoginta Barones, mille du-
centi Equites, flos totius Nobilitatis Gallicæ; Philip-
pus autem vix fugâ evaderet, qui noctu ad Brojam ar-
cem deveniens, Præfecto ad portam quærenti; qui va-
lâ? miserabili vocere respondebat: La Fortune de Fran-
ce. Miserabilis Philippus: qui temeritate suâ re-
gnum suum in pullam vestem coniecit: felicissimus
Eduardus; qui virtutis suæ ferulâ Gallicam insolentiam
compescuit; & mox dupliciter felicissimus, quan-
do Joannem Philippi filium Gallia, & Davidem
Scotiæ, Reges captivos, Londini in mensa sua specta-
vit; majori gloriâ, quàm olim Eadgarus Rex de Bri-
tannicis Principibus triumphavit; quem in triumphali
navicula ad proram sedentem Kinnadius Rex Sco-
torum, Malcolinus Cumbriorum, Maconus Manniæ
& Insularum, omnesque Valliæ Principes in fidem
adacti, quasi remiges remis incumbentes per Devam
fluvium læto spectaculo duxerunt. Etsi verò Joanne
Rege captivo Gallia eò inopiæ devenerat, ut Arie-
tini, aurei arietis effigie insigniti, pluribus solito assi-
bus æstimari cæperint, Carolo Delphino id jubente, nec-
quicquam Parisiensibus reclamantibus; et postea coria-
cei nummi trajecti clavo argenteo fabricati fuerint,

Paul. Aemilius:
de reb. gest.
Franc lib. 9. in
Philippo Vales.
Froissard histor.
lib. 1. Jean de
Serres in Phi-
lippo Valesio.

P. Jovius in
Scotia.

A. Chr. 960.
Cambd. de Cor-
navis. p. 459.

St. Forcatulus
de Gall imp. &
Phil. lib. 1.

Ooo 2 auro

Jean. de Serres
in Joanne Va-
leto.

Ph. Cominæus
lib. 8. Sleidanus
in not. ad Co-
minæum. Thu-
an. Hist. lib.
13. Alber. Gen-
til. de jure belli,
lib. 1. cap. 21.
Adam. Contz.
lib. de falsa pa-
ce cap. 5.
P. Jovius in
Britann.

Camden. in An-
nalib. Anglic.
ad An. 1585.

auro & argento ad redimendum Regem impenso defi-
cientibus: tamen & hanc & illam cladem multo horri-
biliore tragoedia sub Carolo V. Carolo VI. Carolo VII.
Ludovico XI. Gallis Regibus, usque ad Boni publici
bellum secuta sunt; hoc fere semper eventu, ut Britan-
ni aut Galliae Valesios, aut Galliam Valesis extorque-
rent. Tenueruntq; Britanniae Reges continuatâ pos-
sessione per trecentos ac quinquaginta annos Aqu-
itaniam & Normanniam; & adhuc per titulos & in-
signia totam Galliam tenent; haud dubie jus suum ar-
mis repetituri, quando occasio erit: interim præclara
cum laude iis, quibus Parisiorum Senatus tot civitates
feliciter gubernat, belli pacisq; legibus sapientissimè à
se constitutis in Gallia relictis. Hispanos an præteribo?
qui olim & hodie nil nisi vindictam in Britannos spi-
rant; nil nisi cruces, furcas, & excidia somniant; sed
qui nunquam sine vehementissima animorum commo-
tione recordantur, Elisabetham Britannam Belgarum
patrocinium palam suscepisse, Orbis Christiani
Principibus masculam in muliere fortitudinem demi-
rantibus, quæ potentissimo Monarchæ quasi bellum
denunciare ausa; adeo ut Suecorum Rex dixerit, Eli-
sabetham capiti diadema jam detraxisse, & dubiæ
Martis aleæ exposuisse. Quinetiam ferunt illi nunc
ægerrimè, Britannos toties in Indias feliciter ire &
redire; Indis injustitiam, crudelitatem, atque vetera-
torias ipsorum artes detegere; in Americam multa loca
occupare, & novam ibi Britanniam parturire: imò in-
sanè

sanè dolent illi, Britannos felici audaciâ Gadeis, fru-
stra Gaditanis, & navibus regis commeatu ac milite
instructissimis, resistentibus, diripuisse; oras Hispa-
niarum & Lusitaniæ terrore suo in solitudinem rede-
gisse, atque immensam prædæ vim asportasse. Atenim
insaniant Hispani, quamdiu quantumque velint; eti-
am cum Orci intemperis & infernalibus legionibus in
Britannia pernitem conspirent: in illa tamen, si do-
mesticis factionibus non scindatur, pedem nunquam
ponent; adeoq; verum esse deprehendent, quod Itali
credunt: che il regno d'Inghilterra non ha bisogno d'
altri per la propria difesa; anzi non solo è difficile, ma
si può dire impossibile (se non è divisione nel regno)
che per via di forze possa essere conquistato. *Ædifi-*
caverat Philippus II. Rex Hispaniæ stupendam clas-
sem fere per triennium, tantâ hominum rerumq; om-
nium abundantia fartam, ut alter quidam orbis na-
vigare videretur: eamque anno superioris seculi
LXXXVIII. (quem Regiomontanus ante seculum
annum fore mirabilem, & Chronologi mundi clima-
tericum prædixerunt) emiserat in altum; ut Britan-
niam captivam, atque catenarum ponderibus constri-
ctam, in Peruviam ad opus metalli deportaret. Consta-
bat illa in universum C L navibus, admirandæ magni-
tudinis & roboris, quarum similes Septentrio nunquam
antea vidit. his vehebantur nautarum millia VII. &
classiariorum millia supra XX. præter Nobiles, &
voluntarios, qui suis sumptibus operam & fidem insigni
aliquo

Gasp. Ens Mer-
curii Gallo-
Belg. tom. 4. lib.
1. Em. Meteran.
Belg. hist. lib. 17.

Relatione d'
Inghilterra:
Thesauri Polit.
part. 1.

De hac classe
vide Em. Meter.
Belg. Hist. lib.
15. Gasp. Ens
Comment. de
bello Gallo-
Belg. tomo 3.
lib. 1.

Camden. in An-
nal. Anglic. An.
1588.

aliquo facinore Regi probare voluerunt. tormentorum ex ære fusili erant mille sexcenta: è ferro, mille plus minus: globorum centum vigintimillia: reliqui apparatus bellici, infinitas. Et Rex ipse aestimabat; quod ex Didaco Pimentello, legionis tribuno, qui in Hollandorum potestatem devenit, postea cognitum est; classem continere hominum millia XXXII: & singulis diebus constare ducatorum millibus XXX. Trepidabatur undiq; in Belgio ad rumorem tanti monstrum marini adventantis; eoque magis, quod Parmensis etiam terrâ mariq; solito majores copias corquirebat. Britannia Regina, Elisabetha, à Galliarum Rege monita diligentissimè sibi suisq; prospiciebat; Recusantes (hos vocant in Anglia, qui Protestantium sacris, quod semel quòque anno singulis per leges faciendum, aut multa XXlibrarum Anglicarum menstrua solvenda est, omnino interesse recusant) Recusantes, inquam, aliosq; suspectos in Eliensium & Visbichiensium paludes relegando, quosdam etiam per Episcoporum aedes distribuendo, militem conscribendo, exercitum lustrando, castra obequitando, nares instruendo, utramque Tamisis ripam propugnaculis muniendo, omnia denique Palladis & strenuæ bellatricis munia obeundo. Verùm moles illa Olisippone solvens, mox ad Coronam Galliciae promontorium, Oceani furiis fœdè jactata, tres actuarias triremes amisit: cum Britannus quidam remex, David Guinus nomine, ex tempestatis injuria & Hispanorum infortunio animum & occasionem rei præclare gerendæ

gerendæ mutuans, effractâ catenâ & sociis aliquot mancipiis, Gallis & Turcis, liberatis, præfectos militesq; omnes istius triremis, in qua ipse erat, occideret; atque ita unâ potitus, reliquas duas decumanis fluctibus graviter afflictas debellaret, & Bajonam Gallia pertraheret; ambiguum, majori audaciâ, an meliori fortunâ. Inde è portu Coronensi egressa classis, rectâ Angliam versus cursum tenet; sed vix freti fauces ingressa, sentit Hispanorum & Parmensis expectationem evanescere; qui stolidâ spe nimis superbe sibi persuaferant; Britannicas & Belgicas naviculas, visâ tantum tantæ potentia & tot arcium velivolarum pompâ, fugam arrepturas: quod etiam Petrus Valdesius, primariæ auctoritatis tribunus militum, Francisco Drako, cujus clementiam dedendo se, quam vires pugnando maluit experiri, fassus est; qui plurimum Anglorum audaciam mirari se dixit; qui tam parvis tamque paucis navigiis tantam classem adoriri non dubitassent. Belgæ enim Parmensem in Flandriae litoribus ita obsidebant; ut is ne unam quidem navem in mare subducere ausus fuerit: Britanni autem, quanquam omni aliâ re inferiores, quia tamen animis, virtute & promptitudine præstabant, intrepidè gigantes Iberos aggrediebantur; navibusque suis equorum instar summâ agilitate circumrotatis venti prærogativam præripiebant semper: atque momento fere elibrandis commodissimè tormentis utroque latere obverso tantam vim grandinis

dinis mortiferæ undique eructabant; ut hostis se non defendere amplius, nedum offendere alios potuerit. Hoc modo per multos dies, & diversis in locis, ad Caletum usque hostilis classis velitationibus, præliisq; salutata, excepta, vexata, cæsa & conquassata fuit: multis navibus cum magno dedititiorum numero, cum magna pecuniarum, vasorum argenteorum, cimeliorum, & variæ nauticæ supellectilis multitudine, captis: multis submersis: multis ad colles arenarios ejectis: & nihilominus interim in vicina Galliæ de Angliā jam ab Hispanis debellata rumore constanti passim circumlato. Tandem Britanni dolum virtuti jungentes, ut Hispanos de statione Caletensi pellerent; octo naves viliores exinanitas, pulvere, sulfure, pice, aliâque materiâ ad concipiendum & alendum ignem idoneâ, replent, easque tormentis instructas & incensas, VII^m Augusti, horâ secundâ post noctis meridiem, vento & aestu secundis contra classem emittunt: ad quarum conspectum tanta inter Hispanos orta est trepidatio; ut amputatis rudentibus & expansis velis extemplo pro se quisque effugere, & in apertum Oceanum recipere se magno conatu laborârit. Ita classis longè Norvegiā versus ad LXII usque gradum excurrens, & totam Britanniam Hiberniamq; circumvecta atque novo naufragio misere mactata, domum rediit cadaveri simillima. Ita paupertas opulentiam, dexteritas potentiam fregit; ita fœmina virum, Regina Regem castigavit; ita aliquot

quot naviculæ classem maximam, pauculi Britanni Hispanos penè innumeros domuerunt. Magnum clades ista dolorem plerisque omnibus in Hispania familiarum nobilissimis attulit: è quibus paucae erant, quæ non gentilem aliquem, affinem, aut cognatum, vel naufragio amissum, vel in pugna cæsum captumve non luxerint. In Britannia contra, festo ad diem XXIX Novembris gratiis agendis & sacris faciendis indicto, (quod etiam in Belgio confœderatorum Ordinum iussu factum est) Regina curru triumphali è palatio per urbem Londinensem ad primarium templum Sancti Paulini vecta, equo de victoribus Hispanorum insignia & vexilla propendentia ferente, magnificentissimè triumphavit. Zelandi autem tantæ victoriæ memoriam apud posteritatem per monumentum quoddam deposituri, numum argenteum & æneum percusserunt, qui in una facie referret Zelandiæ arma, cum hac inscriptione; SOLI DEO GLORIA; & in altera magnas aliquot naves, cum his verbis; CLASSIS HISPANICA; super additis in circumferentia istis; VENIT, IVIT, FUIT.

Audivisti, magne Principes, de summo pietatis studio, de exquisita literarum cultura, & perfectâ fortitudinis gloria Britannorum. Et quæ natio religiosa laudari potest, si Britanni non sunt? quæ docta & literata, quæ strenua & bellicosa, si Britanni non sunt? Verum enim verò, qui tantarum virtutum concursus miratur: (& quis non miretur?) is velim co-

Ppp

gitet,

gitet, tantam inter Reges Britanniae & eorum subditos intercedere necessitudinem; tanto desiderio utrosque ad felicitatis humanae fastigium contendere, & fide tantum debitum utrosque facere officium; ut nihil tam sit arduum & difficile, quod illis in tali actionum harmonia & concordia mutua non sit proclive & facile. Querimus enim in Rege verè regiam potestatem & maiestatem? Ecce Britanniae Reges supremam & absolutam praeiudici auctoritatem, praeter Deum, superiorem inter homines agnoscunt neminem; peregrinam iurisdictionem, ne tantilla quidem in re, insigni supra Hispaniarum & Galliarum Reges, Pontificum famulos, praerogativa, venerantur nullam; & nullos subditos habent, qui peregrino imperio ullatenus sint devincti. Et ecce, Henricus VIII, Eduardus VI, Elisabetha, & Iacobus, omnem servi servorum, & domini dominantium dominatum de cervicibus Britanniae fortiter & pie depulerunt; scepro ita à servitute quasi manumisso, & immensam pecuniam, quae pro primitiis, indulgentiis, appellationibus, dispensationibus, palliis, & id genus aliis, Romam assidue exportari solebat, domi retentam: Henrico etiam tributum annuum jam ab Inae temporibus pendi solitum (is enim regnum Papae fecerat vectigale, singulis argenteis numis, quos denarios vocant, in singulas domos impositis) abrogante; ac poenam capitis, si quis supremam potestatem Pontifici adscribat, constituyente. Querimus in Rege iustitiam & clementiam? Ecce Britanniae Reges aequa lance ius distribu-

Camden. de Ordinibus Angl. pag. 118. Em. Meteran. Belg. Hist. lib. 13.

Alb. Gentil. de Legationib. lib. 1. cap. 4. & in Disp. de potest. Regis absoluta.

Camden. in Annal. Angl. ad A. C. 1559.

De tributo vide Pol. Virgil. lib. 4. Hist. Anglicanae. M. Beccanum de primatu R. Angl. c. 6. Sleid. Committ. lib. 9.

Jacob. Rex lib. 2. Regia Institutionis.

distribuunt omnibus; aditu quibusvis concessio liberissimo, blandè audiunt desideria omnium; refractarios comitate & facilitate flectunt ad obsequium, quantum possunt; nec ultima experiuntur, nisi quando alii remedio amplius non est locus. Et ecce Eduardus senior ad viculum Austclive, in Comitatu Glocestrensi, subditi Leolini, Valliae reguli, enormem contumaciam humanitate & indulgentia correxit mirifice. Cum enim ambo Sabrina fluvio dividerentur; & Leolinus ad Eduardum colloqui causam trajicere nollet; hic ad illum transit. Videns autem ipsum & agnoscens Leolinus, projecto pallio solenni, (nam se foro paraverat) usque ad pectus ingressus est aquam, & cymbam amplectens, ait: Sapientissime Rex, tua humilitas meam vicit superbiam, & sapientia triumphavit ineptiam: collum ascende, quod contra te fatuus crexi; & sic intrabis terram, quam tibi hodie tuam fecit benignitas. acceptumque humeris super pallium suum federe fecit, & junctis manibus sibi fecit hominum. Querimus jam in Rege tranquillitatis & securitatis publicae tutionem? Ecce Britanniae Reges pacant omnia, tranquillunt omnia, à latronibus hominum & pecorum tuta faciunt omnia. Et ecce Ælfredus Anglus, advertens in regno suo raptores licenter grassari, omnia itinera brevi tempore tam reddidit pura sanctaque; ut si viator quantuncumque summam pecuniae in campis, vel publicis compitis vesperi demisisset; manè, vel post mensem rediens, integram & intactam videret. Et ecce Eadgarus,

Verba sunt Gualteri Martini, qui ante ann. CCCC. floruit. Camden. in Brit. de Dobunis. pag. 256.

Verba sunt Ingulphi Croulandensis. Camden. de Britan. divis. pag. 114.

Malmesburien-
sis. & Camd. in
descript. Mer-
vinia p. 530. ad-
de Ph. Camer.
Medit. histor.
Centur. l. c. 28.

Camden. in
Cantio. pag.
247.

Em. Meteran
Belg. hist. lib. 13.

Camd. in Tri-
nobantibus p.
313.

*crudelitatem & tyrannidem luporum in homines ovi-
umq; greges cum magna strage diu exercitam detestans,
Luduallo, Mervinia Principi, tricenos lupos in sin-
gulos annos vectigalis nomine imperando, non longo
temporis intervallo carnivoras istas bestias omnes ex
tota Anglia ita extirpavit; ut postea, & etiamnum,
lupus non minus sit peregrinus in Anglia, quam Leo, aut
Elephas. Querimus in Rege curam ditandi subdi-
tos? Ecce Britannia Reges subditos suos locupletant,
ornant, amplificant; eosque malunt evadere Crassos,
quam Codros, Crasos, quam Iros. Et ecce Eduardus III
pannificium in Anglia instituit primus; ex quo priva-
torum opes & regni patrimonium tanta sumpserunt in-
crementa, ut etiam hodie inter Reipub. columnina meri-
to numeretur; nec inepte per saccos laneos, rubro pan-
no tectos, quibus in regni comitiis diversorum tribu-
nalia iudices, Rotulorum Magistri, Secretarii sta-
tus, insident, commodum lanarum & ovium non
negligendum esse, Parlamentum moneatur. Pannos
enim Anglicos Suecia, Dania, Polonia, Gallia, Ger-
mania, semper aestimavit magni, & emit magno: &
nuper una Antuerpia ex uno Londino ducenta pan-
norum millia quotannis accepit. Quid? quod opes
plane incomparabiles ex Anglorum commercio redun-
darint, ex quo Ludovicus Malanus Flandriae Comes
circa annum CHR. 1338. Anglos immunitatibus am-
plissimis concessis ad emporium lanae Anglicae Brugis
Flandriae constituendum illexit. Jam inde enim ex
concurſu*

*concurſu omnium fere gentium in Flandriam ad pan-
nosex Anglica lana aliasq; Anglicas merces emendas.
& suas distrabendas, incredibile est, quantum res mer-
catoria, institoria, navalis & piscatoria, apud Belgas
floruerit. Adeo ut lana Anglica verum fuerit Belgis
Vellus aureum, cui inclytus ille Militaris ordo Velleris
Aurei suam originem, & Burgundiae Duces ingentes
divitias debuerunt. Certè hoc nostro tempore (ut ra-
tionum tabulae ostendunt) commercium inter Anglos
& Belgas duodecim milliones aureorum in singulos
annos superavit, & panni Anglici Antuerpiam quot-
annis exportati V. millionibus aureorum sunt aesti-
mati. Et ecce Divam Elisabetham, quae non tantum
indictionibus non urſit subditos, sed etiam tributa, quae
tertio quoque anno exigi consueverant, sustulit: imò
cum regni ordines aliquando magnam pecuniae summam
pro sumptibus Reipub. necessariis offerent, illam magnam
partem recusavit, ac populo gratias egit; dictitans,
pecuniam in subditorum arculis esse perinde ac in
suis. Quid verò audio? quod nova huic virtuti nomen
dandum est? Alibi fere omnium comitiorum & con-
ventuum summa est, pecunia, pecunia: sed in Britan-
nia etiam ab Ordinibus oblata pecunia non accipitur.
Credat hoc olim sera posteritas, & fidem adhibeat; vir-
ginem Elisabetham quadraginta quatuor annos ita
sceptrum sine ullo vel vetustorum vel praesentium tem-
porum exemplo tractasse; ut illam subditi amaverint
ut matrem benignissimam, vicini Principes coluerint*

Guil. Camden.
in Annal. Angl.
A. Chr. 1564.

Joan. Bodin. de
Repub. lib. 6.
cap. 2.

Camd. in An-
nal. Angl. A.
Chr. 1566.

Plerumque om-
nium Germa-
norum comi-
tiorum summa
est pecunia, di-
xit Jovius. Ar-
nold. Clapmar.
de arcen. Re-
rump. lib. 6.
cap. 13.

ut reginam sapientissimam, hostes metuerint ut ultricem justissimam, & totus Christianus Orbis cum admiratione suspexerit ut pacis & tranquillitatis publicæ conservatricem; quippe quæ quasi heroina & honoraria arbitra inter Hispanos, Gallos, & Belgas sederit; ut illud patris HENRICI usurpare potuerit, CUI ADHÆREO, PRÆEST; & verum fecerit, quod ille scripsit, Galliam & Hispaniam esse quasi lances in Europæ libra, & ANGLIAM lingulam sive libripendem. Querimus autem subditorum erga Principes & Dominos suos observantiam & fidem? Ecce Britanni Principes & Dominos suos venerantur humilimè, coluntq; fidelissimè. Et ubi veneratio major? Ecce nunquam illos alloquuntur, nunquam officia sua præstant illis, nisi adorantium in morem, ad genua subsidentes: etiam absentiam & umbram illorum honorant; cum nemo tegat caput in illo conclavi, ubi est sedes regia; nemo locum, in quo regia sigilla asservantur, sine honoris exhibitione prætereat. Et ubi fides illustrior? Ecce subditi insidiantium mucronibus pro illis se objicere promptissimi, omnia jussa capeffunt; omnia præstant; & quicquid præstant, etiam si magnum est, infra æstimationem beneficii regii putant. Atque iste adfectus non in summis habitat pectoribus, aut in lingua natat; sed veri certiq; est iudicii, in mensis sedibus alligatus, vitæq; immixtus & unitus, resolutis etiam morte corporibus cum immortalitate victurus. Cum Hispanus ante hos L annos per clandestinos internuncios cum Duce Norfolciæ & Ormondia

Cambden. in
Annal. Angl.
A. C. 1577.

Meteran. hist.
Belg lib. 13.

Bodin. in Meth.
hist. c. 6.

P. Matth. in
stor. Henr. I V.
lib. 4. narr. 3.

Ormondia Comite egisset; ut hic in Hibernia, ille in Anglia Elisabethæ Reginae facerent negotium; quod tamen illi, quâ fuerant in Reginam fide, ingenuè aperuerunt; quamprimum maritimi Angliæ populi hæc comperissent, incredibile est, quantâ alacritate maria insiluerint, & quàm latè piraticam in Hispania exercuerint; adeo, ut adeos cohibendos edictis fuerit opus. Et quid querimus multa? Is inter Britannia Reges & cives est morum & vitæ concentus; qui in optime constituta familia interpretem & filios intercedere potest suavissimus; in quo hoc minus discordiæ & subversionum decipulis relinquitur locus, quò moderatur omnia circumspectius & prudentius JACOBUS, ille Principum gemma, & Regum decus, ille orbis amor, & patriæ pater, ac planè ad Homericum perfecti Regis exemplar,

Ἀμφότερον βασιλεὺς τ' ἀγαθὸς, καὶ τεγὸς

Iliad. 2.

τ' αἰχμητής :

de quo illud, in honorem Constantini Magni dictum, verissimè usurpare possumus; Diiboni, quid hoc est, quòd semper ex aliquo supremo fine mundi nova Deum numina universo orbi colenda descendunt?

Eumen. in Pa-
negric. Con-
stantino A. di-
cto.

Si hîc jam finirem, illustrissime Præses; sine dubio pro eâ, quâ vales æquitate & justitiâ, satis dictum censes, ad sententiam pro Britannia principatu ferendam: sed quemadmodum peregrina regna transeuntibus positum in more est, ut singularum provinciarum memoratu digna in codicillos referant; ita patere, quæso, optime Princeps, ut pulcherrimam terrarum

per

Camden. in
Danmonii.

pag. 134.

pag. 135.

pag. 136.

p. 141. & in Belg.
pag. 166. &c.Paul. Jovius in
Britan.

per suas aliquot partes adhuc brevissimè percurram. tibiq̃ collectas admirandorum decimas offeram, promptius intellecturo, nullum aliud regnum in comparationem venire posse. A Cornwallia sive Cornubia, frugum feracissimâ, quas cum Hispania quotannis liberalissimè dividit, facio initium: in qua præter aurum, argentum, adamantesq̃ ab ipsa magistratura in angulos eleganter conformatos & lævigatos, stannum copiâ effoditur incredibili; ex quo vasa domestica ducta apud omnes Europæos in mensarum usu argenteis fulgore æquiparantur. Atque uti ora illius regionis maritima creberrimis nitet oppidis, ad numerosam classem conficiendam satis potentibus: ita ibi quæstus colligitur longè maximus è piscibus illis, quos Pylchardes vocant; qui immensis examinibus ad litora à Julio ad Novembrem circumfusi capiuntur, exenterantur, saliantur, infumantur, condiuntur, premuntur, & in Galliam, Hispaniam, Italiamq̃ exportantur; quibus sunt gratissimæ merces, & Fumados appellantur. Sed singulare, & quod curiosos in stuporem dare potest, est celeberrimum saxum Main-Amber, parum distans ab emporio Pensans: illud quamvis sit vastissimum, digitulo tamen moveri potest, sed à loco ne à magna quidem hominum multitudine dimoveri potest. Nisi Tindagi-um plus mereatur venerationis, locus memorandus ab incunabulis magni illius Regis Arthuri; qui ob ingentis animi magnitudinem per omnes gentes poetarum præconio celebratus, hæc tamen laude maximè illustris est,

Joseph. Jscanus
in Antiocheide
de Arthuro.

est, quod rotundæ mensæ procures, ab heroica virtute lectissimos, in amicitiam augustissimis devotos legibus consecravit: cui

prisca parem nescit, æqualem postera nullum exhibitura dies: reges supereminet omnes; solus præteritis melior, majorque futuris.

Ex Cornwallia transilio in Devoniam, ubi nec stanniditissimas venas, Cornwallicis ne tantillum quidem cedentes, nec Dertmoricos magnetes nuper inventos, nec Kirtonium natale solum Vvinifridi illius Germanorum Apostoli, qui Hassos, Thuringos, & Frisios ad Christum convertit; nec item Exoniam, quondam Regum Vest-Saxonie sedem, laudibus efferam: Plim-mouthum tantum jam contueor, oppidum si ex capacitate æstimetur, minimè magnum, sin à portus commoditate & incolarum virtute, apud omnes gentes longè maximum. Hinc enim, ut alia omnia taceam, fuit Franciscus ille Drakus, Eques auratus, in gloria navali nostræ memoriæ facile princeps: qui primum, ut damna quæ ab Hispanis acceperat resarciret, Mexicanum sinum toto biennio victoriis quasi obsidebat, isthmumque illum Darienæ peragrabat; unde cum Australe (quod vocant Hispani) mare prospexisset, navigandi illud tanto flagrabat ardore, ut eo loci in genua procumbens divinam opem implorârit ad desiderium istud suum explendum: imò quasi novus Themistocles Miltiadis trophæis excitatus, sibi, patriæ, & suæ gloriæ defuturum se existimabat, nisi mare illud

Camden. in
Brit. pag. 345.Camden in
Annal. A. C.
1580.

Lqq

perlu-

perlustraret; ita animo semper obversabatur. Anno igitur superioris seculi LXXVII.^{mo} solvens Plimmoutho, Australe illud mare per Magellanicum fretum ingressus, orbem terrarum inter varias fortunæ vicissitudines triennio secundissimè circumnavigavit. Quo tempore non solum variarum gentium hætenus fere nobis ignoratarum leges, studia, mores, ritusq; admirabiles annotavit; novas terras, & præsertim novam ALBION detexit; mare Australe (quod Pacificum vocant) turbidum supra modum expertus est; partem cæli Austrino polo proximam pauculis iisq; minoris magnitudinis stellis ornari, tresq; tantum primæ magnitudinis in illo hemisphærio conspici, quas Angli non viderit, observavit; deprehendit quoq; cum fretum Magellanicum agrè eluctatus Aquilonem versus tenderet, sperans hoc sese cursu Peruvianum regnum feliciter aditurum, recenteis tabulas Geographicas illis locis mutilatas aut non fideliter descriptas esse, erroremq; ad minimum XII. gradus excedere, & discriminis maximi credulis hominibus causam præbere: verum etiam ultionis impetu in Hispanos hinc inde terrâ mariq; converso, multis eorum navibus direptis invidendas conquestivit divitias; cepitq; in unica Cacofoaga (id navi opulentissimæ nomen) præter pretiosissimas gemmas & uniones imprimis, optimi auri XX C. libras, argenti signati factiq; XIII. arcas, & argenti infecti vim tantam, quantum navi in saburram sufficeret. Et erat tunc mediastini Hispani jocus non illepidus, qui cum Cacofoaga vacua abiturus

Vide Camden.
in Annal. Angl.
A. Chr. 1580.
& Thuan. Hist.
lib. 71. Em.
Meteran. hist.
Belg lib. 10.

abiturus ad Drakum dixisse fertur: Nostræ navis nomen jam tuæ resignamus: nostra CACOPLATA, id est, ARGENTICACA deinceps vocabitur: tua autem CACOFOGA, id est, IGNICACA ut vocaretur, captâ nostrâ meruit. Verum rediit Drakus in Angliam incolumis magnâ gratulatione & lætitiâ ab Elisabetha regina exceptus; quæ et illum ob expeditionis tam feliciter susceptæ gloriâ laudatum Equestriq; honore decoravit, & prætoriam ejus navem PUBLICANUM ad perpetuam rei memoriam, insigni ceremoniâ consecravit. O præclarissimum Angliæ Fasone! ô PUBLICANUM cælo dignam! Vive Drake, vive

Drake, pererrati novit quem terminus Orbis,
quemq; semel mundi vidit utrumque latus:
si taceant homines, facient te sidera notum;
atque polus de te discet uterque loqui.

PLUS ULTRA Herculeis inscribas, DRAKE, columnis:
& magno, dicas, HERCULE MAJOR EGO.

9 Dorsetiam si non aliud, saltem Biertportium in agro
optimæ cannabis feraci situm, commendare possit: ubi
funes nautici & rudentes tantâ solertiâ & arte du-
cuntur, ut privatâ ad præfinitum tempus lege cautum
fuerit; non alibi funes, quibus Anglica classis uteretur,
contorqueri debere. 12 Somersetia autem, quàm am-
pla, quàm opulenta, quàm populosa est? in qua velu-
ti gemma radiat Bristolia, urbs ad adspectum ita pul-
chra, publicis privatisq; ædificiis ita exornata, omnibus
ad vitæ necessitatem pertinentibus bonis ita instructa,

Qqq 2 . . civibus

J. Ovven.

Camden. in
Brit. Durotrig.
pag 154.

Camden. in
Belg. pag. 173.

pag. 174.

civibus ita frequens, ut inter Britannicas post Londinum & Eboracum sit prima. Bristolenses mercaturam uberrimam per Europam exercent; & in remotissimam usque Americam excurrunt, ad id portus sui, qui in ipsum urbis sinum naves passis velis admittit, commoditate invitati. Avona etenim flumen Oceani irruentis aestu tantopere intumescit, quoties luna à meridiano fastigio devertit, locumque oppositum prætermeat, ut naves in vado hærentes ad undecim & duodecim ulnas extollat. Avona etiam, antequam in Sabrinianum æstuarium se exonerat, præaltis utrinque rupibus obvallatur: quarum altera ad ripam orientalem, sancti Vincentii nomine, adamantum adeò fecunda est, ut quis modios inde impleat; & existimationem pretiumque (nam uti duritie solummodò Indicis cedunt; ita eosdem colore translucido provocant; & quia laterum sexangulo vel quadrangulo levore à natura ipsa turbinati sunt, etiam vincunt) copiatantum invideat: altera verò ad ripam occiduam, non minus adamantum est ferax; quos cavi & rufescentes silices, ceu foetu gravidi, in se miro naturæ artificio & industriâ continent. Wiltoniam nobilitant Martis pul-¹³ li, & fortia incolarum facinora: multis quoque locis ex eo celebritatem nactis; potissimum tamen Edindono olim, ubi Alfredus Rex nobili, si unquam aliàs, prælio grassantem Danorum audaciam ita contuderat, & coegerat eos, ut conceptis verbis jurârint, se protinus ex Anglia cessuros; hodie verò Wardouro, eleganti castro,

stro, quod præcipuum debet splendorem Baroni suo, Joanni Arundellio, qui cum pio instituto in sacram militiam contra Turcos, juratos Christiani nominis hostes peregre profectus esset, ob singularem virtutem in expugnando Strigonio Hungariæ, honorariis literis ab Imperatore Rudolpho II. Comes Imperii fieri meruit, hisce verbis: Quòd fortiter & strenuè se gessisset in apertis præliis, & in civitatum & castrorum opugnationibus, & spectato fortitudinis exemplo in expugnatione opidi Aquatici juxta Strigonium vexillum Turcis suâ manu eripuerit, Ipsum, omnesque & singulos liberos, hæredes, & posteros & descendentes legitimos utriusque sexus natos, æternæque serie nascituros veros Sacri Imperii Comites & Comitissas creavimus, fecimus, & nominavimus, tituloque, honore, & dignitate Comitatus Imperialis auximus, & insignivimus, &c. Hantoniam verò, cum aliam multa, tum Southantonium, urbecula peramæna, facit illustrissimam; & præsertim ob heroicum illud potentissimi Canuti Angliæ & Daniæ Regis factum, quo assentatorem, omnia ad regis vultum & nutum converti asserentem, ibidem loci repressit. Et cum nulla factio in Principum aulis sit validior, quàm illa adulatrix: quæ, dum serviliter nimis gratiam aucupatur, Reipub. & Principum familiis pestem & interitum non raro accelerat: audi, Princeps, sapientiam Canuti; & una aulicos istos Placentinos animitus mecum detestare: Sedile suum Canutus (verba sunt Historici) in litore
Qqq 3 maris,

Huntingdonensis. Camden. in Belg. pag. 189.

maris, cum ascenderet, statui jussit. dixit autem mari
ascendenti: Tu meæ ditionis es; & terra, in qua sedeo,
mea est; nec fuit, qui impunè meo resisteret impe-
rio: impero igitur tibi, ne in terram meam ascendas,
nec vestes, nec membra dominatoris tui mædificas.
Mare verò de more conscendens pedes regis sine reve-
rentia mædificavit. Ille igitur resiliens, ait: Sciant om-
nes habitantes orbem, vanam & frivolum regum esse
potentiam; nec regis quæpiam nomine dignum,
præter eum, cujus nutui cælum, terra, mare, legibus
obediunt æternis. Nec unquam postea coronam sibi
imposuit, &c. *Nec minus Odiam, regis nunc ædibus
superba, & Davidis II, Scotorum regis, carcere nota,
quondam Episcopi Vintoniensis municipium, gentis
fortitudinem ab oblivionis injuriis tutam & securam
reddidit; cujus propugnaculum regnante Johanne tredecim
Angli quindecim diebus fortissimè contra Ludovicum
Francum, qui circumfuso exercitu acriter in-
vasit, defenderunt. In Bercheria quot occurrunt me-
morabilia? Readinga ostentat cineres Henrici I. Re-
gis, & Matildis Augustæ; quæ perinde ac Lampido il-
la Lacedæmoniarum regis filia, regis uxor, regis mater fuit:
ut & versus isti tumulo inscripti testantur;*

Ortum magna, viro major, sed maxima prole,
hic jacet Henrici filia, sponsa, parens.

*Ille fuit Henricus I. Rex Angliæ: iste fuit Henricus
IV. Romanorum Imperator: hic fuit Henricus II,
etiam*

pag. 194.

Matthæus Paris
Hist. Angl. pag.
272.Plin. Histor.
natur. lib. 7.
cap. 41.
Camd. in At-
trebat. Brit. p.
206.

*etiam Rex Angliæ. Sed Windesora merito familiam
ducit, amœnissima deliciarum domus, quæ multis re-
gibus cunas, hospitium, & sepulchrum præbuit. Et in
hac ad Galliam vincendam natus est Eduardus III. p. 207.
Rex bellicosissimus: qui, ad virtutem militarem
splendore ac præmiis magis excitandam, nobilissi-
mam Equitum auratorum societatem, in quam po-
stea magni Imperatores, Reges, Principes exteri, co-
optari honori summo duxerunt, hic itidem conscripsit.
In Surria Nonesuchum, secessus regius, omnium cir-
cumquaque ædificiorum luminibus obstruit; opus ab
omni artificum elegantia ita perfectum, ut omnem
Architectonicæ peritiæ in eo coacervatam esse, à na-
turæ solertia & situs oportunitate sic absolutum, ut
ipsa amœnitas, ubi cum salubritate una cohabitaret, non
aliam sibi sedem delegisse videatur. Per Suthsexiam
ferri venis passim fecundam, multisq; tam terræ,
quàm incolarum dotibus spectandam, ingredior Can-
tium. Hæc est nobilis Britanniarum portio: pra-
tis, pascuis, arvisque ubique læta; pomis ad mira-
culum abundans; nec non cerasis, quæ anno ab V. con-
dita DCLXXX^{mo} in Italiam à Ponto per L. Lu-
cultum devecta, & vicesimo supra centesimum post in
Britanniam translata, felicissimè hic proveniunt, ar-
boribus in quincuncem jucundissimo spectaculo dire-
ctis: villis, oppidis, & stationibus satis tutis frequens:
humanitate civium & olim & hodie celebris; bellato-
ribus tantæ virtutis præcellens, ut in procinctu exer-
citus*

Camden. in
Brit. Regn. p.
215.Plin. Histor. na-
tur. lib. 15. c. 25.Joan. Sarisbur-
ienensis in Poly-
cratico. Camd.
in Brit. Cantio.
p. 230.

pag. 231. *citus frons Cantianis, tanquam triarius, meritò inter
Anglos debeatur. Loca verò ante alia visenda sunt;
Grenovicus, regis ædibus splendidus, sed natiuitate
Reginæ Elisabethæ multò splendidior: Roffa; quæ in
p. 236. *Medweagonavale exhibet classi omnium, quas sol vi-
dit, bellico apparatu instructissimæ, & in omnia mo-
menta paratissimæ; ab Elisabetha Regina ad suorum
tutelam & hostium terrorem maximis impensis ædi-
ficatæ: Cantuaria, sedes Archiepiscoporum; qui ut
olim Pontificis Romani Legati, & veluti alterius, ut
p. 239. *dixit Urbanus II, orbis Patriarchæ erant; ita nunc,
abrogatâ Pontificum autoritate, Primates & Me-
tropolitani totius Angliæ dicuntur: Dubris, sive Do-
vera, in ipso cautium divortio considens,***

p. 243.
The Strait of
Calleis.

gemi quâ janua ponti
faucibus angustis, lateque frementibus undis,
Gallorum Anglorumque vetat concurrere terras;
p. 242. *trajectu in Galliam celebre est oppidum; cautumque olim
lege erat, ut nemo, qui religionis gratiâ peregre profici-
scretur, alibi trajiceret. Misso Cantio, in reliquam
Angliam abeo. Glocestriam urbs cognominis Gloce-
stria honestat multum; sed non tantum, quantum urbs
Oxonienfis Angliam universam. Est hæc situ saluber-
rima: siquidem planitiem ejus ita circumfident nemo-
rosi colles, ut hinc pestilenti Austro, illinc tempestuoso
Zephyro excluso, tantum serenantem Eurum, & A-
quilonem corruptionis vindicem admittant: est etiam
p. 267. *nitida publicè & privatim, undiqueque elegans; sed ca-*
put*

put pulchritudinis est, quod Academiam habet anti-
quissimam, & in quatuor nobilissimis, quæ sunt Ox-
onium, Lutetia, Bononia, Salamantica, primum; popu-
losissimam, & frequentissimam: quæ jam Eduardo pri-
mo regnante triginta millia Studioforum censuit. Et
quid de illo Collegiorum genere, ubi non tam docetur,
quàm alitur juvenus, & subsidia studiorum in certos
annos habet, dicam? Oxonium hîc magnificum est: ne-
que credam, in orbe terrarum simile nunc esse, addam
& fuisse. Magnæ ibi opes & vectigalia; bibliote-
cæ animatæ præsignes. Verbo Lipsii dicam: unum O-
xonienfis Collegium superet vel decem Belgica. Oxo-
niensis quoque fuit (ut nec hoc sileam). Richardus I.
Rex Angliæ, vulgò Leoninus, animi excelsi & erecti
plenissimus; Reipub. Christianæ, Anglorum gloriæ, &
paganorum terrori natus. Agrum Buckinghamensem
innumeri ovium greges, earumque mollia & tenuissima
vellera ab Asiaticis usque gentibus expetita; Bedfor-
diensem optimæ fabæ, suâ redolentiâ, dum in agro
sunt, odoram illam canum vim non sine venatorum in-
dignatione prorsus hebetantes; Hertfordensem Vero-
laniæ suo cive S. Albano, Stephano & protomar-
tyre Britannico, clarum, illustrant eximie. In Midle-
sexia autem plurima sunt ubiq; memoranda: sed Lon-
dinum, Britannici Imperii sedes, inter omnes Europæ
urbes eminet. Nihil non præclarum Londini, nihil
non pulchrum, nihil non excellens. & quorum bonorum
alibi magna raritas, quodque sequitur magna charitas
Rrr est;

Alb. Gentil de
laudib. Acad.
Oxonienfis. est
mater Acad. Pa-
risi nsi. Scipio
Gentil de juvif.
dict. lib. 3. c. 17.

ita scribit Ar-
machanus.
Camden pag.
270.

I. Lipsi in Lo-
vanio lib. 3. c. 5.

Camden. pag.
269.

pag. 279.

Camden. in
Brit. Catieuchl.
p. 286.

p. 293.

Cambden. in
Britan. Trinobantib.

Relatione d'
Inghilterra del
Tesoro Politi-
co, part. I.

Fitz. Stepha-
nus.

est; eorum Londini magna copia, & quod sequitur, magna vilitas est. Habet Londinum elementum, utrumque mancipio: habet solum latum; unde vix credenda omnium rerum affluentia & exundantia: habet Tamisim ad omnia servitia paratissimum, qui statis horis Oceani aestibus superbus, alveo tuto, praealto, & navium quamlibet magnarum & multarum capacissimo, tantas Orientis & Occidentis opes quotidie invehit & evehit, ut orbis Christiani emporia in certamen de palma venire cum illo non ausint. Stupent exteri intuentes sacra profanaq; palatia, & opera inusitati splendoris: arcem, quam Turrim Londinensem vocant, munitissimam: Bursam, quam Regina Elisabetha Excambium Regium dixit, ad negotiatorum usum; pontem saxeam XIX fornicibus, praeter versatilem unum, constantem, & speciosis aedificiis in formam plateae utrinque decoratum; Praetorium Comitum Parliamentariis & foris judiciariis dicatum; Regiam vere regiam; & templum Vestmonasteriense, plurimorum Regum, Principum, Magnatum & literatorum sepulchris, praesertim Henrici VII sacrario (quod Lelandus orbis miraculum vocavit) augustum; & San-Paulinam ad eam Episcopalem undiquaque ornatissimam. Ingentem praeterea populi multitudinem alere Londinum, vel hoc testimonio sit; quod jam olim Guilielmi Normanni seculo, facta hominum armigerorum ostensione, quadraginta millia peditum, equitum viginti millia sub signis eduxerit. quem numerum

Cambden. in
Britan. Trinobantibus. p. 313.

numerum nondum fuisse imminutum affirmabit ille, qui illic CXXI ecclesias, (quot nec ipsa Roma ostendit) praeter nosocomia & xenodochia numeraverit; & in paedotrophio orphanos plus minus DC. aliosque pauperculos circa MCCXL collata stipe sustentari viderit. Laudabo Londinum cum humanissimo & eruditissimo Lodinensi, Camdeno meo:

LONDINUM gemino procurrit litore longè æmula maternæ tollens sua lumina Trojæ, clementer surgente iugo dum tendit in Ortum: urbs peramœna situ, cœloque soloque beata, urbs pietate potens, numerofo cive superba, urbsq; Britannorum quæ digna BRITANNIA dici. Hæc nova doctrinis Lutetia, mercibus Ormus, altera Roma viris, Chrysa secunda metallis.

Essexiam virtus Johannis Hawkwood (Itali Aucuthum corruptè vocant) mirificè insignit; quem illi sic aestimaverunt, ut quaecunque is prosperè gessisset, & hostes & socii pro documentis & militaris disciplinae præceptis habuerint; postea etiam Senatus Florentinus propter insignia merita Equestri statuâ & tumuli honore fortissimum virum ornârit. Sed sunt alia tria Essexiæ decora, non contemnenda. Primum est ager Valdenensis, croco sativo blandissimus; cuius proventus est tantus, ut è singulis iugeribus octoginta, vel centum plus minus croci, dum humidum est, pondo colligantur; quæ siccata ad viginti pondo conficiunt. & quod peculiariter memoriae tradendum est; solum,

P. Jov. in Elo-
giis illustrium
viror.

Cambden. in
Trinobantibus.
pag 326.

Rrr 2 quod

quod tres continuos annos crocum protulit, bordeum sine
 stercoratione annos octodecim affatim profundet, de-
 nuoque crocum non recusabit. Secundum est sinus ma-
 ris, optimorum illorum ostreorum, quæ Angli Walliscot
 nominant, & olim Romanorum gula inter exquisitissi-
 mas retulit delicias, piscatu percelebris. Tertium est
 Centuria Dengy, ubi casearius operibus omnia fervent,
 virique muliebri officio oves mulgent; unde casei raræ
 magnitudinis conficiuntur, qui non modo per Angliam,
 sed etiam per exterarum regiones ad saturandos agrestes
 & opifices distrabuntur. Sed in Suffolcia pascuorum
 pinguedo laudem caseariam adhuc magis illuminat.
 Hic enim non solum, ut in Essexia, casei magno nume-
 ro; & magno cum incolarum commodo, qui eos in Ger-
 maniam, Galliam & Hispaniam, divendunt; coagu-
 lantur: verum etiam Placentinis iidem colore &
 sapore à peritis Medicis conferuntur. At quid case-
 os loquor? Suffolciam, imò totam Angliam, mirum quan-
 tum exornavit nuper Thomas Cavendishus, qui ter-
 tius à Magellano insigni gloriâ Orbem terrarum cir-
 cumnavigavit. Nortolcia ingeniorum versutissimo-
 rum, & feraciorum acerrimorum est alitrix; præter hoc
 tamen soli bonitas, quæ partim ex incolarum nitore, par-
 tim ex agriculturæ labore minimo, (ager enim vile quo,
 et à parte altera jumentum vomerem trahente, facile pro-
 scinditur) fructuque maximo, colligitur; & hæc cum pi-
 scatus, qui haud procul Norwico, urbe clarissima, to-
 tius orbis est copiosissimus; invidiam vicinorum difficul-
 ter

P 324.

P 320.

Camden in
Brit. Icems.

P. 334.

Pantaleon Me-
dicus.Camden in
Annal. Angl.
A. Chr. 1587.

Camd. p. 346.

P. 348.

ter amoliri possunt. Comitatus Cantabrigiensi univer-
 sus literatorum ordo annuos panegyricos & laudatio-
 nes solennes debet. Quis enim Academia Cantabrigiensi
 XVI pulcherrimis Musarum sacrariis sive collegiis,
 pariculis Oxonio numero, coruscanti; doctrinæ & eru-
 ditionis antistitibus, & omnium scientiarum alumnis
 florenti; & salutaribus contra ignorantiam & inscitiam
 scabiem thermis undiqueq; celeberrimæ; illud gratitu-
 dinis officium non præstet? Huntingdonensem ditio-
 nem ruris studium, sapientiæ consanguineum, non pa-
 titur latere in obscuro. Quin Gormonchestria, vicus
 ab agresti Philosophia ubique in Anglia laudatissimus,
 Reges Angliæ hæc itinerantes olim centum octoginta
 aratris, rusticam quædam pompam eductis, se excepisse
 etiamnum gloriatur. Northantonia ostendit nobi-
 lium villarum, oppidorum, & ecclesiarum raram mul-
 titudinem. alibi enim XX, alibi XXX plus minus,
 sacræ pyramides simul oculos jucundo spectaculo pa-
 scunt: & longè lateq; excurrentes campi ovibus, ut fe-
 re ubique in Anglia, sunt quasi obsesti. Leicestria pro-
 pter carbones fossiles Coleovertonenses, quos in vici-
 nas provincias ad extruendos focos liberali manu di-
 stribuit, meritò benè audit. Lincolniam amplissima
 urbs Lincolnia, avorum memoriâ quinquaginta sacris
 palatiis clara; nec non Sempringhamia, religioso &
 mirabili Gilbertinorum ordine celebris; facile contra
 temporis & hominum injurias cum posteritatis ap-
 plausu vindicant æternitati. Nec fraudat suis en-

pag. 357.

pag. 367.

Camden. in
Brit. Coritanis
pag. 374.

pag. 387.

pag. 406.

pag. 402.

p. 54. ^{to} *comiis Nottinghamiensem provinciam Vorkensopum, latissimo glycyrrhizæ proventu nobile; nec Dar-*
 p. 519. ^u *biensem optima cerevisia Darbiensis, & potissimum pars terræ occidentalis ultra Derwentionem plumbi feracissima; ut Chymistæ, qui planetas tanquam criminis reos ad metalla damnant, Saturnum, quem plumbo præficiunt, Anglis animo esse benigno, quod plumbum concesserit, Gallis infenso, quibus denegavit, ridiculo errore tradiderint.* ^{Warwicensis pagus variis ferri venis dives fabriles operas plurimum juvat.} ⁶ *Vigornia autem per salinas suas nobilissimas; atque insuper pyra sua, & ex horum vinoso succo fictitium vinum, Pyrry dictum; fluviatiles quoque murænas, quibus in Sabrina circa Holtium, Beauchamporum castrum, vivarium fecisse videtur natura; cujusmodi olim crescente luxu excogitarunt Romani; non immerito honorum brabejum ambit.*
 p. 420. *Staffordia plurimum laudis & fructus haurit è piscoso Trenta: quem imperiti quidam à Gallica dictione Trente dictum somniarunt; unde etiam sinxerunt triginta fluvios in illum influere, totidemque piscium genera in ea natæ, quorum nomina rythmo Anglico decantant accolæ. in mirabilem autem lacus Staffordiensis naturam; de quo Nechamus ita:*

rugitu lacus est eventus præco futuri,
 cujus aquis fera se credere nulla solet:
 instet odora canum virtus, mors instet acerba;
 non tamen intrabit exagitata lacum:

in

inmirabilem, inquam, naturam inquirat Plinius aliquis, & Physicorum sagacissimus ordo. *Salopia* ^{la-} ^{Camd. pag. 454} *tatur suæ metropolis scholâ numerosissimâ, cui Minerval honestissimum Thomas Aston primus Scholarcha, vir optimus & integerrimus suâ operâ comparavit; & fonte Pitchfordensi, cui liquidum bitumen indies, quamvis diligentissimè despumetur, innatat; perinde ac in Asphaltite Judææ lacu, in Samosatæ stagno, & Agrigentino Sicilia fonte.* ^{Se-6} ^{p. 456} *Stria æquè ac Vigornia penâ salarium est: hæc tamen dignatione floret maximè, quod nulla alia Angliæ provincia plures Equestres familias in censum ferre possit.* ^{Herefordia, si ulla alia regio, alendis frugibus nusquam non mitissima; nobili marmore, & præterea Lemsterianâ lanâ, cui (exceptâ Apulâ & Tarentinâ) palmam relinquunt reliquæ Europææ omnes, beata est.} ^{Radnor, Brechinia, Comitatus Monumethensis, & Glamorgania, supra alias eximias dotes, piscibus undiquaque, & nominatim salmonibus, trutis, umbris, abundant.} ^{Ex agro Maridunensi, Penbrochia, & Ceretica, tribus non ignobilibus provinciis, tria tantum recito.} ^{Ex illa primum est, fons non longè Mariduno distans, qui, ut scribit Giraldus, naturali die bis undis deficiens, & toties exuberans, marinas imitatur instabilitates.} ^{Ex ista est alterum, portus Milfordensis, quo non alter est in Europa aut nobilior, aut tutior, tot angulos recessibus, tot portuosus stationibus distinctus: ubi}

exarma-

Camden in Britan. Cornav. p. 432.
 In Comitatu Vorcestrensi & Salopienfi sepes omnis est onusta *Crustum*, *Syrind*, *pyris*, *gracibus*, *Solomia*.
 Merc. Brit. in Mundo altero. lib. 1. cap. 2. 12

in libro, de laudib. div. sapientiar.

Camd. in Brit. Silurib.

Camd. in Brit. Dimer.

p. 504.

p. 510.

exarmatum terris cingentibus æquor
clauditur, & placidam discit servare quietem.
Ex hac tertium est, fluminis Trvii ad Kilgarranum,
p. 512. *lapsus ex alto præceps; salmonis saltum dicunt; eò quòd*
salmones interiora fluminis ex Oceano petentes, cum
obstaculum hoc occurrit, caudam ad os replicant, inter-
dum etiam ad majorem saltus efficaciam caudam ipsam
ore comprimunt, dumque à circulo hujusmodi se resol-
vunt, cum impetu quodam, tanquam virgæ circulatæ
explicatione, se ab imis ad alta cum intuentium ad-
miratione transmittunt; ut scitissimè scripserit Au-
sonius:

Ausonius. nec te puniceo rutilantem viscere salmo
transierim; latæ cujus vaga verbera caudæ
gurgite de medio summas referuntur in undas.

Montgomeriam laudant equi laudatissimi; quorum
Cambden. in
Brit. Ordovici-
bus. pag. 524. *illa est fecunda genetrix: Merviniam prædicat lacus*
Pimble meare, quem Deva fluvijs integer transmeat,
exitq̃ tantus & talis, quantus & qualis venit; adeò ut
p. 530. *nec Guiniad, peculiare lacui pisces, in Deva videas;*
nec Salmones, qui sunt in Deva frequentes, in lacu ca-
pianur.

Jo. Lelandus. Illud habet certè lacus admirabile dictu;
quantumvis magnâ pluviam non æstuat: atqui,
aëre turbato, si ventus murmura tollat,
excrefcit subito rapidis violentior undis,
& tumido superat contemptas flumine ripas.

Camd. p. 535. Arvoniam pretiosam facit Conovius fluvijs, conchas
alens,

alens, quæ cælesti rore gravis margaritas parturiunt.
Ditionem Denbighiensem & Flintensem convalli-
um incredibilis amœnitas, salubritas, & ubertas; in-
colarum quoque firma sanitas & annosa senectus, spe-
ciosi titulis efferunt. *In Eboracensi provincia, totius*
Angliæ patentissima, numerus eorum, quæ simul &
oculos & animos contemplantium singulari jucundi-
tate reficere possint, excrefcit multum. Est ibi Hudle-
stonia latumianobilissima; è qua lapides cum primum
excisi, sunt molliores; vento autem & aëre indurati,
evadunt solidissimi. Est ibi fons Dropping Well,
in quem quicquid ligni immititur, lapideo cortice bre-
vi obducitur, & lapidescit. Est ibi agrorum tractus,
quem dum anseres illi immansueti, hyberno tempore
lacus & fluvijs in Australibus partibus non congelatos
gregatim petentes, transvolant, in terram non sine sum-
ma omnium admiratione subito decidunt. Est ibi in
litore circa castrum Moulgrave succini nigri copia,
sive Gagatis, quem inter rariores lapides gemmasq̃ ha-
buerunt veteres; aitq̃ rectè Poëta,

nascitur in Lycia lapis, & propè gemma Gagates:
sed genus eximium fecunda Britannia mittit,
lucidus & niger est, levis & lævissimus idem:
vicinas paleas trahit attritu calefactus,
ardet aqua lotus, restinguitur unctus olivo.

Est ibi Scarborough, castrum in editissima rupe, in
cujus subjecto mari balecum piscaturam Hollandi &
Zelandi exercent quæstuosissimam; venià prius ex
Sss castro

Camden. in
Brit. Brigantib.

pag. 567.

pag. 570.

pag. 587.

pag. 587.

Marbodæus de
geminis.

Camd. p. 586

castro veteri instituto impetratâ. Veniam enim p̄-
secandi semper concesserunt Angli, honore sibi reserva-
to, utilitate verò exteris quasi per desidiâ resignatâ.

pag. 570.
E. Wilfrids
Needle.

Est ibi Ripponense templum; quod S. Wilfridi acus
avorum ætate fecit celeberrimum. ista erat angustum
in cryptoporticu foramen, quo mulierum pudicitia
explorabatur: siquidem id castæ transibant facile; sed
quæ famæ dubiæ, nescio quomiraculo constrictæ deti-
nebantur. Est ibi Halifax, est Kingstonium, oppida

pag. 564. & p.
78.

mercatoria magni nominis; illud ex re pannaria, hoc
ex Islandiæ piscibus induratis quaquaversum diven-
dendis, ingentes divitias consequutum. Est ibi, quod

pag. 556.

primum dicere debui, Eboracum; Brigantum, gentis
fortissimæ, & apud meliores autores imprimis celebratæ
caput; urbs Angliæ secunda, ampla, munita; opibus,
operibus, civibus, & Archiepiscopali sede, illustris: &
si priscorum temporum dignitatem observare veli-
mus, uti decet, Imperatorum Augustâ sede illustrissi-
ma. In hac enim Severus Imperator palatium suum

l. r. C. de rei
vindicat.

habuit, unâ cum Antonino Augusto rescripta dedit, &
animam in hæc verba exhalavit: Turbatam Remp.
ubique accepi; pacatam etiam Britannis relinquo. In
hac anno post Severi obitum plus minus centesimo Fl.
Val. Constantius, cognomento Chlorus, Imperator om-
nibus virtutibus & Christianâ pietate insignis, mor-

Paul. Jovius in
Brit. Baronius.
Sed vide J. Lip-
sium de Magnit.
Rom lib. 4. cap.
11. & notas.

talitatem, cum prius ex priore conjugæ Helena Bri-
tanna Constantinum Maximum (an Eboraci, non
certè constat, constat certè in Britannia) suscepisset,
exple-

explevit: in hac Constantinus Max. Romanæ urbis
liberator, quietis fundator, publicæ libertatis auctor,
patris spiritum excepit, & Imperator salutatus est.

Sed pergo in Richmondiam: cujus montes ære, plum- Camd. p. 391.

bo, & carbone fossili gravidi, sunt grati. gratior est
Swala fluvius, antiquis Anglis meritò sacer habitus;
cumin eo, uno die, quando Angli primum Christo
initiabantur, plusquam decem millia virorum, præter
fœminas & parvulos, à Paulino vitali baptismo fe-
stivâ lætitiâ fuerint regenerati. gratissima est no-
bilis Medcalforum familia, totius Angliæ his tem-
poribus numerosissima; cum nuper Christophorus
Medcalfus, trecentis equitibus ejusdem familiæ &
cognominis, eodem amictu, stipatus, Justiciarios

pag. 593.

Assissarum Eboracum deduxerit. Episcopatus Du-
nelmensis agri fertilitate cum agricolarum laboribus
certant, & non rarò vincunt. Lancastriæ boni-
tatem æstimare licet ex incolarum habitudine, qui
ab aspectu sunt inprimis decori; & ex bobus, qui sunt

p. 592.

proceris cornibus & composito corpore, nec Mago-
nis Carthaginensis apud Columellam censuram refor-
midant. Westmorlandiæ oppidum Kandle, lani-
ficii gloriâ cum primis præcellit. Cumbriæ Oceanus
piscibus repletus est optimis, & negligentiam accolis,
minus gnæviter piscaturam exercentibus, quasi expro-
brat. Quid? quod in amniculo Irt, mare petente, con-
chæ ex rore, quem veluti maritum appetunt, oscitatio-
ne quâdam hausto, fiunt gravidae, margaritasque sive

pag. 610.

p. 624.

p. 630.

p. 631.

Cicero in Epist.
ad Atticum.Cambden in
Britan. Octa-
vin. p. 658.Matth. Paris
histor. Anglic.
p. 683.

baccas concheas pariunt; quas accolæ residente aquâ venantur, gemmariis vendunt minimo, & hi postea revendunt maximo. Habet insuper Cumbria æris venas opulentas, non sine auro & argento, jam olim inventas: sed à Daniele Hochstettero Germano Augustano nostro tempore denuo repertas: tantum abest, ut Ciceronis illud verum sit; neque argenti scrupulum esse ullum in insula Britannia. Nec Cæsar, si has novisset fodinas, Britannos importato ære uti scripsisset; cum hæc & aliæ ærariæ non solum universæ Angliæ sufficiant, verum etiam magna vis quotannis exportetur. Ultima autem Angliæ provincia est Northumbria: sed primis existimatione par. Incolæ enim sunt bellicosissimi, & velites optimi; cumq; omnino Marti se quasi consecrarint; non est inter eos quispiam melioris notæ, qui suam turriculam aut munimentum non habeat.

Haftenus, optime Princeps, bene magnam Britanniae partem, Angliam nempe, illam Innocentii IV. Pont. Max. elogio verè hortum deliciarum & puteum inexhaustum, quâ potui brevitate & festinatione tantum non pervolitavi; & ostendi, satis amplam & illustrem felicitatis terrenæ partem ultra Oceanum, in fortunatissima Britannia hodie sitam esse. Dolco verò hoc unum maxime, nobis omnibus simul nunc non esse occasionem oculis aestimandi admiranda & singularia Angliæ quævis; quod si fieret; quâvis sponsione certaverim, neminem non vestrum meam jejunam
nimis

nimis & sterilem laudationem in negligentia culpam tracturum, & exclamaturum, Auget præsentia famam. Licet verò de Britannia hic plura profari videri possit intempestivum: tamen, si & reliquas provincias, laudibus suis inclitas, vel uno veluti ictu in speculo vobis monstravero, nemo, uti spero, mihi vitio vertet: præsertim cum omne Britanniarum imperium, quod non ita pridem Angli & Scoti separatim possidebant, nunc unus & solus Jacobus, verissime Magnæ Britanniae Rex, felicissime gubernet. Ubi de meminisse non possum fatalis & regalis illius saxi, quod olim Kenethus, Pictis ad internecionem occisis, ex Hibernia in Argatheliam translatus in Scona celebri monasterio Regibus Scotorum consecrandis ligneâ cathedrâ inclusum collocaverat; atque id postea Edwardus I. Rex Angliæ Vestmonasterium deferendum curavit; de quo vaticinium vulgò jactitatum, & cui felicitas JACOBI nuper fidem fecit, est istud:

Ni fallat fatum, Scoti quocunq; locatum

Inveniunt LAPIDEM, regnare tenentur ibidem.

At quid præclarum dixi de Anglia, quod non possim æquè dicere de Scotia: quæ cum Anglia veluti una urbs eadem fossa, mari scilicet, circumambitur? Sita est illa commodissime, & ita æstuariis undique intersecta, ut nulla domus in ea sit, quæ aquam marinam ultra viginti leucas excludat. Nulla etiam toto orbe regio volatilium, omnisq; generis avium, & ferarum, quæ aucupis atque venatione parantur, uber-

sss - 3 tate

Vide Camden-
in Scotia: Pau-
lum Jovium in
Scotia: Georg.
Buchananum,
& H. Boëthi-
um, de rebus
Scoticis.

tate copiosior: nulla fluminibus, lacubus, & toto denique oceani litore piscosior: nulla majoris minorisq; pecoris carnibus abundantior; & ita delicatæ sunt, ut ferinis præferantur; et plures bubulæ summam saporis dignitatem attribuant. Tanta verò ubique venatio se se offert, ut vel recta & quotidiana convivia tripartitis cœli ac terræ marisq; ferculis onerentur. Non exspatiabor in singulas provincias; & naturæ miracula maximaq; beneficia, hinc inde in hunc Septentrionis angulum confertim collata, silentio jam obibo. Si enim tantum aurifodinam, inter Craufordiæ tesqua tempore Jacobi I V. Scotiæ Regis repertam, è qua Azurum quotidie fere sine ullo labore eruitur; & si Sutherlandiæ ex candido marmore surgentes montes, dignis laudibus exornarem: omnem Philosophorum turbam, frigidas istas plagas omni auro omniq; carere marmore Dictatoriâ majestate pertinaciter nimis asseverantium, planè confunderem; & vobis desiderium plura cognoscendi nunc importunè moverem. Hoc verò sit omnibus instar omnium miraculorum: Scotiam bonarum frugum adeò probum proferre triticum; ut cum pane Scotico, sanè candidissimo, levissimo, & maxime solutili; nullus prætereà tota ex Europa comparari mereatur. Nimius quoque sim, si viginti propè seculis illustrissimum regni sceptrum, (& est à primo Fergusio Jacobus Britannicus Rex hodie centesimus octavus) si Nobilitatem copiosam, & bellatricem, si populi ingentem probitatem ac fidem,

(datur

Jul. Scaliger de
Subtilit ad Cardan.
Exercit. 140. & Exercit.
200.

Gu: Barclajus
lib. 1. cont. Monarchom.

(datur enim honoris causâ ob eximiam fidem hoc Scotis militibus in Gallia, ut singulari privilegio jam à Carolo V. concessa custode Regii corporis sint præcipui; ita ut inter tria satellitia Scoti stipatores obtineant locum primum, Helvetii secundum, Galli verò ultimum) si item urbes & oppida insignia nec vulgari-ter culta & ornata, si præter alia admiranda plurima, Glascuensium & Denanensem Academi-
as, describere velim. De ingeniis autem Scotorum excitatissimis judicium ferre nemini erit arduum, qui Bel-
lendenos, Blacuodæos, Balfuræos, Abrenethæos, Sanclaros, Cadanos, Strachanos, Barclajos, Schar-
pios, Leythos, Duncanos, Andrefonos, Hegatos, Vimæos, Burnatos, Chreistios, Ridæos, Ramfæos, Si-
baldos, Hirdæos, Matthifonos, Dazellos, Primroseos, Melinos, Gelios, Ihonstonos, Cragios, Curerios, Val-
læos, Lautæos, Stuartos, Lumisdanos, Leslæos, Pen-
drichos, Tamfonos, Magillos, Brusæos, Neperos, & tot alios longè clarissimos et præstantissimos Musarum
alumnos noverit; aut qui vel unum Georgium Bucha-
nanum virum ingenii felicitate & scribendi faculta-
te, quod eius scripta ad omnem posteritatem victura te-
stantur, incomparabilem, cognoverit; quem mortuum
veris laudibus extulit Jos. Scaliger, hoc epitaphio:

Postquam laude tuâ patriam, meritisque beâsti,
Buchanane, tuis Solis utrumque latus:
contemptis opibus, spretis popularibus auris,
ventosæque fugax ambitionis, obis;

præmia

Cambden. in
Scotia. p. 69.
P. Jovius in
Scotia. Claud
Malingre en l'
Histoire de
Louys XIII.
Roy de Fr.

Thomas Demp-
sterus in Epist.
ad Jac. Regem
Brit. Romanis
antiq. præfixa.

Thuan. histo-
ria. lib. 76.

Joseph. Scal-
ger.

præmia quina quater Pisæ functus olivæ,
 et linquens animi pignora rara tui:
 in quibus haud tibi se anteferant, quos Italia vates
 terra dedit; nec, quos Gallia mater alit,
 æquabunt genium felicitis carminis; & quæ
 Orbis habet famæ conscia signa tuæ.
 Namque ad supremum perducta Poëtica culmen
 in testat, nec quò progrediatur habet.
 Imperii fuerat Romani Scotia limes,
 Romani eloquii Scotia finis erit.

Cambd, de Hi-
 bernia, & Insul.
 Britannicis.

*Ex Scotia in adjacentes, & confines, & subditas Bri-
 tanniæ insulas trajicio; inter quas primaria est Hiber-
 nia; quam Richardus Strighulæ & Penbrochiæ Co-
 mes, vir infracto animo, & projectissimis brachiis,
 Strongbow cognominatus, quòd arcu intentissimo
 uteretur, & nihil levi brachio ageret, Anglis primus
 suâ virtute aperuit: regio, sive terræ fecunditatem,
 sive maris & portuum opportunitatem, sive incolas re-
 spicias, qui fortes sunt, ingeniosi, corporum lineamen-
 tis conspicui, mirificâ carnis mollicie, & propter mus-
 culorum teneritudinem, agilitate incredibili, à multis
 dotibus ita felix; ut non malè dixerit Giraldus, Natu-
 ram hoc Zephyri regnum benigniori oculo respe-
 xisse. Temperies cœli locique hîc est incomparabilis:
 nec Cancris calor exæstuans compellit ad umbras; non
 Capricorni rigor ad focos. Prata ibi adeò luxuriosa,
 herbis non lætis modò, sed & dulcibus, ut etsi exigua
 diei parte pecora se impleant; & nisi pabulo prohibean-
 tur,*

Mela.

*tur; diutiùs pasta dissiliant. Et pecorum quidem
 multitudo tanta, ut Comitatus Letrimensis angusto il-
 lo, quo circumscribitur spatium, uno tempore supra cen-
 tum viginti millia pecorum capita numerarit. Equi
 passim optimi; quos à mollißimo incessu Hobinos An-
 gli vocant, ob idq̃ delicatis expetuntur, & in Gallia
 Italiâque nobilioribus fœminis dono dantur. Sed &
 apum tot tantaque examina; ut non solum in alveariis,
 sed etiam arborum truncis, & terræ cavernis reperi-
 antur. Præterea nullus hîc anguis, nec venenatum
 quicquam. Hoc autem summæ gloriæ est proximum:
 cum Romani vix ullam regionem præterierint, quam
 non depauperârint spoliando, devastando, & in servi-
 tutem cogendo: Hibernia tamen indigenâ virtute il-
 lorum grassationes longissimè rejecit. Et quæ major
 laus est, et cum gente duratura; Religionis Christia-
 næ incrementa Hiberni diligentissimè procuraverunt.
 Nam Patricius, natione Britannus, qui multò maxi-
 mam Hiberniæ partem ad Christum convertit, & pro-
 pterea Hibernorum Apostoli nomen meruit, & ejus
 discipuli, tantos progressus in re Christiana fecerunt,
 ut subsequenti ætate Hibernia Sanctorum patria di-
 ceretur, & Scotiis in Hibernia & Britannia mona-
 chis nihil sanctius, nihil eruditius fuerit, & in uni-
 versam Europam sanctissimorum virorum colonias
 emisserint; quibus Luxovium Burgundiæ, Bobiense
 Italiæ, Herbipolis Franconiæ, S. Gallus Helvetiæ,
 Malmesburia, Lindisfarna, & quamplurima alia in
 T t t Britan-*

P Jovius in Hi-
 bernia.

Britannia, monasteria originem debent suam. Ex Hibernia enim fuerunt Cælius Sedulius Presbyter, Columba, Colmannus, Aidanus, Gallus, Kilianus, Maidulphus, Brendanus, & alii plures vitæ sanctitate & doctrinâ illustres. Longè tum alia Monachismi quam recentis & nuper instituti facies erat. Re ipsâ cupiebant esse, quod dicebantur: nihil fucatum illis, nihil personatum placebat; simplicitatis erat, non malitia, longè minus pertinaciæ, si qua in re errabant. Opum autem & rerum seculi tantus illis contemptus, ut eas non solum non ambirent, sed oblatas etiam & hereditarias respuerent. Præclarè enim Columbanus, & ipse ex Hiberniæ monachis; qui à Sigeberto Francorum rege magnificâ pollicitatione, ne regno suo decederet, invitatus hoc ipsum respondebat, quod & de Thaddæo Eusebius retulit; Non decere videlicet, ut alienas divitias amplecterentur, qui Christi nomine suas dereliquissent. Quinetiam Anglo-Saxones priscâ illâ ætate in Hiberniam, tanquam ad bonarum literarum mercaturam, undiq; confluxerunt; unde de viris sanctis sapissime in scriptoribus Anglicis legitur; Amandatus est ad disciplinam in Hiberniam: & in Sulgeni vita, qui ante sexcentos annos floruit,

*Exemplo patrum commotus amore legendi,
iuit ad Hibernos Sophia, mirabile, claros.*

*Reliquarum insularum, quæ circumcirca Britanniam
veluti famulae, iussu nutumve Dominae expectantes
& observantes, respiciunt, vix iniri potest nume-*

rus;

rus; nedum laudes hoc tempore colligi in compendium. Occurrunt ibi, è Sabriniano freto per Hibernicum mare in extremam Scotiæ partem velificantibus, Flat-holme, Stepholme, Barry Caldey, Londey, Gresholme, Stockholme, Scalme, Ramsey, Berdsey (hæc olim tot sanctis viris culta, ut præter Dubricium & Merlinum Caledonium vicies mille Sanctos hîc conditos antiquæ referant historiæ) Mona (hæc quondam Druidum sedes, hodie tritici proventus sic beata, ut mater Walliæ vulgò audiat) Prestholme, Menavia, sive The yle of Man, The calfe of Man, (hæc marinis avibus, quas Puffins; & anatibus illis, è ligno putrefacto enatis, quas Angli Bernacles, Scoti Clakes & Soland Geefe vocant, abundantissima) Arran, Buthe, Hellan, & Hellan Tinoc. Inde confertissimæ jacent Ebudes, quas Scoti Westernæ Iles dicunt, & XLIV numerant. Hinc ad ortum æstivum si litora legantur, Orcades, nunc Orkney, XXX plus minus, interfuso Oceano discernuntur; ex quibus Mainlandia stannique & plumbi ferax est. Magis ad Arcton sedet Thule, nostris Schetlandia, Poetis celebratissima, LXIII gradibus ab Æquinoctiali definita. In ipso autem mari Germanico conspiciuntur Bas (quanta marinorum volatiliū præsertim anserum copia suo tempore huc advolat; suâ enim, ut ferunt, multitudine in serenitate solem adimunt: quot pisces iidem adferunt; siquidem centum præsidiariores milites, qui

Ttt 2

hic in

Paul. Jovius in
Britannia.

hic in praesidio egerunt; non alio cibo usos perhibent, quam recenti pisce ab hisce delato; quantum ramusculorum ad nidos construendos convehunt, ut abunde hinc incolis de materia ad ignem sit prospectum; quantum lucri ex horum plumis & oleo factum, adeo fidem superat narratio, ut vix credat, qui non viderit) conspiciuntur, inquam, in Germanico mari Bas, May; Keth, Inche Colme, Holy Iland, Farne, Coquet, Canvey, Scheppey; & in Britannico Vecta, quae jam Anglis The ysle of Wight, & Whigt, dicitur: (hujus incolae facete gloriari solebant, quasi reliquis beatiores essent; quod cucullatos monachos, caufidicos, & vulpes non habuerint) Gersey, Garnsey (haec nihil venenosum; & nullum bellum habet, gaudetque ex veteri Angliae Regum privilegio induciis perpetuis: siquidem Gallis aliisque, licet bellum exardescat, ultro citroque huc sine periculo venire, & commercia secure exercere licet. Smyris item lapis durissimus & asperrimus hic inter cautes reperitur: quo gemmarum lapides expurgant scinduntque, & vitriarii vitrum diffidunt.) Serke, Alderney, Arme, Les sept isles, isle de Bas, Sillinae circiter CXLV, Ushant, Sayn, &c.

Atque ut jam tandem in portum sententiae dicendae invehit vela orationis contraham, sic censeo. Cum Britannia natura & arte ita munita sit, ut nullos hostes timeat; ita opibus indigenis & alienigenis abundet, ut avaritiae & luxuriae pruritus lassent: ipsimet autem Britanni pietatis & virtutum meritis veteribus
ac

ac novis totum Christianum orbem ita sibi obstrinxerit, ut nullibi major occurrat debitorum obligatio; navigationum felicitate ita excellant, ut etiam ipsi Antipodes eorum victricia signa adorent; domi pacis artibus sub imperio sapientissimi Regis IACOBI ita floreat, ut fortunam sibi fingere aliam non possint: censeo, inquam, Britanniae & Britannis honorum Dietaturam decerni, & omnes alias Europae & Orbis nationes populosque illis supremam gloriae laurum offerre debere. Haec mea est sententia super Relatione tua, excellentissime Princeps: quam in honorem gentis Anglicae symbolo Garterii Ordinis adhuc firmo; & dico, Honny soit il, qui mal y pense.

P T I N C E P S

FRIDERICVS
ACHILLES, &c.

D I C T U

WOLFGANGE BARO
Stubenbergi.

Ttt 3

ORA-

VVOLFGANCI BARONIS STU- BENBERGII,

pro

BRITANNIA.

VBERRIMÈ ET ELEGANTER, INCLYTE Princeps, pro Britanniarum primatu dixit charissimus cognatus meus Eubesius aldiæ Baro: sed cum in illa rerum incredibili copia, & in ista temporis penuria, plurima necessario prætermissa fuerint, non debebant tamen omitti, qui sunt inter omnes Europæos longè principes & generosissimi, CANES

Claudianus lib.
3. de laud. Stilic.

Cambden. in
Scotia. p. 702.

Symmach. lib.
2. Epist. 77.

magnaue taurorum fracturi colla Britanni. Et si hunc Claudiani versum minimè ad Caledonios Silvestres tauros traxerim; qui candidi, & dense instar leonum jubati, admodum sunt truculenti, feri, & ab humano genere adeò alieni, ut abhorreant ad aliquod tempus, quæcunque homines vel manibus contrectaverint, aut halitu perflaverint; certè canum impetus non sustinent tantum, sed etiam contemnunt omnino. At verò Britannicorum canum ferocitatem ita Roma olim admirata est, ut ferreis caveis putarit advectos: quos etiam in Amphitheatralibus illis & aliis venationibus

nationibus ad pugnas emittere solebat. Equidem in Notitiarum libro Procurator Cynegii in Britannis Ventensis memoratur: ubi licet Jacobus Cujacius legat Gynæcii, & sacrum textrinum interpretetur; iuxtaq; sentiat Guidus Pancirolus, qui existimat, illa Gynæcia constituta fuisse texendis Principis militumque vestibus, navium velis, stragulis, linteis, & aliis ad instruendas mansiones necessariis: tamen Vvolfgangus Lazius aliter statuit, censetq; Procuratorem illum canes Imperatoribus in ista Venta, quæ Belgarum dicebatur (erant enim in Britannia præter illam & aliæ duæ Ventæ, altera Silurum, & altera Icenorum) curavisse: quæ opinio si error est, eruditus profecto error fuerit; cum & Suidas Cynegium locum esse dicat, in quo feræ conficiebantur, à canibus sic appellatum. Verum Britannicorum canum summa laus in eo olim consistebat, quod & milites essent, prisciq; Galli etiam in bello eorum operâ uterentur. Reperiuntur enim valde robusti, audaces, ac prodigiosa magnitudinis; qui herum vel contra armatos hostes egregiè tuentur; cum admirabili ingenio fideq; depugnent, illisq; etiam innata vis sit humanæ propè scilertiae, ut furum, sicariorum, maleficorumq; hominum vestigia indefessâ indagine insequantur, & tantâ pertinaciâ, ut nec clausæ portæ, nec objecta flumina remorari possint, donec fugitivos deprehenderint, vel latebris ad pœnam eruerint. Nec ambigo, quin ob singularem illam præstantiam canum, quos

Cuiac. in paratit. ad tit. 8. Cod. lib. 11.

Pancirol. com. in Not. Occid. c. 38.

Strabo Geogr. lib. 4.

P. Jovius in Scotia Sim. Major. de dieb. canicularib. Thos. Dempster. Antiq. Rom. lib. 2. ad cap. 7. Paralipom.

magna

Aurel. Nemesi-
anus in Cynege

G. Buchanan. in
Epithalam. Fr.
2. Valesii.

Balæus Sudo-
volca de scri-
ptorib. Brit. Bu-
chanan. rer.
Scot. lib. 4. An-
dreas Tiraquel.
de Nobilit.

*magna BRITANNIA gignit
veloces, nostrique Orbis venatibus aptos,
inde factum sit, quod Scoti ante cunctas alias gentes
studium venandi semper coluerint. Namque
illa pharetratis est propria gloria Scotis,
cingere venatu saltus, superare natando
flumina, ferre famem.*

*Et sanè ante natum Assertorem humani generis, Anno
CCLXX^{mo}, Dornadilla Maini filius Scotorum Rex
præcepta venandi scriptis commisit, & subditis suis
servanda proposuit: quæ leges & nostro adhuc ævo ceu
sacræ observantur. Verùm hæc tantum in canum gra-
tiam, quos inter bestias diligo maximè, hic dicere volui:
in cæteris Eubeswaldiæ Baroni per omnia adsentior.*

PRINCEPS

FRIDERICVS
ACHILLES, &c.

DICTU

DANIEL WENSINI.

ORA-

DANIELIS

von Wensin/Holfati,

contra

BRITANNIAM.



*Nemo bonus Britto est. Atq; hoc jam olim, Augustissime Præses, inter proverbia fuit.
Quod licet ego de omnibus Britannis pro-
ferre non possim: certè majestas JACOBI
Regis incomparabilis, virtus & gloria tot fortissimo-
rum, præstantissimorum, humanissimorum, doctissimo-
rum, honestissimorum Britannorum, longè aliis titulis
decoranda est: tamen hoc dicere possum, neque Britan-
niam undiquaque bonam, neque Brittones undiquaque
bonos esse. Et quemadmodum mare Anglicum est in-
fidum, atque à Beerfleeto Normanniæ ad medium us-
que canale scopulis & cautibus quasi constratum; in-
ter quas Guilielmus, Henrici I filius, Angliæ & Nor-
manniæ hæres, dum è Normannia in Angliam trans-
mitteret, luctuoso naufragio, cum sorore, fratre notho,
& aliis è flore Nobilitatis submersus est: sic Britan-
norum & Britannia dotes, undique & undique spinis,
& sentibus, & dumetis sunt obsessæ; inter quæ boni mo-
res enatant difficulter, naufragium faciunt facilimè.
De singulis Britanniarum regnis aliquid sigillatim di-*

Aufonius in
Epigram.

Camd de Insu-
lis Britannic. p.
853
A. Chr. 1120.

Vuu cam,

Lib. Dornadilla Maini filius Scotorum Rex

eam, & eo ordine, quem tu Paule, Eubefwaldia Baro, observasti.

Alferic. Gentil.
de Unione re-
gnor. Britann.

Camd. in Bri-
gantib p. 564.

Bodin. de Rep.
lib. 5. cap. 1.

P. Cominaus
lib. 6. Thuan. hi-
stor. lib. 4.

Camd. de Brit.
prim. incolis.
pag. 11.
Cicero Divina-
tion. lib. 2. Am-
Marcel. lib. 21.
Ovidius Meta-
morphos. lib. 15.
fab. 47.

Equidem ANGLIA angelica non est: & quod tua laudationi, Paule Baro, non paulum decerpit, non satis est habitatoribus plena: poscitque plures, quam habet colonos. testis terra: testis mare: testes peregrinorum colonia. & adhuc ea passim inculta, ne dicam inarata. & pagi plurimi testes, deserti ac desolati: & de quibus etiam in aliquo Parlamento querela oblata. testes etiam piscationes externorum ad litora Angliae; & hominum illorum, hinc quaestum ducentium, viginti amplius millia. testes reliquae navigationes; quas sustinere Angli non sat possunt, non satis abundantes copia eorum, qui navigare aquas qui servare repostas valeant terras. Quin saepe in fertilissimis Angliae locis plurima ovium millia, & pauculi homines conspiciuntur: quasi ovibus & bobus homines cesserint, vel ab ipsis devorati fuerint. Ingenia autem Anglorum sunt maxime varia & mobilia: & uti illi consilio superantur à Gallis, ita quoque superstitionis vanitate vincunt Gallos. Tribuunt vaticiniis plurimum, & cum de rebus arduis tractant, in medium semper aliquid tale adducunt; adeoque vel Milesiis fabulis avidam admovent aurem, & ineptissimis praedictionibus superstitiosam vel spe, vel sollicitudine statim credunt. Atque ut Tages, genii filius, aruspicinam suis Hetruscis effinxit.

Indigenae dixerunt Tages, qui primus Etruscum Edocuit gentem casus aperire futuros:

ita

ita Merlinus Maridunensis, incubi filius, vaticinia, imò mera Orestis somnia suis Anglis tradidit; quo nomine etiamnum apud credulam plebem celeberrimus est. Sanè, cum Galli superiori seculo Februum castellum in Scotia ab Anglis detentum caperent, inter captivos Anglos quidam sacrificus repertus est, homo tantam concordiam, ut etiam contumeliosis verbis victoribus illuderet, Gallosque in Angliam venisse diceret, ut vice equorum aratro terram verterent, servatis Anglorum in usum belli equis, cum quibus propediem in Galliam essent descensuri, ut eam sub jugum mitterent: id enim indigenas vates suos praedixisse, quibus non minorem, quam Dei verbo fidem adhiberet. cum ergo is Gallos praeter opinionem victores cerneret, tantum maerorem animo ex indignatione concepit, ut in terram prostratus clausis oculis nec cibum capere, nec coelum, quod victores Gallos videre tulisset, adspicere ad mortem usque voluerit. Quae communis Anglorum de illis nugis fanatica opinio multum vero religionis cultui detraxit: & non minus nationem infamavit, quam civis ille pessimus, haesiarcha virulentus, Pelagius; qui in gratiam DEI iniquissimus damnatos errores in Orientem, Palestinam, Africam, Constantinopolim, Italiam, Siciliam, Gallias & Britannias,

Camd. in Brit.
Dimet. p. 504.

An. Chr. 1548.

Thuan. Histor.
lib. 5.

Beda Eccles. hi-
stor. Anglor. lib.
1. cap. 10. Camd.
in Brit. Cornav.
pag. 457.

Prosper Aquitanus.

pestifero vomuit coluber sermone Britannus. In literis autem Angli hodierni ut sint aliqui cum doctissimis & literatissimis totius Europae conferendi: tamen gens tota quantum discit à majorum gloria?

Vuu 2 Quam

Quàm rari hodie sunt Alcuini, rari Bedæ, rari Vvnefridi, qui rudem orbem erudiant? Quis non statuât mecum, Anglos adeoq̃ Britannos universos, in re literaria à Germanis, Gallis, Italis, Polonis, infinitis parafangis superari? Quam priscæ laudis jacturam aut ad singulare & occultum fatum refero, aut ad supinam hominum ignaviam; quâ supra modum diffluunt Angli. Fæminæ præsertim huic scenæ ritè inserviunt; quæ cum deformes non sint, verentur, ne vel ex solis radiis nigrescant, aut ex pulvere nævum contrahant, aut ex laboribus duris occalleant; ideoq̃ se mitellis, larvis, & galeris diligenter communiunt, & manuum candorem contra quasvis æris tempestates perpetuo chirothecarum usu sedulo vindicant; more omnium tam communi, ut etiam rusticæ non minus familiariter istis curiositatibus studeant, quàm apud nos Aulicæ & Nobiles. Utinam verò fæminæ Anglicæ, quemadmodum olim ab Anna Regina, Regis Richardi II uxore, Imperatoris Vvenceslai sorore, Imperatoris Caroli IV filia, eam infidendi equi formam, quæ hodie in usu, didicerunt; cum antea parum decorè, & sexui parum convenienter, divaricatis tibiis perinde ac viri obequitarent: utinam, inquam, & à nostratibus fæminis Germanis artem otii honestè fallendi, quæ in rei familiaris curatione consistit potissimum, apprehenderent, & jugi operâ excercerent! At viri, quales? Turpiter torpent: ut propterea piratæ maris mediterranei, si quos capiunt, eos tanquam ad laborem inutiles vilissimo

Eman. Meteoran. lib. 13.

Camden. in Brit. Regnis pag. 214.

Bodin. de Rep. lib. 5. cap. 1.

simo pretio addicant. Habent mare piscosissimum: sed mera ignavia facit, ut à vicinis pisces emere cogantur. Nec diu est, cum plerique artifices & opifices in Anglia peregrini & exteri, & aurifabri Londini penè omnes fuerunt Germani: Anglis interea gulæ voluptatibus (& ferunt, Anglos totius culinæ disciplinam, epularumq̃ apparatus, cum in Gallia latè imperarent, Gallis & Belgis tradidisse) & rebus nihili, atque adeo histrioniarum jugiter operam dantibus; in qua sic profecerunt; ut jam apud nos Angli histriones omnium maximè delectent. Sed qui sunt isti homines? Sunt ludiones, sunt mimi; quos Imp̃. viles & inhonestos appellant, indignos, qui in honesto loco adnotentur si ve collocentur; quos etiam, quia quæstus causâ & propter præmium in scenam prodeunt, famosos esse, Pegasus & Nerva filius responderunt. Verum otiosa mens, in mille facinorum discurrens furias, quærit, quomodo nihil agendo malè agat: qua in re video Anglos operosissimos. Nam cum sint illi ab humanitate plerunque alieni, & exterorum contemptores: (quoniam infelicem & semihominem eum putant, qui aliibi quàm in Britannia sit natus; eum porro longè infelicissimum, cui extra insulam in aliena terra spiritum atque ossa reliquisse contigerit) sunt etiam fastosi & superbi. Et ut hunc pravum adfectum prodant publicè Nobiles Angli, more veterum Gallorum, qui plurimos circum se ambactos clientesq̃ habebant, ingentem affectantium famulorum cohortem, longè supra

Em. Meret. Histor. Belg. lib. 15.

Paul. Jovius in Britannia.

l. si qua 4. C. de spectacul. & scenicis. lib. 11.

l. 2. §. final. ff. de his. qui not. infam. vide Per. Greg. Tolos. in syntag. jur. univers. lib. 39. cap. 4. & Alb. Gentil. de Actorib. fabular.

Gio. Bat. Adriani lib. 11. Thuan. hist. lib. 44.

P. Jovius in Britannia.

Cæsar. de bell. Gall. lib. 6. Camden. de primis Brit. incol. p. 12.

Alb. Gentil. in
Mercur. Brit.
lib. 2. cap. 2.

Thom. Morus
lib. 1. Utopiæ.
Je pensois, (di-
cit quidam,) que la vertu de
destobber fust
seulement
pratiquée en-
Angle terre:
là ou quel-
ques Gentils-
hommes mes-
me se passent
Bacheliers &
Maîtres es arts
en telle science.
Camden. in Bri-
tan. Cartieuchl.
pag. 297.

Johan. Naucler.
Chronogr. vol.
2. generat. 39.
Helmoldus lib.
1. Chronic. Sla-
vor. cap. 81. Phi-
lip. Moræus in
Hist. Papatus.

G. Camden. in
Apparatu An-
tal. Anglic.
Thuan. Histor.
lib. 1.

vanitatem Hispanicam, secum trahunt: quos tamen
quàm tractent liberaliter, communi hoc innuitur veri-
verbio; Angliam foeminarum paradisum, fervorum
purgatorium, & equorum infernum esse: republicâ
gravissimum tamen inde sentiente incommodum; dum
otiosi illi stipatores, qui nullam unquam quærendi victus
artem didicere, familiâ ejecti, ne esuriant strenuè, la-
trocinantur strenuè, & furantur ita ingeniosè; ut An-
glia jam etiam ex ipso Nobilium ordine Baccalaureos
& Magistros in scientia furandi ostendere possit. Ex-
emplum autem fastus ad omnem memoriam detestabile
dedit Nicolaus Breakspere, in Comitatu Hertfordien-
sis Langleii natus: qui creatus Pontifex Romanus,
(Hadrianus IV. cognominatus) eò insolentiæ proces-
serat, ut Imperatorem Fridericum Barbarossam ob-
jurgarit, supra modum incandescens; quòd ille nomen
suum Imperatorium in literis præposuerit Pontificio;
& ipsius Hadriani de equo descendens sinistram sta-
piam tenuerit, cum dexteram tenere debuisset; frustra
Friderico excusante, nunquam se stratoris officio fun-
ctum, & culpam non devotionis, sed scientiæ defectui
adscribendum esse. Sed prætumidos hosce spiritus tan-
dem musca interclusit, quæ in os Papæ involans spiri-
tum ejus præclusit & exclusit. Hadriano huic non
impar, quin typho fuit major, proximo seculo Thomas
Vvolsæus, qui vili & sordido loco natus (quippe La-
nii filius) sed tantâ ambitione & superbiâ præditus,
ut gravis proceribus ac Nobilitati, postremo Regi
ipsi

ipsi Henrico VIII. molestus fuerit. Is ad summam
dignitatem favore Regis evedtus, Vintonii Episco-
pus, Eboraci Archiepiscopus, dein etiam in Cardina-
lium Collegium cooptatus, ac legatione amplissimâ or-
natus omnia regni negotia administrabat. Itaque
Cæsar Carolus V, qui sciret quantum suâ interesset ami-
citiam Anglorum cum Burgundis olim initam conser-
vare, summo studio enitebatur, ut Vvolsæi gratiam o-
mni cultu & observantiâ demereretur; adeò ut etiam
in literis, quas ad eum crebras nec alterius quàm suâ
manu scriptas dabat, Filii nomen & Cognati in sub-
scriptionibus apponeret. Et ut vanitatem hominis ma-
gis inflammaret, spem dederat fore, ut Leone X mor-
tuo votis Cardinalium in Pontificem eligeretur. Ve-
rùm cum Leoni contra spem Hadrianus VI suffectus
fuisset, & præterea indignaretur Vvolsæus, Archiepi-
scopatum Toletanum sibi à Carolo negatum esse, mox o-
dium, quod huc usq. implacabile Cæsaris contemplatio-
ne in Gallos exercuerat, in Cæsarem vertit. Igitur
de Henrici animo & ingenio certior, qui Catharinam
conjugem, foeminam moribus sanctissimis & Hispani-
câ gravitate, sed sæpius abortientem, post XVII an-
nos fastidiebat, eam occasionem opportunam injuriosè
lacessendi Cæsaris ratus Vvolsæus, Regi scrupulum
injicit, nuptias illas cum Catharina, quæ pri-
us fuerat Arthuri fratris ipsius uxor, lege divinâ es-
se prohibitas; Deumq. in has tam injustas nuptias iram
effudisse, qui prolem masculam semel atque iterum
susceptam

susceptam superesse noluerit; nec aliud quicquam expectari posse, quam ut funesta illa bella nuperrimè consopita novis cladibus resuscitarentur, nisi de legitimo regni herede certò constiterit. Illam iccirco repudiandam, ut omnis scrupulus Regi ex animo tolleretur, ejusque animæ tot annos incestu pollutæ, & simul regni salutis ex certa legitimæ prolis successione consulere-
tur. Licet autem Rex hisce Vvolsæi artibus, qui simul quoque Francisci Gallie Regis sororem Margaritam ei commendaverat, à Catharina penitus fuerit alienatus: tamen ubi rescivit Vvolsæus, Henricum non tam Galli ad finitatem appetere, quam insanum amorem, quo Annam Thomæ Boleni Equitis filiam prosequeretur, nullo rerum suarum & regie dignitatis respectu explere velle, ille negotium de divortio, quod curandum susceperat, multis tergiversationibus & procrastinationibus de industria frustrabatur: quo factum, ut gratia sensim exciderit, & aliquantò post à Thoma Havarto Norfolcio comprehensus Vintoniensi Episcopatu se abdicare fuerit compulsus, moxque in aulam evocatus, ut se Regi sisteret, in itinere ex animi mœrore decesserit. Erat homo ille ingentis fortunæ suæ incantamentis ita fasciatus; ut potentia suæ ostentator scriberet Ego & Rex; ut insignia sua Cardinalitias supra Regis insignia loco statueret & præfigeret eminentiori; ut denique familiam & aulam instrueret immensis sumptibus splendidissimam, & vel Regiæ parem: in qua (quod in viro subdito fidem superat)

Vide Polydor.
Virgil. in hist.
Angl. G. Ca-
vendish in vita
Vvolsæi. II.
Vwake in Rege
Platonico.

rat) assiduo famulitii obsequio aderant, Comes unus, Barones novem, Equites & Armigeri multò plurimi, aliique non pauciores quam quadringenti; homines adeò omnes corporis animique lineamentis commendabiles, ut etiam ex inferiori ejus famulorum ordine Rex sexdecim simul in selectissimi satellitii sui numerum cooptaverit, ceteri verò omnes eo merito, ut à Vvolsæo jam declinante monerentur, ne cuiquam infra Regiam dignitatem dignarentur famulari. Quid verò nunc dicam de flagitiosis Anglici otii ministris libidinibus? Quæ natio Anglicam in hac perversæ & aversæ Veneris palæstra exuperat? Quis nescit, jam olim Bonifacium Echeldobaldo Regi scripsisse, gen-

e. figens Anglo-
rum 56. Di-
stinct. Ber-
mond. Chove-
ronius com-
ment. in tit. de
publ. concu-
binar.

Nicol. Sande-
rus de Schism.
Anglic. lib. I.
Histoire &
Martyre de la
Royned'Escof-
se, imprimé à
Paris, A. C.
1589.

Cambden in
Annal. Angl.
An. 1583.

Xxx

aper-

Camd. in appa-
ratu ad Annal.
Angl.

Camden. in
Annalib. Angl.
A. Ch. 1585.
Isaac. Vvake in
Rege Platoni-
60.

apertum fame obstruxit in Hibernia) & ab aliis
malevolis in odium religionis ad infamiam Henrico,
& Reginae Elisabethae natalibus, inurendam ne-
quiter confecta: tamen in illa sex conjugum vicissitu-
dine; quarum secundam & quintam securi percussit,
primam & quartam repudiavit, tertiam in partu
perdidit, sextam superstitem reliquit; quot & quantas
uxorius ille Henricus insanivit insanias? Atenim
fortissimi & strenuissimi sunt Angli. Ita quidem tu
existimas, Eubermaldiae Baro: & ego ita existimem,
si in Tabaccanis tabernis bellum sit gerendum. Nam
ex quo Fr. Drakus cum sociis Indicam illam plantam,
quam Tabaccam vocant et Nicotiam, quā contra cru-
ditates ab Indis docti usierant, in Angliam attulerunt;
illa inde usu capit esse creberrimo & magnopretio; dum
quamplurimigraveolentem illius fumum, alii lascivien-
tes, alii valetudini consulentes, per tubulum testacum
inexplebili aviditate passim hauriunt, & mox e naribus
efflant; adeo ut tabernae Tabaccanae non minus quam ce-
revisiariae & vinariae passim per oppida habeantur, et
Anglorum corpora (quod falsè Jacobus Rex dixit)
qui hanc plantā tanto opere delectantur, in barbarorum
naturam degenerasse videantur: cum jisdem, quibus
barbari delectentur, & sanari se posse credant. Extra
jocum: ut maxime credam, Anglos in Gallia olim potuis-
se aliquid: tamen cum hodie in Gallia nec habeant, ubi
vel pedem ponant, ecquid aliud est illa priscae fortitudi-
nis gloria, quam hodiernae imbelliae exprobratio, & de-
gene-

generantis posteritatis locuples testimonium? Equidem
cum Carolus VII. Galliae Rex, bonus magis quam felix,
mortuo patre laceri regni sceptrum capesseret, jam tum
Henricus V. Anglus Gallicos agros, viros, et oppida late
possidebat, eoque postea Carolum perduxerat angustia-
rum, ut inter jocos Biturigum Regem ipsum (Bituriges
enim tanquam arcem tutissimam, furentis fortunae im-
petum in ea excepturus, elegerat Carolus) appellitare non
erubesceret. Sed adversus istam Anglorum vim divina
providentia supremo Galliae bono mox excitavit duos
fortissimos Equites, Stephanum Hiram, & Potonem
Xantraliū; quorum conspectus non minus jucundus
Gallis debuit videri, quam Romanis olim Castor et Pol-
lux extitēre, ex equo pugnare visi in acie, dum A. Post-
humus Dictator cum Octavio Mamilio Tusculano di-
micaret. Nihil verò, si singula percurramus, tam firma-
vit vacillantem Galliam, quam adventus Joanne puellae
fatidicae, ex Lotharingia Galliae suburbana oriunda,
nisi caelestem civem dicere malimus; quippe cum supra
humanam virtutem se se bellicis factis dictisque sapien-
tissimis extulerit. Anglos enim obsidionem Aureliani
solvere coegit: multis praeliis fudit: multis urbibus ex-
uit: demum ad Compendium ab hostibus capta, & Ro-
tomagum traducta, ibi flammis exusta est; ut scilicet
quasi aurum excoctum splendidiorē animam redderet
Deo. Moriens illa veluti ex testamento Gallis reliquit
prosperitatem eandem, quam vivens iisdem ubique attule-
rat. Nunquam enim ex eo tempore desierunt pessum ire
Xxx 2 Anglo-

Aemilius in Ca-
rolo VII. Poly-
dorus Virg. in
Henrico V. St.
Forcatulus de
Gall. Imp. &
Philos. lib. 7.
Nicol. Gill. Je-
an. de Serres in
Carolo VII.
Eng. Monstre-
let. volum. 2.
Chron. in Car.
VII.

Cicer. lib. 2. de
nat. Deor.

Anglorum conatus, & sponte sua festinabat ad Gallos victoria, rotæ exemplo ex clivo in præceps labentis: & quidem cum Joanne Talboto Comite Salopiense, magno duce, omnis simul Anglorum potestas in Gallia corruit; ita ut nihil illis reliqui citra Oceanum fieret, præter Caletum & contributa illi castella; quæ tamen omnia postremo Guisio duce Henricus II Gallorum Rex expugnavit. At memoria ejectorum Anglorum etiamnum in primariis Gallia urbibus per est jucunda, civibus semper recens, & cum odio in insulanos illos æternum duratura. Ita Aurelianenses quotannis die VIII Maji, supplicationibus publicè decretis, gratulabundi civitatem obeuntes ad pontem procedunt, ibique ad crucem in honorem suæ liberatricis Joannæ erectam, ubi inhibitus perhibetur irruentium Anglorum impetus, re divinâ peractâ in urbem redeunt. Appellant autem ἐξ ὀνόματος vernaculè La feste de la ville. Ita Rotomagenes XII^{ma} Augusti celebrant anniversarium in memoriam exactorum cum urbe, tum totâ Galliâ Anglorum. Ita quoque Rupellenses, quod hodie ex civium corpore Majorem Scabinosq̃ legant, qui urbis politiæ præsent; quod nullam peregrinorum gubernationem admittere cogantur; quod nullis militum præsidis divexentur; quod arcis à suis pomæriis arcendæ jus habeant; hæc & alia amplissima privilegia consecuti sunt, cum exturbato Anglorum præsidio se Gallia Regi Carolo V submitterent. Verum quæ hodie nihil potest in Gallia: quidnam domi potest Anglia? Profecto

P. Merula Cosmog. p. 2. lib. 3. c. 22.

P. Merula ibid. c. 30.

P. Merula, ibid. c. 34. Jod. Sincerus in Gallia itinerario.

fecto non ita multum. Capi potest unicâ pugna intra viscera ejus commissâ: quia caret urbibus & arcibus ad ferendas obsidiones idoneis. Sic facili negotio Britones pulsi sunt per Saxones: hiper Danos, & Normannos. Et cum bellis civilibus principes familiae Lancastrensiū & Eboracensiū inter se exarsissent, non amplius semestri spatio ter amissum & recuperatum regnum fuisse legimus. Quamobrem candidè & verè Anglus Historicus: Anglia, inquit, exterorum habitatio, & alienigenarum dominatio. Et si inter ipsos vicinos Scotos & Anglos instituat collatio; quoties Angli succubuerunt? quoties profligati sunt? Henricus Percius, Comes Northumbriae, & tum limitis Orientalis Angliae Præfectus, multas suorum clades ferens indignissimè, coactis amplius septem⁹ millibus hominum in Scotiam irruit, ultioni frenos laxaturus: sed illum rustici & pastores genere crepita culorum, quibus cervos & pecora absterrent, ingenti strepitu in proximis collibus edito ita turbaverunt, ut in toto exercitu tumultuatum &, Ad arma, clamatum sit, Angliq̃ jumentis unâ cum equis amissis, & relictis impedimentis, fugientium modo domum redierint. Quid sub Conquæstore contigit? Nonne repleta fuit Scotia captivis Anglicis; ut nec villula, nec domuncula illic diu potuerit sine his inveniri? Equidem ex diuturnis & cruentis bellis inter Anglos & Scotos enatum odium, tandem capitale & hereditarium factum est; quod etiam nullâ superiorum Regum

J. Bodin de Re-pub lib. 4. c. 5. P. Matth. in Histor. Henr. I V. lib. 7. narr. 1.

Malmesburiensis. & vide Alb. Gentil. de unione regnor. Britan.

G. Buchananus rer. Scotie. lib.

Hovedenus. Alber. Gentil. de unione regnor. Britan.

Jacob. Rex lib. 3. Basil. doxi.

Paul. Jovius in
Scotia.

Pet. Matth. in
Hist. Henric.
IV. lib. 7.
narr. 4.

Comment. Pii
2. lib. 6. Poly-
dor. lib. 17. Alb.
Gentil. de jure
bell. lib. 2. cap.
16.

Cambden. in
Brit. Icenis p.
336.

Cambden. in
Brit. Cornavili
p. 428.

*amicitiâ, vel cognatione, aut foederum tabulis extin-
guipotuit. Et Rex IACOBUS, Princeps, in quo ne
invidia quidem inveniat, quod calumniatur, nomen
magnæ Britanniae Regis hac maxime de causa assump-
sit, ut animos invicem abalienatos communi nomine
sociaret, & simul Scotos demulceret; aliter torvum
visuros, si ille in titulis Angliam Scotiae anteponeret.
Licet autem interdum Angli domi forisq; victoriis potiti
sint; (neq; enim eos facio omnino imbelles) tamen illis
plerumq; usi sunt valde crudeliter: ut in nobili illa pugna,
quâ Gallicum Imperium fere pessunderunt, fecere
testatum: ubi, cum plures captivos haberent, quam ipsi
victores essent, veriti nocturna pericula, selectis nobi-
lioribus cæteros trucidarunt, victoriâ ipsâ magis cruen-
tâ, quam ipsum prælium fuit. Et videtur aliâs ingeni-
um Anglorum ad sævitiam occulto quodam naturæ du-
ctu nimis propendere; ita ut in crudelitatis exercitio
etiam voluptatem confectentur. Eduardus enim IV
Rex, dum fratrem Georgium Clarentiæ Ducem post
graves inimicitias in gratiam receptum, tandem tamen
in carcere dolio vini Cretici immersum inaudito car-
nificinae genere delevit; ecquid aliud, quam volupta-
tem in crudelitate spectavit? Leofricus, primus Con-
ventriæ dominus; dum in cives commotior durissimis
illos tributis oppressit, & ea nullâ aliâ lege mitigari
voluit, Godivâ uxore obnixè intercedente, nisi ipsa
nuda frequentissimam urbem partem obequitaret; (quod
& præstitit) ecquid aliud quam ludum immanitati
miscuit*

*miscuit? Robertus Comes Salopiae, dum filios suos &
obsides suis ipse manibus exocularavit & castravit; ec-
quid aliud quam sanguinis sui voluptuarium edidit
munus? Et quid Angli in Mariæ Scotiae Reginae
morte, post XX annorum carcerem, venati sunt a-
liud? O tempora! O mores! Eone rem rediisse,
ut Francia & Scotia, & ut multi addunt, An-
glia Regina, in ipsa Angliâ, tam crudeliter, impiè,
& contumeliosè habita; ut à carnifice attrectata, se-
curis ictibus repetitis decollata, caputque illius in
sublime elatum plebi commonstratum fuerit? O pes-
sime Davisone! qui licet surdaster non esses, pessimè ta-
men audivisti; quando condemnationis tabulas contra
voluntatem & jussu dominæ tuæ prodidisti, & sen-
tentiae executionem festinasti. O immisericors Elisabe-
tha! quæ Mariam capitis damnavisti. Si enim cognata
tua morte digna fuit; si tibi jus in illam fuit; (& si for-
sit an illud fuit, hoc tamen vix fuit) cur non mortis illud
genus morte ipsâ pejus in aliud commutavisti? cur non
aspidis morsus carnificis ictibus, aut Atheniensium ci-
cutam securi Anglicæ prætulisti? cur passa es infamem
lictorem, ipsâ infamiâ viliozem, in caput mortuæ Ma-
riæ, & in tuum sanguinem, dicteria & jocos jacere?
Hoc factum totam tunc Europam in varios raptabat
adfectus & censuras; nemine non infelicitatem Mariæ
deplorante; bene multis novi exempli rigorem in Elisa-
betha execrantibus; cum etiam Galli cæteris populis
magis exacerbatî hisce versiculis Anglos compellarent;
Anglois*

Cambden. in
Brit. Cornavili
pag. 453.

Pet. Matth. in
Hist. Henrici
IV. lib. 6. narr.
2. & vide Emme-
Meteran. hist.
Belg. lib. 13.

Cambden. in
Annal. Angl.
A. C. 1587.

Estien. Pasquier
des Recher-
ches de la Fran-
ce, liv. 5.
chap. 17.

Vide carmina
in obitum Ma-
riæ Scotiæ Re-
ginæ edita.

Anglois, vous dictes, qu' entre vous
un seul Loup vivant on ne trouve.

Non : mais vous avez une Louve,
pire, qu' un million de Loups.

Quid verò censeam, amice Baro Paule, de Regum & subditorum in Anglia concordibus inter sese adfectibus? de miti & benigno illorum imperio? de facili & paratissimo istorum obsequio? quos utrosque ita tu commendas, ut inter eos omnium divinarum humanarumq; rerum cum benevolentia & charitate summa sit perfecta consensio. Sed evolve annales, & discas, non vanam Porphyrii exclamationem fuisse; Britannia fertilis provincia tyrannorum. Vis testimonium clarius? Nimrodus vocatus est robustus venator: quod plerique Theologi interpretantur, illum fuisse præpotentem tyrannum: cum venationes immodicæ Principum & Magnatum animos moresq; non raro in Reipub. & subditorum perniciem efferare soleant. Sed ubi terrarum plures unquam fuere Nimrodi, quàm in Anglia? Ubi major vivariorum multitudo? quæ jam ante secula aliquot in eum numerum excreverant, ut plura fuerint in una Anglia, quàm in reliquo orbe Christiano universo. Ex quo insano venandi & cum feris conversandi studio quanta profluxerunt mala? Quales populi querimoniae auditæ sunt? Sarisburiensis paucis verbis multa comprehendit: Quod magis mirere, ait, pedicas parare avibus, laqueos texere, allicere nodis vel fistulâ, aut quibuscunq; insidiis supplantare, ex edito

Cambden. in
Britan. de Ro-
man. p. 50.

Moses in Gene-
si. cap. 10. Aeg.
Hunn. Quæst.
in Genes. c. 10.
Osiand. in not.
Bibl. d. l.

G. Mor. de jure
venandi p. 1. c. 2.
n. 74.

Cambden. in
Brit. Dobunis.
p. 266.

J. Sarisbur. in
Polycratico.
Cambd. in Brit.
Attrebat. pag.
210.

cto sæpe fit criminis; & vel proscriptione bonorum mulctatur, vel membrorum punitur salutisque dispendio. volucres cœli & pisces maris communes esse audieras: sed hæ fisci sunt; quas venatica exigit, ubicunque volant. manum contine, abstine; ne & tu in pœnam læsæ majestatis, venantibus cedas in prædam. à novalibus suis arcentur agricolæ, dum feræ habeant vagandi libertatem: illis ut pascua augeantur, prædia subtrahuntur agricolis; sationalia insitiva colonis; cum pascua armentariis & gregariis, tum alvearia à floralibus excludunt: ipsis quoque apibus vix naturali libertate uti permissum est. Verum Angliæ tyrannis ut non in venationibus tantum, ita nec in uno duntaxat Rege vires & virus suum exeruit. Et quemadmodum aspis non vagatur nisi cum compare; atque alterutrâ interemptâ incredibilis alteri ultionis cura; persequitur interfectorem pertinacissimè: sic Angliæ tyranni malitiæ successoribus caruerunt nunquam. Quinetiam Regum tyrannis ipsos subditos fecit tyrannos: adeoque turbulentis Regis Stephani temporibus tot erant in Anglia tyranni, quot castellorum domini; singulis sibi jus pecuniæ signandæ & aliæ majestatis jura arrogantibus. Certè Angli ex Regibus XL civili conspiratione duodecim; atque annis triginta sex, quibus bella civilia Philippi Cominæ ætate gesta sunt, regiæ stirpis homines amplius LXXX interfecerunt. Unde & Maria Scotiæ Regina, cum magno animo mortis sententiam in se latam audivisset,

Plin. histor.
natur. lib. 8. cap.
23.

Cambden. in Bri-
tan. Belgis. pag.
199.

J. Bodin. in Me-
thodo Hist. cap.
5. & 6 & de Re-
pub. lib. 2. cap.
5. lib. 4. cap. 7.

Cambden in An-
nal. Angl. A. C.
1586.

Yyy

imma-

immanitatem Anglorum acriter perstrinxit hisce verbis: Angli in suos reges subinde cædibus sævierunt; ut neuiquam novum nunc sit, si etiam in me eorum sanguine natam itidem sævierint. Quid? quod etiamnum Angli sub optimi, & omnium, quos sol intuetur, clementissimi Regis JACOBI imperio, animos immanes & tortores non deponunt. Quod enim, obsecro vos, Auditores, post homines natos conjuratione pulveraria majus aut horribilius scelus fuit unquam susceptum? quod ferina crudelitatis tetrius exemplum legistis unquam editum? Ut Populus Romanus unam cervicem haberet, Caligula, Principis furiosi & humani sanguinis avidissimi, votum fuit; sed votum tantum: Angli verò, non voverunt illi quidem fortasse, ut universa Anglia cervicem unam haberet, uno ictu præcidendam; sed quod longè majus est, subtilissimam rationem novi Sisyphi vel Auto-lyci excogitarunt, quâ id ipsum fere in Anglia effectum darent, quod Romæ Caligula voluit, nec potuit. Regem enim, Reginam, Principem Henricum, cum fratre Eboracensi Duce, item cunctos regni procures, cunctos Episcopos, cum ipso flore cæteri ordinis Ecclesiastici, magistratus præterea majores omnes, minores plerosque omnes, nec non aliam populi multitudinem infinitam, uno impetu disflasse, & in aërem impulsos (ô crudelitatem!) membratim ac frustillatim discerpisse; quid futurum erat aliud, nisi totius Angliæ caput unâ veluti cervice nixum ampu-

Jfac. Casaubon.
in Ep. ad Front.
Ducaum.

amputasse, & reliqui corporis trunco vitam eripuisse? Et ô perduellium impietatem! Joannes Grant è conjuratis unus, jam jam ad supplicium ducendus, in suscepto negotio adeo nihil fuisse delicti contendit; ut è contrario consideret, generosi incepti id esse meritum, quod pro satisfactione omnium suorum in omni vita peccatorum abundè sufficeret. Et alius sicarius, Guido Fauxius, nihil præter suum in facto exequendo errorem deplorans, illud à DEO in lucem productum, DEO auctore inceptum, sed Diabolo indice impeditum fuisse, truculentâ voce testatus est.

Caspar. Ens
Annal. tomo 5.
lib. 3. de tragœ-
dia Anglic.

Ceterum his prætermisissis, juvat etiam cursim obire plerasque Angliæ provinciolas; & ostendere, singulas peculiare & plures nævos habere, qui singuli totam nationem deturpare possint. Te alloquor, Euberswaldi Baro: quid causæ est, quod Pyrrhocoracas Cornvallisicos, illas incendiarias & furunculas aves omisisti? Quid causæ est, quod non statim piratas Cornwalllicos, imò Britannos omnes, veros Oceani Pyrrhocoracas, aurum Peruvianum sublegentes furunculos; juratos publicæ fidei hostes, laudavisti singulariter? Etsi in Americanis Fr. Draki expeditionibus dilaudandis satis superq. morbum animi prodidisti: cum Rhetoricâ dicendi libertate ex vaserrimo archipirata Jasonem, & ex infami myoparone navem cælestem faceres: ubi tamen nominatim addere debebas, Draconem illum, cum in portu San. Juliani

Cambden. in
Brit. Danimo-
niis. pag. 137.

Cambden. in
Annal. Anglic.
An. Chr. 1580.
Thuan. Histor.
lib. 71.

patibulum invenisset à Magellano seditiosis puniendis erectum, ibi Joannem Doughtejum Anglum Nobilem, virum gnarum & animosum, atque ab ipso secundum, veluti gloriæ æmulum ad mortem nimis inclementer damnavisse; Draconem illum Hispanorum crudelitati Lusitanum, quem in Africæ ora ceperat, ad Aguatulcum nimis barbarè reliquisse: Draconem illum bellam Nigritam, ab Hispano, cujus navi pepercerat, donatam, & quæ in ipsius navi compressa fuerat, jam prægnantem in insulam nimis inhumanè exposuisse: Draconem quoque illum in Angliam reversum nihil tulisse impatientius, quàm quòd primarii aliquot in aula viri oblatum ab eo aurum respuerent, quasi piratico scelere partum: & denique Elisabetham Reginam Draconicas illas opes, ut præsto essent, si Hispaniarum Rex repeteret, sequestrando seposuisse; uti & postea grandis pecunia Petro Seburæ Hispano, qui licet nulli ab institutoribus mandata haberet procuratorio nomine restitutionem persequeretur, numerata fuit; quam dominis minimè restitutam, sed in usum Hispanorum in Belgio militantium conversam fuisse serò fuit deprehensum. Quid verò memoriam adeò debilitavit tuam; ut infœcunda Devonix latifundia, cum primis solum Exoniense, vix steriles avenas, & plerunque inanè folliculum sine grano producens, reticueris? ut quoque Henricum Exoniæ Ducem, qui et si Regis Eduardi IV. sororem duxerat, tamen laceris vestibus nudisq; pedibus in Belgio miserè victum quærere visus fuit,

Malmesburien-
sis. Camden. in
Darmoniis.
p. 147.

p. 149.

fuit, præterieris? Quid obstitit, ut in Dorsetia saltum candidi cervi, qui vernaculâ gentis linguâ, The forest of White hart, est celeberrimus, non pererraveris? in quo, cum olim Rex Henricus III. venaretur, & cervo pulcherrimo parceret, quem postea T. de la Lynde cepit & occidit: ille in istum & affeclas decumanos irarum fluctus volvens, non solum ab iisdem ingentem pecuniæ vim mulctæ nomine extorsit; sed & prædia, quæ tenuerunt, ad annuum vectigal sisco regio inferendum, quod White hart Sylver, sive candidi cervi argentum, etiam hodie appellatur, damnavit. Annon ægrè feret tuum silentium Portlandia, quondam insula, nunc continenti Dorsetiæ adnexa, quæ sparsim licet habitata, sylva tamen adeò est indiga, ut incolæ ad ignem alendum fimo bubulo sole exsiccato lignorum vicem supplere habeant necesse. Ita scilicet ex unico viculo sesquipedali, & restiariorum manipulo, totam in provinciam laudum rivulos (hui cannabinas laudes!) derivare rem magnam præstitisse te, perperam opinatus es. Et quid censes? An existimas, quemquam sensibus integris, qui rupibus adamantinis Somersetanis pretium non constituit; vastissimis & patentissimis in media Wiltonia campis, quos incolarum magna raritas, & latrociniorum magna crebritas infamant, honorem habiturum? An putas, quempiam sanum Hantoniam alicujus facturum; si in ea ferarum lustra saltumq; amplissimum, triginta plus minus milliaria in ambitu colligentem, perambulaverit? si Guilielmum Norman-

Cambden. in
Brit. Durotrig-
p. 156.

p. 154.

Cambden. in
Brit. Belgis. p.
179.

New Forest.

Camd. pag. 188.

Gualt. Ma-
pæus.

num furiali venandi pruritu excœcatum, propterea terram DEO & hominibus abstulisse, feris & canum lusibus dicasse, triginta sex matrices ecclesias extirpasse, populum inde exterminasse, cogitaverit? si vindictâ divinâ Regis tyrannidem mox assequente, in eodem saltu Richardum illius filium secundogenitum pestilenti aurâ extinctum; Guilielmum Rufum, Regem Angliæ, alterum filium, sagittâ à Gualtero Tirello fortuito transfixum; Henricum quoque è Roberto filio natu maximo nepotem, dum ibidem feras contentius insectaretur, ramusculis appensum, exanimatum esse, perpenderit? si denique Beaulense rus, asylum utiq; intemeratum & tutum profugis receptum, unde homicidas quantumvis sceleratos, vel læsæ majestatis reos, abripere nefas & piaculum Angli non ita pridem sanctè credebant, viderit? Quid verò opus fuit versare ingenium in memorabilibus Bercheriæ referendis? Tanti res non fuit. Nam cineres Henrici I. Regis Readingâ quidem habuit olim, sed habuit, & jam frustra ostentat; uti rectè Poëta Redingum describens conqueritur:

Camden in At-
trebat. pag. 206.

heu dira piacula flenda!
Neustrius Henricus situs hîc, inglorius urnâ
nunc jacet ejectus: tumultum novus advena quærit
frustra. Nam Regi tenues invidit arenas
Aurifacra fames, Regum metuenda sepulchris.
Et verò quantum splendoris cadaver aut cineres Re-
gis alicujus toti alicui regioni afferre possunt? Sic
quam-

p. 210.

quamvis Vindefora regio palatio fulgeat; hoc tamen facit, ut magis feris, quàm hominibus tota provincia serviat, nemorumq; & inerrantium ferarum frequentia, villarum raritatem & hominum infrequentiam inducat. Quid loquar Surriæ stigmata, nullis ætibus silenda? Guildfordium vicum si nominavero, an non perfidiam & immanitatem Anglicam, minime Angelicam, maxime Diabolicam, simul insinulavero? Illic enim Godwinus Cantii Comes in Alfredo Ethelredi regis filio, & regni Anglici hærede, demonstravit, quantum sceleratus animus instrumenta explicandæ nequitie nactus, attentare ausit. Nam non tantum regium juvenem è Normannia in Angliam ad jus suum repetendum venientem contra fidem datam Haraldo Danico in manus tradidit; à quo privatus oculis in vincula abreptus, & ad mortem usque carcere conditus fuit: sed aulicum illius comitatum, sexcentos Normannos, intempestâ nocte ex improvise oppressos, novo & ingenioso sævitie genere decimavit: siquidem non decimum quemque sorte ductum antiquo militiæ more interfecit, verum novem interfectis, decimum quemque dimisit, decimosq; reservatos summâ cum crudelitate redecimavit. Non excurram jam in Suffexiæ maculas; nec mare ibi brevibus atrox, fluctuosum, litusq; ipsum scopulosum; & Anderidam sylvam immanem, Sigeberti Occidentalium Saxonum regis, à subulco in hac confossi, fato infamem dicam: neque etiam Cantii ignominias, impietates

A. Chr. 1036.

Camden. in Brit-
tan. Regnis. p.
213.

p. 219.

Camden. in
Cantio. p. 234.

Ammian. Mar-
cellin. lib. 27.Camden. in Do-
bun. pag. 252.

pag. 266.

Camden. in Bri-
tann. Catti-
chlanis. p. 278.

p. 284.

p. 290.

Camden. in
Britan. Trinobant
p. 312.

& scelera in summo templo San-Thomano Cantuariæ perpetrata, & mille aliâ; non horrorem Oceani supra modum intumescantis, & immensâ aquarum mole terribili cum fragore & murmure in Rhutupina litora irruentis, longo ordine enarrabo: non item Glocestrenses notabo, quorum socordiâ factum, ut regio illorum olim vini mirè fertilis, jam sit omnino sterilis; dignos, qui propterea cum Apuleii asino semper sint in vinis: non in agro Oxoniensi Vvodstockianum labyrinthum, in quo Henricus II. suam pellicem Rosamundam, haudquaquam rosam mundam, ab uxore sua occultavit, rimabor. Agrum autem Buckinghamiensem nemo laudabit, nisi fortè suarius aliquis, qui fageis sylvis, quibus constat Buckinghamia, & unde ei nomen, tribuens nimis, porcorum saginarium querit: Bedtfordensem, passim siticulosum & arboribus nudum, etiam propter illas fabas tuas, optimas scilicet, suâ redolentiâ odoram canum vim non sine venatorum indignatione prorsus hebetantes, nemo singulari dignabitur encomio: Hertfordensem, fere ex ruinis tantum veterum oppidorum cognitum, nemo admiratione, sed potius commiseratione prosequetur. In Middlesexia Londinum quidem excellit; sed monstro est simile, quod urbs illa totius Angliæ caput cum reliqui corporis decremento crescit adeo, ut de ea dicere liceat, quod de Constantinopoli Hieronymus, eam nuditate omnium civitatum constructam fuisse. Quare Regina Elisabetha edicto vetuit, ne qua ædificia ad habitationem intra

Camden. in An-
nal. Anglic. An.
Chr. 1580. Thu-
an. Hist. lib. 70.Camden. in
Icenis. p. 335.

p. 337.

arg. l. fin. ff. pro
suo. Camd. pag.
357.

intra tria millia passuum ab urbis portis de novo extruerentur, sub pœna carceris & amissionis materiæ ad ædificandum convecta, nec plures quàm singulæ familiæ singulas ades incolerent. Neque etiam ibi ea in ædificiis elegantia, non is viarum & platearum ordo ac compositio, quæ in Germania nostra communiter cernitur: & privatorum domus in eo potissimum à nitore deficiunt; quod quò surgunt altius, eò in vias suis subgrundis & protectis prominent & propendent longius, adeo ut sæpe tecta adversa penè coeant contigua, viasq; deformiter obscurent. Cascares Effexios & Suffolcios ferrem, nisi hisce magno nimis esset dedecori Edmundi Burgus, mutuâ civium & monachorum rabie, supra fidem fere truculentâ, & tumultibus frequentissimis celebratus: nisi quoq; aspergeret ignominiam Hemingstonium, ubi Balduvinus, dictus Le Pettour, beneficio regio tenuit terras per seriantiam, (ita enim loquitur scriptor antiquus) pro quo debuit facere die Natali Domini, singulis annis, coram domino Rege Angliæ, unum saltum, unum suffletum, & unum bumbulum: id est: debuit saltare, buccas cum sonitu inflare, & ventris crepitum edere. O regia servitia! O feuda Nobilia! O piam in die Christo Natali devotionem! Norfolcios litium & controversiarum architectos leges odio habent: cum Reipub. intersit lites minui. Cantabrigienses locus Academia palustris coeli gravitate, Studiosis noxiâ, non parum gravat. Huntingdonenses rusticulos vix ullum

ZZZ

civili-

Cambd. in Co-
ritan. p. 374.

p. 386.

p. 399.

p. 402.

Novell. 133. c. 3.

Camden.
p. 412.Disels Arse.
p. 421.Camden. in
Cornav. pag.
426.

p. 432.

p. 439. & 444.

p. 451.

p. 456.

Camden. in Si-
lurib. pag. 473.

civilitatis consortium admittit. Non persequar
multis verbis, Northantoniam sylvarum nuditate
tristem; non Leicestriam, eodem paupertatis malo du-
riter pressam; non Lincolniam Dæmonum Crowlan-
dicorum terriculamentis infestam, & Gilbertinis mo-
nasteriis, in quibus contra Justiniani Constitutiones,
quoniam Eugenii III. Pontificis Romani permissu,
cum Vestalibus Monachi quoque, annuo uberrimo &
vagienti cum impudicitie fœnore, licenter stabulaban-
tur, in honorem; non Nottinghamiam arenoso solo co-
lonorum labores ludificantem; non Darbiam ex Diabo-
li podice, magni hiatus specu, nescio quas fabellas de-
blaterantem. Relinquam Warvvicensem pagum,
ferme totum in nemoribus hospitantem; & Vigorni-
am, in frigido flatulentoq; suo Pyrry Nectar & Am-
brociam sorbillantem; & Staffordiam, de Trenta suo
& lacu mirabili mira somnia recitantem: & Salo-
piam, (ubi postremo Sudor Anglicus erumpens inde
ab Oceano per alias regiones incredibili celeritate per-
vagatus, velut incendium aliquod longè lateq; de pa-
scebat omnia) Oswestriæ suæ à solis in Ariete eclipsi-
bus incendiariis vehementer metuentem: & Cestriam
de farris & maxime tritici inopia conquerentem.
Herefordiam verò, quoniam uberem provinciam,
montes tamen ambulatorii, veluti spectra lemure sue
insignes ædes, admodum horribilem reddunt. Nam, ut
ne quis putet, me antiquas fabellas recitare, anno salu-
lutis post seculum decimum quintum septuagesimo pri-
mo,

mo, XII Kal. Martii, vesperi horâ sextâ, in orien-
tali Comitatus parte, terra decessit, monsque cum
subiecta caute (ingenti mugitu primum & stridore,
ut à vicinis longè exaudiretur) tanquam si ex diuturno
somno consurrexisset, se extulit; et in superiorem locum,
relictò cubili profundo, ascendit, secum unâ deferens
arbores infixas, caulas & ovium greges. Arborum quæ-
dam terrâ obrutæ jacuerunt: aliæ monti accedendo jun-
ctæ ita coaluerunt, ac si eo loco primum radices egissent.
Quo loco discesserat, hiatus quadraginta pedes latus,
longum octoginta ulnas reliquit. Ager omnis vigin-
ti jugerum plus minus erat. Inter eundem sacellum ob-
vium vertit: taxum in cœmeterio sitam ab Occidente in
Orientem transtulit. Eadem vi publicas vias cum cau-
lis sepibus et arboribus protrusit. Ex culta pascuam, ex
pascua rursus culta effecit. Terram eminentiorem,
cui obviam occurrit, pro voluta et vi majori actam, in
montem celsiorem tanquam aggere factò redegit. Ita
cum à vespere die Saturni usq; ad meridiem diei Lunæ
obambulasset, veluti ex itinere fessus et mole suâ labo-
rans substitit. Hoc terræ motus genus Physici, uti judi-
cio, Brasmatiam vocant. Radnoriam damnat illa soli-
tudo, itinerum anfractibus et montium horrore formi-
dolosâ; inquam, utpote tutissimum perfugium, se subdu-
xit pestis ille patriæ Vortigernus, Diis hominibusq; in-
visus; cum invocatis in insulam Anglo-Saxonibus, &
suâ ipsius filiâ horrendo incestu sibi in uxorem acceptâ,
nefariorum scelerum magnitudinem serâ æstimatione

Camden. in
Annalib. An-
glic. An. Chr.
1571.Camden. in
Silurib. p. 478.

Camden. in
Silurib.Camden. in
Dimetis.Camden. in Or-
devicib.

Giraldus.

Camden. pag.
530.Camden in
Brigantib. pag.
556.Pasquier en
les Recherches
de France liv. 7.
chap. 41.

perspexisset: sed numinis telo volante, vindice igne,
cœlitus demisso, cum urbe sua Caer Gourtigern, quam
in præsidium sibi construxerat, deflagavit. Brechi-
niam, Comitatum Monumethensem, Glamorga-
niam, agri asperitas, vix ullo cultu mitescens, facit
aspernabiles. Maridunensis ditionis, Penbrochiæ, &
Ceretice felicitas infra omnem invidiam est. In pago
autem Montgomerico, Merviniensi, Arvonienfi,
Denbighienfi, Flintenfi, multo plura sunt, quæ proli-
xam miserationem, quam quæ vel tenuem laudatiun-
culam efflagitent. Ubique fere montium circumsi-
det conglomeratio; qui sunt glabri, macilenti, steriles,
horribiles, & toto anno nive, seu potius nivium senio
canescentes; excelsi adeo, ut non cœlo minari sed inse-
rere iuga videantur; præcipientes quoque adeo, ut pasto-
res in fummis verticibus duobus confabulantes vel
convitantes, si concurrere forte statuerint, à mane
ad vesperam vix convenire possint. Sed id maxime
inter admiranda Britanniae referendum; Mervini-
enses perpetua licet locorum miseria flagellatos, tamen
præmaturæ Veneri & otio ita deditos, ut vicinis sint
maximopere odiosi. Rectè verò dixisti, Paule Baro,
Eboracum Brigantum esse caput. Sed cujus gentis
caput? Validissima. Quo merito talis? Grassationibus
& latrociniis. Ipsimet Britanni, si quos pravo inge-
nio, & audacius grassantes viderint, etiam hodie per-
vulgato verbo W narret Brigands, id est, Brigantes a-
gere dicunt: Galli quæ id genus homines Brigands, &
præda-

prædatorias naves Brigantins, vocitant. Et quod
obiter moneo; deciperis & decipis, si credis & credere
vis alios, Helenam matrem & Constantinum filium in
Britannia natos esse: cum gravissimi authores constan-
ter asserant; Constantium, cum ad Persas legatus iret,
Drepanum Bithyniæ venisse, divertisse, Helenam ho-
spitis sui filiam novisse, Constantinum genuisse. Rich-
mondia rupibus horret; & proxime Lancastrenses
inter montes adeo vasta, solitaria, squalentia, & muta
sunt omnia, ut quosdam rivulos hæc reptantes, Hellbeks,
quasi rivulos infernales sive Stygios dixerint finitimi.
Secura sunt hoc tractu cubilia capris, damis, & cervis,
qui hic visuntur magnitudine suâ & ramosis corni-
bus spectatissimi. Episcopatus Dunelmensis, & Lan-
castria, & Cumbria, ex succâ macie & verrucosâ soli
pauperie passim languent. Westmorlandia qualis
sit, nomen dicit. Loca enim inculta, & quæ non facile
agriculturâ sublevare possint, Mores Angli Septen-
trionales vocant, & Westmorland nihil aliud est,
quàm inculta ad occasum regio. Ultima Angliæ pro-
vinciola est Northumbria; & omni jure debet esse ul-
tima. Nam si solum spectem, iniquum ubiq, asperum,
& uno verbo, pessimum est; sin homines considerem,
sunt ii crudeles, truculenti, abactores, Nomadum in-
star in tuguriolis stabulantes; & planè tali regione di-
gni, meliore indigni. Post Cleolulphi mortem Nort-
umbria, tunc regnum, factionibus scissum, paucis an-
nis septem Reges partim immaniter occidit, partim

Nicephorus Ec-
cles. Hist. lib. 7.
cap. 18. Jul. Fir-
micus Mathese-
on lib. 1. Lipsius
de Magnit. Ro-
man. lib. 4. cap.
11. & ibi in not.Camden. in Bri-
gantib. p. 591.

Camd. p. 624.

Camden. in Ot-
radinis.

Pet. Matth. in
Discursu fune-
bri Henric IV.
Gallor. Reg.

seditiosè profligavit; facinore communiter apud omnes sic abominabili, ut Principes boni postea recusarint suscipere imperium illius nationis, quæ majorem gloriam in parricidiis patrandis, quàm legitimis obsequiis præstandis quæreretur: Northumbriâ ideò quasi triginta annos omnium prædæ expositâ.

Paul. Jovius in
Scotia.

P. Matth. in
Hist. Henr. IV.
lib. 6. narr. 2.
Voyez Bodin.
de la Rep. liv. 6.
chap. 2. ou il
parle de treize
cents mille liv-
res par chacun.
an. L'entrâta
del Rè di Scotia
non arriva à
cento mila scu-
di. Borer. in Re-
lat. univers. 2.
part. lib. 2. de
Regno Angliæ.

*Fam verò qualis est SCOTIA? Multis modis & nominibus est inferior atque infelicior Angliâ. Est enim pluribus in locis obsita saxis, arboribus glabra, passimq; obsessa palustribus aquis; & supra id, quòd ferendis vitibus atque oleis est inepta, in ea etiam triticum in siliginem citò degenerat. Anglia habet in annuis redditibus millionem, aut cum excessu, quinde-
cies centena millia coronatorum; uti quidam scriptores tradunt: (namque ego regni rationes non vidi, tabulasq; accepti & expensi non excusi) cum Scotiæ regnum vix centum millia coronatorum, aut non multò amplius regipendere asserant: quantum fere majorum gentium Comites in nostra Germania colligunt. Quare cum regni ordines superiori ætate Botuelum apud Orcadas & ultiores insulas piraticam facientem comprehendere constituissent, propter inopiam publicam privatis Mortonii sumptibus instructa, & duce Kirkadio classis missa est. Et quo tempore Elisabetha Angliæ Regina Norfolciæ Ducem reprehendebat acerbius, quòd ipsâ inconsultâ Mariam Scotorum Reginam in matrimonium postulasset; ille non dubitabat asserere, (quasi Scotam planè negligeret) proven-*
tus suos

Thuan. Hist.
lib. 40.

Cambden. in
Annalib. An-
glie A. C. 1569.

tus suos in Anglia non multò esse minores, quàm regni Scotorum tunc miserè bellis exhausti *Et quid extremus ille & septentrionalis mundi tractus, Naturæ privignus, inter vastas paludes, inter montium supercilia, inter ericeta spinosa, producat opimum & locuples? ubi etiam lupi non solum in armenta maximo damno, sed etiam in homines magno periculo adeò immaniter grassantur, ut ex Parliamentaria sanctione Vicecomites & incolæ in singulis Comitatus ter singulis annis ad lupos & eorum catulos tollendos venatum prodire jubeantur. Homines etiam regionis bonitatem, quæ fere nulla est, vixdum imitantur: alibi quidem satis humani; sed alibi, & majori ex parte, Caledonii, id est, duri, asperi, agrestes; alibi etiam prædones, abactores, & maxime illi, qui limitaneas Angliæ & Scotiæ valles incolunt, quorum studia & ingenia Joannes Lesleus ipse Scotus & Episcopus Rossensis ita describit: Noctu, ait, turmatim per invia loca, perque multos mæandros è suis finibus exeunt. Interdiu in latibulis præstituti equos viresq; suas recreant, donec eò tandem per tenebras, quò volunt, perveniant. Arreptâ prædâ similiter noctu per circuitus & devia duntaxat ad sua redeunt. Quò quisque peritior dux per illas solitudines, anfractus, & præcipitia, mediâ caligine & tenebris esse potest, is ut ingenio excellens majore in honore habetur: & tantâ calliditate hi valent, ut rarissimè prædam sibi eripi sinant, nisi canum odorisequorum ductu rectis
semper*

Cambden. in
Scot pag. 692.

semper vestigiis se se insequentium ab adversariis nonnunquam capiantur. Cæterum si capti sint, tantâ eloquentiâ pollent, verborumque suavissimè fluentium lenociniis, ut & iudices simul & adversarios quantumvis severos, si non ad misericordiam, saltem in admirationem & commiserationem quoque vehementer permoveant. *At hi limitanei prædones mitium ovium titulum tueri possint præ illis Albanensibus, qui*

P. 707.

Euphorm. Sat.
in Icone An-
mor. cap. 4.

Highlandmen vulgò vocantur, genus hominum incultum, in primis maleficum, latrociniis innatum, & ad vindictam odio capitali projectissimum; quorum effera crudelitas legem extorsit, quâ licet, si quis ex aliqua illorum gente damna intulerit, quicumque ex illa gente captus fuerit, aut damna refarciat, aut capite luat. Nec tamen hi Albanenses tantum, sed & Scoti in universum animos gerunt prorsus implacabiles; & vix est in omni Europa natio, quæ in ultiones feratur ardentius. Privatas contumelias in ipsarum familiarum injuriam vertunt: & vis inimicitiarum in heredes quoque abit. Cædem cedere pensare decorum: incendia alternis ignibus vindicant. Nec aperto tantum Marte; insidiis, fraudibus agunt. Nihil turpe aut ignobile satianti oculos inimicorum malis. Etiam quod ut plurimum regio arboribus caret, quidam putant illorum odiorum facinus esse: dum adversis facibus inimicorum silvas cremant, & privatis injuriis vastitatem patriæ faciunt. Quam Scotorum barbariem dum mecum exputo, non miror, D. Hieronymum αὐτό-

πῶ

πῶ scribere; se adolescentulum in Gallia vidisse Scotos, gentem Britannicam, humanis vesci carnibus; & cum per sylvas porcorum greges & armentorum pecudumque reperiant, pastorum nates & foeminarum papillas solere abscindere, & has solas ciborum delicias arbitrari. Et minus adhuc miror, quod alibi legi,

D. Hieron. 2.
advers. Jovinianum.
J. Facius Pontan in appendice ad itinerar.

tres & quinquaginta reges Scotiæ, aut bellicâ vi, aut procerum insidiis crudeliter interemptos fuisse. Recentia sunt facinora contra Reginam Mariam (iterant enim hujus memoriam perduelles Scoti) flagitiosissimè perpetrata; & quæ sunt in Europa sine exemplo. Ubi enim auditum est, populum & proceres in suum Regem vel Reginam ita sævisse, prægnantem vi metuque exagitasse, tuta loca captantem in regia obsedisse, ad iniquas conventiones compulisse, regno exturbasse, apud cognatam Anglam, ubi auxilium quærebat, capitis ream egisse, carceri vicennali mancipasse, securi & carnifici subjecisse, de morte triumphasse? Ubi auditum est? Aut si illa sunt legitima & debita subditorum erga Principes obsequia; ubi à condito mundo subditorum major laus atque gloria, quàm in Scotia? Maçte verò tuâ virtute JACOBE, Rex magnæ Britanniae sapientissime; cineres & memoriam matris caram habe; Buchanani & Knoxii, qui turbas Scotiæ & suum adfectum scripserunt, libellos in tuis regnis morari ne patere. Nam sicuti venenum inficit nullo forti antidoto munitos: ita illi incautos fascinant lectores: imò manes illorum seditionum flabellorum,

Paul. Jovius in Scotia.

Vide Camden. in Annual. Angl. passim.

A a a

μετεμψυ-

Jacobus Rex
lib. 2. Basil. dori.

Cambden. in
Annalib. An-
glic. A. C. 1567.
& A. Chr. 1584.
& in descript.
Scotiae. p. 713.

Gaspar. Ens An-
nal. tom. 5. lib.
3. P. Matth. in
histor. Henrici
IV. lib. 3. narr. 3.

μετεμψυχώσιν quādam in eorum corpora transeunt,
qui talia impura scripta & nequam dogmata vel le-
gendo imbibunt, vel defendendo aliis commendant, non
minore supplicio plectendi, quā ipsimet autores, si a
mortuis jam essent resuscitati. Et quidem Buchananus,
homo fide promercali, partium studio & Jacobi Mo-
ravii, in cujus verba fuit juratissimus, munificentia
abreptus ita scripsit, ut libri ejus falsitatis damnati fue-
rint ab Ordinibus regni Scotiae; & ipse ingemiscens
coram Rege, cui fuit pædagogus, subinde se reprehen-
derit, quod tam virulentum calamum in Reginam
bene meritam strinxisset, moriensq; optaverit, ut tan-
tis per superesset, donec maculas, quas maledicentia
falso asperferat, revocata veritate vel sanguine elueret;
nisi (quod ipse dixit) hoc vanum esset; cum præ ætate,
delirare videretur. Sed recentior adhuc est Rethueno-
rum, Comitum Gourea, atrocitas: quā sceleratissimum
illud fratrum par, clementissimum Regem JACOBUM
(heheu quot periculis innocentissimus & optimus Rex
subjicitur! qui non tantum postquam natus est, sed etiam
antequam nasceretur, atq; in ipso matris utero vix ullo
tempore ab insidiis & sicariis fuit tutus) penè oppressit.
Cum enim Rex Peribumire ab Alexandro altero fra-
tre consutis dolis persuasus esset, factā spe thesauri,
quem nuper invenisset, illi exhibendi: prandio sumpto,
inermis per aliquot conclavia circumductus tandem in
Musæum perducitur, locum laniæ destinatū; in
quo homo pugione armatus parricidii adjuva erat
solus.

solus. Ibi Alexander occlusâ prius januâ, pileoq; in caput
superbè injecto, statim armato pugionem eripit, & Re-
gis pectori admovent, ultimaq; minis & factis intentat.
Rex autem, qui eloquentiæ suæ viribus & majestatis
veneratione armatum illum continebat, Alexandrum
tam diu luctando sustinuit, donec quatuor ex aulae fami-
liaribus unus post alium inter venerunt, qui numero &
armis impares licet, conjuratos tamen vel interfece-
runt, vel malè multatos in fugam egerunt; Rege inde
in medio suorum in genua suppliciter procumbente,
Deoque pro liberatione tam miraculosa, & victoria
tam insperata gratias prolixè agente; & postea Joan-
nem Ramsey, cujus potissimum dextera vindex fuit
Principis in nefanda illa conjuratione, titulo & hono-
re Vicecomitis Hadingtoniæ ob fidem donatum in-
ter Regni Scotiae proceres cooptante. Ordo autem regni
amplissimus decreto damnavit memoriam Rethueno-
rum, ita, ut qui ejusdem essent nominis, illud deponerent,
et novum sibi adsciscerent. Possem in Scotos alia dice-
re plurima, ob quæ vel singula inter populorum abjectis-
simos referri possint: tamen in adulteriis ac voracitate
illorum faciam pausam. Adulteriorum licentiam et fre-
quentiam induxit impius Evenus III, Rex Scotorum,
qui non contentus centum è Nobilitate concubinis, ni-
suam spurcitiem, latis legibus, in vulgus proderet. Tu-
lit enim, ut cuivis liceret pro opibus, quot alere posset,
uxores ducere: ut Rex ante nuptias sponfarum Nobi-
lium, Nobiles plebejarum prælibarent pudicitiam:

Cambden. in
Scot. p. 687. &
p. 709.

G. Buchanan.
rer. Scotie, lib.

G. Buchan. ibid.
lib. 7. adde Bo-
eth in Scot. hi-
stor. & Renat.
Chopp. de Sac.
Polit. lib. 2. tit.
7. num. 4.

ut plebeiorum uxores cum Nobilitate communes ef-
sent. *Et si* verò Milcolumbus III, Rex Scotiæ
LXXXVI^{mo}, longo tempore post uxoris procibus dedis-
se fertur, ut primam novæ nuptæ noctem, quæ prece-
ribus per gradus quosdam lege Regis Eveni debebatur,
sponsus dimidiatâ argenti marcâ redimere posset: quam
pensionem adhuc Marchetas mulierum vocant: tamen
noctium fures propterea non desierunt esse frequentes,
& non minus postea, etiam extra Grammaticorum
scholas,

mansit apud Scotos indeclinabile CORNU.

Paul. Jovius. in
Scotia.

Seb Münsterus
Cosmog. lib.
2. cap. 9. & 15.

Camden in
Hibernia.

Voracitatem autem eorum satis testantur immode-
rata quotidiani convictus impensæ, quibus plerique devo-
ratis patrimonii ad tantam rei familiaris inopiam re-
diguntur, ut ab obviis stipem emendicare non pudeat;
quod agrum colere, aut sellulariam exercere artem ho-
nesto loco natis (mendici enim se stirpe regiâ prognatos
esse dicere audebunt) indecorum arbitrentur, usque adeo,
ut plerique latrocinii & furtis se se alere, nullo pænæ
metu, æquissimum putent.

Euge verò Paule Baro, etiam in HIBERNIAM
trajiciamus. Est ibi cælum ad maturanda semina
iniquum; terra montosa, aquosa, sylvestris, ventis ex-
posita, & adeo paludosa, ut supra montes stagnare aquas
videas. Est ibi insula Purgatorii, (quis jam neget
Purgatorium esse?) & in ea ad monasteriolum spe-
cus, obversantium nescio quorum spectrorum terrore,
et horrendis visis decantatus. Sunt ibi luporum agmina
passim

passim sævientia. Sed quid ego talia? Hiberni
ipsi, lupis & illis infernalibus spectris peiores, eâ pol-
lent nequitia & improbitate, ut nequitiam & impro-
bitatem ipsas, si se conspiciendas mortalibus darent,
ad duellum sint provocaturi, facile victuri & trium-
faturi. Non omnes quidem inhumanitatis ejusmodi
accuso: cum non pauci Anglico sub imperio rectius im-
buti ad civilitatis & honestatis castra transierint;
belluæ tamen & bruti inhumanique illi homines longè
superant; quorum maxima pars odium in Anglos alit
longè contumacissimum & quasi inexpugnabile; adeo
quidem, ut Conus, Coni filius, cognomento Bacco, id
est, Claudus, qui patri in dignitate O-Neal succes-
serat, (hæc dignitas barbaris tanti est, ut insolenti
fastidio elati Principum, Ducum, Marchionum, Co-
mitum titulos præ nomine O-Neal dedignentur) suis
posteris malè fuerit imprecatus, si vel Anglice loqui
discerent, vel triticum sererent, vel ædes extruerent;
sollicito timore, ne Angli his invitamentis in suos agros
pellicerentur. Et quidem cum O-Neali non ita pri-
dem læsæ majestatis damnati essent ab Elisabetha Re-
gina, Thomas Smith Eques auratus, & Regina à Se-
cretis, regio permissu Coloniam deduxit in Comitatum
Dunensem, præclaro certè ausu, at fato nimis infesto.
Nam post magnas expensas filium naturalem, quem
præfecerat, ex insidiis interceptum canibus objecerunt
Hibernici; cui justamen immanitatis pœnas perditissimi
illi postea gravissimas persolverunt, interfecti, & lupis

in prædam dati. Verum de feris istis Hibernis, Eubesi-
waldiæ Baro, plurima atrocità & horrenda compendio
verborum accipe. Illa hominum purgamenta, sylvestres
Hiberni, summum bonum, et omnem felicitatis consum-
mationem hodie collocant in otio: ditissimos se esse repu-
tant, dum labore careant; et omnes deliciarum opes pos-
sidere se credunt, dum libertate gaudeant. Cumq; aliqui-
bus in locis agrorum pinguedo negligentiam cultorum,
quasi increpet, et ora maritima multis sinibus & navi-
gabilibus alveis pervia accolat ad navigationes quo-
dammodo invitet; illos tamen innatæ desidiæ dulcedo ita
detinet, ut ostiat immalint victum quærere, quam bone-
stis laboribus paupertatem repellere. Latrocinia apud
eos nullam habent infamiam, quantumvis habeant plu-
rimum immanitatis: & latrocinaturi preces ad DEUM
fundunt, ut præda offeratur; & prædam pro munere à
DEO oblatam arbitrantur; neque vim, neque rapinam,
neq; homicidium DEO displicere religiose persuasum
habent. Audire est à sicariis & incendiariis; Misericors
est dominus, & non finet pretium sui sanguinis in me
irritum. Quin patrum vestigiis se insistere dicunt, &
eam sibi vivendi rationem reliquam esse; Nobilitatis
sue autem infamiam esse, si velint ex labore manuum
victitare, et à facinoribus abstinere. Alias sunt corpore
validi, agiles; animo elati, bellicosi; sed plurimum ani-
mos ridicula opinio pervasit, & etiam persuasit;
illum, qui in militari barritu sive clamore, quo in
congressu magnâ vocis contentione utuntur, reliquo-
rum

rum clamori non respondeat, subito à terra arripi, &
quasi volentem in desertas Comitatus Kerriensis val-
les deferri, ex quacunque Hiberniæ regione; ibi gra-
mine vesci, aquam lambere, nec malè nec bene esse sibi
sentire, rationis non orationis usum tenere, à venantibus
demum ministerio canum capi, & domos suas deduci.
Liberis, cum ad sacrum Baptismum accedunt, ad
propria, profana etiam nomina imponunt, ut Rufus,
Albus, Niger, Calvus, Latro, Superbus, Scabio-
sus; & licet contumeliarum sint impatientissimi, hæc
tamen nomina non dedignantur Optimates (verius
Pessimates) illi, qui ob eminentiam O literam nomi-
nibus præfixam habent. Lupos sibi adsciscunt in-
patrimos, quos Chari Christi appellant; pro eis orantes
& bene precantes, & sic se ab illis lædi non verentur.
Omnes in præproperam Venerem effusi; nec annorum
maturitatem, quæ in aliis regionibus observatur, præ-
stolantur: in peramplis cubilibus integræ familiæ cu-
bant; & facile tenebris verecundiam extinguunt.
Etiam matres statim post sextum à partu diem ex
integro se maritali operi dedunt; & parvulos ad
nutrices exponunt. Nobiles autem nutrices tot ha-
bent, quod habent adolescentulas famulas; quæ stupri
pretium, lactandi infantulum facultatem putant; &
quæ alumnos suos ad obscœnitatem & flagitiorum im-
manitatem omnem gnaviter erudiunt. Sacrificuli
sunt omnium turpissimi; qui è DEI domibus meretri-
cum stabula efficiunt: horum filii, qui Mac Decan, Mac
Pherfon,

Paul Jovius in
Scotia.

Pherfon, Mac Ospac, *id est*, filii Decani, Ecclesiæ Re-
 ctoris, & filii Episcopi dicuntur, plerunque insignes
 evadunt prædones; parentum liberalitate ad seditio-
 forum manum conscribendam adjuti: filia autem pa-
 tribus superstitibus magnis dotibus elocantur, si nu-
 bunt; patribus vero defunctis, aut mendicant, aut me-
 retricantur. Quinetiam fama est, lacum illum Erne, in
 Comitatu Fermanaghensi celeberrimum & maximum,
 quippe tot insulis habitatis confertissimum, quarum
 nonnullæ centum, ducenta & trecenta jugera conti-
 nent; tot insuper luciis, trutis, salmonibus, & aliis
 piscibus tam copiosum, ut piscatores nimiam frequen-
 tius piscium copiam retiumque rupturas potius, quam
 defectus conquerantur; fama, inquam, est inter acco-
 las, hunc lacum olim fuisse agrum cultissimum, & in-
 colis frequentissimum; sed subito propter eorum in-
 fandam cum bestiis Venerem superfusis aquis in lacum
 redactum. Terram, ait Giraldus, tam turpium con-
 tra naturam facinorum consciam non tantum pri-
 mis, sed cunctis in posterum habitatoribus indignam
 autor naturæ judicavit. Verum hi detestandi Hiber-
 norum mores sunt antiquum à majoribus in posteros
 devolutum patrimonium, quod tanto nequitiae studio
 hætenus servatum est, ut difficile sit statuere, nepoti-
 busne an vero avis debeatur scelerum palma. Olim
 Episcopali sedi Conerensi præerat S. Malachias; vir
 suo seculo doctus & pius, & qui de natali barbarie ni-
 hil minus traxit, quam de fale marino pisces maris:
 sed qua-

*sed qualis tam sancto pastori ibi grex fuerit, hisce ver-
 bis describit S. Bernardus*: Tricesimo ferme ætatis
 suæ anno Malachias consecratus Episcopus introdu-
 citur Conereth, hoc enim nomen civitatis. Cum
 autem cœpisset pro officio suo agere, tunc intellexit
 homo Dei non ad homines se, sed ad bestias destina-
 tum. Nusquam adhuc tales expertus fuerat in quan-
 tacunque barbarie. Nusquam repererat sic protervos
 ad mores, sic ferales ad ritus, sic ad fidem impios, ad le-
 ges barbaros, cervicosos ad disciplinam, spurcos ad
 vitam. Christiani erant nomine, re pagani. Non de-
 cimas, non primitias dare, non legitima inire conju-
 gia, non facere Confessiones: poenitentias nec qui pe-
 teret, nec qui daret, penitus inveniri. Ministri altaris
 pauci admodum erant. Sedenim quid opus pluribus,
 ubi ipsa paucitas inter laicos propemodum otiosa va-
 caret? Non erat, quod de suis fructificarent officiis in
 populo nequam. Nec enim in Ecclesiis aut prædi-
 cantis vox, aut cantantis audiebatur. Quid faceret
 athleta Domini? Aut cedendum turpiter, aut pericu-
 losè certandum: sed qui se pastorem, & non merce-
 narium, agnoscebat, elegit stare potius quam fugere,
 paratus animam suam dare pro ovibus, si oportuerit.
 Et quanquam omnes lupi, & oves nullæ, stetit in me-
 dio luporum pastor intrepidus, omnimodò argumen-
 tosus, quomodo faceret oves de lupis. *Hæc S. Bern-
 ardus: & paulò mitiora, qui hodie ibi præest Episco-
 pus, de suis sit prolaturus. Tales sunt Hiberni: quibus*

S. Bernardus.

Bbbb

Henricus

Camden. in
Annal. Anglic.
A. Chr. 1578.

Camden. in In-
sulis Britannic.

Henricus Sidneius, cum annos plus minus XI divis-
temporibus Prorex præfuisset, navem conscensurus
versiculo à Psalmis valedixit: In exitu Israel de Ægy-
pto, & domus Jacob è populo barbaro. Insulæ Bri-
tannicæ reliquæ dignæ fere non sunt, quæ in aliquam
classen nisi fœdæ paupertatis & extremæ inopiæ veni-
ant: ex quibus sanè jejunis & infœcundis sedibus quot-
annis æstivo tempore, præsertim Scoti insulani, ut rei
sue domi parcant, in Hiberniæ Comitatum Colranensem
confluunt, ut victum parent, intenti simul in omnes oc-
casiones rebellionis fovendi; adeo ut sub pœna læsæ ma-
jestatis lege cautum fuerit, ne quis eos in Hiberniam
advocet, aut hospitio excipiat. Quis autem nostrum in
illis Hebridibus sive Ebudibus, cautium & saxorum
horrore inuis, & vix virenti cespite vestitis, inter
monstra hominum, portentosis illis Hibernis, ne hilo me-
liorum, quis, inquam, vel unum diem commorari deside-
ret? Quis nostrum cum abjectissimo rustico Herciniæ
nostræ, quàm cum Schetlandiæ Optimatibus, pisce ex-
siccato & contuso pro farre utentibus, cenare non
malit? Quis nostrum in Orcadibus, (et sunt Orcadenses
imperterriti milites, qui, quando tormenta displodun-
tur, solent humi procumbere obturatis auribus, ne fra-
gorem sentiant.) Quis in Sillis, in quas olim damna-
ti relegabantur; quis in cæteris omnibus, delicias, imò
quis necessaria tantum inveniat?

Thuan. Hist.
lib. 5.

Et hæc sunt, illustrissimè Princeps, quapropter
Britanniam in summo & principe dignitatis gradu
cum

cum Barone Eubæwaldio collocare non possim. Cumq;
nihil audiverim hætenus, neque etiam sciam aliquid;
ob quod Germania ullam Europæ provinciam compa-
rem habere, nedum ullius pedissequa esse debeat; ego ju-
re & merito FRANCISCO CAROLO, Duci Saxonie,
adsentior.

PRINCEPS

FRIDERICVS
ACHILLES, &c.

DIC TU

ERNESTE SCHAFELIZKI

Bbbb 2 ORA-

ERNESTI SCHAFELIZKI, WÜRTEMBERG.

contra

HUNGARIAM.

Ego, illustrissime, Princeps, cum inclyto Duce Saxoniae, Dn. FRANCISCO CAROLO, pro Germania nostra suffragium fero. Sed quoniam fieri potest, ut illustris Henricus Albertus, Baro Limpurgius, Hungarico suo elogio adhuc dum quorundam auribus atque animis obstrepat; ego nunc rationibus evincam, illum Hercules coluburnos aptare infanti, qui provinciarum Europae praerogativam adscripserit Hungariae. Ut enim interest permultum; cujatis, & unde quis sit; adeo, ut si quis ansam dederit quaerendi: An natio hominis infamata indicium ad torturam faciat, necne? ita non minus refert, Cretensis quis sit, an Romanus; Hungarus quis sit, an Germanus: cum Romanorum & Germanorum virtus omnium seculorum encomiis semper extiterit illustrissima; de Cretensisibus autem transierit in alia omnia versiculus Epimenidis, ab Apostolo Paulolo laudatus,

Κῆρες

Henr Bocer. in
tractat. de Qua-
stionib. & tort.
cap. 3 num 81.
arg 1 32. §. 21. ff.
de edil. edicto.

ad Titum cap. 1.
verf. 12.

Κῆρες αἰὲν ψεύσας, κατὰ δόξαν γαστέρας ἀγυαί:

& de Hungaris aliud testetur proverbium Germanicum; Der Hunger ist ein Dinger. Sed prius de Hungaria ipsa aliquid.

Hoc regnum quamvis agro gaudeat opimo & pingui, & ubique fere fertili; quamquam ex Martis intemperie etiam agricultura & metallorum fodinae omnia hostilia jam tot aetates patiuntur: tamen aer ibi est maxime insalubris, & quasi omnibus peregrinis noxius ac hostis; semper aut ob extremam crassitiem, aut subtilitatem extremam suspectus. Unde castra uno in loco supra mensum illic haberi sine periculo non possunt: cum ille pulmonibus puriori aera assuetis paulatim virus infundat, & tandem languorem Hungaricum ingeneret, crebra tamen stativorum mutatione non nihil corrigatur. Equidem nulla alia re calamitosa illa morbi Hungarici labe in castris ad Comorram enata, ad Favarinum incrementa sumpsit, & demum ceu per seminaria distributo contagio Germanos, Bohemos, Belgas, Gallos, Italos afflavit saevissime; quam quod uno eodemque loco in Hungaria castra nimis diu haeserint; parum Medicorum castrensiu prudenti consilio. Sed quemadmodum ad Budam primariam regni urbem (urbes vero in Hungaria sunt rarissimae: atque excepta Budâ, &, si vis, Posonio, vix ullam totâ Hungariâ paulo splendidioribus aedificiis constructam videas) sunt aqua sulfurata, tanti fervoris, ut pede vix tentari possint, & in eas à laniis projecti sues facile

Tob. Coberus
in Observatio-
nib. castrensib.

Vide Mart. Ru-
landum de lue
Hung. Quast.
cap 8. & 21 à
Cobero in ali-
quibus dissen-
tientem.

Auger. Busbe-
quius, Epistolâ
1. pag. 18

Georg. Agrico-
la lib. 2. de na-
tura eorum.

Bbbb 3

depilen-

quæ effluunt
ex terra. Paul.
Jovius Hist. lib.
39 A. Busb. Ep.
1. pag. 18.

Thob. Cöb. in
Observat. ca-
strenlib.

depilentur, & tamen ibi pisces degere, & ranæ fre-
quenter innatare conspiciantur, aliis fluvialibus pisci-
bus aut ranis aliis in illas aquas immisiss mox supino
ventre mortem anhelaturis: sic Hungaris suus Hun-
garicus pessimus aer uti propter singularem naturæ
consensum per est amicus; ita aliis gentibus est ad-
versus, pestilens, & vix tolerabilis. Quid dicam de
illis teterrimis bestiis Hungaricis, illis pediculis, qui
jure quasi proprio suis ambulatiunculis, suetiunculis,
& morfiunculis in cunctos passim numerosissimè gras-
santur? Quàm fecundus hæc foedissima sobole est
aer Hungaricus? Qui viderunt & experti sunt, at-
testantur, linteolum aquâ, stagnanti præsertim, lotum,
& ad solem siccandi causâ expositum, mox totum
vermibus Syllanis scaturire. Et laterem la-
vant, qui crebris indusorum novorum mutatio-
nibus pediculorum contubernium subterfugere cona-
tur; cum illo modo semper plures attrahant, quàm
pellant; & frustra sunt, qui aliis rationibus familia-
rissimorum & ingratisimorum comitum ictus se evi-
tare posse sperant: quos velex ipso corporis madore
Hungaricus aer citò producet. Illam aeris gravitatem
æquat malitas aquarum; quæ plerunque omnes, &
quidem flumina extra Danubium, qui Budam usque
satis salubres & potui commodos fert latices, fere om-
nia, hominum firmam valetudinem hostiliter adoriun-
tur. Certè Rabniza sive Arabo, qui juxta Favarini-
um Danubio miscetur, pestilentes aquas & summè
graveo-

graveolentes volvit; adeò ut pisces cancriq; etiam cocti,
putidum foetorem spargant.

Verum ut concedam liberaliter, totam Hungariam
esse undiquaque saluberrimam, fertilissimam, cultissi-
mam, ditissimam: non id tamen ad ipsorum Hungaro-
rum gloriam pertinet. Quemadmodum enim patres,
qui filias habent, gibbo, varice, strumâ, lentigine, balbu-
tie, lippitudine, aut aliis corporis animique vitiis
foedè deformes, eas ita dotant magnificè, ut procos
alliciant:

scilicet uxorem cum dote, fidemque, & amicos,
& genus & formam regina pecunia donat;
ac bene nummatam decorat Suadela Venusque:

Horat. l. Epist.
6.

sic Natura & Fortuna Hungaros tanquam prolem
alias rejiculam plurium munerum copiis largiter in-
struxere, hoc veluti emplastro infames illorum cicatri-
ces occultaturæ. Namq; Hungarorum quamplurimi,
incuriâ honestatis ita se omnibus depravarunt errori-
bus, ac piacularibus sceleribus incumbentes propè exe-
sâ mansuetudine generis sui immanè efferarunt, ut
possit videri nullum animal in terris Hungaro postre-
mius. Nec enim vel unum vitium nequissimæ genti
(quod cum bona venia & sine injuria proborum di-
ctum volo) deest: sed omnia prorsus, ut in quamdam
cœnosam latrinam, in illorum animos flagitia confluxe-
runt. Quod ipsum & Otto Frisingensis Episcopus, Im-
peratori Friderico I. sanguine junctus, vir sapiens &
luculentus historicus, olim animadvertit, cum ita de
Hunga-

Orto Frising.
lib. 1. c. 31. de re-
bus gest. Frid. 1.

G. Ens rer.
Hung. lib. 1.

Alex. Guagnin.
rer. Polon. tom.
2. Sal. Neuge-
bauer. in Mo-
scovia. c. 4.

Hungaris judicaret: Hungari, inquit, sunt facie tetri, profundis oculis, staturâ humiles, moribus & linguâ barbari & feroces; ut jure fortuna culpanda, vel potius divina patientia sit admiranda; quæ, ne dicam hominibus, sed talibus hominum monstris tam delectabilem exposuit terram. Equidem Hunnorum, qui Hungarorum sunt patres, tanta fuerat scelerum immanitas, ut veteres quidam scriptores, nisi eorum originem ad ipsos cacodæmones referrent, fidem scriptis suis inventuri sibi non viderentur. Fornandes Alirumnam, nescio quam è Scytharum gente, supra modum humanum vastâ corporis mole mulierem, à Filmero Gothorum Rege in exercitu repertam, quod parum secundâ esset pudicitie famâ, in exilium scribit ejectam: quæ cum ultra Mæotidem paludem in sylvis ac solitudine misera erraret, dæmonum compressu gravida multos monstrosos partus ediderit, è quibus deinde Hunnorum genus sit propagatum. Alii Satyros & Faunos generis produnt conditores. Sed commenta hæc fabularum amatoribus relinquamus. Illud certum est, ab extremis frigidissimisque Septentrionum oris Hunnos sive Hungaros produisse. Et gloriantur hodieque Mosci, eorum olim subditos Hungaros ex Juharia sive Juhra, quæ ad Oceanum Septentrionalem Moschici imperii est provincia, egressos ad Danubii ripas commigrasse, occupatâque Pannoniâ eam de suo nomine Juhariam primum, & post literis paululum immutatis Ungariam appellasse. Ajunt, Fabaros in hunc diem eâdem cum

Ungaris

Ungaris linguâuti. Scythicæ verò hujus & barbaræ originis apud Hungaros clarissima etiamnum & brevis locorum apparent vestigia: & facile est Juharos in media Pannonia agnoscere; hominum genus,

*quo non deformius ullum
Arctos alit, turpes habitus, obscœnaque visu
corpora.*

Claudianus.

Bipedes existimares bestias, vel quales in commarginandis pontibus effigiati stipites dolantur incomptè in hominum figuras: ingenia eorum, ad similitudinem corporum horrentia. Caterum non ostendam jam, nullos amplius esse in Hungaria Martinos & Hieronymos, Christianæ religionis columina; quorum nomina cœlo condita profanis posterorum sordibus turpiter inquinantur. Et quis præsens est rerum status? Quæ fors? Pannonia in media Pannonia hodie non invenitur; in medio Stridone nulla Hieronymi, in media Sabaria nulla Martini memoria hodie supersit. Et quid ibi locorum Hungari, ultra Virgilianos opiliones & bubsequas rusticani ac barbari, de religione ac religiosi pie loquantur vel cogitent? Est universa Hungaria jam à ducentis annis totius Europæ sepulchretum, publicum Martis macellum; quod uti sanguinolentis gurgitibus, & concisarum legionum sanie taboque, ita etiam sacrarum ædium ruderibus ac ruinis latè horret: aut si quis adhuc religioni & humanitati relictus est locus, id omne Germanorum pietati & virtuti debetur; qui in regibus ac liberis Hungariæ civitatibus, in urbibus

Am. Marcellin.
lib. 31.

Jul. Pflugius in
Orat. de Rep.
Germanorum.

Cccc • monta-

Elias Berger in
Trinubio Eu-
ropæo.

Egnatius.

Eutropius Bre-
viar. lib. 9.

Cuspinianus in
Probo.

Carol. Sigon. de
Occident. Imp.
lib. 1.

Suidas.

Eutrop. Pomp.
Latus.

Carol. Sigon. de
Occident. Imp.
lib. 7.

S. Aurel. Vi-
stor.

montanis, et in ipsa Transilvania, non hybrida, aut no-
vi homines; sed armis prisca domini sunt. Neq. etiam
jam in Pannonum veterum Imperatorum sceleribus
enumerandis immorari est animus: cum nemo huma-
nioribus literis doctus nesciat; Decium cunctas vir-
tutum, quæ in ipso eminebant, elegantias immensâ in-
Christianos crudelitate commaculasse; Aurelianum
in necessariorum magis, quàm bonorum Principum
catalogo effulsisse; Probum, cætera non improbum,
tamen Germanorum quadringentis millibus cæsis, cum
reliquias cladis ultra Albim removeret, & novem
Regulos ex diversis gentibus ad pedes victoris suppli-
citer prostratos sedecim tyronum millia tradere
cogeret, improbitatem spirasse; Diocletianum for-
tunæ imparem & mortalitatis oblitum, Divinos ho-
nores, cum pedum suorum oscula & adorationem pa-
teretur, adfectasse; Jovianum (de quo anus quæ-
dam: Quanta est longitudo & profunditas, tanta est
stultitia) ignobilissimam pacem cum Sapore Persarum
Rege, multatis imperii Romani finibus, quod ante
eum annis CIO CXVIII. nunquam accidit, fecisse:
Valentinianum nimia judiciorum atrocitate, levibus
delictis gravissimas pœnas imponendo, laborasse; Va-
lentem Arrianum in Catholicos sævisse; Gratianum
à Reipub. gerendæ scientia non modò voluntate, sed
etiam exercitio alienum fuisse. Sed nominatim de Hun-
norum Hungarorumq. fastu, crudelitate, & perfidi-
a, ut aliquid nunc, & quidem breviter eloquar: quem-
nam

nam vel illi vel isti populum per totum terrarum orbem
possunt suo typho & superbiæ invenire comparem? In-
tuemini, Auditores, Attilam: quem Hungari magnum
jure vocant eodem, quo olim Alexander magnus, aliq.
generis ejusdem: magnum latronem, & felicem impe-
riorum prædonem:

terrarum fatale malum, fulmenque quod omnes
percuteret pariter populos, & fydus iniquum
gentibus.

Vide, ut ille

Lucan.

fatis urgentibus actus
humana cum strage ruit? gladiumque per omnes
exegit gentes? ignotos miscuit amnes?
Quis verò unquam tyrannus cum illo Attila, illo humani
generis portento, linguâ ad omnem blasphemiam effreni
garrire ausus est: Stellas præ se cadere, terram tremere,
se malleum esse universi orbis? Quis mortalium un-
quam titulos Attilæ ferre potuit; cum ille epistolis & di-
plomatibus superbe hoc modo præscriberet; Attila, filius
Bendecuci, nepos magni Nembroth, nutritus in En-
gaddi, Dei gratia Rex Hunnorum, Medorum, Gotho-
rum, Dacorum, metus orbis, & flagellum Dei? Quasi
non alio lictore opus foret, quàm ipso Attila; et non aliun-
de carnifices hominum, quàm ex Hungaria petendi es-
sent; qui acerbis lege agere, et virgas, secures, ignes, va-
lidius intorquere possent, ut mortales extrema supplicia
meriti severissime plecterentur. Sed flagellum illud non
tam Hunnorum suorum, quàm Quadorum, Marco-
mannorum,

Nicolaus Olaus
in Attila. M. Jo.
de Tarocz in
Hung. Chron.
cap. 16.

Mich. Ritus de
reb. Hungar.
lib. 1.

Paul. Jov. Elo-
gior lib. 1. de
Attila. Marc.
Velfer. Rer.
Boicar. lib. 2.

Carol. Sigo. de
Occident. Imp.
lib. 13.

Paul. Diaconus
lib. 15 J. Naucle-
rus vol. 2. gene-
rat. 16. Carol.
Sigo. de Occid.
Imper. lib. 13.

mannorum, Herulorum, Turcilingorum, Burgundio-
rum, Thuringorum, Bructerorum, Saxonum, Franco-
rum, & aliorum populorum, in societatem belli pertra-
ctorum, potentia septingenta millia hominum com-
plexa terribile, Aetius praeter militem provincialem
& Italicum Liticianis, Armoritanis, Sarmatis, La-
bronibus, Ripariolis, Saxonibus, Burgundionibus,
Alanis, Gothis, Francis adjutus (ac si ad Germanos pro-
fligandos Germanorum opera semper necessaria esset) in campis Catalaunicis ita repressu & castigavit; ut
Attila ille, salute jam desperata, rogem ex sellis equorum
construxerit, eo animo, ut si Aetius castra ejus cepisset,
se in illum ardentem conjiceret, ne Romanus miles aut
se vulnerato gauderet, aut de capto magnifice triumphare-
ret. Atq; hoc est memorabile praelium Catalaunicum:
in quo CLXII. millia hominum ceciderunt, praeter no-
naginta millia Gepidarum & Francorum, qui nocte,
quae praelium praecessit, inter se armis congressi mutuis
vulneribus occubuerunt. Narrant, rivulum memo-
rati campi humili ripa labentem peremptorum ac sau-
ciatorum sanguine fluxisse: quosq; sitis intolerantia ad
bibendum adegit, eos sanguinem, quem vulnerati fude-
rant, potavisse. Sed tandem abominabilis ille tyrannus,
qui Galliam & Germaniam crudelissime vastaverat,
Italiam immaniter diripuerat, cum animo versaret
Orientem, & Syriam Aegyptumq; cogitaret, illi
occurrit suprema dies. Naturaque solum
hunc potuit finem vefano ponere Regi.

In nuptiis

M. Jo. de Tu-
rocz. Chron.
Hungar. c. 22.
G. Ens. rer.
Hungar. lib. 1.

In nuptiis enim, quas cum Bactrianorum regis filia ap-
paraverat, dum Baccho & Veneri jam senex supra vi-
res strenue operaretur, dormiens repentina sanguinis
eruptione suffocatus est. At vero non caruit fastus &
truculentiae haeredibus Attila: ac sequentibus tempo-
ribus seculisq; posterioribus non cessaverunt Hungari
excursionibus & cunctis saevitiae exemplis divexare
Germaniam: plerumq; tamen ibi a fortissimis Germanis
ita excepti, ut illi fere semper pro praeda plagas, & in-
fame nomen domum retulerint. Quid enim Cachan-
nus praestitit, cum magnum numerum prestigiatorum,
& in diaboli schola eruditorum adduceret secum in
Germaniam? Nempe Rex Sigebertus praedones hos
& veneficos ita ultus est, ut pacem ab eo petere fuerint
coacti. Et quid aliud alii superbae gentis latrones suis
invasionibus acquisiverunt, praeter summum dedecus,
& aeternam nullisq; meritis eluendam scelerum me-
moriā? Sed ut ne nimius sim per omnia annalium &
historiarum scrinia eundo, nulli Caesarum Satanicum,
& violentissimum Hungarorum fastum generis sui
reprefferunt, quam Henricus Auceps, & Otto Ma-
gnus. Ab illo superbe admodum & non sine minis ef-
flagitabant tributum Hungari, quod jam a duobus Im-
peratoribus antea extorserant; id vero cum Henricus,
ad dignitatem Imperii minuendam magnopere pertine-
re ratus, persolvere prorsus recusaret, mox perditissi-
morum hominum ingens colluvies, ceu densa aliqua
nubes in Italiam & Germaniam sese effudit, tantamq;
procellam

Cccc 3

procellam excivit, ut Germania in cæde ac sanguine suorum civium penè nataret. Henricus, qui occasiones commodè assiliendi hostis diligenter captabat, primum Hungarorum ducem inopinatò oppressit. Cumque Hungari vitæ ducis sui metuentes magnam pecuniæ vim lytri nomine offerrent, Cæsar pecuniam hanc è rapinis & præda coactam aspernatus, illis novem annorum inducias concessit. Vixdum hi exierant, cum ecce iterum adsunt Hungari, tributum multò quàm antè ferocius repetentes. Sed Imperator, qui interea ad vim sese diligenter comparaverat, tributì loco canem mutilatum & scabie deformem ad ipsos mitti iussit. Hanc contumelià magis accensi, pro uno mutilo cane trecenta hominum millia remiserunt: quorum tanta fuisse scribitur crudelitas, ut major ne excogitari quidem possit. Tandem verò, postquam Deo visum est modum statuere ipsorum sævitiae, Henricus tantis eos viribus tantoque in petu aggressus est, ut omnis Europa contremuerit. Nam centum & quinquaginta hominum millia occisa, quinquaginta millia capta feruntur, præter eos, qui palantes passim & sparsi in fuga perierunt. Multis captivis iussu victoris manus amputatae, naresque & auriculæ abscissae: qui ita ad suos domum remissi cum hoc mandato, ut renunciarent popularibus, hoc esse tributum, quod in posterum Hungaris pendere velint Germani. Licet autem sic castigati, sic profligati, sic contusi tunc fuerint Hungari, ut vel ad memoriam tantæ cladis elatos

G. Ens. d. loco.
H. Megiser. lib.
6. Chronici Ca-
rinthia. c. 84.

Spiritus

Spiritus demittere debuerint: nihilominus tamen postea ab Heroldo Salisburgensi Episcopo evocati incredibili multitudine denuò insultaverunt Germaniæ, cum confidentissimè dicerent, Nisi cælum cadens nos obruat, aut terra dehiscens nos absorbeat, nulla vis humana tanta erit, quæ vel aspectum nostrum sustinere possit. At vis consilii expers mole ruit suâ, & odit superbos, scelerisque estultor Deus. Ita & Hungaris contigit. Ad amnem enim Lycum proximè Augustam, ab Imperatore Ottone Magno fusi, & ad internecionem ferro, flammâ, & aquâ deleti sunt. Bultzko hostium Rex, & exercituum duces Lælius, Sura, Toxus, & Schaba, capti; quos Otto quidem conservare volebat; sed Suevis repugnantibus, illi Reginoburgium ad Henricum Bavarie Ducem missi, ibique ante portam Orientalem, quæ Hungariam respicit, laqueis in patibulo suffocati & suspensi sunt. Semper deinceps bellici spiritus Hungarorum decreverunt; & post Matthiam Corvinum, famæ magnæ venatorem, longèque etiam supra veri fidem cum vulgò, tum clarorum scriptorum monumentis celebratum; quippe qui Italorum calamos largitionibus sibi devinxerat; illorum vigor Solimanni Turcarum Imperatoris iudicio penitus extinctus, & cum Matthia eodem sepulchro conditus est. Quæ omnia si Hungari ad conscientiae libram exigèrent studiosius, haud paulò futuri essent moderatiores in convitiis jaculis adversus Germanos (quos barbaro

Cuspin. in Ot-
tone I. M. Crusi-
us Annal. Suev.
part. 2. lib. 4. c. 8.
Jo. Aventinus
Annal. Boior.
lib. 3. G. Ens. d. l.

Renat. de Lir-
singa de Imper.
increm. lib. 1. c.
15. num. 14. Lud.
Tubero Com-
ment. lib. 1.

P. Jovius Hist.
lib. 39.

Thob. Coberus
in Observat.
Castrenfib.

barbaro supercilio despiciunt: & Georgius Varadinensis Episcopus adeo erat Germanorum contemptor; ut cum ex his duos milites supplicio affecisset, in eadem furca totidem pariter porcos ad ignominiam suspenderit) & alias nationes mittendis; cum calumnientur creberime, Omnibus exteris plus semper cum Morte undique imminente, quam cum Marte negotii esse solere. Non enim dubitaverim affirmare, unicam legionem Suevicam ex quatuor tantum millibus militum compositam, quadraginta Turcarum millibus in acie tuto opponi posse, si eadem corporum alacritate & vigore, quo hinc in Hungariam secundo flumine devehitur, recta ad manus cum hoste conferendas deduceretur: quod de legione Hungarica vel altero aut tertio tanto majore sperari non possit. Quamobrem tibi, illustris Baro Henrice Alberte, haudquaquam credulas aures præbere queo, asserenti; hætenus per unos Hungaros stetisse, quò minus tota Europa sub imperium Turcicum concesserit: cum hæc gloria fere unorum Germanorum sit propria, qui ferro suo sanguinem Turcarum hausserunt, & sanguine suo Hungarorum, & aliorum sanguinem tuiti sunt; quod nisi fecissent, jam tota Hungaria esset aut funus, aut mancipium. Crudelitatem Hungaricam cum fastu gentis jam miscui, cum istum sine illa dicere non potuerim: ut tamen de crudelitate speciatim quid addam, videtur Janus Varadinensis Præful de suis civibus ingenuè omnia dixisse, cum apud Vladislavum Bohemæ Regem, ab Hungariæ

Hungariæ proceribus ad regnum capeffendum vocatum, testaretur, Hungaros multum lupi in se habere: Lupus, Auditores, animal est maxime noxium, sævum, & perpetuâ rabie infestum, & quod occidere cuivis jure est permissum: imò Athenienses olim lege lata etiam præmio invitabant ad cædes luporum; cum ei, qui lupi catulum interemisset, talentum, qui adultum occidisset, duo talenta darentur. At quis Hungarorum non habet aliquid lupi? Spectate, mei Auditores, vel optimum Hungarorum, Regem Matthiam Corvinum, & observate, quantum lupi in isto latuerit. Habebat ille avunculum Michaellem Zilagium, strenuum bellatorem, & qui regnum sibi delatum antè recusaverat, & præcipuus Matthiæ eligendi auctor fuerat: sed cum iste cognatione & senio fretus sæpe Regem liberrimè admonere, atque interdum etiam increpare non dubitaret; assentatorum vocibus impulsus Matthias, tum suo ingenio asper monitoribus, senem optime de se meritum in custodiam includi jubet: jamq; calumniatorum operâ res eò erat deducta, ut in Michaellem supplicium fuerit constitutum: quem tamen unius hominis fides servavit. Is coquus fuit: qui innocentis senis misertus, per aream arcis discursans tumultum conclamat. Nec mora: milites, quibus tam arcis, quam captivi fuerat commissa custodia, hostem ad portas esse rati, uno velut agmine facto se ejiciunt: Coquus interim pontem pensilem subducens, eos omnes excludit, & herum vinculis liberat. Cum autem Mi-

s. nemo retia.
de pace tenenda
in usib. Feud.

Erasm. in Ada-
giis.

G. Ens rer.
Hungar. lib. 4.

Dddd chael

chael contumeliam à Rege adolescente sibi illatam gravissimè ferret, homines idoneos cum literis ad eum mittit, in quibus præstita ei beneficia exprobrabat, quòd scilicet ei, *cujus operâ potissimum ad regnum proventus esset, non quæ benefactori & avunculo, sed quæ proditori debebatur, mercedem persolvisset.* Ac licet facti hujus invidiam in calumniatores derivaverit Matthias postea: tamen more lupi nonne sævit antea? Idem Rex Matthias Viennæ, ubi Francorum legatos audiebat, cum mensæ assedisset, nec ficus, quæ ex Italia allatæ fuerant recentes, ibi, quod jusserat tamen, apponerentur, ab aulicis vel per incuriam vel ingluviem devoratæ, ita exarsit irâ, ut toto corpore contremisceret; quo motu humores colliquefacti in cerebri cellulas defluerunt, indeque statim secuta est apoplexia & stupor; cumque loquendi etiam facultatem amisisset, tandem cum miserabili gemitu animam profudit. Nonne verò & hoc est more rabidi lupi deficere? Quid? quòd Hungari aliquando lupos sævitiam etiam superant? Non exaggerabo jam illud indignum facinus: quo Hungari proceres cæso Aloisio Gritto militares penulas in ejus cruore solenni ceremoniâ tinxerunt, ut diu secum exactæ vindictæ memoriâ deferrent: nonne verò Dracula Valachiæ Vaivoda, qui sub Matthiæ Corvini Regis imperio vixit, omnibus lupis fuit immenior? Ille enim Turcarum legatis, pilea Phrygia ex patriæ instituto deponere recusantibus, confirmandi moris gratiâ clavis ea capitibus ipsorum affigebat,

n.c.

ne in posterum amoveri possent: ille inter Turcos palis transfixos sub dio cum amicis lautè epulabatur: ille hostium captivorum pedes excoriabat, contusoque sale perfricabat, mox lingentes salsis plantis capras adhibebat, quæ linguæ asperitate cruciatum auge-
rent: ille mendicos & alios homines miserabiles opiparo excipiebat convivio, dein cibo vinoque repletos cremabat. Sed nonne Draculam Transilvani vicerunt crudelitate, cum Georgium Sechelum seditiosorum ducem & Nobilitatis hostem acerrimum, mactarent? Namque tortores illum nudum & catenis vinctum, in equuleo primum constituebant, & coronâ candenti ex vomere conflatâ, ut regum mos est, coronabant; venisque dissectis profluentem sanguinem potandum Lucatio Georgii fratri præbebant: deinde ad viginti agrestes, qui in exercitu ordines duxerant, tridui inedia maceratos ad id immanitatis cogeant, ut dentibus spirantis ducis artus dilacerarent atque glutirent: postremo laniatis omnibus membris, cum diutius gravissimos dolores sustinere non posset, extractis visceribus exenterabant, in frustra secabant, atque abenis & verubus coctum comedendum militibus complicibus apponebant; quos talibus epulis ita satiatos cum Lucatio omnibus suppliciis discerptos interficiebant, & famelicis suis pro cibo objiciebant. Horrendum sanè spectaculum; à quo, etsi Georgius extrema quæque meruerat, viri Christiani animum atque oculos avertere debuissent. Cæterum ut lupo animal non magis est crudele,

Dddd 2

dele,

Anton. Bonfinius rer. Ungaric. decad. 3. lib. 10.

Paul. Jovius hist. lib. 13. Gasc. Ens. rer. Hung. lib. 4.

P. Jov. hist. lib. 13.

dele, quàm infidele: sic Hungari non animorum tantum
servitiâ, sed & perfidiâ scelestè obbrutescunt. Si suf-
fragia & argumenta colligere velimus, non reperiemus
causam, quamobrem de Hungarorum perfidia ambige-
re possimus. Plerosque Hungarorum in omne fere ta-
cinus pecuniâ impelli solere; assertit Ludovicus Tu-
bero. At quis iste Tubero? Historicus est: Abbas
est. Dalmata est: Hungarici imperii civis est. Hunga-
ris nihil esse inconstantius atque levius; eosque subin-
de dominos mutare, & in Germanos adeò infestis
ferri animis, ut Turcicum imperium longè præferant;
dicit Franciscus Oliverius. Et quis iste Oliverius?
Vir amplissimus est: Cancellarius est: Regis Gallia-
rum ad Romani Imperii ordines legatus est. Et quid
singulorum testimonia operosè conquirō? Cui enim illa
proverbia, quæ oracula & totarum gentium sunt testi-
monia; cui sunt ignota illa, Hungariam cubicularis
lecti & fidei inopem esse? *Gelt Hunger / auß wem
machstu nicht einen Unger?* Fluxa gentis fides vel hinc
etiam apertissimè liquet: quod è tanto bonorum regum
numero pauci fuerint, quibus contra subditorum suo-
rum contumaciam non fuerit dimicandum. Stephani
Sancti pietas graviter tulit impia arma Cupæ, & cæte-
rorum rebellionis socorum. Caroli I. integritas ac pro-
bitas vix superavit Matthæi Trensinii perduellis po-
tentiam, & vix effugit sicas proditoris Feliciani; qui
consilio capto de Rege, Regina, & filiis occidendis, in
suburbio Vicegradensi Regi prandenti gladio stricto
ictum

Tubero Com-
ment. lib. 3.

Sleidan. Com-
ment. lib. 14.

Tubero Com-
ment. lib. 4. Jan.
Gruter. in Pro-
verb

G. Ens in hist.
Hung. passim.

ictum intentabat, sed Rege se subducente Regina
quatuor digitos amputabat, tandem & hoc ictu fru-
stratus in regios pueros ruebat, quos pædagogi astantes
objectu corporum suorum protexere, uno ex eis lethali-
ter vulnerato. Matthiæ Corvini quantumvis felicitis
bellatoris fortitudo non parùm exercita fuit ab Ordini-
bus, qui obsi qui iura arbitrato suo licenter interpre-
tando in rebellium factionem coaluerant. At cur omit-
to Sigismundum? Quæ enim hæc perfidiæ est imma-
nitas, quod armati proceres Hungari regiam intrave-
runt, Sigismundum Regem suum aut capturi, aut occi-
suri? cum ille nefarias conjuratorum molitiones anim-
advertens maxè arrepto pugione in medium progredere-
tur; Ecquis, inquiens, vestrum manus suas sanguine
meo colorabit? Aut quidnam feci, quod me Regem
vestrum interimere vultis? Prodeat è vobis, si quis au-
det, & cum me solo solus congregiatur. aut quod ple-
rique Senatores jam captum & in custodiam traditum
in medio Senatu trucidandum esse, ut olim Fulium
Cæsarem statuerunt; sine dubio mente jam perfectum
scelus crudelissimè executuri; nisi Sigismundus Garix
viduæ, majestate oris singulariq; facundiâ ejus & am-
plissimis promissionibus ad misericordiam commotæ, be-
neficio elapsus, habitu rustico ad Hermannum Ciliæ
Comitem noctu profugisset? Plusquam immanis certè
hæc est perfidia, & abominabile parricidium. Quid
hoc verò est; quod Hungari nullo naturæ & gentium
juris habito respectu Regem suum Ladislaum, adhuc
infan-

Aeneas Silvius
in Parallel Al-
fonsin. lib. 3.
cap. 39.

Cuspinian. in
Sigismundo.
Cæsare.

Aen. Silvius E-
pistol. 81. ad Le-
onard. Episcop.
Patav. VV. La-
zium Geneal.
Aust. com-
ment. lib. 2.

J. Leunclav.
Pandect. histor.
Turc. cap. 223.
Thuan. histor.
lib. 1.

J. Bodin. de Re-
pub. lib. 6. c. 5.
P. Jovius Hist.
lib. 30.

A. Bonfin. rer.
Hungar. dec. 4.
lib. 9.

A. Chr. 1526.
xxix Augusti.

Thuan. histor.
lib. 1.

infantulum, jam solennibus inunctionis & corona-
tionis ceremoniis consecratum, deferuerunt, & ad
Uladislaum Polonum, postea induciarum ruptarum,
infamiam atque clade *Varnensi* notum, descriverunt? Fla-
gitiosissima est perfidia & nequam defectio. Quid hoc
est; quod *Joannes Zapolia*, Comes *Cepisiensis*, de indu-
stria copias auxiliares tardius ad *Ludovicum regem*,
adduxit, atque ita ipsum cum suis in extremum illud di-
scrimen conjecit: quod sequi & regnum *Ottomannici*
sceptri clientelae subiecit: quod denique *Hungari Tur-*
cis regnum prodere, quam legitimum *Ferdinandi impe-*
rium ferre maluerunt? Insana & pestilentissima pa-
triae & Christianae Reipub. proditio est. Propterea
Uladislaum illum, qui post *Matthiae Corvini* mortem
ad regni *Hungarici* solium evectus erat, mea sententia
non male instruebant quidam optimates ceteris melio-
res; *Hungaros* nempe non clementia & impunitate,
sed virga ferrea in obsequio continendos esse. Neque
aliud praetexebat *Solimannus*, cum contra *Ludovicum*
Regem, adhuc juvenem, validissimum illum exercitum
in *Hungariam* effunderet. Rege enim ad *Mohatzium*
cruento praelio victo, & in aqua lutulento gurgite
suffocato, *Solimannus* *Budam* venit: ubi cum imagi-
nes *Ludovici* demortui & *Mariae* uxoris contempla-
retur, illacrimasse ferunt barbarum, etiam in tanta
victoria humanae conditionis memorem, quod *Rex* in
illa florenti aetate pravorum consultorum impulsu se
in tam apertum exitium praecipitem dedisset: quippe
non

non eo consilio se venisse dicebat, ut *Regem* paterno
regno exueret, sed ut *Hungarorum* insolentiam, qui
posthabitâ dignitate *Regis* & salute Reipub. suis dun-
taxat commodis, ambitioni, luxui, fastuique ab ho-
minum memoria inaudito studebant, trefrenaret, &
ipsum beneficiarium *Othomannici* imperii efficeret.
Hancque *Hungarorum* perfidiam *Valachi*, qui olim
potentia adhuc integrâ *Hungariae* erant subditi, non
imitantur tantum, sed etiam publico testimonio isto,
Nullam gentem in dominos suos esse inconstantio-
rem, supergrediuntur: cum tantâ petulantia in re-
gulos suos debacebentur, ut levi de causa illos occi-
dant, & vel pecuarios & sordidissimos quosque in
eorum locum sufficiant. Paucis annis quot habue-
runt *Despotas*? *Jacobum*; eleganter *Gracè*, *La-*
tinè, *Italicè*, *Gallicè* doctum, & aliquando *Mathe-*
maticas artes, ut *Thuanus* scribit, *Rostochii* in *Me-*
gapolitano Principatu professum fraudulenter ene-
cant: à cuius interitu vocant *Ducem* *Demetrium*
Vishovecium, quem statim *Solimanno* *Constanti-*
nopolim vinctum ad certam necem mittunt: hujus lo-
co *Thomsam* Principem salutant: cui pulso &
ad *Leontopolim* *Podoliae* capite truncato *Alexan-*
drum, *Alexandro* *Bogdanum*, *Bogdano* *Ivoniam*:
Ivoniae *Turcis* prodito *Petrum* subrogant. Quid?
quod nec *Stephanus Batorius Poloniae* *Rex*, quem
tamen, *Henrice Alberte Baro*, tot invidendis en-
comiis penè supra virtutem ipsam extulisti, ubique
fide

J. Leuncl. Pan-
dect. H. Turc. c.
216. & 221. Si-
gismund. Baro
Herberstein.

J. Leuncl. Pan-
dect. Histor.
Turc. c. 71.

Leonh. Gore-
cius in descript.
belli Ivoniae. I.
Leunclav. in
Supplem. An-
nal. Turc. Thu-
anus Histor.
lib. 36.

A. Chr. 1563.

An. Chr. 1574.

J. Leunclav. in.
Supplem. An-
nal. Turc.

An. Chr. 1575.

Thuan. Histor.
lib. 62.

fide candida resplenduit? Certè Potocovam virum, fortissimum & robustissimum, qui equorum soleas ferreas, etiam recentes, nullo negotio manibus, instar chartæ vel alterius rei fragilis rumpere poterat, publicâ fide arcesitum extremo supplicio affecit; caussatus, salvi commeatus regii beneficium non aliter datum intelligi, nisi quatenus causam suam justam docere probareque posset. Turpius, & majori dolo, cum per Blandratam & alios oratores suos in comitiis Polonicis professus esset, se eâ lege regnum ambire, ut primus locus ac dignitas Cæsareæ & illustrissimæ Austriacæ familiæ à Senatu & Equestri Poloniae ordine deferatur: ubi primum se Regem ab aliqua Polonorum parte renunciatum intellexit, confestim mutavit, & quantumvis eum Gnesnensis Archiepiscopus & Senatores Poloni à suscipiendo regno, cujus rex legitimus consentientibus Senatus Poloniae, Lithuaniae, ac Borussiae calculis Cæsar creatus esset, debortarentur, Cæsareanorum nihilominus expectationem ambiguis responsis eludens quantum potuit in Poloniam properavit. Eam verò injuriam cum ad animum, ut par erat, revocaret Imp. Maximilianus, nihil non agebat, ut suis & fœderatorum Principum viribus regnum electione delatum tueretur. Cumq; ad eum sub id tempus Moscorum legati venissent, magnâ pompâ, literas panno aureo gentis superbae more involutas à Joanne magno Russorum Duce afferentes, quibus opes suas contra Batorium, Amurathis communis Christianorum hostis commendatione
in

in alienum regnum invadentem deferebant, non mediocriter gavisus est Cæsar, & pro tam benevolo erga se animo gratias legatis egit, nec recusare se dixit, quò minus amici Principis, cum occasio ferret, opibus & auxiliis uteretur. Sed inter hæc, dum tantæ molis bellum in Polonia gerendum anxios omnium animos teneret, Cæsar sive curis confectis, sive longâ corporis aegritudine debilitatus, optimè meritam de Rep. Christiana animam in Comitibus Ratisponensibus, & quasi inter Ordinum Imperii manus Deo reddidit, sicq; Stephanum novum regem magnâ sollicitudine liberavit. At, ô Stephane, ubi tunc, cum sic ageres, erant magnifica promissata? Ubi fides tua? O Diabolica ambitio, quò non agis humanum genus! Quò non torques commune omnium gentium vinculum, fidem! Quicumque hominum tibi semel sacramentum dixere, simul iidem justitiæ bellum indixere: dum perpetuo habendi dominandiq; pruritu ac æstu laborant; dum quæ non debent, omnia capiunt; & quæ non capiunt, omnia cupiunt; dum semper cogitant alienas opes, aliena sceptrâ, nunquam Deum, nunquam seipsos. At, Tu ambitiose, quisquis es; qui sic in immensum spes improbas cupiditatesq; extendis; Tu & illa ipsa, quæ nullo tuo bono, multorum malo quæsisisti, finem accipient: quicquid longotempore, multâ Dei indulgentiâ & conniventiâ struxisti, id una dies dissipabit. Manum ecce tibi Deus injicit: Stulte, hæc nocte animam tuam repetunt à te. Si exaltatus fueris, ut aquila, & si inter fidera
Eccc posueris

Luc. c. 12. v. 21

Abdias. v. 4.
& 15.

586 Oratio contra Hungariam.

posueris nidum tuum, inde detraham te, dicit DOMINUS. Sicut fecisti, fiet tibi. *Verum plura de Hungarorum vitis nunc non edissero, ne eorum longiori contemplatione amplissimus hic confessus violetur. Quemadmodum igitur Weideradus Abbas Fuldensis, ambitione superciliosè tumens, ex nescio quo negotio privilegio, Archiepiscopo Coloniensi honoratiorem locum in comitiis Moguntinensibus præripere voluit; ipso Archiepiscopo jam consurgente, & cum hisce verbis abeunte: Itaque cedo, inquit, Archiepiscopus Abbati, & Princeps Elector Monacho: quo tamen revocato, Abbas cum ignominia inferiore loco sedere à Cæsare jussus est: ita si Hungaria vel pari dignitatis passu ambulare, vel etiam de primatu cum Germania (nam aliis Europæ provinciis hoc loco nihil patrocinator) contendere ausit; non sine infamia audiet; Germaniam Hungariæ, hoc est, provinciarum Imperatricem, regioni famule; opulentissimam, paupercule; integerrimam, laceræ; omnibus virtutibus ornatissimam, feritate barbaræ & omnibus vitiorum lacunis foetidæ; indignissimè æquiparari, injustissimè posthaberi.*

Alii dicunt, fuisse Conradum. Cruf. Annal. Suev. part. 2. lib. 11. cap. 14 ex Bruschio. Her. Kirch. in Morvillerio lib. 1. c. 3. num. 58. &c. Munsterus Cosmog. lib. 3. cap. 79.

PRINCEPS
FRIDERICVS
ACHILLES, &c.

DICTU
MAXIMILIANE MOSCHI

ORATIO

587

ORATIO

MAXIMILIANI
A MOSCH,
SILESII.

pro
POLONIA.

DUO PERUSINI LEGATI, EXCELSISSIME Dn. Præses, aliquando ad Urbanum V. Pontificem Romanum Avenione decumbentem, venerunt reipub. patriæ causâ: qui cum admissi, & paucissimis verbis mandata exponere jussi essent; tum alter, nullâ ægrotantis Pontificis habitâ ratione verbosè admodum aures & animum illius probè defatigat; alter autem fastidium Pontificis animadvertens, finienti collegæ urbanè subjungit; Sanctissime, ait, pater, hoc etiam amplius in mandatis nobis datum est: ut, nisi quamprimum petitioni nostræ satisfacias, collega hic meus orationem suam tibi statim repetat, & dicat adhuc prolixius. Quâ dictæ decipulâ captus Pontifex legatos citra offensam ocyus dimisit. Mibi autem, Princeps inclyte, pro Polonia (Poloniam enim ego omnibus antefero Europæ provinciis) principatu aliquid dicturo, nihil ejusmodi insidiis & dolis ad assensum tuum opus est; cum Poloniæ virtutis fiducia neq.

Theod. Zvvinger in Meth. Apodem. lib. 2. cap. 25. Gasp. Ens Epidorpid. lib. 1.

Eeee 2 judicium

judicium ullius reformidem, neque de causa victoria apud te certò obtinenda dubitem. Propterea etiam remissius loquar & securius: ne quis putet, me ab orationis flosculis & cincinnis argumento magnitudinem conciliare velle. Sicuti enim elegantuli, qui de capsula toti fortunas omnes veste, atque ornatu omne patrimonium bajulant, rarissime quicquam sapiunt solidum: ita cujus oratio nimis est sollicita & polita, ejus animus plerunque pusillis tantum occupatur.

Polonia autem divitias, Auditores, quas natura & soli bonitas ibi quotidie plenà manu spargunt in omnes hominum usus, non lubet hic ostentare, & more mangonum ex aureis catenis, torquibus, bullis, & nescio quibus crepundiis gloriosule prerogativam mentiri. Si enim dicerem, Poloniam scatere ferri, plumbi, sulfurisq; metallis, nec non caeruleo colore Lazurii, quem pingendo suo palatio DEUS ipse selegit: si recenserem, Lituaniam Cereris esse horreum; & Russiam adeò esse fecundam, ut messe facta ex semine deciduo ager fiat restibilis sequente anno, nec novà semente egeat; & in Podolia semen quomodocunque in agrum conjectum centuplum referre fructum, eamque ibidem esse pratorum ubertatem, ut boum cornua vix de gramine appareant: si ostenderem, salinis Cracoviensibus nullis in universo orbe extare pares; atque earum concamerationem, cui & oppidum impositum est, columnis è sale excisis fulciri: quæ porticus efficiunt tam amplas, ut non opus sit inter ambulandum caput demittere: si referrem,

Steph. Forcatu-
lus in Polonia
felice.

Alex. Guagni-
nus rer. Polon.
tom. 2.

Georg. Doufa
de itinere tuo
Constantino-
politano.

referrem, mel nusquam melius, quodq; minus ceræ habeat albumq; sit, quam in Samogitia reperiri: silvasq; illic summis abundare opibus; cum stipitibus cavatis mella passim promantur: si memorarem, in pomariis suburbanis Cracoviensibus, Sendomiriensibus, Varsaviensibus, Toruniensibus, Gedanensibus, Elbingensibus, item Vielsensibus & Bochnensibus, totoq; tractu submontano ac Sciriciensi, pyrorum, pomorum, prunorum, persicorum, cerasorum, ac nucum nobilitatem certare cum Hungaricis & Italicis: si deniq; enarrarem, ex XXXII Palatinatibus Polonicis ad alias exterâs ditiones exportari siliginem, triticum, hordeum, avenam, & alia legumina; linum quoque, lupulum, coria boum, sebum, alutam, mel, ceram, succinum, picem, cinerem, malos, asferes, cæteramq; materiem fabricæ aptam; cerevisiam præterea, boum & equorum vim penè infinitam: si, inquam, hæc omnia, & quæ alia multa coacervari possent, pro singularum præstantia rerum pari verborum ornatu exequerer; quid tamen, & quantulum sic differerem pro Polonia inter Europæas regiones principatu? Cum Anno Chr. MCCC. LXIII. tempore carnis privii, Imperator Carolus IV nuptias celebraret Cracoviæ cum Casimiri Magni Poloniæ Regis nepte Elisabetha; quibus etiam intercrant Ludovicus Hungariæ, Valdemarus Daniæ, & Petrus Cypri, Reges; Duces insuper, Otto Bavarorum, Ziemovitus Masoviorum, Boleslaus Suidnicensium, Vladislaus Oppoliensium; & Boguslaus Stolpensium, sponsæ pater, Ve-

Matth. de Mi-
chovia Chron.
Polon lib. 1. c. 3.
Mart. Cromer-
us lib. 1. de Po-
lon. Salomon
Neugebauerus
rer. Polon. lib. 1.

Mart. Cromer.
de reb. gest. Po-
lon. l. 12. Alex.
Guagnin. rer.
Polon. tom. 1.
Sal. Neuge-
bauer. lib. 3.

Seneca Epistol.
26.

Hubert. Tho-
mas Leod. lib.
6. Annal. de vi-
ta Frid. 2. Elect.
Palat.

rincus Germanus, Consul Cracoviensis, non tantum nu-
ptiarum illarum apparatus regio nomine quam splen-
didissime administravit; sed ut privatâ quoque ma-
gnificentia Polonia opulentiam testaretur, Imperato-
rem, & illos Reges ac Principes omnes, lautissimo ali-
quot dierum excepit convivio, & insignia munera sin-
gulis, in primis Casimiro Regi donum centum amplius
florenorum millibus aestimatum, dedit: hoc tamen in
homine privato quid fuit aliud, quam solennis vanita-
tis opum apricatio, majori luxus & fastus, quam ani-
mi ventrisque bene morati argumento? Exiguum na-
tura desiderat, opinio immensum. Et licet ultra pri-
vatum pecuniæ modum fortuna quem provebat, auro
teget, purpurâ vestiat, & eò deliciarum perducatur, ut
terram marmoribus abscondere, & non tantum habe-
re, sed & calcare possit divitias: ab illis tamen animus
nec erit melior, nec major; sed majora cupere semper
inde discet. Quemadmodum igitur Fridericus II.
Electo Palatinus in Hispania Venta Eyoella (Ven-
tas autem appellant Hispani domos, à Regibus in locis
desertis constructas; ut ita haberent iter facientes, ubi
cælo pluvio possent pernoctare. in illis aliquando reperi-
tur hospes, aliquando nemo.) quemadmodum, inquam,
Princeps ille de asinina carne, quam ferinam putabat,
comedit multum, & sic suaviter, ut eam non satis lau-
dare potuerit, jussitque œconomum emere, quantum
mula ferre posset: hospite autem rationes conficiente,
cum is diceret, Tantum pro carne asinina, quam heri
edistis,

edistis, & vobiscum fertis: & frustra jam œconomus ad
insperatum gratissimi ferculi nomen exhorrescente, et
dejectionum bruta fulmina nequicquam evibrante,
cum adderet hospes; Quis enim, inquit, nobis in deser-
tis his locis daret ferinam; & cum dicto aperiens cel-
lampenuarium, ubi perna recenter occisi asini pende-
bat: Hæc est, ait, nostra venatio: exagitamus canibus
asinos non secus, quam feras alibi, & nobis bona feri-
nâ videtur: quod Princeps, qui jam ante abierat in
aliam Ventam, quæ dicitur de los palatios, & rursus
de sua ferina edere volebat, ubi audivit, & rem omnem
edidit, quicquid supererat ferinæ abjicere mandavit;
neque fuit, qui amplius gustare vellet: sic, & eodem
prorsus modo homines opum sectantur ludibria,
quas falsâ opinionum specie decepti summâ digna-
tione prosequuntur, negligentius habituri, si justo &
debito rationis examine eas ad verum usum revocare
nosset.

Quapropter nec etiam immanes ædificiorum, pa-
latiorum, atque urbium structuras in Polonia esse
optaverim; nec si ibi jam sint, ad Polonorum gloriam
retulerim: cum illæ plerunque sint opum pessimè insum-
ptarum monumenta, & publicus ambitionis humanæ
character. Age enim, quisquis es de miratorum ple-
be, dum avidis hauris auribus, in pyramidum quatuor
Ægyptiarum constructione, tantum in raphanos &
allium ac cæpas mille octingenta talenta erogata; atq;
ex illis amplissimam à trecentis sexaginta sex homi-
num

Hoc est
1000000
aurorum.

Plin. hist. natur.
lib. 36. cap. 12.

Plin. lib. 36. cap.
14.

Plin. lib. 36. c. 5.

A. Gellius noct.
Attic lib. 10.
cap. 18.

G. Pancirol. rer.
deperdit. lib. de
sept. mundi mi-
rac. & ibi Sal-
muth.

Plin. lib. 34 c. 7.

Plin. lib. 34 c. 8.

num millibus viginti annorum spatio perfectam; mi-
nimam verò, sed laudatissimam à Rhodope meretri-
cula, tantas opes meretricio conquirente quæstu, fa-
ctam fuisse: & dum miraris templum Ephesiæ Dia-
næ, totâ Asiâ extruente ducentis viginti annis condi-
tum; cujus longitudo erat CCCXXV pedum, latitu-
do ducentorum viginti; columnæ centum viginti se-
ptem à singulis regibus factæ, LX pedum altitudine;
summam in tanto miraculo hæc re admirationem sum-
mè augente, epistylia tantæ molis attolli potuisse: dum
etiam curiosè observas, Artemisiam Mausolo Cariae
regi marito conservandæ ejus memoriæ memoratissi-
mum fecisse sepulchrum, amoris testimonio supra omnes
amorum fabulas ultraq; adfectionis humanæ fidem;
cum prætereà luctu desiderioque defuncti flagrans, ossa
cineremq; ejus mixta odoribus contusaq; aquæ indidit-
set ebibissetq;: dum item cogitationibus emetiris muros
Babylonicos, CC pedes altos, quinquagenos latos, in-
singulos pedes ternis digitis mensurâ ampliore, quàm
Romanorum, quibus pes XVI digitos continebat; totâ
murorum circumferentiâ LX miliaria colligente; &
in istam operis portentosi confectionem terdecies cen-
tenis hominum millibus ex omni regno adhibitis: dum
quoque figis mentis oculos in Colossum Rhodi, simula-
crum solis ex ære conflatum, LXX cubitos altum;
tantâ vastitate molem, ut pauci pollicem ejus amplecti
potuerint: vel in Jovem Olympium Phydæ ex ebore
& auro, supra aliorum artificum æmulationem exi-
mum

miu opus: vel in Cyri Medorum Regis domum ebo-
ris nive, argenti luce, flammis ex auro electriq; claritate
fulgentem: aut, si fortè septem illa mundi miracula
temporum tyrannise xpulit è memoria, age quæcunque
es miratrix turba, veterem illam Romam,

_____ urbem populis victisque frequentem
gentibus; & generis, coëat si turba, pacem
humani,

veluti per ruderum nebulas otiosè inspicere & adstupe-
scere; atque vel in imagine tantum intueri illam Augusti
marmoream Romam; & in ea illa quadringenta vigin-
ti quatuor templa; illa Capitolii laquearia & tecta
inaurata, (quæ sola inauratio supra duodecim millia
talentorum absumpsit) & ipsas fores crassis auri lami-
nis obductas; illud Agrippæ Panthæum, (hodie S. Maria
la Rotonda) Sebastiani Serlii judicio unicum consum-
mata architecturæ exemplar; illud Trajani forum,
Ammiani verbo, singularem sub omni cælo structu-
ram, etiam numinum assensione mirabilem, gigan-
tæos contextus, nec relatu effabiles, nec rursus mor-
talibus appetendos; & quod Cassiodori opinione vel
sub assiduitate videre miraculum sit; illas Diocletia-
ni thermas, capacitæ suâ quatuor maxima Italiæ pa-
latia simul juncta æquaturas; & illa tot alia balnea eo
splendore & paraturâ superbientia, ut Senecæ ævo
pauper visus sit & sordidus, nisi parietes magnis & pre-
tiosis lapidum segmentis variè figuratis refulserint, nisi
Alexandrina marmora Numidicæ crustæ distinxe-
rint,

Ffff

Lucanus.

Sueton. in Au-
gusto.

Notitia Impe-
rii.

7206000.
Philippicum.
Lips. in Admi-
rand lib. 3. c. 5.

Ammianus
Marcellin. lib.
16.

Cassiodorus.

Blondus Fl In-
staur. Romæ
lib. 1.

Seneca Epist.
86. & ibi Lips.
in comment.

runt, nisi illis undiq; operosa & in picturae modum variata circumlitio praeluxerit, nisi vitrum abscondiderit cameram, nisi Thasius lapis, quondam rarum in aliquo templo spectaculum, piscinas circumdederit, nisi aquam argentea epistomia fuderint, nisi pavimenta argento, auro, gemmis strata fuerint: Specta quoque mirator, illum copiosissimum statuarum, marmorearum, aerearum, argentearum, aurearum, eburnearum, populum; illas privatorum hominum tota urbe infulas quadraginta sex millia sexcentas duas, & domos urbium æmulas mille septingentas octoginta; et alias Romanæ magnificentiae insanas substructiones atque ædificia, quæ nostri artifices & architectones non dicam conficere, sed ne exputare quidem, capere & credere possint, expende: sed ubi sine adfectu omnia illa ad calculum plenè & exactè reduxeris, quid invenies, quod impietas, fastus, ambitio, prodigalitas, stultitia, adulatio, vitium, non occupaverit? quid offendes, quod solidæ virtuti consecratum, & veræ gloriæ sit proprium? quid & quantum deprehendes, quo Polonia carere sine laude non possit? Altum nimis illorum est supercilium, qui ita per artis molitiones naturæ operibus contumeliam faciunt, & per corporis viscera pellem ejusdem exornare frustra conantur. Quasi verò totus mundus, augustissimum naturæ Capitolium; & cælum, tectum illius pretiosissimum; & Oriens cum Occidente, Meridies cum Septentrione, regia illius tabernacula; et sol, nitidissimum illius speculum; et luna stellæq; clarissi-

Cassiodor lib. 7. Lipf. Admiran. lib. 3. cap. 9. Apulejus de Deo Socratis. Insula erant aëdes ab utroque latere hinc inde itinera habentes, in qua pluebant, fronte in fastigium desinentes; domus vero erant ampliores & testudinata, à quatuor partibus pluentes. G. Pancirol. de XIV Regionibus U. R.

mæ illius faces; & aer, subtilissimum illius velamen; & mare, capacissimum illius theriotrophium; & animalia, opulentissima illius supellex; & herbae floresq; pulcherrima illius peristromata; & arbores, insignæ illius vasarium; quasi, inquam, hæc omnia hominum vermiculis non satis laxum splendidumve præbeant hospitium, et cum naturæ injuria ad artis luxum sit decurrendum? Et quidni multò sentiant prudentius Turcæ, qui superbi elatiq; neque se suo modulo metientis animi esse judicant, studere magnificis ædibus; ut si quis sibi immortalitatem & perpetuam mansionem in hac vita polliceatur; cum illi ita domibus utantur, quemadmodum peregrinantes diversoriiis; in quibus si sint à latronibus, à frigore, à sole, ab imbre tuti, reliquas oportunitates non requirunt: non ignari illi, hac quidem in re minimè barbari, Romæ olim culmum liberos tetasse; adeoq; posse ex casa virum magnum exire, posse eundem sine marmorario fabro degere, posse vestitum esse sine commercio Serum, posse habere usibus necessariæ contentum his, quæ terra posuit in summo; posse cœnare sine coquo: contra flagitiosum et molliculum quemque ingenio adjuvare vitia, faciliū fastidio omnia facere difficilia; dentibus, ventre, ore, oculis quoq; gulam exercere, cum ambitione edere ac bibere; & prodomuncula atq; fortè voluptuario prætório matris terræ ventrem ac faciem tot turpibus cicatricibus atque artificiosis pustulis contaminare. Hujusmodi quidem

Le Soldat François.

Auger. Busbecquius Epist. 1. Turc.

Seneca Epistol. 66. & 90.

Seneca Nat. Quæst. lib. 3. cap. 18.

homines similimi sunt pueris, quibus omne ludicrum in pretio est; & qui bullas ex saliva & smegmate confectas, atque è juglandis cortice sufflato calamo excitatas, spirituq; in aera hinc inde propulsas, vel cælo ipsa pulchriores esse putant; qui etiam parentibus, nec minus fratribus, præferunt parvo ære emptam monilia. Et quid inter magnos illos, & istos parvos pueros interest? Nihil: nisi quod illi circa tabulas et statuas insaniunt, carius inepti. Istos reperti in litore calculi leves, & aliquid habentes varietatis, delectant: illos ingentium maculae columnarum, & parietes tenui marmore, aut etiam auri laminâ obducti, cumq; sciant, sub tali involucro fœda ligna latitare, quid aliud, quam mendacio gaudent?

Verum Poloni non ita ineptiunt gloriæ maiestatem & thesaurum divitiarum, & omnem pompæ splendorem, non à fortuna, non à fallacibus vulgi acclamationibus, sed à Virtute ipsa, atque a semet ipsis petunt. Et quot titulis, quot laudibus, quot nominibus, dicendi sunt Poloni mei? Certè iudicio viro- rum, quos nemo sanus repudiaverit, Poloni sunt civilissimi, & audent humanitate, omni animi ornatu, provocare latissimam quamque gentem. Admirabilis hic est Providentiæ ordo: & cælestis ille agricola, h. is illasque partes excolit, & velut novales quosdam agros alternis ferit. Quid Græci, quid placent sibi Itali, Græci & Itali nuper in Gallia, nunc in Sarmatia reperiuntur: uno Sarmatia vel supra Hesperiam utramque

Seneca Epistol.
95.

Just. Lipsius in
Epistol.

lib. 10.

8777

tramque

tramque hodie est exulta. Quid nos Germani, quid cristas erigimus? Poloni non tantum mollius, quam nos, loquuntur; sed sunt etiam urbaniores, & cultu elegantiores. Ut propterea nugæ sint imperitorum, Polonos moribus asperos & barbaros vocantium; cum usus, familiaritas, atque necessitudo, cum illis inita demonstrent, illos bonos viros, rectos, simplices, apertos, humanissimos, officiosissimos, & in omni civilitate exercitatos esse; atque potius jam verendum sit, ne ad obtrectatores barbaries, ad Polonos autem cultus, splendor vitæ, humanitas & eruditio, omnino mutatis sedibus commigrarint. Et quia Polonia cælum Musis sic est amicum; inde fit, ut illic pauperes juxta ac divites, Nobilitas & plebs, literarum sacra felicissime discant: rarissimis etiam pagis, ubi Latina lingua præter vernaculam non sit vulgò nota; plerisque Nobilibus insuper Germanicam, Hungaricam, Italicam, Gallicam, Hispanicamque eleganter callentibus. Id quod Gallis res visa est nova & insolita, cum Poloniæ delegati decretum electionis Henrico Andium Duci totius regni nomine nunciatum Lutetiam venissent. Namque Parisienses non tantum novorum hospitem vasta corpora, vultus miræ gravitate subhorridos, summissas & rutilanteis barbas pileos pretiosis pellibus fartos, gemmatos enseis falcatos, ferratas ocreas, ph. retras, & arcus, rasumque occiput, & cothurnos gall. cis ferreis à luto defensos, cum stupore aspiciabant; sed hoc mirabantur maxime,

Bod. de Repub.
lib. 5. cap. 1.
ad fin.

Marc. Anton.
Muretus in Ep.
quad. ad Sacra-
tum.

Sal. Neugebauer
hist. Polon. lib.
1. Gasp. Cichocki
in Anat. consil. cont. Je-
suit. Appendice
cap. 4. Alexand.
Guagnin. rer.
Polon. tom. 2.

An. Chr. 1573.

Ffff 3

quod

Thuan. histor.
lib. 56.

Thuan. histor.
lib. 56. & 73.

quod ex omnibus legatis nullus non Latini sermonis peritus esset, plures Italicè & Germanicè loquerentur; quidam etiam tam concinnè Gallicas voces proferrent, ut ad Sequanam potius aut Ligerim, quam ad Vistulam aut Borysthenem nati viderentur: pudore interim Aulicis Caroli IX, literarum non modò rudibus, sed infestis hostibus incusso; qui interrogati ab hospitibus suis, erubescere, & nutu tantum respondere cogerentur. In hac splendidissima autem legatione velut præcellens gemma coruscabat magnus ille Joannes Sarius Samoscus; qui cum pro ratione officii, quippe regni Cancellarius, ipsum Henricum publicâ ceremoniâ Regem Lutetiæ Parisiorum renunciasset, magnam cum eruditionis ac eloquentiæ, tum prudentiæ & ingenii laudem adeptus est: ad quem & tunc Franciscus Balduinus, haut obscuræ famæ Jctus, & Cracoviensi Academiæ, nisi mors hominem prævenisset, instaurandæ destinatus, orationem evulgavit, in qua non solum istam legationem Polonicam, ut maximè omnium illustrem, aliarum ab omni antiquitate repetitarum comparatione multis verbis extollit, verum etiam ipsum Samoscium tanquam librorum de Senatu Romano auctorem laudat: quos tamen libros non Samoscii, sed Caroli Sigonii esse compertum habemus. Sanè Samoscus inter eruditos scriptis illis nominatus majorem deinceps militaris gloriæ laudem re ipsâ meruit, rebus bello fortissimè gestis contra Moscos & Austriacam domum, ut bello & togâ clarissimus merito

ritò censeridebeat. Et verò ut ad proprii nominis celebritatem tunc alienâ industriâ uti voluit, sic ut alieno nomine postea in propriis laudibus publicandis usus sit, subdubitat Thuanus. Nam libros de Moscovitico bello, qui nomine Reinoldi Heidenstenii Secretarii regii circumferuntur, elegantissimè & accuratissimè scriptos, existimat aut ab ipso Samoscio scriptos esse, aut potius ab homine Latine scribendi peritissimo, qui eos vel ipso Samoscio dictitante, aut saltem ex ipsius commentariis exscripserit. Verum illis proceribus Polonis omnibus, summis viris, virtute & doctrinâ si non major, certè par erat Stanislaus Hosius Cracoviensis: qui cum primum Ratisvi, dein Bononiæ, ubi literis eodem tempore operam dabant Alexander Farnesius, Christophorus Madrucius, et Otho Truchsesius (omnes hi in collegium Cardinalium postea cooptati) jurisprudentiæ industriam addixisset, & lauream sub ipso Hugone Boncompagno, qui Romanæ Sedi Gregorius XIII nomine dein præfuit, postremo consecutus esset; inde domum reversus, maximisq; legationibus ad Carolum V, Ferdinandum, & Philippum Caroli F., Sigismundi Augusti nomine magnâ fidei et prudentiæ laude defunctus, ab eoq; Varmiensis Episcopus creatus, tandem ejusdem operâ, obraram eruditionem et Theologicarum rerum scientiam, Pius IV in Tridentinæ Synodi negotio usus est, cujus etiam merita æquus Pontifex amplissimo Cardinalatus honore remuneravit; cum tamen magnus ille Hosius eandem dignitatem Paulo IV deferente, rarâ

Thuan. histor.
lib. 68.

Ph. Camer. Me-
dit. hist. Cent. 3.
c. 68.

Seph. Forcatu-
lus in Polonia
felice.

An. Chr. 964.

Alex. Guagnin.
rer. Polon. to-
mo 1. S. Neu-
geb. hist. Polon.
lib. 3. S. Forcat.
in Pol. felice.
Nic. Henelius
in Silesiograph.
cap. 6.

rarâ hoc ævo modestiâ, enixè deprecatus esset. Quid?
quod & Joannis Dantisci, Sigismundi I Regis Polo-
niæ legati, doctrina & vis ingenii ita Imperatoris Caro-
li V. animum subegit & occupavit: ut is, cum abdicatis
imperii sceptris, dimissisq; omnibus externis legatis, ex
Belgio in Hispaniam vela faceret, solum Dantiscum
comitem secum duxerit; quem etiam postea maximis
auxit honoribus, & cum tota ejus adgnatione in nume-
rum & ordinem Nobilitatis Hispanicæ inseruit.
Quid ad tam illustria Polonorum ingenia, ad talia in-
geniorum decora, jam diceret Clemens Papa, à Petro
Apostolo, ut fertur, quartus: qui scripsit, in Sarmatiâ,
extremam Germaniam contingente, nullum geome-
tram, vel poetam, pictoremve, aut trapezitam esse?
Quibus verò verbis tam miraculosæ vicissitudinis ma-
gnitudinem nunc exprimeret, Auditores: cum Polonia
jam omnis sit literatissima, & tota jam transferit in A-
thenæum? Quid diceret Clemens, si Poloniam jam su-
pra Romam ipsam & Italiam videret piâ, & reli-
giosam? Namque & cura Religionis statim post ejû-
ratos et pulsos à Mieczislao gentiliū ritus in omnibus
ordinibus sic auxit, ut etiam zelum derivaverit in po-
pulos vicinos, ac potissimum Hungaris fuerit exemplo:
Mieczislao præterea in perpetuum fidei Christo datæ
pignus morem posteris tradente, ut interim, dum sacer-
dos in Missæ sacro Evangelium prælegit, omnes virilis
sexus gladium è vagina stringerent medium, & hæc so-
lennitate facerent testatum, pro Religione Christiana
se

se extrema quæque facturos & passuros, & prius vi-
tam & bona omnia, quàm Evangelii professionem reli-
cturos esse. Videturq; DEUS Religionem Christianam
singulari quodam totius Europæ bono in clientelam
Polonorum dedidisse. Etenim cum ab illis Septentrionis
& Orientis regionibus ferocissimæ gentes, partim ab
Ecclesiæ communione dissociatæ & direptæ, partim
aperti & capitales Christiani nominis hostes, fidelium
cervicibus immineant; fortissimi Poloni in illo Reli-
gionis confinio, tanquam in communi quodam salutis
publicæ propugnaculo & arce, divino consilio constitu-
ti sunt, qui invictis & fulminatricibus Imperii sui le-
gionibus barbarorum immanitatem propulsarent. Hæ-
retici Mæschavita, provinciam solo & cælo asperri-
mam incolentes, & quam nemo quærat, nisi sit patria,
cum agro sint, animo tamen Polonis sunt haudquaquam
ad fines: illiq; verè sunt eos roboris Polonici, ad pubem
bello exercendam, ne otii rubigine obtorpeat, sed magis
cum regni tranquillitate simul famam suam prolatet, atq;
pugnacem Scytharum fugam, in verissimam et infamem
fugam commutet. Mahumetani Turcæ Polonorum
quoque sunt vicini, sed pessimi; quippe qui diro prover-
bio indicent, ubicunq; equus Turcicus ungulam im-
presserit, ibi gramen non crescere: & nihilominus Po-
lonorum arma experti, illos omni officiorum genere de-
mulcent, nedum ut ullâ offensiunculâ irritare ausint.
Et quidem cum superioribus annis Turcorum Sultanus
à Polonis certas militum copias auxiliares ad bellum,

M. Ant. Mures,
in Epist. ad Sa-
crat.

Steph. Forcat.
in Polon. fel.

Laz. Soranz. in
Ottomanno
cap. 75.

Gggg

quod

Ant. Ciccarella
in vita Sixti V.
Genebrard. in
Chronolog.
lib. 4.

M. Ant. Muret.
ad Sacrat.

Mart. Cromer.
lib. 1. de situ Po-
lon. &c. S. Neu-
gebauer. rer.
Polon. lib. 1.

Seneca Epistol.
56.

S. Forcat. in Po-
lon. fel. Alex.
Guagnin. rer.
Polon. tom. 1.

quod cum Persa gerebat, quodam consuetudinis antiquæ prætextu posceret; Stephanus Rex has illi negabat, dicens, candidam Polonorum aquilam antea in plumem & viribus suis destitutam nunc rejuvenescere, pennas recepisse, ungues & rostrum exacuisse. Poloni enim supra illos Civilitatis, Literarum, Religionis, plenissimos honorum titulos, præ aliis nationibus maxime sunt animosi & naturæ fortes; qui non facile aut voluptatibus frangantur, aut periculis terreantur. Mortem per hoc solitam, immortalitatis instar, vitam per dedecus retentam, quavis morte pejorem putant. Ignominiam ut fugiant, nihil non fecerint; ut mortem, nihil. Et quemadmodum in majore Polonia propè Sremum oppidum, in colle quodam, ollæ, amphoræ, cacabi, & alia vasa sponte nascuntur, quæ dum sub terra effodiuntur, mollia sunt; in aerem autem exposita, durefcunt: ita Poloni penè omnes ex utero matris militares animos in lucem secum ferunt, quos postea severiori parentum & popularium disciplina firmant, aptosque magnis conatibus reddunt; ut exinde fremitus armorum non magis curent, quam foliorum strepitum, sive dejectum aquæ. Quamvis & hæc olim genti cuidam delicatula causa fuit, urbem suam transferendi; quia fragorem Nili cadentis ferre non potuerit. Sed Poloni omnes verè viri sunt, metusque omnino expertes, planeque conformati ad exemplum magni illius Piasii, qui sicuti probitate & justitiæ famâ regnum acquisivit, & in stirpem

pem suam per totos quingentos annos ordine successorio illud transmisit; ita semper fuit domi militiaq; gloriosus, & præcipuè hæc laudatâ duritie civibus suis antecessor longè præclarissimus, quod solitus sit melle tantum ac venatu vivere, & ferinis se pellibus amicare, ritu prorsus Sarmatico: quoniam Ulpianus noster probaturus vestis verbo pelliceam contineri, satis habuit dicere, Sarmatas eâ uti. Quinetiam antiquitus in univèrsam Polonia omnis tantopere fortium facinorum famam captabat, ut etiam fœminæ militarent; si quidem nulli nubere fas erat, nisi tres prius hostes in prælio stravisset: quam tamen rigidam nimis consuetudinem, ne virginitas puellis esset supplicium, sustulit Piasius, et mulieres sexui consentaneas artes tractare iussit. At verò qui diligentius per vitæ magistræ historiam circumagere memoriam voluerit, comperiet, nullam gentem Sarmatis sive Polonis fuisse bellicosiorum unquam; nullam bellica discrimina, frigora, tempestates, & alios casus, fortius sustinuisse. Augustus Cæsar in ore sæpe habebat, non sibi libere hamo aureo piscari, & gentes nihili debellare multarum legionum periculo: quo tamen astu semetipsum solabatur, si quando feroces non auderet laceffere. Idcirco Lentulum legatum suum admonuit, ne temere Sarmatas inquietaret; quia illi pacem non intelligerent. Et sic felici Augusto Sarmatas Danubio prohibere satis fuit; virtute Sarmatarum fortunam Romanorum terminante. Nec Ovidium, cum ad Pontum esset relegatus, latuit.

Argumento.
25. ff. de auro,
argento, &c.
leg.

S. Forc. d. l.

L. A. Florus lib.
4. c. 12.

Gggg 2

Sarma-

Ovid. lib. 1. de
Ponto. Eleg. 3.

*Sarmatarum pugnacitas, & inter eos Romani nomi-
nis contemptus; cum pro singulari miraculo scriberet
Romanis proceribus, in hæc verba:*

Maxima pars hominum nec te pulcherrima cutat
Roma; nec Aufonii militis arma timet.

dant illis animos arcus plenæque pharetræ,

quamque libet longis cursibus aptus equus.

quodque sitim didicere diu tolerare, famemque;

quodque sequens nullas hostis habebit aquas.

Alex. Guagnin.
rer. Polon.
tom. 1.

Et quantis victoriis posteriora secula coronaverunt

fortissimi Poloni? Quid enim fecit Ziemovitus Pri-

mus? Ille Hungaros, Bohemos, Cassubias, Pomexquos,

bellis attrivit, & solvendo tributa effecit abnoxios.

Quid Boleslaus Chrobri? Ille Boleslaum Bohemum

crebris excursionibus infestum fudit, cepit, & exsecu-

it: ille Jaroslaum Russum subegit: ille Prutenos ca-

erxit, Saxones castigavit: ille ampliatis imperiis fin-

ibus ad perpetuam tantæ felicitatis memoriam in lignis

te columnas areas collocavit; eo demum conspectissi-

mo subditorum amore ex rerum optime gestarum gloria

concepto beatus, ut illo mortuo universa Polonia totum

annum lugens, neque convivio ulla celebraret, neq; cho-

reas ageret, neq; cultioribus vestibus Nobilium viro-

rum aut foeminarum quisquam uteretur. Venerat illa

etate in Poloniam Imperator Otto III, ut reliquias

veneraretur novi martyris Adalberti à Prutenis dæ-

monum cultoribus occisi, cujus cadaver Boleslaus re-

demerat à barbaris, tantum argenti, sive auri, ut alii

volunt,

Christophorus
Vvarsevicus in
Orat. funeb.
Stephan. P. R.

volunt, pactis, quantum corporis ponderi responderet:

& venerat Otto, vel voti exolvendi causâ, quod gravi

morbo implicatus nuncupaverat; vel potius expiandi

sceleris, quo in Italia Comitem quendam innocentem in-

dictâ causâ interfici jusserat. Nam cum Imperatori

uxor esset parum casta, (dicendum enim hic est aliquid)

illa ad Mutinam Italiae, Comiti in iis locis copiam usu-

ramq; sui obferebat: sed repulsam passa, ipsa ultro cri-

men struebat, & tentatæ pudicitiae Comitem accusa-

bat. Imperator calide audit, credit, damnat, occidit.

Comes tamen ante mortem rei seriem uxori suæ aperit;

& rogat, ut mortuum vindicet, & famam, quoniam

vitam non possit, servet. Paulo post conventu ad Ron-

calias instituto, die, quo ius viduis & pupillis dicebat

Cæsar, etiam Comitis vidua ad tribunal venit, & ca-

put mariti occultum in sinu gestat. Stat ante Cæsarem,

& veniam præfata, querit; Ecqua poenâ dignus ef-

set, qui vitam alteri injuria ademisset? Hic Impera-

tor. Is quidem, liquet mulier, inquit, Morte. Tum

illa; Ergo poenam hanc tu, Cæsar, te iudice subibis;

qui innocentem maritum meum sustulisti. En ca-

put, quod recidisti. Innocentem autem esse, quoni-

am testes & alia desunt; tractatione igniti ferri pro-

babo. Dixit, & sine noxa fecit: miraculum Impera-

torem & adstantes commovit: sed hunc maxime, qui

Deum etiam indicem timebat. Itaque permittit se fœ-

mina, ut sua voce damnatum: sed ad poenam subeundam

spatium postulat. Tum mulier tribus vadimoniis dila-

Gggg 3

tis,

Carol. Sigon.
de regno Italiae
lib. 7. J. Lipsi-
us Monit. Polit.
lib. 2. cap. 9.
Mon. 2. nu. 3.
Chr. Lehman.
Chron. Spiren.
lib. 5. cap. 14.

tis, Atqui, inquit, ego supplicio Reginae contenta sum, cujus nefaria calumnia maritus meus est oppressus. Otto muliere collaudata Mariam Augustam igne cremari iussit, & verò viduam illam propter dilata sibi vadimonia quatuor castris donavit. Ea sunt in Etruria, Lunensi tractu; & Decimum, Octavum, Septimum, Sextum appellant: à numero dierum, quibus Caesar prorogationem supplicii à foemina, ante plenam veniam, impetraverat. Cum igitur expiandi tanti sceleris causa Otto in Poloniam venisset, & ex voto Posnania Gneznam usque pedes esset iturus, Boleslaus ut tantum Principem digno honore exciperet, totum illud viae spatium, quod septem miliarium est, stravit diversis pannis variorum colorum, & una cum Imperatore pedes istud iter confecit: addidit insuper regali magnificentia munera amplissima. Imperator tam praclaro & benigno Principi parem relaturus gratiam, habita in consistorio deliberatione, Boleslaum REGEM solenniter creavit, sociumque & amicum Romani Imperii, à tributo & omni jurisdictione Imperatorum cum posteris immunem declaravit. Quid autem dicam de Boleslao Tertio?

qui

Matth. de Michovia Chron. Polon. lib. 2. cap. 4.

Mart. Cromer. de reb. gest. Polonorum lib. 3. Sal. Neugebauer in vitis Reg. Polon.

Alex Guag. rer. Polon. tom. 1.

— quinquaginta pugnavit praelia signis collatis, casu non variante fidem;

qui

pugnavit quoties, toties & vicit:

qui

qui in hostilibus etiam Henrici IV. Caesaris castris tot tantisque laudibus, compositis ad id carminibus, in cœlum usque efferebatur, ut Caesar capitali poenâ, ne id fieret, sancire cogeretur: uti & postea Casarem iniquissimas conditiones pacis proponentem circa Uratislaviam vicit, miserabili Germanorum strage; cum planities etiam, in qua pugnatum erat, inde à canibus in cadavera gregatim sevientibus & itinera infestantibus canini campi apellationem acceperit. Reliquerat ille moriens quinque filios, Vladislaum, Boleslaum, Mieczislaum, Henricum, & Casimirum: sed inter quatuor grandiores natu omnia, quæ tunc erant Polonicae ditionis partitus; principatu & summam rerum penes Vladislaum, qui ætate erat primus, constituta; Casimirum natu minimum in partitione omnino præterierat. Causam sciscitantibus respondebat: Currum à quatuor rotis gestari, Casimirum verò suum in medio currus sessurum, ac tandem ad summam rerum perventurum esse. Quod & factum est. Et ne priscos tantum Polonorum Principes ac Reges laudem: quasi illi soli Virtutem & Felicitatem habuerint in satellitio: quid jam dicam de Sigismundo Primo? Commemorantur, Auditores, à veteribus scriptoribus Cyrus Persarum, Alexander Macedonum, Mithridates Ponti, Carolus Magnus Germanorum, maximi & fortunatissimi Reges: laudantur Miltiades, Themistocles, Cimon, Alcibiades, Thrasylbulus, Conon, Iphicrates, Chabrias,

Mart. Cromer. de reb. gest. Polon. lib. 5. Guagnin. d. 1. Sal. Neugebauer. Polon. lib. 3.

Mart. Cromer. in orat. funeb. Sigism. I.

Chabrias, Timotheus, Phocio, Atheniensium; Pausanias, Lysander, Agesilaus, Lacedæmoniorum; Epaminondas & Pelopidas Thebanorum; Hamilcar, Hannibal, & Asdrubal Carthaginensium; Romanorum autem Fabii, Scipiones, L. Lucullus, Cn. Pompejus; duces & imperatores clarissimi & strenui: sed omnes illi partim cum imbellibus populis rem habuerunt; partim bello felices, cæteris rebus infortunati fuerunt; partim cladibus & infortunio victorias & res bene gestas turpiter corruerunt. At Sigismundus ille per omnes vitæ actus secundissimo fortune flatu usus; Princeps alioqui pacis & concordie amans, & ab omni ambitione atque alieni invadendi cupiditate alienus; quippe qui regnum Daniae & Hungariae renuerit; quot tamen bella is gessit? cum quibus gentibus conflavit? Nempe cum potentissimis Moschis (quorum magnum Ducem Mechemetes, prudentissimus tot Sultanorum consiliarius, tanti faciebat nuper, ut secundum suum Principem Amurathem III, nullum toto terrarum orbe Mosco potentiorum esse arbitraretur) cum ferocissimis Tartaris, cum acerrimis Valachis, cum ipsis Turcis, vel ipsa victoriarum perpetuitate terribilibus; & cum nostris Germanis: quibus omnibus ille fuit formidolosus. Et quidem ille Sigismundus, ejusque successores Reges, non modo inanes Germanorum nostrorum conatus eluserunt sæpius, sed etiam Prussiam atque Livoniam, amplissimas provincias ab imperio Germanico avulsas, cum insigni Germanici

Thuan. histor.
lib. 1.

Thuan. histor.
lib. 69.

nici nominis macula suæ ditioni adjecerunt: quod licet Pruteni Equites molestissime tulerint, ac multoties apud Imperii Ordines de contumelia ista questi sint; nihil tamen Imperatores audendum sibi putarunt adversus Polonos, a quibus Germanorum exercitus toties repulsos ac fractos esse intelligebant. Et quid opponeret Germania innumerabili, & qui cæterorum Christiani orbis Principum opes superat, equitatu Polonico? Nam Rex ex folis Nobilibus, qui privatis sumptibus regno militare adstricti sunt, centum quinquaginta millia gravioris & levioris armaturæ militum cogere, & in aciem, si necessitas ferat, educere potest. Quem hostem tantus Nobilium exercitus non fuget, dissipet, fundat & confundat? Quem vel nomine tantum non terreat, præsertim si vires generosissimorum Kosakkorum accesserint, qui jam multoties clades Turcorum & Tatarorum virtutis suæ experimenta fecerunt? Viri profecto fortissimi, & quod hodie in communi omnium fere gentium militaris disciplina laxitate mirum, prædæ sunt hostes: quod præcipue in bello Ivonico insigni exemplo testati sunt, cum dux hostium captus, ingentem summam pro liberatione offerret, quippe qui sexies librati in statera corporis pondus, bis auro, ter argento, semel margaritis, appensum polliceretur, nihil tamen invictos Kosakkos permovere posset. Quid? quod extra illas dotes incomparabilis hæc Polonica Nobilitas non solum generis antiquitatem præ se fert; plurimis rerum Polonicarum

Bod. de Repub.
lib. 1. cap. 9.

Thuan. hist.
lib. 56. M. A.
Muret. ad Sacrat.

Thuan. Hist.
lib. 58.

Alex Guagnin.
rer. Polon. to-
mo 1.

nicarum & Russicarum scriptoribus uno ore attestantibus; Italum quendam Palæmonem, & alios socios profugos, Ursinos, Columnas, Julianos, Cæsarianos, Gastaldos, Lituaniæ Nobilibus familiis originem dedisse; plebem verò Lituanorum ex Gothis ortam esse: verum etiam singulari complurium familiarum dignitate, potentiâ, & opibus fundata, sanctissimum Reipublicæ & aureæ libertatis conjugium generosissime tueretur. Quemadmodum enim alcinæ ungulæ, si statis temporibus abscindantur, præsentissimum adversus comitiale morbum sunt remedium: ita augustissima Senatus Polonici autoritas, quâ Regem imprudentius imperantem objurgare & corrigere licet; summæ Radiviliorum (ex quibus Janusius ante hos XXX annos circiter, uxoris hereditate universas opes ac possessiones Ducum Slucensium, qui incredibili privatarum opum apparatu vel aliquibus Germaniæ & Italiæ Principibus comparandi erant, acquisivit) Ostrogiorum, Zbarasiorum, Zaslaviorum, Chodkieviorum, Chleboviorum, Voloviorum in Lituania; in Polonia verò Tenciniorum, Tarnoviorum, Firlejorum, Lesciniorum, Ostrorogorum, Zboroviorum, Lascorum, Czarnkoviorum, Latafciorum, Samoisciorum, Zebridoviorum, Zolkieviorum, Prochniciorum, Ofoliniorum, Olesniciorum, Tarlonum, Sienieniorum, Stadniciorum, Opaliniorum, Herburtorum, Gorajorum, Sobiesciorum, & heroum aliorum penè sine numero, quibus pares alibi gentium, imò vix similes inveniuntur,

And. Dudithius
in Apolog. ad
Maximilan. II.
Imp. Thuan. hi-
stor. lib. 56.

niantur, virtutes, & vires maximæ; Poloniam undiquaque salvam, incolumem, et florentem semper præstant. Sed quod in Martio copiosissimæ Nobilitatis populo laudem habet primariam, est singularis inter omnes concordia, quæ uti alibi in conventibus & comitiis, ita inprimis in Varaviensibus illis, quibus Henricus Gallus, Andium Dux, consentientibus Ordinum iudiciis Rex factus est, apparuit inexpugnabilis. Nam cum centum circiter equitum millia tunc intra quatuor milliarium spatium circa urbem diversarentur, XL amplius dies non solum pabulum equis, non caro, non pisces, ac cætera esculenta, ac ne vinum quidem, tot hominibus non defuere, quorum & magna copia semper fuit, & summa in tanta capitum multitudine vilitas: verum etiam, quod tamen omnem fidem superat, nullæ simultates aut rixæ toto eo tempore in tam numerosa Nobilitate auditæ sunt; quasi de republica sollicitis animis omnem injuriæ & odii sensum deposuissent.

Quid igitur, magne Princeps, Nobilitati Polonica, quid toti nationi Polonica, tot laudum elegis, tot meritorum adoreis, tot miraculorum trophæis illustrissimæ, in omnibus totius orbis terrarum gentibus conferri potest? Nec verbum amplius addo.

PRINCEPS
FRIDERICUS
ACHILLES, &c.
DICTU
ACACI AXELI.

Hhhh 2

ORATIO

O R A T I O
ACACII AXELII

von Görschelm/ Succii,

contra

P O L O N I A M.

EGO AB IIS, INCLYTE PRINCEPS, QUI pro Germania tulerunt suffragia, uti ne latum quidem unguem discedo: ita existimo, amici mei MOSCHII Polonicam laudationem sic accipiendam esse, quemadmodum astrologorum calendaria plerumque suo merito aestimari solent: in quibus si ordine prædictionum præposterò pro humido siccum, pro calido frigidum ponatur, & universa tempestatum πρὸς νότον in characteres vertatur contrarios; dummodò illis temporibus, in quæ vix incertitudo cadit, nihil assuetur incongruum; scilicet, neque Natalem Domini extremis aestibus torrendo, neque Joannem Baptistam horridâ glacie & intensis frigoribus adstringendo; vix curæ fuerit cordito, pignore depositò de eventibus alterutrius fastorum ordinis certaturo, primum an inversum capiat; non ambigenti, neutrum ad formulam & præscriptum respondurum esse. Et tamen illa tua oratio, mi MOSCHI, pro argumenti tenuitate sati prolixa, nimis mihi brevis & concisa fuit, pro modo voluptatis, quam ex ea cepi multò maximam.

Audiui

Mich. de Montaigne liv. 2. chap. 17.

contra Poloniam.

Audiui enim libens: sed omnino eo adfectu, quo histriones, mimos, & id genus spectamus; qui nullâ aliâ re magis accepti & grati sunt, quàm quòd falsis dictoriis populum delectant, & dum risum captant, irri-
dentur. Quid verò tibi animi est, barbaram Poloniam effreni confidentiâ sic prædicare, sic supra alias omnes terras ac nationes extollere? An fortè cum Archippo asini umbram, cum Passeratio asinum ipsum, cum Glauco injustitiam, cum Polycrate & Isocrate Bufiridem, cum Hutteno febrem, cum Favorino Therfiten & quartanam, cum Mirone culicem, cum Catullo passerem, cum Ovidio nucem, cum Diocle rapam, cum Dione Prusæo philosopho psittacum, cum Sinesio calvitiam, cum Luciano vitam parasiticam & muscam, cum Libanio bovem, cum Mirandula barbariem, cum Cælio Calcagnino pulicem, cum Erasmo *μωγλαν*, cum Pirckheimeropodagram, cum Majoragiolutum, cum Pierio paupertatem poeticam, cum Salerio & Hegedorpio ebrietatem, cum Heinsio pediculus, & cum aliis alias res frivolas & nihili laudantibus; an, inquam, eodem modo & tu in Polonia laudatione, ingeniosi laudem venari voluisti? Equidem nunquam crediderim, etiam Polonos ipsos, omnium populorum maxime Suffenos, cum Hispanis, Italis, Gallis, nedum cum Germanis, de summa dignitatis prærogativa, vel verbum commutatuos esse: si fecerint, mirabor; & credam, petitionem Catonis & Vatinius tam imparem non fuisse.

Hhbb 3 Quid

Thuan. hist. lib.
56. & 68.

Alex Guag. rer.
Polon. tom. 2.

Mart. Cromer.
lib. 1. de situ Po-
lon. & c. Salom.
Neugebauer.
rer. Polon. lib. 1.

Quid autem de Polonia judicandum sit, palam significavit Henricus Andium Dux, quando in Regem Poloniae se electum esse intellexit: cum electione illa exilium sibi indictum interpretaretur; & Joanni Monlucio, Valentiae Episcopo, tanti honoris conciliatori eam rependeret gratiam, ut se semper deinceps alienum ab eo praeberet. Quinetiam Galli quidam, qui in Henrici comitatu tunc erant, illis coloribus depinxerunt Poloniam, ac si miseria & barbaries ipsa ibi haberet propriam sedem, & perpetuum domicilium; disertis verbis testati, minimè fuisse opus, ut Polonorum delegati, qui decretum electionis ad novum Regem in Galliam attulerant, tantopere efflagitarent cautionem, nulli Gallorum pradia & bona in ditionibus Polonicis acquirendi facultatem datum iri; cum ex illorum numero nemo tam esset abjectae fortis, qui magnus Dux Lituaniae esse optaverit. Fortassis nec alii optaverint, qui amenioribus & fertilioribus locis assueti, in horrida illa, aspera, & maximam partem silvis desertisq; impedita venerint: ubi vel fertiles agri (uti in Podolia) tam sunt duri ac petrosi nonnunquam, ut bissemi boves aratro uni ducendo vix sufficiant: ubi quoque interdum tanta vis est frigoris, ut radicitus arescant arbores, & aqua ex editiori loco effusa, priusquam terram contigerit, in glaciem concre-scat. Quanquam haec caeli intemperies aliquando Poloniae bono cessit. Cum enim Anno Christiano 1418. septuaginta Turcarum millia in Russiam penetravissent; der repente

Theod. Zvinner.
ger Meth. Apo-
dem. lib. 2. c. 33.
ex Cromero.

Car. Clusius sm.
not. ad P. Bello-
nii observ. lib. 1.
c. 65.

der repente immensum gelu cum copiosissima nive in illos tantâ vehementia grassatum est, ut supra quadraginta millia alserint, multiq; interfectorum equorum ventribus etiamnum calentibus sese illatebrasse fuerint deprehensi. Quae res Turcis religionem incussit, ut sibi persuaserint, Russos & Polonos divinitus defendi. Verùm moleum & operam perdiderit, qui in Polonia delitias requisierit: & tu, mi MOSCHI, planè praeter rem ex Stoicae Philosophiae penetralibus opem & aedificiorum splendorem dissuastisti: cum Polonia non verae opulentiae & magnificentiae, non copiae cornu; sed tenuitatis tantum & merae inopiae sit capax: adeoq; ipsi Poloni non magis intelligant lautitias & elegantias, quam Croatiae testudinum suavitatem, quas etiam abominantur. Nam ut Carolus Clusius, Atrebas, illustris nominis Medicus, A. Chr. 1579. Majomense, praelustrem Dominum Balthasarem de Batthyany, Regni Ungariae Archidapiferum hereditarium, in Pannoniam interamnem, quae nunc ex parte Vandalia sive Windischland nuncupatur, comitaretur, Turnizza, ubi subsistebant, dum fortè circa rusticorum pradia obambulat, multas testudines palis affixas, & sepiabus hortos ambientibus pendentes animadvertibat. In arcem, quae pago est ibi cognominis, regressus, & causam eius rei percontatus, audit incolas à testudinum esu prorsus abhorrire. Ille stultitiam hominum ridere, & interrogatus, an vesci viscuperet, annuere. Sed cum nemo ipsas apparare sustineret, cocus quidam Gallus Byzantio redux

redux commodum advenit, qui ferculum confecit. Vescitur Clusius suaviter, omnibus eum cum stupore contuentibus, & plerisque nihil dubitantibus, quin eam noctem habiturus esset vitæ postremam: at postridie cum Clusium non modò vivum, sed etiam alacrem conspicerent Croatæ, multò magis mirari, & plerique asserere, etiamsi Viennensem urbem præmi loco nancisci queant, non tamen degustaturos. Sed & hoc præter rem forsitan. Certè tota Samogitia, provincia imperii Polonici haut angustis finibus clausa, nec urbem, nec arcem quidem, aut præstantiorem domum habet; Nobilesq; in tuguriis duntaxat stabulantur. Quemadmodum tamen apud inferiores Germanos, & alibi quoq; pessimo more caseum vulgò tam diu servant, dum totus in vermiculos resolvatur, & tum demum viva animalcula, ipsam putidissimi cibi putredinem paulo sacchari adperso nimis avidè vorant delicatissimi epulones: sic Polonis natura atque fortuna pro illorum indole & ingenio abundè prospexit, & contulit delicias ruris & inficetiarum plenissimas; quas illis, spondeo respondeo, nemo nostrum invidebit.

At enim in universum mores Polonorum ad censuram vocanti mirum accidit; quò fieri possit, ut illi tot magnis vitiis occupentur, & fere cum virtute commercii habeant nihil. Nam ut de Religione Christiana primum loquar; quot ea superstitionum & errorum monstris deturpatur à Polonis? quàm illa impurè habitat in Polonia? Mahumetani Tartari, infames ritus propè

Ab. Ortelius in
orbis Theatro.
Sigism. B. Her-
berstenius in
hist. Moschovi-
tica.

Merc. Britanni
in terra Australi
lib. 1. cap. 6.

propè Vilnam summâ licentiâ observant. Imò sunt hodieque inter Lituanos & Samogitas quàm plurimi, qui serpentes quosdam, Givoiitos patriâ linguâ dictos, domi suæ foveant, & numinis instar colunt, eosq; certo anni tempore precibus sacrificuli evocant ad mensam fercula singula delibatum: & penetibus illis non comparentibus nec prægustantibus, magnas calamitates sese subituros esse credunt pessimi ominatores. Neque hisce tamen profanis & misellis diis finiunt idolomaniam suam: cum aliquibus in locis Russiæ, Lituaniæ, ac Samogitiæ, agrestis plebs in honorem Diaboli etiam solennes epulas sub finem mensis Octobris instituat. Namq; patribus familiarum cum uxoribus, liberis, & servis ad locum ferali convivio destinatum convenientibus, mensaq; gentili more instructâ, et jam vitulo, porco & porcâ, gallo & gallinâ, & cæteris jumentis domesticis, in futurum sacrificium adductis: tum incantator quispiam, verba quædam demurmurans, animal immolandum baculo percutere orditur, quem dein reliqua turba sequitur, clamando: Hæc tibi, ô Ziemiennik Deus (sic dæmonem appellant) offerimus, gratiasque tibi agimus, quòd nos hoc anno incolumes conservare dignatus es; nunc verò te rogamus, ut & in posterum nos tueri ab igne, ferro, peste, & inimicis quibuslibet defendere digneris. Inde carnes mactatorum animalium vorant; particulâ prius ab unoquoque ferculo decerptâ, & in omnes ædium angulos cum hisce verbis projectâ: Hæc, ô Ziemiennik, nostra holocau-

S. Neugebauer.
rer. Polon. lib.
c. A. Guagnin.
hist. Pol. tom. 1.

A. Guagnin.
rer. Pol. tom. 2.
Ph. Camer. Me-
dit. Hist. cent. 1.
c. 69.

Ita suscipe, & comede benignus. Quot crucēs, quot furcas, hic ponunt Poloni Christo nostro, o mei Auditores? Et quis Christianus inter illos infernales & reptiles Deos Dominum Christum nostrum querat? Malheureux est le pays, auquel le diable est en haut prix. Adeo verò superstitionibus dediti sunt Samogitæ, ut etiam aratris ex puro puto ligno factis, quibus solis utuntur, singularem quandam virtutem tribuant. Idcirco quidam provincie præfectus, qui colonorum labores levaturus ferreos vomeres, veluti agricolationi aptiores, fabricari mandaverat, cum mox à reformationis vomeribus per aliquot annos sægetos agriculturæ expectationi obiceret inclementiam non satisfacere, ille vulgi, agrorum suorum sterilitatem ferreis vomeribus pertinaciter adscribens, seditionem metuens, confestim amoto ferro agriculturæ moribus & vomeribus antiquis restituit. Alias in reliqua plebe Polonica, quantumvis nullis idololatricis cultibus fœdata, videre est insignem in religionis notitia ruditatem, penè ad exemplum plebeiorum Moscovitarum, ex quibus Dominicam orationem pauci sciunt, dicuntque, Orationem Dominicam scire, dominorum & sacerdotum, qui nullis laboribus occupantur, opus esse; sibi autem in Deum & filium ejus Jesum Christum, & Spiritum sanctum simpliciter credere, satis esse: item Confessionem sacram Principibus convenire, ac potissimum ad magnates atque Nobiles pertinere. Sed quid hoc est, Auditores? Antantus

Alex. Guagnin.
rer. Polon. tom.
2. S. Neugebauer
in Comment.
Moscoviz. c. 12.

stupor

stupor incescit plebem Polonicam, ut sincerum & legitimum Divini numinis cultum non percipiat? An verò mala tractatio dominorum illam durioribus exercet operis, quam ut quicquam temporis pro capitibus Christianæ religionis addiscendis habeat reliquum? Nimirum quod Ditmarus, Episcopus Merseburgensis, jam ante quingentos annos de populo Polonico scripsit, illum more bovis esse pascendum, & tardiritu a fini castigandum, & sine poena gravi non posse cum salute Principis tractari: hoc Nobilitas in subditis non perfunctorie hodie exequitur. Præcipue tamen in Lituania rusticorum conditio est durissima. Nam ut quisque dominus famulorum ceterum stipatus domum coloni alicujus ingreditur, impune quidvis facere, res quasunque rapere, absumere, & colonum etiam verberibus crudeliter cadere potest. Nec colonis ad dominos suos sine muneribus aditus patet. & admissi illico ad officiales rejiciuntur; qui nisi donis mitigentur, justè decernunt nihil. Et profectò in Lituania quodlibet judicis verbum, aurum est. Præterea singula septimana in operas ita distribui solent: ut coloni quinque aut sex dies negotiis dominicis impendant, die verò Solis res privatas curent; & sic plerumque diebus Solis (nam ne festis diebus quidem sunt feriati) quodvis opus absolvant, arando, occando, runcando, pastinando, metendo, triturando, & id genus. Ideo si quis Roxolanum interrogaverit; Quare Dominico die laboras? continuo is respondet, Quia & die Dominico comedere oportet.

Ditmarus Episcopus lib. ultimo
Chron. Guil.
Barclaius cont.
Monarchomach. lib. 4. c.
19.

Alex. Guagnin.
rer. Polon. tom. 2.

Iiii 2

Atq

Sal. Neugeb.
rer. Polon. lib. 1.

Alex. Guag. rer.
Pol. como. 2.

Aeneas Silvius
in Paral. Alfon.
sin. 1. 2. cap. 19

Sal. Neugeb.
rer. Polon. lib. 3.

lib. 1 Statut. Po-
lon. cap. 15. art.
6. Henr. Arni-
stus de jure
majest. lib. 2.
cap. 3. num. 8.

Bod. de Repub.
lib. 1. cap. 5. &
1. 6. c. 6.

Atq. Nobiles insuper non solum in gleba adscriptitios, quos Kmethones & Clophos vocant, jus vitæ & necis passim usurpant: sed & si quis ex istis fortè capitis fuerit damnatus, tum de seipso, jubente domino, supplicium sumere, suisq. manibus se suspendere, minis, loris, & fustibus impellitur. Quæ dira consuetudo haud dubiè Vitoldo Lituaniæ Duci originem debet: cuius severitatem, imò immanitatem, adeo extimuerant provinciales; ut cum dixisset aliquando duobus pluribusve; Ite ocysus, ac laqueo vos appendite; nemo imperium subterfugerit, auditusq. nonnunquam sit, qui currens hortatus alios, Eamus quam properanter, augeminaverit, ne bilem Domini commoveamus. Quamquam & leges Polonorum, potissimum Casimiri magni (qui tamen rusticorum & plebeiorum Rex appellabatur; & ex eo ingentem æquitatis laudem erat meritus, quod morem barbarum jurisjurandi conceptis verbis dandi abrogaverat; in quo si quis verbo lapsus esset, atq. adeo si titubasset, causâ quantumvis justâ cadebat) non parum illam sævitiam exasperasse, aut firmasse videntur: cum Rex ille in Divinæ sapientiæ arcem, profanum humanæ stultitiæ arietem, rigorem legum divinarum, ut aiebat, correcturus, impio impetu immitteret; atq. cædem Nobilium à Nobilibus admis- sam aureis XXX vindicandam; si plebejus Nobilem occidisset, pœnam pecuniariam duplicandam; si Nobilis plebejum interfecisset, etiam ex insidiis, pœnam X. aureorum esse, injustissime statueret. Quâ impunitate occidendi

S. Neugebauer.
in vitis Reg.
Polon.

A. Chr. 1525.

H. Treutlerus
scribit, Stepha-
num regem
hæc emendasse.
Volum. 1. disp. 1.
thes. 9. lit. b.

occidendi propositâ, innumerabiles cædes consecutæ sunt: ut Sigismundus I Rex, qui aliàs corpore fuit ita robusto, ut ætate florenti ferreas equorum soleas manibus diffringeret, funes cannabinos crassiores rumperet, ballistam manu intenderet, & chartularum lusoria- rum fasciculos discerperet, tamen istam subditorum feritatem non vincere, & in comitiis Petricoviensibus inficiari non potuerit, ex levitate pœnarum neminem, vel in ipsis templis amplius tutum esse. Atq. Sigismundus ille, auctis regni opibus, pœnas geminabat quidem; & præterea legi subrogabat, ut sicarius LVIII hebdomadas carceris publico autinetetur; hoc tamen pessimo corollario, quod triennii præscriptionem cuilibet homicidio indulgeret; & patronum, qui clientem sive Kmethonem suum interemisset, ab omni seu publica seu privata accusatione liberum esse voluerit. Ex quibus, mi Moschi, non tantum legum DEI & Religionis Christianæ despectum & neglectum (quem tamen Poloni non leviori Arriana hæreseos & omnium fere errorum, quicunque priscis seculis Ecclesiam polluerant, in tutelam & patrocinium receptorum facinore vehementer adaugent) intelligere & censere; sed & unâ nullo negotio conicere potes, quantum jam in Polonorum incivilitatem & cetera morum flagitia sim dicturus. Noli verò expectare, ut in laudes Germanorum prius expediam linguam, longoq. argumentorum contextu demonstrem; si quid in Polonia nunc supersit probum, & elegantioribus moribus congruum, illud

maximè Germanorum industria & virtuti attribuendum esse. Quis enim tam sit hospes in veterum monumentis, qui hæc ignoret? Quis tam hostis sit veritatis, qui id neget? Sicuti patrum ætate Belga quidam Petrus Simonis F. vites Germanicas transportavit in Hispaniam, quæ ibi solo insitæ mirumq; in modum multiplicatæ illa gratissima et longè nobilissima producuntur, hodieq; nomen translatoris sui Petri Simonis retinentia, ita quoq; Germani, mi Moschi, Germani sunt, qui Poloniam & Equestrium familiarum, & opificum atque mercatorum coloniis jam olim nobilitaverunt, quod arguunt cum multarum illustrium gentium insignia atq; nomina; tum ipsa quoq; Polonorum lingua, quæ cum sit Slavica, atq; Polonis, Bohemis, Russis, Moscis, Moravis, Silesiis, Cassubis, Croatis, Bulgariis, Rasciis, Serbis, Illyriis, & universo nomini Slavonico communis, adeoq; illi cum Germanica, aut ulla alia matrice lingua, nihil intercedat cognationis: tamen permulta instrumentorum, operum, & aliarum rerum ad opificia & communem vitam pertinentium vocabula, à finitimis & priscis incolis Germanis mutuata est. Suntq; etiamnum sparsim in urbibus mercatores atque opifices Germani plurimi: & præsertim in ditionibus Russiæ & Scephio, majoriq; Polonia vicinis, tota oppida pagique tantum à Germanis ferè incoluntur.

Verum quid contra Polonos habeo dicere amplius? Valentinianns major, Auditores, cum olim Sarmatiæ legato-

Paul. Merula
Cosmograph.
parte 2. lib. 1.
cap. 3.

S. Neugeb. rer.
Polon. libr. 1.
& 3. M. Cro-
mer. rer. Polon.
lib. 12.

Hodie in uni-
versa Europa
superfunt XI.
matrices lin-
guæ: Latina,
Græca, Teuto-
nica, Slavonica,
Epirotica, Tar-
tarica, Vngari-
ca, Finnonica,
Hirlandica, Câ-
tabrica, Britan-
nica. Josephus
Scalig. licet Bri-
tannicam Ger-
manismi sobo-
lem esse scri-
bat, J. Isaac Pon-
tan. in Glossario
præf. Gall.

legatorum, pacem petentium, habitum sordidum despectumq; notasset, quærebat, Nunquid Sarmatæ omnes ejusmodi essent? legatisq; respondentibus, Sarmatarum optimos atque ornatissimos ad illum ex consuetudine missos esse; Imperator irâ accensus exclamavit, Malè factum esse actum, quod se imperante gens tam sordida finibus suis nollet esse contenta. Et tamen Valentinianns A. tunc sordes tantum vestium in Sarmatis noverat: qui si mentis animi impuritates in populo Polonico posuisset aspiceret, quibus contumeliis & imprecationibus ad versus illos fuisset usus, o mei Auditores? Quid enim Valentiniannum dicturum fuisse putatis, ad Popielum II. detestabile, & tot crudelissimis sceleribus cumulatam facinus? Ille siquidem, patri Popielo per omnia similis, cum amari à suis non mereretur, & metui mallet, veritus, ne regno exueretur, simulato morbo patruos omnes, quorum auctoritatem maximè operere formidabat, accersit; & in valetudinem exaggerans, quasi jam jam moriturus, eorum fidei uxorem ac liberos commendat; tum singulos blandè appellando, in signum amoris poculum, cui vasa reginæ venenum erat mixtum, circumlatum præbiberet se fingit, quod tamen ne extremis quidem attigerat labiis. Ex quo cum patrum ordine bibissent, & postea salutato rege abirent, statim vi veneni in furorem versi, & tandem ingentibus cruciatibus exanimati sunt: quos dein regina, quasi mariti sui vitæ insidiosos, justæque Dei vindictæ percussos, subito perisse divulgat. & tanquam sepulturâ indignos

Carol Sigonius
de Occident.
Imperio lib. 7.

S. Neugeb. rer.
Polon. lib. 2. A-
lex. Guagnin.
hist. Polon. to-
moi.

A. Chr. 825.

S. Neugeb. rer.
Polon. lib. 3.

G. Eysengrien
us in Chron.
rer. Spiren. lib.
10. ad An. Chr.
968. Camerari-
us med. histor.
cent. 2. c. 12.

Aen. Silvius in
Parall. Alfon.
lib. 2. cap. 13.

*indignos in lacum Goplum projici mandat. Coeleste au-
tem & justum Numen hanc atrocitatem non prater-
misit inultam. Nam ex cadaveribus interemtorum
putrefactis enati mures inusitatae magnitudinis, impi-
um parricidam cum scelerata uxore atq; liberis fugien-
tem quoquo versus per aquam flammamq; persequuntur;
nihil claustris, nihil abigentium satellitum, auxiliis
quicquam, impredientibus: postremoq; diffugientibus
omnibus domesticis, absumptis prius filiis Lecho & Po-
pielo, atque uxore etiam, ille ultimus lenta morte a
muribus in arce Crusvicia corrosus & depastus est:
eventu docente, in fati filii & nepotam fuisse votum
Popieli patris, subinde sibi imprecari soliti, Quatinam
a muribus corroderet! Eandem vero murium carni-
ficinam, divinitus jussam, passi olim fuerant; alius
Polonus, Mieczislaus Dux Cujaviae, qui inopum, pu-
pillorum, ac viduarum bona injuste diripuerat; & in
Germania (opatrienavum!) Hatto Archiepiscopus
Moguntinus, qui pauperes, spe frumentorum accipi-
endorum facta, in horrea quadam vocatos, admotis
ignibus nefarie combusserat. Quid autem Valentinia-
nimaneis hic expergefacio? Tuam conscientiam ap-
pello, MOSCHI; dic mihi, qua parte civilem & mora-
tam facis Suitrigalum Ducem Lituaniae? qui cum mo-
dulum vitae haberet culinam, nunquam e domo pedem
movebat, quin dispensatorem percontaretur, An li-
brum, quem sibi de arte popinaria accuratissime
componi curaverat, secum afferret: apud quem etiam
coena*

coena non minus sex horarum erat; nec fercula mi-
nus quam triginta & centum, dum ille ligurit, appone-
bantur. Dic iterum, mi MOSCHI, qua ratione tempe-
rantiae & castitatis leges cum moribus Lituanorum
concilias, quibus conjugiorum sanctitatem rivalium
licentia temerare licet? Equidem olim Dux quidam
Oppavia uxori adventanti, quam in Lituania duxe-
rat, obviam procedens, cum in comitatu illius adole-
scentem offenderet formae egregium, robusto corpore, in
plumis jacentem, pensili curru advectum, & quere-
ret, Quisnam esset? (existimaverat autem, conjugis
suae fratrem, aut propinquum aliquem esse) postquam
ex responsa intellexisset, Apud Lituanos more patrio
nuptas, quae nobiles quidem essent, unum pluresve
concubinos pro viri facultatibus alere consuevisse,
qui negligenti vel alia quavis causa impedito marito
in oneribus matrimonii ferendis & sustinendis veluti
succenturiaretur; illumque succiplenum juvenem
propterea adductum fuisse, qui ipsius infrequentiam
suppleret; Dux nebulonem illum vicarium canibus la-
niandum, objecturus erat, nisi ab amicis interces-
sum fuisset.

Quod si jam ipsam quoque Nobilitatem Polo-
nicam universam ad Ordinis Equestris notas adhuc
pressius conferre velimus; quotusquisque erit in ali-
quo numero? quotusquisque ignobilitatem animi, &
incivilitatem, titulorum ornamentis non palliabit
superbe? Marocanus Rex ante aliquot annos
Kkkk ad Or-

Steph. Forca-
tul. in Polonia
felice.

Aen. Silvius in
Parall. Alfon-
sin. lib. 4. cap. 8

A C 1606. Jos.
Scalig. in Epist.
ad Stephan. U-
bert. Aurel.

Aen. Silv. E-
pist. 81.

Mich. de Mon-
tagne liv. 3.
chap. 13.

Alex Guagnin.
rer. Polon.
tom. 1.

ad Ordines Belgii confederatos dederat literas, quæ longissimum continebant titulum, triginta versibus rhythmicis conscriptum; quem sequebantur tres aut quatuor lineæ, rem ipsam, cujus gratia literæ exaratae erant, exponentes; ita ut prologus fabulâ multis partibus major esset: sic fere Poloni, quorum mos est de magnis majora loqui, verbis tantum Nobilitatem suam jactant, & virtute quasi deficiunt, videnturquæ quodammodo mendicorum esse æmuli, qui ad exemplum ditiorum etiam suas magnificentias, dignitates, & nescio quam politiam alicubi observant. Et quo alio pretio babeam Duces Ciedrocenses in Lituaniam? qui cum sint pauperrimi, & vix colonarum conditionem adæquant, atque in famulatu plerumque vitam tolerant; tamen si alio quam Ducum nomine appellentur, non sine acerba injuriæ exprobratione graviter irascuntur: sicuti & genus suum ad Ducum Lituanie præfapiam referunt, ac insignibus Ducatus Lituanie antiquis utuntur. Nec quoscunque alios dependios & minorum gentium Nobiles, quibus tota Polonia, & penè omnes ejus casula mirifice scatent, fecerim pluris. Cum enim paulo lautiores & opulenti proceres satelliti gaudeant populofo, & id ex solis fere Nobilibus illis diobolaribus ferruminent: isti tamen minime omnium, quæ aliis ministrorum ac famulorum sunt, munera obeunt, sed domini jussa arroganti responso avertcre solent, Rusticum quarendum esse, qui ignobilibus laboribus defungatur. Propterea singuli ejusmodi

ejusmodi famuli plerumque alios aliquot famulos, & isti iterum alios, atque hi rursus suos pueros ad quartum usque ordinem, habent: qui omnes ejusdem domini impensis aluntur, & ab eodem salaria sua accipiunt. Et inter illos officium suum facit optime, qui pro sanitate domini bibit fortissime: plerique ad mensam tantum ministrant, cætera immunes: ideoque statim a prandio cænavæ, inclinatis de more gentis coram domino genibus, apertisque capitibus, quod volunt, evagantur; & quando triduo, quatrinduo, vel integrâ etiam septimanâ in ganeis ac popinis luxuriant: domino, ubi interim fuerint, raro interrogante: aut si interroget, respondebunt ille, pro salute domini se hilariter bibisse: pro qua adfectus benevoli significatione non modo gratias agit dominus, verum etiam bibones illos honorario quodam liberaliter remuneratur. Qua quidem in re latrunculus quidam appositè scenæ se attemperaverat. Ci enim Episcopi ejusdem aulam, sive potius mensam diu esset sedatus, tandem reliquis aulicis mercedem & stipendia petentibus, & ipse se immiscebat: quibus adversus eum murmurantibus, quod nulli omnino alicui ministerio obnoxius mercedem expectaret; Episcopus ex roquarebat, Cuinam inserviret? Tibi reverendissime domine, ait ille, inservio; & ad aliorum exemplum officii mei partes gnaviter impleo: & rursus Episcopo, Ecquod illud esset officium? interroganti, Quotidie, inquit ille, bis ad mensam tuam largiter edo & bibo. Ad hæc Episcopus subridens illi deinde stipendium solvit.

Alex Guagnin.
rer. Polon. to-
mo 2.

Kkkk 2 Quod

Plin. hist. natu-
ral. lib. 31. c. 2.

Aen. Silvius E-
pist. 101. ad Ep-
iscop. Cracovi-
ensem. Volf-
Lazius Gene-
log. Austr. con-
ment. lib. 2.

J. Cuspinianus
in Imp. Alber-
to 11.

Quod si verò & ad fidem publicam nunc respi-
ciam; Auditores: penè prius quæsierim, an unquam il-
lam intellexerint Poloni, quàm quoties perdidierint?
Apud Troglodytas lacus est, qui ter de die fit amarus
salsusq; ac deinde dulcis; totiesq; etiam noctu; unde &
insanus est dictus: sic Polonia Nobiles magna ex par-
te insaniunt; uti profectò fidem, suam naturam semper sibi
constantem, non raro in omnes formas vilissimè varià-
runt. In Wilhelmo Austriaco, quos fidei fecerunt lu-
dos? Cessante veterum Polonia regum stirpe invitant
illum in Poloniam, ei Hedwigem postremi regis Ludo-
vici filiam dant in uxorem, & regnum Polonia in do-
tem, atque reipubl. gubernacula committunt: sed non
diu post, nullà injurià, sed odio tantum in Germanorum
nomen concepto, temere inflammati, Vilhelmo & re-
gnum & nuptam auferunt: nec contenti abominabili
hoc facinore, novum & memorià nostrà inauditum
scelus adoriuntur, ac reginam, quæ alteri nupserat, no-
vo regi, barbaro Litvano copulant, etiam reluctantem.
Post hæc, tanquam parum fuisset, Vilhelmu summo
scelere de solio & matrimonio perfidè deturbasse; cum
Imperator Albertus II. regnum Bohemæ uxorià here-
ditate sibi debitum vendicaret, Polonica Nobilitas &
f. Etiosorum quorundam & rebellium Bohemorum su-
scipi patrociniū: quos tamen Albertus fortiter pro-
fligavit; jam ante de Polonorum levitate ita certus, t
Uladislai Litvani, Polonia Regis, unicam filiam in
matrimonium crebrò oblatam, facere abnuerit. Inju-
riam

riam patrui Wilhelmi obstare causatus. Inde mortuo
Alberto, in filium ejus Ladislaum, adhuc infantem lon-
gè sceleratius grassati sunt Optimates Poloni. Hic
enim licet hereditario jure possideret Hungariam, &
apud Albam Regem jam more solenni inauguratus
esset; illi tamen perfidis Hungaris, & privatis cupidi-
tatibus lenocinantes, Uladislaum V. regem suum Po-
lonum in Hungariam deducunt, legitimum regem puc-
rum regno patrimoniali spoliant, & ea agunt omnia,
quæ prædones in alieno facere sueti. DEUS, DEUS au-
tem innocentiam pueri Ladislai respexit, & ultrice
dexterâ Polonos involvit clade Varnensi; quâ non se-
lum Christiano nomini labes violatæ fidei adspersa, (A-
murathe Sultano in ipso prælio, cum hostiam ecclesia-
stico ritu consecratam, quam antea pacis inviolabiliter
observandæ ab Uladislao acceperat pignori, è sinu pro-
ferret, erectis ad cælum oculis, vernaculâ linguâ altum
exclamante; Crucifixe! Crucifixe! vide gentem tu-
am perfidam, quæ tibi pignora vit, nihiloque mi-
nus adeò religiosè sancitam pacem per summum sce-
lus violavit: si DEUS & aliquis, fac ut perjurii pœ-
nam luat.) Uladislaus Rex occisus; verum etiam Po-
lonia ipsa sic exhausta & exanguis reddita est, ut tum
vix reperiri potuerit, qui regnum illud suscipere vel-
let. Non hic audio, qui pro Polonis de ultimo discri-
mine, à Turcis Hungariæ impendente, callidè obji-
ciunt; tanquam necesse fuerit, pro regni & Christiani
orbis salute prudentiorem regem, & quidem Uladis-
laum

J. Cuspin. in A-
murathe II. P.
Jovius in Amu-
rathe II. Jo.
Leunclavius in
Annal. Turc. &
in Pandect. hi-
stor. Turc. c. 116.
117. 118.

Aen. Silvius d.
Epist.

laumè Polonia, repudiato Ladislao pupillo, intrudere in Hungariam. Si ita obtinuerit hoc factum, ut ad exemplum trahatur, rarus patri succedet filius. Et poterant Vladislavus & Poloni, si ipsis Reip. Christianæ atque Hungariæ salus tanti fuisset, poterant in communi periculo laboranti Hungariæ suppetias ferre, aut quasi tutorio nomine pupillo infanti regnum conservare: sed eidem illud, ne matre quidem & universis regni ordinibus consentientibus, & quantocumq; Turcici belli metu urgente, nullo jure adimere poterant. Et quid dicam? Poloni in ejusmodi occasionibus verè gerunt animum Fulianum, in ore semper habentes Euripidis versus;

Sueton. in Julio. cap. 30.

ἐπεὶ γὰρ ἀδελφεὶ γενέσθω, τοῦ ἑαυτοῦ & οὐδὲν ἄλλο
καὶ ἡμεῖς ἀδελφεὶ.
nam si violandum est jus, regnandi gratia violandum est.

Et quid aliud obtendere possunt illi Borussia interceptioni, illi Livoniæ aversioni? Quid? quod Sigismundus Augustus rex, cum Livonorum patrocinium contra Moscorum magnum Ducem suscepisset, fœdere tamen cum ipso Mosco percusso clientes non tam turpiter deseruisse, quam hosti prodidisse fertur. Atqui nondum, mei Auditores, nondum funerata est illa Germanorum virtus, quâ jam olim Polonos fecerant sibi tributarios: quod fecerunt olim, & hodie facere possunt; injurias suis illatas non negligent facile, imò ulciscuntur cum aliquâ intercalatâ pœnæ usurâ, atque etiam

Bod. de Repub. lib. 5. cap. 6.

Lamb. Schafnaburg. Cruf. Annal. Suev. parte 2. lib. 7. c. 9.

Barbarios Philippōs suos ad legitimum obsequium reducent aliquando. Hoc autem Sigismundum Augustum Regem metuisse, non obscuris indicis inde colligo; quod ad bellum sociale Turcicum requisitus, se incausam descensurum negaret, nisi prius Cæsar juri, (quæ inter plures durissimas condiciones una fuerat) quod in Borussia sibi tribuat, Imperii nomine renunciet, idq; comitiorum decreto sanciat. Sed dum Germani rei feliciter gerendæ expectant occasiones; interim Poloni, ut quasi in antecessum pœnis dandis exerceantur, vel domesticis scissi dissidia mutuum vapulant, vel caduntur à meis Suecis, vel fustigantur à Moscis, vel à Turcis vexantur, vel etiam à Tartaris exagitantur. Et quis Polonia cavebit, quin Tartari iterum auricularum colligant messem in Nobilitate Polonica? Nam tempore Boleslai Pudici Tartari irruptionem fecerunt in Poloniam, & de vastatis omnibus provinciis, urbibus pagisq; incensis, demum totis viribus cum Polonia congressi sunt; sed cum pugna alea variè nutaret, tandem signifer Tartarus processit, vexillum gestans in signe, ejus pictura X litera figuram præ se ferebat, & in cusside hastæ erat imago tetra nigraq; capitis humani barbati. Id verò vexillum cum vehementius concuteret signifer, eo ipso quoq; nebulam exhalabat densissimam ac fœdissimam; quâ Polonia prospectum non modò adimebat omnem, sed et simule eos odore enecabat teterrimo, totumq; adeò exercitum hostilem miraculo rei stupefactum perturbabat. Tunc Tartari ferro urgere, vulnerare, sauciare,

1.3. ff. de off. prator.

An Chr. 1573

Thuan. Histor. lib. 50.

Alex. Guagnini rer. Pol. tom. 1. S. Neug. lib. 3.

Livius decad. 3.
lib. 3. ubi etiam
addit, *famam*
propriam vero
esset, haud plus
fuisse modio.
Florus lib. 2.
2. modios duos
scribit.

Thuan. hist. lib.
69. & 72.

Reinold. Hei-
denstenius de
bello Moscovi-
tico lib. 1.

sauciare, trucidare: Poloni autem non secus quam à grandine fruges prosterni, calcari, perire. Quo praelio tanta multitudo Polonorum ex Principibus, Nobilibus, & plebe, occubuit; ut Tartari singulis cadaveribus singulas auriculas dexteris praecidendo novem ingentes faggos expleverint: majori certè stragis editæ argumento, quam cum olim post pugnam Cannensem Annibal ad victoriæ fidem Carthaginem mitteret aureos annulos, à digitis occisorum Romanorum detractos, quos Mago in vestibulo curiæ iussit effundi, eorumque tantus acervus fuit, ut metientibus dimidium super tres modios explese, sint quidam autores. Utrunque tamen dignitas Equestris taxata est mensurâ. Ubi verò tunc erant illa centum quinquaginta millia Nobilium: ille incomparabilis equitatus Polonicus? illa undique penetrabilis Polonorum fortitudo? Equidem Polonia plerumque numero equorum magis, quam viribus militum terrere solet: & cum peditatu non valeat, in bello, quod contra Moscum gesserat Stephanus Rex, externum militem ad domesticum robur firmandum adsciscere omnino necesse fuit: ut ita potius ad excursionses & depredationes, quam ad statariam & iustam pugnam viros sufficere possit. Nec multum praesidii ponendum in Kosakkis. Et quinam sunt illi Kosakki? Limes regni Polonici, Auditores, & magni Ducatus Lituanici magna ex parte Borysthenes est: qui in Moscovia ortus modico in occidentem flexu, in meridiem deinde & Pontum Euxinum magnam aquarum vim trahens

trahens fertur superior fluminis pars ad Lituaniam pertinere: ad inferiorem diversarum gentium confinia concurrunt: praeter Moscos & Polonicae ditionis Russos, nonnullae Turcicae praefecturae attingunt: non longo etiam intervallo Valachi ei imminet. In hac tot nationum nec satis pacatarum colluvie, non potest adhuc quamvis à tot seculis pax consistere. Itaque immensa ibi camporum spatia, multi agri inculti ac deserti oblatrocinia vel metum jacent. Confluere huc ad praedas ex hostico agendas solent, cum ex aliis gentibus, tum Polonis quoque & Lituaniis; ut quisque est egentissimus, vel rerum capitalium damnatus, quosque vel fortunae eorum vel leges in patria esse non sinunt. Superioribus tamen temporibus, cum publice bellum non esset, etiam ex primaria juventute quidam loca ea petebant, odio quietis. Magnam partem in aquis ac flumine piscatu & latrocinis vivunt: hostemque, ut ex quoque plurimum praeda sperant, ducentes, Turcis tamen & Tartaris infestiores sunt, magisque Poloniae Regibus operam navant. Quod infimam Poloniae partem, quae ad flumen pertinet, tenent, à loco Nisovii appellantur: alias communi nomine vocantur Kosakki. Et hi sunt, Moschi, illi tui Kosakki: qui cum sint bipedum sceleratissimi, & hominum purgamenta, eos tamen generosissimos; & cum professione sint praedones ac latrones immanissimi, eos tamen praeda hostes dicere non verebaris: bello Ivonico non eam laudem consecuti, quam tu illis tribuis, cum demum crudelitatis suae pares

Thuan. Hist.
lib. 98.

Radevicus in
Appendice ad
Otton. Frising.
l. 1. c. 1.

S. Neugeb. rer.
Polon. lib. 3.

Chm. 123.

poenas solverint, ipsomet Ivoniâ Valachia Vairvodâ à
Turcis capto & interfecto; magno inconstantia rerum
humanarum & divinæ ultionis exemplo, ut omnes hinc
discant ab alieno regno invadendo, ab omni maleficio &
injuria temperare, memores, quod cuiquam fecerint,
idem sibi à quovis expectandum esse. Cæterum Polo-
nicæ Nobilitatis fides, etiam erga Principes & Re-
ges suos, jamdudum in Punicam degeneravit. Poloni,
ait Radevicus, nec Principibus suis fidem, nec naturâ
propinquis debitam inveniuntur gratiam conservare.
Profecto Lescum Nigrum proceres immuni deseru-
erunt perfidiâ, evocato Conrado Masoviorum Duce,
in cuius verba quæ juraverant: unis Cracoviensibus
illam nequam conspiracyem detestantibus; qui om-
nia charissima, & vitam ipsam, legitimo obsequio
& debitæ fidelitati posthabebant. Sed Lescus,
qui in Hungariam profugerat, cum non contemnen-
da Ungarorum & Cumanorum auxilia à Ladislao
rege impetrasset, statim ducit in rebelles, pugnat ac
vincit, victoriâque utitur sic moderatè, ut captivos
dimiserit omnes, proceribus culpam deprecantibus
veniam dederit, Cracoviensibus autem pro con-
stantia & fide gratias egerit; cuius urbis regimen
Germanis solis, quorum fide in rebus dubiis præclare
esset erectus, deinceps attribuit proprium, etiam habi-
tu cultuq; corporis sui ad eorum formulam conformato,
ut quanti Germanos faceret, vel sic ostenderet. In Ca-
simiro I. rege, an peccaverunt Poloni minus? Non
ignora-

ignorabant, filii Casimiri voluntates ad imperium
matris Rixæ unicè componi: quâ pulsâ, filius quoque
sequi cogeatur. Qui tamen in exilio isto animum ad
literarum studia appulit, & Lutetiam Parisiorum
devenit: illinc in Italiam porro; & denique pietate
impulsus, in Cluniacensi cænobio Benedictinum Mo-
nachum professus, Deo totum se vovit & sacravit.
Interea turbæ & fluctus in Polonia, ut in navi rectore
vacua; audacissimo quoque in flagitiorum multitudi-
ne ac magnitudine imperium aut opes quærente: ideo-
que jam oculi animiq; melius consulti requirebant suum
Casimirum; decretumq; publicè, ut missâ legatione,
ubi ubi terrarum esset, investigaretur. Ad Regnam
primo ventum, ab ea Cluniacum: & inveniunt Poloni
non jam Casimirum suum, sed Carolum, (nam & no-
men mutaverat) eundemq; sacramenti religionem, sed &
Diaconatus vinculo obstrictum: sine cunctatione præ-
terita excusant, patriæ discrimina & calamitates pro-
ponunt; illumq; ut unicum præsidium & subsidium,
Principem deposcunt. Ipse fortiter recusare, aliena po-
testatis se jam ostendere, nec quicquam cum mundanis
rebus commercii esse. Instant tamen legati; quos Casimi-
rus ad Abbatem, Abbas ad Pontificem Benedictum IX
rejicit. Atq; iste tandem indulget, nexumq; religionis
dissolvit, datâ etiam veniâ conjugii; cum hac tamen
pœnitentiâ Polonis indictæ lege; ut illi caput posthac in
coronam tonderent ritu monachali; itemque de plebe
singuli quotannis obulum unum (qui etiamnum S. Petri
LIII 2 num-

S. Neugeb. rer.
Polon. lib. 3.
Alex. Guagn.
hist. Pol. tomo.
1. J. Lipsius in
monit. Polit.
lib. 2. cap. 3.

nummus dicitur) in luminaria & cereos Divi Petri Romam conferrent; nec non singuli Equites festis solennibus, dum sacra peraguntur, fasciam lineam candidam in modum stola, quâ in sacris utuntur sacerdotes ac diaconi, e collo suspensum ferrent.

Hæc autem & alia sexcenta in famâ perfidia, contumacia & protervia Polonorum exempla si scribâ, mi Moschi, justâ mentis trutinâ ponderare volueris; quid tandem in omni Polonica Nobilitate invenies elegans, civile, urbanum, comæ, mansuetum, fidele? Quid in magno illo C. L. millium Nobilium numero reperies nobile? Festivissimus poeta, Fr. Taubmannus, in patriæ suæ salebras, & vicinos pagos, qui nomina à loci asperitate traxerant, alicubi jactatur istis versibus:

bo Plez / Hundschiss / Strögelstein / Bederis / Echlôty
Stremitz / & Huel-Huel:

nomina sunt ipso penè tremenda sono.

Has inter salebras primæ indolis aëra duxi:

Quid mirum, patriam si mea Musa sapit?

At si Taubmannus cælo & solo Polonico debuisset ingenium, potuisset à communi Slavica lingua errore Musam suam vel omnino vocare barbaram, & ipsâ barbaricè nobilem. Et quemadmodum in ista Poeci-

Casp. Scioppius
in S. Gio. Hy-
pol. olim. 20.
pag. 92.

ca lingua vocabula sunt, decem consonantibus & unâ sola vocali constantia, quæ ad ingenium cæli sui ita horrent, ut verè lapides, quibus audientium cerebrum excutiant, Poloni loqui videantur: ita eorum Nobilitas tot pravis humoribus & vitiosis moribus inquinata e-

ut

ut vix in paucis jucunda virtutum & pavida deprehendi possit. Audi verò, quid Gallus, ille Henrica Galliarum & Poloniae regis aulicus, in ipsa Polonia scripserit de Nobilitate Polonica: Quant à moy, ait, qui ne puis mentir, je vous diray fort librement, que je ne vis jamais un si miserable pays, tant de pauvre Noblesse, toute brutale & sauvage: mais toutefois si pleine d'arrogance, qu'elle n'estime aucune nation. Ce sont choses difficiles à représenter par escrit, & du tout impossibles à dire, que par ceux, qui les auroient veues: hoc est. Ut de me dicam, qui mentiri non possum, hoc libere profiteor, me nunquam vidisse regionem æquè miseram, nuspiam tot Nobiles pauperes, agrestes, efferos, & tamen arrogantia ita barbarè ferocientes, ut omnes alias nationes dedignentur. Quod ipsum literis ægrè comprehendipotest; & videatur incredibile, nisi quis præsens Polonorum consuetudine familiariter fuerit usus, & ab ipsa experientia hauserit fidem. Ex qua gentis insolentia & barbarie haud dubiè profectum & illud est, quod fere soli mortaliū ex regionibus longinquis Reges sibi adiscunt; quæ si nulli apud eos imperio digni nascerentur; vel, quod verius est, quod nemo, nisi peregrinus & ignarus rerum Polonicarum, velit sub regni nominis velamento splendidi in serpire servitutem. Poloni enim, si rem propriam inueamur, nec regnum habent, nec regem; sed oligarchicum regiminis genus, fucatâ regi specie et maniregistitulo adumbratum. Et rectè consuevit Christina

Guil. Barclajus:
cont Monarch.
lib. 3 cap. 3.

LIII 3

Casaris

638 Oratio contra Poloniam.

M. Cromer. lib.
6. de reb. Polo-
nicis. S. Neuge-
bauer. Polon.
H. lib. 3.

M. Cromer. rer.
Polon. lib. 18.

vide & Henr.
Arniseum in
Doct. Polit. lib.
2. cap. 8.

Cæsaris filia, Vladislai II uxor; Summum illud jus & auctoritatem Monarchiæ in Polonia umbratilem esse. Et Rex quidem ita Senatus potestati subiectus est, ut nec in rebus domesticis, nec etiam in ducenda uxore, libero fruatur arbitrio; adeoque Jagello, cum tertium & quartum matrimonium sine Senatus consensu contraxisset, perpetuis ob id iactatus fuerit discordiis. Stanislaus Orichovius tamen planissime rem expedit, qui in oratione de L. L. Polon. ad regni proceres sic verba fecit: Rex Poloniæ nihil aliud est, quam os quoddam regni vestri, vobiscum conjunctum, libero ac legitimo vestro suffragio; ut is prorsus nihil agat, nihil moliat, ac ne loquatur quidem, nisi id, quod ex intimo sensu vestro publice sit profectum. Et quid multis verbis opus est? Sicuti Poloni in Latine linguæ pronunciatione multoties turpiter impingunt, & accentuum rationem ferè habent nullam. (Quis enim illud jocosè dictum non audiverit? Nos sumus Nobiles Poloni: non curamus quantitatem syllabarum, modò sit oratio congrua.) pari illi ratione tractant Reges suos. pari veneratione exercent Religionem, pariculu & honore prosequuntur fidem, honestatem, & virtutem omnem. Dixi, illustrissime Princeps.

PRINCEPS
FRID. ACHILLES, &c.
DICTU
LAURENTI WENSINI.
ORATIO

639

ORATIO
LAURENTII
von Wensin/Holfati,

pro

ITALIA.

Alexandri Magni hoc fertur: cum legisset illos Homericos versus, quibus Hectore provocante è novem ducibus, qui omnes pugnare cupiebant, unum deligi placeret sortis eventum, & trepidâ conceptione votorum Jovem Opt. Max. totus precaretur exercitus, ut Ajacem vel Tydei filium, aut ipsum Regem ditium Mycenarum sortiri pateretur Agamemnonem: Occiderem, inquit Alexander, illum; qui me tertium nominasset. Ita vir fortissimus inter novem tertius nominari recusabat: ubi tamen pluribus antecelleret, quam subesset. Quid verò futurum fuisset, magne Princeps; si tu olim Romæ ad P. C. præsentem aliquo Julio Cæsare, de Europæ provinciarum inter sese prærogativa, & de summa republica retulisses? Quis Senatorum tertio loco Italiam, imò quis secundo nominare fuisset ausus? nisi hujus ignominiosæ collocationis unâ quis captare voluisset præmium: ut statim vel unco in Tiberim traheretur, vel raptaretur ad Gemonias, vel de rupe Tarpeja deiceretur. Italiæ enim soli contigit, ut verissimis

Aufonius in
Gratias. act. ad
Gratian. Imp.

C. Plin. nat. hist.
lib. 2. cap. 5.

sumis ac justissimus laudibus deprædicaretur, omnium terrarum alumna; eadem & parens, numine Deum electa, quæ cælum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret; breviterque, una cunctarum gentium in toto orbe patria fieret. Quare mirari satis non possum, quæ fiat, ut in hoc amplissimo consensu, inter tot diversissima regionum & nationum elogia, nemodum Italiam susceperit laudandam: nisi, quod quibusdam pretiosissimis gemmis interdum evenire solet, ut earum raritas omnem exuperet æstimationem, & admiratio, non numus constituat pretium; eodem forsitan consilio Italia hætenus transmissa sit silentio, quod magnitudine & felicitate suâ ita excesserit aliarum provinciarum modum, ut merito omni comparatione & laudatione habeatur major. Admiratio quidem quæ maxima est, non parit verba, sed silentium: sed quia hoc in loco prorsus tacere, sit Italiæ gloriam negligere, & in vilioris notæ conditionem conjicere; non committam ego, ut in Illustri hoc Collegio illa provinciarum illustrissima, communi omnium collegarum meorum præteritione obscuratur, atque ex nostra sive culpa, sive incuria, suo antiquissimo & meritissimo primatus honore cadat. Dicam verò, inclyte Princeps, breviter, & in transcurso tantum. Namque uti sol, quando altus incedit, & nostrum Meridianum circulum attingit, minores ja-

cit um-

A. Gel. noct.
Attic. lib. 5.
cap. 1.

cit umbras; ubi verò de vergit ad Horizontes, umbras spargit multò vastiores: sic Italiæ virtutes atque dotes, quæ longè supra aliarum nationum verticem, & veluti Zenith, conspiciuntur excelsæ, hoc minus sese diffundunt inani aliquâ verborum ostentatione.

Sed quid agam? An nihil, aut potius aliquid dicam de terræ bonis? Tanta in Italia cæli soliq; ad summam fertilitatem est consensus, tantaq; inde omnium rerum est nobilitas, ut quicquid est, quo carere vita non debeat, nusquam sit præstantius. Ager undiq; est benignus, lætus, copiosus, ad segetes aliq; omnia proferenda supra modum ad commodus, magniq; suis cultoribus quæstus, sumptus autem exigui; adeoq; is omnium minimè cum suo domino luctatur. Atque Plinius, cum plura tritici genera referret; Italico, ait, nullum comparaverim candore ac pondere, quo maxime discernitur; montanis modo comparetur Italiæ agris externum; in quo principatum tenuit Bœotia, deinde Sicilia, mox Africa. Quod etiam omni ætate tam constanter creditum fuit; ut jam ante mortem Alexandri Magni annis fere CXLV, Sophocles Poeta, in fabula Triptolemo, frumentum Italicum ante cuncta laudaverit, ad verbum translata sententia,

Et fortunatam Italiam frumento canere candido. quæ laus, addit Plinius, peculiaris hodieq; Italico est. Cumq; insignis soli Italici ubertas innumeris pateat argumentis: hoc tamen est præclarissimum, quod Constantinus Palæologus dicere solitus est: Nisi sciret, à

Mmm

sanctif-

Plin. histor.
nat. lib. 37.
cap. 13.

P. Merula Cos-
mogra. parr. 2.
lib. 4. cap. 4.

Plin. histor. nat.
l. 18. cap. 7.

*Belogua la graf-
sa: Padova la
passa.*

*Leander Al-
bertus in de-
script. Umbriae.*

*Plin. histor. nat.
lib. 17 cap. 4.*

*Servius Com-
ment. in Virgil.*

*Virgil. 2. Geor-
gic.*

*Laur. Schradae-
us monument.
Ital. lib. 4 p. 353.*

*P. Merula Cos-
mog. part. 2.
lib. 4 cap. 4.*

sanctissimis viris affirmari, in Oriente Paradisum esse, suo iudicio non alibi eum reperiri posse, quam in persuavi Patavina amoenitate. *Nonne vero etiam Roscellanus ager in Umbria juxta lacum Velinum tam prodigè ferax fuisse scribitur, ut auctore Varrone, Caesar Vopiscus, cum causam apud Censores ageret, campos Roseæ dixerit Italiae fumen esse; in quibus perticas pridie relictas gramen unâ nocte operiret? quin etiam quantum per diem demtum esset, tantum per noctem cresceret? prorsus ad Virgilum de sua Mantuae pascuis canentis assertionem;*

*Et quantum longis carpent armenta diebus,
Exigua tantum gelidus ros nocte reponet.
Laudense etiam solum quis non laudet? Hic enim inter-
tium, quartum, & aliquando quintum foenum secatur:
pratis ad rem pecuariam tam opportunis, ut nullâ Italiae
parte plus sit caseorum: quos Comes Jo. Franciscus So-
malienus IIII. insigni formâ confici & tantâ mole fi-
gurari curabat, ut singuli pondo D. complerent. Ager
autem Barianus in Apulia Peucetia, oleum, vinum,
frumentum, amygdalam, gossypium, aliosq. fructus ab-
undantiâ fundit incredibili. Et unus ille vallis One-
liae ager in Liguria tanto gaudet olei proventu, ut
quandoque duodeviginti, nonnunquam viginti millia
urnarum, quas Barilas vocant, reddat. Sic tota illa
ora, quæ ab D. Remi, atque etiam ulterius, ad Genuam
usq. pertinet, tot tamq. nobilibus arboribus itemq. pal-
mis summæ proceritatis & præstantiæ ornata est, ut*

cum

*cum ad spectu, tum odoratu sit per jucunda; hortis pas-
sim occurrentibus ad recreandas tristes afflictasq. ho-
minum mentes amœnissimis. Et idem de mille aliis po-
test dici locis. Vitium quoque principatus in tantum
peculiaris Italiae est, ut vel hoc uno omnia gentium vi-
cisse, quanquam odorifera, possit videri bona: quan-
quam ubique pubescentium odori nulla suavitas
præfertur. Cumque octoginta fere in toto orbe ge-
nera vini nobilia memoriæ prodiderit Plinius; duas
ex eo numero partes attribuit Italiae; longè propterea
ante cunctas terras. Et quis non audivit laudes Seti-
ni (quod Divus Augustus prætulit omnibus, & fere
secuti Principes) Cæcubi, Falerni, Albani, Surrenti-
ni, Massici, Statani, Caleni, Fundani, Veliternini, Pri-
vernatis, Signini, Prætutii, Anconitani, Palmesii, Rhe-
tici (nascitur id in agro Veronensi: atque est saporis re-
gii optimiq., & quod Theodoricus Ostro-Gothorum
Rex Athesi, & Hadriatico mari, ac deinde jumen-
tis Romam usque sibi ad ferri curavit) Ligustici item,
Tabiani, et aliorum: Ad Papiam autem vinam mirè fra-
grantia nascuntur; quæ pulcherrimè splendent in pocu-
lis, saliantq., & vel invitos ad potum alliciunt, epotaq.
haerent stomacho, et leniter permeant, ferventq. naturæ
vires, & pituitam extenuant: nullos illa capiti vapo-
res, aut ori ructus, nullum ventri tumorem, aut vesicæ
impressionem faciunt; sed cibo sese commiscencia facile
conquiescunt, absterguntq. mordaces curas humanis
mentibus infestas, ac mollia inducunt somnia agris*

Almmmm 2 aptissi-

*Plin. lib. 12.
in proœmio.*

*Plin. lib. 12.
in proœmio.*

*Plin. lib. 12.
in proœmio.*

*Merula d. l. ex
Blondo & Caf-
siodoro.*

*Bernard. Saccus
Tegines. Hist.
lib. 5. c. 6.*

aptissima. Hoc gustato vino, Boetium Severinum Romanum patritium carceri inclusum, ac seminecem, respuisse ajunt, succlamasseq;: Oh felicia hujus regionis vina, quæ labantem mœrore animum, curisq; depressum modico haustu erigunt, firmantque nutantem! Atque his dictis, ad scribendum de Consolatione librum, viribus instauratis, conversus est. Et quis ita ambiget, ab vino optimo Oenotriæ natam fuisse appellationem? Quamvis & Italiæ nomen novum laudum contineat argumentum. Siquidem Timæus in Historiis, quas oratione Græcâ de rebus populi Romani composuit, & M. Varro in Antiquitatibus rerum humanarum, terram Italiam de Græco vocabulo nominatam scripserunt: quoniam boves Græcâ vetere lingua ita-

ita Servius existimat.

A. Gel. not.
Att. lib. 11. cap. 1.

la vocitati sunt, quorum in Italia magna copia fuerit; bucetaque in ea terra gigni pascique solita sint complurima. Nec armentosissima tantum Italia; (Lucaniâ tamen ut à bobus & tauris celeberrimâ, cum etiam Lucilius antiquus Poëta id agnoverit hisce versiculis,

Lucilius.

*Quem neque Lucanis oriundi montibus Tauri
Ducere protelo validis cervicibus possent:
ita Neapolitano regno à generosissimis equis undiquaque nobilissimo) verum etiam aliis pecoribus semper fuit Italia fortunatissima; ovium præcipue gregibus summam commendationem promeritis. Namque est*

Martialis.

*Velleribus primis Appulia, Parma secundis
Nobilis; Altinum tertia laudat ovis.*

Ita quoque piscium, volucrum, & quicquid animalium venatio, piscatio, & aucupium desiderant, in Italia passim beata & præsens est copia. Et quid de metallis, lapidibus, aliisque muneribus dicam? Italia metallorum omnium fertilitate nullis cedit terris, sed interdictum id vetere consulto patrum, Italiæ parci jubentium. In Foro Julio Hydra fluvius est, & haud procul inde argenti vivi fodina. In agro Volaterrano nonnullis locis terra est lutea, similis auri pigmento, foetidissima: quam obrem incolæ regionis, quam possunt studiosè, iter hâc vitant; cum illa odorem exhalet tam gravem, ut supervolantes aves statim concidant mortuæ. Magna quoque aluminis copia ante aliquot annos reperta est apud Etruscos in territorio Massæ; uti & in Campania felice cuniculi sunt, ex quibus effoditur sulfur; atque ibidem convallis est, ubi alumen coquitur. Ad eoque alumine dives est Italia; ut ex una tantum Gallia, singulis annis, illius mercis nomine, supra decies centena aureorum millia rotundet. Et quod commode, nec præter rem hîc enarrari potest: Bartholomæus Perdix, Genuensis negotiator, Neapolim petens, cum avorum ætate Ænariam præterveheretur, & animadverteret, ex incendio, quod annis circiter centum ac sexaginta tribus antè, ruptis repente terræ visceribus insulam graviter adfluxerat, quædam aluminosa saxa scopulorum instar in litus provoluta esse; ea Perdix fornacibus postea excoxit, & in alumen dissolvit, fuditque: revocatâ arte eâ, è Roccho Syriæ,

Plin. lib. 3. c. 20.
& lib. 33. cap. 4.

P. Merula Cof-
mogr. part. 2.
lib. 4. cap. 4.

Bodin. in re-
sponso ad Ma-
lestretium.

Jo. Jovian. Pon-
tanus Hist. lib. 6.

Mmm 2 ubi

P. Merula Col-
mogr. pag. 2.
lib. 2. cap. 4.

ubi ipse plures annos mercaturam fecerat, ab se allatâ; quæ multis antea seculis in Italia jacuerat. Visuntur etiam multis in locis officinæ salariæ: atque apud Brutios mille passibus ab Altomontio (ubi colligitur Manna, noctu rorans, præsertim cum imbres diurnos liquidum purumque cælum noctis excipit) salis fodinæ sunt, in intima montis viscera excavatæ; longitudine quædam quingentorum, quædam mille passuum, aut amplius; unde salem effodiunt. Quanti verò sunt pretii, lapis Tiburtinus, Gabinus, Albanus, marmor Istricum, & Lunense? Columnæ etiamnum ad montes Lunæ peringentes, aliæque marmorum frusta cernuntur; quæ florentibus rei Romanæ temporibus excisa, dein autem, eâ labente, derelicta nemo exportavit vel expoliivit. Et hodie ex his locis marinora Pisas, Genuam, Florentiam, Romam, Bononiam, & in Galliam ulteriorem deferuntur; non tamen eâ magnitudine & copiâ, ut olim Romam solebant. Pulchrè & verè Facius Ubertus:

Leander. Al-
bert. in descript.
Hetr. Mediterr.

Leander. d. l.

E vedemmo Carrara: ove la gente
trovail candido marmo in tanta copia,
che assai n'haurebbe tutto l'Oriente.

Lescalia porro Volaterranensis agri vicus, alabastrò abundat: ex quo ingeniosissimus quidam artifex Neapolitanus olim fecerat organa pneumatica, Leoni X. Pontifici Max. muneri destinata; quo fati intercepto priusquam illa perficerentur, Friderico Gonzagæ, primo Mantuæ Duci, donata fuere. Opus profecto, quod

quod inter rara mirabiliaq; meritò debeat recenseri. Totæ enim fistulæ moduliq; sunt ex alabastrò. Prætereo hîc coraliû, crySTALLUM, chalcitem, porphyritem, ophitem, achatem, chalcedonium, gemmam Vejentanam, lazurium, vitriolum, coccum tingendæ purpuræ, & innumeros atque inæstimabiles alios terræ Italiæ thesauros. Non igitur refragari possum Polybio, Historicorum prudentissimo, Galliam Cisalpinam, sive, Gallicam Italiam, tot invidendis & summis encomiis exornanti; illam nimirum plantitiem, universo ambitu millia passuum c. c. c. l. fere colligentem, omniam totius Europæ longè præstantissimam, rebus universis sic excellere, ut ne dici quidem satis possit. πρῶτον γὰρ πάντων ἀγέλων, αὐτὸς ἔφη, ὁ ἐν τῇ περὶ Ἰταλίας. Minus autem omnibus aliis, Campaniam felicem dilaudantibus, obstrepam; cum illa omnes Italiæ partes multis superet partibus; & in eam natura luxurians prodegisse videatur largissimo sinu, quicquid uspiam est deliciarum, amœnitatum, gaudiorum, & oblectationum. Omnium non modò Italia, inquit Florus, sed toto orbe terrarum, pulcherri- ma Campaniæ plaga est. Nihil mollius cœlo. Nihil uberius solo: bis floribus vernat: ideò Liberi, Cererisq; certamen dicitur. Nihil hospitalius mari. Hîc illi nobiles portus, Cajeta, Misenus, & tepentes fontibus Bajæ, Lucrinus & Avernus, quædam maris ostia: hîc amicti vitibus montes, Gaurus, Falernus, Massicus, & pulcherrimus omnium Vesuvius, Aetnæi ignis imitator.

Polyb. hist.
lib. 2. La Lombardie è il giardino del mondo.

P. Merula Col-
mogr. part. 2.
lib. 4. cap. 25.

Luc. Annæus
Florus lib. 2.
cap. 16.

Inq.

Inq̃ hac nobilissima Campania tribus cujusque anni temporibus, vere, æstate, autumno, fructus legi, oculatus & omni exceptione major testis adfirmat Dionysius Halicarnassæus. Præ illa felicitate vilescunt Alcinoi Regis pomaria, in quibus ver quotannis non renovatur, sed jugi perflante Favonio

H. Salmuth. in
G. Panciroli
nova Reperta
lit. 9. de Camp.

Stroph. Vinand.
Pighius in Her-
cule Prodicio.

Flor. d. l.

& pyra adulta pyris succedunt, malaque malis: sordescit quoque Eresus, feracissima Lesbica civitas, Theophrasti patria; licet cives ipsius Eresios, simulachrum Cereris Equoxæ Delphico Apolloni consecrassent Athenæus fabuletur; eò quòd ager Eresius præcipue bonitatis, candidissimumq̃ frumentum produceret, cujus pollinem Mercurius ad Deos, si quando pane vesci voluerint, subvehere fingeatur. Certè nulla pars Italiae provinciarumq̃ Imperii Romani visa fuit accomodatior ad earum spolia dilapidanda, vel ad opes orbis terrarum consumendas, quàm ille Campanus ager à Capua (quæ urbs quondam inter tres maximas Romam, Karthaginemque numerata, sæpius erat Romanis subsidium belli, fundamentum vectigalium, horreum legionum, solatium annonæ) Neapolim, ulteriusq̃ protensus, atque inde per litus usque Cumas recurrens. In primis tamen placuerat Neapolis ante omnia alia loca, quæ Romanis atque aliis, vel studiorum, vel otii, vel voluptatis & deliciarum, atque etiam sanitatis jucundissimus esset secessus. Atque ita isthic

exemptum curis gravioribus ævum egerunt P. Virgilius, qui Georgicorum libros ibidem composuit;

composuit; T. Livius, Horatius Flaccus, Statius Papinius, Claudius Claudianus, Annejus Seneca, Agellius, Franciscus Petrarca Regi Neapolitano Roberto amicissimus; Antonius Beccadellus Bononiensis, cognomine Panormitanus, orator; Laurentius Vallæ Romanus, Porcellius Romanus poeta, Blondus Forolivienfis, Bartholomæus Facius Sulmonensis; & alii innumerabiles. Nec minùs hæc ætate Principes, Duces, Marchiones, Comites, Barones, summatesq̃ viri totius regni Neapolitani, majorem anni partem hic exigunt: ut credam, paucas in orbe reperiri civitates, ubi par Nobilium & illustrium hominum conveniat numerus. Verùm quid multis verbis opus est? Quis unquam de felicitate Italiae dubitavit? Quis nostrum illius visundæ desiderio non stimulatur? Quàm fervent passim itinera Italiae hinc inde commeantibus Germanis, Polonis, Gallis, & cæteris Europæis? Quàm verò sit mihi jam volupe, non tantum ea quæ dixi, sed & quæ prætermisi infinita, censere oculis; & simul insignes illos urbium titulos coram dijudicare posse; quos Itali suâ linguâ in hunc modum efferunt?

Fama tra noi: Roma pomposa & santa;
Venetia ricca, saggia, & signorile;
Napoli odorifera & gentile;
Fiorenza bella, tutto il volgo canta;
Grande Milano in Italia si vanta;
Bologna grassa; & Ferrara civile;
Padova forte; & Bergamo sottile;

Nnnn

Genova

P. Merula Cos-
mogr. part. 2.
lib. 4. cap. 4.
Lauren. Schra-
dæus Monu-
ment Ital. lib. 4.
pag. 410.

Genova di superbia altiera pianta;
 Verona degna; & Perugia sanguigna;
 Brescia armata; & Mantoa gloriosa;
 Rimini buona; & Pistoja ferrigna;
 Siena de bel podere; Lucca industriosa;
 Furlì bizzarro, & Ravenna benigna;
 Et Singallia del' aria noiosa;
 Et Capoua amorosa;
 Pisa freudente; & Pesaro giardino;
 Ancona del bel porto pellegrino;
 Fedelissimo Urbino;
 Ascoli tondo; & longo Recanate;
 Foligno delle strade inzuccherate,
 Et par da cielo mandate;
 Le belle donne de Fano, si dice;
 Ma Siena poi tra l' altre piu felice.

Equidem nunquam animo in beatissimum illum Europæ Paradisum excurro, (quod tamen creberrime facio) quin statim illos Virgilio aureos versus in laudem Italiæ scriptos, memoria repetam; semper tamen cum aliquo auctario amoris ad priorem observantiam, quâ & divinum Poetam, & optimam maximam terrarum, antea eram complexus.

Sed neq; (ait Maro) Medorum silvæ, ditissima terra,
 nec pulcher Ganges, atque auro turbidus Hermus,
 laudibus Italiæ certent: non Bactra, neque Indi,
 tota que thuriferis Panchæia pinguis arenis.
 Hæc loca non tauri spirantes naribus ignem
 invertère,

invertère, satis immanis dentibus Hydri
 nec galeis, densisque virum seges horruit hastis;
 sed gravidæ fruges, & Bacchi Massicus humor
 implevère, tenent oleæque, armenta que læta.
 Hinc bellator equus campo se se arduus infert:
 hinc albi, Clitumne, greges, & maxima taurus
 victima, sæpe tuo perfusi flumine sacro,
 Romanos ad templa Deum duxere triumphos.
 Hic ver assiduum, atque alienis mensibus æstas:
 bis gravidæ pecudes, bis pomis utilis arbor.
 At rabidæ tygres absunt, & sæva leonum
 semina; nec miseros fallunt aconita legentes:
 nec rapit immensos orbis per humum, neq; tanto
 squammeus in spiram tractu se colligit anguis.
 Adde tot egregias urbes, operumque laborem:
 tot congesta manu præruptis oppida saxis:
 fluminaque antiquos subterlabentia muros.
 An mare, quod supra, memorem? quodque alluit infra
 Annelacus tantos? te, Lari maxime? teque
 fluctibus & fremitu assurgens, Benace, marino?
 An memorem portus? Lucrinoque addita claustra?
 atque indignatum magnis stridoribus æquor?
 Iulia quâ ponto longè sonat unda refuso,
 Tyrrhenusque fretis immittitur æstus Avernis?
 Hæc eadem argenti rivos, ærisque metalla
 ostendit venis, atque auro plurima fluxit.
 Hæc genus acre virum Marfos, pubemque Sabellam,
 affuetumque malo Ligurem, Volscosque verutos
 Nnnn 2 extulit:

extulit: hæc Decios, Marios, magnosq; Camillos, Scipiadas duos bello, & te, maxime Cæsar.

Quapropter ex Bassis illis, qui Imperatorem Turcarum Amurathem III ad bellum gerendum incitabant, prudentiores Italiam præ aliis terris omnibus petendam esse potentibus argumentis suaserunt; non solum, quod ad orbis terrarum monarchiam, quam Turcæ semper sibi tanquam scopum suarum actionum propositam habuerunt, nunquam illi perventuri essent; nisi prius Italiam in potestatem redegerint; cum ea, veluti centrum universi orbis, consilia reliquis membris & auxilia suppeditare soleat, quibus occultæ & tyrannicæ aliorum ad idem humanæ ambitionis fastigium grassantium machinationes impediuntur: verum etiam, quod nulla alia tam honesta, tam fructuosa, tamq; gloriosa expeditio suscipi possit; quia scilicet Italia princeps sit & propter situs opportunitatem, aeris temperiem, omnium rerum ad victum humanum necessariorum abundantiam, amplissimas & ditissimas urbes, & propter sedem primariam Ecclesiæ Christianæ, atq; antiquam Imperii Romani majestatem.

Quantum autem, honoratissime Princeps, universas terras antecedit Italia; tantum Itali omnes alias gentes ac populos omnium prærogativarum excellentiâ ac multiplicibus virtutum miraculis vincunt. Et uti fieri solet, quando exteri suburbanas villas Neapolitanas, aut Marmirolanam Ducis Mantuani, aut Prætelinum Florentini, aut Belvederium Vaticanum

Papæ

Iaz. Soranzus
in Ottomanno.
cap. 57.

Papæ, aut hortos Tiburtinos Hippolyti Atestini Cardinalis Ferrariensis, diligenter perlustrant; ut, dum porticus, ambulacra, labyrinthos, scenas frondibus concameratas, florum fructuumq; variis coloribus distinctas; parietes malorum puniceorum tapetis vestitos; peristylia & exedras picturis, signis, statuis, & marmorum antiquitatumq; reliquiis pretiosis decoratas; fontium ædículas, antra nympharum, atque piscinas coraliis & unionum ostreis omniq; conchyliorum raritate mirificè renitentes; dumq; alia innumera cupidissimis animis & oculis intuentur; interdum, & quidem subito, aquarum per multas syringas & secretas fistulas undique prorumpentium copiâ suaviter irrigentur non opinantes: sic fere mihi accidit nunc idem: ut dum in quasq; cunque Italorum laudes mentis aciem defigo, & easdem eloqui hic conor, derepente ex omnibus partibus imber Italicarum virtutum in me depluat copiosissimus. Quanquam hoc mihi non omnino evenit in speratum. Nam cum natura illa sit optima, quæ inter nimium & parum est media, atq; in aurea ingeniorum ac corporum mediocritate consistit: de Italis profecto, qui non modo inter Æquatorem & Septentriones, verum etiam inter Occasum & Orientem fere medii interjacent, ac modicè ab Aquilone ad Meridiem deflexi, nil nisi summa & maxima sperari, cogitari, & dici possunt.

Divina Italorum indoles, & incomparabilis ingeniorum vis in universum patescit rebus in omnibus.

Nnn 3

Etenim

Etenim ut ordiar ab infima ingeniosorum & industrio-
rum hominum tribu; quam puto esse opificum; abunde
apud Italos invenient nostri statuarii, pictores, textores,
architecti, & reliqui artifices manuarii, quod discant,
quod imitentur, & quod nec discere, nec imitari, sed tantum
admirari queant. Atque ut alios summos & perfectos magistros
hic ne nominem: non omittendus hoc loco est vir bove quidem
capitosior, Bernardinus Carovagius, oculis emissitiis, ore
exporrecto, linguaque blaesus, sed qui horologicam artem
Papiae discens, mirabilia faciebat; inter quae illud fuerat
memorabile, quod, ut Andreae Alciato eximio feto morem gereret,
horologium fabrefecerit, in quo per aeris sonitum, quam-
quisque statuisset horam, exaudiebat; atque eodem ictu ignis
scintilla ab inserto silice in subiectum sulphur excussa
in flammam ibat; quae repente ardentis sulphuris ministerio
ac continuatione accendebat appositae lucernae filii,
lucemque reddebat: ita ut composito horologio ad quam
dominus destinasset noctis horam, & a somno excitari,
& lumine juvari solius horologii cepe unusquisque accubans
posset. At verò minime omnium praetermittendus sit
Michael Angelus Bonarota Florentinus, qui ante hos
sexaginta annos Romae decessit, cum aetatis annum
XC^{mum} ageret; atque adeo post priscos Graecos picturae,
statuariae, & architecturae fuit summus artifex: cujus
nomine ut passim orbis personat; sic plerisque locis, sed
Romae & Florentiae praecipue, stupendi operis monumenta
ejus videntur. Huic initio cum Raphaele Urbinate
pictore

Bernard. Sacer
Ticinens. Hist.
lib. 7. c. 17.

A. Chr. 1564.
Thuan. histor.
lib. 36. Joan.
Bapt. Hadrianus
Histor. lib. 18.

pictore famosissimo aemulatio erat, sed mortuo in aetatis
flore Raphaele, Michael, qui ad majora adspirabat,
longae aetatis beneficio facile principatum in pulcherrimis
illis artibus adeptus est, & ad mortem usque tenuit: plerisque
suae industriae admiratoribus, raris aemulis, aut imitatoribus
relictis. Huic etiam Cosmus Medicus, Florentiae Princeps, qui
summè his artibus delectabatur, tantum honorem habuit, ut
ejus corpus Romam Florentiam transferri curaverit, ut in
patria sepeliretur: idque maximam pompam peractum; deducen-
tibus funus XXX consummatissimis artificibus ad B. Laurentii
aedem: ubi à Benedicto Varchio publice laudatus, & conditus
est. Angelo tamen secundum, & forsitan parem addere possem
Georgium Vasarium, qui Arretii in Etruria natus, eidem
Cosmo nobilitatem sui ingenii simulque picturae et architecturae
praestantiam editis passim insignibus ad stupendum omnium
spectaculum monumentis, cumulatissime probavit; vivis
exemptus anno suo climacterico Florentiae, ubi degebat, et
exinde, sicut testamento caverat, Arretium in patriam
translatus: quo loco in principali secundum sedem
Episcopalem templo in sacello ab ipso juxta sumptuoso &
admirando artificio extructo sepultus est. Sed quemadmodum
olim Benedictus Biscopius, Britannus monachus, qui A. C.
703. obiit septuagenarius, quinquies Romam venerat, &
inde vitriarios, pictores, & architectos secum in patriam
advexerat primus: ita reliqua Europa omnis, nobiliorum
illarum artium rudior, pictoriam, statuariam, & ar-

Thuan. histor.
lib. 59.

A. Chr. 1574.

Thom. Zwingli
Metth. Apo-
dem. lib. 1. c. 1.

Thef. Polit.
part. 1. de He-
stur.

si dice; che chi
Solfero affettare
Italia, siroina
Milan. Leand.
Alb. in Insu-
bria.

Antor. Ci-
rella in vita Si-
xti V.

Quid Panciro-
lus in Nov. Re-
pert tit. II. de
Pyxide Naut &
ibi H. Salmuth.
in comment.

& architecturam hodie è Roma, Neapoli, Venetiis,
Florentia, textoriam è Genua & Luca, (imò etiam
Florentia extrinis nobilis est, nec minus quam Belgi-
um: & aliquando panni, quos Rascie vocant, uno tan-
tum anno ibi confecti, duorum auri millionum æsti-
mantur) vitriariam è Murano, omnium autem opifi-
ciorum artificum ex uno Mediolano (vulgatum enim
proverbium est; Mediolanum destruendo, Italiam
quorumvis artificum copia instrui posse) tanquam
ex quibusdam celeberrimis scholis & Academiis, cum
magno Reipub. emolumento petere jam posset. Atqui
facilius fere fuerit Dominico Fontano obeliscum
Vaticanum transtulisse, & erectum statuisse (quam-
vis moles illa uno & continuo constet marmore, & la-
bor fuerit anni integri, adhibitis machinis tractoriis &
vectoriis, quæ à nongentis septem viris & septuaginta
equis in orbem versabantur ac regebantur, expensisq;
in totum translationis & erectionis opus triginta se-
ptem millibus coronatorum, nongentis insuper &
sexaginta quinque) quam mihi nunc sit ingenuissima
Italorum opificum & artificum opera hoc loco denar-
rare. Una pyxide cula nautica, sive acus vel acicula
marina, quæ debeat explicari oratione? Quis affirma-
re ausit, usu magnetis, quo in tota rerum natura nihil
est admirabilius, quicquam divinius excogitari & in-
veniri potuisse? Universis nautarum, quantus quantus
est populus si unâ voce loqueretur, hoc diceret. Olim in
navigatione Cynosuram spectabam, itemque altas stellas
clavum-

Virgil. 5. Ae-
neid.

clavumque affixus & hærens
nusquam amittebam;
obscurum autem cælo ignorabam, ubi versarer, eramq;
quasi deperditus

Virgil. 3. Ae-
neid.

errans pelago, totidem sine fidere noctes:
at postquam immortalis ille Joan. Goia civis Amalphi-
tanus ante annos trecentos mirificam magnetis virtu-
tem mihi monstravit, vasculiq; tam parvi virgulæ,
imò acus modicæ ductu rectum cursum tenere docuit;
ex eo tempore, quæcunque sit cæli facies, etiam in pro-
fundissimis tenebris, acutissime cerno, & intrepide
omnia maria sulco, omnemq; aquarum vastitatem feli-
citer emetior: tanto inventor totiusq; Italiae benefi-
cio; ut cunctæ terrarum gentes, quæ fructus inde per-
cipiunt quotidie uberrimos, illud pro dignitate minime
æstimare, quoniam indies evadit se ipso majus, nedum
gratiarum referendarum modum reperire possint.

H. Cardanus
lib. 17. de artub.
& artificiosis
reb. B. Kecker-
man. in Com-
mentat. Nauti-
ca, problem. 7.

Verum enimverò acumen Italarum in literarum
etiam studiis longè transcendit aliorum hominum con-
ditionem: & illi etiamnum scientiarum dictaturam
gerere videntur. Inter priscos occurrunt Thurii: quo
rum legislator, magnus ille Charondas, inter alia sci-
vit, τὸν πολὺν τὰς ἡμετέρας ἀπὸ τὰς μανθάνειν τὰ γράμματα;
civium omnes filios discere literas: & quia videbat
fore, ut pauperes inopiâ fortasse non possent; amplius
statuit, ut è publico civitatis ærario honoraria præce-
ptoribus solverentur. Occurrit Heraclea, Metapon-
tus, & Croto; ubi Pythagoras etiam ille cætus habuit

J. Lips. in Le-
vanio lib. 3.
cap. 7.

Diodor. lib. 12.

Livius lib. 2.

. Oooo

juve-

juvenum, æmulantium studia doctrinæ: & in Italia interiore Falisci; quorum schola magistri perfidiâ, & generoso Camilli facti nota. Nec longè Gabii: quò, ut ad publicum ludum, ablegatos Romulum & Remum Dionysius ac Plutarchus scribunt, ibiq; institutos Græcanicis literis, item Musicâ & tractatione armorum. Quid Tusculi? Livius apertè; in Dictatoris Romani ingressu, ludos literarum strepuisse discendum vocibus. Jam illæ nostri Occidentis Athenæ, ipsa ROMA, postquam literas accepit, (accepit autem paulò post Punicum primum bellum) statim una cum imperio diffudit & sparsit in has omnes terras. DEUS bone! quæ postea ingeniorum felicitas extitit? Quæ scientiarum opes et incredibiles gazæ hinc redundaverunt in Italiam & orbem universum? Quantâ industriâ, fide & studio, in hac summa republica, in ipsa sapientiæ literarumq; tutela versati sunt, illi novi humanitatis atque doctrinæ instauratores? Q. Ennius Rudinus, M. Accius Plautus Sarsinas, T. Lucretius Carus, Q. Catullus Veronensis, Q. Horatius Flaccus Venusinus, Sex. Aurelius Propertius Mevania, P. Ovidius Naso Sulmonensis, A. Persius Flaccus, P. Papinius Statius, Q. Valerius Flaccus Setinus, D. Junius Juvenalis Aquinas; & quem omnis ætas habebit exemplar absolutissimum, P. Virgilius Maro Mantuanus; nonne condiderunt nobis Poeticam? M. Porcius Cato Censorinus, Q. Claudius Quadrigarius, Marcus Varro, (qui tam multa

multa legit, ut aliquid ei scribere vacasse mirandum sit: tam multa scripsit, quàm multa vix quisquam legere potuerit) C. Sallustius Crispus

Augustinus de civitate Dei, lib. 6. cap. 2.

(primus Romanæ Crispus in historia,)

Martialis.

Cornelius Nepos, Pompejus Trogus, T. Livius, (cujus ossa An. Chr. MD CCCCXIII. Patavii in plumbea capsula ad D. Justinæ fuerunt reperta, & insigni pompâ succollantibus viris nobilissimis in foro Judiciorum ad Occidentalem parietem reposita, cum effigie ejusdem ænea & inscriptione: brachium Alfonso Aragonio muneri datum) C. Julius Cæsar, C. Vellejus Paterculus, C. Cornelius Tacitus, Valerius Maximus, C. Suetonius Tranquillus, Plinius Comensis, naturæ bibliothecarius; & qui longo ordine sequuntur alii; nonne rationem scribendæ Historiæ nos accuratissimè docuerunt? Architas, Aristoxenus, Nicomachus, Luritus, Tarentini; Alcmaeon, Philolausq; Crotoniata; Hippasus Metapontinus, M. Vitruvius Veronensis, & compares alii; nonne mysteria Philosophiæ nobis aperuerunt? Sextus Papirius, P. Sempronius, & cæteri cælestes viri, quos auctor l. 2. D. de Orig. Jur. commemorat; Papinianus item, Paullus, Ulpianus, & reliqui Pandectarum (Pandectarum autem & Codicis libro nullum præstantiorem in orbe terrarum post sacra Biblia existere, putat noster Giphanius) germani patres; nonne in sacrarium genuinæ Prudentiæ, & in Justitiæ adyta nos deduxerunt? Et quid dicam de illis Eloquentiæ heroibus, M. Cornelio Cethego, Appio Cæ-

P. Merula Cof. mogr. part. 2. lib. 4. cap. 36.

T. Zvinger. M. Apodem. lib. 3. cap. 19.

Cicero in Bruto.

co, Q. Metello, C. Lælio, P. Africano, Ser. Galba, M. Emilio Lepido, C. Graccho, Qu. Catulo, Antonio, Crasso, M. Herennio, C. Titio, & omnium oratorum coryphæo Cicerone? Nemo enim est alicujus in eloquentia laudis ac spei, quin Cicero esse longè malit, si cum eo se remotà invidia velit conferre. Quippe omnes fandi virtutes etiam diversæ in illo viro congruunt. Quamcunque orationem struxerat Cicero, ita illa erat undique perfectè absoluta, ut in ea neque Cato gravitatem, neque Lælius lenitatem, neque Gracchus impetum, nec Caesar calorem, nec Hortensius distributionem, nec Calvus argutias, nec parsimoniam Sallustius, nec opt. lentiam A. Vitius requirere potuisset, prorsus in qua, nè omnia persequar, quia neque additum, quicquam, neq. detractum, neq. autem aliquid commutatum voluisset. Et quæ fuit eloquentiæ Ciceroniciæ potentia? quæ contra Catilinam vis? quæ pro salute Reip. & populi Romani virtus? Romulus mæmuram Romæ conditor non tantam urbem fecit, quantum Cicero servavit. Metellus in Vestæ æde extinxit incendium; Cicero Romæ. Glorietur itaque Hannibale Scipio, Pyrrho Fabricius, Antiocho alter Scipio, Perse Paulus, Spartaco Crassus, Sertorio & Mithridate Pompeius: nemo hostis Catilinæ propius accessit. Magnus, & si præ humanæ sortis habitum oportet sit, cui liceat Sæadam Tullianam adæquare: & in illius viri laudes exsequendas Cicerone laudatore opus fuerit. Verum cuncti illi scientiarum patres, quos dixi, indo-

Et at-

M. An. Seneca
lib. 7. Contro-
vers. 2.

Et atq. rudi terrarum orbi fuerunt politioris literaturæ magistri, exactæ eruditionis antistites, & omnium doctrinarum antecessores. Et sicuti olim à miliario Urbis, quæ erat in capite fori Romani columna aurea, omnes Italiæ viæ initium & finem capiebant: ita ab illis aureis doctoribus omnes propemodum nationes literarum studia, adeoq. itinera ad sapientiam etiam hodie ordiuntur.

Guid. Panciroli
de XIV. reg.
Schardius in
Lexico.

Post perfectam illam meliorum literarum ætatem secuta sunt multorum seculorum tempora, quibus irruentibus undique barbaris, una cum republica etiam res literarum quotidie in deterius data est; & ad summum perducta gloria fere ad infimum rursus, & quidem velocius quam ascenderat, relapsa est. In ea tamen fugientium Musarum calamitate, & in mediis tenebris, nunquam non inventi sunt Itali, qui salutarem faciem præferre aliquam conarentur, & barbariem sitotam dissellere nequirent, saltem oppugnarent. Propterea laudabilis meritò est opera Urbani IV. P. P. qui Thomam Aquinatem, Alberti magni discipulum, genere quidem illustrem virum, quippe à Comitibus Apuliæ ortum, sed qui postea doctrinæ magnitudine & illustrissimis scriptis omnem imaginem & majorum gloriam obscuravit, instaurandæ ornandæq. Romanæ veteri Academiæ evocaverat; & Clementis V, qui in Concilio Viennensi decreverat, ut Romæ, & ubicunque Romanam Curiam residere contingeret, Hebraicæ, Arabicæ, & Chaldaicæ linguæ Professores

Platina in Ur-
bano 4.

P. Merula Cof-
mogr. pag. 2.
lib. 4. cap. 22.

Platina in Ni-
col. 4.

And. Alciatus
Parerg. lib. 10.
cap. 25.

l. 31. ff. de poe-
nis.

fessores haberentur: & Nicolai V. qui per universam fere Europam miserat viros in omni artium genere excelsos, qui veterum scriptorum libros conquirerent; promissis quinque ducatorum millibus ei, qui Hebraicum D. Matthæi Apostoli Evangelium adferret: nec non Cosimi Medicis sapientis, patris, & Laurentii magni, nepotis; quo utroque duce Homerus in Italiam, atque Marfilius Ficinus, Io. Argyropylos, Demetrius Chalcondiles, Picus, Angelus Politianus, aliique doctissimi viri, Florentiam venerunt. Nec in parva laude pono labores Azonis, Bononiensis, qui, cum primus plerasque Digestorum leges justis commentariis, ex quibus Accursius in suas glossulas plurimam transtulit, interpretatus esset, fons legum, vas electionis, lucerna juris, postea appellari meruit; meliori utique vitæ clausula dignus. Is enim, uti etiamnum Bononiæ durat fama, cum in disputatione ab antisophista quodam suo provocatus culiro eum appetiisset, in carcerem pertractus et capitalis criminis damnatus dicitur: cumque exclameret, Ad bestias, Ad bestias, (nempe huius principii legem ex Pandectis adducens, quâ propter artis excellentiam relaxari fontibus, et novissimam meritis poenam allegabat) iudices se ab eo tanquam belluas insimulari credentes, recircoque irati non destiterunt, donec summo supplicio afficeretur. Nec Azonis tantum, sed etiam dilaudo lucubrationes Dantis Aligerii, Francisci Petrarchæ, Io. Boccatii, (qui Florentini trium viri in Italica lingua sine dubio principes sunt) Gratiani Decreti collectoris, Cyni, Accursii, Dyni,

ni, Socinorum, Bartoli, Baldi, Pauli Castrensis, Paridis à Puteo, Odofredi & Gofredi, Andreae ab Isernia, Guilielmi Durandi, Alberici Rosatis, Marfilii Mainardini, qui Defensorem Pacis scripsit, Antonii de Rosellis, Blondi Flavii, Antonini Archiepiscopi Florentini, Aeneas Silvii, qui postea Papa Pius II. fuit, Hieronymi Savonarolæ, Felini Sandei, Io. Nevizani, Iasonis Maini, Philippi Decii, Caroli Ruini (il quale lungo tempo lesse in Bologna col stipendio di 1200 ducati d'oro) et talium: licet quidam ex illis triariis non raro satis in scitis et in politis armis (cur enim hoc dissimulem?) fuerint usi. Posteaquam autem Leo X. reparandis literis natus Pontifex, eruditos viros meritis suis aestimare, Laurentii patris exemplo provehere, & liberalissime exornare cepit; ab illo tempore in omnibus disciplinis et scientiis Respublica literaria tantis auctibus excrevit, tantoque honorum splendore illuxit; ut credi possit, nullos barbaros unquam in Italia pedem intulisse, aut priscos illos doctinarum Atlantes in hoc seculum redi vivos venisse. Etenim quæ potest sacrarum Scripturarum cognitio esse tanta; quam Jacobus Sadoletus, Thomas Cajetanus, Gaspar Contarenus, Carolus Borromæus, Cæsar Baronius, qui in contexenda Ecclesiæ historia universalis ea perfecit, de quibus ante ipsum per pauci cogitaverant, nemo simile quid unquam ediderat; & Robertus Bellarminus, Cardinales; Immanuel Tremellius, Petrus Martyr Vermilius Florentinus, Paulus Venetus, Servita; Isidorus Clarius, & Joannes Baptista

Leander. Albert. in descrip-
Lombard.

Jfac. Casaubon.
in Exercitat. ad
Baron.

Baptista Folengius, *Benedictini*; non imbibierint? *Qui Jurisprudentiæ recessus possunt esse tam absconditi*, quos Andreas Alciatus, Guidus Pancirolus, Albericus & Scipio Gentiles, Julius Pacius, M. Antonius Peregrinus, Jacobus Menochius, Jo. Vaudus, Josephus Mascardus, Prosper Farinacius, Jo. Petrus Surdus, Jo. Vincentius Hondedæus; non perscrutati fuerint? *Quid in Medicina Hippocrates aut Galenus sciverunt unquam*; quod Hieronymus Fracastorius *Veronensis*, Gabriel Fallopius *Mutinensis*, H. Mercurialis, H. Capivacius nesciverint? *Quid in omnium totius Philosophiæ partium ambitu tam est rarum*, & à vulgi captu remotum; quod Iulius Cæsar Scaliger (vir quo superiorem antiquitas vix habuit, parem certè hæc ætas non vidit) quod Franciscus Guicciardinus, nemini historicorum post antiquos, *Thuani & Lipsii* iudicio, posthabendus; quod Io. Baptista Hadrianus, qui Fr. Guicciardini historiam accuratè diligentia persecutus est, & ex quo multa se sumpsisse, atque adeò plura quàm ex quovis alio in opus suum *Historicum* transtulisse ingenuè profitetur *Thuanus*, miratus, eum minore inter Italos, quàm par sit, in pretio haberi; quod item Paulus Jovius, Carolus Sigonius, Lazarus Bonamicus, Lilius Gregorius Giraldus, Petrus Bembus *Cardinalis*; Hier. Cardanus, Lucas Gauricus, Onufrius Panvinus *Veronensis* eremita *Augustinianus*; Hermolaus & Daniel Barbari; Ambrosius Calepinus, Leander Albertus, Manutii, Pomponius Lætus,

Petrus

Thuan. histor.
lib. 21.

Thuan. histor.
lib. 68.

Petrus Paulus Vergerius, Jo. Franciscus Picus, Franciscus Zabarella, Fr. Piccolomineus, Jo. Anton. Marginus, M. Antonius Bonciarius, *exquisitissime non percalluerint? An putatis, ornatissimi Auditores, tot celebratissimas Academias*; Romanam, (a) *quæ est omnium antiquissima*; Bononiensem, *quæ est studiorum mater*, & *quæ præcipue Legalium studiorum* semper monarchiam tenuit; Patavinam, *quæ est veluti Atheniensis Arcopagus*; Senensem, *quæ uti speciosissimarum mulierum (inter quas semper est innuere, quæ formæ venustate cunctas Italici generis feminas vincant) ita clarissimorum Doctorum est altrix*; Florentinam, *quæ non tam juris civilis Pandectis, in membrana emendatissime Latinis literis scriptis, & olim Constantinopoli Pisas allatis, quàm acutissimis Pandectarum interpretibus est inchoita*; Mediolanensem *in super*, Papiensem, Neapolitanam, Salernitanam, Perusinam, Mutinensem, Ferrariensem, Taurinensem, Pisanam, tantis ingeniorum ornamentis nobilissimas; & tot alias; an existimatis, mei Auditores, illas aliquid in literis, quod sit elegans, utile, honorificum, aut scitu dignum, latere & frugere posse? Quemadmodum autem Brelinorum, *urbis Romandiola, in monte supra Forum Livii sita, Guidonis à Prata, ac gentilium ejus, aliarumq. familiarum, egregià liberalitatis emulatione æternam sui memoriam fecit*; inter quos per sæpe oriebantur liticulae, ad venis hospitibus in urbem venientibus; cum pro se quisque illos ho-

(a)
arg. l. 18. §. 1 ff.
de judiciis l. 17.
ff. reb. cred. l. 6.
§. 12. ff. de ex-
cusat.

Azo.

Jason.

P. Merula Col-
mogr. p. 2. lib. 4.
cap. 24.

P p p p

ssitio

Leander Alber-
tus in descript.
Romandiola.

spitio excipere, & laudem hospitalitatis cæteris civi-
bus præripere anniteretur: propterea ad sarcinendam
concordiam publicam, erexere in foro columnam, eiq[ue]
pro patrum familiarum numero tot circum imposuere
annulos, singulos singulis familiis certâ notâ attributos:
quandocunque igitur peregrinus huc ventitabat, ad co-
lumnæ illius annulum aliquem, quem arbitrato suo e-
ligere fas erat, innectebat equi capistrum; quo factò,
statim annuli dominus novum hospitem in domum
deducebat suam, & liberalissimè tractabat: ita fere
inter illos bonarum artium optimates Italos, dum qui-
libet de peregrinis & exteris, ingeniorum culturam,
quærentibus, quàm optimè mereri cupit, laudatissi-
mum gloriæ enatum est certamen; hoc felicissimo exi-
tu, ut quicquid vetus & novus orbis in omni doctrina-
rum, addam etiam elegantiarum atque civilitatis, ge-
nere profecit, quod sanè est multà maximum, uni Ita-
liæ jam debeat ferri acceptum.

F. Lanovius
Dilect. 18. para-
dox. 4.

Quinetiam virtutem militarem Itali divinâ ju-
dicii bonitate, & immortalibus operibus ad id maje-
statis culmen evexerunt, ut altius ascendere nunquam
possit. Equidem si hoc loco tantum historiam memo-
riæ nostræ viciniorē inspicere velimus; satis constat,
Italos non solum primos omnium multas easque inge-
niosissimas munitionum formas invenisse, & postea
in artem redegis-
se: verum etiam communi pruden-
tium bellatorum opinione offensionis & defensionis ra-
tiones in bello præ aliis nationibus rectissimè novisse;
Hetrus-

Hetruscos tamen in assultibus ac impressionibus pal-
marios esse. Animo sunt isti nunquam non præsentis-
simo & impavido, in omni discrimine: quod Carolo
VIII. Galliarum Regi maxime nobili facinore fecere
testatum. Cum enim ille Florentiam armatus numero-
so cum exercitu esset ingressus, & civibus, qui contra
libertatem nihil permissuri erant, durissimas fœde-
ris conditiones proponeret; Petrus Caponius, è qua-
tuor viris ad res cum Rege expediundas selectis unus,
rei indignitate commotus, scribæ regio, iniquissima ca-
pitade scripto recitanti, chartam e manu abripuit, &
Rege ipso spectante conterpsit, cum stomacho in hæc
verba erumpens: Quandoquidem tam iniqua po-
stulatis; agite vos Galli, tubas vestras & cornua in-
flate, nos campanas nostras pulsabimus: simulq[ue] cum
dicto, collegis ipsum sequentibus, è regio cubiculo se pro-
ripuit. Quâ liberâ voce & Gallos terruit Caponius, &
patriæ libertatem conservavit. Parum autem honori-
ficè, magne Princeps, & vos Auditores cæteri, vestrâ
audiendi patientiâ uterer, si singulorum fortium viro-
rum elogia verbis exequi constituerem: ex paucorum
tamen nominatione cunctorum, quæso, agnoscite virtu-
tem. Cui incognitus est Farinata Ubertus Florentinus,
ab insigni erga patriam pietate popularis sui Dan-
tis poetæ præconio celeberrimus? Cui illaudatus
est Castruccijs Castracanis, Lucensis civis, qui ex
mercatoris institore miles, ex milite dux egregius fa-
ctus, pertinaci virtute, & favore Imperatoris
Pppp 2 Ludo-

Gio. Bat. Adr.
lib. 9.

Fr. Guicciardin.
Histor. lib. 1. P.
Jovius Histor.
lib. 2.

P. Jovius in elo-
gijs viror. illu-
strum.

Ludovici Bavari, ad principatum contendit; nusquam ejus vestigia videntis ad præclarum decus fallente fortunâ? Quis ignorat illos novos Hercules & Martes; Canem Scaligerum Principem Veronæ, (quam urbem Imp. Carolus V. inter tres civitates, quas omnium pulcherrimas vidisset, numerare solebat) Albericum Balbianum, Braccium & Sfortias; Erasmus Gattamelatam; à Venetis ex decreto publico æneâ equestri statuâ Patavii positâ honestatum; Nicolaum Piccininum, Bartholomæum Coleonem, Fridericum Feltrium Urbinatum Principem, Vitellios, Nicolaum Ursinum, Bartholomæum Livianum, Maconem Corregium (cujus virtutem Bartholomæus Livianus hisce extulerat verbis: Scio mi trovassi diecimila fanti pari à Macon da Correggio, & tre mila Cavalieri, quale è Batilio dalla Riva, darebbemi il cuore, in breve di farmi signore del mondo) Jacobum Trivultium, Franciscum & Ferdinandum Gonzagas, M. Antonium & Prosperum Columnas, Ferdinandum Davalum Vastium? Quis militum cum honoris præfatione non recordatur Leonis & Petri Stroziorum, Jo. Jacobi Medicini Meliniani Marchionis, Jo. Baptistæ Castaldi bellis Germanicis atque Pannonicis famosi; Andreæ Aurix, novi Neptuni; & circumspicibilissimi Principis Ambrosii Spinulæ, qui veterem & illustrem familiam invictâ animi vi & fortibus factis, quæ fœderatis Belgii provinciis nuper non parvo steterunt, cum ille Ostendam, Oldensilium, Lingam,

Gasp. Sciop. in
Scaliger. Hypo-
bolimæo.

Leand. Alb. in
descript. Cor-
ficæ.

Dom. Baudius
de induc. Belg.
lib. 2.

gam, Wachtenduncum, Lochum, Grollam, Berkam caperet, in tantum claritudinis evexit, ut nemo majorum sit cum eo comparandus? Quis non jucundissimè meminit Alexandri Farnesii, Ducis Parmensis, imperatoris & urbium expugnatoris dexterrimi, & uti judicabat prudentissimus Fr. Lanovius, du premier capitaine de la Chrestienté; qui Parmam suam ac Placentiam, ob caseos totâ Europâ expetitos aliâs celebres urbes, rerum fortissimè gestarum laudibus ad miraculum implevit? Quis autem maximopere non admiratur Americum Vesputium Florentinum, qui inventæ quartæ terrarum orbis parti nomen ab se imposuit Americæ? Imò quis non stupet ad novi Orbis repertoris nomen, Christophori Columbi? Benignissimâ salutarium siderum conspiratione illuminatum fuisse existimare decet, eximium Liguria suæ decus, & jubar Italia præfulgidum, quodq; præcorum heroum, Herculis & Liberi patris, famam obscuravit. Hic vir, Auditores, hic est hodiernæ potentia & stupendæ magnitudinis Hispanorum præcipuus auctor: qui uti erat Geographiæ apprime studiosus, curiosi ingenii nervos omnes contulerat ad Oceanum explorandum, aliasque ad Occidentem solem longè distitas regiones inquirendas, quarum, Plato ipse, & Seneca, & plerique alii Græcorum & Latinorum nonnulla expendenda Cosmographis argumenta reliquissent; ut ita angustos columnis Herculeis descriptos terrarum limites irriteret. Sed illius vota multis Principibus, ad quos

Fr. Lanovius
Disc. 22. Jamais
capitaine n'eust
plus de juge-
ment en la con-
duite d'une ar-
mée, ny plus de
justice en la di-
cipline mili-
taire. P. Matth.
lib. 1. narr. 4.

P. Jov. lib. 4. E-
log. de Christ.
Columbo.

naves armis & commeatu instructas Indiarum vestigandarum causâ petiit aut alios miserat, aut ipse venerat, explodentibus; cum à suis quoque Genuensibus pro vano, ab Henrico VII. Angliæ Rege pro ridiculo, ab Alfonso V. Portugalliæ Rege pro futili & deliro circulatoris habitus esset, tandem Ferdinandum Regem Hispaniæ propitium & propensum habuit, & ab eodem liburnicam unam & duas caravellas milite & nautico instrumento armatas accepit; cum quibus III. die Augusti, Anno MDCCCXCII^o è Gadibus solvens, inter innumera & perpetua immensi Oceani & turbantium Hispanorum pericula novum Orbem invicto animo quaesivit, inaudita felicitate invenit, & supremâ sui totiusq; Italici nominis gloriâ Ferdinando donavit. Atque ut

cedere diluvium, camposque patere liquentes

nuncia de cœlo prima COLUMBA venit:

æquora sicultra nostris incognita primus

nunciat immensos esse COLUMBUS agros.

Aurum artham secum tulit alter, at altera Olivam:

Alter Divitias, altera Delicias.

Quin etiam si quis rem verè existimare velit, non unius tantum Orbis, sed duorum inventor fuisse dicendus sit Columbus: cum non minus illi invento à se Orbi nostrum Orbem, quam nostro illum adjecerit; nec minus illius incolis nostrum, quam nobis illorum Orbem aperuerit, & protulerit in lucem. Sicuti autem humanum ingenium est, ut facilia putet, quæ jam

facta;

H. Beazo histor.
Ind. lib. I. cap. 5.
& 6.

Fr. Lopezius de
Gomara histor.
Ind. lib. I. c. 10.

Joh. Orven.

facta; nec de salebris cogitet, ubi via sit strata: ita Columbo in Hispaniam reverso evenit, ut Hispani proceres in convivio quopiam laudem ejus delibatum irent & deminutum. Quippe inventionem Indiarum rem pronam fuisse, dicebant; navigationem sine discrimine, appulsus faciles; denique unum aliquem ex sese potuisse easdem illas terras gentesq; reperire, sine Itali hominis ullo nisu. Columbus (aderat enim) cum tacitus diu audisset, surrexit; & velut aliud agens ovum attulit à galina; in mensa reposuit: &, Heus sodales, inquit, quis vestrum ille solers, qui hoc ovum rectum mihi destituat & in caput? *Mus.* sate illi, circumspicere; tentare; negare ad extremum omnes, id fieri posse. Tum Columbus clementer: Imò fiet, inquit: & simul ovum leviter à capite tusum & quassatum, deposuit erectum. Inderisus pro se quisque rem facilem nugatoriamq; esse, dicere. Attamen, ait ille renidens, quis vestrum hoc facile ante me indicem potuit? Talis inventio novi orbis est: quem inveniendum ante me nemo, omnes inveniant inventum. O magnum animum! O ingenium novis semper virtutibus prægnans & gravidum! Non enim potest ea natura, quæ tanto miraculo Orbem alterum invenit, & utrumque humanitate & commercio conjunxit, non potest unâ virtute esse contenta; necesse est, semper aliquid admirabile moliat; necesse est, in illustribus æternæ gloriæ exemplis perpetuò versetur. Verum enim verò nolite, Auditores, brevitate orationis

meæ

Benzo lib. I. c. 2.
J. Lips. in præf.
ad opera Critica.

Ubert. Foliet
in Elog claror.
viror.

Gasp. Sciop. in
Scaligero Hy-
pobol.

mea potius, quam rerum ipsarum magnitudine Colum-
bum ponderare. *M*ihi enim properandum necessario
est, ut plura vobis, quæ mihi constituta sunt, de *Italis*
possim exponere: dummodo & hoc prius attigero, Co-
lumbum patriæ charitatem etiam extremo spiritu re-
tinuisse, cum amplissimarum opum suis laboribus par-
tarum decumam partem *Reip.* *Genuensi* legasset: cui
tamen *Genuenses*, qui aliàs statuae honore complures
cives levissimis sæpe de causis decorandos duxerant,
nullo monumento gratitudinem testati sunt. Quan-
quam *Columbi* gloria ita altè adscendit, ut neque illi
honor decretus ullus addere, neq. negatus demere quic-
quam potuerit. Sed cetera *Italorum* dicere pergo.
Prætermittam autem communes & minores laudes
omnes, quarum similes forsitan alius quoque populus
aliquando meritus fuerit: nihilq. dicam, nisi singulare;
nisi quod, si de alia natione diceretur, omni laude præ-
clarius videretur. Bellum ac commodum, atque ad
omnem rationem humanitatis moderatum, itemq. vi
alliciendi homines & ad amicitiam suam adjungendi
præditum audire: quid potest in omni vita esse hone-
stius, pulchrius, elegantius? Atqui & illam laudem
uni omnium nationum *Itali* penè sibi propriam vindicâ-
runt, *Auditores*. Docent hoc exteri, qui in *Italiam*
morum humaniorum & mansuetiorum addiscendorum
gratiâ multas & longas peregrinationes suscipiunt: &
id ipsum, si viveret, *Reginaldus Polus Cardinalis An-*
glus, morum gravitate ac sanctimoniâ, prudentiâ &
erudi-

Thuan. Histor.
lib. 20.

Gasp. Sciop. in
Scaligero Hy-
pobol.

eruditione, cum paucis comparandus, docere posset li-
quidius. qui cum ingravescente morbo testamento con-
dito *Aloisium Priulum*, patritium *Venetum*, heredem
instituisset, ob integritatem & morum consensionem,
in familiaritatem ante annos *XXVI* adscitum; (à
quo tempore ille à *Poli* latere nunquam discessit, nec
inde ullis conditionibus avelli potuit, ne tum quidem,
cum à *Julio III*, ut in sacrum Collegium allegi vellet,
urgeretur) *Priulus* tamen post *Poli* excessum, heredi-
tatem delatam recusavit, & nihilominus testamentum
præcipuâ diligentia executus est, ac totos *XX* menses,
quibus *Polo* superstes fuit, in colligendis ejus rebus huc
illuc dispersis, & summâ fide distribuendis, consumpsit:
egregio veræ ac sanctissimæ amicitiae exemplo; quæ
cum haut ullâ emolumentum aut privata commoditatis
spe, verum solius virtutis contemplatione coisset, nullâ
etiam temporum aut locorum intercapedine dividi po-
tuit, sed ad ultimum usque vitæ utriusque spiritum
constanter perduravit. At vereor, ne fortè cuiquam
hæc nimis sint protrita; & familiaris nota, quam ut
hic debeant commemorari. Ita enim æquabiliter omnis
Itala Nobilitas est hujusmodi, ut elogium illud inte-
gerrimæ amicitiae non solum *Priuli*, sed etiam totius
Italiæ esse videatur. Et si hic populorum de *Nobili-*
tate conceptas opiniones accuratius excutere lubet:
quis de illa ipsis *Italis* judicat honestius, censet verius,
meretur præclarius? Nam cum *Nobilitas* alia sit Bar-
barica; quando homines non aliter, quam equi & canes,
Qqqq aliaq.

aliaq̃ bestia, ex genere & sanguine aestimantur: alia Philosophica; quando suâ quisque virtute spectatur: alia Mixta, quando quis tam sanguine, quam suâ virtute censetur: & verò Germani cæteris melius periti Nobilitatem plerumque vocent, virtutis militaris antiquæ splendorem cum censu, publicâ auctoritate in posteros propagatum: Itali omnium optimè, licet & ipsi virtute ac censu avito Nobilitatem definiant, auctoritatem tamen ejusmodi publicam non requirunt; nec minorem prudentiæ, justitiæ, temperantiæ, quam fortitudinis rationem habendam; quin imò prudentiam, ut cujus longè major tam belli quam domi in omnem partem usus sit, cæteris omnibus præferendam putant. Proinde & Nobilitas in omnibus hominum ordinibus, illius capacibus, nullibi terrarum est copiosior, nullibi omnibus numeris perfectior, nullibi omnibus dotibus est augustior; quam in Italia. Et quis alius populus hoc nomine comparisonem subeat, nisi Marſyâ tibicine sit confidentior? Istius pater fuit Hyagnis; rudibus adhuc Musicæ seculis solus ante alios catus canere; nondum quidem tam flexantini sono, nec tam pluriformi modo, nec tam multiforati tibiâ; primus tamen in canendo manus discapedinavit; primus duas tibias uno spiritu animavit; primus laevis & dextris foraminibus, acuto finitu, gravi bombo concentum Musicum miscuit. eo genitus Marſyas, cum artificio patrissaret tibicinii, Phryx cætera & barbarus, vultu ferino trux, hispidus, illati-

barbus,

barbus, spinis & pilis obsitus, fertur cum Apolline certavisse; Thersites cum decoro, agrestis cum erudito, bellua cum Deo. at Musæ cum Minerva iudices, monstri illius risere barbariem; & postea tibicinem illum certamine superatum, velut ursum bipedem, corio execto, nudis & laceris visceribus reliquerunt. ita Marſyas in pœnam cecinit, & cecidit: quanquam Apollinem tam humilis victoriæ puduit. Itaque, Auditores, alterius cujuscunque nationis Nobilitas cum Italica in dedecus & ignominiam suam certatura sit. Et accrescit Italarum Nobilitati haud vulgare ornamentum etiam ex eo: quod præ aliis nationibus quibuscunque optimè generosos equos domare, artificii se erudire, & modò ad decursiones citatas, modò ad saltus

L. Apulejus
Floridor. lib. 1.

Hippol. à Col-
libus in Palati-
no.

Laurent. Schra-
dus Monu-
mentor. Italiæ
lib. 1. in Ferra-
ria pag. 51.

Qqqq 2

ac

ac potissimum à Suecorum Rege ingentibus propositis præmiis invitatus; quibus tamen insigni animi tranquillitate admirandus vir Patriam præferre maluit.

Cæterum jam in alias eximias Italiæ laudes digreditur oratio. Etenim quis hominum est, qui nomen Italiæ, & tot ejus prærogativas audierit; quin ei amplissimarum & tot diversarum Rerum publicarum veniat in mentem? etsi vix ulla dicendi facultas est tanta, quæ illas tot rerum gestarum documentis & tot solidarum virtutum trophæis memoratissimas, aliqua ex parte possit describere. Quid ego de Capuana, Neapolitana, & regni reliquis loquar? quæ ut olim sub Romanis, Gothis, Langobardis, Græcis, Sarracenis, Nortmannis, Suevis, Gallis, Aragonis, variâ fortunâ fuere celebres: ita hodie sub Austriacis prosperrimè vigent. Quid de Senensi? quæ libertatem contra Cosmum Medicem, Principem Florentinum, tam fortiter defendit; ut cum urbs dederetur, 100000 circiter viri & fœminæ Senenses vel cum omnium bonorum jactura patriam deserere, quàm cum quodam libertatis præjudicio sub Cosmo vivere maluerint. Quid de Florentina? quæ ob ingeniorum excellentiam, ædificiorum pompam, & Familiæ Medicæ, non quidem stirpis antiquitate, sed virtutum majestate cum illustrissimis conferendæ gloriæ, est florentissima. Equidem Cosmus ille, qui fundamenta Medicæ magnitudinis jecit, cum principio factiosorum conspiratione patriâ pelleretur, tantâ tamen postea patriæ redditus secundantis Fortunæ indulgentiâ constanter

An. Chr. 1545.
Thuan. Histor.
lib. 15.

stanter usus est, ut ætatis suæ ditissimus & fortunatissimus fuerit judicatus. Et complectebatur dæmonium hominis hanc suam amasiam Fortunam admirabili prudentiâ, cujus illustribus radiis in omnes ordines latè sparsis eam multò maximam de se excitaverat opinionem, ut non in patria modò, sed in omni Italia cuncta propè belli & pacis consilia togatus & inermis felicissimè rexerit; idq; unum semper, quod securæ atque optimæ pacis intererat, contenderit, ut Italiæ Principes ex æquatâ potentiâ suis contenti finibus pacem tuerentur; & civitas optimè constitutâ republicâ adversus intestinas discordias, quibus antea plurimum laborasset, permunita, atque opulento ocio tranquilla redderetur. Et quæ in summo homine, & penè dixerim monstro sine vitio, planè singularis erat morum temperies & naturæ facilitas, non eloquio, non cultu, non ipso denique convictu et comitatu fastum ullum ostendebat, modestiam tantum, humanitatem, & studio honestæ virtutis super cæteros enitebatur: singulari tamen, quæ sibi & patriæ ornamento esset, magnitudine atque elegantia ædificiorum, perpetuâque benignitate hospitalis domus cunctos superare contendebat; cum naturâ frugi privata in mensa nihil ad exuperantem copiam, sed ad nitorem cuncta, civilemq; Etruscæ disciplinæ temperantiam, alioqui liberalis, & maximè sumptuosus in hospites dignitate de strinæ claros, revocaret. Erat enim sicuti maximè pius in egenos, officiosus in adfectos, & longè omnium omnis virtutis largissimus æstimator; quâ unâ

Paul. Jovius in
vita Cosmi Me-
dicæ Nicol. Mac-
chiavel. Florent.
hist. lib. 7.

Scip. Gentil.
comment. in
Epist. Pauli ad
Philemon. c. 59.

re superabat cives, æquabat Reges, & sibi certum iter ad perennem laudis famam sternebat. Nunquam eum instituta liberalitatis pœnituit. Nullus unquam ædificandi sumptus eum deterruit. Nullus unquam vel adversus fortunæ ejus casus, popularis beneficentiæ consuetudinem interrupit. Ac licet ita in pauperum elemosynas & in templorum ædificationes ingentes & fere plusquam regias opes expendisset, solitus tamen est dicere: Non potuisse se in suis accepti & expensi codicibus unquam reperire debitorem Deum. Intelligebat videlicet vir maximus; eum, etiam si tam multa, imò et si omnia sua in tales causas impendisset, in quibus ipse Deus se debitorem constituit, tanquam in se collata essent, tamen longè longèque plura atque a seipso Deo debere; imò nec quicquam dedisse Deo, quod non fuisset Dei. Quarum rerum admiratione ducti non nulli cives, ut incomparabiles magnificentiæ laudes verbis elevarent, sæpe dictitabant; tantam vim inexhaustæ pecuniæ nequaquam ex argentariorum negotiatione, quæ in omnibus Europæ emporiis à Cosmi institoribus exerceretur, sed ex Balthassaris Cossæ thesauris provenisse, quos uti vir eximiè probus & pius condendis templis atque cœnobiis profudisset, ut delegantis mortui amici secreta vota imple-ret, & fidem suam sine piaculo tueretur. Constat enim ex adversariis rationum codicibus, Cosmum supra quadraginta myriades aureorum nummum in privata & publica ædificia contulisse: piæ verò aut oc-

cultæ

cultæ largitionis sumptum myriadum decem summam excessisse. Verum eam suspicionem facile apud rerum peritos avertabant paternæ opes, quæ signatâ pecuniâ & quæstuosissimâ mensariorum negotiatione immensæ propè constiterant; cum nullum unquam alienæ decoctionis, aut suæ conturbationis detrimentum per multos annos accepisset: prædiorum verò redditus, adstrictæque privati sumptus frugalitas, quotidianam modicæ familiæ impensam facile superarent. Concessit fato septuaginta amplius natus annos, tumulatusque vir incomparabilis & civium maximus in Laurentiano templo ab se condito, cum hoc sepulchri brevi titulo, sed longè omnium, qui inscribi possint, honestissimo: COSMUS MEDICES HIC SITUS EST DECRETO PUBLICO PATER PATRIÆ. Quid autem de Republica dicam Pisana? quæ majorum ætate cum summa opum amplitudine, tum ingenti rei navalis potentiâ inter cæteros Italiæ populos, magnam auctoritatem obtinuit; subjugatis Sardinia, Carthagine, (cujus Regem Pisani vindictum conduxerunt ad Pontificem Romanum, à quo postea fuit Christianâ religione imbutus, & sacro fonte tinctus) Majoricâ etiam (cujus Regem interfecerunt, atque Reginâ cum filiolo Pisam abductis, huic postea regnum restituerunt) Panormo, Salerno, & aliis: eoque magnitudinis rem Pisanam aliquando evectam memorant; ut centum Pisanæ familiæ illustres, totidem rostratas naves priva-

Leander Albertus in descript.
Hetruræ. Paul.
Jovius. Histor.
lib. 1.
An. Chr. 1030.

to:

to sumptu ædificasse, exornataque ad Ligusticum bellum eduxisse dicantur. *Quid afferam de Genuensi? quæ cuncta quondam maria pervagata, relictis ubique clarissimarum victoriarum monumentis, non solum Corsicam, Sardiniam, Cyprum, Lesbum, & Chium, insulas; item Peram urbem Thraciæ ex opposito Constantinopoleos sitam, atque Theodosiam, vulgò Cassam, cepit posseditque; sinibus imperii sui ad Tanaim usque productis: (& quidem inter Tartaros Cumanos sunt hodieque non paucæ ritus Latini Catholici Italorum familiæ; à quibus Marcus Antonius Spinula, patriâ Tartarus, sed origine Genuensis, patrum memoriâ ad Stephanum Battorium Poloniæ Regem missus est.) verum etiam Venetorum res propè ad interitum redegit, urbe illorum potenti classe circumfessâ. Quid de Mediolanensi? quæ jam olim eâ nobilitate, opulentiâ, publicorum operum magnificentia, & civium inquilinorumque frequentia fuit spectabilis, ut facile secundum à Roma dignitatis teneret atque amplitudinis gradum: & nuper admodum sic abundavit divitiis, ut Imperator Carolus V. ex una Insubria plus vectigalium ac tributorum coegerit, quam Franciscus major ex Galliarum regno tantis opibus affluente delibaret. At, quid de VENETA? Veneta Respublica, Auditores, si non extaret, summo hodie Italia careret ornamento, res Christiana præsidio, libertas per fugio, natura miraculo? O quales illæ Venetiæ? Qualis illa urbs? Nihil cuncto dicere: Orbis est arx. Et quænam illius sunt mœnia?*

Ambit

Jo. Jov. Pontan.
hist. l. i. Uberr.
Folietain Elog.
clar. Ligurum.
Aub. Miræus in
Notit. Episcop.
lib. i. cap. 21. &
lib. 3. tit. T.

C. Sigon. de Oc-
cident. Imper.
lib. i.

Joh. Bodin. de
Repub. lib. 6.
cap. 2.

Vide de urbis
Venetæ situ M.
Anton. Sabelli-
ci libros 3. & e-
gregiè Leonar-
dus Laureda-
nus, apud Fr.
Guicciardin.
hist. lib. 8.

Ambit aquas Nereus pro muro spumeus urbem,
fluctibus est omni tutus ab hoste locus.

Quænam excubiæ? Copiæ militares multis in insulis maris Ægæi, præsidii causâ collocatæ: quadraginta triremes, quæ Adriaticum sinum tumentur: Palma propugnaculum, cujus ædificatio nummum aureorum vices centenis millibus constat; annua verò custodia centenis millibus: & Arsenalis illud, omnium navaliū et armamentariorum, quæ sub cælo sunt, amplissimum, atque unicum Reipub. toto orbe potentissima, & sobriè per tot annos semper administratæ robur; in quod equidem ad sexcenta millia aureorum singulis annis impenduntur, solum autem satis esse possit ad reprimendum cujuscunque Turcicæ classis impetus; apparatus omne genus bellicis tantâ copiâ inibi asservatis, ut deficientibus aliis omnibus soli sufficiant ad quemcunque exercitum instruendum, etiamsi quingentorum millium hominum numeretur. Quænam ædificia? Sumptuosissima; & utrinque per vias liquidas vectus spectator intuetur palatia regia, marmoreis parietibus, columnis, statuis, picturis, nobilissima. templa undique sunt augustissima; inter quæ tamen D. Marci est maxime mirabile; cujus pavimentum ex Porphyreticis, Laconicis, Thasis, Ophiticis, aliorumque pretiosorum marmorum lapillis tessellatum, ac varietate colorum resplendens, picturas egregias & insignia emblemata repræsentat ubique spectantium oculis; quæ curiosa ingeniâ diversis conjecturis exercent. Im-

Rrrr

perator

Georgius Sabinus.

Oratio incerti
Auctoris pro
Venetis ad Pau-
lum V. Papam.

Paulus Teupolus, apud Thuan. Hist. lib. 49. & lib. 58.

Hier. Vendramenus Controvers. 2. contra Paul. V.

Stephanus Vignandus Pigh. in Hercule Prodicio.

Leander Alber-
tus in descrip-
tione Venet.

P. Merula Cos-
mogr. par. 2.
lib. 4. cap. 36.
sed Bodinus ad-
annum 1555. re-
fert ceterum Ve-
netorum tan-
tum CL. XVI. mil-
lia, et paulo am-
plius de Repub.
lib. 4. cap. 1.

Thuan. Histor.
lib. 37.

perator *Henricus IV. Tarvisio, Totila Gothorum*
Regis cunis nobili urbe, aliquando profectus Venetias;
cum loci situm, ædificiorum ordinem & decorem, con-
siderasset, obstupuit: postea in multas laudes effusus, tan-
dē dixit, Venetias regnum esse. Quæ verò sunt com-
mercia? Cum civibus tercenties mille, negotiatur pro-
pè universus orbis. Carolus IX. Galliarum Rex, pro-
fectus Burdigalam, exceptus est ibi externarum natio-
num turmis quasi captivis; in quibus erant Græci,
Turci, Arabes, Ægyptii, Taprobanenses, Indi, Cana-
rienses, Mauri, Æthiopes, Canibali, Americani, Bra-
silienses; quorum duces prosequisq; propriâ linguâ ad
regem verba faciebant, interprete adhibito, qui singu-
lorum verba explicaret: atque illa res ob raritatem
Gallis digna visa est, quæ referretur in commentarios:
sed Venetiis quotidie videre est in D. Marci foro di-
versissimos hominum amictus, audire est multiplices
linguas in tanto variarum nationum concursu: cujus
rei admiratio Germano cuidam poetæ attonito. elegan-
tes istos versus extrudit:

Si placeat varios hominum cognoscere vultus:
area longa patet sancto contermina Marco,
celsus ubi Adriacas Venetus Leo despicit undas:
hîc circum gentes cunctis è partibus orbis,
Æthiopes, Turcos, Slavos, Arabesque, Syrosque,
inveniesque Cypri, Cretæ, Macedumq; colonos,
innumerosque alios variâ regione profectos:
sæpe etiam nec visa prius, nec cognita cernes.

quæ

quæ si cuncta velim tenui describere versu;
hîc omnes citius nautas, celeresque phaselos,
& simul Adriaci pisces numerabo profundi.

Quod verò tantæ urbis est imperium? *Justissimum,*
firmissimum, maximum. Sunt enim Veneti homines
in universum graves consilio, severi in judiciis, in ad-
versa rerum fortuna constantes, in altera nunquam
immodici. Omnibus idem conservandæ libertatis &
augendi imperii incredibile studium: in Senatu liberè,
& sæpius acerrimè sententias dicunt: sicq; vis Reipub.
non caduci alicujus hominis ingenio atque industriâ re-
gitur, sicut cetera imperia, quæ à virtute vel ignavia
Principum fortunam sortiuntur, sed una atque eodem
immortaliperpetui Senatus consilio sanctissimè & pru-
dentissimè gubernatur. Et in primis memorabile vi-
detur, quod Veneti superiori seculo à cunctis propè Eu-
ropæ regibus, Cameraci fœderatis, oppugnati, atque o-
mnibus præliis victi, univervo tamen bello victores eva-
serint. Equidem si Romanæ potentie magnitudinem,
& clades quas Hannibal dirus hostis intulerat, cum
Venetorum fortuna verâ æstimatione pensaverimus,
funestio rem fere eis Abduam fuisse, quàm Roma-
nis Cannas; & Trebiæ & Trasimeni infelices pugnas,
Brixianâ ac Vicentinâ stragibus æquatas esse fa-
tendum sit: sed ea vel præcipua Patrum ac ipsius for-
tissimi Senatus Principis Lauredani laus fuit, perpe-
tuis annalium monumentis celebranda, quod adversis-
simis etiam obruti tempestatibus nunquam de Republ.
despera-

Paul. Jov. Hist.
lib. 1.

Paul. Jov. Hist.
lib. 18.

Rrrr 2

M. Paulo Ser-
ta nelle confid.
sopra le censure
di Papa Paolo
V.

desperarint. Quibus institutis stetit urbs illa jam su-
pra octingentos annos invicta, nullis fere intestinis dis-
sensionibus exagitata, limitibus suæ potentia eò usque
terrâ marique prolatis, ut hodie tricies centena millia
hominum in censum referat, adeoque magnis Princi-
pibus terroris aculeos infigat. Quæ autem sunt opes?
Immensæ.

Jo. Ovven. Epi-
gram. lib. 2.

Ut mare nil nisi aquæ, cœlum nihil est nisi stellæ:
sic sunt Venetiæ nil nisi divitiæ.

Lauredanus a-
pud F. Guicciar-
din. Hist. lib. 8.

Et quidem in unius urbis Venetæ ambitu tantæ colli-
guntur vectigalium divitiæ, quantas multi reges ex
suis integris regnis non habent. Atque Ecclesiastico-
rum tantum bona ac facultates sub Venetæ ditionis im-
perio, ter centies centena millia aureorum, sive trigin-
ta milliones, valere creduntur. Quis igitur Venetias
non admiretur? Quis non suspiciat? Quis non amet ur-
bem illam virginem?

H. Vendrame-
us Controv.
2. contra Paul.
V. Pap.

Nicodemus
Frischlinus.

Aut Venus à Venetis sibi fecit amabile nomen:
aut Veneti Veneris nomen & omen habent.
Orta maris spumâ fertur Venus: & Venetorum
si videas urbem, creditur orta mari.
Iuppiter est illi genitor; sed Mars pater huic est:
Mulciberi conjunx illa, sed ista Maris.

Complet amore sui Venus omnia: qui Venetam
(urbem

non amat, hunc nunquam debet amare Venus.

Jam verò tandem & o ROMÆ mea, salve; salve omnium
dignitatum apex, omnium virtutum magistra, & om-
nis

nismagnitudinis decus. Votum D. Augustini fuerat;
Videre, Christum in carne, Paulum in cathedra, &
Romam in flore: & jam meum sit votum, si per natu-
ram compos fieri possim. Romanorum equidem genus
omnibus anteponitur nationibus, & gentibus domi-
natur omnibus. Sed quid ego verba facio? Quid ego
tantæ majestatis mole linguam meam opprimo? Audia-
mus veterem Romam ipsam potius, illam Latiaris fa-
cundia sedem, sic de se loquentem. Quid causæ est,
quam obrem vobis, Germani mei, ita sim despicatui?
Quis inter vos tam brutæ Batavæ auris est, ut incre-
dibilem imperii mei amplitudinem fando non audive-
rit, audiendo non expenderit, expendendo non fuerit
admiratus? Ego enim sum illa

Constit. de Just.
Cod. confir-
mando.

Martial. lib. 12.
Epigram. 8.

terrarum Dea, gentiumque ROMA;
cui par est nihil, & nihil secundum:

ego sum mater omnium dignitatum: ego sum κόσμος
& τὸ κόσμος, mundi domina; & quā nulla unquam Res
publica nec major, nec sanctior, nec bonis exemplis
ditior fuit. Ego prima & sola ab omnis ævi memoria
terminos potentia meæ feci, Orientem & Occasum:
vici, quicquid opportunum aut dignum vinci visum
est; imperio complexa florem Asiæ, Africae, Europæ;
ipsa gentium robora, ingenia, opes: adeoque in universo
ditionum & provinciarum mearum orbe non infra tre-
centos milliones hominum, & supra centum quin-
quaginta auri milliones in annuis redditibus habui; co-
piis ad imperii tutelam, provincialibus, urbanis, et clas-

Livius lib. 1.

Dionysius Halic-
arnass.

Just. Lipsius de
Magn. Rom.
lib. 1. cap. 3.

306006000
Just. Lipsius in
not. ad lib. 2.
cap. 3. Admi-
rand.

Rrrr 3 sicis,

J. Lipsius Ad-
mirand. lib. 2.
cap. 8. ex Appia-
no.

J. Lipsius Ad-
mirand. lib. 2.
cap. 10.

Vopiscus in
Aureliano.

J. Lipsius Ad-
mirand. lib. 3.
cap. 3.

J. Lipsius Ad-
mirand. lib. 2.
cap. 15. ex Plu-
tarcho & Pli-
nio.

Dio Histor.
lib. 48.

Tacitus Annal.
lib. 13.

Plin. Histor. na-
tur. lib. 37. c. 10.

sicis, sexcenta quadraginta quinque millia militum conficientibus. Ego triumphos à Romulo usque ad extrema Augusti numero circiter trecentos duodecim: quibus, quicquid notabile aut optabile Orbis, aut in eo urbs aliqua possedit, per hanc viam portamque Triumfalem ad me venit: atque unus C. Caesar quatuor tantum triumphis intulit in aerarium sexaginta quinque millia talentorum; quæ vobis efficiunt triginta novem milliones. At vero suspicite meam benignitatem & munificentiam. Aliquando intra parietes meos ad trecenta viginti millia fuere, quibus gratuitum alimentum dedi, eosque perpetuam frumentatione pavi. Quanquam & in hac capacissima urbe mea, cujus muros Aurelianus sic ampliavit, ut quinquaginta propè millia illorum ambitus continuerit; & in hac urbani populi frequentia, quatuor hominum milliones excedente, non defuere privati, qui Principum æmulati magnificentiam in populum effuderint sæpe non exiguum. Quanta enim multorum opes? Crassius sestertium bis millies possedit, sive quinque milliones; & in servis solos architectos & fabros habuit ad quingentos. L. Cornelius Balbus ita erat locuples & pecuniosus, ut moriens populo Romano viritum legaverit denarios viginti quinque, sive Aureum Romanum unum. Seneca ter millies HS, sive more vestro, septuagies quinquies centenam millia Philippicum habuit in bonis. C. Cæcilius Claudius Isidorus testamento suo edixit; Quamvis multa civili bello perdidisset, tamen relinquere

quere servorum quatuor millia centum sedecim, jugaboum tria millia sexcenta, reliqui pecoris ducenta quinquaginta septem millia, in numerato HS. sexcenties; quæ sunt decies quinquies centenam millia Philippicum. Gordiano, nondum Imperatori, in provinciis tantum terrarum fuit, quantum nemini privato. Ædilitatis suæ tempore duodecim populo Romano munera, id est, per singulos menses singula de suo exhibuit; ita ut gladiatorum nonnunquam quingena paria exhiberet, nunquam minus centenis quinquagenis; feras Libycas unam diem centum dedit, ursos unam diem mille; & plura deinde animalium: quæ omnia populo rapienda concessit. Sed hæc pro magnitudine mea nimis sint tenuia. Ego verò etiam sum illa marmorea Roma;

Capitolin. in
Gord.

*quæ nihil in terris complectitur altius æther,
cujus nec spatium visus, nec corda decorem,
nec laudem vox ulla capit.*

Claudianus.

Et stupor, Germani, vos inibit, cum consideraveritis ornatum ædificiorum sacrorum et profanorum, ubique in miraculum desinentium: cum munitiones viarum glareâ vel silice stratarum inspexeritis, quarum longissima Appia Brundisium, miliarium quasi CCCL iter; & Flaminia non multo brevior Ariminum usque, & inde porro Aquilejam duxit: cum examinaveritis abundantiam in publico aquarum (quibus tuendis perpetui homines quingenti erant destinati.) in balneis, piscinis, domibus, euripis, hortis, suburbanis villis, per tubos ac canales in fornicibus

J. Lipsius Ad-
mir. lib. 3. c. 10.

Plin. lib. 36.
cap. 15.

Frontinus. Pro-
copius de bello
Gothorum lib.
1. & adde Leo-
nard. Aretinum
de bello Italor.
advers. Gothos.
lib. 1.

750000.
Philipp.

Plinius lib. 36.
cap. 15.
Dionysius Hali-
car lib. 4.
600000 Phi-
lipp.

Ammian. Marc.
Histor. lib. 16.

Nazar. in Pan-
gyr. Const. A.
Symmach. lib.
5. Epist. 46.

Florus lib. 1.
cap. 18. Just. Li-
pius Admir.
lib. 4. cap. 2.

*cibus lateritiis advectam; ductibus eâ latitudine ac si-
mul altitudine confectis, ut vir eques commodè per eos
incedere potuerit; & arcubus in quibusdam locis cen-
tum novempedes sublevatis: vincente autem antece-
dentes aquarum ductus omnes Claudiano, à quadrage-
simo lapide perducto, ad eam excelsitatem, ut in omnes
urbis montes levaretur; erogato in id opus HS ter mil-
lies: aut cum aestimaveritis urbis cloacas ad mundi-
ciem, sordesque omnes vel abluendas, vel exebendas, fa-
ctas; tantâ capacitatem, ut vehem. fœni onustam largè
transmitterent; quibus neglectis aliquando & non de-
fluentibus, Censores in earum instaurationem mille ta-
lenta impenderunt in redemptores. Me etiam ipse
Imperator Constantius, & operum meorum gloriam
oculis arbitrari voluit, & venit; sed cum stupore
horrendo, de fama questus ut invalida vel maligna,
quòd augens omnia semper in majus, erga hæc expli-
canda, quæ Romæ sunt, obsolescat. Et quid censetis?
Potuitne virtuti meæ obistere aliquid? Potuit ali-
quid objici difficile? Aspicite et veneramini Senatum
meum: florem totius Orbis, & partem meliorem ge-
neris humani: Quanta illic gravitas, sapientia, maje-
stas? Cyneas legatus Pyrrhi regis, vir nec mentis nec
oris egens; qui cum urbem lustrasset, atque etiam blan-
diloquentiâ & munificentia variè tentasset, undique
repulsus, ad Regem rediit, & interroganti, Quid de
hostium fede sentiret? Urbem Templum sibi visum,
Senatum Regum esse confessum fatebatur. Neque
alios*

*alios Senatores Censura mea ferebat: quæ tantâ seve-
ritate in omnium mores circumagebat supercilium, ut
nulli in officium ac verecundiam impingere licuerit.
Quamobrem Marcus Cato Censor quendam expunxit
Senatu, caussamque subscripsit; quòd uxorem coram fi-
lia nubili exosculatus esset. Et Fabricius Lucinus Cor-
Rufinum duobus Consulatus & Dictaturâ specio-
sissime functum, quòd decempondo vasa argentea com-
parasset, perinde ac malo exemplo iis temporibus luxu-
riosum, Senatu movit. Et P. Scipio Nasica, & M. Po-
pilius, cum equitum censum agerent; ubi equum nimis
strigosum & malè habitum, sed equitem ejus uberri-
mum & habitissimum viderunt: Et cur, inquiunt, ita
est, ut tu sis quàm equus curatior? quoniam, inquit,
ego me curo; equum Statius meus servus. visum est
parum reverens esse responsum, relatusque est in ærarios.
Ex hac sanctissimæ publicæ disciplinæ scaturigine pro-
fluxit mare virtutum in omnes civium meorum classes.
At enim ego fortissima quoque sum: & sicuti nunquam
arma sumpsi, nisi pro populi mei salute, aut fide socio-
rum: ita, absit invidia verbo, nunquam ab equite ho-
ste, nunquam à pedite, nunquam apertâ acie, nun-
quam æquis utique nunquam iniquis locis laboravi.
In opere nemo militi meo par; nemo ad tolerandum la-
borem melior. fodere, vallum & fossas ducere; agge-
rem, testudines, turres struere; omniaque celeriter & in-
dustrie: arma omnia peditem ferre, cibos semestres aut
mensuarios, utensilia, & septenos aut plures interdum
vallos;*

vide Cass. Con-
taren. de Venet.
Rep. lib. 4.

J. Lips. in Epi-
stol.
Valer. Max. lib.
2. cap. 4.

A. Gel. noct.
Attic. lib. 4. cap.
20.

Plerique apud
veteres servi
Statii nomine
fuerunt.

Livius lib. 9.

Ssss

I. Lipf. Admir.
lib. 4. cap. 4.

1. postliminium
19. §. 7. ff. de ca-
ptiv. & postlim.

Val. Max. lib. 2.
cap. 2.

Val. Max. lib. 3.
cap. 2. Plin. Hi-
stor. nat. lib. 7.
cap. 27.

vallos; à signis non discedere, pari passu omnes ambulare; decurrere etiam, cum opus, in plenis armis: hæc omnia militi meo prona sunt, nutu & impulsu saluberrimæ disciplinæ militaris; quæ civibus meis antiquior fuit, quam caritas liberorum. Hinc Posthumius Dictator Aulum Posthumium, quem ad generis penetraliumque sacrorum successionem propagandam genuerat, cujus infantie blandimenta sinu atque osculis foverat, quem puerum literis, quem juvenem armis instruxerat, sanctum, fortem, amantem patris pariter ac patriæ, quia non illius jussu, sed sua sponte præsidio progressus hostes fuderat, victorem securi feriri iussit; & ad hoc peragendum imperium paternæ vocis ministerio sufficere valuit. Hinc etiam Manlius Torquatus Latino bello Cos. filium, quod provocatus à Geminio Metio duce Tusculanorum ad dimicandum se ignaro descenderrat, gloriosam victoriam & speciosa spolia referentem, abripi à lictore, & in modum hostiæ mactari iussit; satius esse judicans, patrem forti filio, quam patriam militari disciplinâ carere. Inde & contemptus periculorum & hostium; & in medios illos vel confertissimos, si dux misisset, sine cunctatione etiam paucorum irruptio. Et vultis nominatim L. Sicinium Dentatum aliquem citem? qui centies & vicies in aciem descendit: sex & triginta spolia ex hostibus retulit: octo ex provocatione occidit: quinque & quadraginta vulnera pectore excepit, tergo nullum. Vultis Cassium Scævam? qui in Britannico litore cum quatuor commilitonibus

in scopulo relictus, postquam æstus regressu suo spatium, quo scopulus & insula dividebantur, in vadum transitu facili redegit, ingenti multitudine barbarorum affluente, cæteris rate ad litus regressis, solus immobilem stationis gradum retinens, multos hostium deiecit, aut interfecit: denique armis suis onustus, solo scuto abjecto, in mare se dedit, & ad Cæsarem natavit; qui stupens ad viri virtutem laudare parabat; at ille disciplinæ memor, Da veniam Imperator, inquit, quod scutum reliqui. & idem Scæva in Pompejano bello ad Dyrrhachium castello præpositus, solus in porta consistens contra hostiles legiones & copias id servavit: quo tempore oculus ei effossus, humeri trajecti & femur, scutum centum triginta ictibus perforatum. An vultis illos, qui primo Pyrrhi prælio ab elephantis obruti sunt? quorum omnium vulnera in pectore: quidam hostibus suis immortui: omnium in manibus enses, & relictæ in vultibus minæ, & in ipsa morte ira vivebat. Aut mavultis duces? parentem illum Romulum; M. Furium Camillum, parentem meum alterum; Horatium Coclitum, totum Hetruscorum ponte sublicio in urbem irrupentium agmen, donec post tergum suum pons abrumperetur, indefatigabili pugna sustententem; Fabricium, nec auro vinci, nec veneno vincere idoneum; M. Curtium, equo maxime exornato insidentem armatum, in vastam voraginem se immittentem; Decios devotis corporibus in hostem ruentes; L. Papyrium Cursorem, magno

Valer. Max. lib.
3. cap. 2. J. Lipf.
Admirand. lib.
4 cap. 4.

Sueton in Julio
c. 68. Florus lib.
4 cap. 2.

Flor. lib. 1. c. 18.

Just. Lips. Adm.
lib. 4. cap. 4.

Alexandro parem; M. Claudium Marcellum igneo impetu, Q. Fabium Maximum salubri tarditate, P. Scipionem Africanum priorem divinâ felicitate, & posteriorem divinâ virtute, viros; Pompejum Magnum, Asiam ultimam provinciam accipientem, eandemq; mediam patriâ reddentem; M. Vipsianum Agrippam, victoriarum Augusti instrumentum; & denique (ne ex innumeris plures enumerem) caput & culmen, C. Julium Cæsarem, fortunâ, peritiâ, magnitudine, & celeritate animi super omnes, qui arma tractârunt, aut tractabunt? Ac licet interdum factum sit, ut clades senserim: tamen

Claudianus. *nunquam succubui damnis, & territa nullo vulnere, post Cannas major Trebiamq; fremebam. Minuit spem Annibalis; quod, cum ipse ad mœnia urbis armatus sederet, & ad unam portam pugnaret, ego alterâ milites sub vexillis in supplementum Hispaniæ emisi: & ultramodum indignatus est, quod per eos dies agrum, in quo ipse castra haberet, venisse, nihil ob id diminuto pretio, ex quodam captivo cognovit; nimis superbum atque indignum facinus reputans, ejus soli, quod ipse bello captum possideret haberetq; inventum in urbe obsessæ emptorem. Quid Pyrrhus? Ille in Italiam venerat cum novi generis gentisq; copiis, & in primis inaudito terrore elephantum. victor grandibus præliis erat, Italiam percurrerat, & à trigesimo penè lapide urbem prospexerat. Quid mei cives? trepidant scilicet & pacem petunt? Imò oblatam ultrò respuunt, & le-*

Livius decad. 3.
lib. 3.

& legatos ejus cum animoso hoc responso dimittunt: Pyrrhus Italiâ cum copiis excedito: ubi exceßerit, de pace, si volet, agito: ni exceßerit, arma, & viros, & aciem expectato: neque destituros ab incepto se, etiam si sexcentos Lævinos pugnâ vicisset. Quod si cæterarum in super virtutum hic agere delectum, & per tot togatæ & domesticæ felicitatis admiranda exempla discurrens heroum velim enarrare catalogum; nec vobis satis aurium futurum sit ad audiendum, nec satis animorum ad capiendum. Ego verò postremò illa sum, quæ linguæ meæ Latinæ, Græcæ quoque densitate enthymematum & sententiarum brevitate superantis, familiaritate & communione, omnes propè gentes ad colloquia, societatem, & commercia invicem obstrinxi. Nam quamvis cives mei initiò linguam suam communicaverint ut beneficium; & Cumanis, Osco populo, petentibus permiserint, ut publicè Latine loquerentur, præconibusque Latine vendendi jus esset: postea tamen cum coloniarum missu, tum civitatis auctu, & linguæ usum diffuderunt, eâ quidem auctoritate, ut tunc non tam præclarum, scire Latine, quàm turpe nescire, neque tam Oratoris boni, quàm civis Romani proprium visum fuerit. Imò illius linguæ meæ ignorantia alicubi periculo fuit: siquidem Imp. Claudius splendidum virum, Græciæq; provinciæ principem, verum Latini sermonis ignarum, non modò albo judicem erasit, sed etiam in peregrinitatem redegit. Quin sanxerunt Romani mei; ne Legati quidem gentium exterarum in curia, nisi per interpre-

J. Lips. Admir.
lib. 4. cap. 5.

Theodoretus:
in lib. 5. de curatione Græc. aff.

Plutarch. in
Quæstionibus
Platonic.

Liv. lib. 40.

S. Schard. in Lexico: in v. Latine loqui.

Sueton. in
Claud. c. 16.

J. Lipsius de
pronunc. recta
L.L.c.3.

If. Calaubon.
Exercit. 9. ad
Baron. J. Meurf.
in Glossar. Græ-
cæ barbaro pas-
sim.

Meidan. com-
ment. lib. 3.
Confortino, La-
tino, & buon
concino, in ogni
paese si truova
il camino.
Propertius.

I. 33. ff. ad muni-
cipal. l. 6. § 11. de
excusationib.

I. 7. § 17. ff. de
interdict. & re-
legat.

Seneca Consol.
ad Helv. cap. 13.

tem loquerentur, iisq; Latine semper responsa daren-
tur. sicuti & Præsides provinciarum, aut Prætores;
Latine tantum jus dicebant: & quicquid publicè ge-
stum, Latine elatum: etiam Leges Beryti in Syria
publicâ autoritate doctæ eâ linguâ. Unde & illa far-
rago vocum forensium & militarium Romanarum,
quæ sermoni Græco & Syriaco reperiuntur insertæ:
ut vel ex Novo Testamento apparet. Atq; hæc Latii
sermonis veneratio tantâ perennavit constantiâ, ut ho-
dieq; non uni alicui nationi, aut magno imperio, sed toti
orbi sit communis; adeoque popularis vester, Imp. Caro-
lus IV in Aurea Bulla Electorum filiis illius studium
merito commendârit. Cesso dicere; sed certa, vos illud
poetæ mei, memori pectore sæpicule repetituros:

Omnia Romanæ cedant miracula terræ:

natura hic posuit, quicquid ubique fuit.

Hæc vetus est illa Roma, Auditores; communis no-
stra patria; in qua non minus, quam in propria patria
Philosophi olim immunitate fruebantur; tantâ com-
munis & propriæ patriæ inter sese necessitudine, ut cui
patriâ interdictum erat, etiam urbe abstinere debue-
rit: quæ licet ceciderit, tamen adhuc jacet magna; nec
magis contemnitur, quam cum ædium sacrarum ruinæ
calcantur, quas religiosi a quæ ac stantes adorant. Et
nonne Imperatoris nostri Romani augustissimum co-
gnomentum & omnium dignitatum summa, ab illa de-
pendent? Salve verò etiam Roma nova, quæ si non es
priscâ illâ major, es tamen melior; si non cultior, es san-
ctior.

etior. Mira Dei benignitas in hanc urbem! cum legio-
num vim abstulit, legum & religionis attribuit; cum
armis imperare amplius noluit, sacris præfecit: & sic
quoque fecit eam columnen & verticem rerum, decus &
tutelam universi; & solam patriam omnium com-
munem. Romana enim Ecclesia est illa Catholica,
quæ non modò tot Regum ac Principum, sed quod
longè præclarius est, omnium Sanctorum communis
Mater; & in cujus gremio mori felicius est, quàm ab
initio nasci: cum non nasci satius sit, quàm in hac non
mori. Proinde meritò tot tantisq; fulget privilegiis: nec
solum laudatur omnium Ecclesiarum caput; cui nolle
primas dare, vel summæ impietatis, vel præcipitis ar-
rogantiæ sit: verum etiam ipsum caput Romanæ Ec-
clesiæ, PAPA, audit Episcopus Universalis, Christi vi-
carius, & Petri Apostolorum Principis successor; so-
lusq; inter omnes Episcopos sanctissimus & beatissimus
appellatur. Enim verò hic est, qui Christi mandatum
istud, Pasce oves meas; qui claves regni cælorum, pote-
statem solvendi & ligandi, cum Petro accepit: hic est,
quem Europa, Asia, Africa, quem America & ipse no-
vus Orbis suspiciunt, & à cujus oraculo solliciti pen-
dent omnes: hic est Rex Regum magnorum potior, &
majorum summus, & summorum maximus, & maxi-
morum regnator. Equidem præsentem Papam omnes Prin-
cipes quantumvis magni, alti, & potentes, decrescunt et
fiunt secundi, aut ulteriores; cunctis primatus illius sic
observantibus, ut nec in minutulis ceremoniis contra illū
vel

J. Lips. præf. ad
Lector. in Ad-
mir.

Mich. Montan
l. 3. c. 9.

Thuan. Histor.
lib. 16.

Est Agnome de Te-
stamento Jo. Sa-
moisii Bolon-
Cancellarii Jo-
Voyer. in Af-
ser. Lips. do-
narii.

Thom. Staple-
ton. in Admir-
lib. 1. cap. 9. c. 1.
Augustino.

Est. Pasquier
liv. 3. de Re-
cherch. de la
France.

Ant. Scappus
de Jure non scri-
pto lib. 1. c. 32.

J. Lips. in præf.
ad Seneca.

vel tantillum peccent. Apud aliquos Reges usus obtinet, ut indicto colloquio major semper veniat prior in locum conventui assignatum. Qua in re Franciscus I. Gallorum Rex, ut Clementi VII. Papæ, Massiliam ad se venienti, testaretur humilitatem suam; non modò quicquid ad tantum hospitem excipiendum necessarium vel honorificum existimabatur, regio sumptu magnificentissime apparavit; sed & ab urbe paulò longius deflectens biduum aut triduum intranti, & ab itinere se recolligenti dedit Pontifici, antequam ipse Rex ingrederetur, & illi adventum gratularetur. Eundemq; honorem primi introitus exhibuit & Imp. Carolus V. eidem Clementi VII. Bononiæ, cum ille Romani Imperii coronam accepturus huc profectus esset. Quare etiam, ne quis peccaret in sanctitatem et illam dignitatis Pontificiæ amplitudinem; formulas ceremoniarum majorum nostrorum providentia laudabili instituto publicavit; in quibus & ista capita continentur: Nemini omninò mortalium Papa reverentiam facit, assurgendo manifestè, aut caput inclinando, seu detegendo: tantum Romanorum Imperatori, postquam illum sedens ad osculum pedis & manus suscepit, aliquantulum assurgit; adque osculum mutuo charitatis amplexu illum benignè recipit: & illud: Omnes homines, cujuscunque sint dignitatis & præ eminentiæ, ut primum in conspectum Papæ veniunt, distantibus spatiis, ter debent ante illum genua flectere, & ejus pedes osculari: & hoc: Quando Papa per scalam adscendit

Mich. Montan.
lib. 1. cap. 13.

Phil. Mornæus
i. Hist. Papæ.

dit equum, major Princeps, qui præsens adest, etiam si Rex esset aut Imperator, stapham equi Papalis tenere debet, & deinde ducere equum per frenum aliquantum: & istud: Si Pontifex non equo, sed fellâ veheretur; tunc Imperator vel Rex, si quis adfit, debet ipsam fellam cum Pontifice humeris suis sustinere & portare aliquantulum: et illud: Imperator in convivio aquam Papæ manibus ad lotionem præbere, & primum ferculum portare debet, &c. Sed quid Principes aut homines loquor? Ipsi æerei, terreni, inferi spiritus sive genii verentur ac trepidant, & cœlestem illam in terris potestatem vel inviti ac reluctantes agnoscunt. Non tamen pro Papatu satis sic dixi. Papatus majestas tantis summi splendoris radiis lucet, ut veterem Romanæ magnitudinis gloriam tantum non hauriat & assumat omnem. Olim pro magno fuerat, Regum quorundam humile obsequium, & adulationi propior sui demissio. Nam Adherbal Numidiæ Rex, se se Romanorum procuratorem appellavit. Eumenes Pergami Rex, fuso ac mortuo Mithridate Ponti Rege, Romam venit, ac pileum gestans, acceptam populo Romano libertatem tulit. Prusias Bithyniæ Rex, quoties Senatum ingrederetur, limen de osculari consuevit, se mancipium Senatus vocans; tametsi æquo fœdere cum Romanis societatem contraxisset. Tiridatem autem Armeniæ Regem Nero admisit ad genua, allevatumque dextrâ ex osculatus est; dein precanti, tiarâ deductâ, diadema imposuit. Ita in honorem Augusti, Reges

Autor Bruti
Fulminis: ex
lib. 1. Ceremon.
Pontific.

Just. Lipsius in
præf. ad Admir.

Bodin. de Rep.
lib. 1. cap. 9.

Sueton in Ne-
rone. cap. 13.

T t t

amici

Sueton. in Au-
gusto. cap. 60.

Jo. Leunclavius
in Onomastico
Turcico.

Thom. Staple-
ton. in Admir.
Rom. Eccles.
lib. 2. cap. 4 &
Platina passim.

amici atque socii, & singuli in suo quisque regno Cæsareas urbes condiderunt; & cuncti simul, ædem Jovis Olympii, Athenis antiquitus inchoatam, perficere communi sumptu, genioque ejus dedicare destinaverunt: ac sæpe regnis relictis, non Romæ modo, sed provincias peragranti, quotidiana officia togati, ac sine regio insigni, more clientium præstiterunt. Atqui Pontifex, quem Turcæ Rum-beg, id est, Romæ Principem aut dominum, non vano titulo nominant; & Legati Persici sollicitandorum contra Turcas auxiliorum gratiā missi, Sixtum V. Papam Rum-schach, sive Romæ Regem, ante aliquot annos dicebant; Pontifex, inquam, Romanus plerisque mundi magnos Reges ac Principes ad quævis obsequia et servitiā multo habet paratiores ac promptiores, qui etiam in beneficii non exigui parte collocant, ad osculum saltem pedum Papalium admitti. Ecquid juvat audire exempla? Joanni Papæ, Theodorici Ariani Italiæ Regis ad Imp. Justinum legato, Constantinopolim advenienti Imperator ipse cum universa civium multitudine ivit obviam, ad pedes ejus venerabundus procubuit, ad templum deduxit, ibique Augustalibus insignibus depositis ab illo supplex petiit, ut denuo se solenni modo insigniret. Nec minus honorifice Imp. Justinianus Constantino Pontifici Nicæam Bithyniæ se conferenti occurrit; cum de more coronatus, illius pedes osculo veneraretur. Quid dicam de Pipino Rege, qui Stephanum Secundum; de Carolo Magno, qui Leonem Tertium in castris ad Lippiam

de

de Ludovico Pio, qui Sergium Secundum & Nicolaum; de Henrico Quarto, qui Paschalem Secundum; de Friderico Primo, qui Adrianum Quartum; de aliis Impp. ac Regibus, qui alios Pontifices eodem honoris genere humiliter prosecuti sunt? Duorum etiam simul Regum, Ludovici Francorum, & Henrici Secundi Anglorum, erga Alexandrum Tertium, in Franciam venientem, humilitatis singularis affectus planè memorandus est: qui obviam Pontifici progressi, ac veluti stratoris functi officio, dextrâ lævâque equum illius tenuerunt, ad hospitium usque comitati. Quid? quod Pontifici suo jure talia servitia & officia requirere, tanquam debita licet: cum is unus & solus verè liber Princeps sit, & nemini hominum ad actionum suarum rationes reddendas obstrictus; & tamen in omnes alios terræ Principes, ut Paulus IV Albanus respondebat, ut pote se inferiores ac sibi subjectos imperium exercere, & proinde ab illis rationes exigere possit. Quæ verò hæc est libertas, quæ hæc potestas; Reges facere, & Regibus imperare posse? Quis non legit, Leonem tertium à Grecis in Germanos Occidentale Imperium transtulisse, & Carolum Magnum diademate Augustali ornasse, primumque Occidentis Imperatorem creavisse? Quis ignorat, hujus tanti beneficii virtute etiamnum Germanos sedi Apostolicæ ad omnem gratitudinis memoriam obligari? Quis dubitat, Papam superioritatem habere in Imperium, & vacante Imperio Imperatori succedere; sicque ipsum Imperatorem ad

An. Chr. 1556.
Thuan. Histor.
lib. 17.

Thom. Staple-
ton. Adm. Ro-
man. Eccles. lib.
2. cap. 1.

Clem. Pastoral.
de re judic.

Tttt 2 præ-

e. tibi domino.
dist. 63.

Jo. Avent. An-
nal Bojor. lib.
6. Philip. Mor-
naus in histor.
Papat.

præstationem juramenti fidelitatis & obedientiae teneri? Et quem fugiunt illa Adriani IV Papæ ad tres Electores Ecclesiasticos scribentis verba? Romanum Imperium, inquit ille, à Græcis translatum est ad Alemannos; ut Rex Teutonicorum non antè, quàm ab Apostolico coronaretur, Imperator vocaretur: ante consecrationem Rex, post Imperator. Unde igitur habet Imperium, nisi à nobis? Ex electione Principum suorum habet nomen Regis: ex consecratione nostra habet nomen Imperatoris, & Augusti, & Cæsaris. Ergo per nos imperat, &c. Imperator quod habet, totum habet à nobis. Ecce in potestate nostra est, ut demus illud, cui volumus: propterea constituti à Deo super gentes & regna, ut destruamus & evellamus, & ædificemus & plantemus. Et ut creandorum Regum potestati pluribus exemplis adstruam fidem: nonne Leo ille Caroli filium, Pipinum, Regem Italiae fecit? nonne Sergius Hungariae, quæ prius regnum non erat, Stephanum Regem creavit; & eodem tempore Duci Polonorum eandem gratiam ambiendi denegavit? nonne Joannes vicesimus secundus Venceslaum Ducem Poloniae regali dignitate exornavit? nonne Demetrium Russorum Regem primum Gregorius septimus declaravit? nonne Edgarum primum Scotorum Regem Urbanus secundus constituit? nonne Eugenius tertius titulum Regis Portugalliae Alfonso primo tribuit? nonne Innocentius tertius Joanni de Brenna regni Hierosolymitani nomen & insignia concessit?

Th. Staplet. d. l.

cessit? nonne quoque & hodie duo magni Duces, Moschovia unus, in Italia alter, sanctam Sedem pro coronæ regiae impetratione jam diu votis ac precibus torserunt? & quidem hunc alterum, Cosmum Medicem, Florentiæ Principem, Pius V. solennibus ceremoniis Hebruriæ magnum Ducem inauguravit: quantumvis id ægrè tulerit, & inturbare voluerit Imp. Maximilianus II. Philippus II. Hispanorum Rex, & alii. Quibus rebus facile intelligitur; quot & quanti Principes Pontificum Romanorum majestatem revereri, seq. vasallos ac subditos sanctæ sedis profiteri debeant? Exstant in Archivis & publicis actis curiæ Romanæ Regum vasallorum nomina, hoc ordine posita: Reges Neapolis, Siciliae, Aragoniæ, Sardiniae, Hierosolymorum, Angliæ, Hiberniæ, Hungariæ: quæ descriptio vetus est eorum Principum, qui ante annos CCCC fidem & obsequium Pontificibus Romanis exhibuerunt: sed hodie non valde erraverit, qui, non ita angustè cum Steucho omnia Europæ tantum regna Papæ beneficiis adscripserit, verum totum terrarum orbem S. R. Ecclesiæ peculium, D. Petri patrimonium, & jam Pauli V. Proregis cælestis & Vicedei Principatum appellaverit. Cum autem hæc ratione Papa totius mundus sit Ephorus, omnium hominum iudex, ipse judicandus à nemine: (aliorum enim hominum causas, ait Symmachus Papa, Deus voluit homines terminare, sed sedis istius Præfulis suo, sine quæstione, reservavit arbitrio) ita quoties Reipub. Christianæ salus postulat,

J. Bapt. Hadrianus histor. lib. 20. & 21.

J. Bodin. de Re-
pub. lib. 1. c. 9.

Tortura Tortii
pag. 219. & c.

c. aliorum. 9.
q. 3.

Rhom. Staple-
ton. in Admir.
Roma. Eccl. lib.
2. cap. 3.

etiam ille iustitiæ securim convertit in Principes, DEO, Religioni, & populo graves aut perniciosos; corripiendo, coercendo, censuris Ecclesiasticis castigando, ac demum, ne per unius malitiam pereant omnes, penitus ab impia administratione removendo. Et quemadmodum olim de Scipionum gente celebre dictum fuit: natam eam ad Carthaginem vincendam: sic prorsus Romanæ sedis potestas divinitus ordinata fuit, ad impios & noxios Principes vel mitigandos, vel domandos. Itaque Philippum I. Christianum Imperatorem, licentiâ Imperiali peccantem, Fabianus ab Ecclesiâ ingressu prohibuit: Imp. Arcadium itidem delinquentem Innocentius I. fidelium cœtu expunxit: Imp. Anastasium Eutychianæ hæresi acriter patrocinantem Anastasius II. similiter excommunicavit: Philippicum Iconomachum, in Oriente in Catholicos grassantem, Constantinus Papa non excommunicavit modo, sed etiam, ne nummi aut imago ejus Romæ reciperentur, mandavit: Leonem Isaurum, pariter in imagines insanè furem, Gregorius III. & à piorum communionem diremit, & ab ejus obedientia Italiam totam abstraxit. Imperatorem autem Henricum III, & Boleslaum II Poloniæ Regem, Gregorius VII; Imper. Ludovicum IV Bavarum Alexander II; Imp. Othonem IV Joannes XXII; Imp. Fridericum II. Innocentius IV; Joannem Angliæ Regem, Innocentius III; ab Imperiali & Regali fastigio depulerunt. Quinetiam Robertum Siciliæ Regem, ab Imp. Henrico dam-

natum,

natum, Clemens V absolvit, regnoq; restituit: & Urbanus quintus Henricum spurium Castellæ Regem, natalibus restituere non dubitavit, ut Petrum fratrem ejus justis nuptiis quæsitum, sed tyrannum (quippe qui complures honestissimos viros ad supplicium rapuerat, & suâ ipse manu plerosq; interemerat, & inter hos etiam uxorem suam ex familia Ducum Borboniorum) de regno deturbaret. Nihilominus etiam remissius Pontifices pro jure suo velitati sunt adversum Imperatores nuperos. Cum enim Imperator Carolus V. Concilium Tridenti inchoatum ibidem continuari cuperet, & Patres, qui ob febriculam quandam, aut aeris vitium, Bononiam discesserant, Tridentum reverti vellet; Francisco Vargâ & Martino Velasco legatis Cæsaris interminantibus, si recusent redire illi, se Cæsaris nomine & jussu Synodi translationem frivolam & illegitimam, quæq; in ea fieret, nullius esse momenti profiterentur Montanus, Concilii præses à Pontifice Paulo III. delectus, de voluntate Patrum multa graviter elocutus DEUM testatus est, se paratos extrema quæque ac mortem deniq; potius oppetere, quàm adeò pernicioso Ecclesiæ exemplo pati, ut civilis magistratus pro arbitrato synodum cogat; Cæsarem nempe non dominum aut magistrum, sed Ecclesiæ filium esse: se verò & collegas, qui adsint, R. sedis legatos esse, penes quos ordinandi & transferendi concilii jus sit. Veruntamen majestatem Papatus contra Imper. Ferdinandum defendit Paulus IV. haut paulò severius. Nam cum

Frohard. lib. 7.

Thuan. Hist. lib. 5.

Imp.

Thuan. Histox.
lib. 21.

Thom. Staple-
tonus in Admir.
Rom. Ecclef.
lib. 2. cap. 13.

Imp. Carolus V. per legatos Arausionensem, Seldum, & Hallerum, Francofurti Imperatoriam dignitatem ejurasset, omni jure suo in fratrem Ferdinandum Romanorum Regem translato: novus Cæsar ut antiquam erga sedem Romanam officio consueto observantiam testaretur, Martinum Gusmanum supremum camerarium ad Paulum IV. misit, qui eum de Caroli fratris abdicatione, & inauguratione in Augustum sua, plenius edoceret. Sed Pontifex, qui legationis causas subodoratus erat, re purpuratis patribus ad deliberandum propositâ, Gusmanum audire noluit, caussatus, Carolum apud nullum, nisi se Pontificem, Cæsaream dignitatem ejurare, nec Ferdinandum eam citra consensum suum accipere potuisse: tamen acriter admissionem urgente Gusmano, tandem is non publicè, sed privatim, tanquam legatus Cæsareus auditus est. Magna, Auditores, magna res est Romanæ Ecclesiæ & Papatus autoritas: & ut Isthmus ille inter Ægæum & Ionium mare vetat undas concurrere, & misceri: sic illa omnium Principum ac populorum hinc inde frementium impetus & assultus frangit ac sistit, ne terminos juris sui cum aliena injuria evagentur. Ubi tamen singularis et prorsus inestimabilis elucet Collegii Cardinalium opera; virorum, si numerum spectemus, qui Leonis X temporibus vix quinquagesimum superârunt, & si Onuphrio Panvinio credimus, septuagesimum nunquam attigerint; singentii fructus & virtutum elogia componamus, heroum, quibus vel nobilitate illustrius,

strius, vel eruditione præstantius, vel ad res gerendas prudentius sol nihil unquam viderit. Si vetus ille Cyneas redeat, & hunc purpuratorum Senatum contempletur, non dubito, animum & verba ipsi de futura ad inducendam comparisonem. Atque hunc perennem consiliorum salutarium fontem, nunquam deserit inexhaustum Ecclesiæ Romanæ ærarium; si viribus externis opus sit. Nam, ut Itali loqui amant, Al Papanon mancano mai denari, quando non manca la mano & la penna. Itaque cum Papa Pius V. fœdere A. C. 1571. cum Philippo Hispaniarum Rege & Venetis adversus Turcamicto, quo onera ita partita erant, ut dimidium sumptuum faceret ipse Philippus, alterius dimidii duas tertias Veneti, reliquam tertiam Pontificium susciperet ærarium; & verò negaret Pius, se plus quàm sextæ uncie sibi assignatæ tertiam partem conferre posse, ærarii inopiam caussatus; Michael Surianus Patritius Venetus acriter reclamabat, ac dicebat, ridiculum esse Pontifici Romano deesse pecuniam, qui omnium facilimam illius expediendæ viam habeat. In ore enim omnium esse; Nullum opulentius vectigal toto terrarum orbe esse Pontificis calamo; cujus simplex ductus quantumvis immensam pecuniæ vim momento pariat. Imò si alia redituum, vectigalium, tributorum, ex bonis patrimonialibus D. Petri adminicula absint omnia: quis facile rationes contulerit, quantum nummorum Pontifex ex centum triginta Archiepiscopatibus, & mille septem & decem Epi-

Thuan. Histox.
lib. 49.

Stapleton. d. 1.
& adde Cardinalem Jacobarium de Concilio.
lib. 5. art. 7. fol. 6.

Vu u u

scopatibus

M. Casaubon.
Exercit. 8. ad
Annal. Eccles.
Baron G. Sci-
oppius in Ec-
clesiast. cap. 62.

scopatibus, (qui numerus jam dudum tantus fuit; & hodie, præsertim additis Indicis, sit multo major) conquirere possit? Aut si calculus Pauli IV. Pontificis, qui ante annos plus minus sexaginta vixit, nondum tot Ordinibus inventis, qui postea sunt excogitati, allu- bescit: Ille pactis inter Imperatorem Galliaq; Regem induciis, ut et ipsos et cæteros Christianos Reges, Prin- cipes, Resq; publicas ad bellum Turcis inferendum per- moveret, hanc etiam conficiunda pecunie ad belli im- pensas necessaria rationem commonstrabat; cum cœ- nobiorum, in quibus monachi vivunt, CXXXIV millia, parochiarum vero CCLXXXVIII millia re- periantur, ut unumquodque monasterium quotannis se- nos aureos cum dimidio; parochiarum vero singula an- nuos aureos quinquaginta duos conferrent. Sic enim quotannis XV milliones et DCCCC et XII millia au- reorum, id est, florenorum Rhenensium plusquam XXXI milliones confectum iri. Unde conjectu difficile non est, quantum animos Gentilium commoveri oporteat, cum tantas à Pontifice, si velit, fortissimorum militum copias cuicunq; hosti objici posse intelligunt. Si enim ex unoquoq; monasterio non nisi decem eligantur: (sunt au- tem plurima monasteria, quæ multo majorem robustissi- morum fratrum numerum præberent, ex quibus cæte- rorum paucitas facile suppleretur) ex illis CXXXXIV monasteriorum millibus exercitus conficietur unius mil- lionis & quadrigentorum quadraginta millium: in quo non tam numerus, quam ipsum genus si ve qualitas mili-
taria

tum admirationem mereatur. Nam erunt plerique, omnes, major quidem certè eorum pars, vigiliis, jejuniis, frigori, laboribus assueti, & Pontifici non aliter, quam ipsi Deo, religioso obedientie sacramento aucto- rati, ut pro ipsius autoritate uri, vinciri, ferrum jugulo excipere non modò non recusent, sed vel in maximæ fe- licitatis loco numerent. Et quis unquam post homines natos Rex aut Imperator usquam fuit, qui cum hac Pontificis potentia, et cum ejusmodi non tantum in cor- pora fortunasq; sed etiam in voluntates ac penè cogita- tiones omnes imperio, vel minima ex parte comparari posset? Hoc ad extremum dicam, & ingratus sim, si quod nominatim in scholas à Pontificibus collatum est beneficium, hic fileam. Ecquod illud? Summum, & geminum. Alterum, quod præcepta justitiæ omnibus se- culis componendo Jus Canonicum promulgaverunt: alterum vero, quod plerisque orbis Academiis sua privi- legia, potestatem & autoritatem, liberalissimè concess- runt; gloriæ certè tanti facinoris tam illustri, ut qui- cunq; gradibus scholasticis et præcipuè Juris utriusque Doctoribus habeatur honor, semper potior pars lau- dum in Pontificiam magnificentiam redundet.

Verum Scaurus agebat olim; Non minùs magnam virtutem esse scire definere, quam scire dicere. Quam- obrem licet, illustrissime Princeps, ea omnia, quæ retuli hætenus, tantum sint ex immenso rerum dicendarum inventario de prompta pauca quædam capita, quorum plenior pertractationem hæc temporis angustia non-
Vuuu 2 capit:

capit: tamen vis rationum & veritatis potentiam huc
vocant & trahunt, ut Italiam cum Dionysio Hali-
carnassæo totius orbis optimam, cum Mamertino
Panegyriste gentium dominam, cum P. Rutilio
Numatiano dominam rerum, cum Æthico coele-
stem mundi que reginam, hinc pronunciare cogar.



P R I N C E P S

FRIDERICVS
ACHILLES, &c.

D I C T U

G E O R G I K O E L D E R E R E .

O R A T I O

G E O R G I I

Kölderer von Höch / Salisb.

contra

I T A L I A M .

Philippus Decius Mediolanensis, fctus
non incelebris, cum furis utriusq. Profes-
sionem Pisis, Senis, Florentia, Patavii,
Ticini, & Avarici Biturigum, ad annos
sexaginta quinque sustinuisset, tandem sic
emarcuit senectute, ingenio ejus veluti contabescente, ut
nullius Legis aut Paragraphi ex jure Romano recor-
daretur amplius, & difficulter admodum quicquam
Latinè proloqui posset: quamobrem, ut Joanni Cora-
sio, An. Chr. 1510 xxxvi in Senensi Academia
Doctoratus insignia debitâ & consuetâ solennitate
conferret, alium quendam à collegiis prodire oportuit, qui
verba solita nuncuparet. Pariter etiam Francisco
Barbaro in extrema & decrepita senectâ literarum
Græcarum obrepfit oblivio, in quibus tamen antea ex-
celluerat. Uti & Georgio Trapezuntio sub finem vi-
tæ utriusque linguæ, tum Græcæ tum Latine scientia
penitus excidit. Et olim Messala Corvinus, orator,
tantum memoriæ detrimentum passus est, ut etiam no-
minis sui fuerit oblitus. Idem verò, illustrissime Prin-
cipe,

Val. Forster. hi-
stor. jur. civil.
Rom. 1. 3. c. 39.

Joan. Coras. ad
Arrest. Tolo-
san. de Mart.
Guerra. annot.
35. Jacob. Me-
noch. libr. 6.
præsumpt. 45.
n. 31. 32. 33. 34.
35.

P. Jovius in
elog. doct. vi-
ron.

Plin. hist. nat.
lib. 7. c. 24.

Vuuu 3 ceps,

ceps, pronunciare hîc possum de Italia hodierna: quæ ut fuerit aliquando orbis magistra & regina, & tantum non mole virtutum atque fortunæ laboraverit; licet & illa prisca felicitas ob multas causas bracteata dicenda sit: hodie tamen senili delirio & pediculari quasi omnium vitiorum morbo ita jacet prostrata, ut deperdito propemodum vitali bonæ mentis spiritu antiquæ majestatis atque gloriæ nec habeat umbram. Quemadmodum igitur nonnulli veteris Romæ magnitudinem æstimant, aut ex illo incendio, quod Nero, condendæ novæ urbis, & cognomento suo appellandæ gloriæ quærens, excitavit; quo urbs per novem dies arsit; Nerone interea ipso tempore flagrantis urbis domesticam scenam in-eunte, atque flammæ pulchritudine lato ἄλωσθω Ilii in illo suo scenico habitu decantante: aut ex peste illa, quæ Imp. Titi Flavii Vespasiani temporibus urbem afflavit, qua per singulos dies decem millia hominum in Libitina rationem venisse scribuntur: vel, sicuti Heliogabalus servis imperavit, ut omnes araneas colligerent in urbe; qui cum conquississent ad decem millia pondo, subjecit ille; vel hinc intelligendum, quàm magna Roma sit: ita ego nunc magnitudinem Italiæ ab malorum tantum copia et immani vastitate dimetiar; et planum faciam; non solum terram Italicam pro tua, Laurenti Vvenfini, opinione, non sic fertilem & beatam, verum etiam nationem totam tot infamibus sceleribus cooperatam esse, ut vix ibi ulla virtutis vestigia jam supersint. Junonia avis, ubi colorem & plumas circumspexit, sibi placet

Tacit. Annal.
lib. 15. & ibi
Lipf. Sueton. in
Nerone. cap. 38.

Euseb. in Chro-
nic.

Lampridius in
Heliogabalo.

Nicol. Macchia-
vell Disput. de
Rep. lib. 1. cap.
55.

placet & fudit; dejicitur, cum ad pedes se dejecit: tu vero, mi Vvenfini, aspexisti tantum Italiæ coloratas cristas, & confidenter illi principatum detulisti; si ad sordes & vitia gentis illius judicii bilancem aptare volueris, crede mihi, jactationes tuæ citò evanescent.

Fabula est, optime Princeps, sed quæ pertinaci imperitorum credulitate fere abiit in historiam; Italiam bonitate & divitiis omnibus mundi regionibus præstare. Quem tamen errorem Joannes Boterus, Italus scriptor, bene refutavit, populares suos imprudentiæ accusans, quod non animadverterint; duas tertias Italiæ partes nullis interlui fluminibus navigabilibus; quartam autem partem occupari Appenino, monte perunque aspero & sterili; & insuper Galliam, Hungariam, Belgium, Austriam, provincias undiquaque opimas pingues, feraces, Italiâ beatiores esse. De Austria dubium non est; quam Antonius Bonfinius, & ipse Italus, non obscure anteponebat hisce verbis, in Vienna descriptione: Villæ circum amoenissimæ, ubi elaboratissima spectantur ædificia: neque aviarum, piscinarum, cæteraque vivaria defunt: montium appendices, vicorum castellorumque frequentia viatores admodum oblectant: cum Viennensem Neapolitanumque agrum attigeris, in planitiem longè lateque diffusum; hunc omnibus lætis & amoenis regionibus tractum sine controversia facile anteferas. si qua hîc quies & otium tutum inveniri posset, POTIUS AUSTRIAM, QUAM ITALIAM OPTARES.

Joan. Boter. Re-
lar Univers. p.
2. lib. 2. de Chi-
na.

Anton. Bonfini-
rer. Ungar. de-
cad. 4. lib. 5.

Celebra-

Colinius apud
Thuan. Histor.
lib. 51.

Leand. Albert.
in descr. Venet.

Bern. Saccus
Ticin. Histor.
lib. 4. cap. 3.

Celebratissimæ autem Italiæ fertilitati nimium quantum detrahunt, Liguria, omnium rerum à natura sterilitate & paupertate damnata regio: atq; campi Veronensium inculti & lapidibus horrentes, maximis summorum ducum aliquot victoriis aut cladibus famosi: nec non Læumellina regio erucâ infamis. Oritur enim in Alagnia finibus, ineunte æstate, à tellure edax eruca, volitansq; vites invadit, depascitq; folia; quibus ablatis arefcunt jam exiles & immaturi racemi, sine umbra relictî. Desinente postea æstate eruca rursus tellurem ingressa foetus edit & recondit; deinde vertitur in vermiculum annulari digito minorem, quem aratrum agentes bubulci sæpe detegunt ac perimunt; at minimè tamen foetus disquirere ac perimere possunt. Nam æstate novâ adveniente renascuntur iterum erucæ, alataeque in turmas edito stridore prodeunt, infestantq; Alagnia fines, & in Valligii etiam ditionem ruunt, coguntq; incolas sine vinearum ornatu ac comodo vitam ducere. Atque misero experimento comprobatum est, omisâ telluris culturâ erucam simul perire, sed unâ cum terræ cultura hanc vinearum pestem statim à natura soli resurgere: ut ita fere non nisi publicâ communique indictâ egestate copiæ hostes arceri queant: quibus tamen præsens interitus imminet à sturnis, qui uvarum cupidi gulosiq; coacto agmine in uvarum vastatrices erucas convolant, rostrisq; exenterant, sibiq; & dominis ita vites ab illarum injuria non raro vindicant. Nec melioris notæ est convallis Veg-
getia,

getia, in medio longarum faucium & asperrimarum rupium editissimo frigidissimoque situ; quamobrem homines etiam alit admodum agrestes, duros, ingenis immanissimos; ex quibus est genus illud rude, quod per universam Europam oberrans caminis everrendis operam locat. Ager quoque Pisanus, Aquilejensis, Romanus, aliique, quot habent aspreta? quot paludes? quot miserabiles ruinarum & desertorum tractus? quæ ibi est aeris gravitas? quæ hominum ibi ob cæli soli q; infelicitatem jam est paucitas? Guardati dall' aria di Grosseto, di Piombino, di Pisa, di Sinigallia, di Macerata, d' Arimino, di Cervia, & di Pefaro: ipsimet diligenter monent Itali. Atque uti Anconæ & Venetiis pestilenciales febres, Ferrariæ autem tertianæ nothæ dominium habent: ita quoque cæli Romanica hodie est intemperies; ut cives Medicorum suorum jussu circa diluculum & crepusculum abstineant publico; nisi sol splendeat; nec sine causa Alexander Petronius, Romanus Medicus, de tuenda Romæ valetudine, scripserit. Et ora maritima à portu Herculis Terracinam usque, spatium centum quinquaginta millium passuum longum, ita ab hominibus est vacuum & nudum; ut octo millia habitatorum non connumeret. Credibile tamen est, quemadmodum vina Veliternina, inter generosa sui temporis relata à Plinio, nunc degenerârunt, ac austeritatem amiserunt suam; siquidem propter cruditatem, austeritatemve coqui abeno debent: sic passim Italia fecunditatem ineptâ & lassâ tellure decrevisse et mu-
tavisse;

Leand. Alb. in
Infubr.

Amat. Lusitan.
Curat. Medici.
nat. cent. 3 cap.
74.

P. Merula Cos-
mog. part. 2.
lib. 4 cap. 22.

Theaur. Polit.
part. 1. in Relat.
Urb. Romæ.

Plinius Histor.
nat. lib. 14 c. 6.

St. Vinand Pi-
ghius in Her-
cule Prodicio.

Xxxx

Autor confuta-
tionis fabulæ
Burdonum.

Bernard. Saccus
Ticin. Hist. lib.
3. cap. 4.

Plin. Hist. nat.
lib. 14. cap. 6.

Leand. Alb. in
descript. Marcæ
Anconit.

Plin. lib. 37. c.
13.

tavisse; ut, quod *Julius Caesar Scaliger* de hodierna Roma dixit ingeniosè, urbem illam, esse novum acetum pessimum, veteris vini optimi; idem de hodierna multarum Italiae regionum fertilitate prædicari possit: adeo ut A. C. 1540^{mo} mille & amplius colonorum familiæ, collectis sarcinulis, famem fugientes è Bononiensi, Mutinensi, & finitimis agris, fecunditatis nomine alioqui summopere laudatis, in Papiense solum commigrarint. Nisi forsitan communis tantum & erronea quorundam opinio contra veritatem etiam olim prævaluerit, ut Italia supremæ fertilitatis laudem consecuta quidem sit, non autem promerita: sicuti *Tiberius Caesar* dicebat, consensisse medicos, ut nobilitatem Surrentino vino darent, alioquin esse generosum acetum; uti id ipsum *C. Caesar*, qui successit illi, vocavit nobilem vappam. Quamquam aliquibus in locis hominum ignavia, non soli malignitate messis jam est tenuior: cum horum atque superiorum temporum supina turpisque negligentia tam altas apud Italos egerit radices, ut etiam Anconitanum portum, propter capacitatem situmque naturâ & opere veterum tutissimum, inter primos atque pulcherrimos orbis terrarum commemorandum, (quis enim nescit hoc vulgatissimum? Unus Petrus in Roma, una Turre in Cremona, & unus Portus in Ancona) dum illum æstuantis maris arenâ oppleri patitur, non parum corruperit. De metallis etiam *Plinio* ad stipulari non possum, scribenti, Italiam metallis auri, argenti, æris, ferri

ferri, quamdiu libuit exercere, nullis cessisse. Cum enim *Clementis VI I. Papæ* jussu Fuccari nostri evocassent è Germania duos *Suacenses*, rei metallicæ peritos; ut aliquot Italiae venas foderet alter, alter excoqueret, diligenti utriusque operâ compertum est, venas metallis quidem non carere, sed vix habere tanta, quæ impensis respondeant; ex eis facere lucrum neminem posse. Quare quis in hanc iret sententiam; iccirco veteri consulto Patrum Italiae partitum, quòd ex metallis tot fructus non caperent metallici, quot agricolæ ex arvis, quæ damnum facerent. Nam si, *Plinii* iudicio, nulla fecundior metallorum tellus; tantum lucrum non erat negligendum; præsertim cum metallum auri vel argenti fertile uno anno plus utilitatis præbeat, quam ager fructuosissimus annis centum. Addam quoque violentam tempestatum vicissitudinem in Italia ingentes per sæpe parere molestias. Et ne ambigentibus obvertam illud: Apenninum nonnunquam nives suas servare diutius, quam nostrum montem *Abnobam*, Danubii parentem: hyems certè Romæ nihil interdum est mitior, quam *Viennæ*, *Argentinae*, aut *Stutgardia*: & tamen ibidem æstatis fervores tam sunt vehementes, & prævalidi, ut pene omne familiaritatis ac quotidianæ consuetudinis commercium interturbent; ad tædiorum cumulum de die accedentibus muscis, quæ infesto examine facies hominum petunt, et toties flabro frustra exactæ redeunt; de nocte verò cincindulis, quæ insectæ, vulgò *Zanzare* dictæ, vix

Plin. lib. 33. c. 4.

G. Agric. lib.
1. de metall. ve-
terib. & nov.

In Italia sono
troppo teste, trop-
po feste, & trop-
po tempeste.

Bern. Saccus
Ticin hist. lib. 1.
cap. 6.

Theod. Zving.
Meth. Apod.
lib. 2, cap. 33.

cubili illato lumine simul adsunt, ac submisso sibilo improbo osculo dormientibus insident, inflictoq; fronti vulnere humano cruore saturæ sub lucem abeunt, latentq;, rursus sequenti nocte reversuræ. Et quod est gravius: æstus Campania & Neapolitani regni plerunque tamen est periculosus, ut Junio Julio, & Augustomensibus, usque ad primam Septembris pluviam, ne Regio quidem mandato excitæ Nobiles ad peregrinandum cogi possint: asserente præterea Paulo Diacono, Aquilejensi; Apuliam à perditione nominari, cum citius ibi solis fervoribus terræ virentia perdantur; & Faccio Uberto ita concinente,

lib. 3, cant. 1.

Puglia è detta, che' l caldo v'è tale,
che la terra ne perde alcuna volta
la sua virtude, e fruttifica male:

Jo. Jovian: Pon-
tan. hist. lib. 2.

& tamen cum Ferdinandus Aragonius, Alfonsi spurius, A. Chr. 1461. æstivo tempore Trojam obsideret Apulia, ipsis solstitii diebus frigoris tam atrox vis subito oppressit omnes, ut necesse fuerit vineta concidi, ac frugiferam quamq; arborem, ad ignis castrensis usum. Ut autem alia omnia terræ Italia incommoda tacitus transilierim: hoc certè sine summo dolore conquerere non possum; quòd, ubicunque fere bonitate agrorum & fructuum abundantia præcellit, ibi quoque vitiorum & omnis pravitatis messis succrescat plerunq; copiosissima. Patavina quidem regio agro gaudet longè feracissimo: sed id vulgò circumfertur,

Th. Zving.
Meth. Apod.
lib. 3, cap. 17.

Villanos generat tellus Paduana diablos.

Et

Et Circumpadani in præpingui sunt solo; unde Cremæ Cremonæque nomina; quodq; admittat in ima terræ, quantas demittere radices velint arbores: sed illorum ingeniis ad res novandas nihil levius, aut inconstantius. Sicilia, insula Italica, olim continentis pars, laudes fecunditatis possidet non vulgares; eamq; M. Cato Sapiens cellam penariam Reipublicæ, & nutricem plebis Romanæ nominavit: sed Siculi, licet antiquitus Oratoriæ artis, bucolici & rythmici carminum, horologii, catapultæ, illustratæ picturæ, tonsuræ, pellium ferinarum usus, inventores esse perhibeantur, tarpibus hisce testimoniis duriter vapulant: Monstra hominum Cyclopes, Dionysium, Phalaridem, fuisse Siculos: Voracitatis templum plurima in Sicilia condidisse Siculos: Omnes insulanos esse malos, pessimos autem esse Siculos. Calabria cunctis rebus, vitæ ex voto transigendæ necessariis, adfluit: sed eadem habet Bruttios; quo nomine Lucani olim vocabant apostatas, rebelles, fugitivos: etsi Nicolaus Perottus sic dictos putat, quòd sint homines fædi, vasesani, spurci, bilingues, mendaces: & Alfonsum Regem affirmare solitum accepimus; Si nullum omnino aliud regnum, nullam provinciam, præter Calabriam, aut haberet, aut habiturus esset, illam protinus se relicturum, privatumq; & civem vivere potius velle, quam illorum, qui nihil hominis habent præter figuram, ineptias tolerare, quamvis dominum aut regem. Campania & regnum Neapolitanum terrarum proventibus luxuriant: sed improbitas

J. C. Scalig. de
subtil. ad Card.
exercit. 167. c. 1.

Cicero lib. 2. in
Verrem.

Th. Fazellus de
reb. Sicul. dec. 11
lib. 1, cap. 6. 84.
7.

Leand. Albert.
in descript. Ca-
labr. P. Merula.
Cosmog. p. 2.
14. c. 27. Nicol.
Perottus in
Cornucopia.

Ant. Panormi-
tan. in. Apoph-
thegm. Alfonsi.
lib. 1 c. 30.

Ph. Camerar.
Med. Hist. Cen-
sur. 1. c. 85.

Cicero de L. A-
grar. contra
Rullum.

Seneca Epist.
51.

Scalig. Exercit.
274.

Exercit. 203.

probitas hominum illis in locis ita dominatur, ut vernaculum proverbium audiatur passim; Il regno Napolitano è un delicato paradiso, ma habitato da gli diavoli. & testatur Cicero, Campanos semper superbos fuisse bonitate agrorum, & fructuum magnitudine, urbis salubritate, descriptione, pulchritudine: atque ex illa copia rerumq; omnium affluentia natam arrogantiam, quæ alterum urbi Romæ Consulem è Capua postulavit; & eam luxuriam, quæ ipsum Hannibalem, nivibus atq; Alpibus, & armis tum indomitum virum, voluptatum fomentis enervavit. Alicubi tamen cum ipsa naturalis loci mores Italorum promalitiæ & improbitatis palma bellum gerere videntur. Liguria enim quid asperius? quid horridius? Ligures tamen vocat Julius Caesar Scaliger Cerbereos, facerrimâ fide: & in ora Ligurum nullum fere animal nasci propterea existimat; quod natura etiam nunc suspensa iudicium ampliet, cogitetque, quibus artibus eorum scelera, perfidiam, avaritiam, livorem, vanitatem, impietatem, in aliquo animali repræsentare possit. quod quia nondum potuerit excogitare, nondum dare voluerit. Quapropter in Genuenses quoque illa passim jaciuntur dicteria: Mare senza pesce: huomini senza fede: donne senza vergogna; hoc est; illorum mare piscibus, viros fide, foeminas verecundiâ destitui: & quod eodem alludit: I Genouesi hanno virtù cento miglia da lontano; hoc est; virtutem à Genuensibus centum millia distare. Unde iterum Scaliger appositè:

Genuensis

Genuensis os for pacis, ac boni moris:
unus Britannis tetrior Ligur cunctis,
faxicola, pelagicursor, invidus, spurcus,
famelicofus, turpis, archipirata.

*Quin etiam in universum, si singulas Europæ nationes inter se componere velimus, mores Italorum, & inter hos Ligurum sunt perversissimi. Thraces, ait rursus pater Scaliger, Mysi, Arabes, Moschovitæ, Pæones, Hungari, prædones: Illyrii, Liburni, Dalmatæ, jactabundi: GERMANI FORTES, SIMPLICES, ANIMARUM PRODIGI, VERI AMICI, VERIQUE HOSTES: Suetii, Norvegii, Gruntlandii, Gotti, beluæ: Scoti non minus: Angli perfidi, inflati, feri, contemptores, stolidi, amentes, inertes, inhospitales, immanes: ITALI CUNCTATORES, IRRISORES, FACTIOSI, ALIENI SIBI IPSIS, BELLICOSI COACTI, SERVI UT NE SERVIANT, DEI CONTEMPTORES: Galli ad rem attenti, mobiles, leves, humani, hospitales, prodigi, lauti, bellicosi, hostium contemptores, atque iccirco sui negligentes, imparati, audaces, cedentes labori, equitès omnium longè optimi: Hispanis victus asper domi, alienis mensis largi, alacres, bibaces, loquaces, jactabundi, fastus Tartareus, supercilium Cerbereum, avaritia immanis; paupertate fortes, fidei firmitas ex pretio, omnibus nationibus & invidentes & invisi: UNA NATIO ILLOS SUPERAT ANIMI PRAVITATE, MAGNITUDE VINCI-
TUR, LIGURES.*

Jul. Caf. Scalig.
Poëtices lib. 3.
cap. 16.

Verum

Verum in Italorum ingenia, indolem & mores, hic latius evagari gestit lingua; animusque meus ambit in te depugnare, Laurenti VVensini, justâ inflammatus irâ, quod Italos solos & unos veræ & solidæ nobilitatis atque omnium virtutum dignissimos depositarios dicere nihil veritus sis. Ego verò te temeritatis & impudentiæ non arguam, sed convincam; atque validissimis rationibus demonstrabo; Italos non ignobiles, sed nobilitatis corruptores; non indoctos, sed bonarum artium eversores; non vitiosos, sed virtutum sicarios; non impios, sed hostes sacrorum religionisq; Christianæ crudelissimos carnifices esse; eosq; jamdudum nequitiam perbibisse, & ita visceribus immiscuisse, ut nisi cum ipsis exire non possit. Antequam tamen progrediar ulterius, voveo, ut vel tandem nos alii cautiùs cum Italis conversemur; ne, quod loca foetida transeuntibus contingit, ut malignum odorem secum trahant, ab Italorum consuetudine pravitatis quicquam nobis adhærescat. Illaq; providentia mihi non raro aurem vellit, & proverbium illud insusurrat creberrimè: Tedescho Italia-nato, diavolo incarnato: præsertim cum vitia virtutis personam simulent, & tantò faciliùs capiant incautos. Sicuti enim inter Anienis arenas leguntur albi lapilli, amygdalam, anisum, fœniculum, cinnamomum, aliasque species Indicæ arundinis succo indui solitas, exquisitè referentes; qui vocantur Confetti da Tivoli, & in mensis apponuntur à Romanis, ut convivis illudant sumentibus, qui se dulciaria tragemata sumere putant:

Leand. Alb. in
Lat. P. Meru-
la Cosmogr. p.
2. lib. 4. cap. 11.

putant: ita quoque Germanis & nationibus aliis Itali fucata vanitatum bellaria obtrudunt, quæ non quidem Confetti da Tivoli, mà da Diavolo; hoc est, non Tiburtina, sed Diabolica tragemata, dici possint. Susis Ecbatana contendentibus tridui itinere locus occurrit scorpionibus ita horridus, ut Rex Persarum illac iter factururus olim necesse habuerit triduo antè venatores scorpionum emittere, maximis muneribus ei, qui plures ceperat, propositis: utinam nos Germani quoq; si quando in Italiam proficiscimur, utinam venatores possemus præmittere, qui nequitie, voluptatum, fraudum, & impietatis scorpiones pellendo aut perdendo, itinera redderent tutiora.

Zuing. Meth. A-
pod. lib. 1. c. 4.

Primum autem concedo tibi, Laurenti, haud invitus; Italiam esse Nobilibus plenissimam. Nascuntur ibi indies cognomina, & statim primo ætatis die transcribuntur in senium. Quotus quisque est, quem avi sui non pudeat? cui non est propè sutrina vel pedum? quis æternam majorum vilitatem mendacibus titulis scutatisq; insignibus non velat? Pace dixerò paucorum, qui genere suo digna moliuntur; sunt in Italia Nobiles, qui de sterquilinio surgunt. Res auditu absurda est, vera tamen; in Italia bubulcum & cerdonem fere quemlibet, superbâ formulâ, à fe da gentilhuomo, per fidem viri Nobilis; & quamlibet abjectam meretriculam, à fe di gentildonna, per fidem matronæ Nobilis, plerunque sermones suos confirmare solere. Ac fuit quidam non indiligens observator rerum in Italia mon-

Jo. Barclajus in
Satyr. parte 1.

Yyy

strosa-

Commentario
d'Italia in Ve-
netia, appresso
Gio:anni Bari-
letto. 1569.

A. Tiraq. de No-
bilit. cap. 33.
Minsing. 6. ob-
serv. 54. Alb.
Gentil. de Nupt.
lib. 4. cap. 13.

E. Tuberio Hist.
lib. 10. N. Ma-
chiavelli. Disp.
de Rep. lib. 1.
cap. 55.

strosarum; qui in libro commentario singulariter notat
Nobilitatis sine numero numerum, & ridet tot Mar-
chiones, quibus nullus est Marchionatus, tot Comites,
quibus nullus est Comitatus, tot Equites, quibus nec e-
quus, nec calcaria, nec ocreæ sunt; atq; cum cordolio
vidisse se jocatur in agro Lunensi triginta Marchiones
in fico arbore, contra famem ficis depugnantes: Spiac-
quem, inquit ille, il veder in Italia tanti Marchese
senza Marchesato, Conti senza contado, Cavaglieri,
che non hanno ne cavalli, ne speroni, ne stivali. Non
poteva sofferire di vedere nella Lunigiana trenta Mar-
chesi adun tratto sopra d'un fico per sfamarfi. Oh co-
memi venne à noja il veder in Arco & in Lodrone due
mila Conti, & un sol contado molto stretto & pove-
ro. Pensate poi, che mi dovea parere veggendo i Mar-
chesi di Ceva, & i Conti di Piacenza, & i Cavaglieri
di Bologna &c. Quod verò Nobilitatis honorem om-
nium maxime hodie prostituit apud Italos, est quod in
illius acquisitione virtutis opus agunt nummi, & su-
premi fastigium cum mercaturæ sordibus indigne
conjungunt: cum in Germania nostra, in Gallia, & a-
pud alias rectius sentientes gentes, mercatura obstat
Nobilitati. Propterea Matthias Corvinus, Rex
Hungariæ, Venetos non ignobiles modo plebeiosq; sed
etiam rusticos vocare solebat; dictitans, fortunam ge-
nus haudquaquam mutare; cum præsertim Venetinu-
la ex parte Nobilibus adæquandi, & nomine potius
quàm reipsa Nobiles sint, quia mercaturam fa-
ciant.

cient, & militiæ nullam operam navent. Sed quemad-
modum chirothecas inficiunt odoribus, easq; lucrosè
distrabunt Itali; & quidam illius artificii magister à
Gallo quodam, primariæ Nobilitatis viro, pro chiro-
thecis, in unius duntaxat anni usus venditis, accepit
quadringentos coronatos: quanquam ejusmodi mer-
cibus non raro etiam venenum illinunt unguentarii
pessimi, sicuti Crescentii Consulis Romani, quem Imp.
Otto III. in patibulum egerat, uxor vidua, & pellex
Ottonis, cum Casareum conjugium frustra sperasset,
discedenti Imperatori amoris tesseram venenatas obtu-
lit chirothecas, quarum pestifero odore ille postea periit:
sic Nobilitatem quoque suam fucis tantum titulorum,
& aliis pugis, illi dignitatum mangones & falsarii in-
crustant, sæpe cum magno augustæ virtutis detrimen-
to & damno. Equidem si titulos Italarum & Ger-
manorum inter se conferamus; comperiemus Nobi-
litem nostram vix inter plebem locum esse inventu-
ram, quæ tamen tot meritorum, præmiorum, privile-
giorum, & prærogativarum stadiis Italicam illam
præcurrit. Nam Magnifici titulum, qui apud nos Ger-
manos non solum istis Ludimonarchis sive Academiarum
Rectoribus, sed ipsis etiam majoris dignationis Nobi-
libus tribuitur; in Italia etiam sellulariæ operæ artifices
sibi deprecant, & aliter appellatos contumeliosè se ha-
beriputant. Ita Illustres nos vocamus Comites ac Baro-
nes; sed Itali etiam vilioris notæ Equites S. Petri, &
pannosos famelicosq; illos Apostolici palatii Comites
eodem

Bod. in Resp. ad
Malestret.

J. Cusp. in Imp.
Ottone III. C.
Sigon. de regno
Ital. lib. 7.

Gasp. Sciop. in
Scaliger Hypo-
bolimæo.

eodem titulo honorant; & ceteros suos Comites, licet nostris nequaquam sint pares, illustrissimos esse volunt. Serenissimi verò titulum, præter Archiduces de Augusta domo Austriae, rari Principes ex Imperii nostri proceribus, quibus tamen in orbe Christiano majores non sunt, admittunt; maluntque magnitudinem suam illustribus factis, quam gloriosis appellationibus ostendere: at illis majorum gentium, ut sic dicam, Principibus Italis, Hetrusco, Mantuano, Mutinensi, Parmensi, Urbinensi, Serenissimi titulus tam profundè inhaeret, ut communis hæc inter illos compellationum sit formula; Altezza vostra, sive Serenissima Celsitudo vestra. In quatenus titulorum licentia vix quicquam ad injuriam & contemptum Germanorum accedit propius; quam, cum illi majores Italiae Principes ambitioni suæ supparasitantes se se mutuū vocitent Serenissimos; et verbi gratiā, Dux Hetruscus in literarum epigraphæ nominet Mantuanum Serenissimum, atque in literis ipsis, formulam Altezza vostra, sive Celsitudo vestra, usurpet; quod nihilominus ante annos non admodum multos Hetruscus in literis, per Legatos redditis, duobus præcipuis Principibus Electoribus Ecclesiasticis, tantum Illustrissimis; & alii magno Principi, tantum Excellentiae titulum; quo Itali domi suæ minores Duces ac Comites afficiunt, tribuerit: ubi etiam Legati hoc contumeliæ facinus novo fastus exemplo amplificabant; cum alterius Electoris ad Hetruscum proreßpõso datas literas, Illustrissimi tantum inscriptione insignitas

gnitas, ad Principem suum deferre recusarent, quasi illa tituli mediocritas magnitudini magni Ducis non conveniret; & sic Electorem nimis facilem ad tituli atque literarum mutationem inducerent; quantumvis ille conceptissimis asseveraret verbis, nullum Italiae Principem trecentis ab hinc annis alio titulo à decessoribus suis honoratum esse. Verum quæ hæc est inæqualitas? imò iniquitas? Quis magno Duci Italo Electorem Principem Germanum, omnibus (a) aliis Principibus præter Reges digniorem, non anteferat? Quis Cattum Hetrusco non præponat? Quis in familiarum comparatione, illis Serenissimi & Celsitudinis, huic verò Illustrissimi & Excellentiae potius titulum, non adscribat? Cum Imp. Maximilianus I. duxisset in matrimonium Galeacii, Mediolani Ducis, filiam; intercessore Ludovico Sfortiâ patruo; eam rem graviter tulerunt Germaniæ Principes, propter ipsius foeminae obscuritatem generis; (sunt enim, qui avum Galeacii suctore parente genitum esse, sunt qui ex aratore imperatorem evasisse, scribunt) quamvis tunc temporis Sfortia familia latè in Italiarum potiretur. Quare etiam Cosmus, Florentiæ Dux, repulsam tulit; cum pro eo Pius IV Pontifex per Terracinae Episcopum, oratorem suum, apud Philippum II. Hispaniarum Regem ageret, ut sororem olim cum Lusitaniæ Principe junctam, & suscepto ex eo Sebastiano filio, qui regnum post avum tenuit, viduam relictam Francisco Cosmi Filio uxorem concedere dignaretur: Philippo nuptias illas

(a) Cerem. Ecclesi. Rom. lib. 1 S. 13. c. 3. Tit. de recept. alien. Princip. Imper. M. Freher. ad P. de Andlo. lib. 2. cap. 9.

Ph. Cominæuss de bello Neapol. lib. 1.

St. Forcatul. de Gall. Imp. lib. 3. P. Jovius in vita Magni Sfc. cap. 21.

tanquam dispares aversante; quippe qui sororem, & Cæsaris filiam, & in regia familia elocatam; novo Principi desponderi parum conveniens Austriacæ familiæ fastigio ac majestati arbitraretur, & tam humili adfinitate dignationem suam temere deprimere nollet. Verum deducendus mihi es; Laurenti VVenfini, infamiliarius artium & morum Italicorum examen, & plenissimè erudiendus; nullibi Nobilitatem habitare sordidius, quàm in Italia: nullibi etiam virtutum atque scientiarum, quibus Nobilitas paretur, minus esse, quàm in Italia. Ita DEUM mihi velim propitium, ut, cum illius Italicæ infelicitatis mihi venit in mentem, non solum commoveor animo, sed etiam toto corpore perhorresco. Jam nunc enim mente & cogitatione prospicio, quod tuum, excelsissime Princeps, sit futurum judicium; quantam auditorum detestationem Italarum infamia conciliatura; quantam denique audientiam orationi meæ improbitas illorum factura. Quæ cum cogito, jam nunc timeo, quidnam pro offensione bonorum, qui Italarum vitiis inimici infensique sunt, & expectatione omnium, & magnitudinererum dignum eloqui possim.

De opificibus Italis, Auditores, non magnopere laboro: cum illustrissimus Princeps, Franciscus Carolus Dux Saxonæ, abundè fidem fecerit; omnes cujuscunque nationis artifices, si ad Germanos referantur, vilescere & sordere; atque insuper quantalibet opificiorum gloria ad Nobilitatem vix perducatur: etsi Si-

xtus

xtus V Pontifex Dominicum Fontanum, quod Obeliscum Vaticanum transportaverat, Equitem creavit; ac Selimes II. Turcarum Sultanus Gentilem Bellinum, ob excellentem in arte pingendi peritiam Constantino-polim evocatum, in Equestrem ordinem cooptavit, & insigni torquis aurei donavit. Patere tamen, illustrissime Princeps Franciscus Carole, ut ad tuam laudationem ex Felice Fabro, cujus nobilis & vetustissima Schmidiorum familia hodieq; apud Tigurinos præfulget, monacho Dominicano Ulmense, fidelissimo scriptore, qui ante annos CXX vixit, hætenus nactus paucos laudatores, sed plurimos ex scriptores, hoc veluti ætæ adjiciam: Cum hac divina, ait ille, imprimendi libros arte, etiam usuales sunt melioratæ; ut fabrilis in omni metallo, in omni ligno, & in omni materia: in quibus Teutonici adèò industrii sunt, ut per orbem fulgeant illorum labores. unde si quod opus præcipuum quis fieri vult in metallo, lapide, ligno, ad Germanos mittit, quibus DEUS ævo nostro.... Vidi ego aurifabros, gemmarios, latomos, & carpentarios Teutonicos, inter Sarracenos mira facientes, & inter Græcos & Italos artibus præcellentes, scilicet de fartoribus & sutoribus, muratoribus. Nam anno præterito Soldanus Rex Aegypti mirabili Mauro Orienti stupendo artificio cinxit portum Alexandrinum, consilio, industria, & opere cujusdam Teutonici nati, ut dicebatur, de Oppenheim. Et ne longius his immorer, Italia omnium totius orbis regionum celeber-

Fr. Mennenius
in Deliciis E-
quest. Ord. cap.
de Equitibus æ-
pud Turc.

Eelix Faber.
Hist. Suevor.
lib. 2.

Notarium nota
posse corrigere
falsam Latini-
tatem, ne sub
prætextu Latini-
tatis fiat frau-
docent Baldus
& Felinus.

celeberrima, frumento repleta, panem delicatum, sanum & delectabilem non habet, nisi à pistore Teutonico coctum: qui arte & industrioso labore ignem domat, calorem temperat, farinam æquat, ut levis, tenuis & delicatus panis fiat: quem si Italicus coquat, ponderosus, compressus, infanus, & insipidus creatur. Vnde dominus Apostolicus, & quique magni terrarum Prælati, Reges, Principes, & Domini, panem vel rarò manducant, nisi Teutonicà arte confectum. Non solum autem nostrum usualem panem bene percoquunt, sed paximacios vel biscoctos pro cibo marino vel bellico adeò artificialiter parant, ut Domini Venetiani in publicis furnariis paximacios non nisi Teutonicos habeant, & coctos longè lateq; per Illyricum, Macedoniam, Hellespontum, Græciam, Syriam, Ægyptum, Libyam, Mauritaniam, Hispaniam, Galliam, & usque ad Orcades insulas & Britannicas, ac ad Germanicos portus circumferant suis marinariis comedendos, vel alienis vendendos. Industriosissimi & optimi in omni genere musicorum jam sunt in Teutonia multiplicati, adeò ut omnibus prædictis regionibus spectacula jocunda præbeant tam in divinis officiis, quàm in nuptiis & conviviis, in ecclesiis & theatris, &c.

Attamen nobilitat Italos omnium liberalium artium & sacrosanctarum scientiarum studium, sive potius magisterium, & summa perfectio. Itatu opinaris quidem, Laurenti V Venetini. Et meâ sententiâ, facit

cit scientia nobilissimos; adeòque verbo Salyceti, Nobilitas est filia scientiæ. *Etenim*

non genus, at genius: non gens, sic credere fas est, sed mens nobilitat nobilitata virum.

Et sine illâ mentis luce, quid videat homo? quid intelligat? Quis cum Alfonso Aragoniæ Rege non affirmet, Regem illiteratum, imò addo ego, quemlibet Nobilem talem, nihil aliud nisi asinum coronatum esse? Et profectò ut bubali, uri, & subinde muli, aliq; id genus, magna quidem, sed sine omni intellectus sensu animalia, annulo in nares immisso circumduci solent: ita illi barbari & peregrini cives, ut aliquid in Republ. prosint, aut ne obsint saltem, nares ignorantia perforatâ à doctis ducendi sunt. Quantum tamen literis tribuendum sit, Imp. Sigismundus Georgium Fiscellum Doctorem, quem Equestri Ordinis honoribus auxerat, optimè docuit. Cum enim Imperator Basileæ de rebus arduis consultaret; & Fiscellus hæreret dubius, Doctoribus legum an verò Equitibus se conjungeret, tandem verò ad Equitum classem inclinaret: Stultè agis, inquit Sigismundus, qui literis militiam præfers. nam ego milites mille unâ die fecerim: Doctorem mille annis unum non fecerim. Nequam autem mulierem illam Genuensem Nobilem omnibus infamiæ pœnis affecerim; quæ uxori cujusdam Doctoris, nullis imaginibus clari, impurissimo & petulanti ore dixerat; Non esse pennam, quæ faceret Nobilitatem, sed penem. Atqui sunt Itali literati: illi prisca ta-

ZZZZ

men,

I. 7. C. de postulando. Tiraq. d. 2. Nobil. cap. 5.

Nic. Reusner.

Aen. Silvius in Paral. Alfonsi. lib. 1. cap. 6.

Aen. Silvius in Paral. Alfonsi. lib. 4. cap. 19.

Alb. Gentil. de Nupt. lib. 4. cap. 13.

men, quibus tanquam Doctoribus nostris illam laudem ac gratitudinem debemus. Sed in hoc conventu, mi Laurenti, non quaeritur, qualis fuerit veneranda antiquitatis majestas & splendor; sed quæ hujus seculi & proximorum temporum sit doctrina & eruditio. Alioquin si ab Antiquitatis meritis hodiernam virtutem mutuari velimus: quid causæ fuerit, cur Græciæ illius, illius inquam Græciæ, omnium seculorum magistræ, & quasi eruditionis unice parentis, quæ immenso literarum ac scientiarum diluvio Asiam, Galliam, Hispaniam, Siciliam, & orbem universum, ætates omnes, inundavit, obliviscamur? Hodie tamen illa Græciæ præ Mauritania nomen Barbariæ habeat justius. Et Athenæ, quæ olim erant terrarum Palladium, templum disciplinarum, & commune quoddam sapientiæ oraculum; nunc sunt vicus, & paucula domus: licet & Arcadii atque Honorii tempore nil nisi mellis fere opifices illic egerint, bonâ omni arte in exilium pulsâ. Quod si verò veterum Italarum in rem literariam beneficium subtilius expendere, & veluti ad vivum resecare velimus, constat certè, illud sine pœnitentia ad nos non devenisse. Quis enim cum illis amorum triumviris Catullo, Tibullo, Propertio, & illo Veneris aquariolo Ovidio, sobriè philosophatur? Quis Ciceronem duabus sellis sæpe sedisse non observat? Quis è iure Romano litibus alimenta & vigorem dari non videt? siquidem nemo tam temere litigat, ut calumnia & iniquitati suæ ibi non inveniat prætextum & speciem.

D. Heinsius in Orat. de conjungend Græcorum lingua & disciplin. Just. Lips. in Lovanio. lib. 3. cap. 7.

Synefius Epist. 136.

Est Pasquier en son Pour-parler du Prince.

speciem: ut parum absit, quin credam, (amplio tamen) in Repub. nostra plus periculi esse ab Antecessore juris, ad omnes causas & casus legum auxilium intemperantiùs applicante, quàm à Doctore necessitatis, qui legibus caret. Si autem ad hodiernam Italiæ literaturam convertamus oculos; quot videbimus luctuosa ingeniorum funera? quot tristia inter funestos barbariæ scopulos apparebunt studiorum naufragia? In media Italia, in medio Latio, in media Magna Græcia, vix centesimum quemque reperias, qui Latine aut Græcè loqui sciat, aut literas amet: imò sunt, qui literas & literatos odio persequuntur, aut certè nullo favore prosequuntur. Fr. Philephus, quantus fuit ille? quis illâ ætate, quâ vixit, Græcè & Latine fuit doctior? & tamen Bononiæ tantâ ægrotate obiit nonagenario proximus, ut ad efferendum funus & cubiculi & coquina instrumenta venierint. Sed quis credat illud recitanti, nisi apud fide dignos auctores toties relatum inveniat; Aneam Silvium sive Pium II. Papam, cui literæ & Musæ omnem fortunam pepererunt, cum ad Pontificatum adscendisset, & gratulantium poetarum munuscula captantium (ad hosce enim ab eorum patre Homero devoluta est paupertatis hæreditas) carminibus esset salutatus, illorum omnium spes sordidissimè fefellisse, versiculis tenacitatis suæ indicibus redditus istis?

Pro numeris numeros à me sperate poetæ:
carmina quæ est animus reddere, non emere.

ZRRZ 2 cui

M. A. Muret. lib. 1. Epist. ad Sacrat.

P. Jovius in Elog. Fr. Phileph.

vide Fr. Philephum. in Epist. & H. Kirchner. in Cancellario. lib. 2. cap. 5.

cui tamen poetarum unus sordes & avaritiam extemporalis venâ sic exprobrâsse fertur non ineptè:

Pro numeris numeros tibi si fortuna dedisset:

non esset capit tanta corona tui.

Platina in vita
Pauli II.

Hujus Pii II. successor Paulus II, impiis molitionibus in literas etiam debacchatus est vehementius: qui, Platina teste, humanitatis studia ita oderat & contemnebat, ut ejus Studiosos uno nomine Hereticos appellaret: hanc ob rem Romanos adhortabatur, ne filios diutius in studiis literarum paterentur: satis esse, filegere & scribere didicissent. At quid ab illo homine proficisci potuisset in literas aut literatos benignum: cujus præcipuum studium fuerat, humanitate pulsâ pecunias corradere, emptione gemmarum & lapillorum pretiosorum Ecclesiæ ærarium exhaurire; quæstionibus, carcere, & cadibus in innocentes sævire; & in publico fastus & sumptuosissimæ pompæ ostentatione, dum vanitatis magister faciem quoque fucis concinnabat, applausum & admirationem à plebecula & exteris extorquere? Et quid de literatissimo, literarumque amatissimo Xysto IV. dicam? Ille quidem, quod Bibliothecam Vaticanam toto terrarum orbe celebrem, conquistis ex omni Europa libris, construxerit; quod certos proventus, unde custodes, & librarii Græci, Latini, & Hebraici menstrua salaria, quibus alii possent, haberent, libriq; emerentur, assignaverit, statuit memoriæ monumentum Pontifice Maximo maxime dignum: sed quod Theodoro Gazæ Thessalonicensi, acumine fertili-

Onuph. Panvini in Xysto IV.

fertilitateq; ingenii nemini secundo, qui Murate II. Turcarum Principe Græciam omnem victricibus armis quatiente in Italiam venerat, parem favorem non exhibuerit; fecit, ut & multo splendidissimâ priscæ laudis parte exciderit. Gaza enim, cum nobilissimas lucubrationes, in membranis eleganter exaratas, Xysto detulisset; neque tantum honorarii æris, quo librarii mercedem solveret, ab eo accepisset; indignatus subagreste Pontificis judicium, projectis in Tiberim duodecim, qui donatierant, pro tanto ingenii labore, aureis, unâ cum reliquis, quos in publicum edere cogitabat, commentariis; Effugere hinc lubet, inquit, postquam optimæ segetes in olfactu præpinguibus asinis fordescent: atq; ita in Bruttios ad sacerdotii sacram sedem contendit Gaza; ubi non multo post planè senex factus est. O Pontifices ad piscatorias casulas relegandos! O Romam etiam literarum ruinâ, & ignorantia artium jam infelicem! Quid enim antiquæ laudis et honoris, quid facundia, quid floris illa nunc habet, quem in veterum authorum monumentis tantopere admiramur? Quis ingenuam Angelotti Cardinalis confessionem non approbet; Romæ nullam scientiam, nullam doctrinam, in pretio ullo amplius esse? Nec Romæ tantum, mi Laurenti; sed in tota propemodum Italia, augustissima literarum purpura cecidit in lutum, sordibus conspurcatur, pedibus teritur. In Academiis Studiosi auditoria magis strepitu & cyclopis crocitantibus, quam animis hauriendi scientias avidis implent;

P. Jovius in Elog. Theod. Gazæ. Her. Kirchnerus d. l. ex Jo. Vvolffio.

H. Kirchnerus Orat. de fatalibus Acad. dissipationibus.

plent; Professores ex eminenti loco declamantes non tam audiunt, quam illorum loquentium vocem cachinni petulantia et tumultibus intercipiunt, atque eos de suggestu tantum non depellunt: Professores autem ipsi, boni publici & sanctae disciplinae incurosi, inter istas contumelias & turbas eunt ad quæstum et lucellum; per Symplegadas navigant Colchos, et aureum vellus. Quæ enim exercent graduum Scholasticorum mercimonia? Quis ignorat illud vulgatissimum; Nos accipimus pecuniam, & mittimus asinum in Germaniam? Quam ob causam, cum Italus quidam, Doctoris nomine superbiens, à Gregorio XIII (qui Pontifex, Hugo Boncompagnus antea dictus, juris utriusque doctrinæ fuit clarissimus, et Professor Bononiensis) beneficia quædam, ut vocant, peteret: Pontifex, dic mihi, ait, utrum Doctor sis, an Doctoratus: ad hoc pauca; ad illud verò plurima, quorum tu fortè nihil habes, requiruntur. Ambigo, Auditores, injustiorne fuerit Joannes VIII. Papa, qui in fraudem legitimorum heredum Carolo Calvo Imperium ingenti pretio vendidit; aut Calixtus III. Papa stultior, qui ἀποδεύσει Romanâ Edmundum Anglum, & Vincentium Hispanum in Sanctorum numerum retulit; cum Bessarion Cardinalis temeritate illâ offensus exclamaret; Novi hi Sancti de veteribus mihi dubium movent: aut Alexander VI. Papa avarior, qui indulgentiarum nundinationibus tantas corrasit opes, ut, cum filius ejus Caesar Borgia centum millia aureorum aleâ perdidisset, dixerit, Germanorum tantum hæc

Cicarella in vita Greg. XIII.

Casp. Ens Episcopid lib. I.

Regino Chron. lib. 2.

Phil. Mornæus in Hist. Papat.

hæc peccata sunt: quàm sint illi Italici honorum Academicorum lenones, quorum injustitiâ, stultitiâ, & avaritiâ fit, ut nullo dignorum & indignorum fere habito discrimine, amplissimæ literarum dignitates sic in permultos homines, quomodo denarius in cloacam cadat. Et si pessimam hanc Academicorum consuetudinem ad exemplum Pontificatus Romani introductam fuisse, verisimile est. Etenim cum Julius III. Pontif. Max. Montanum, quem voluptatis gratiâ ex infima egentium fœce domi educârat, Cardinalem creâisset, rogatio pro Cardinalium Collegio lata erat, ne pateretur ordinem clarissimum hominis sordidissimæ labe contemerari; quibus tamen Pontifex urbanè respondit; Et vos, quid tandem in me meritorum comperistis, quem Christianæ Reip. principem constitueretis? Quinetiam Leo X. Pont. Max. cum unis Comitibus iniustato cooptationis numero XXXI Cardinales creâisset, inter eos et Raphaelem Urbinate, clarissimum pictorem, cujus arte oppidò quàm delectabatur, nominaturus credebatur; ut hoc honore collato ingentem æris summam, quam illi ex pictura debebat, compensaret. Quade causa Raphael Bernardum Bibienæ Cardinalem, neptem suam in uxorem offerentem, novis morarum causis in dies allegatis, fertur suspensum detinuisse: sed Raphaelis mors satis immatura omnes ejus spes prævenit. Verum præter superiora, non levis momenti alia duo in literas peccata Italici Doctoribus objicio. Alterum Philologorum est quorundam; qui id unum quæsisse videntur, ut tenebris

Joan. Bodini de Republ. lib. 4. cap. 4. Thuan. Hist. lib. 6.

Alv. Gomec. de reb. gest. Ximen. lib. 7.

anti-

Vita Christo-
phori Longolii.

Just. Lips. Cent.
2. Epist. 57. ad J.
Doutam.

Scipio Gentil.
Comment. in E-
pistol. Pauli
ad Philimon.
cap. 18.

antiquitatum onerent stultissimam orationem, pravoq;
elegantiae studiores faciles obscurant. Petrus Bem-
bus in illa puerili fuit haeresi, (et is eadem inquinavit Chri-
stophorum Longolium, qui in consultoris sui gra-
tiam planè immutato priore studiorum genere, quin-
que annos continuos nullum alium autorem legebat, præter
unum Ciceronem.) ut religio ipsi esset scribere aut dice-
re aliud, quàm à Cicerone scriptum aut dictum. Hinc
Venetorum Senatus, illi sunt Patres conscripti: Duces
& Ducatus, illi sunt Reges & Regna: Reges Persa-
rum & Turcarum; sunt illi Reges Armeniae & Thra-
cum: Fides nostra, est illi Persuasio tantum: Excom-
municatio, est illi, aqua & igni interdictio: Peccata
morituro remittere, est illi, DEOS superos manesque
placare: falcones, sunt illi, aquilæ: verveces, sunt illi,
hirci genitalibus defectis. Et advertite Auditores,
inepti hominis impietatem cum pari stultitia conjun-
ctam. Is siquidem Epistolas omnes Pauli palam condem-
navit, easq; deflexo in contumeliam vocabulo Epistolac-
cias est ausus appellare; cum amico autor esset, ne illas
attingeret, vel si cepisset legere, de manibus abjiceret,
si elegantiam scribendi & eloquentiam adamaret. Atq;
ut cæteram carminum ejus obscenitatem taceam: quid
ejus epistolis ineptius, & quidem illis, quas Pontificis
maximi nomine, & de rebus maximis scripsit, & ad vi-
ros maximos? Mentiar ego cum Scipione Gentili, &
luam gravi poenâ, si vel unam mihi in tot illis volumini-
bus epistolam ostendant amatores ejus, quæ non insigni
aliquo

aliquo vitio Grammatico laboret, aut puerili aliqua
ineptiâ conspicua sit & demonstrabilis. Ne quid de
rebus ipsis atque sententiis dicam sapientiæ inanissi-
mis, & mirè languidis, & (repetendum est enim, quod
ejus proprium maxime est) ineptis. Quid verò faciam
Jacobus Sanazario optimo Poeta, pessimo Propheta?
Qui, cum de Christo Jesu tres libros sanè luculentos
scripserit, ne semel quidem Christum aut Jesum no-
minare ausus est: offensus, ut puto, parum Latinis
auribus tritis nominibus: sed hoc in verbis. Quale
autem illud est, & quantum ejusdem in eodem opere
peccatum etiam aliis notatum; quod sanctissimæ virgi-
ni Mariæ veteres de more Sibyllas in manibus ponit?
quod de rebus à Christo gerendis vaticinium prolaturus
non Esaiam, non Davidem, non veterem alium Pro-
phetam, sed Protheum ea canentem inducit in antro
Fordanis, quò ex marino suo domicilio fortè diverterat?
Ita etiam Pomponius Lætus, Romanæ linguae sicerat
unicè deditus, ut à Græca quoque refugeret, ne illam
suam Venerem alienâ consuetudine sceleraret. Al-
terum autem peccatum Jurisconsultorum & Theolo-
gorum est: de quorum tempestuoso & in omnem adu-
lationem properante stylo conquerendi causas habet
totus orbis Christianus longè plurimas & gravissimas:
cum illi non solum, & ferè soli, plenitudinem potesta-
tis, in fausto studio, libertatem & jura civium cata-
pultis monstrosarum opinionum conquassando, Prin-
cipibus nimis assentatoriè explicaverint; sed etiam
Aaaaa per

M. Crus. Annal.
Suev. p. 3. lib. 7.
cap. 8.

Duaren. in præ-
fat. de S. Ecclef-
minist. & benef.

Gædd. de con-
trah. stipul. cap.
6. n. 109. Fran-
cisc. Romanus
Quæst. Illust. ad
r. de judic. c. cle-
rici. post. 13. 14.

C. Molinæus in
Consilio super
facto Concil.
Trident. c. 98.

Jacob. Schult. in
addit. ad Mod.
Pistor. part. 3.
quæst. 127.

Jod. Damhou-
derius in sub-
basit. compend.
exeget. cap. 4.
xxv. 1 & 4.

per Jus Canonicum, ambitione magis quam necessitate
in lucem productum, (quod jus Cynus Pistoriensis ple-
num erroribus esse palam profiteri non erubuit: illudque
in scholis & curiis nostris retinemus haudquaquam
in gratiam Papæ Romani veluti ab ipso profectum;
sed quia jam usu & consuetudine nostrum est, uti
& studia Philosophica sunt, quorum contemplatio-
ne tamen Platoni, Aristoteli, Ciceroni, & cæte-
ris antesignanis minimè homagium aut obsequium
debemus.) fœdis exemplis legitimam Principum
auctoritatem, in gratiam Pontificum oppugnaverint,
atque populorum obsequium seditiosâ doctrinâ subin-
de perverterint. Fuerunt ex illis, qui abominabi-
lem spiritum, nisi perpetuis convitiis atque vanilo-
quiis inequitarent majestati Principum, ducere
non poterant: quibus caput votorum erat, Papam
Deum, Imperatorem autem & Principes omnes obli-
terata aut & damnata nomina facere posse. Atque
Canonistarum, quotquot sunt, concors est sententia,
Imperii vasallos criminis rebellionis & majestatis
haud esse reos, si pro Pontifice Romano adversus Im-
peratorem ipsum pugnent: nec Bartolus, qui tamen
Schurffio est veritatis magister, Menochio Jurecon-
sultorum signifer, Nattæ excellentissimus Doctor,
aliis juris lucerna, & cæcorum dux, speculum, & ve-
ritatis pater; quemque jurisperiti quidam pro numi-
ne colunt, ejusque scripta inter sacrorum vatum oracula
in larariis habent; Bartolus inquam, non discedit à Ca-
nonistis

nonistis in Extravag. Qui sunt rebelles. in verb. re-
bellando, col. 2. quanquam excusatum se haberi petit
in proœmio D. quod hæc in Papali ditione scripserit.
At per DEUM immortalem, quæ hæc est juris Divini
& humani perditio? quæ illorum veterum sacro-
rum Canonum, quos ut leges imitarentur Justinia-
nus voluit, est labefactatio? Potuissetne, si omnia
elementa in Reipubl. Christianæ perniciem quasi con-
jurassent, calamitas inferri major, quàm factum est
ab halophantis illis Canonistis? Male, malè cum re-
bus humanis actum est; ex quo Decretis alæ accesserunt:
sed pessimè, ex quo alæ illæ è suo nido in alienum
inclementius extravagatæ sunt. Res tamen, DE I
gratiâ, iterum bene habet: imposturas Pontificum sibi
omnipotentiam impiè adscribentium, & vanitatem
Pontificiorum in propria causa testimonium impu-
denter dicentium, jam vel pueri intelligunt, explo-
dunt, damnant. Ac licet Aula Romana omnibus
viribus & machinis enitatur, ut non modo libri Prin-
cipum jura defendentes conquirantur, exurantur, &
aboleantur; verum etiam, ut semper aliqui Bellarmini,
Marianæ, Baronii, & id genus emundæ naris atque
vedtigales scriptores prodeant, qui Monarchiam
Papalem totius mundi arbitram, calamo directo &
indirecto, ἐν αἰῶσι τοῖς ἀναιῶσι, adstruant, confirmant,
& propugnent; qui Manliana Pontificum in Prin-
cipes imperia atq; Hildebrandicam doctrinam, suâ vilo-
quentiâ suâ condiant: tamen in hodierna Evangelii

Fr. Duaren. de
Ecclef. minist.
ac Benefic. in
præf.

G. Valentiaus
Vvinther in
Parthenio Li-
tigioso lib. 1.
cap. 6. num. 15.

vide Torturam
Torturam.

vide de hoc ver-
bo Pasce Jf. Jac.
Cassan. in E-
pist. Dedicat. ad
Exercit. Baron.

Tilius Meld. E-
pisc. Morn. in
hist. Papat.

ad l. 12. C. de se-
& in. om. ju. Al-
beric. Gentil. de
hug. mxt. pag.
109.

luce nemo non sacris literis paulò liberaliùs tinctus, nec
difficulter animadvertit; veterem Romanam Eccle-
siam non ampliùs Romæ, hodiernam autem Regum no-
vercam, & Pontifices ipsos vitricos, eorumq; bullas
nullas, atque Brevia digna esse, quæ vel ad breviam, aut
ad piper abjiciantur. Loquar apertius, & omninò
Latine. Hildebrandicum imperium, directum & in-
directum, detestamur boni cives omnes; regni cælorum
claves Apostolis datas esse credimus; sed regni Roma-
norum, Hispanorum, Britannorum, Francorum, aut
aliarum gentium, non datas esse planè scimus: Petro
dictum fuisse, Pasce oves meas, novimus; sed illis tri-
bus verbis Petro, aut Papæ, potestate Principes &
Reges diris fulminibus (quibus plus detrimenti fidei
professoribus, et plus lucri fidei hostibus obvenit, quàm
ulli alia ex re) percutiendi, regnis et ditionibus exuen-
di, contra legem Evangelicam fœdera & vincula so-
cietatum, subditosque jurisjurandi religione solvendi,
aliena imperia transferendi & donandi, concessam
fuisse; id verissimè & constantissimè negamus; adeò-
que omnium stultissimos dicimus illos, qui disputant,
Vtrum Papæ tantum liceat. Vitio vertitur Baldo, qui
tradidit, judicem posse sententiam ferre Hebraicè,
Græcè, Latine; quia crucis Dominicæ inscriptio He-
braica, Græca, & Latina fuerit: sed longè vitiosius
inferunt Canonistæ, Papam possi Principem, quantum-
vis liberum & absolutam potestate præditum, ditionibus
suis ejicere; quia Christus dixerit Petro, pasce oves

MEAS;

MEAS: cum rectius sic concludere possent: Christus Pe-
tro dixit, Abi Satan; Tu non sapis ea, quæ Dei sunt;
sed ea, quæ hominum: Ergo Pontifex est Satan, nec
sapis ea, quæ Dei sunt, sed ea, quæ hominum. Itaque
simpliciter magis & ingenuè, quàm cautè, Paulus III.
cum de summa ipsius potestate aliquando inter fami-
liares mentio incideret, ridere illos solitus erat,
ut scholasticos & rerum rudes, qui à Christo eam
tam anxie repeterent; cujus se possessionem vel solam
optimum & firmissimum titulum habere dicebat, quam
viribus opibusque maximis, urbibus munitissimis, &
potentissimorum Principum sibi devinctorum auxilio
tueri ac defendere posset. Venit mihi hic in men-
tem, Auditores, de Ænea Silvio: is nondum Ponti-
fex sic judicabat de donatione Constantini: callidè id
provisum à Pontificibus, ut acris esset utrinque con-
troversia, valeretne donatio illa de jure, annon valeret;
quò sic semper talis donatio facta præsumi posset: attamen
ridiculos interim esse Legistas, qui quæ nunquam
fuisse facta, ea valeret necne, tanto opere disceptarent.
idem hic penitus locum habet: fervere enim scholas &
subsella quotidie de temporali hac Pontificis in Prin-
cipes potestate, quo jure illam & quomodo, directè an
indirectè habeat, detrimento Papæ esse non potest; quò
sic opinionem huius occasione corroboret, habere se eam
potestatem: sed non minis insaniunt Canonistæ et Theo-
logi, qui quam omninò ille non habeat, eam directè ne
habeat, an indirectè, sudant nitendo ut se expediant,

Aaaaa 3

nec

Matth. cap. 16.
v. 23.

Nobilis Floren-
tinus in præfat.
ad Paralipom.
F. Guicciardini.

Tortura. Tort.
Balb. de Coro-
natione. cap. 24.

L. Tabero Hist.
lib. 9.

P. Mornæus in
Hist. Pap. Joan.
de Serres in
Phil. 4.

Jo. de Mandevilla. P. Mornæus in Hist. Pap.

H. Conestag. de Portug. & Castel. conjunct.
lib. 3. Thuan. Hist. lib. 69.
* 79.

nec expediunt tamen. Hodie autem plerique Principes, cum excusso servili Paparum iugo in libertatem suam redierint veluti postliminio, atque tot seculorum tristi experientia didicerint, Papatum non religione et vitæ sanctimoniâ, sed scelerum immanitate, opum magnitudine, atque cum primis stultitiâ Christianorum Regum constare: inde dignitatis suæ custodes facti sunt tam vigilantes, ut ne tantillum quidem sibi eam imminui patiantur: non immemores, etiam Philippum Pulchrum Galliarum Regem Bonifacio VIII, Pontif. Max. regnum Franciæ Papalismi majestatis feudum falso asserenti, sic respondisse: Sciat tua maxima fatuitas, in temporalibus nos alicui non subesse: & Græcos Joanni XXII. Papæ plenitudinem potestatis in universam Ecclesiam sibi arroganti ita rescripsisse: Potentiam tuam summam circa tuos subditos firmiter credimus, superbiam tuam summam tolerare non possumus, avaritiam fatiare non valemus; Diabolus tecum, quia Dominus nobiscum. Quid? quod etiam Philippus II. Hispaniarum Rex, quo tamen nemo suæ ætatis Principum sedi Romanæ favit impensius, in causa Lusitanica Papæ iudicium repudiaverit. Cum enim Papa Gregorius XIII. primum A.C. 1579. per Philippum Segam suum oratorum apud Philippum Regem ageret, ac peteret, ut in negotio successionis regni Portugalliæ sibi rei componendæ arbitrium deferretur: gratum quidem in speciem sibi initio Pontificis officium esse simulabat Philippus, Joannis Silvæ consilio usus, & quousque cum Hen-

Henrico Portugalliæ Rege transigisset, variis prolationibus urgentem Segam ludificabatur, ubi verò cum Henrico transigisset, tum renudatâ voluntate, respondit: in tam justa ac clara causa, cum propensa Henrici in causæ suæ æquitate perspecta sit benevolentia, non opus esse, ut S. S. partes suas interponat. Suspecta quippe Philippo Regi erat Pontificis, ut & aliorum Principum in eo negotio voluntas, & præjudicium juri suo in præsens, regiæ majestati in posterum fieri existimabat prudentissimus Princeps, si de his rebus in Pontificem compromitteret, eoque exemplo illum regnorum arbitrum et quasi iudicem constitueret. At verò cum sequenti anno, prid. Cal. Febr. Henricus horâ & momento à se prædictis in deliquium incidisset, & eodem tempore Luna deliquium pati inciperet, quo deliquio Lunæ desinente et ipse in vivis esse desierit, quâ eadem horâ ante LXVIII annos, sicuti à curiosis observabatur, in lucem editus fuerat; Pontifex autem arbitraretur, Ph. Segæ ordinarii sui Oratoris auctoritatem parum antea apud Philippum Regem valuisse; placuit, ut Alexander Riarius Cardinalis lateralis legati titulo ad eum mitteretur. Huic in mandatis datum, ut si quâ ratione posset, Philippo deponendi arma, et se iudicio S. S. submitteendi consilium insinueret; id sinequiret impetrari, Riario subsidiariè mandatum erat, ut sibi ad Portugalliæ Ordines proficiscendi necessitatem à Pontifice impositam significaret. Sic enim iudicabat Pontifex, si Philippus acquiescere nollet, fore, ut saltem reverentiâ legati, quam-

quamdiu is in Lusitania esset, à bello gerendo abstineret; quò interea Antonius, novus Rex, turbatos suorum animos componere, & à vicinis Principibus Philippo ex æmulatione infestis auxiliares copias comparare posset, & sic Philippus æquatâ per eam moram æmuli potentiâ aleam prælii veritus S. S. arbitrium postremo subire cogeretur. Hac ita inter otiosos homines, & præceptâ de prudentia propria opinione credulos Romæ actitata fuerant. Verùm Philippi prudentia Romanos hosce astus susq; deq; habuit, & Riarrio, quem in Hispania summis passim à civitatibus delatis honoribus distentum, & post multas adfectatas moras serò ad colloquium toties & tantopere expetitum admiserat, tale responsum, multis quidem honorificis officiorum testificationibus exornatum, quasi sacrosanctam summi Pastoris majestatem maximè omnium revereretur, sed animosum & verè regium reddidit; ut legatus satis intelligeret, nullo casu regem cordatum, neq; tam jure suo quàm viribus confisum arma depositurum esse. Quapropter Cardinalis, omisâ omni rei conficiundæ spe, contrarium mandatum à Pontifice caussatus, Romam mox reversus est. Veneti autem tam parum fidunt Pontificibus, ut ob id Sacerdotes, quantumvis cives & patritios, à comitiis procul arceant; quò juratos credant nihil contra Romani Pontificis utilitatem facturos esse: contritumque est illud, quod ante suffragia cives in comitio acclamare solent: Fuora i Preti. Propterea Hermolaum Barbarum,

Jo. Rodin. de
Rep. lib. 3. c. 1.

h. e. exite foras
clerici.

rum, & Cardinalem Mulanum, exilio damnârunt, quòd cum legationem apud Pontifices Romanos obirent, in collegium Cardinalium cooptari se paterentur injussi. Durabit quoque ad posteros atrox memoria vulnerum, quibus illi Pontificum causam per latus Pauli V nuper adflixerunt. Quot enim volumina per orbem dissipata excusserunt Papatus vires, & hanc imperandi vanitatem deriserunt? nec ab iis quidem sparsa, quos religio iniquiores fecit, sed ab illis, qui sacrorum participes, tamen docent graviora sceptrâ esse, quàm ut illa inanes Scholastici suis argutiis moveant. Quid dicam de Germanis nostris Principibus? Pii IV ad Protestantes in Numburgi conventu literas, quas brevia vocant, Concilii causâ missas, cum hac inscriptione; Dilecto filio Nobili viro Duci, aut Comiti; eas omnes minimè resignatas illi in hospitium deferentium Legatorum remiserunt, cum hoc responso: nullam se Pontificis jurisdictionem agnoscere; neque etiam opus esse, ut Pontifici, quid suæ voluntatis sit in Concilii negotio, cujus indicendi aut habendi potestatem ipse non habeat, aperiant. Quare cum Pius V Francisco Comendono, suo in Comitibus Imperialibus Augustanis Legato, enixè injunxisset, ut si religionis causa in comitia deduceretur, ipse suo nomine publicè protestaretur, & Pontificem in cunctos, qui aderant, tam seculares quàm ecclesiasticos Principes divinæ censuræ gladium districturum interminaretur, & contra Casarem imprimis, quem & imperio ac regnis & ditionibus, suc-

Joh. Barclajus
in Satyr. part. 2.

Thuan. Hist.
lib. 27.

B b b b b

cessio-

Thuan. histor.
lib. 39.

Th. Zvinger.
Meth. Apod.
lib. 1. cap. 1. Jo.
Bod. de Rep.
lib. 1. cap. 9.

Ph. Mornæus
Hist. Papat.

Jacobus M. B.
Rex in confut.
mendac. Torti.
Autor. Torti.
P. Justinian. rer. Ve-
net. lib. 2. At
falsum hoc esse
docet Lehman.
Chron. Spir.
lib. 3. cap. 36.

cessionibus, & juribus, quæ in Hispania regnis ei com-
petebant, privaturus esset: minister hero suo pruden-
tior, qui veritus, ne eâ protestatione magis animi irri-
tarentur, ne secundis quidem mandatis paruit. Si ita-
que jam è sepulchris, vel inferis, Auditores, veniat in
nostram Germaniam aliquis Clemens V; qui Venetis
ab occupatam Ferrariam infestus, Francisco Dandulo-
eorum Legato aditum concedere noluit; tandem verò,
cum is quasi quadrupes catenâ collo appensâ ad pedes
ipsius Pontificis cœnantis provolveretur, pacem dedit:
aut potius aliquis Gregorius VII; qui Imp. Henrico IV.
regio cultu abjecto nudisq; pedibus asperrimâ hyeme Ca-
nusii sibi supplici factò, absolutionem & reconciliatio-
nem superbissimè tertium denegavit: aut etiam aliquis
Paschalis II; qui Imp. Henrici IV. filium patri cogno-
minem, & Imperii procures, ad parricidalem rebelli-
onem impulit; quâ factum, ut tandem miser ille pater
in signibus Imperialibus orbatus, Leodium in custodiam
missus, ac mœrore consumptus sit; odio etiam in defun-
cti cadaver jam sepultum grassante, quod effossum Leo-
dii per totum quinquennium honore sepulturæ caruit:
aut aliquis Alexander III; qui In p. Friderici I. cervi-
ces Venetiis calcasse fertur, illud Davidicum occinen-
do; Super aspidem & basiliscum ambulabis, & con-
culcabis leonem & draconem: aut si omnes illi, qui-
buscunque fuerint facinoribus famosi, fulminatores
atq; pacis publicæ perturbatores Papæ simul in patriam
nostram adveniant; fraudum, scelerum, atq; tyrannidis
sue

sue periculum facturi; An putatis nobis defuturos es-
se novos aliquot Dantes, Marfilios Patavinos, Petros
de Vineis, Occamos, Venericos, Vvaltramos, Anto-
nios à Rosellis, & Albericos Rosates, qui necessariis &
invidis rationibus demonstrent, Imperium à Papa non
pendere, Imperatorem ejus confirmatione non indi-
gere, qui contra sentiant, læsæ majestatis reos esse &
bona sua committere? An non existimatis, exori-
turos novos Ottones Vvitelspachios; qui, ut ille apud
Vesontionem Hadriani I V. Legatum, Imperium
Papæ beneficium esse stolidissimè contendentem, jam
jam stricto gladio confossurus esset, nisi ab Impera-
tore Friderico I. fuisset retractus, ita nunc isti Ro-
manorum alastorum injurias & fastum armis retun-
dant? An verò non estis certissimi, serenissimis Im-
perii Ordinibus non minus animi aut auctoritatis ho-
die esse, in majestate augustissimi Imperatoris MAT-
THIÆ tuenda, quàm olim fuit in dignitate Imp. Ludo-
vici Bavari, & totius Imperii, conservanda & stabi-
lienda; cum in pomario vici Rhenoſei, An. Chr. cId
CCCXXXVII, sexto die Julii, Electores hoc Senatus-
consultum conderent, quod altero anno post Francofur-
ti, octavo Augusti, admirando suffragiorum concentu
Imperator & universa Principum reliquorumque
procerum multitudo solemnè edicto sanxerunt &
comprobaverunt? Sacrosanctum Imperium sum-
ma in terris potestas, cœlestè donum est. Impera-
tor enim primus ante omnes, secundus post

Alb. de Rosate
in l. bene à Ze-
none. col. 6. n.
18. C de Quadr.
prescrip. Phil.
Mornæus histor.
Pap.

Nacler. vol. 2.
generat. 39.

Avent. Annal.
Bojor. lib. 7.
Chr. Lehman
Chron. Spir.
lib. 7. cap. 17.

DEUM est; per quem leges, jura, regna, humanæ genti largitur æterna majestas : & tam grande nomen à solo DEO traditur; cui soli ille Reip. administrandæ rationem reddendam habet. A Curiatis igitur Heptarchis rebus impositus, continuò more majorum atque jure gentium rex est & vocatur. Ipsum contra majestatem Reipub. decus Imperii, legatos ad sacerdotem Romanum, ut autor fiat, copiam administrandi concedat, mittere; eidem jurejurando fidem astringere; atque petere ab eo usum regii diadematis, religio est: nullum harum rerum jus omninò est pastori, qui servus ovium est, & in consecrando domino gregi servit. Quippe jure suffragiorum, beneficio Electorum atque populi, quisque imperat. Hæc verissima esse convenit inter omnes annalium, rerum humanarum divinarumque peritos, atque jam sæpius utriusque juris Cæsarei atque Pontificii, coelestis thesauri testimoniiis comprobatum est. Nonnulli quidem sanctuli præter fas contra naturæ legem docere non erubescunt; Pastoris beneficiarium esse Dominum, neque ante Principem Principum esse, aut nominari oportere, quàm ille servus servorum autor fiat, & dignum judicarit, qui regnet : sed hæc cum maxima Reipub. Christianæ perniciæ, intolerabili populi Christiani, Imperatoriæ majestatis jacturâ, nec sine gravissimo tetrarcharum, dynastarum, clientium Imperii detrimento, instigante Stygio Principe domino hujus mundi, commenta esse, eventus docet,

docet, exitus probat. Quare decernimus, & perpetuo sancimus edicto; nimirum ex solo electionis beneficio, omnem potestatem imperiumque proficisci : nec ullo pacto Pontificis Romani in hac re sanctimoniâ, flaminio, autoritate, consensu opus esse. Quicumque aliter docuerit, senserit, fecerit, crimine læsæ majestatis reus, hostis Reipub. atque proscriptus esto, capite poenas solvito, bona ejus publica sunt, prædia infiscentur. *O sapientissimos & magnanimos majores nostros! O patriæ amantissimos! libertatis retinentissimos! Reipub. & Imperii observantissimos! Credite verò, nec dubitate, mei Auditores; etiam hodie in Imperatoribus nostris vivunt & vigent majestas, virtus, & potestas priscorum Cæsarum. Illi Concilia universalia indixerunt; Constantinus magnus Nicenum, Constantinopolitanum Theodosius senior, Ephesinum Theodosius junior, Martianus Chalcedonense; quæ quidem quatuor Concilia sunt quasi quatuor Evangelia vel totidem Paradisi flumina: et alii Imperatores indixerunt alia: sed & nostris Imperatoribus eadem cura jam commissæ est. Illi Papas instituerunt; atq; Henricus III. Clementem II, Damasum II, Leonem IX, & Victorrem II, creavit; alii alios: sed & hoc nostri jure suo jam facere possint, si velint. Illi contumaciam & impietatem Paparum non rarò puniverunt; & Otto I. Joannem (qui in amorem Diabolivinum biberat) & Benedictum; Henricus III Benedictum, Silvestrum, Bbbbb 3 & Gre-*

e. canones cum
c. seq. Dist. 15.
Jacobus M.B.
Rex in Apolog.
pro juram. fide-
lit. Gu. Vvhit-
akerus de Con-
ciliis. Quæst. 2.
D. Gothofredus
in not. ad l. 7. §.
4. Cod. de sum.
Trinit.

Nachschlag. D.
Eigism. E. eldt
wider Paul. IV.
in dem. Punct.
Hugo Grotius
in Pietate Ord.
Holland.

Hat auffo Teu-
fels Gesundheit
geruncken.
Luitprand. Hi-
stor. lib. 6.

Baron. ad An.
1064. num. 28.

Goldastus tom.
1. Constit. Im-
perial. p. 50.

& Gregorium; Henricus V Paschalem; & alii alios, cum dedecore exautoraverunt: sed & nostris hodie licet idem. Prorsus uti Imperator Henricus IV Gregorium Hildebrandum, illum sanctum Satanam (sic enim vocabatur olim à Petro Damiano, monacho non vulgaris existimationis.) qui contra Apostolicam Petri & Pauli doctrinam abominabili scelere DEO & Regi honorem suffurabatur, ita compellat: Tu Hildebrande, non jam Apostolice, sed falsæ monachæ, descende; vendicatam tibi sedem Apostolicam relinque: alius in solium beati Petri ascendat, qui nullâ violentiam religione palliet, sed beati Petri sanam doctrinam doceat: Ego Henricus Rex DEI gratiâ, cum omnibus Episcopis nostris, tibi dicimus, Descende, Descende; sic hodie, si Religionis & Reipub. salus per Paparum flagitia & artes periclitetur, idem remedium Imperator noster adhibere potest, & dicere: Ego MATTHIAS DEI gratiâ Imperator Augustus, cum omnibus Imperii ordinibus, tibi Paule, aut Clemens, aut Leo, aut quicumque es, edico; quia boni Petri in te est nihil; quia tantum prædicari vis, non verò prædicare; quia CHRISTI gloriam impietate & illecebris mundi, religionem superstitione, Respublicas proditionibus ac rebellionibus polluis & conturbas; age de throno Pontificio descende ocyus, descende: sed tu, Balthafare Menzere, aut tu Matthia Hafenreffere, aut quicumque es orthodoxe, ascende quàm ocyssimè, & tandem Romanis purum sanctumque Christi Evangelium

lium, atque Apostolicam doctrinam sanam, nullis Papalibus sordibus inquinatam restitue, & interpretare.

Veruntamen non dicam crassus & intolerabilis error, sed fraus Canonistarum & totius illius adulatoriæ sectæ fuit Diabolica, quâ Germanos Religionis zelo in superstitionis decipulas jam prolapsos novis mendaciorum technis ac sutelis, de Papali Imperii in Germanos translatione, de juramento fidelitatis ab Imperatore Papæ præstando, de confirmatione, coronatione, & titulo Imperatoris, de administratione vacante Imperio; & hujus farinæ pluribus; irretire conati sunt. Clarum enim & meridiano sole lucidius est, Carolum Magnum triplici expeditione Italiam occupavisse, eo ordine, ut primam susciperet rogatu Adriani Pontificis contra Desiderium Regem Langobardorum, quem Papæ inclusum cepit, & totam Langobardiam sub jugum misit: alteram contra Argisum Ducem Beneventanum, quâ omnem ejus ditionem sibi subjecit, & propterea Advocatus S. Petri contra Langobardos, dein etiam Patritius Romanus electus est à Romanis: tertiam denique contra Romanos, ulturus injuriam Leoni III ab illis illatam, quâ, levi in Beneventanos excursionem factâ, Romam venit; ubi ipso die Domini natali à Leone coronatus est, cuncto Romanorum populo acclamante: Carolo Augusto à DEO coronato, magno, & pacifico, Imperatori Romanorum, vita & victoria. Ut ita populus Romanus auxilio destitutus omni,

H. Arnicaeus de
Translat. Imp.
n. 12. & 13.

Goldast. in Ra-
tional. Const.
tom. 1.

Goldast. in Re-
plic. pro Imp.
contra Gretser.
cap. 16.

Nathschlag. D.
Eigfin. Seld.
den contr. Paul.
IV. H. Arnif. de
Translat. Imp.
num. 34. & 35.

Seldius d. l.
Gerl. Buxtorff.
Disp. in Aur.
Bull. th. 8. lit.
c. & th. 29 lit. g.

omni, cum hinc seditionibus intestinis ac civilibus, il-
linc finitimorum populationibus atq; injuriis premere-
tur, Constantinopolitanorum Imperatorum ignavia
desidiaq; interim etiam hæresi, permotus, primo Ex-
archorum Vicariatum Imperialem, tum deniq; ipsa Im-
peratorum jura, in quos Lege Regiâ olim ea contulerat,
tanquam commissâ sibi asseruerit & vindicaverit, in
Germanosq; eâdem Lege Regiâ transmiserit. Neque
etiam juramentum, quod præstat Imperator Papæ, est
fidelitatis: id quod Henricus Luzelburgicus, convoca-
tis tabellionibus, publicè negavit se fecisse, testatus nul-
li mortalium ad fidelitatem se obligatum esse, nec in fi-
delitatem cujusquam jurasse: sed jurat Imperator
Pontifici & Ecclesiæ tantum protectionem, procura-
tionem, & defensionem: quemadmodum Domini va-
sallis, Principes subditis, jurejurando sæpe promittere
solent. Sic Coronatio Pontificis non magis operatur
quicquam ad amplitudinem Imperatori conciliandam;
quàm Archiepiscopi Coloniensis, aut cujuslibet alterius
Episcopi facta consecratio: ac licet antiquitus Impe-
ratores non nisi à die coronationis Pontificiæ, annorum
Imperii dinumerationem inciperent, singulari quâ-
dam erga Sedem Apostolicam reverentiâ inducti: id
tamen jamdudum in desuetudinem abiit; & uti ante
introducâ istam consuetudinem semper licuit Impe-
ratoribus, ita & inductâ jam illâ licet, atq; in posterum
semper licebit, post electionem & Germanicam coro-
nationem se IMPERATORES nominare & scribere. Et

*Hic liber meus Solis & Deus quis illi quot
quærit*

quot fuere Imperatores, quibus à Papâ corona nulla
est imposita? Quot fuere, qui solennes illas ceremonias
penitus neglexerunt? Henricus Auceps, invitatus à
Pontifice, ad coronam Imperii suscipiendam, respon-
dit, Sibi sufficere, quòd ex gratiâ Dei sit Rex Romano-
rum, & quòd Germaniam ab infidelium incursione
defendat. Et Rudolfus I. Principibus ad Italicum
iter adhortantibus, Imperatoriè: Multos Alemanno-
rum Reges Italia consumpsit: non ibo Romam. Rex
sum, Imperator sum: nec minùs pro utilitate Reip.
acturum me confido, quàm si Romæ fuisset corona-
tus. Sic etiam in eo Canonistas falsi arguimus, quòd per
vacationem Imperii jus ad Papam devolvi vanissimè
nugantur: cum longâ & approbatâ consuetudine,
vacante Imperio jus administrandi Palatino & Saxo-
ni Electoribus competat; & nuper Paulus IV. magis
fuerit ridiculus, quàm formidolosus, cum Imperatori
Ferdinando I. fatuum silicernium ineptissimis quæsti-
unculis obstreperet; Principibus & Ordinibus Impe-
rii canones Carafficos, & purpuratos illos Canonistas
parle droict du canon confutare tunc promptissimis;
si Imperator nutu tantum operam illorum postulasset.
Sed quemadmodum serpentes venenum suum retinent
quocunque anni tempore, etsi non semper exserere pos-
sunt: ita Pontifices suam pravitatem: quæ tamen cum
interitu ipsorum aliquando erumpet non aliter, quàm
cum Joanni Baptistæ Concordiæ Episcopo, Pontifi-
cio ad Venetos legato, retentus in convivio Ducali

Archidiacono
& Seldus
d. l.

M. Cruf. Annal.
Suev. p. 3. lib. 3.
cap. 1. ex Trith.

Joan. Bodin. de
Repub. lib. 1.
cap. 9.

Th. Zvvinger.
Meth. Apodem.
lib. 3. cap. 19.

Ccccc

ventris

ventris status lethalem contraxit morbum, & Ferraria postea animam elisit. Quod si verò quis ista Pontificum indignitate exacerbat, accuset nimiam Principum indulgentiam, an dementiam; qui illos tantis, nec ab homine expetendis honoribus olim auxerunt, & paulò infra DEUM adoraverant; nihil aliud obtinere possum, quàm Religionis observantiam, cui majorum pietas tantum detulit, ut etiam sacrorum antistites ac interpretes post DEUM exquisitissimè colendos esse censuerit. Ita sit, ut Imperatore non Papa tantum, sed quilibet loci Episcopus & parochus in foro conscientiae, ut loquantur, sit superior: sed & extra illius fori causas scimus, Monachos Capucinos maximis Principibus dexteris incedere: at qui inde velit argutari, Papam, Episcopum, parochum, & illos monachos potestate & auctoritate esse supra Principes, is nihil aceti in pectore habiturus, nec rationibus, sed baculis convincendus sit. Equidem Pontificii fastus proxenetæ, & qui illum osculandorum pedum ritum, quo non nisi per reptato de geniculis cubiculo, osculoque pedibus Papæ admoto, nemo ad illius colloquium admittitur, Religionis suæ faciunt characterem, etiam Ambrosium, divinum virum, in patrocinium trahere audent. Sublimitas Episcopalis, inquit sanctus Episcopus, nullis poterit comparationibus adæquari. Si Regum fulgori compares, & Principum diademati, longè erit inferiùs, quàm si plumbi metallum ad auri fulgorem compares. Quippe cum videas Re-

Math. 23. 2. E. 16. 2.

Vide Jacobum Cappelhum de Sedis Rom. potest. lib. 1. c. 24.

Ambros. de dignit. Sacerdot. 6. 2.

gum

gum colla & Principum submitti genibus Sacerdotum, & exosculatis eorum dexteris, orationibus eorum credant se communiri. Locus est illustris; sed quo turpiter abutuntur lupæ Romanæ lustra. Afferit aureus Doctor, Episcopatum vel regno esse potiore. Quidni? Cum etiam Christianum esse majus sit, quàm Regem esse. Quis enim verè Christianus dignitatem suam cum Neronis diadematate commutatam velit? Non tamen Ambrosius dixit, se potiore esse Theodosio; neque certè dicere debuit. Nam Theodosius & Christianus fuit, & Pastor, & Sacerdos, ac insuper Imperator. Reges quippe Pastores dicuntur, & à sacris & ab exoticis scriptoribus. Imò quivis Christianus, quàm talis, etiam Sacerdos est, atque adeò Rex: cum omnes sint, divi Petri verbo, regale Sacerdotium, gens Sancta, populus acquisitionis. Rex autem verè Christianus etiam Episcoporum suorum Episcopus esse debet. At in Synaxin sacram non ingreditur Rex, quàm est Rex, sed quàm est Christianus; nec ut pastor, sed ut ovis: idque ut testetur, de geniculis adoratur & inferiore loco, Pastor stans & de umbone. In hoc actu vel Diaconus, ut Rege, sic Episcopo major est: quia tum & Episcopus non Episcopum agit, sed ovem. Quamobrem tunc quoque ut Regis, sic Episcoporum colla genibus orantibus Diaconi sunt inferiora. Ne tamen quid diffitear; ille Ambrosianus locus modestiam

CCCC 2 nec,

nec seculum sapit magni Ambrosii; & illa inter Episcopum & Regem comparatio vitio non caret. Si enim Theodosius Ambrosium eo nomine culpae voluisset, quem vindicem laudare potuisset? quem Martyrem? quem Apostolum? quem Prophetam? quem Doctorem intra mille & octingentos annos, qui fluxerunt ab Aaronis obitu ad Ambrosium usque? Contra, tam Novi quam Veteris Testamenti tabula Regiam dignitatem passim anteponunt Sacerdotali; postponunt nunquam. Et praeclare annotatum à Talmudicis est, quanto maior omnibus & Prophetis & Pontificibus Rex fuerit. Nos id obiter ex Rabbi Mose Maimonide Aegypto, (qui scriptor maximus fuit quodam & sorte nascendi primus solusque in gente Talmudica rectè intellexit, quid hoc sit, non ineptire.) referemus; cuius verba sententiam ferme habent ejusmodi, interprete eruditissimo Petro Cunæo: Sancitum fuit, uti Pontifex maximus Regem veneretur, & locum illi suum ad sedendum cederet, atque ipse staret, si quando veniret ad eum Rex. At e contra, Rex non stat praesente Pontifice, nisi cum consulit solenni ritu oraculum Vrim. Præterea tanta Regis dignitas est, uti vel ipse vates, quoties ei adest, in terram humiliter se submittat. Quippe scriptum est: Nathanem Prophetam venisse coram Rege, & specie honoris prono ore procubuisse in humum. Sed quorsum me Canonistarum intemperies abripuit? Quorsum Vaticanus Jupiter me seduxit, Auditores? Regredior cum Marcello II Pontifice,

Petr. Cunæus
de Rep. Hebraeor.
lib. 1. c. 2.
& cap. 14.

Rabbi Moses
Ben-Maimon
in Halacha Me-
lachim, cap. 2.

tifice, Cardinalis Bellarmini avunculo, viro rarè eruditione, prudentiâ, & sanctitate vitæ antiquis comparando; qui aliquando, cum ei anagnostes in memoriam revocasset Hadriani IV. verba, quibus miseram Pontificum Romanorum conditionem deplorabat, mensam manu percussâ subjecit; Non videre se, quomodo, qui fastigium hoc altissimum tenerent, salutis suæ consulere possent.

Onuphr. in
Marcello II.
Thuan. Hist.
lib. II.

Nunquid igitur, Laurenti, Nobilitatem, & summum Italiae decus in armis & virtute bellica jam quaerere juvat? Sed ne sic quidem laurum invenies, mi Laurenti. Bene poeta, nescio quis:

Roma fuit quondam terræ Regina marisque:
at nunc nec terras, nec mare Roma regit.

Laudem tamen militarem veteri Romæ non subtrahō: & tot scriptores pro illa loquuntur. Etsi, ut verum fatear, justitiam belli interdum frustra investigo; & felix scelus, non rarò virtutem, nec sine advocato fuisse, animadverto. Quomodo enim populus Romanus sociis defendendis terrarum omnium potitus sit, ut Cicero vult: nisi socios violatis foederibus in subditorum conditionem dejecisset? Nonne Mithridates conquiritur, Romanos arma in omnes habere, in eos acerrima, quibus victis spolia maxima sunt; atque unam & veterem bellandi causam esse, cupidinem profundam imperii & divitiarum? Nonne Galgacus etiam illos vocat Orbis raptōres, si locuples sit hostis, avaros; si pauper, ambitiosos; quos non Oriens, non Occidens

Th. Stapleton.
Adm. R. E. lib.
II, cap. 50.

in Epistola ad
Regem Ar-
cem.

Tacit. in Jul.
Agricola.

fatiaverit? *Qui tamen universa bellorum Italiae fortunam, & tot populos in eam effusos meminerit: facile & hoc colliget, Italiam saepius victam, quam victricem fuisse: cum sustinuerit partim ut hospites & novos ci-*

Leand. Alb. in
descript. Ital. P.
Merula Cosmo-
graph. p. 2. lib.
4. cap. 1.

*ves, partim ut hostes & victores, Oenotros, Aborigi-
nes, Lydos, Auruncos, Pelasgos, Aufones, Arcades,
Græcos, Trojanos, Venetos, Ligures, Ardeates, Rutu-
los, Siculos, Japyges, Lacedæmonios, Salentinos, Gal-
los, Pœnos, Herulos, Gothos, Hunnos, Hungaros,
Gepidas, Turingos, Avars, Langobardos, Sarracē-
nos, Cimbros, Teutones, Francos, Suevos, Vascones,
Helvetios, Germanos, Hispanos, & quos non? Imò*

Lucan. lib. 2.

*Ipsa caput mundi, bellorum maxima merces,
Roma capi facilis.*

*Et ostendit Historia; illam sexies à Visigothis, Ostro-
gothis, Herulis, Vandalis, Hunnis, Langobardis, intra
centum & quadraginta annorum decursum, expugna-
tam, mœnia convulsa, castella dejecta, ædificia combu-
sta, Nobiles captos, plebem spoliata et relegata, ur-
bem denique ipsam longo tempore desertam fuisse.*

*Quinetiam vetus illa Romanorum potentia, magna
quidem sed alienis, non suis viribus suffulta, & nihil va-
lidum in Romanis exercitibus fuit, nisi externum.*

Tacitus.

*Quod ne cui videatur falsi simile; unica Britannia,
quantas copias totus Orbis suppeditavit Romanis, argu-
mento sit. Nam præter eas, quas Maximus ille, Impe-
rii invasor, & ultimus Constantinus abduxerunt, ex
inscriptionibus antiquis & Notitia provinciarum pa-
tet,*

*tet, istas, quas dicam, militasse Romanis dispersas per
provincias, quæ continuò ex Britannia suppletæ: nem-
pe Ala Britannica milliaria: Ala IIII. Britonum in
Ægypto: Cohors Prima Aelia Britonum: Cohors
III. Britonum: Cohors VII. Britonum: Cohors
XXVI. Britonum in Armeniâ: Britanniciani sub
Magistro peditum: Inviçti juniores Britanniciani:
Excultores juniores Britanniciani: Britones cum
Magistro Equitum Galliarum: Inviçti juniores Bri-
tones intra Hispanias: Britones seniores in Illyrico.
Hodie autem Italia est imbellis, effœminata, inermis, &
violati orbis pœnas, necdum expiata, luit ut cum maxi-
mè: quam tanquam omnium avium cadaver, aut potius
tanquam dubiæ possessionis in medio positum solum,
prout quisque viribus invaluit, trahunt, vexant,
lacerant, vastant Principes Europæi: eique accidere
solet, ut quicumque illam armatus fere attigerit, sine
ullo certamine in potestatem suam redigat. Qua-
propter Imperatori Carolo V. Ferdinandus Gonzaga,
licet Italus, persuasit; ne ad obsidionem Metensem
ex Italis militem conscriberet, quem sciret inquietum,
et dicto minus audientem esse, nec ad Gallorum alacri-
tatem consistere. Ita cum in Senensi bello Car-
dinalis Ferrariensis Petro Strozio offerret pecu-
nias, ad colligendum exercitum Italicum, quo res
afflictas Senensium & obsidione fractas suppetiarum
solatio erigeret: Strozzius Italis militibus solis, qui-
cunque & quantocunque tandem illi numero essent,
fidere*

Vide Notitiam
Imperii: & ibi
G. Pancir. Guil.
Cambdenum in
descript. Britan-
niæ de Roman.
pag. 60.

L. Tubero hist.
lib. 7.

Gio. Batt. Adria-
ni hist. lib. 4.

& lib. 12.

Nic. Macchia-
vell. Disp. lib. 2.
cap. 17.

F. Guicciard.
Hist. lib. 8.

S. P. Q. R.

L. Tubero. Hi-
stor. lib. 9.

Johan Bodin, de
Rep. lib. 5 cap. 5.

Tubero. d. 1.

fiderenoluit. Et quicquid tu, Laurenti, de fortitudine declames Italorum, & nominatim Hetruscorum: Nicolaus Macchiavellus Florentinus, experientia confirmatum esse ait, Italos in defensione urbium violentos Germanorum illos insultus ferre non posse. Sed videsis mihi quoque, non copias Pontificias, quæ trito vulgi proverbio militiæ dedecus sunt; non Romanos ipsos, in quos illam quadratarum literarum præscriptionem, quibus olim Senatus Populus Que Romanus indicabatur, nunc quidam sic efferunt satis aculeatè; Sono Poltroni Questi Romani; hoc est, Romani hodierni sunt nequam & ignavi; sed contuere Venetos illos sagatos, quos Turcæ non hostem, sed prædam habent, & quos Bodinus bestiis imbellibus, quibus naturabilem ademit, ut cervis & columbis, aut quas omnino exarmavit, ut leporibus, non illepidè comparat. In bello quidem, quod cum Imperatore Maximiliano, Ludovico XII. Gallorum Rege, et cæteris fœderatis gesserunt illi, cum ad Abduam à Gallis magnâ cæde profligati essent, Liviano eorum Imperatore capto, animadvertunt alii Itali, qui prælio interfuerant, aciem Venetorum prorsus incrimem & sine dextris, at neminem non Gallorum centimanum fuisse: & Bajazethes Turcarum Princeps Gallos appellabat fortunatos, quod opificem hostem, ad fugam planè quàm ad pugnam aptiorem, nacti essent. Equidem Patres illi, tantum tibi, Laurenti, & supra aliorum sapientiam longè altum sapere visi, in ea novercantis fortunæ tempestate nihil con-

F. Guicciard.
Hist. lib. 8.

F. Guicciard.
d. 1.

constantia, nihil animi, tunc habuisse deprehensi sunt; fatalique deteriorum consiliorum amore, omnia mascula defensionis remedia spernendo, ignaviam, timorem, & rapinas suas apud Imperatorem Maximilianum turpissimâ legatione prodiderunt. Agite verò, tu Præses inclyte, vos Principes alii, vos mei collega, & Auditores omnes, audite quæso Legatum ipsum, Antonium Justinianum, Auditorio digna atque nationi nostræ perhonorifica locuturum. Ille verò ad Cæsaris conspectum in publico confessu admissus, miserè atque submissè admodum in hanc sententiam verba fecisse scribitur: Veteres Philosophos, atque summos illis temporibus viros, invictissime Cæsar, cum eam gloriam, quæ ex sui ipsius victoria comparatur, veram, firmam, æternam, immortalemque esse affirmarunt, eamque supra omnia regna, trophæa, atque triumphos extulerunt, minimè errasse manifestum certumque est. Hæc Scipioni majori tot victoriis claro, majorem splendorem, quàm Africa devicta & Carthago domita dedit. Nonne hæc eadem res magnum illum Macedonem immortalitate donavit? cum Darius maximo prælio ab illo victus, deos immortales, ut regnum suum stabilirent, precatus est: quod si secus statuissent, se non alium successorem, quàm tam benignum hostem, tam mansuetum victorem ab illis petere. Cæsar ille Dictator, à quo Cæsaris cognomentum habes, & cujus fortunam, liberalitatem, magnificentiam, aliasque virtutes ob-

Ddddd tines;

tines; nonne concedendo, remittendo, condonando, qui in Deorum numerum referretur, dignus est iudicatus? Denique Senatus populusque Romanus, ille mundi domitor, cuius imperium in te solo est, cuiusque amplitudo & majestas in te conspicitur, nonne plures populos atque provincias, clementiâ, æquitate, & mansuetudine, quàm bello armisque imperio suo subjecit? Quæ cum ita sint, minimè inter postremas laudes id tibi adscribetur, Cæsar; si cum victoriam adversus Venetos in potestate tua habeas, quàm humanæ res caducæ sint memor, eâ moderatè uti noveris, magis ad pacis studia, quàm ad dubios belli eventus propensus. Quanta enim rerum humanarum inconstantia sit, quàm incerti casus, quàm dubius, varius, fallax, obnoxiusque periculis sit mortalium status, externis priscisque exemplis ostendere non est opus: satis superque Veneta Respublica docet: quæ paulò antè florens, splendens, clara, atque ita potens erat, ut ejus nomen & fama non jam Europæ finibus contineretur, sed egregiâ pompâ Africam, Asiamque percurreret: atque in extremis orbis terræ terminis magno cum plausu resonaret: hæc eadem nunc unico eoque levi adverso prælio rerum gestarum gloriâ orbata, opibus spoliata, lacerata, conculcata, atque eversa, omnium rerum, ac præsertim consilii egens, ita corrui, ut omnis pristinæ virtutis imago consenuerit, omnisque armorum ardor deferbuerit. Sed falluntur procul dubio, falluntur Galli, si hæc propriæ virtuti tribuunt.

Ante-

Ante hac enim Veneti gravioribus incommodis agitati, maximis detrimentis cladibusque perculsi atque attriti, nunquam animum abjecerunt, netum quidem, quum ingenti periculo cum sævissimo Turcarum tyranno multos annos bella gesserunt: imò semper ex victis victores facti sunt: idem & nunc sperassent, nisi majestatis tuæ tremendo nomine, copiarumque tuarum vividâ invictæque virtute audita, ita omnium animi concidissent, ut nulla non modò vincendi, sed ne obsistendi quidem nobis spes relicta fuerit. Quocirca armis abjectis, in majestatis tuæ incredibili clementia, vel potius divina pietate spem omnem locavimus; quam nos nostris rebus perditis inventuros minimè diffidimus. Itaque Principis, Senatus, populi; Veneti nomine, humili devotione supplices oramus, obtestamur, atque obsecramus, ut clementiæ tuæ oculis res nostras afflictas respicere digneris, iisque salutarem medicinam afferre. Omnes pacis leges, quas tu nobis imposueris, amplectemur: omnes justas, honestas, & ab æquitate rationeque minimè alienas ducemus. Sed fortasse, qui nobis ipsis mulctam imponamus, digni sumus. Ad te verum & legitimum Principem omnia, quæcunque majores nostri sacro Imperio & Austriæ Ducatui ademerunt, redeant: quibus, ut decentius veniant, omnia quæcunque in continenti possidemus adjungimus; quarum rerum juribus quocunque modo partis cedimus. Præterea quotannis tuæ majestati & legitimis imperii successoribus

Dddd 2 ribus

ribus in perpetuum quingenta auri pondo tributominine pendemus: imperiis, decretis, legibus, præceptisq; tuis libenter obtemperabimus. Defende nos, quæso, ab illorum, cum quibus paulò antè arma nostra conjunximus, insolentia: quos nunc sevissimos hostes experimur: qui nihil aliud expetunt, quàm Veneti nominis interitum. Tuâ istâ clementiâ conservati, te urbis nostræ parentem, genitorem, conditoremq; appellabimus: ingentia beneficia tua in annales referemus: liberis nostris perpetuò memorabimus. Nec verò parva hæc erit ad tuas laudes accessio; te primum esse, ad cuius pedes Veneta Respubl. supplex se humi prosternat, cui cervices supponat, quem velut DEUM cœlo delapsum colat, revereatur, observet. Si DEUS Opt. Max. eam mentem majoribus nostris dedisset, ut res aliorum attingere non studuissent, jam nostra respublica gloriæ plena reliquas Europæ civitates longè superaret: quæ nunc in squalore, sordibus & foetore languescens, ignominiâ, probroque deformis, ludibrio atque contumeliâ referta, unico momento omnium victoriarum laudem amisit. Sed ut unde incepit, eò mea revertatur oratio: in tua potestate est, Cæsar, Venetis tuis ignoscendo & condonando, nomen laudemq; comparare, quàm nemo unquam vincendo majorem splendidioremque adeptus est. Hoc monumentum nulla vetustas, nulla antiquitas, nullus temporum cursus ex mortalium mentibus delebit: sed omnia secula te pium, clementem, omnium Principum gloriosissimum appel-

appellabunt, prædicabunt, confitebuntur: nos tui Veneti, quòd vivemus, quòd auras cœlestes carpeamus, quòd hominum commercio fruamur, id omne tuæ virtuti, felicitati, clementiæque tribuamus. *Ecquis unquam populus, Auditores, vilius se abjecit? Ecquam gentem terror naturali constantiâ turpius exarmavit unquam? O Maximiliane, Maximiliane! Memoria tua mihi magna, augusta, & sancta est: sanctior tamen, augustior, & major futura, si illustri tot nobilium civitatum & terrarum ad Romanum Imperium lucrosâ accessione Venetis pacem dare voluisses. Sed præponderabat odium commune; quo urbs Veneta sic arsit, ut nemo fere Principum Christianorum tunc adeò mitis fuerit ingenii, quin illam æquè ac publicam Nobilitatis pestem, fraudum ac insidiarum nidum, exscindendam censuerit. Nampassim audiebantur depredationes, invasiones, injustæque possessiones Venetorum.*

Lud. Tubero,
Histor. lib. 9.

Proscriptio Imper. Max. in Venetos Vvormatiæ in Comitibus.
An. Chr. 1509.

Jos. Scaliger.

queis summa laus sit, possidere de rapto;
peculium fecisse de malo, virtus:

ac si idè Venetiæ in mari sitæ essent, ut undique magnas urbes piscarentur. Nec enim videbantur Veneti magnopere curare juris titulos; satis tui ac justi, si possiderent. Qua de causa cum Ludovici XII Galliarum Regis præco venisset Venetias, ut bellum Reip. denunciaret, admissus in curiam coram Duce totoq; Senatu in hæc verba locutus est: Bellum, Lauredane Venetorum Dux, cæteri; hujus urbis cives, Ludovicus Gal-

Pet. Bembo historiæ Venet. l. 7.

Sebast. Monticulus de patr. potest. ad verba Jus autem. Marq. Freher. Commentar. ad Otton. Donat. in præfat.

Jac. Cappellus de Sed. Rom. p. 1. c. 15.

An. Chr. 1513. die 7. Octob.

Iorum Rex indicere me vobis jussit tanquam infidis hominibus, Pontificisq; Max. & reliquorum Regum oppida per vim perq; injuriam capta possidentibus, omniumq; omnia dolo malo sub vestram ditionem rapere atq; redigere festinantibus: ipse ad vos armatus ea repetiturus venit. *Et Hieronymus Donatus Reip. Venetæ nomine apud Alexandrum VI legatus, incertum quâ sermonis occasione per jocum queritanti Pontifici, quibus tandem titulis urbs Veneta possessionem maris Hadriatici tueretur? extemporali responso questionem solvit: Ostendat mihi vestra Sanctitas, ait, instrumentum Donationis Constantinianæ; apparebit, id opistographum, & versâ paginâ Venetorum privilegium atq; jus in mare Hadriaticum exhibiturum esse. Sed tam Constantini illa fabulosa donatio, (quam aliter referunt editiones Latine, aliter Græcæ: et inter Latinas aliter Gratianus, aliter Isidorus Mercator, aliter Conciliorum collectiones Colonienses; inter Græcas, aliter Balsamon, aliter Marquardus Freherus eam refert, aliter Julius Cæsar Bulengerus) quàm Venetorum in plerasque ditionis suæ provincias tituli sunt paleæ; quæ nihilominus multum grani, illa Ecclesiæ Romanæ, isti Venetis attulerunt.* Ferdinandi Davali Piscarii judicium de Venetorum militia silentio involvere non possum. Cum enim ipso duce, superiori seculo Cæsariani in agro Vicentino profligassent Venetos, qui vix primum impetum Germanorum & Hispanorum experti, foedissimè projectis hastis, priusquam ad hostem

hostem pervenirent, in fugam & ad certam cædem se effundebant: ille in ipsa victoriæ gratulatione Veneti militis ignaviam detestatus, palam dixit; se plurimum dolere, quod terræ Italiæ, quæ tam imbelles ferret milites, à majoribus suis esset insertus. *Iccirco Italos despiciens, cum illis, & uxore Victoria, non nisi Hispanicè, fastiditopatrio sermone, loquebatur. Caterum Itali plerique, cum militari gloriâ aliis nationibus equiparandi non sint; vindictæ tamen cupiditate, & barbarâ truculentia, omnibus hostibus multò sunt immaniores, & planè exsecrandi: & cum non possint fortiter, agunt saltem fraudulenter, perfidè, nequiter, crudelissimè. Florentini non milites, sed venefici; non viri, sed fœminæ; non homines, sed aspides sunt; non gladiis, sed veneno pugnant. Optimus Imp. Henricus VII proficiscitur in Italiam cum Germanis suis, requirit Florentinos, ut sibi & universo Comitatu Cæsareo in urbe hospitium parent: sed respondent perduelles, Tantum Principem imprudenter agere, qui barbaros (ecce insolentiam & typhum ad versum nostros Germanos!) in Italiam ducere conetur, quam ipse Imperii causâ à barbaris tueri deberet: nec uno crimine contenti, Bernardum Dominicanum monachum subornant, qui hostiâ veneno illitâ Imperatorem ad Bonconventum nefariè interemit. O portenta! O scelera! O Cerbeream impietatem! Sed in Ladislaum Ungariæ & Neapolis Regem Florentini quales! Libidinosissimus ille urbem eorum obsidebat arctissimè; & jam*

Paul. Jovius in vit. F. Davali Piscar. lib. 1.

Platina in Clemente V.

Philipp. Moræus in Hist. Papatus. Lehman Chron. Spir. lib. 7. cap. 10.

jam sic presserat, ut deditiois leges esset præscripturus; omni tamen eos metu, atq; obsidione etiam liberat, hâc conditione, ut sibi tradant virginem quandam, quam pulchritudine omnibus aliis superiorem esse acceperat. Non abnuunt Florentini, pudicitia hostes: sed non sine dolo malo. Virginis enim pater, Medicus illo tempore magni nominis, tam turpi necessitate expugnatus, dat filia sudariolum odore & artificio elaboratissimum, quo novum amantem in primo congressu demulceret. Et ita nova Venus ad Martem suum egreditur; cui amore deflagranti cum se permetteret, ex mandato domestico incalcentis carnes sudariolo perfricat; quare venenum in utriusque corpus cā penetravit vehementiā, ut mox inter mutuos amplexus ambo expirarent. Et si verò Florentini hoc strategemate se metu, & Italiam tyrannide liberavisse dicantur: quot tamen flagitiis & sceleribus parta est victoria? Vinci satius est, quam malo more vincere; dicebat Scaurus. Quare Cosmus Medices, ille sapiens, qui perspectum habebat popularium suorum venificum ingenium, cum lividorum factionibus prævalentibus, tanquam adfectati in libera civitate principatus reus, qui tamen innocens neminem nisi virtutis fulgore offenderat, & studiosè multos suis opibus ab egestate sublevarat, custodia traderetur; eo eventu, ut ab inusitata inimicorum acerbitate, qui tunc erant in magistratu, crudelissimum Senatus decretum, atq; ipsum carnificem expectaret; veneni insidias veritus,

Mich. Montan.
lib. 2. cap. 33.

Alb. Gentil. de
jure belli lib. 2.
cap. 6.

P. Jovius in vi-
ta Cosmi Me-
dicis.

ritus, ab omni fere cibo totum quatrimum abstinuit; quem Fridericus Malavolta custodia præfectus ut concepto veneni metu ac suspitione liberaret penitus, post plenissimas consolationis sententias, quibus captivum erigebat, etiam cenam cum eo sumpsit, singulis dapibus prius à se delibatis. Quo verò in numero habeam Pistorium? quæ urbs non quidem veneficio, nec tamen iusto bello, sed crudelitate & rabie factionum usque adeo est labefactata, ut deserta nunc & colonis destituta videatur. Unde & Maligna quibusdam vocatur, et factionum parens. In ea siquidem primum omnium audita sunt factionum nomina ad perniciem humani generis et exitium penè universæ Italiae excogitata, Cancellariorum et Panciaticorum: qui cum immani vindictæ cupiditate & capitalibus odiis inflammati in mutuas carnificinas ingenti Hetruriæ malo præcipites ferrentur; ad eorum postea exemplum veluti peste tacti in Piceno Albi et Nigri, in Latio Columnenses & Vrsini, in Insubribus Bracciani & Sfortiani, pro partium nobilitate & potentia non minus crudeliter grassabantur. Hæ furia in Italia nunquam penitus extinguipotuerunt, neque posthac eradicabuntur facile, propter gentis ingenium ac mores ad inferendam injuriam promptos, ad deponendam contumaces. Tanta est enim illic ultionum vis, & ambitiosa naturæ crudelitas, ut pueri etiam se aut harum aut illarum partium esse profiteantur, nec pietati parentum nec cognatorum sanguini parcant. Itaque in hanc diem cum

Eeeee

alia

Platina in Gre-
gorio IX. Leand.
Alb. in Hetruriæ
Mediter. Laur.
Schraderus Mo-
numentor. Ital.
lib. 1. in Pistorio
P. Merula Cosm.
p. 2. lib. 4. c. 21.

alia loca, tum Pistoriensis civitas maximè cædibus recentibus madet. Et verò tu, Roma, quæ vidisti in tuis visceribus sanguinea Gibellinorum & Guelforum spectacula? Quæ illæ Pontificum carnificinæ, Damali & Vrsicini; Laurentii & Symmachis Cadoli & Alexandri? Prælia commissa in medio foro; cædes in clero & sanctimonialibus, latrocinia, denudatæ fœminæ; cadaveribus completa loca orationum. Et Liberio in urbem reverso ad dignitatem Pontificalem, fluxerunt templa sanguine. Et quis denarraverit omnes? Theodorum, Agapetum, Damasum, Calistum, omnes secundos? Bonifacios duos, Joannes quatuor, Benedictos plures? Quis ad funera Formosi non cohorrescat? Quis duos & viginti Papas cæsos fuisse; quis multo plures veneno (nam hæc arte necari illos tralatitium est) periisse putet? In omnibus tamen illis sævitia exemplis nulli decoris amantes & justis memorantur milites; sed pectora latronum, sicariorum, adulterorum, sacrilegorum, magorum, monstrorum. Nam quantumvis Itali sint aliàs ignavi, (quod dixi) imbelles, et molles: ex levissimis tamen causis captant offensiones, lanienas, cædes: atque si causa sit gravior, ultionem odio alunt immortali. ne tuta quidem amicitia, aut necessitudines periculo carent: jocus fortè, aut imprudens per fenestram aspectus, secretissimo scelere vindicatur. sæpe in ferrum tutos, venena sustulerunt, aut facis illitæ fumus, aut corrupta floris suavitatis, aut fatalis cultelli acies, qui eodem tempore & intactam

Alb. Gentil. de
jure belli lib. 3.
cap. 11.

J. Bodin. de Re-
pub. lib. 6. c. 15.

Jb. Barclajus in
Satyr. part. 1.

tactam liberis dapem dissecat, & adversario mortem æterna sunt semel læsæ mentis vulnera, & plures reconciliatio, quàm professum odium extinxit. In familia Liminea, inter Patavinas satis antiqua & illustri, aliquando duo fuerant fratres; qui per æstatem in rusticoprædio commorati, cum noctu sereno cœlo innumeras stellarum cohortes contemplarentur, stolidum vortorum certamen iniverunt; cum alter per jocum diceret subridens: Vtinam mihi tantum esset boum, quantum in cœlo stellarum! alter statim joco responderet; Vtinam verò mihi pratum esset cœli amplitudine! & ad fratrem conversus, Vbi tuis bobus, ait, sis inventurus pascua? In tuo prato, inquit prior. sed alter: Quid si nollem? Etiam te invito pascerem; inquit ille. At iste: Tune me invito? Te invito etiam; denuò ille. Et ita altercando, joco & risu in iram, hinc in rixam, & in furorem usque progressi, denique sicis è vagina eductis, mutuis vulneribus se se crudelissimè interemerunt. Tantine sit jocus? O vanitatem! Tudernum autem civis sui Altobelli crudelitatem majori longè sævitia ita compensavit. Ille cum sociis quasi ducentis sicariis (quos Banditos vocant; ferale genus, licitatores capitum; qui in Italia tam latè regnant & grassantur, ut frequentissimum crimen penè sit sine infamia. & quidem sub Pontificatu Gregorii XIII, qui Kalendarii emendationem Imperatori & Principibus Christianis indignè præripuit, illi Romanæ Ecclesiæ ditio- nes, tot latrociniorum, homicidiorum, depredationum,

Berardin. Scardeonius lib. 3. class. 13. in descript. Patav. P. Camerac. Centur. l. c. 92. Th. Zving. Met. Apod. lib. 3. c. 19.

Cicarella in vita Gregor. XIII. & Sixti V.

Leand. Alb. in
Ducatu Spolet.

& maleficiorum exemplis funestaverunt, ut nec in pagis, nec in urbibus, & ne Romæ quidem vita & fortuna bonorum tutæ essent) ille, inquam, Altobellus patriam & vicinam ditionem excursionibus, rapinis, incendiis, cædibus, fœdè deformaverat: sed ab exercitu Pontificio captus, mox in publico loco nudus tabulæ affixus est, potestate omnibus, quos læsisset, facta de eo supplicium sumendi. confestim accurrunt matres, quas liberis privaverat, rabie incitata, & nonnullæ dentibus corpus ejus dilaniant, aliæ aliis modis sauciant. patres quoque & amici eorum, quos interfecerat, oculos, cor, & alia membra evellunt, nihilquæ omittunt, quo cruciatus augeri possent. sed Altobellus obstinatè ferebat omnia; affirmans, nihil novi sibi accidere, quod jam pridem animo suo non conceperit. tandem mortui cadaver in minutas partes concisum, & ad pondus, sicut aliæ carnes in macello solent, divenditum est iis, qui nondum satis injurias ulti essent, ut quod reliquum esset devorarent. Res sanè auditu horrenda, multò magis visu nefanda; emptam esse carnem humanam, & voratam, tantum ad animum vindictæ cupidum exaturandum. Nullus tamen Sulla, nullus Phalaris, Auditores, nullus tyrannus unquam ultionis immanitate par fuit, illi Mediolanensi, quem appellare nefas est: qui cum decennali odio furens sæpissime aucuparetur occasiones familiaris sui opprimendi; tandem humili gestu ac blanditiis amoris redintegrationem simulans, aggreditur inopinantem, prosternit, & sicâ faucibus ad-

bus admotâ mortem minitatur; humiliter tamen veniam precanti, & pœnam deprecanti, hanc libertatis dicit legem, ut DEUM immortalem ejuret. ille miser ultimâ victus necessitate morem gerit invitus, & DEUM detestabilem in modum execratur; & quominus simularet, execrationes sæpius ex animo iterare ab adversario cogitur, & deinde statim confoditur: sicario postremò ita gloriari auso: Et illa est generosa ultio, quæ & corpori vitam eripiat, & animo cruciatus sit allatura sempiternos. Hominem, Auditores, arbitror esse neminem, qui facinus istud audiverit, quin toto animo in sicarii illius detestationem conspiret. Quid Satan ipse, capitalis, & æternus humani generis hostis, in perniciem alicujus hominis machinari possit, quod Mediolanensis ille omiserit? Vbi in uno facinore tetrior scelerum audita est veluti conjuratio? Si ad conceptionem & consummationem omnium maximi criminis conferat Caligula suam impietatem; quâ cælo commensationem ipsius fulminibus parum: certis terrenti iratus, ad pugnam vocaverat Jovem, & quidem sine missione; cum etiam machinam excogitasset, quâ tonitribus obstreperet, ac contra fulmina fulminaret, lapides vicissim in cælum ejaculando, cum hac voce,

ἢ μὲν ἀνείλες, ἢ ἐγὼ σε:

aut me tolle, aut ego te:

& si veteres Romani huc addant spectaculorum insaniam; quibus non tantum privatim in latiori con-

Eeeee 3 vivio

J. Bodin. de Re-
pub. lib. 5. c. 6. P.
Camerar. Med.
Histor. Cent. 1.
cap. 24.

id est, ut alter
eorum caderet.

Seneca lib. 1. de
Ira cap. ult. Dio
Cass. histor. lib.
59.

J. Lipf. Satur.
Serm. 1. c. 6.

vivio solenne fuerat paria aliquot gladiatorum exhibere ad pugnam, qui cum applausu convivantium occidebant, occidebantur: verum etiam publice in funere, atque inprimis voluptatis causâ à magistratibus, sacerdotibus, Imperatoribus dati gladiatores sæpe ingenti numero; & scio nullum bellum tantam cladem vastitatemque generi humano intulisse, quàm hos ad voluptatem ludos; cum unus aliquis mensis Europæ steterit vicenis capitum millibus aut tricenis: & si insuper adjungant inimici & osiores Cæsares, Papæ, (quippe agebat Carolus Laniojux Prorex Neapolitanus, proprium esse Pontificum, Cæsares timere & odisse) absolutissimum fraudum artificium; in quorum promissis est nulla fides, in contractibus nulla justitia: si quoque Gabrinus Fundulius, Cremonensium tyrannus, suggerat truculenti animi ab omni pœnitentia abhorrentis contumaciam; cum is Mediolani cervices securi subdere coactus, & à cucullatis sacerdotibus veniam criminum & delictorum à Deo precari monitus, contortis atrocibus oculis diceret; Desinite mihi molesti esse: nam tantum abest, ut me jure belli factorum pœniteat, ut maximè etiam doleam, quòd Sigismundum Cæsarem & Papam Joannem XXIII. simul hospites meos, è turri mea, quam studio peramœni prospectus ascenderant, in subiectum forum, ad immortalem clarissimi facinoris famam, non præcipitârim: si denique ad tanti flagitii diritatem cunctas perdendi & nocendi artes accumulent

cæteri

cap. 20.

Fr. Guicciard.
lib. 16.Alb. Gentil. de
jur. bell. lib. 3.
cap. 19.P. Jovius in vita
Philip. Medio-
lan. Duc.

cæteri Italiae tyranni omnes, qui exitio gentium clari, non minores fuere pestes mortalium, quàm inundatio, quàm planum omne perfusum est; quàm conflagratio, quàm magna pars animantium exaruit; & in quorum corporibus non homines, sed

Cerberus & Furia, jam verò & lucis egenus

Tartarus, horriferos eructans faucibus æstus,

domicilium habuisse videntur: semper tamen abominabile illud ultionis à nefario illo Mediolanense perpetratum facinus, erit omnium nefandissimum, truculentissimum, summum.

Verum dum illam Italorum imbelliam, & bellicæ virtutis incuriam perstrinxi leviter tantum; quot crimina gentis una jam venerunt sub censuram, mi Laurenti? Eadem, quâ Respublica cohærent maximè, ubi terrarum vidisti rariorem? ubi Perfidiam immaniorrem? Pudet me, ait, Æneas Silvius, plus hodie fidei trans montes, quam circa reperiri. plerosque ex nostris Principibus, quos Italia genuit, adeò parabolanos, ut ita loquar, invenias, ut certiora sint meretricum, quàm eorum promissa. Non ausim viro patriæ suæ amantissimo, atque censori ingeniorum acerrimo contradicere. Equidem Romæ fides est aroma, & res omnino peregrina: ut, qui ad hodiernos mores Romanorum respexerit, eosq; cum tua, Laurenti, laudatione contulerit, dicturus sit, te arcem fecisse è cloaca, & lapidem è sepulchro veneratum fuisse pro Deo. Et Dominicus Trivisanus in Senatu Veneto liberâ voce

Lucret lib. 3.
de nat. rer.Aen. Silvius in
Paral. Alfonso
lib. 1. cap. 58.

Fr. Guicciard.
lib. 8.

Alb. Gentil. de
jure belli lib. 3.
cap. 8.

Lud. Tubero
Histor. lib. 8.

St. Forcatulus
de Gallor. Im-
per. lib. 2.

M. Cruf in O-
rat de Frid. Bar-
barossa & An-
nal. Suev. part.
2. lib. 10. cap. 18.
& lib. 11. cap. 6.
Chr. Lehman
Chronici Spi-
renf. lib. 5. c. 57.

Hippocrates in
Aphorismis.

vocet testabatur, proprium esse Pontificum, posthabere fidem. *At qualis Rex, talis & grex: qualis pater, tales & liberi.* Et Neapolitani, semper Italorum omnium maximè cupidi rerum novarum, & mutationum appetentissimi, an fidem colant? imò ut cæteri quoque Itali fidem parvo momento mutant. Cum Carolus VIII. Galliarum Rex Neapolim deditione cepisset, cives in nomen Gallicum quidem lati & summam congratulatione jurabant; sed biennio vixdum exacto ipsi Gallos iterum pepulerunt, palam erga Alphonsum Regem fugitivum & Ferdinandum filium ejus studium suum professi. Quod posteaquam Carolo nunciatum esset, contracta fronte, Agnosco, inquit, Sirenis cantus & mellitas fraudes: sed brevi palinodiam ipsa canet. Alludebat ingeniosus Princeps ad id, quod vulgo fertur, Parthenopen tertiam Sirenum Neapoli sepultam esse: unde & urbs illa Parthenope nuncupatur. Mediolanenses autem, quoties fuerunt perfidi? Quoties deceperunt Imperatorem Fridericum Barbarossam? Quoties sicarios in illud augustum caput subornarunt? Sanxerunt etiam poenam linguæ, ne Imperatoris Friderici nomen quisquam in sermonibus usurparet: & accusati de perjurio, respondere ausi sunt, Se juravisse quidem, sed juramentum servaturos non promississe. Sed uti ἐς τὰ ἐσχατὰ νοσήματα αἱ ἐσχαταί θεραπεῖαι, extremis desperatisq; morbis extrema remedia adhiberi solent: ita cum Mediolanenses scelera sceleribus tuerentur planè perdit, & cumulatis injuriis

juriis patientiam Augustalem evincerent clementiæ incapaces, necessario Fridericus ad decretorium stylum accessit. Itaque urbs illorum deleta; mœnia, templâ, basilicæ, domus civium, prostrata; aratrum per urbis aream decussatim tractum, & sal in ea disseminatum; atque omnes illi refractarii & rebelles patrium solum vertere jussi, & ultra centum stadiorum spatium relegati. Fertur & hoc de Mediolanensibus: Beatricem Augustam Barbarossæ uxorem, videndi Mediolani cupidam, aliquando urbem ingressam esse, omnino nihil mali metuentem; cum tunc inter Imperatorem & civitatem aut pax, aut pax sequestra induciæ, coisissent: sed plebem incompositam, & tranquillitatis impatientem, Imperatricem mulæ imposuisse præposterè, ita ut illa caudam bestię tenuerit pro freno; & sic per urbem ignominiosè circumduxisse, & foras eduxisse: Imperatorem verò, qui petulantiam enormem meritis pœnis coercere voluerit, bene multos illius ludibrii & injuriæ autores ac sceleris participes mortis terrore coegisse, ut ficum de natura mulæ exemerint. Ex quo illud Italorum contumeliosum; ut pollice inter duos digitos exerto, aut medio ostenso digito, dicant: Ecco la fico, Ecce ficus. De Ligurum & Genuensium Punica fide dixi supra: & Genuensis quidem perfidiæ monumentum in omnem memoriam stabile est, transportatio Turcarum in Europam, Mahometis in Christianum orbem, hostis in patriam. Cum enim Amurates II^{us} Mustapham fugientem persequeretur, & omnes ad Helle-

Paul. Jovius in
Frid. 1. lib. 2. E.
logior.

Seb. Münster.
Cosmogr. lib.
2. cap. 20. M.
Cruf. Annal.
Suev. part. 2.
lib. 11. cap. 2.
Felix Faber
Hist. Suevor.
lib. 1. cap. 12.

J. Leunclavius
Pandect. Hist.
Turc. cap. 89.

Fffff

spontum

M. Cruf. Annal.
part. 3. lib. 5.
cap. 6.

Eaz. Soranzus
in Ottomanno.
cap. 78.

Tubero histor.
lib. 1.

spontum propter Calliopolitanum trajectum naves in
terram inveniret subductas; Genuensium opera oportuna fuit, & eorum navibus Interiana & Squarciafica LX millia Turcarum Hellepontum trajecit, pro navilo in singula capita singulis aureis numis persolutis. Iterum, Laurenti, aliud Italorum crimen conspicio, verae Nobilitati infestissimum. Ecce enim avaritia Italos sic tenet in vinculis, ut pecuniae amore cum Turcis consuescant, & totius Europa libertatem conspiciant in discrimen, barbarique prodant. Nec tamen soli Genuenses sic delirant. Cardinalis enim Bessarion omnibus Italiae Principibus graviter exprobrabat, quod Constantinopolin quinquaginta millibus coronatorum juvare noluerint, causaque extiterint, ut postea urbs a Turcis occuparetur; qui inde victoriarum cursu Trapezuntem, Sinopen insulam, Lesbum, Peloponnesum, Caramaniam cum regionibus vicinis Pamphiliae, Bosniam, Bulgariam, inferiorem Hungariam, Epirum, maximam partem Dalmatiae & Illyrici, tandem quoque Euboeam, imperio suo adjecerunt. Quapropter Hungari, Bohemi, Poloniq, non minori fere odio infestantur Italos, quam Judaeos; illorum maxime calliditatem & avaritiam animitus detestantes. Quod enim alibi pro pecunia Judaei faciunt; nec facere recusabunt Itali: fraudes, veneficia, homicidia, sunt illorum merces, quibus opes parant. Gemes certe Mahometis II. Imperatoris Turcici filius, vir ad spectu plane regio, magnanimus, Arabicis quoque literis non mediocriter

criter excultus, hisce avaris artibus avorum aetate interit in Italia. Ille mortuo patre, fretus populorum ac militum benevolentia Ciciliaeque regulorum opibus, armis de imperio cum Bajafite fratre natu grandiore contenderat, victusque in Prusiacis campis, & aliquantò post in Lycaonia ad Iconium amisso exercitu, Rhodum profugerat; ibi carceri inclusus a Bussonio Rhodio magistro; hinc in Provinciam Galliae, ut tutius servaretur, delatus, & denique Innocentio Pontifici Romam missus. Fueratque Gemes magnum vectigal ipsis Pontificibus per aliquod tempus: cum Bajafites alendo fratri quotannis XL millia aureorum nummum exoleret. Ingruentibus autem in Italiam Gallis, cum Papa Alexander VI (qui homo punctum temporis nullum vacuum sceleribus praeterire passus est; adeo ut cum tribus ante mortem annis fulmine ictus, & mox praeter plurimorum spem refocillatus esset, mirarentur dicaces, Daemonem a Damone concuti potuisse.) Carolo VIII Regi Galliarum ex conventionis legibus Gemem traderet, prius iste profugo & extorribarbaro Principi, ut ducenta aureorum millia a Bajafite promissa lucraretur, lethiferum poculum misit, quo ad Cajetam paulo post misere exanimatus est. Erat id venenum pulvis ad fallendum candore mirabili, nec injucundo admodum sapore, qui non acriore vi protinus, sicut praesentanea venena, spiritus vitales opprimeret, sed sensim venis illabendo exitiabili tarditate grassaretur: quo ipso postea Alexander

St. Forcatul. de
Gall. Imperio
lib. 4.

Vide P. Jovium
Histor. lib. 2. &
F. Guicciardin.
lib. 2. qui testantur, Scipium vanitatis esse manifestum, dum praefatus, in sacerrimum Ecclesiasticum. Alexandrum culpam Gemis veneno interfecti liberare impudentissimi conatur.

Fffff 2

xander

xander opulentos aliquot Senatores, & postremò se ipsum, incautè mutatà lagenà, sustulisse fertur. Verùm Romæ non Gemes modò & illius vita salusq; inter avaritiæ fuit promercalia: sed omnino, ut Baptista Mantuanus Carmelita, raræ eruditionis vir, conqueritur, sunt

Nantuan. lib. 3.
Calamit.

venalia Romæ

templa, sacerdotes, altaria, sacra, coronæ,
ignis, thura, preces; cœlum est venale, Deusque.

Jo. Ovven.

Unde facetè, sed non minis verè, Martialis Britanicus;

An Petrus fuerit Romæ, sub iudice lis est;

Simonem Romæ nemo fuisse negat.

Et Poeta alius:

Vide Gravamina Principum
Germ. cont. Simon. Curia
Romæ

Si caput à capio, vel dixeris à capiendo:

Tunc est Roma caput: omnia namque capit.

Ant. Panormita de dict. & fact. Alf. lib. 1. cap. 8.

Quod ipsum quoque sensit Joannes Andreæ, Furis Canonici interpretes, cum diceret, Romam fundatam à latronibus adhuc sapere primordia sua. Et in eandem

Aen Silv Epist. 25. Zu Rom ist kein grössere Eünde / dann kein Geste hat.

sententiam Alfonsus Aragonum Rex, falsè: Harpyias non jam insulas, ut poëtæ existimârunt, incolere; sed ex insulis migrâsse in Curiam Romanam, ibique domicilium constituisse. Non enim ampliùs Romæ, Auditores, de pastu ovium, sed de lana est quaestio. Cumq; Religio olim pepererit divitias, filia impiè degenerans devoravit matrem: nimia præsertim piorum Principum liberalitate & alicubi profusione, sacerdotum integritatem in nequitiam, humilitatem in fastum,

stum, paupertatem Apostolicam in avaritiam Satanicam, cœlestemq; gloriam in mundi pompam infelicissimè transformante. Nullum enim crimen abest, ex quo tenuitas illa prisca periit. Et Bonifacius martyr aliquando interrogatus, An liceret ligneis calicibus in sacris uti, ita respondit: Olim aurei sacerdotes ligneis vasis, nunc lignei aureis utuntur. Scilicet

Fr. Duaren. de fac. Eccl. ministr. lib. 2. c. 4.

de consecrat. dist. 1. cap. vasa. 44.

Ahenobarbus apud Gunch. lib. 6.

excessere modum magnorum munera regum.

Etsi Reipublicæ salus tam prodigas donationes & alienationes nulli hominum permittit:

_____ nec dare quisquam,

quo caret ipse, potest.

Rex enim, quantum ad boni publici procurationem attinet, ferè idem est, qui pater cum uxore & liberis, tutor cum pupillo, curator cum adolescente, gubernator cum vectoribus onusta nave, pastor cum grege, imperator cum exercitu: quorum nemo fidei suæ concreditos ut vendere, donare, & alienare potest; sic nec Rex populum & provincias. Quare Imp. Carolus V. qui Imperium Romanum in ipsius non esse marsupio, ut loquuntur, bene intellexerat, Paulo III. Pontifici candidè respondit de Parma & Placentia; eas civitates, si ad Imperium pertinerent, non posse se in ditionis ac dignitatis Imperialis præjudicium alienare. Quemadmodum igitur Pius II. dixisse scribitur; fuisse aliquas causas, cur ademptum sit sacerdotibus conjugium, sed multò majores esse causas, ut reddi debeat: sic jam argumentari licet; fuisse olim aliquas devotionis, etsi &

Fr. Hotom. in Franco-Gallia. cap. 19.

Thuan. Hist. lib. 4.

vide Confess. Augustan. de Coniug. Sacerdot.

Fffff 3 super-

superstitionis plenissimas ratiunculas, ob quas Papatus tot provinciis & opibus fuerit ditatus; sed hodie causas esse multo gravissimas, cur donationes illae ut inofficiosa, illegitimae, & iniustae, sint rescindendae, abrogandae, tollendae; atque Papatus ad priscam pauperis Petri & Apostolorum egenorum conditionem redigendus. Hæc etenim viâ sint reditura sanctitas Religionis, quæ Româ jam per tot secula exulat; honor sacerdotibus, qui omnium magnorum malorum in Ecclesia habentur autores; existimatio Pontifici, quem Gabriel Povelus Antichristum esse tam certò se scire affirmat, quam Deum ipsum esse creatorem visibilium & invisibilium, & Jesum Christum esse verum Messiam: hoc item modo triumphatura sit modestia, quæ Universalis Episcopi titulum abrogabit; regnatura justitia, quæ Bonifacium VIII. aliquem ista verba, Ego sum Cæsar & Pontifex, superbe usurpantem compescet, & Pontifices Imperatoribus subditos esse jubebit: hoc denique pacto Imperator noster tandem sit priscam illam Imperii sui sedem, illud augustissimum terrarum Capitolium, omnibus Reipub. hostibus exstirpatis, iterum feliciter occupaturus. O quando hoc fiet! O quando splendidissimus sol ille illucescet? Leonem X. Papam præ gaudio, quod ex nuncio victoriae de Gallis extra Italiam pulsus reportatæ gratissimo conceperat, mortuum fuisse ajunt: & verò ego quoque, si voto illi meo felicitas seculi satisfaceret, tam læta & jucundissimo nuncio statim pie immori non modò nil detrectem, verum

P. Morn. in
Hist. Pap. ex
Aenea Silvio.

Mart. Becan. in
Refut. Apol. Jacobi M. B. Reg.

Cuspinian. in
Alberto I.

Simon Goulart.
en ses Histoires
admirabl.

rum etiam istam in dāvaōiā medullitus optem. Verum enimverò avaritia Romanorum tam profundè radicatur; ut spei audaciam cum voto meo vix ausim committere. Et ingredere adhuc paulisper, Laurenti, Historiarum horum; atque pauculas copiosissimæ malorum radicis fibras intueri propius. Henricum VI. Angliæ Regem, expressum Christianæ pietatis & patientiæ exemplum, commendabat Henricus VII. Rex Julio II Pontifici; ut iste illum referret in numerum Divorum: sed quò minus hoc fieret, in causa erat Papæ avaritia; qui pro Regis canonisatione, ut vocant, nimis magnam pecuniæ vim exegerat; ut videretur non Principis sanctitati, sed auro honores illos delataris. Sed non tantum in Principum, verum etiam in privatorum fortunas invadendi modos cum excogitarent Papæ penè infinitos: hic sanè fuit inter pessimos, quòd in Gallis superioribus seculis, qui testamento nihil curionibus aut collegiis ecclesiasticis legasset, honore sepulturæ carebat: si quis autem inopinato casu occubisset, sacrificulus Pontificis jussu mortuo testamentum condere, & quæ vellet ecclesiæ arbitrati suo quasi testator legare solebat: quem morem tamen sustulit Curia Parisiorum. Quin æmulata est Pontificia habendi cupido aliquorum Imperatorum & Principum in pecuniis corradendis infantiam. Namque uti Vespasianus urinæ vectigal commentus est, & filio Tito id reprehendenti pecuniam ex prima pensione admovebat ad nares, sciscitans, num odore offenderetur; & illa

G. Camden. in
Brit. Regnis
pag. 212.

Jo. Bedin. de
Rep. lib. 5. c. 2.

De illicitis vectigalib. vide
Jacob. Bornitium de Aerario.
lib. 8. cap. 1. & 2.

Sueton. in Vespas. cap. 23.

Et illo negante; Atqui, inquit, elotio est. cui vectigali origo & causa; quod in publico amphoræ aut dolia stabant ad urinam reddendam: quam fullones, opinor, vertebant deinde in suum usum. & videtur hoc fuisse triste illud Chrysargyrum, hystoris decantatum, sublatum ab Imperatore Anastasio, quæ pensio fuit talis, ut quisque mendicus aut pauper, meretrix sive jam emerita, omnis servus itemque libertus, inferrent in ærarium pro URINA & STERCORE, jumentorum etiam & canum; sive in agris, sive in opidis habitarent: & homines quidem utriusque sexus, non omnia argentum; equus, mulus, bos, tantundem; asinus & canis folles sex. *Pbui, pbui, spurca vectigalia!* & nihilominus viri proceres & Reipubl. primi minus colligendi ambibant. atque isti pudendarum sordium lucrique exercitores aut conductores sunt, quos Foricarios & Cui appellant. Caligula etiam ex capturis prostitutarum vectigal instituit, quantum quæque uno concubitu mereret: & postea quoque sub Heliogabalo lenonum vectigal, & meretricum, & exoletorum fuit. Sic Romani Pontifices, non quidem foricis, quod ego sciam, sed, quod fœdus in religiosis est, lupanaribus locupletaverunt ærarium; nihil turpitudini adscribentes, quod ad æs exeat. Sixtus IV. Romæ nobile admodum extruxit lupanar, ut ex meretricio quæstu infame lucrum acciperet. Et Romana scorta in singulas hebdomadas Julium nummum pendunt Pontifici: qui census annuus nonnunquam XX millia ducatorum superat: adeoque

J. Lipf. Admir.
lib. 2. cap. 6. ex
Cedreno.

Sueton. in Calig.
c. 40.

Henr. Cornel.
Agrippa de var.
nit. scient. c. 64.
de Lenonia. P.
Morn. in Hist.
Pap.

adeoque ecclesiæ procerum id munus est; ut unâ cum ecclesiarum proventibus etiam lenociniorum numerent mercedem. Et sic Henr. Cornelius Agrippa audiuisse se dicit aliquando, cum rationes suas ita inirent: Habet ille duo beneficia; unum Curatum aureorum viginti, alterum Prioratum ducatorum quadraginta; & tres putanas in burdello, quæ reddunt singulis hebdomadibus Julios viginti. *Magnum hoc, Auditores, crimen est Italica avaritiæ, & vix est in orbe terrarum provincia, ubi Roma flagitiosorum vectigalium & tributorum non reliquerit vestigia; ut propemodum cum S. Brigide credi possit, Papam decem DEI præcepta in unum commutavisse, DA PECUNI-AM: sed accipite nunc libidinis, cujus jam mentionem feci, & improbißimæ luxuriæ crimen, in suo genere avaritiâ non levius. Nescio autem, antiqua illa rerum domina & dives Italia, an hodierna sit peior, libidiniosior, & in omnem luxum proclivior. Illa quidem prisca, & straminea Roma, infantia & cunis propior, haud dubiè fuit marmorea & aurea melior; optimis institutis, purissimis moribus, & exemplis præclarissimis ditior. Illa enim ostendit terris C. Fabricium, Cn. Scipionem, M. Curium, quorum filia ob paupertatem de publico dotibus donatæ ad maritos ierunt, portantes gloriam domesticam, pecuniam publicam: illa educavit Publicolam regum exactorem, & Agrippam populi reconciliatorem, quorum funus ob tennes opes à populo Romano collatis sextantibus adornatum, Ggggg est: illa*

P. Mornæus de
Ecclesiâ, cap. 6.

L. Apuleius
Apolog. 1.

est: illa Attilium Regulum habuit, qui cum Pœnos in Africa funderet, ad Senatum scripsit, mercenarium suum discessisse, & amoto rustico instrumento, ab eo desertum esset, ideoque petere, ut sibi successor mitteretur, ne deserto agro non esset, unde uxor & sui alerentur; sed Senatus placuit, ut dum Regulus abesset, colonus ejus populus Romanus esset: illa dedit. Catonem, una canterio, e cujus lateribus hippopœra dependebant, contentum; & tot veteres prosapias Consulares, Censorias & triumphales parsimonia, frugalitate & temperantiâ illustres; quarum gloria omnibus seculis durabit. Sed postquam cum imperio creverunt opes, luxuria incubuit, & secum in urbem traxit Orbem, omnibus fere opulentum & opportunum vitis locum quaerentibus: cum plerique voluptatum causâ ex agris quoque in urbem correperent, et mallent in theatro movere, quam in aratro; Italiâ reliquâ paulatim fere ad solitudinem hominum sic redactâ. Servi vero, qui præ grandi multitudine in Imperio Romano erant, & quorum laboribus agricultura & omnia fere opera Romana constabant, cum crudelitatem dominorum pati cogerentur quamlibet atrocissimam, & vel ob crystallinum fractum tantum à Vedio Pollione maræntis objicerentur; tamen in libidinis & damnatarum voluptatum ministerio maxime illi erant servi, & abjectissima mancipia. Exercebantur lupanaria in multorum honestorum virorum prædiis; sed contumelia præcipue pertinebat ad servos, utriusque Veneris injuriis expositos.

Seneca in Confol. ad Helviam. cap. 12. Valerius Maxim. lib. 4. cap. 4.

Seneca Epist. 87.

Just. Lips. Adm. lib. 3. cap. 3.

Seneca de Ira lib. 3. cap. 40.

1. ancillarum 27. 9. 1. ff. de heredit. pet. 1.

positos. Et ô nefandum hominum abusum! cum domini ad cœnandum discumberent, oportuit servorum alium sputa detergere, alium reliquias temulentorum colligere, alium pretiosas aves scindere, pectusque et clunes certis ductibus circumferendo exuditam manum in frustra excutere; alium (ne omnes operas recenseam) noctem inter ebrietatem domini ac libidinem dividere, puerum in convivio, virum et feminam in cubiculo. vah pudor! non persequor, nec ultro retego. Strygis tenebris dignas fœditates. Tu, mi Laurenti, examina vitam M. Antonii, qui Cleopatras ultimæ Egypti reginæ, Phœniciam, Syriam, Cyprum, et Ciliciæ bonam partem, Judæam balsamiferam, & Nabathæorum Arabiam, in stupri mercedem dedit: imò ab illa aliquot seculorum historias retexere; videbis Italiam totam stupris, adulteriis, & infamibus libidinibus semper laborasse. Numerantur ab Augusto ad Constantinum Magnum Imperatores quadraginta tres: ex quibus vix decem sunt, quo filius, aut frater, aut uxor, aut amicus, aut inimicus, ferro, veneno, laqueo venenoso non extinxerit: illi tamen propemodum omnes, etiam qui videbantur optimi, castitatem et sanctitatem matrimoniorum flagitiis libidinum variè deturpaverunt. Quare Severi ætate uxor Argete coxi, qui apud Caledonios regnabat, cum à Julia Augusta convitiis ut adultera exagitaretur, liberè respondit: Nos Britannicæ cum optimis viris consuetudinem habemus; at vos Romanas perditissimus quisque occultè constituat. Et quis apud veteres Italos fuit gulæ luxus? Cajus

Seneca Epist. 47. & 95.

G. Budæus lib. 3 de Asse.

Xiphilin. Guil. Cambden. in Scotia. p. 702.

Ggggg

2

Caligula

Seneca consol.
ad Helv. c. 9.

J. Lips. Admir.
lib. 2. cap. 14.

Sueton. in Vi-
tellio. c. 13.

Plin. histor. nat.
lib. 10. cap. 51.

Latin. Pacat. in
Theodol. Pan-
gyr. & Seneca
passim.

Caligula centies HS. (sunt 250000 Philippicum) coe-
navit uno die; & invenit, quomodo mediocrium pro-
vinciarum tributum una coena fieret. Sine pro in-
genio istius belluæ res non nimis est mira: quippe qui
non toto vertente anno vicies septies milles HS, id
est, sexaginta sex milliones & quinquaginta millia
Philippicum, ut Suetonius scriptum reliquit, sive ut
Dio; ter & tricies milles HS, id est, octoginta & u-
num millionem Philippicum absumpsit. Quid Vi-
tellius, ille belluorum omnium altissimus garges? ille
in principatu suo decies HS (sunt 250000 Philipp.)
conduit patinam, cui faciendæ fornax in campis exædi-
ficata erat; & quam ob immensam magnitudinem
Clypeum Minervæ dictitabat: in qua scarorum joci-
nora, phasianorum & pavonum cerebella, linguas
phoenicopterum, murænarum lactes à Carpathio usque
fretoq; Hispaniæ per navarchas ac triremes petitarum
comensuit. Quid Claudius Aëtopus, qui tamen non
Princeps, sed histrio tragicus? huius patina sexcen-
tis HS. (1500. Philipp.) taxata est: in qua posuit aves
cantu aliquo aut sermone humano vocales, millibus sex
singulas coemptas, nullâ aliâ inductus voluptate, nisi
ut in his imitatione hominem manderet. Luxuria,
Auditores, tunc temporis invidiosi imperii fines tran-
scenderat: atque delicati illi ac fluentes parum se lau-
tos putabant, nisi luxuria vertisset annum, nisi biber-
na poculis rose innatassent, nisi æstivâ in gemmis ca-
pacibus glaciæ falerna fregissent. Horum gulæ angus-
tus

Columel. præf.
lib. 10.

J. Lips. Com-
ment. ad Senec.
de Ira lib. 2. c. 25.

I. Labeo. 7. §. 1.
ff. de supellect.
legat.

l. 3. ff. de supell.
leg.

stus erat orbis Romanus: cum appositæ dapes non am-
plius naturalibus desideriis, non sapore, sed censu &
sumptu æstimarent, atq; ventrem improbum alerent
tributo gentium; illiq; demum cibis acquiescerent, quos
extremus oriens, aut positus extra Romanum Col-
chus imperium, aut famosa naufragiis maria misissent.
Omnia luronæ illi contra naturæ consuetudinem vel-
la instituerant; & novissime in totum ab illa descii-
verant, fortunâ pares Smindyridi Sibaritæ, qui jacta-
re solitus, quasi felicitatis insignem notam; se a viginti
annis solem nec orientem nec occidentem vidisse; qui
etiam, cum Sicyonem ad nuptias Agaristæ, Clisbemis
filie, ambrendas, abiret, in itinere aucupes, piscatores,
& coquos mille secum duxit, ad domesticum luxum.
Sequebatur Romanam illam gulæ superbiam, etiam
fastus supellectilis & vestium. Nec mirum est, ait Cel-
sus, moribus civitatis, & usu rerum, appellationem
supellectilis mutatam esse: nam fictil, aut lignea, aut
vitrea, aut ærea denique supellectili utebantur: nunc
ex ebore, atque testitudine, & argento; jam ex auro
etiam atque gemmis supellectili utuntur. Et qui-
dem pelves argenteas, aquiminalia argentea, mensas
& lectos inargentatos, inauratos, gemmatos, totos ar-
genteos, totos aureos, pocula murrina & crystallina,
Paulus f. Ctus refert. In vestitu quoque, quicquid bo-
ni moris fuit, perierat. Quis comptulorum tunc fuit,
qui non maluisset rempublicam turbari, quàm vestem?
qui inter pectinem speculumq; occupatus non sollicitior
fuerit

Senec. de Be-
nefic. lib. 7. c. 9.

Plin. hist. nat.
lib. 9. cap. 35.

J. Lipf. Adm.
lib. 4. cap. 7.

Th. Zvvinger.
Meth. Apod.
lib. 3. cap. 3.

Aen. Silvius
Epist. 15.

fuerint de capitis sui decore, quàm de salute? Fœminæ etiam, quas scimus cum aliqua venia peccare, ubi viri gradum struunt, census nepotum induerant: neque satis muliebris insania viros subjecerat, nisi bina ac terna patrimonia auribus singulis pependissent. Lolliam Paulinam, ne serio quidem ac solenni ceremoniarum aliquo apparatu, sed mediocrium etiam sponsalium cœnâ, vidit Plinius smaragdis margaritisque operatam, alternis textu fulgentibus, toto capite, crinibus, spiris, auribus, collo, manibus, digitisq: quæ summa quadringenties HS colligebat; ipsâ confestim paratâ mancipationum tabulis probare. O monstrum! una mulier, in nuptio culu, nec in magna festiuitate, debies centena millia Philippicâ habere? Fortassis autem nobis proximior temporum series fuit incorruptior: & fortè hodiernis moribus vivitur castius & temperantius. Sed quis hoc persuaderi sibi patitur facile? Itali, Auditores, etiam hodie sunt impudicitie & omnis luxus patroni. Basilea in ipso Rheni pœnie foramen est, per quod in flumen præcipientes noxi, impudicæ præsertim, deturbari consueverunt: quod Italus quidam non ita pridem cum cachinno suggillabat; O bestias, exclamans, apud quos Amorem Deorum antiquissimum sequi flagitiosum habetur! Et Aeneas Silvius, cum procreasset spurium, ita se excusabat patri factum detestanti: Nescio, ait, quam de me tibi finxeris opinionem, pater, non ego castratus sum, neque ex frigidorum numero: nec tu me lapideum, aut ferreum genuisti,

genuisti, cum ipse esses carneus: & scis, qualis tu gallus fueris. Et cum Galeacius Sfortia Mediolani Principatum obtineret, iam tum erat ex multo otio luxuriantis seculi in Italia conditus, in ipsi præcipue nobilioribus matronis, ut totum pudicitie decus ab humanitate aulæ alienum prorsus & sabagreste putaretur, ideoq; Princeps ille ad licentiam libidinis proclinatus, & iuventutis vigore venustateq; oris supra omnes spectatu dignissimus, procacibus fœminarum oculis & desideriis cupidissime deferuisset. Erat enim tum vulgatum inter fœminas, nullam ex Principis concubitu fieri impudicam, earumq; maritos, qui ineptis hirci videri possent, ita excellere aureis cornibus, ut dignitate cunctas antecirent. Et Papa Alexander VI. Sed promittat Sanazarius, qui Alexandro, sub quo vixit, tale scripsit epitaphium.

P. Jovius in
ta Galeacii
Sfortiæ.

Fortassis nescis, cujus hic tumulus fiet:

ad ista viator, ni poeniteat.

Titulum quem Alexandri vides, haud illius

Magni est; sed hujus, qui modò
libidinosâ sanguinis captus siti

tot civitates inclytas,

tot regna vertit; tot duces letho dedit;

Natos ut impleat suos.

Orbem rapinis, ferro, & igne funditus

vastavit, hausit, eruit:

humana jura, nec minus coelestia,

ipsoque sustulit Deos;

ut sci-

ut scilicet liceret (heu scelus!) PATRI
NATÆ finum permingere;
nec execrandis abstinere nuptiis,
timore sublato semel.
Et tamen in urbe Roma hic vel undecim
præsides annis Pontifex.
I nunc Neronēs, vel Caligulas nomina,
turpes vel Heliogabalos.
Hoc sat viator: reliqua non finit pudor:
Tu suspicare, & ambula.

*Quid utor circuitione? Itali, auditores, jam sunt Lydi
in meridie: Venerisq; ergasteria calent ubique tantā
scortationum licentiā, ut etiam sacrificuli sint, qui pro-
fano more suum Ave Maria & Missas suas in lupanari,
quā in templo dicant sapius. Et Romæ quidem Car-
dinali Galeoto, homini nihili, arma, equi, canes, odo-
res, scorta, pro bibliotheca erant. Et cum Pius V. me-
retrices primò aut urbe excedere, aut nubere, & si non
obtemperarent flagellis cædi juberet: postea verò moni-
tionibus cedens non aliter pati vellet, quā ut lupanari
includerentur, nec, ut prius, liberè per totam urbem in-
ter diu noctūve vagarentur, ratus pudore utrinque in-
cusso, & illas priori vitæ renunciaturas, & viros infā-
miam veritos ad ea loca non ituros; quæ verò in mere-
tricia professione morerentur, in sterquilinio defodi
mandaret: intercessit urbis Senatus, à sacro Ordine
clam insignatus, hæc decreto hospitiorum pretia vilesce-
re, & ad nihilum redigi, & libertatem antiquam tolli,
dictitans;*

Jul. Scaliger.
Exercit. 211.
cap. 2.

Thuan. Hist.
lib. 28.

*dictitans; nec matronarum pudicitiam inter tot cælibes
integram & inconcussam servari posse, atque insuper
majoris vitii, quod Romanis jam olim B. Paulus ex-
probravit, periculum subesse, nisi meretricum gregibus
pristina libertas restituatur. De Leone I. Pontifice
Romano memoriæ proditum est: cum is die quādam
Resurrectionis Dominicæ populo Eucharistiam di-
stribueret, accidisse, ut manurejus matrona quædam fi-
xerit osculum simulque infixerit aculeos libidinis: sed
ut primum concepti ignis impetus sensit ille, statim ma-
num veluti partem contagiosam, e qua lues in totum cor-
pus irrepserat, ultrò sibi truncavit. At si eodem modo
hodieq; Romæ in ordine sacro vagæ libidines retunden-
dæ ac coercendæ essent, quotusquisque Paparum, Car-
dinalium, Episcoporum, & reliquorum patrum, fra-
trumq; risorum, sit futurus superstes integer? Non-
ne necesse foret, non tantum manus illorum, sed et pedes,
& quicquid membrorum tegit cucullus vel stola omne
demetere & capite minuere? Stupeo, cum criminis hu-
jus frequentiam in hac populi Romani infrequentia
expendo. Ecce enim hodierna urbs quā abest ab illa
veteri? quā relinquitur? Paulus Forvius pro magno
scripsit, Leonis X. temporibus, quibus omnia in felici
libertate & pace, censa Romæ octoginta quinque
millia civium & inquilinorum fuisse: cum post cladem
sub Clemente VII. acceptam, iterum censu inito, vix
ad triginta duo millia perventum esset. Unus penè ve-
teris Romæ vicus fuerit tam frequens. Sed quantum-
Hhbb*

Sab. lib. 5. Petr.
Rudolph. Hist.
Seraph. Relig.
lib. 1. pag. 22.

J. Lips. Adm.
lib. 3. cap. 1.

vis

vis Roma hodie populosa non sit, nihilominus tamen est libidinosa: quæ

Scaliger.

—quod inverso delectaretur amore,
nomen ab inverso nomine cepit, AMOR.

Veneti autem tot lupas alunt, ut in totam Italiam colonias mittere possint. An queritis, Auditores,

H. Kornim. in
Linea Amoris.

Urbe tot in Veneta scortorum millia cur sunt?

In promptu causa est: est Venus orta mari.

Stat. jun.
serm.

Et verò quid possint domi Nobiles Veneti in Veneris castris, Emus, Petri Emi fratris filius, intra hos triginta annos memorabili facinore testatus est. Cum enim Petrus (Thuanus Gabrielem vocat) in sinu Adriatico tres Turcicas triremes, in quibus vidua Ramadanis Tripolitani purpurati cum filio, familia, mancipiis utriusque sexus, & omni pretiosa supellectile, quæ credita est Idccc aureorum Id excedere, vehebatur, in potestatem nullo jure redegit; statim in audito furore sævitum in captivos, tam mares, quam fœminas. mares occisi CCL, filiusque Ramadanis Bassæ matris in complexu & gremio confossus: fœminæ XL. prius nefariis pollutæ stupris, uberibus mutilatæ, dissectæ tandem piscibus in escam projectæ. Sed Petri nepos in puellam quandam eximie pulchritudinis inciderat: eam cum ipsum pudicitie suæ vim illaturum conspiceret, mox Christianam se profiteri, & virginem, & in Cypro natam nobili familiâ Corneliâ, quæ suam originem ad Cornelios Venetos referret; captam ante XII. annos, cum Cyprus sub jugum Turcicum veniret, ex eo tem-

eo tempore miseram apud barbaros servitutem servasse: nunc quando post tot ærumnas in hominis Christiani, pudoris virginei vindicis, Nobilis denique Veneti manus incidisset; obtestari se per immortalem Deum, ne Christiana faceret injuriam, ne virginem incestaret, ne Veneto sanguini fœdam labem aspergeret; sed potius in optatum hunc diem, quo Christianam ad rempub. postliminio rediret, divinâ quâdam providentiâ conservatam salvo pudore libertati restitueret. Sed nihil apud immitem animum, ac prodigiosè crudelem salacemque, tam sanctæ preces valere, quò minus violaretur, & suffocata cum aliis mancipiis Turcicis in mare projiceretur. Verum Italicam libidinem in Anglia quoque illustravit Mannus quidam Florentinus, scortator profligatissimus. In illo regno, quicumque extra matrimonium commiscebantur mulieribus, deprehensi, sacerdotis imperio die festo in processu cleri ac populi adesse jubebantur, & retentis femoralibus nudi ecclesiam circumire, ardentemque cereum manu gestare: si quis se illi pœnæ submittere nollet, auro noxam redimebat. Mannus itaque cum sæpius pecuniâ se liberasset, rursus deprehensus, pœnam subire, quam argentum dare maluit. dieque dictâ, prodit ad ecclesiam longo contextus pallio; quo in media turba virorum fœminarumque deposito, omni ex parte nudus comparet. at indignante sacerdote, & femoralia resumere injungente: Minimè gentium, inquit Mannus: nam pudenda hæc, quæ peccaverunt, ea potissimum dare pœnas decet. Sed quis

Jo. Leunclavius in sup. lem.
Annal. Turcor.
Thuan. Hist.
lib. 80.

Aen. Silvius
Paral. Alton.
lib. 1. cap. 2.

Hbhb 2

credat

credat illud, *Auditores? Etiam fœminæ Italæ aliquot, veteres illas Romanas, Messallinam & Faustina, æmulatæ forsitan, ad extrema libidinum pervenerunt.* Bona Sfortia certè, Sigismundi Augusti Polonia Regis parens, cum filii pertæsa, Sarmatiâ relictâ in patriam Italiam & Barium opidum illi hereditarium venisset; ibi dissentiente à priori vitæ ratione, consuetudine cujusdam Papacaudæ inhonestè usa, cui & omnia bona testamentopræteritis liberis reliquerat, famâ & bonis decoctis in summa egestate & infamia decessit. Omnium tamen salacitatem supergressa est Joanna, Neapolitana Regina; quæ quatuor maritos habuerat: primum Andream Hungarum, quem tanquam ludo Veneris imparem post triennium strangulari, et de fenestra jusserat præcipitari; ipsâmet chordam aureis filis crassiusculam texente, & Andree, in quem usum texeret, familiariter quarenti, ut te suspendam, blandorifu respondente: secundum, Ludovicum Tarentinum, cui illa nimietate noctium supremam noctem acceleraverat: tertium Jacobum Tarracoensem, quem alienæ mulieri familiariorem supplicio capitis affecerat: & quartum, Othonem Ducem Brunsvicensis, quem Carolus Dyrrachinus pugna victum cepit, & incolumem è regno dimisit, sed Joannam ipsam in eodem loco, ubi olim Andreas suspensus fuerat, suspendit. O bonum factum! Etsi, ut hoc quoque dicam, Itali uxores admodum serviliter includunt, & fere gentium jure, legitimoq; hominum commercio, excludunt:

Thuan. Histor.
lib. 16.

M. Cruf. Annal.
Suev. part. 3.
lib. 4. cap. 14. ex
Pandulfo, & al-
liis. De Joanna
tamen multa
præclara refert
H. Meibomius
ad Aur. Bull.
Andronici Im-
per.

Joh. Coraf. Mi-
scel. Jur. civil.
lib. 2. cap. 1. n. 4.

dunt: quo rigore non tam arcent, quàm provocant adulteria: cum æquè difficile sit invitam custodire mulierem, quàm in ferventi sole pulicum gregem observasse; & luxuria ipsis vinculis, sicuti fera bestia, irritetur. Ubi enim audiuntur plura thalami furta, quàm in Italia? Ubi visuntur Cornuti plures? Quod verbi convitium, opinor, promanavit ab Andronico Constantinopolitano Imperatore: qui cornua cervorum insignia, & rari aliquid habentia, in porticibus fori suspendebat, specie quidem ostentandæ magnitudinis ferarum, quas cepisset: cum reverâ civitatis mores, & uxorum, quas ipse corrumpebat, lasciviam notaret. Atqui illa, quæ contra naturæ leges fuit libido, Italiam omnino facit Sodomam. Imò ut Sodomam sceler omnium turpissimo vinceret Italia; Joannes Casus Florentinus, Archiepiscopus Beneventanus, Apostolicæ Camera Decanus, repertus est, qui Sodomix laudes Italico carmine concelebraret: in quo nefarius cinædus illud flagitiorum postremum & spurcissimum ausus est appellare divinum opus, testatus præterea illo se maxime oblectari, nec aliam Venerem novisse. Liber, qui unâ cum autore flammis debuisset aboleri, Venetiis est typis exscriptus à Trojano Navio. Propterea Franciscus I. Gallorum Rex post commissum prælium Papiense petiit à Borbonio et Lanojo, ne pueros Gallicos, qui captierant, miles Italicus attrectaret: quod ut est concessum libentissimè, ita mox totis castris per tubicines, edicto proposito, plusquam sexcenti adolescen-

Aen. Silvius de
Eurialo & Lu-
cretia

Nicetas lib. 2.
de Imper. An-
dronico Com-
neno, St. Forca-
tul. de Gall. Im-
per. lib. 5.

Petr. Rebuff.
Univ. privil. it.
num. 6. Henr.
Kornmannus
in Linea Amo-
ris.

Jo. Sleid. Com-
ment. lib. 21.

Arnold. Ferro-
nus in vita Fr. I.
Phil. Camerar.
Cent. 3. cap. 41.

lescentes liberali egregiâque formâ Hispanorum fidei traditi, quorum pudicitiam deploratam, si apud Italos mansissent, omnes fatebantur. Abhorret animus à longiori libidinum memoria: & lingua eloquii operam in talibus locat invita. Vos itaque, Auditores, quæso date hoc & concedite pudori meo, ut reliquam Italica & brutæ Veneris obscenitatem reticere possim. An verò etiam vultis aliquid de Italica gulæ fastu & pompa? Extat memorabilis liber artis Apicianae, de culina & architriclini officio, di M. Bartholomeo Scappi, cuoco secreto di Papa Pio V. qui nunc præfectus est (ait ille) nostris intimis coquis, non sine ejusdem privilegio, & approbatione inquisitorum hæreticæ pravitatis, Venetiis editus, M. D. LXXI. Sed & antehunc Bartholomæum extant Platinae, Suetonii Pontificii, de popinæ scientia libri X, ad Cardinalem Rovarellam: in quos falsè ita lusit Aëtius Sana-

Marquard. Freher. Comment. ad Constant. Donat.

Ingenia & mores, vitasque obitusque notasse

Pontificum, argutæ lex fuit historiæ.

Tutamen hinc lautæ tractas pulmenta culinæ:

Hoc, Platina, est ipsos pascere Pontifices.

Quidni verò ejusmodi libri præscriptum secutus sit Augustinus Chiefius, Romanus trapezites? qui Leoni X. Pontifici Max. totiꝑ purpurati Senatus cætui, exterorumꝑ Regum Legatis, ob filium ab illo Baptismi lavacro tinctum, splendidissimam, ut ita dicam, repotiam constituit: in quibus non satis fuerat, eduliorum omnis gene-

generis missuumꝑ exquisitissimorum apparatui modum omnem ademisse; nisi etiam lances, pinaces, ceteraque cum escaria vasa, tum potus instrumenta ex argento affabrè facta omnia in Tiberis præterlabentis alveum, inani luxus ostentopræcipitarentur: idꝑ non unâ modò, sed pluribus quoque vicibus, quotiescunque scenicum illud ferculorum & mensarum choragium mutandum foret; atque ista parvo constitisse, æstimandum erat, nisi & alieno exorbe petitarum immmani pretio avium, quas psittacos nominamus, solæ linguæ variis in patinis conditæ ultimo ferculo omnem luxus ostentationem longè superassent. Quis delicatulorum supra hunc Augustini Chiefii luxum possit comminisci aliquid? Quis gulæ ambitionem proferre ulterius? Quis verò sobriorum in illis voluptatum mancipiis non extimescat genera mortis terribilia? Quis naturam injurias sibi illatas neglecturam arbitretur? Benigna & munifica est parens; sed à corpore & animo requirit temperantiam: in luxuriam ingluviemꝑ morbos immittit, lorarios & tortores crudelissimos; præ quibus carnificum equulei, rotae, cruces, & reliqua tormentorum supellex, sæpe doloris habeant minus. Dominicus Silvius Venetorum Dux duxerat uxorem Nicephori Imperatoris Constantinopolitani filiam, aut sororem: ea tamerat prodigiosè mollis & delicata; ut manus aliasꝑ corporis partes non aquâ communi purâ, sed rore cœlesti ablueret; cibos nudis digitis non attingeret, sed minutissimè concisos, aureis furculis aut fistulis absorbe-

Hadrian. Junius Animadversor. lib. 4. cap. 8.

Marc. Guazzus Leand. Albert. in Venet. M. Cruf. Annaal. Suev. port. 2. lib. 7. cap. 3. Ph. Camerar. Cent. 2. cap. 33.

absorberet; cubiculum autem & vestes pretiosissimis odoribus sic impleret, ut fragor eorum non assuetos efficeret stupidos atque attonitos. Veruntamen illam odorum vim postea foetor multò vehementior totam hausit, & cubiculum aulamq; ita infecit, ut servos ancillasq; fere omnes fugaverit; cum mollicella illa computresceret, & ex toto corpore saniem & corruptissimos stillaret humores; & sic denique luxuriosam animam inter consanguineos vermes miserrimè exhalaret.

Quid verò jam censes, mi Laurenti, de Nobilitate Italica? Nunquid adhuc tibi magna & incomparabilis est? Quid putas me dicturum, si gentis injustitiam, imprudentiam, & cetera vitia compendiosè tantum jam exponere velim? Quando oratio mea ita sit inventura portum. Olim cum Græci nomen Romanorum sibi proprium facerent, & in ceteras nationes essent insolentiores: illæ contra adeò dedignabantur, ut inimicis suis nihil aliud contumeliarum objicerent, nisi, Romanuses; eo nomine quicquid convitiarum est reprehendentes: qui verò hodie hominem omnium flagitiorum & criminum sordibus contaminatum sic appellaverit, Tu Italuses, non plus erraverit, quàm si avarum dixerit Euclionem, aut gulonem Apicium. Ad religionem tamen Italarum, mi Laurenti Wensini, paululum adhuc attende. Omnem æquitatem, omnemq; religionem proculcare, morem esse Italicum, ait Æneas Silvius. An sic credis Historico, Theologo, & Pontifici Italo? Nuspiam minus vel pietatis vel religionis, quàm

Luichprandus
Cremon. Episc.
in legat. ad Ni-
cephorum Pho-
cam. Fr. Juret.
in Not. ad Sym-
mach. libro. 2.
Epist. 9.

Æn. Silvius
Paral. Alfon.
lib. 1. cap. 33.

quàm in Italia, & hominibus Romæ vicinis esse, adfirmat Nicolaus Macchiavellus. An ita tu credis Secretario Florentino, & Politico Italo? Ego certè neutrum hic rejicere possum: & heu! infelix experientia jam dudum utrique fidem fecit. Et nonne in intimos mentis recessus admisisti illa proverbia, à tuis, ab aliis, tanquam veritatis oracula, tibi in futuros vitæ prudenter transigendæ usus procul dubio sapissime iterata? Qui semel it Romam, videre scelestum. qui secundo it, cognoscere. qui tertio it, in patriam referre. & : Quò Romæ propior; eò Christianus pejor. item: In nomine DEI (hoc bullarum Papalium exordium est) incipit omne malum. Nonne avidis auribus aut oculis hausisti aliquando, Ægidium Assisiatem, sodalem Franciscanum, cuidam olim Romam petenti precatum fuisse eam eligendi dexteritatem; quæ ibi bonam monetam ab adulterina, & aurum à scoris; hoc est, ut interpretari fas est, veram pietatem & virtutem à fanatica superstitione & personatis sceleribus distinguere possit? Religio sua Romana bene multis Italis est risus, jocus, nihil. DEUS ipse est multis neglectus, contemptus, nullus: Inferi sunt illis fabula. Quid fecit Cardinalis Caraffa in Galliis? Ille Lutetiam regni metropolim, tanquam Pontificis Legatus solitâ pompâ ingressus, cum signum crucis, ut fit, ederet, verborum quæ proferri mos est loco ferunt eum, ut erat securo de numine animo & summus religionis derisor, occursante passim populo & in genua ad ipsius

Nicol. Macchia-
vell. Disputat.
lib. 1. cap. 12.

P. Mornæus in
Histor. Pap.

Ze näher Rom
se grösser
Schalt.

Petr. Rodolph.
Histor. Seraph.
Relig. lib. 1. p.
63.

Fran. Petrarcha
in Epistolis.

An. Chr. 1556.

Thuan. Histor.
lib. 17.

ipsius conspectum procumbente, sepius secretâ murmur-
ratione hæc verba ingeminasse: Quandoquidem
populus iste vult decipi, decipiatur. *Quomodo verò
religiosi fuere Macchiavelli? Nicolaus pater moritu-
rus, & monitus, suscipere sacram illam extremam
unctionem, respondit; Ocreas inò ungendas iter fa-
cturo. Nicolai autem filius, hæreseos accusatus;
dicebat; Credere se, quod Ecclesia crederet, & adhuc
amplius; scilicet, illum suum accusatorem nebulo-
nem esse, quod non crederet Ecclesia tamen, quæ ho-
minem ei muneri accusandi præfecisset. An Lucia-
nus in religionem suam jocari potuisset acerbius? an
irrisisset petulantius? Sed Joannes Medices impieta-
tis præcepta illis Caraffis, Macchiavellis, & Lucianis,
componere potuisset: qui cum esset rei militaris non
imperitus, ingentibus tamen vitiis illam laudem prorsus
extinxit: quippe solitus & in addito jurejurando va-
riè DEUM divosq; laceffere, & fædis puerorum amori-
bus flagrare. Quinâ Divinæ majestatis contemptore
auditas hæc voces memorant: Florentinis se velle im-
perare, sed tamen invitis Diis; si vellent Dii, nolle im-
perare. Cum qua impietate horribile civium & præsi-
diariorum Montis Draconis scelus meritò connecto.
Id enim oppidum cum Ferdinandus Alfonsi spurius,
Rex Neapolitanus, obsideret; obsessi penè siti enecti,
in ultima aquarum penuria ad magicas præstigias con-
currebant; & nocturnis in tenebris, deceptis castrorum
vigiliis, per asperrimas rupes furtim profecti ad litus,
traxe-*

Alb. Gentil. de
Astoribus Fa-
bular. cap. 22.

Arnold. Ferro-
nus in vita Fr.
I. Gall. Reg. P.
Gamerar. Cent.
cap. 6.

Jo. Jov. Pontan.
Hist. lib. 5.

traxerunt secum imaginem adfixi ad crucem Christi,
quam maledictis prius ac diro persecuti carmine, post
in mare execrabundi immerferunt, cælo, mari, terrisq;
tempestatem imprecati. quo etiam tempore sacerdotes
quidam mortalium omnium sacerrimi, dum profano
militum desiderio satisfacere student, ritum nefarium
secuti, quo in hujusmodi necessitatibus elici imbres pu-
tantur, asino pro ædis foribus constituto, tanquam agen-
ti animam cecinere funestum carmen: post hostiâ
consecratâ (ignosce ô mitissime JESU abominabilem
impietatem recitanti) in illius os palatumq; injectâ, con-
clamatum asinum funereis cantibus vivum tandem
ibidem pro templi foribus humavere. Hic verò
vix dum perfectò immemorabili sacro, obnubescere aër,
mare ventis agitari, dies medius offundi nocte, nunc
cælum micare ignibus, & nunc lux omnino eripi, om-
niaque tonitribus, fragoribus, fulminibus, remugire,
concuti, misceri; & tandem, tam validi prorumpere
imbres, ut aquarum undique abundè, atque Rex Fer-
dinandus, qui in siti potiundi oppidi spem collocaverat,
frustra fuerit.

Ego verò, mi Laurenti, si hic dicendi finem fa-
ciam, non videor frustra fuisse, & spero, me opinionem
tuam, quam de Italiæ Nobilitate conceperas sum-
mam, non tantum arctè obsedisse, verum etiam validis-
simis rationibus oppugnavisse, expugnavisse, & de-
levisse. Et quia propediem, uti conjecturam capio,
iter facturus es in Italiam: breve quoque monitum

Alexand. de
Pont-aymery
de la Noblesse
Françoise.

*ex Alexandro Pontamario Gallo, magni & candidi
judicii viro, referam tibi; ut quæ studia, quas artes,
quas disciplinas ac scientias sis illic inventurus, com-
pendio scire, & proinde prudentiam fronte apertâ, lin-
guâ parcâ, mente clausâ, cautiùs ibi locorum dispensa-
re possis.* Nous allons en Italie, *ait ille*, avec une despenſe incroyable la ſeule ombre de la ci-
vilité, & nous en rapportons la maſſe entiere du vice:
Ceux de Milan nous apprennent la tromperie: le Bou-
lognois nous enſeigne le menſonge: le Venitien nous
rend hypocrite: le Romain nous plonge en un Océ-
an d'atheisme & d'impieté: & le Neapolitain nous
change en un Satyre, ou pluſtot nous fait un eſgout
& un cloaque de toute laſciveté, molleſſe, & paillar-
diſe. J'avois oublié les Florentins ennemis jurez de
bonnes meurs, &c. *Si Gallicè non omnino intelli-
gis; dicam, ſi potero, Latinè.* In Italiam proficiſci-
mur, & incredilibus ſumptibus comparamus no-
bis ſolummodò umbram alicujus civilitatis; ſed no-
biſcum ſimul domum portamus immanem & inte-
gram vitiorum alienigenarum maſſam. Mediolanen-
ſes inſtruunt in fraudibus: Bononiensès docent men-
dacia: Veneti nos faciunt hypocritas: Romani nos
demergunt in Oceanum atheismi atque impietatis:
Neapolitani nos transformant in Satyros, ſive potius
mutant in latrinam & cloacam omnis laſciviæ, luxu-
riæ, & libidinis. Oblitus eram Florentinorum, qui ſunt
bonorum morum jurati hoſtes, *Hoc*, mi Laurenti,
habe

*habe amoris in te mei, & amicitia noſtræ non fallax
monumentum; cui, ex veterè formula, dolus certè
malus abeſt. Et, quod in principio ſtatim orationis di-
cere debui; ego, Optime Maxime Præſes, illuſtriſ-
ſimo Principi FRANCISCO CAROLO, Duci Sa-
xonie, adſentior.*

PRINCEPS
FRIDERICVS
ACHILLES, &c.

DIC TU
JOANNES WILHELME
RHETVVIZI.

Fini 2. ORATIO

ORATIO
JOANNIS VVIL-
HELMII von Retwitz/
FRANCI,

contra

GERMANIAM.

Patriam, illustrissime Præses, diligunt boni omnes: & quidam sic amant, ut supremum adfectum consequatur par laudatio; quibusvis aliis locis aut regionibus, quâcunque sint præstantiâ, dignitate, honore, vilius æstimatis, frigidius laudatis.

Ovid. lib. 1. de Ponto.

Non dubia est Ithaci prudentia: sed tamen optat, fumum de patriis posse videre focus.

Nescio, quâ natale solum dulcedine cunctos ducit, & immemores non finit esse sui.

Quid melius Româ? Scythico quid frigore pejus? Huc tamen ex illa barbarus urbe fugit.

Equidem, ut de me quoque loquar aliquid, tantum abest, ut patriæ charitatem omnibus aliis charitatibus non antehabeam, ut etiam sim paratus, si Reipublicæ intersit, quicquid spiritus, & vocis, & virium a DEO datum est mihi, omne id in illius salute, incolumitate, & laudibus non occupare modò; sed, si res poscat, etiam

etiam absumere. Verum aliud negotium hoc loco agitur: & patriæ prærogativam jam non adfectu nostro, sed illius meritis metiri decet. Iste sæpius aufert, aut inflat iudicium; hæc multoties requirunt. Ne itaque nobis aut ex nostri ignorantia blandiamur nimis, aut cum aliarum nationum depreßione gloriemur effusius, & fortè ante victoriam agamus triumphum; id mantica, quod in tergo nos gestamus Germani, molli tantum brachio excutere nunc lubet; & cum tua bona gratia, præclarissime Princeps, FRANCISCE CAROLE, Dux Saxonie, in malos quoque patriæ nostræ mores inquirere est animus. Nisi autem me omnia fallunt; audies, quod factum, aut etiamnum fieri nolis; & denuò in consilium quæstionis venturus, aut abjudices Germaniæ jam decretum principatum, aut dicas saltem, NON LIQUET.

Mihi verò, Auditores, liquent Germaniæ vitia quàm plurima. Et quemadmodum Papistæ vanâ superstitione decepti somniant, tantam esse Papæ amplitudinem atque maiestatem, ut perquam difficile sit illum definire: ita ego, sed luculentâ rei veritate eruditus, audacter asseverare possum, tantam vitiorum Germaniæ undique regnare immanitatem, ut verba satis horrida & aspera non inveniam, quibus illam describere queam. Et ubi in hac infelici materiæ copia exordiar? Quid dicam primum? Prima cura esto Reipublicæ. At qualis nostra? quàm languet? quàm deficit, & in omnibus fere membris labascit? Videtur,

R. Bellarm in
resp. ad Gerson.
Considerat.

tur, Auditores, non uno, sed omnibus simul fonticis morbis adflicta, non decumbere, sed curriculo properare ad sepuichrum. Et quæ facta jam est Imperii imminutio? Quot provincias, quot civitates, rebellio, perfidia, profusio, venditio, privilegium, jam distraxere? Veneti, Mediolanenses, Florentini, Genuenses, Senenses, Lucenses, Ferrarienses, & Italia propè omnis, nullam Imperii Romani jurisdictionem adgnoscent: atque Romani etiam ipsi sunt fugitivi: ut Imp. Fridericus I. cum Hadrianus Pontifex Cæsareum jus in urbe sibi adscriberet omne, & se inscio Imperatorem ad urbem legatos mittere nollet, rem acutetigerit, hisce verbis ad Hadrianum scriptis; Cum Divinâ ordinatione ego Romanus Imperator & dicar, & sim, speciem tantum dominantis effingo, & inane utique porto nomen ac sine re, si urbis Romæ de manu nostra potestas fuerit excussa. Quanquam & Imp. Carolus IV. omne jus Pontificibus transcripsisse dici potest: cum illum Hostiensis Cardinalis non aliâ, nisi hac conditione in urbem admittere voluerit, ut neque Romæ, neque in Italia diutius moraretur. Quin omnis adeo Romani Imperii evanuit potestas in Italia: ut Imperator hodie non possit Pontificis subditum restituere natalibus in ditione Pontificia, absque illius consensu; qui si absit, defectu potestatis legitimatio reddatur nulla. Eandem libertatem præ se ferunt Burgundiones, Lotharingi, Belgæ confœderati: & hi quidem cum armorum vindictis se se in libertatem contra Hispanos adseruisse existi-

And. Knichen.
in Velit. Apo-
loget. Chr. Be-
fold. de Appell.
cap. 2.

Radev. lib. 2. c.
30.

Jo. Naucler. vo-
lum. 2. generat.
46.

Jo. Vincentius
Hondedgus vo-
lum. 1. p. 4. de
ultim. Volunt.
Conf. 64. num.
26. 27. 28.

D. Baudius lib.
1. de Induc. Bel-
gie. adde Schlei-
dan Comment.
lib. 1. in Oratio.
Trevirensis.

existiment, causam putant esse nullam, quamobrem se subditos & vasallos Imperii amplius confiteantur. Ita & Helvetii, qui suâ opinione plaga mundi, & prudentum judicio flagellum Principum ac Nobilium sunt: homines naturâ superbi, qui ipsam sibi justitiam famulari volunt, justumque id putant, quod eorum phantasticis est conforme capitibus: illi non modo non parent Imperio; verum etiam, cum aliquando crebrioribus mandatis ad Cameræ judicium tanquam subditi vocarentur, miserunt Legatos Spiram, viros primarios, qui admissi in publicum Senatorum confessum, Cameræ hunc in modum rusticis & penè contumeliosis verbis allocuti dicuntur: Domini confœderati Helvetii vos vicinos suos salvere jubent. mirantur verò, quod tam crebris citationibus vestris placuerit vobis diu eos vexavisse: orant, & hortantur, ne amplius eos exagitetis. Ita ad Septentrionem amplissima provincia avulsæ sunt à corpore Imperii: ex quibus Rigenses iram Imperatoris Carolus V. proscriptionem minitantis, non ita pridem tam parvi faciebant, ut verterint ludibrio, vulgo dictitantes; priusquam in Livoniam advenisset, equitatum ejus lassum ac fatigatum fore; ac si magno cum exercitu veniret, eum fame & inediâ consumptum iri; si cum exiguis viribus, facile vinci posse. Et in quamcunque fere orbis partem circumspiciam; cum dolore video foris Imperii expilati spolia, et implumis Aquilæ exuvias; domi autem miserabiles augustissimi olim corporis reliquias intueor, aliquam emaciati &

Der Welt
Pleg. Felix Fa-
ber Hist. lib. 1. c.
13. Aen. Silv. E-
pist. 94.

Ch. Vvarsevic.
de Legat. Hen.
Kirchn. de Le-
gat. lib. 2. cap. 8.
n. 69. & c. Chri-
stoph. Besoldus
de Appell. cap.
2. num. 6.

Man solle sie
hinfaro vnges-
hewt lassen.

Thuan. Histor.
lib. 21.

Kkkk

ti &

Goldastus in
Reichshand-
lungen. in præf.
ad Duc. Vyür-
temberg. Jo. Fr.

Goldastus in
Constit. Im-
perialib.

G. Sciopp. in Ec-
clesiastico. c. 32.

ti et omnino attenuati corpusculi speciem, imò penè ex-
succum aridumque cadaver. Video, Auditores, à
tempore Cæsaris Rudolphi I. ad nostram usque memo-
riam, supra ducentos Status atque Ordines, Archie-
piscopatuum, Episcopatum, Ducatum, Principatu-
um, Abbatiarum, dynastiarum, civitatum, & aliis ti-
tulis illustres, qui omnes Sedi Regiæ Aquensi & Im-
perio Germanico jurisjurandi religione devincti e-
rant, & ad Comitia evocabantur, ab Imperii ob-
sequio discessisse, vel defecisse. Quare in hac Imperii
Romani angustia et tenuitate Imperatoribus jam sem-
per-Augustis esse vix licet: præsertim cum etiam ner-
vi illius, quod restat Imperioli, vectigalia & tributa, ad
subditos Principes transferint: & præterea omnium
Ordinum res tam sint accisæ & fractæ, ut Imperator
Carolus V. Hadriano VI Papæ scripserit; Germa-
niam ad eam egestatem & inopiam redactam esse, ut
non solum contra Turcas nullam insignem expeditionem
suscipere, sed & domi justitiam ac pacem tueri, & sce-
leratorum audaciam cohibere non possit: Gaspare
Scioppio insuper affirmare nuper auso, hodieque è
Protestantium Principum numero illustrissimos, imò
Regis familiis editos inveniri; quorum annuus census
CC. aut CCC. aureorum summam non excedat; qua-
quidem ex re usu venire eis nonnunquam soleat, ut
Poëtice potius quam Regiè vestiantur: quod tamen
omne merè Scioppianum, id est, prægrandem ac turpis-
simam calumniam, in odium Protestantium Prin-
cipum

cipum nequiter confictam esse, (uti certè post homines
natos sol nihil illuxit maledicentius isto Scioppio,
jamdudum collare à restione promerito.) nemo bonus
dubitare debet. Quæ autem Imperii jugulum petit, est
toties facta animorum, Imperatoris ab Ordinibus, &
Ordinum quoque inter se se dissentientium, periculosa
distractio: quæ subinde fœderum, societatum, ligarum,
& aliis nominibus robur & auctoritatem nata, non ra-
rò in sævisima bella erupit, & vix civili sanguine po-
tuit interdum sopiri; aliquibus tamen discordiarum
seminibus semper remanentibus: ita ut quantæcunque
Germaniæ vires jugi dissensu Ordinum, dum in com-
mune non consulunt, facile dissolvantur. Ibrahimus,
Solimanni Turcarum Imperatoris legatus, aderat
Francofurti in conventu electioni Maximiliani II.
Cæsaris indicto: cui cum Saxo, Bavarus, & Juliacen-
sis, qui in solenni comitatu, euntes equo, Ferdinandum
& Maximilianum deducebant, monstrarentur; cum
monitiuncula, Principes potentissimos esse, & singulos
justum exercitum contra Turcas educere posse; atque
Germaniam habere ejusmodi plures; quid putaret fo-
re, si conjunctis viribus omnes Solimannum simul ag-
grederentur? subrisisse ferunt barbarum, & dixisse;
de potentia Germaniæ se nihil dubitare, & ex præsen-
tium apparatu vires absentium facile colligere posse;
sed sibi videri Germanorum animos, consilia & actio-
nes, similes esse belluæ multorum capitum & plurium
caudarum, quæ agitata sæpem transire conaretur; quia
Kkkk 2 verò

Phil. Camerar.
Cent. 2. cap. 23.

verò capita diversa, foramina quoque diversa quæ-
rerent, ita fieri, ut simul & corpus & cauda manerent
immo, & impediri, quò minus ulterius progrederen-
tur: contra Solimannum suum Imperatorem belluæ u-
nicipiti, & plures caudas habenti, peresse similem; quæ
ubi semel capite transitum patefecisset statim corpore
toto, atque caudis omnibus, sine ullo impedimento pene-
traret. Verissimè dixit Ibrahimus: & utinam vel tan-
dem isti piscatores saperent! Verùm in Comitibus, quæ
sarciendæ paci publicæ, & communipatriæ bono stabi-
liendo augendoq; sacra esse debebant, quæ consiliorum
ibi sunt scissuræ & factiones; imò quæ communium
consiliorum sunt effugia? quæ ibi gliscunt ultra modum
de subselliorum jure certamina? Unde scomma Joannes
Zamoiscii, magni Poloniæ Cancellaris, dicere soli-
ti; Germanos in suis Comitibus fere nihil aliud agere,
quàm ut sessionibus digladiantur. Propterea in uno
conventu causæ ad deliberandum propositæ rarissimè
expediuntur omnes, sed plerunque in nova Comitibus reji-
ciuntur: quod Æneas Silvius falso isto dictorio argue-
re consueverat; Omnes Germanorum dietas esse fœ-
cundas; & quamlibet in ventre habere alteram; ac-
credibile esse, quia fœmineum sit nomen, libenter im-
prægnari dietas, ac parturire. Quid dicam de senten-
tiarum & decretorum vacillationibus, & mutationi-
bus? Quis non audit illud facetum Imperatoris Caro-
li V, Germanorum conventus viperis assimilantis: quia
(ajebat) ut istæ matres suas tollunt; sic illorum poste-
riora

Cuspinian. in
Constantino
VIII.

H. Kirch. de
Legat. lib. 2.
cap. 5. n. 78.
& 79.

Æn. Silv. E-
pist. 72. & 92.

J. Lips. in not.
ad lib. 3. Polit.
cap. 5.

riora decreta, priora. Quod verò in tali sensuum Eu-
rippo, in illis ingeniorum fluctuationibus, in hoc fere im-
mortali Ordinum dissidio, Imperatori præstetur obse-
quium, quam ille obtineat auctoritatem & potestatem:
ecquis vestrum, Auditores, non intelligit? Quis ad com-
miserationem pereuntis Reipublicæ commotus, ani-
mum, linguam, vocem, & omnes sensus non componit in
vota status melioris? Quis in illis domi forisque vul-
gatis vocibus, Cæsaris nomen quidem hodie extare,
sed potestatem mutasse: & Imperatores antiquæ
majestatis umbram retinere, rem verò penitus amissis-
se: quis nostrum summum dulcissimæ patriæ contem-
ptum non advertit?

vide & Chy-
traum in Chro-
nic. Saxon. lib.
19. f. 509.

Pont. Heuter.
de Belg. lib. 1.
cap. 1.
Joh. Bodin. de
Rep. l. 1. c. 9.

JURIS erat quondam & RECTI Germania regnum:

Ragion. di Stra-
to

At nunc JUS REGNI regnat ubique novum.

O infausta tempora! O degeneres mores! Olim
maximi quique reges Imperatoribus ad omnia
officia se submittebant humiliter: sed hodie vix illis
Comites caput inclinant. Olim Carolis & Ottoni-
bus venerationem & devotum obsequium exhibebant
subditi omnes: sed postera secula, in contumaciam &
rebelliones licenter proclivæ, non totis trecentis an-
nis novem Imperatores civili clade absorpserunt; præ-
ter eos, qui imperio abdicare coacti sunt. Et quàm con-
meliose in Augustalem dignitatem Germani multo-
ties sint grassati: tot annalium & historiarum monu-
menta satis superq; attestantur. Pungit animum
meum etiamnum improba Gerhardi Moguntini

Æn. Silv. Epist.
81.

J. Bodin. de Rep.
lib. 6. cap. 5.

Kkkk 3

Archie-

Archiepiscopi vox, procul dubio magnarum turbarum genitrix. Cum enim tres Electores Ecclesiastici, Gerhardus ille, Henricus Colonienfis, Dietherus Treverensis; & præterea Rudolfus Palatinus Septemvir, aliique Principes, conjurassent in Albertum I. Cæsarem: Moguntinus præfracti animi vir, & Cæsareæ dignitatis propola, temerarium juxta & insolens eructaverat verbum, cornu venatorium e collo dependens ostentando: In hoc, agebat, complures gesto Cæsares. tanquam is Episcopus arbitrato suo Cæsarem de fastigio dejicere, & alios novos quoscunque substituere posset. Sed omnes feroculos illos postea habuit supplices Albertus, & aliquot tantum oppidis captis, nihil in eos præterea statuit inclementius, meritos tamen pœnas gravissimas, & minimum eam, ut canes portarent. Fuit enim, Auditores, veteri Francorum & Suevorum consuetudine, præter alias pœnas, etiam hæc rebellibus atque refractariis irrogata ignominia: ut reus Nobilis canem, plebejus autem in proximum usque Comitatum fellam gestaret: quemadmodum Imp. Fridericus Barbarossa Hermannum Comitem Palatinum Rheni, & decem socios Comites alios, quod se in Italia absente prædationibus & incendiis pacem publicam turbassent, per integrum milliare Germanicum canem portare coegit. Sed illa puniendi severitas pessimo more abiit in desuetudinem; quæ si constanter sine adpectu & adfectu in omnes Imperialium sanctionum transgressores semper fuisset exercita, non sustinisset patria nostra

M. Cruf. Annal.
part. 3. lib. 3.
cap. 16.

Otto. Frising.
de Frid. 1. l. 2.
cap. 28.

nostra tot proditiones, tot lanienas, tot devastaciones, tot latrocinia, tot alias calamitates: & hodie, mei Auditores, pax publica sit sine discrimine, Ordinum devinctio sine suspicione, moneta sine detrimento; & totius Reip. salus, Imperatoris majestas, & omnium Principum atque Statuum auctoritas & privilegia; nec non diva justitia, quæ prodigiosa immortalium litium multitudinem, & aliquando necessaria executionis defectu, aut etiam illegitimam alicubi administrationem, penè destruitur, sint in tuto. Atenim Imperii Romani jam ab aliquot seculis diversicolor & mutabilis facies sæpe in varias me abripit cogitationes, & subinde facit dubitare, annon Fides & Constantia juri civitatis in Germania renunciaverint? & annon majorum perfidia & crudelitas commigrarint in posteros? Nam si aquæ quædam gutturosos efficiunt, ut in Norico supra Flaviam, sive Salzburgum; atque in duobus vallibus in alpinis Cillera, & Sundera, non longè à Curia Rhetia; ubi præterea fons est, cujus aquæ potæ adeo lædunt cerebrum, ut stolidos faciant: cur non & liberi quoque, qui spiritum & sanguinem ducunt à parentibus, simul eorum virtutes & vitia jure hæreditario imbibant? Omnino successio hæc est in stirpes. At qui sunt majores nostri? Olim Germani Vellejo Paterculo fuere homines, qui nihil præter vocem membraque haberent hominum, in summa feritate versutissimi, natumque mendacio genus. Mei autem Franci Salviano sunt mendaces, qui perjurium genus sermonis putant, non

G. Agricola lib.
2. de nat. eorum,
quæ effluunt ex
terra.

Patercul. hist.
lib. 2.

Salvianus. add.
J. Bodin. Meth.
Histor. cap. 50.

non criminis. Saxones verò cum ipsa Britannia, tum omnis oram maritima Britanniae & Galliae, usque ad Hispaniam, accusat fluxae fidei & immanis truculentiae: ad quorum depredationes cohercendas necesse fuit disponere ad litora duces & milites; qui inde dicti Comites litoris Saxonici per Britanniam, & Duces tractus Armorici. *Hinc Sidonius*: Quot remiges videris Saxones, totidem te cernere putes archipiratas. Ita simul omnes imperant, parent, docent, discunt latrocinari. Vnde nunc etiam, ut quamplurimum caveas, causa successit maxima monendi. Hostis est omni hoste truculentior. Improvisus aggreditur, provisus elabitur: spernit objectos, sternit incautos: si sequatur, intercipit; si fugiat, evadit. Ad hoc, exercent illos naufragia, non terrent. Est eis quaedam cum discriminibus pelagi non notitia solum, sed familiaritas. Præterea priusquam de continenti in patriam vela laxantes hostico mordaces anchoras vado vellant, mos est remeaturis decimum quemque captorum per aquales & cruciarias poenas, plus ob hoc tristi quòd superstizioso ritu, necare, superque collectam turbam periturorum mortis iniquitatem fortis æquitate dispergere. Talibus se ligant votis, victimis solvunt: & per huiusmodi non tam sacrificia purgati, quàm sacrilegia polluti, religiosum putant cædis infauftæ perpetratores, de capite captivo magis exigere tormenta quàm pretia. *Et ut semel dicam omnia: in universum Septentrionales nostri Germani audiunt,*

Vide Noticiam
Imp. Occident.
& ibi Guid. Pancirol.

Sidon. lib. 8. Ep.
ad Nannantium,
Ep. 6.

Vide G. Camd.
in Brit. de Angl.
Sax. & Norman.

diunt, carnifices mortalium. Nam ut terrores, ait *Nicephorus*, de cœlo sæpe hominibus à Deo incutuntur, ut fulmina, incendia, & imbres procellosi; sæpe à terra, ut telluris hiatus, & quassationes; sæpe ex aëre, ut typhones & nimbi: ita hi à Deo asservantur Septentrionales ac Hyperborei terrores, ut pro poena quadam, quando, & quibus providentiæ Divinæ visum fuerit, immittantur. *Sed nullane posterioribus seculis & ætatibus incubuit barbaries talis? Nullane perfidia & sævitia exempla famam flagellant a vorum? Nullane in memoriam nostram incidit infamiae macula? Res publica nostra, Auditores, foret sanctior, robustior, & durabilior, si nihil opponere possem. Franconia mea, ut aliae provinciae dolorem suum ex tot nefariis facinorosorum flagitiis contractum celent, quod factu est difficile; quomodo Hattonem Archiepiscopum Moguntinum perpetuis imprecationum diris laceessere cessabit? Nam cum civile bellum in Germania inter Rudolfum Episcopum Wirceburgensem, & Bambergenses Comites, de claritate generis opumque magnitudine (ô stultam belli causam!) exarsisset; & Albertus Bambergensis Conradum Ludovici Imperatoris fratrem interfecisset; Imperator nece fratris in vindictam exasperatus, illum in castello Therassa obsedit. Ibi Hatto, veluti reconciliator, Alberto persuadet, ut Imperatorem coram ipse compellet, & veniam poscat; interponitq; fidem, si nihil ab Imperatore obtineri possit, se incolumem illum statim in arcem reducturum.*

LIII

rum

Otto Fisingen.
lib. 6. cap. 44.
Alb. Cranz. lib.
2. Metropol. c.
25. M. Crufius
Annal. Suevor.
part. 2. lib. 3. c. 6.
Chr. Lehman.
Chron. Spiren-
sis. lib. 3. cap. 50.

Macler. vol. 2.
gener. 43. J. Ca-
rion. Chronic.
lib. 3. Chr. Leh-
man. Chronic.
Spir. lib. 5. cap.
104.

Aen. Silv. Epist.
155. & 162.

Thuan. Histor.
lib. 11. & 36.

rum. Credit Albertus, et cum Hattone exit: sed non longè progressi, autore Hattone redeunt, & prius prandent; quasi mora iusto longior in futura pacis actione inter-ventura esset. Itaque pransi ad Imperatorem descendunt: ibique confestim Albertus comprehensus, & manibus post tergum reuinctis (nequicquam fidem implorans Archiepiscopi; qui dicebat, se in arcem ipsum, unde eduxisset, reduxisset, nec promississe amplius) securi percussus est. Quis Cretensium unquam sic fuit mendax? Quis Poenus sic perfidus? Unus Hatto Cretenses & Poenos omnes in mendaciis & perfidia instruere potuisset. Quod si verò Hattonis scelus à nostra memoria cui videatur remotius, quàm ut ad nationis nostræ dedecus hodie referri possit: quantum fidei igitur & honestatis tribuamus illis famosis præmiatoribus & latronibus, qui mox à morte Imperatoris Friderici II. per bene multos annos totas provincias perfidè deprædati sunt; & quorum arces circiter sexaginta in una Thuringia Cæsar Rudolfus I. solo æquavit? Quid integritatis adscribemus Moraviæ, patriæ latronum: ubi proavorum adhuc ætate, tantò quisque nobilior ducebatur, quantò spolia maiora commisisset? Quid de illo Alberto Brandenburgico, ad cuius, tanquam Hæmi Thracii nomen, in Herbipolensi bello, siue potius latrocinio publico, non ita pridem tota Germania cohorruit; cui nullo respectu, ut exteri quoque iudicant, nullâ juris æquive, aut denique honesti habitâ ratione, omnia miscere ludus erat: quid de Guilielmo Grombachio;

bachio; quid de consimilibus aliis quamplurimis patriæ nostræ facibus, dicemus? Aut, si parum adhuc illi à fide discesserint; agite, Auditores, Adolfum Ecmondanum aspiciate, qui veteres & novas perfidiæ artes superavit, & cum immani impietate conjunxit. Ille patrem suum (ô nefas!) senem, in ipsius Adolphi filii gratiam præter vires & morem tum latiore, Graviâ, noctu, acerrimâ hyeme, jam in lecto quiescentem capit; pater, inquit, necessitati parendum est; age, sequere: nec tantillum exspectat, ut tuniculam interiorē aptet atque induat, ne tibialia quidem summat: sed pater equitantem filium, absque calceis, nudis pedibus & corpore, per quinque milliaria Buram usque sequi cogitur: ibi in squalidum et obscurissimum carcerem detruditur, & totos sex annos detinetur. post multas Pontificis, Imperatoris, & vicinorum Principum minas & intercessionē, tandem Carolus Pugnax, Burgundiæ Dux, utrumque coram se sistere iubet Dorlani, & sententiam dicit: Arnoldus pater solus titulo Ducis utatur; sed filio oppida arcesque totius Geldriæ cedat, solâ Graviâ sibi exceptâ: accipiat in alimoniam de manu filii tria quotannis aureorum millia. Sed quid Adolfus? Ille non tantum conditiones, quantumvis in patrem iniquas, non acceptat, sed etiam respondet; Malle se præcipitem dare parentem in puteum, se deinde superinjicere, quàm ut sic paciscatur: patrem jam præfuisse per totos quadraginta quatuor annos; æquum esse, ut tandem & ad se quoque redeat

Phil. Cominæ-
us Comen. lib.
5. J. Lipf. Monit.
Polit. l. 2. cap. 5.
Em. Meteran.
Belg. Hist. lib. 4.

redeat principatus, ferre se posse, ut quotannis ille habeat pensionem trium millium, sic tamen, ut ex Geldria discedat, nec unquam in eam pedem referat. *En praeclaram Germaniae fidem! En constans Belgarum obsequium! En insignem pietatem in patrem! At vero jam facilius ego credam Morvillerio, qui dixit, Belgarum levitatem ex annalium fide perispectam esse: ut & illis ad stipulabor; qui testati sunt, Gandaven-
 bus insitum esse, turbare; adeoque non solum priscis temporibus, sed & ultimis bellis, ex quo illi per turbas libertatem à Carolo V. olim sublatam, & robur pristinum recipi-
 arunt, nullos toto Belgio rerum novarum cupido-
 res, nullos violentius mutasse, & in utraque fortuna ad rerum inclinationem majora momenta attulisse: at-
 que justè Brugen-
 sibus commercium ademptum, & Antuerpiam translatum fuisse adfirmabo; quod illi Maximilianum I. tunc Romanorum Regem, præci-
 puis ministris in conspectu illius occisis captum, ignomi-
 nioso carceri incluserint: imò & illa vulgaria dictoria, quibus Brabantii hilares, festivi, ridiculi, in ludicris im-
 modici; Flandri mulierosi & intemperantes; Batavi simplices, incauti, inertes, segnes, ac stolidi; Zelandi callidi, vafri, subdoli, dicaces, captiosi, appellantur, hodie pro morum corruptela & improbitate nimis mi-
 tia & lenia esse existimabo. Quodenim crimen aut fla-
 gitium post illud Adolphi scelus jam sit incredibile? Ob-
 stupuit, & ad diritatem facinorum ingemuit Europa: cum superiori seculo Selimes I. Turcarum Sultanus, patrem*

Thuan. hist. lib. 51. & lib. 77. ad de P. Matth. in hist. Henr. IV. lib. 6. nat. 3. Apolog. Pr. Au- raici ad pro- scrip. Hisp. R. Diete Gentis geboren/ en t' Verechtigt ter & cholemeute Luyckleert Syn- Wals; is een Minnater door syn Hals: en comdy dan noch wat te- fert/ & omoech- de aufpretende van Dore.

Thuan. histor. lib. 60.

patrem, Bajasitem II. imperio spoliasset, & venenoper-
 emisset; Achmeti Corcutiq. fratribus natu majoribus, & quinque fratrum filiis laqueo fauces elisisset; proce-
 rum deinde maximorum cædes, Mustaphæ bassæ Vezir-
 razemis, Cheudeni bassæ, Ducaginoglis Vezirazemis bassæ generi sui, Ischenderis itidem bassæ generi, Tazi-
 sadis Cadilescheri, Balis Gemis Seguanis bassæ, Chu-
 seinis bassæ Veziris, & Fonuzis bassæ, nefariè accumu-
 lasset: sed ille Selimes fuit barbarus, fuit Turca, & hereditariis quasi domus suæ lanienis ferox: non fuit Christianus, non Germanus. Sed abite in malam rem, abite perfidi, rebelles, impii, & ingrati omnes, quicunq. estis. Et ô bellam Pugnacis illius Caroli justitiam, qui ultimo hominum Adolfo contra patrem favit! Quo enim honesti prætextu monstro isti, quod culco erat in-
 suendum, adversus omnem æquitatem & Divini hu-
 maniq. juris regulas tantum concedi potuit? Cum Caro-
 lus Borbonius patriæ suæ proditor & hostis, deserto Francisco I. Galliarum Rege, venisset ad Cæsarem Ca-
 rolum V. in Hispaniam, adeo Hispani procures ab illo, ut infami perfidoq. abhorruerunt, ut ex istis unus, cum Cæ-
 saris nomine rogaretur, ut Borbonium ad tempus ali-
 quod in domum reciperet, Castellana magnanimitate inter-
 nuncio responderit: Se Cæsari, quod vellet, dene-
 gare non posse: cæterum sciret, se domum illam, quam primum Borbonius discesserit, quasi ejus infamia contaminatam, & quæ posthac ab honoratis vi-
 ris inhabitetur indignam, flammis aboliturum esse:

LIII 3 verum

Joan. Leunclavius Pand. Hist. Turc. c. 206. & Hist. Musulm. Turc. lib. 16. & 17.

Fr. Guicci. Hist. lib. 16.

verum Pugnax ille Hispano illo haberetur major & laudatior, si flammis quoque non contra domum, in qua Adolfus hospitabatur, sed contra ipsummet hospitem fortiter pugnavisset. Quanto autem Carolo melior & justior ille haudquaquam barbarus Mauritania Rex? qui cum audisset hostem suum Alfonsum, Castellae Regem, armis filii divexari, ingentem auri vim mittebat ad Alfonsum, & ipse etiam in Hispaniam cum magna militum manu trajiciebat, rem indignissimam esse judicans, ut filius patrem regno pellat; addens autem, Victoriâ partâ, se Alfonso iterum hostem futurum. At enim ille Pugnax Carolus, ille sceleratissimus Adolfus faciunt, Auditores, ut in Germania injustitiam rursus aliquid edisseram. Sicut enim Treverensis ditionis aer frequenter est nubilus ac pluviosus, ut quidam hic accommodent cloacam planetarum: ita in Germania justitiæ cælum frequentissimis injuriarum, crudelitatis, & omnis improbitatis nubibus est obductum, ut non raro hinc depluat sentina omnium malorum. Et, uti in multis Hollandiæ ac Zeelandiæ partibus terra penitus aquis imbuta permaduit, ut non solum, quâ manifestè palustris est, cedat ad nixum, & hauriat pressa vestigium; sed etiam, ubi paulò videtur firmitior, pedum pulsu tentata quatiatur, & sentire se procul mota pondus testetur; imò & ob illam causam Oceani violentiam experiatur maxime, qui ruptis & dissipatis aggeribus patrum memoriâ centum amplius millia jugerum abrasit, & Nordbevelandiam omnium Mattiacarum

Alb. Gentil. de
Jure belli lib. 1.
cap. 15.

Eumen. in Pa-
negyrico Con-
stantii.

Jo. Bodin. The-
at. nat. lib. 2. C.
Ens. Hist. Belg.
1.1. Lemnius de
occ. nat. mir.
1.1.4. cap. 2. ad-

carum insularum hortulum ita absorpsit, ut præter tur-
rium cacumina, aquis passim exstantia, nullum reli-
quum sit vestigium: ita quoque patriæ nostræ, vitiosis
humoribus macerata, insidiatur injustitiæ Oceanus,
& majorem partem inundavit, bene magnam jam hau-
sit. Quis verò Imperatoris Othonis II. consilium probet,
quo convivium specie justitiæ cruentare voluit? Et
enim invitaverat is Romæ in Vaticanum Episcopos,
Principes, & civitatum legatos, ad epulum apparatus-
simum; qui cum ordine cuncti accubuissent, statim ille
præconis voce poenam capitis denunciat, si quis ad ea,
quæ videret audiretve, aut vocem mitteret, aut sede
suâ se moveret: & cum dicto convivæ armatorum ca-
tervis circumdati. ibi omnibus trepidantibus, Cancellarius
Imperatoris in violatores pacis inductus, nomina
eorum ex charta recitat: & mox horribili de eis pro-
nunciatâ sententiâ, in conspectu totius multitudinis
supplicium sumptum est. cum reliquis deinde convivi-
um, omnes ad letitiam cohortatus, Imperator jucundè
celebravit ac peregit. Olim Flaminius prætor, Audi-
tores, inter cœnam à meretrice rogatus, quæ aiebat, se
nunquam decollari hominem vidisse, unum ex dam-
natis occiderat: feceratque imprudentissimus ho-
mo, ut Bruti, Horatii, Decii, & cæterorum
decorum Imperii, fasces & secures in dedecus ver-
se, & in jocos obscenæ puellæ reciderint; atque ma-
jestas populi Romani, per omnes nationes, per omnes
diffusa provincias, in sinu meretricio jacuerit.
Sed

de Chryso-
stomo Sancti-
um, qui scribit,
Anno Christi
1421 Oceanum
LXXII pagos
absumpsisse, &
unicum tantum
infantem &
cum eo telem
evasisse.

Viterbiensis.
M. Cruf. An-
nal. Suev. part.
2. lib. 5. cap. 2.
Carol. Sigon.
de Regno Ital.
lib. 7.

Sen. lib. 9. Com-
trov. 2.

Sed quot modis Flaminio fuit noster ille Otto immanior, qui non unius, sed plurium damnatorum sanguini pavimenta immergebat; qui non rogantibus convivis, sed exhorrescentibus, atque spectare & vultum componere coactis, tragœdiam exhibebat? Ottonem tamen, qui illâ intempestivâ animadversione ordinem & gravitatem judiciorum nonnihil corrumpit: quanquam & illa Imperii civitas parum servans decori fuit; quæ Senatori novissimo cuique munus onusq; imponebat carnificis, ita ut ipsum facinorosis capita amputare oportuerit; gladio rubigine propemodum exeso etiamnum superstitite: & ille pagus apud Francos meos; in quo veteri consuetudine maritus nuperrimus furi cruciario laqueum innectit, & signo dato confestim omnes loci cives, & imprimis quatuor Sculteti, operas conferunt, (hoc vocant Huyen) furemq; de annosa & mutilata (cui nomen Rnipplesbaum) quercu suspendunt; fere ad exemplum Balduini XII. Flandriæ Comitis, qui XI Nobilibus, quod tres mercatores spoliassent atq; contrucidassent, in palatium vocatis, & in tabulam collocatis, laqueos singulis injici mandaverat, & postea ipsemet suis manibus subtractâ tabulâ illis gulam fregerat: sed quò excurro? Ottonem, inquam, ineptâ & incivili justitiæ administratione vincunt Gandavenfes; qui patrem & filium ejusdem sceleris convictos ac damnatos sortem ducere jusserunt, uter utrius carnifex esset. pater, cui sors obtigerat, cum atate senex esset, precibus eblanditus gratiam eam obtinuit, ut filius robustior

Phil. Camer.
Gent. 1. c. 76.

Jo. Bodin. de
Rep. lib. 3.
cap. 8.

busior eo munere fungeretur: & filius postea parentis caput intrepidè decussit. Cujus impietatis ac sceleris memoriam æreis statuis in urbe media, & quidem publico ac patenti loco, Gandavenfes etiam hodie exstare patiuntur. Sed nihil iniquius aut magis barbarum illo more esse potuit; quo Klagenfurti suspectus furti in furcam agebatur, et postridie de mortuo quæstio habebatur; qui si reus inventus esset, manebat pendulus, si innocens, funere publico in cœmeterium deferebatur. Ubi ergo, per DEUM immortalem, tandem latitat justitia Germanorum! An fortè & illa patibulo tanquam suspecta est affixa, & jam præposterè rea peragitur? Quod si, Auditores, ad superiora facinora accedant, lex Moravorum, quâ cautum, ut accusator furem suis manibus ipse suspendat in furca; aut, si ad manus carnificem suum non habeat, ipse à fure suspendatur: si lex Lucernatium, quâ, qui civem Lucernatem occiderit, etiam si legitimè vim vi repulerit, nihilominus capite pœnas luit: si pessimæ consuetudines, quibus bona naufragio adflictis, res furtivæ dominis, à magistratibus eripiuntur: si judicia VVestphalica clandestina; si pœnarum quoque atrocitas; & si quæ hujus notæ sunt alia plurima, jungantur: quotâ parte Germania nostra erit justa? quotâ æquitati, & quæ inde maximè dependet, concordia publicæ, operabitur?

Verum, illustrissime Princeps, FRANCISCE CAROLE, Dux Saxonie, Religio quoq; contra quam tu putas, Republicæ nostræ vulnus inflixit longè inhonestissimum.

Jo. Bodin. Method. Hist. cap. 5.
Joh. Boëmus de Europa lib. 3. c. 17.
Felix Faber Hist. Suev. lib. 1. cap. 18.

Dubrav. Histor. Bojem. lib. 32.

Joh. Simler de Rep. Helv. lib. 2.

Joh. Damhoud. prax. crim. cap. 112. num. 67.

Aen Silvius. Epist. 164.

stissimum. Non persequar illorum impietatem; qui cum DEO ipsam Religionem omnino abjecerunt; aut licet professionem retinuerint, tamen fidem vitâ suâ profligaverunt. Faceſſat enim hinc, vetus ille Radbodus, Frisius Princeps: qui sacrum baptismum recepturus, cum audisset, majores suos tanquam gentiles et à Christiana religione alienos apud inferos torqueri, mutatâ sententiâ, pedem alterum jam aquæ immerſum retraxit; cauſatus, Sanctius eſſe, ſequi plures, quàm pauciores; & honestius, ſequi divites & potentes, quàm pauperes & leproſos. Faceſſat hinc Fridericus Ciliæ Comes; qui religionis cauſâ ad Apoſtolorum limina proſectus, ſed nihilo melior reſerſus, hoc ipſum reprehendentibus obſicere ſolitus eſt: Etiam ſutor meus Româ redux ad ſutrinam rediit. Non veniat in hunc conventum Leopoldus Auſtrius, cætera inſignis bellator; qui exceſſu quodam amoris erga Imperatorem Fridericum Pulchrum fratrem, captivum, impiè officioſus Dæmonem vocavit in auxilium, ut illum liberaret. et ſi Fridericus præſentem bajulum & portitorem ſuum averſatus, cum ſedere jam, nec ſciſcitari quis eſſet iſte, jubetur, crucis ſigno fugavit. Procul procul eſto profanus ille Abbas Spanheimenſis Trithemius, qui Imperatori Maximiliano I. conjugem Mariam Burgundam, jam pridem antea mortuam, oſtendit tanquam redivivam: quo ſpectaculo ita territus eſt Maximilianus, ut plurium mortuorum formas, quas ille monſtraturus erat, videre noluerit. Sed aliud malum longè periculoſius

Naucler. vol. 2.
gener. 24.

Th. Zvingerus
Meth. Apod.
lib. 1. cap. 6. ex
Aen Silvio.

Trithem. in
Hirſaug. &
Sponh. Chron.
Gerard. de Roo.
lib. 3. Cuſpin. in
Frider. Pulchro
M. Cruſ. An-
nal. part. 3. lib.
4. cap. 5. Lehm.
Chron. Spiren-
ſis. lib. 7. cap. 15.
p. 746.

M. Cruſ. Annal.
part. 3. lib. 8. c.
27.

ſuus Rempub. noſtram arrodit; quod ſerpit prorsus & ſævit, ut cancer. Religio enim peperit religiones; tranquillitatis mater, dedit filias ſeditionum & diſſenſionum nutrices. Nec provinciæ ſolum, ſed etiam civitates, & in ſingulis fere civitatibus civium paræciæ, interdum & ſingula domus opinionum diſcidiis inter ſe conſtantur. Et quæ gentis noſtræ eſt inconstantia? quæ mutatio? Vix ſincera Divi Lutheri doctrina per tenebras Papales penetravit in aprium: & paulo momento noſtrates huc illuc diſtracti infinitam dogmatum varietatem ſuſceperunt; factiq; ex Papiftis jam Lutherani, jam Calviniani, Anabaptiſtæ, Schwenckfeldiani, Oſiandriani, Huſſitæ, Huberiani, jam alii. Quot capita fere, tot ſectæ. Ac licet Pace Religio- nis præter duas, Pontificiam, & Auguſtanâ Confeſſione comprehenſam doctrinam, nullas alias in Imperio admittendas eſſe, conſtitutum ſit: uti propterea contra Calvinianos, & præcipuè Palatinos, cum Imperatores Ferdinandus & Maximilianus, tum cæteri Principes Proteſtantes inſeſtis animis ferebantur: nihilominus ut eodem pacis beneficio fruantur, aſſerunt Calviniani, ſe Auguſtanæ Confeſſioni verè addictos eſſe: idcirco fraternitatem cum Lutheranis Theologis inire magno molimine nuper conati ſunt, ſed ſine ſucceſſu; Lutheranis ſpurios fratres pro legitimis agnoſcere recuſantibus. Quid autem ſic fiet tandem? Quid ſi Calviniani, facti potentiores, & Lutheranos referant inter ſpurios fratres, & Pacem

J. Bod. de Re-
pub. lib. 5. c. 1.
& in Meth. Hiſt.
cap. 5.

Thuan. hiſt. lib.
39. Vide Sym-
phorem ſuppl.
tom. 1. part. 1.
tit. 3. de Conſt.
Paciſ. Relig. &
L. Hutterum in
Calviniſta Au-
lico. Politico
utroque.

Mmmmm 2 Reli-

Religionis torqueant contra illos, & mutant in bellum? Quid si etiam Pontifici tot opulenta monasteria & tot pingues Episcopatus ab aliis in fiscum & ad mensam Domini versos, armatis precibus repetant? Absit, ut hæc roveam, timeo tamen in hac feracissima sectarum ætate, & hac ambulatoria Principum & subditorum fide. Vitio enim seculi ferme religionibus, ut vestibus utimur: quæ nisi quotidie aliquid habeant novi, non placent. Multa quidem passim amicitia, etiam ad finitatum & novorum foederum vinculis adstricta: quid tum? non perennabit. Sicuti in Vestphalia & vicinis locis campi sunt fallaces, in quibus, cum cesses ille ustibilis offoditur, aqua restagnat, & succrescente herbâ solidum extrorsum solum apparet, ut qui illac iter faciunt, nisi locorum gnaros duces habeant, prius in lutosas voragines inextricabili lapsu impingant, quam periculum adgnoscerere queant: ita vereor, ne nos alicubi multarum religionum ferruminatio aut plumbatura pernicioso errore in vortices inexuperabiles cum certa Reipub. & civium perniciæ seducat. Heu religionum infelicitatem!

Quid verò vitiorum in nostra mantica est amplius? Permultum, Auditores. Quemadmodum enim ædes in superbam altitudinem exurgentes raros in suprema parte habent inquilinos: ita nos Germani, aliis gentibus plerumque proceriores, parum rationis in capite gestamus, & hac de causa imperium nostrum in adfectus est debilius. Longi homines sunt raro sapientes:

Thuan. Hist.
lib. 43.

Bartol. ad l. 1.
de iurisdic.

pientes: dictum est Bartoli. Atque ut Helvetia sterilis est, quæ nec sufficit alendo populo suo; Hassia infœcundis montibus deformis; Marchia Brandenburgensis, & Vestphalia, multis in locis arena, non frumenti divites, & paludibus sunt inhonoræ; & multæ aliæ provincie egestate laborant: & tamen in illis regionibus non minus est lolii & zizanii, quàm in fœcundissimis: sic licet apud Germanos minus sit virtutum, non propterea minus est vitiorum. Civiles certè non sumus: ut Fr. Lanovius dicat, adolescentes Gallos, qui ad nos in Germaniam mittuntur, si quando domum revertentur, rusticulos eos & incultos redire, atque ideo politiorum morum gratiâ aliò ablegari solere: ut ita nobiscum habita conversatio illis magno constet, duplici labore, duplici tempore & impensâ. Voluptatibus autem servimus omnibus: & in media patria Davos, Phormiones, Gnathones, Parides, Apicios, Laides, Thaides, Medeas, colimus & veneramur. Et ubi est pudicitia majorum? Quotusquisque nunc intelligit nomen castitatis? Sæpius miratus sum, ferri adhuc multis in locis balnea & lavacra promiscua, nullâ sexus aut ætatis habitâ consideratione: cum olim Romuli lege, criminis capitalis reus haberetur, qui se nudum a fœmina videri passus fuerit: & Turcæ promiscui sexus lavacra ita aversentur, ut capitale sit viro interesse, vel conspici in loco, ubi fœminæ lavant. Mulier enim cum tunica verecundiam ponit: Ἀμα δὲ καὶ ὡνὶ ἐκδυομένῳ συνενδύεται καὶ τὴν αἰσχρὰ γυνή. Et

Jos. Simler. de
Rep. Helvet.
lib. 2.

Fr. Lanovius
Discursu 3.

P. Camerac.
Cent. 1. c. 34.

Plutarch. in vita
Rom.

Herodot. lib. 2.

Mmmmm 3. hanc

Fr. Aretinus
Consil. 142.

hanc ob causam fuerit ridiculus, an stolidus, Fr. Aretinus, qui satis prolixo Consilio probare conatus est; Fr. Sfortiam Ducem Mediolanensem jure petiisse, ut Dorotheam filiam Ludovici Marchionis Mantuae, Galeatio ejus filio desponsatam eâ expressâ conventionis conditione, si puella intra decimum quartum ætatis annum gibbo aut aliodeerrantis naturæ vitio deformata non fuerit, Medici quidam prius inspicerent nudam in certis locis, atq; etiam tangerent, quâ ita constaret, si quæ puellæ occulta deformitas esset; sed Ludovicum Marchionem hoc ipsum injustè recusasse. Itali autem illam promiscuè lavandi consuetudinem in thermis Badensibus apud Helvetios servatam ita detestantur, ut Poggius Florentinus, qui licentiam eam describebat Leonardo Aretino, epistolæ titulum hisce verbis conceperit: Poggius de Schola Epicuræ factionis, quæ regnat in Theutonia dominorum de Baden. & inter alias Floraliū istorum ludorum festiuitates recitat ille: nulla in orbe terrarum balnea ad fœcunditatem mulierum magis accommodata esse: innumerabilem multitudinem Nobilium & ignobilium, ducenta millia passuum eò venire; non tam valetudinis, quàm voluptatis causâ: omnes amatores, omnes procos, quibus in deliciis vita est posita, eò concurrere, ut fruantur rebus concupitis: multas fœminas corporum simulare egritudines: cum animo laborent: omnibus unam mentem esse, tristitiam fugare, querere hilaritatem; non de communi dividundo agere, sed de communi-

Vide Aeneas
Silvii Epist.

municando diuisa. Quæro, Auditores, an Poggius Badensæ rectè expenderit lavantium morbos? & annon in aliis etiam aquis ac thermis, Epicuri scholas quis hodie invenire possit? Olim in Italia, Bajas vidisse, à severioribus dicebatur specie adagii, pro signo libidinum; cum ille locus esset vitiorum diverterium: in cuius aquis

F. Juret. in notz.
ad Symmach. l.
7. Epist. 24.

Sen. Epist. 51.

quicumque natavit, amavit: Regilianus.

& propterea Martialis falsè ludebat in Lævinam castam mulierem, quæ dum Bajas venisset incidit in flammam amatorias, et relicto conjugæ abiit Helene, quæ venerat Penelope: verum eheu! Bajas hodie multis locis habemus in Germania; ubi inter lavantium greges videre est frequentissima Veneris Amorumq; gymnasia, comessantium tripudia, & symphoniarum cantibus perstrepenes cætus, et alia, quæ velut soluta legibus luxuria non tantum peccat, sed publicat. Tolerabile tamen sit, si in thermas tantum illa libidinum se se exoneraret tempestas; sed longè lateq; (proh dolor!) inundat Germaniam omnem. Quid de Vienna Æneas Silvius, qui diu Viennæ vixit, et eo tempore, quo Nobilium filia virginis appellata, honoris agnoscebat titulum; cum hodie illud nomen infra Nobilitatem esse à multis existimetur? Meretricum, ait, ibi est maximus numerus, raro mulier est uno contenta viro. Nobiles ubi ad cives veniunt, uxores eorum ad colloquium secretum trahunt; viri, allato vino, domo abeunt, ceduntq; Nobilibus. constat sepe à Nobilibus cæsos esse cives, qui uxores suas verbo terruerunt; quibus amatores in curia fuerunt.

Martial. lib. 1.
Epigram. 63.

Aen. Silv. Epist.
156. in Descript.
Viennæ.

Felix Faber Hi-
stor. Suev. lib. 1.
cap. 10.

fuerunt. *Quid verò de Suevia Felix Faber, monachus Ulmenfis?* Foeminarum genus, ait, apud Suevos delicatum & formosum adeo multiplicatur, quod penè in omnibus regionibus evagantur mulieres de Suevia, servientes hominibus in cura domestica, & maxime in cultu Veneris; cui adeo affectæ sunt, ut præpositæ reliquis primum locum in sacris Veneris habeant. aliæ tanquam cum Venere Adonidem quæsituræ per mundum discunt; quem cum diu in publicis lasciviis quæsitum non invenerint, mox abdita petunt, & Adonidem desideratum apud Minervam, Dianam, Vestamque, castissimas Deas, quærunt; quæ eas dirigunt ad suos sacerdotes, responsis eorum certificandas. & iterum. Sicut, ut comparisonem improporcionatam faciam, omnia aliarum regionum lupanaria habent foeminas de Suevia: sic omnia penè monasteria procul existentia habent virgines Suevigenas; & dilectæ ac utiles monasteriis sunt plus quam aliæ, propter bonam naturæ dispositionem. *Quin & magnatum familias conspurcavit infamis illa lascivia, cælumq; cum Tartaro jam miscuit creberrimè.* Quis enim unquam homo illa Barbarâ, Hermannii Ciliæ Comitissæ filia, Imperatoris Sigismundi uxore, fuit libidinosior? quis ab omni honestate & pudore alienior? Illa cum superos ac inferos esse negaret, interitumque animi & corporis statueret: vitam omnem censebat inanem, quæ non coitu, luxu, ac libidine contineretur. Itaque indomita libidinis, & robustissimi cujusque viri domi-

trix

trix mulier; cum defuncto Sigismundo Cæsare à sacerdote moneretur, ut pudicè jam viveret, & turturis exemplo viduitatem exornaret castitate: Si Pater, inquit, exemplum afferre ex avibus cupis; cur non laudas passeret? quarum cupidius vitam sequeretur, quam turturum. quoniam illæ semper lætæ atque hilares cantant; hæ tristes ac mæstæ semper silent atque moerent. *Sed nullum fere speculum hominis imaginem refert tam exactè, quam* Fridericus Ciliæ Comes Barbaræ, frater sororis, expressit mores. *Hunc enim, cum ob execrabiles concubinae amores interfecisset uxorem, & deinde inter scorta turpissimam vitam degeret, unus ex amicis piâ adhortatione ad salutis & animæ curam ita excitaverat:* Annum, inquit, jam supra nonagesimum agis, nec minùs voluptati servis, quam si sis adolescens: resipisce, & jam tandem de morte atque sepulchro cogita: *cui Fridericus:* Hoc ago. nam sepulchrali marmorihoc epigramma insculpendum statui: HÆC MIHI PORTA EST AD INFEROS. QUID ILLIC REPERIAM, NESCIO. SCIO, QUÆ RELIQUI: ABUNDAVI BONIS OMNIBUS; EX QUIBUS NIHIL FERO MECUM, NEQ; QUOD BIBI ATQUE EDI, QUODQUE INEXHAUSTA VOLUPTAS EXHAUSIT. *Non puto, Auditores, similiores Diabolo bestias ad inferos fata transmisisse. Ita enim abominabilis illa Barbaræ, & nefarius ille Fridericus, omnes vitæ rationes instituisse videntur, ut quasi de industria libidinis atque omnis impietatis infamiam colligere, & in DEI odium atq; hominum*

Nnnnn

offen-

Ant. Bonfinius
rer. Ungar. de-
ead. 3. lib. 7.
Aen. Silv. in
Paral. Alfonf.
lib. 3. cap. 15.
Cuspin. in Si-
gismundo.

Aen. Silv. in
Paral. Alfonf.
lib. 1. cap. 19.

offensionem irruere voluerint. Festivum verò Henrici Ducis Brunsvicensis, dignum poetarum fabulis facinus, cur hic omitam? Deperibat ille puellam in Gynaceo uxoris Mariæ, Ulrici Ducis Württembergiæ sororis, Evam Trottinam: quâ ut fruere diutius, & suspicandi occasionem daret nemini; ex composito jubet eam simulare reditum ad parentes, & abire in quandam ipsius arcem paucis post diebus, quâ Eva eò venit, in lectulum illa sese componit, & de invaliditudine quiritatur. sed ex mulierculis, stupri sequestris, cum istæ simulacrum ligneum jam antea dolo huic paratum, humi repositum, linteum, ut in mortuis fieri consuevit, prius obvolvissent, altera denunciat arcis præfecto, Evam esse mortuam: & iste mox thecam ad reponendum corpus confici mandat: atque deterrendi causâ, ne quis propius accederet, fingunt lenæ, Evam interiisse pestilentia; & juniperi granis aliisque rebus odoratis faciunt suffitum. postea funus effertur, & cum pompa deducitur ad Franciscanos: qui totum deinceps annum pro concione populum hortantur, ut pro mortua DEUM deprecantur. fit quoque mandatu Ducis funus cum alibi, tum in arce primaria Wölfebutelo; quibus exequiis aderat etiam Maria uxor, cum pedissequis & cætu virginum, omnes cultu lugubri. Interim tot funeribus suis superstes Eva rectè valet in arce Stauffeburgo, & ab eo tempore septies fit mater. O utinam jam sit Tubingæ iterum Frischlinus aliquis; qui Trottinam redivivam, & novi Fovis furia

Joan Sleidanus
Comment. lib.
35.

furta transferat in comœdiam! qui istius Plautinissimi argumenti varietatem et admirabiles strophas condiat sermonis elegantia! Scio, spectatores et auditores, atque etiam lectores, animo defæcatissimo discessuros esse. Optandum autem sit, ut Henricus à vicino & victore suo, Philippo Hassiæ Landgravio, castè vivere didicisset: qui, cum esset triorches et inexhausti ad Venerereos usus succi, ac propterea uxori gravis; negotio cum pastoribus communicato, concubinam unam superinducere, cujus consuetudine ardore aliquantum perdomito parcius ac moderatius cum uxore versaretur, quàm vagis libidinibus se committere, satius duxit.

Thuan. Histor.
lib. 41

Quid verò de cæteris voluptatibus habeo dicere? De omnibus habeo immania, & digna, in quorum turpitudinem prorsâ & vorsa facundia fulmina ejaculentur: sed jam hoc tantum: in vestitu, in cibo, in potu deliciamur Auditores; & degeneres, & stolidi sumus. Ubi enim est prisca majorum in laneis indumentis ac vestibus singulos prope artus exprimentibus frugalitas? Planè deperit ea: nisi ubi adhuc à virtutum alumna Paupertate defenditur. Ditiore enim fere omnes & præsertim illi, qui stemma jactitant, et fumosis imaginibus caput habent repletum, offenduntur ad panni vulgaris attactum: quorum cutis non fert, nisi sericum, aut Milesium aliquod vellus, aut si qua sunt Milesiis adhuc teneriora. Prestabat nos adhuc barbaros et dici & haberi in illis etiam, ut tunc, sordibus, quàm in hac luxuria, in hoc dedecore vestimentorum palmam

N n n n 2

aucu-

aucupari. Quid dicat Magnus Carolus, si ad nos redeat, & illos videat byssinâ uti summâ veste Principes & magnates nostros; cum ipse lorica vestiretur interu-
lâ? Quid inclyti Ottones illi, qui in pulvere & luto vir-
tutem factis extendebant; cum nostrates unguenta sibi
illinant exquisitissimè apparata? At verò ubi hodie
est illa vetus prandiorum ac coenarum tenuitas: illa,
valetudinis & patrimoniorum tutrix parsimonia? O-
raculum Medicum est: Homini cibus utilissimus
simplex: acervatio saporum pestifera, & condimenta
perniciosa. Quâ ratione barbarus Anacharsis vi-
tæ suæ institutum deprædicabat; Mihi pulpamentum,
inquit, fames; cubile, solum; vestis, Scythicum teg-
men. Et Germanis olim nostris pultes non nisi ex ave-
na cibus erant. Hodie autem mores eò venere, ut cibo-
rum copiis & deliciis jam maxime percamus. Sunt in-
ter nos non pauci, sed oppidò multi, & potior pars,
quibus

Plin. Nat. Hist.
lib. 11. cap. 53.

Plin. Hist. Nat.
lib. 18. cap. 17.

Perf. Sat. 4.

Juvenal. Sat. 1.

_____ summa boni est, unctâ vixisse patellâ:
qui, nisi digitos habeant croco infectos, nisi cinamomum
ructent, ac caryophyllon spirent, nisi

_____ gustus elementa per omnia quærant
nunquam animo pretiis obstantibus,
parum lauti aut & honesti sibi videntur. Itaque licet
affatim hæc patria nostra producat vitæ necessaria: illi
tamen quasi à natura derelicti ad externa confugiunt,
vestes, cibos, medicinam ab Herculis columnis, à Ta-
probanæ insula, à Gange fluvio, à Nili ortu, aut quæ
loca

loca istis adhuc magis longinqua sunt, petentes. Et
ubi hæc vivendi intemperie, hisce peregrinis gulæ ir-
ritamentis, famis ad stata horarum intervalla redeun-
tis necessariam vicissitudinem prostraverunt, demum
infelicitatem suam & miseriam graphicè depingere,
naturæ quoque convicium dicere, non erubescunt.
Quibus si Medicum, quem aliquando Abbas quidam
ventricosus & obesus feliciter fuerat expertus, opta-
vero: fecero pro morbi epidemii magnitudine & peri-
culo prudenter & in populares benignè. Ille Abbas
ad thermas cum veberetur, obviam habebat Nobi-
lem quendam: cui causam balnearum, & An aliquo
laboraret morbo percunctanti, respondebat, Morbi
quidem esse sibi nihil, nisi quòd appetentiam edendi
nuper deperditam eat reparatum in aquis calidis, quas
sciret in hoc remedium esse salubres. Cui statim in-
stat Nobilis: At in hanc rem, inquit, ego tibi sim fu-
turus multò melior Medicus. Et cum dicto abducit
secum Abbatem, quem domi suæ in profundum ac te-
nebricosum abdit carcerem, & aliquot dies ibi inediâ
maceratum post interrogat, An nondum cibi appeten-
tia redierit? cui rediisse adnunti, Aequum est igitur,
ait, ut mihi pro medicina mercedem solvas: Et ita
Abbatem ducentis aureis nummis mulctatum dimi-
sit, sanum jam, & ogegeta tam alacri, ut fabis etiam &
vulgaribus oleribus vesci posset, cum prius delicatissi-
ma quæque respueret. Bellum facinus in eum, qui non
esuriendo cibum, sed satur esuriem quærebat. Vlrici

Ulric. Huttenus
de Morbo Gal-
lico, cap. 18.

Hutteni, *Equitis Franci doctissimi, in hanc ventris ingluviem & gulæ oblectamenta olim dictam querimoniam non possum non Auditorio hic repetere: ne si meis verbis rem eandem arguerem, alii objectorum forsitan vitiorum & criminum conscientia convicti ab invidia & calumnia in nos maledicentiae arma mutuentur.*

De morbo Gallico cap. 20.

Avi mei Laurentii Hutteni, *inquit*, in literas referenda frugalitas magno nobis ad gloriæ ambitum incitamento esse debet. Is cum locuplete esset censu, ac in magnis etiam Principum nostrorum negotiis domi pariter ac militiæ versaretur, in suam domum piper, crocum, zinziber, & id genus peregrina condimenta nunquam admisit; nec alio ipse, quam ex nostra lana vestimento uti solitus est, cum ob bene gestam rem pretiosæ illi quandoque vestes donarentur. Et maiores quidem nostri, ac illi, quos adhuc vidimus pueri senes, cum sic cœnarent, sic vestirentur, bene constitutis corporibus fuerunt, & contra famem ac sitim, frigus & æstum, per laboris patientiam induratis; nos autem hodie ad primas statim pruinas manus ac pedes contrahimus, & vix incipiente hyeme triplicibus munimur pellibus; aut intra illa nos recondimus tepidaria, unde non eximus, nisi ad mediam jam æstatem, torrente & caloribus omnia adurente sole: nos, qui ut jucunditatis affectationem impleamus, venena quoque cibi vice usurpamus, cœnamus etiam transmarina tantâ necessitatis opinatione

nione, ut decretum omnibus passim patribus familias sit, quæ hic proveniunt vendere, ut illa emanent; quibusdam redditis adeo delicatis, ut hic viventes Corsicum bibant, & ab Italis petita cibaria insumant; contra Romæ quando sunt, eo quod apud Rhenum nascitur, aut quod Neccarus gignit, vino utantur. Quæ res una locupletavit Fuccheros: qui, donec nos sic curamus corpora, soli pecunias habent in Germania, soli magnificas ædes ac speciosa ædificia. Quippe in tantum creverunt, illi voluptatis nostræ ministri; ut eorum opes ante cujuslibet ex his Principibus censum habeantur. Diu mortuis irascantur, qui hoc in Germaniam malum admiserunt primi. Rem fecerunt enim indignam Germanâ gravitate. Inde ea retulimus, quæ necessariò hoc vitæ genus sequuntur, innumeras scilicet morborum species: cum vix decimus quisque nunc reperiatur in Germania Nobilium, qui non aut podagrâ laboret, aut articulari morbo crucietur, aut hydropisi infestetur, ischiade, leprâ, aut illo maxima secum mala invehente morbo Gallico divexetur. Meum summum votum est: ne unquam podagrâ, nunquam morbo Gallico careant, qui pipere carere non possunt: & ut aliquando miserè famem ferre cogantur, qui nunc undique non cibum quo vivant, sed quibus gulam irritent ac appetitum invigilent, illecebras quærunt. *Et quidem Austriaci sic excess-*

excesserunt gulæ modum, ut ab aliis convivio nominentur Paschales:

Austriacos fertur Paschales nomine dici;

Paschata quod celebrant semper, jejunia nunquam.

In hac Suevia quoque nullæ sunt esuriales feriæ: gulæ semper in conficiendis & expugnandis popinæ ferculis occupatæ. Et videtur malum hoc esse inveteratum, nec unius seculi. Iam olim enim Domina quædam Pfulendorffensis arcem & oppidum abligurivisse fertur meris trutarum jocinoribus. Et quidam Werdenbergensis Comes libis dulciariis, (lebetas vocat F. Faber, Lebfuchen) quæ accipiebat ab Ulmensibus, Albeccensem Comitatum insumpsisse scribitur. Et quod non impellit luxuria? Berchtoldus V. Dux Zæringensis carniū humanarum ita fuit aridus, ut etiam fervos suos occidi, & sibi coqui mandaverit. Atqui EBRIETAS videtur Germaniæ esse propria: nisi quod magna hæc regio multas alias nationes & gentes quodam veluti noxiæ vicinitatis afflavit contagio, & jamdudum in istam largiter bibendi disciplinam accepit. Et quidem Belgæ, cum universim nescirent vinum, nec quisquam ad potum iret, nisi impellente siti, quam plurimum aquâ restinguebant, conqueruntur, ex Germania superiori ad se defluxisse largiorem vini usum, tanquam ab Alpibus nivem, ubi iuga incaluerunt. Inde & Angli, gens omnium Septentrionalium antea minimè bibax, ex nuperis Belgicis bellis didicerunt immodico potu se

M. Cruf. Annal. part. 2. lib. 9. cap. 14. ex G. Bruschio.

F. Faber Hist. Suevor. lib. 2. cap. 4.

& lib. 1. cap. 12.

Carol. Scribanius in Antuerpia cap. 19.

G. Camden in Annal. Anglic. ad A. Ch. 1581.

tu se proluere, & saluti propinando suam adfligere salutem, malo ebrietatis per universum regnum tantæ contumaciæ grassante, ut illud legum severitate cohibere nostro tempore primum fuerit necesse. Verum, enimvero in Germania nullum vitium regnat latius & potentius. Nemo censetur bellicosus, nisi sit & ebrius. Nemo stomachi sui novit mensuram. Plerique sæpe ingerunt sibi, quam capiunt: imò gloria est, capere multum: quasi non alio fine, quam ad perdenda vina cerevisiamque sint geniti, & tanquam hæc effundi non possint, nisi per humanum corpus. Piperatum panem, & alia quædam salsuscula in expugnabilem sitim acuentia, comedunt strenui potiores, quod fiat molestus ardor: quem dum extinguit potatio, sit delectatio. Multi sunt, qui nisi collegia compotationum quotidie frequentent, & inter vini tormenta novas fraternitates amicitiasque veteribus jungant; nisi redeuntem jentaculi cibum ructibus prænuncient, nisi vinum omne vomitu remetiantur, & odore turpissimo inficiant locum; nisi in eadem urbe facti antipodes, sordidissimo funere in vicinos lectulos efferantur: parum hilariter bibisse se putant. Etiam præmia interdum dantur largius bibentibus. Ante annos enim aliquot in Narisicis nuptiæ fuerunt viri Nobilis: ibi ad convivias hilarandos certamen potionis propositum editumque inter eorum ministros, bibones plerosque exercitatisimos: sed unus forticulus paullo minus sex congiis (octodecim pocula, achtzehn Maß) paucis horis ebibit, &

Cuspinianus in Constant. VIII.

Ph. Camerarius Cent. 1. c. 94. J. Lips. in Epistol.

Ooooo simul

simul primum meruit, Sed hoc Nariscorum forte factum vilescere potest præ illo, quod ante hos sexaginta annos duo equites Juliaceses Reitlingæ patrabant: cum indicto potandi duello & sponsione factâ, quâ victus victori decem florenosolvere tenebatur, alter hauserit congios novem, sive nostras mensuras XXVII, & alter congios fere sex sive urnas Atticas duas, aut nostras mensuras XXIII. Sic enim in codice quodam manuscripto, qui Suevicas res istius ætatis maxime notabiles continet, legi: Anno 1551. lagen 400. Göltsche Reitter zu Reitlingen/darunder zween mit einander umb ein Bett 10. fl. getruncken: Da der Eine 27. der Ander 23. Maß gesoffen. Et parum abest, quin propediem habeamus Alexandros, qui talenti præmia proponant iis, qui pocula vini ampliora siccent: sicuti in ejusmodi certamine, quadraginta, effusis visceribus, prope modum spectante Alexandro, olim crepuerunt ac perierunt. Quare Vlricus de Nova Domo Bohemus, liberis suis, vix dum à lacte depulsis, Creticum, Tergestinum, et Traminium, generosissima vina dari jussit, ut postea hoc securius leviora bibere, & potando minus vincerent. Henricus autem Goritiæ Comes, cum filios suos, dum intra pueritiæ annos erant, apud se haberet in thalamo suo, eos inter dormiendum mediâ nocte sæpius vocare, & An sitirent? interrogare solebat; quibus somno sepultis & tacentibus ipse surgens vinum ingerebat; illisque recusantibus ac evomentibus vinum, interpellans uxorem; Ex alio, agebat, concepisti meretrix. neque.

Joh. Bodin. de Rep. lib. 4. c. 6.

Aen. Silvius Al-
fons. Paral. lib.
2. cap. 41.

que enim filii mei sunt, qui noctem integram nil sitientes dormiunt. Deus bone! quid non designat ebrietas? quod scelus & vitium est, quod non secum ducat illa venefica? Turbatio capitis, subversio sensuum, ignominiosus languor corporis, tempestas linguæ, naufragium castitatis, blasphemia, latrocinia, honoris & vitæ læsio aut diminutio: hæc omnia sunt in ebrietatis satellitio. Illudunt nobis Itali; & sunt versus, poeta nescio cujus:

Germani possunt cunctos tolerare labores:

O utinam possent tam bene ferre sitim!

Galli etiam in nostram pronunciationem nimis asperam dictorium à temulentia nostra petierunt; Per the-
um ferum nos pibimus ponum finum. Quinetiam
Rex Galliæ Henricus IV, paulo ante mortem, quoddam
facellum Lutetiæ nuper perlustrans, quod quidam ex
Bassompetræ familia extruxerat, animadverso isto
symbolo; Quid retribuam Domino pro omnibus, quæ
retribuit mihi; dixit, Bassompetræ, tanquam Ger-
manum addere debuisset, Calicem accipiam. Sed quas-
cunque illusiones, quæcunque scommata, vini amor ne-
gligit; & surdas aures obvertit. Imò nefaria perpo-
tandi consuetudo multoties Constitutionibus Imperii
severè inhibita est, & Principibus atque Ordinibus
Imperii graviter injunctum, ut calicem remiges fu-
giant, aulis suis exturbent, puniant; & exemplo suo a-
liis obsequii facilitatem demonstrent: tamen sanctissi-
mæ illæ leges apud ebriosam gentem non plus vigoris ha-
buerunt,

Joh. Bodin. de
Rep. et in Meth.
Histor.

Petr. Matth. in
Histor. mortis
Henr. IV.

Reichs Abschied
de An. 1500. An.
1512. An. 1530.
An. 1548. Anno
1577.

buerunt, quàm nix in tectis adversus rectos solis radios: quin in cunis, seu cum nascerentur in ipsis comitiis plerumque sunt contrariis factis oppressæ. Et quemadmodum Suevi & Helvetii plerique suam indecoram vestium formam pertinacissimè retinent, quàm illas corporis partes, quas honestas jubet occultas esse, obscænis priaporum simulacris sive ut vocant Lazis, veluti caligarum præsidibus, gloriosulè exprimunt, & iis oculorum pudicitiam tentant: sic tota Germania hæreditariam illam ebrietatis pestem constanter servat, amat etiam, atque colit. Nemo tamen Imperatore Venceslao amavit & coluit dementius: & spero, sic amabit & colet hominum nemo. Is inter purpuratos suos crebro sermone usurpabat: Ego, si me diripiendis urbibus Italiæ fors præsentem dederit, cæterarum rerum prædam militibus impertiar: vini tantum apud me spolia reservabo. si quis autem in cellam vinariam injussu meo fuerit ingressus, gladio ferietur. Ille etiam væcors & iners, de fastigio Imperiali dejectus, deficientibus passim Ordinibus, cum Norimbergenses religionem fidei datæ veriti ab eo solutionem juramenti peterent, & XX millia mummium offerrent; homo ebrius auditis legatis liberos Norimbergenses dicit, si currus quatuor Baccharacensi vino onustos tradant. Suspicor autem, & fere credo, ebrietatis vitium, non tam à natura Germanorum, quàm magistratuum avaritia vires hæcenus accepisse. Sicuti enim Judæi alicubi receptantur, tantum ut fortunis & sanguine Christianorum

Schwäbische
Lag.

Aen Silvius Al-
fonsi Paral. lib.
2. cap. 15.

Matth Hafen-
reffer. in Tem-
plo Ezsch. pag.
313.

norum pastirursus emungantur argento: ita ebrietati indulgetur, ut vini atq; cerevisiæ vectigal pœnarumq; lucrum tantò sit majus.

Nicol. Henel.
Sileograph.
cap. 5.

Verum iterum ad manticam nostram. Etiam militaris gloria, Auditores, nos deserit: undique fere contemnimur. Et scripsere Rhodienses Imp. Friderico IV, atque Electorum Collegio; Turcicum Imperatorem, cum consiliarii & duces ei autores essent, ne Christianos, imprimis Germanos armis laceggeret, respondisse; se nequaquam Christianorum, præsertim verò Germanorum arma exhorrescere, & quidem quatuor de causis: quia sint discordes, & quemadmodum sui quinque digiti, ita illi nunquam in unum coalescant: quia laborum sint impatientes, & præ aliis Germani sint helluones, potatores, qui in castris scortorum turbam foveant, ducesque belli plumis potius, quàm armis militaribus gaudeant: quia temere cæco impetu, citra ordinem ad res gerendas ruant: quia legum & justitiæ sint negligentes, nullos virtutum præmiis ornent, nec etiam meritis pœnis scelera afficiant; atque erga eos, qui veniam & misericordiam mereantur, sint asperi & crudeles, erga alios lenes & misericordes. Quid verò Turca hîc dixit, quod probationem & testimonia requirat? Nonne rerum gestarum merities nos omnium illorum peccatorum reos facit? Milites enim nostri venales sunt animæ qui Principibus ad animi libidinem plerunque bellum gerentibus operam suam fœdâ nundinatione addicunt, & sicuti

Ph. Camarars.
Cent. 1. cap. 50.

Thuan. Histor.
lib. 61.

Ooooo 3

olim

olim gladiatores, quasi ad necem turpi pretio se aucto-
raripatiuntur. Ita cuius stipendia numeranti militant;
& militant saepe contrariis in exercitibus: paucula
pecunia inescati quaquaversum cum suis uxoribus aut
concubinis, (parum observantes Fridericianæ legis
istius:

Non erit in nostris nobiscum foemina castris;
qui reus extiterit, spoliis nudatus abibit
turpiter; & naso mutilabitur illa resecto)

quas in ferundis impedimentis mularum loco habent,
ad diribitorium contendunt. Omnia hæc leviter: sed
illam levitatem plerunque comitantur disciplinæ con-
culcatio, avaræ direptiones, sævitia & perfidia, in
patronos, socios, hospites, amicos; signorum desertio,
fuga, clades. Prudenter itaque & pie Frater Nico-
laus (hic uxore, ex qua decem liberos genuerat, reli-
ctâ, in Underwaldina silva cellulam tres passus longam,
sesquipassum latam, ad mensuram corporis sui altam
ædificaverat: in ea vivebat fere aëre tantum) & Hul-
dericus Zuinglius fecere: qui populares suos à venali
& mercenaria militia, atq; stipendiis externorum
Principum debortati, & ad mores majorum imitan-
dos adhortati sunt. Et Galli ipsi testantur, confœdera-
tionem Helvetiorum cum Rege Galliarum magis com-
mercium, quàm amicitiam sapere: cum illi fœdera sua
tantum argenteâ privatae utilitatis ulnâ admetiantur.
Sed & extra illas causas fortitudo Germaniæ jamdu-
dum cessim ire cepit. Quoties enim nostri pulsi, fu-
gati,

Günther. Ligu-
rin. lib. 7. &
ibi Conradus
Rittershus in
notis, adde Ra-
devic. de reb.
gest. Frider. 1.
Imp. lib. 1. c. 26.
& Lipsum de
Mil. Rom. lib.
5. dial. 18.

M. Cruf. An-
nal part. 3. lib. 8.
cap. 16. Jos. Sim-
ler. de Repub.
Helvet. lib. 1.

P. Matthæus in
Hist. Henrici
13. lib. 5. narr. 6

gati, & cæsi sunt à cæco Zisca Bohemo? Non Franco-
rum, non Saxonum, non Bojorum, non Suevorum, non
Austriacorum, non totius Germaniæ vires, illius vir-
tutem æquare potuerunt. Et ut sui terrorem etiam ul-
tra vitæ periodum extenderet, morti proximus hoc con-
siliū Thaboritis dedit: Postquam, inquit, animus à
me fugerit, excoriate corpus meum, & carnes date
volucris: ex corio verò tympanum facite, atq; hoc
in prælio ducem habete. nam ubicunq; locorum Teu-
tones sonum ejus audierint, mox terga dabunt, Zis-
cam in tympano reformidantes. Videtur, Auditores,
Zisca nostros Germanos non in virorum, sed galeato-
rum leporum habuisse numero, quos ita corii sui crepi-
taculo terrere voluerit. Aut num fortè tunc cuncti
Germani Austriacis fuere similes; quos terrore plenos
& leporino corde præditos, scripsit Æneas Silvius?
Suevis quidem ob veterem belli gloriam hoc prærogati-
væ olim concessum est, ut in bellicis expeditionibus ipsi
primos ordines ducerent, & primi hostem adorirentur.
nam, ut Poëta Italus dicit,

Judicio cœli dominantur in orbe Suevi. &c.
Nunc ubicunque geri Respublica prælia quærit:
ordine primus erit, gladio vult primus haberi,
moreque signiferi primus in hoste ferit.

Num verò primatus Suevorum non in cædendo, sed ce-
dendo; non in feriendo, sed feriando; non in fugando,
sed fugiendo tunc fuit? Suevus autem ille, qui in Har-
densi pugna, quâ Helvetii quadringenti cum decem
millibus

Cuspinian. in
Sigismundo.

Aen Silvius. in
Epist. 130. & in
Histor. Boemi-
ca. cap. 46.

Silvius. Epist.
130.

Henr. Bebelius
in laudib. Sue-
vor. Chr. Leh-
man. in Chron.
Spir. lib. 5. cap.
29.

Gotfridus Vi-
terbiensis.

M. Cruf. An-
nal. part. 3. lib. 9.
cap. 9.

millibus Caesarianorum congressi, eorum ad quinq mil-
lia occiderant, fugâ salutem quærens sub tecto se oc-
cultavit, Ziscano tympano omnino dignus fuisset. Hic
enim protractus, ad pedes Helvetiorum accidit, & Ah
probavaccina ora (Ihr frommen Rühmauler) inquit,
parcite mihi per DEUM. Illis autem ad hanc appellatio-
nem mussitantibus, atque convitium interpretantibus,
DEUM testabatur Suevus, nunquam audivisse se ali-
ter illos appellari, quàm vaccina ora: quæ simplicitas
audientium cachinnis excepta, ipsi supplici libertatem
abeundi conciliavit. Sed quid imbelliam nostram scru-
tor longius? Eo jam prolapsi animi sunt, ut ex aliis gen-
tibus minor numerus nostrum cædat majorem: &
nisi aliæ gentes subveniant, præda sumus. Et ô macu-
lam! Nuper Turcarum Princeps Imperatorem Ger-
manorum se tributarium habere gloriabatur. Neque
tamen militaris gloria abit & deficit sola; Auditores:
sed & Nobilitatis honor, qui est illius pullus, unâ con-
flaccescit. Nam obstupescantibus paulatim virtutis
stimulis, sic remiserunt nepotes de paterna contentio-
ne ad gloriam, ut multæ antiquæ & illustres familiæ
vix aliud ad commendationem jam habeant, quàm ina-
nem propè fugitivam autorum suorum memoriam. Et
cum multi infimæ sortis suis meritis humo se se tollere,
& è luto obscuritatis eluctari non possint; nummis,
blanditiis, & quibus possunt artibus emendicant co-
dicillos Nobilitatis; nihil veriti, ambitioso convitio
virtuti illudere, dum illius majestati pellem vitulinam
atra-

J. Lipf. in Epist.

J. Bodin de Re-
pub. lib. 5. c. 6.

atramento & cerâ superbam equiparare audent.
Non est opus, amice Kœlderere, ut in Italia novorum
hominum greges & copiosissimum eorum fœtum admi-
reris: in vicinam Austriam ex Norico tuo descende,
invenies ibi Comitum & Baronum familias ferè cen-
tum; Nobilium, & eorum tantum, quibus ad con-
ventus provinciales venire, & sententiam dicere jus
est, familias supra centum octoginta; & præter hos
galeatorum infinitam penè multitudinem; bene ma-
gnam partem à recentipartione ita calentes, ut veluti
tenelluli infantes liberiores aërem ferre vix possint.
Non credo, esse regionem sub cœlo, quæ Nobilitatis sit
fertior, præsertim si cultura Chrysostomo alicui sit
commissa: adeo ut etiam alibi fex hominum & nonnun-
quam rejiculi vanissimiq, Austriaco assueti cœlo, mox
(dicam cum verbi periculo) Nobilituriant, & sum-
ptâ illâ amplitudinis ac dignationis larvâ interdum ad
procerum usq, fortunam & culmen ambitiosissimè gras-
sentur. Et quid obstat, quò minus etiam rustici illic
propediem in Nobilium censum referantur? O confu-
sionem! O honorum profanationem! Dies me defice-
ret, Auditores, si denarrarem Austriæ Ordinum certa-
mina, quæ vertuntur ibi vel inter Barones ipsos in
subtilibus distinctiunculis, dominorum, & liberorum
dominorum; cum horum cottidie succrescens copia
& novitatis vilitas conditionem nonnihil mutet in-
deterius: vel inter Barones ac Nobiles; cum illi titu-
lum Gratosi. (Unadentitel. vanitatem disputationis
Ppppp non

non satis capit Latina lingua; & ad ceremoniarum magistrum sit eundum, qui ista ambitionis novos semper titulos parturientis arcana explicet.) ab istis veluti inferioribus postulent; isti autem hanc submissionem negent, & non tantum consuetudinem allegent contrariam, verum etiam indignum arbitrentur, virum Nobilem, praesertim majorum imaginibus clarum, Baroni, vel cognatione & adfinitate sibi juncto; vel nupero & empto diplomate duntaxat magno, tam humilem cultum exhibere. Veruntamen illud novorum hominum mercimonium interior & reliqua fere omnis Germania vilipendit, & requirit natales Nobilitatis splendidiore.

Nobilitas pretium virtutem habet unicum & (unum:

Est pretiosa minus, quæ pretiosa nimis.

Rursus manticæ nostræ inbio, Auditores: & deprehendo adfectum in literas quoque non prorsus benevolum. Ante centum annos, & paulò amplius, pro monstro habebatur Magister, vel Baccalarius; & inter mille clericos non reperiebatur unus, qui saltem vidisset Universitatis alicujus locum. Et adhuc Philippi Melanchthonis ætate, in Septentrionali & maritima Germania Jurisconsultum reperiri, miraculum fuit. Etiam inclitos majores tuos, excelssime Præses, à Musarum consuetudine abstraxit barbara familiarium & procerum ignorantia: cum Eberardo VVürtembergiæ Duci I. aulici morum præfecti linguæ Latine studium

Relix Faber histor. Suev. lib. 1. cap. 8.

Fr. Tilemannus in Disc. Philol. de hist. delectu.

studium permittere nollent, & dicerent, maternam ei linguam sufficere: & Vlrico Optimates Ducatus ἀμύσοι oggannirent, satis esse, si sciat Germanicè scribere & legere, ac præesse ditioni ex veteribus legibus & Alemannicis institutis. Quamvis autem postea literarum culturæ fere in omnibus Germaniæ locis meliora ingenia se se consecrârint, & certamen fere sit inter omnes enatum, quin amplius conferre operæ & diligentiae possint: tamen observatum est, ut facilitas quædam insita ad doctrinam nunquam defuerit, at defuisse nostris acre & politum judicium, quod Italis est quasi peculiare, & populis iis, qui pertinent ad Meridiem aut Ortum. Et quem hodie paulò videas literatorem, imò quem literatorem, (quod & in Gallis suis graviter vituperat Joan. Passeratius, vir eruditissimus) qui non libros parturiat amplos, tumidos, & omnium etiam maxime diversorum argumentorum congerie prægnantes? quibus si absurda detraxeris & expunxeris aliena; parum succi & genuini sanguinis relinquetur. Scilicet ut Echo aut psittacus tantum aliorum voces accipit redditq, neq, quidquam ulterius suo ingenio loqui potest: ita illa scripturiens turba solum aliena garrut scribitq, aliquid autem amplius atq, exactius aut facere aut velle vix potest. Itaq, Caligulam facem alioqui & Phaetontem Orbis terrarum, non possum in eo non laudare, quòd id genus Aquinos, Cæsios, Volusios, spongiâ linguæ de delere scripta sua jubebat, et interdum scripta ipsa ferulis objurgari, aut in profluentem

M. Cruf. Annal. part. 3. lib. 7. cap. 9.

Lib. 8 cap. 21.

J. Lips. Epist. Quæst. lib. 5. Epist. 12.

Hubert. Giphanius in præf. ad Rittershus. Partit. Feudal.

Iohan. Passeratius Præfat. in Cic. Orat. pro Cæcinnâ.

Ppppp 2 abjici

abjici mergiq̃ imperabat. Nullus enim illis scripto-
rum quisquilus neq̃ modus, neq̃ modestia: vix natum
hoc examen evolat, nequitq̃ suis alvearibus contineri.
Ut corpore pusilli veste se dilatant; ita illi sapientiæ
inopes verborum & sententiarum inanibus se diffun-
dunt. Et quemadmodum vulgo videmus tenuissimum
quemque de plebe abundare liberis, qui adjuncta ad pa-
ternam egestatem inertia ostiatim mendicantes anno-
nam reddunt cariorum: sic certi homines in summa te-
nuitate ingenii longè plurimos deformes animi fœtus
edunt, quos cum fovere & educare domi non possint,
Typographis tradunt, à quibus excepti magno chartæ
dispendio per varias ditiones dimittuntur; ubiq̃ pro-
stant, prætereuntibus passim obtruduntur, nec ulli fe-
re, aliarum mercium præcones exaudiuntur; meliori-
bus interim et primæ classis autoribus carie situq̃ squal-
lentibus, & quasi ad tineas blattasq̃ damnatis. Scilicet
ut in sagitta mittenda non minus aberrat, qui citra sco-
pum, quàm qui ultra jaculatur: sic in scribendo quisquis
pauciora quàm pro re, aut plura dicit; aut nec ad rem
dicit. Sed nullibi major gliscit literarum intemperan-
tia, quàm apud Graduum institutores; qui pueros etiam
admittunt ad seria, & nucum putamina miscent cum
laureis baccis, & Magisterio: titulorum pretiis do-
ctrinam (quæ sæpe nulla aut admodum rara est) empto-
rum non raro enormiter & immane quantum vincenti-
bus. Addo etiam Poëtas: quorum ingens est copia, ut
apum; & pluseorum in Germania, quàm muscarum
in Ar-

J. Lipf. in Instit.
Epist. cap. 7.

in Armenia. Multi jam laurigeri, sed pauci Phœbi: &
facilius quis Poeta Laureatus hodie fieri possit, quàm
sartor, aut nescio quis fartor: ut parum absit, quin Lau-
rus olim insigne & nota bonorum poetarum, hodie de-
generet in signum malorum poetarum; & passim non-
Laureatus poeta habeatur melior Laureato.

Frid. Taubman.
in Dissertat. de
Lingua Latina.

Aliud ex alio, Auditores, occurrit mihi: sed
quia mantica nostra est plenior, quàm ut hoc tempore
omnino excuti possit; faciam, compendio quidem ora-
tionis meæ, sed damno voluntatis, quod huic loco ma-
ximè congruit: & omnibus aliis superseſsis, tantum de
Bombardis & Typographia, inventionem, ut tua, Prin-
ceps Franciscæ Carole, est opinio, Germanorum, aliquid
dicam. Et ut Typographiæ operæ ubivis locorum
fervent, ambiguo tamen beneficio; cum illa non minus
ad perniciem, quàm utilitatem mortalibus ancilletur:
ita quoque & Bombardæ minimum, imò nihil
laudis habent; cum vix homo nominari possit, qui
ferale illud tormentorum genus ad exitium hominum
excogitavit: dignus, qui ut Perillus taurum æneum,
ita ipsemet tormenti vim in corpore suo experiri de-
buisse.

H. Salmuth. ad
G. Pancitol. de
Torment. tit.
18.

O maledetto, o abominoso ordigno:
che fabricato nel Tartareo fondo
foſti, per man di Belzebu maligno,
che roinar per te difegnò il mondo.

Ariosto Can-
tic. 10.

Qui verò militiæ peritiores sunt existimant, in pugna
plus tormenta illa parere strepitus, quàm utilitatis.

J. Lipf. de Mi-
lit. Rom. lib. 5.
cap. 20.

Ppppp 3

Julia-

Joan. Sturm. in
3. Orat. de bell.
advers. Turc.
P. Camerar.
Centur. 2. cap.
29.

Julianus Caroli Caesaris, atque etiam Philippi filii, præfectus peditum, Duci Sabaudia confessus est; se sæpe ad speciem solere uti sclopetariis, non ad necessitatem: sed post primum impetum aciem hostium subire celeriter, & abjectis fulminalibus, gladiis parare victoriam; neque unquam hanc ratione frustra pugnasse. Id ipsum Henricus IV. Galliarum Rex in conflictibus acerrimis sæpius expertus est feliciter, & gladiis celeberrimas contra pugnacissimos hostes victorias consecutus est. Verum sunt utraque, Bombardæ & Typographia, opera omnium nobilissima, utilissima, perfectissima. Quid tamen hæc ad Germanos? Quid alienam laudem cristis nostris aptamus? Non enim, optime Princeps FRANCISCE CAROLE, nos Bombardas aut Typographiam invenimus: Chineses sunt, qui invenerunt; & hæc gloria illorum est propria. Quod ne studio arrodendi assertionem tuam dixisse videar; audi, quid sentiant alii. Joannis Petri Maffei, in Historia Indica verba hæc sunt: Ænea tormenta conflare, literas imaginesque subjectis prælo typis excudere (quibus commentis Europa recentibus adeò gloriatur) vetustissimo in usu apud Sinas esse compertum est. accedit ad artificium tormentorum, quod ex iis quædam solutilia faciunt, perque partes imposita bajulis aut jumentis, quocunque opus est, sine vectatione circumferunt. ad scribendum autem arctas & oblongas adhibent è levi admodum

Joan. Petr. Maffei
hist. Indic.
lib. 6.

modum ac tenui papyro pagellas: neque versus ab læva ad dextram, ut Græci; neque ab dextera ab lævam ut Hebræi; sed ad imum ab summo perducunt. cujus generis impressum volumen, atque inde transmissum, Romæ in Vaticano, itemque in Laurentiana Philippi Regis bibliotheca videre me memini. Johannes Boterus autem in China descriptione scribit ita: Sono piu di mille anni, che i Chinesi usano la stampa. hoc est: Anni mille sunt, & amplius, ex quo Chineses Typographiã utuntur. Et Paulus Jovius in Historia hæc verba posuit: Maximè mirandum videtur, apud Sinas esse typographos artifices, qui libros, historias, & sacrorum ceremonias, more nostro imprimant, quorum longissima folia introrsus quadratâ serie complicantur. cujus generis volumen à rege Lusitaniæ cum elephante dono missum Leo Pontifex humaniter nobis ostendit; ut hinc facile credamus, ejus artis exempla, antequam Lusitani in Indiam penetrarint, per Scythas & Moscos ad incomparabile literarum præsidium ad nos pervenisse. Et in hanc sententiam concedunt alii plures: quâ primaria Germaniæ ab inventionum acuminis & felicitate desumpta laus penitus evanescit.

Joh. Boter 267.
Relat. p. 1. lib.
2. della China.

Paul. Jovius
histor. lib. 144.

Quare ut suprema cum extremis connectam: quia id mantica, quod in tergo gestamus, tot tantisque vitis est infarctum, ut quantæcunque virtutum molimur umbram facere possit: censeo, Germaniæ decerni principatum nondum posse; sed ob veterem Romanæ majestatem

856 Oratio contra Germaniam.
*majestatis honorem, & hodiernam Pontificiæ digni-
tatis apud multos Reges, Principes, & Respublicas
amplitudinem, tutius Italiæ tribui posse.*



PRINCEPS
FRIDERICVS
ACHILLES, &c.

DICTU
NICOLAE BUVINCKHAU-
SEN.

ORA-

857

ORATIO
NICOLAI BV-
WINCKHAUSEN

von Balmerod / &c.

pro

GERMANIA.



*Adenus, optime maxime Princeps, in
hoc illustrissimo confessu bene multi dixê-
re: sed plerique contrariis adfectibus exci-
tati tantâ contentione in sensuum divortia
abierunt, ut dubitem, an in ullo Consistorio unquam à
singulis Senatoribus in tam discrepantes opiniones fue-
rit itum. Video, non paucos, dum aliquam Europæ
provinciam depradicare, & laudum buccinâ cœlo in-
ferre conati sunt; in aliarum vitiis denarrandis, non
rarò singulorum hominum peccata universis, aut com-
munia singulis objiciendo, admodum negotiosos fuisse.
Meâ sententiâ, parum justè. Ad conditionem enim
rerum humanarum respiciendum est, ut omnium acci-
dentium æqui judices simus. Iniquus autem est, qui ex
unius hominis singulari vel virtute, vel vitio peculiari,
de tota gente judicium fert: & imprudens est, qui in
uno fœdum judicat, quod genti suæ publicum est. Om-
nes sumus incerti, queruli, ambitiosi. & quid leniori-*

arg. l. 3. 4. 5. 6. ff.
de legib.

Qqqq

bus

Seneca lib. 3. de
Ira. cap. 26.

Frid. Taubm.
facror. lib. 1. in
hoyantiq. hom.
mores.

bus verbis hulus publicum abscondo? Omnes mali sumus. *Quicquid in alio populo reprehenditur, id unusquisque domi, & fortè in sinu suo inveniet.*

Crescit amor sceleris, quantum decrescit hic orbis. Ecquando uberior nebulonum copia? quando major avaritiæ patuit sinus? Omnia numibafius iste triparcus habet; vel habere laborans usurâ socios & fæneris ære trucidat.

Quando voracior ætas, quando bibacior unquam scribitur in terris, quæ sunt à Gadibus usque auroram & Gangem? ecquando protervius iste ant-amor, impuræ Veneris impura propago, cum mœchis solita est, castosq; impædiit hortos? Nil solidum crepat humano sub pectore: nemo est, quod simulat, pictæ passim tectoria linguæ: personata fides: frons spem facit obvia: mellis os dulcore litum est, sed fellis acore cor intus, &c. Quem mihi flagitio contentum ostenderis uno?

Cum scelus admittunt, superest constantia vultus.

Plin. Hist. nat.
lib. 11. cap. 3.

Quemadmodum igitur omnia animalia plumas aut pilos habentia infestantur pediculis; præter asinos & boves, qui sunt immunes: ita nulla natio vitii omnino caret, nisi sit planè asinina & bovina, in quam nec boni nec mali vis aliquid possit. Et ut nullum magnum sine venia placuit ingenium: sic nullus unquam populus, Respublica, aut Imperium, sine mixtura fuit dementiæ. Perpetua in rerum natura & hominum moribus est quædam quasi mellis & fellis conjugatio.

ubi

ubi uber, ibi tuber. Casparum Schlickium in simulatores & hypocritas contumeliosè multa loquentem, & affirmantem, abiturum se se aliquando in loca, quæ illis hominum monstris vacua essent; sapienter coarguit Imperator Fridericus IV. Ultra Sauromatas ergo, inquit, & glaciale Oceanum tibi eundum est. sed cum eò veneris, non omnino carebit hypocrisi locus: si modò & tu homo, non DEUS es. Inter mortales enim nemo est, qui non ex aliqua parte fictus fucatusque sit. & VITIA ERUNT, dixit Cerialis, DONEC HOMINES. Quare, ne dum vitia odimus, etiam homines oderimus; fragilitatis humanæ & nostri memores, aliorum errores ne petulanter exagitemus: dum inter homines sumus, mutuae facilitatis conventionem humanitatem colamus: non timore cuiquam, non periculo sumus: detrimenta, injurias, convitia, vellicationes contemnamus, & magno animo brevia feramus incommoda. vix respicimus, quod ajunt, versamusque nos; jam adest mortalitas.

Aen. Silv. Parallel. Alfons. lib. 1. cap. 38.

Tacit. Hist. lib.

Seneca lib. 3. de Ira cap. 43.

Ceterum in nationes aliquot (terrarum enim bona malave à nationum commendatione aut vituperio segrego: cum & equo, si virtutibus suis polleat, sit vector æquabilis, & cursor pernix, nemo penuriam pabuli exprobet; sin calcitrosus, cespitator, mordax, sternax, statarius; nemo pabuli abundantiam laudi adscribat) nimis acerbè & hostiliter dictum fuisse, prolixè & ordine demonstrare nunc possem, si vacaret; & orationi meæ neque hic dies totus, neque proximus, neque por-

Qqqq 2

ro

ro cæteri plures satis forent: sed quoniam tot dies jam abstulit hæc Consultatio, ut religio mihi sit, benignissimum hoc Auditorium longis sermonum tractibus de-lassare amplius; me ipsum, quod decoro est propius, potius dicendi brevitate fallam: & magis per saturam quasipaucula effundam, quam ornatè et separatè multa dicam.

In Gallos gravissima fuit accusatio, & illi oratione tuâ, illustrissime Princeps RUDOLPHE MAXIMILIANE, Furiis omnino cesserunt. Atqui jam convulnerunt Galli: quorum virtus nunquam sic deliquit, ut post quascunque regni turbas ad se non redierit major & generosior. Neque oblivioni tradere nos Germani debemus sanctissimum fœdus inter Imperatorem Fridericum II. & Ludovicum VIII. Franciæ Regem initum, in quo antiquissimum fraternum nomen inter Germanos Francosq̃ renovatum est: ut proinde de Gallis non aliter quàm de fratribus nostris loqui & judicare fas sit. Quinetiam Imperator Maximilianus I, ut veterum injuriarum memoria prorsus deleteretur, librum, qui Spiræ asservabatur, in quo omnes injuriæ ante id tempus à Galliæ Regibus Imperio & Germanorum genti illatæ continebantur, cremandum mandasse scribitur.

Hispaniæ autem non minus horribilis dica abs te, illustris Georgi Friderice Limpurgi Baro, scripta est: cum variè flexis persuasiunculis fidem facere satageres, quasi

Paul. Aemilius
lib. 7. de reb.
gest. Francor.
M. Cruf. Annal.
p. 3. lib. 1. cap. 4.

Fr. Guicciardin.
Hist. lib. 8.

quasi illa esset plerorumq̃ Europæ, imò Orbis totius majorum officina, &

Dom. Baudius
Cent. 2. Epist. 5.

Nido di tradimento, ove si cova

Quanto mal per lo mond' hoggi si spande.

Scilicet ut pictores quidam in facie exprimenda nævum facile imitantur, indolem negligunt & ipsum vultum: sic tu nobis expressisti mores Hispanorum. Nec ambigo, & tibi, & multis aliis, summam gentis illius ad fastigium rerum adspirantis, & omni nisu contendentis, felicitatem, variè suspicandi causam præbere: Hispani tamen propterea alieno livore nec vilescunt, nec sunt census minoris. Sicuti mel & saccharum non ideo est insuave, quia agris sic videtur; aut vinum insipidum, quia abstemius non sapit: sic Hispani non ideo improbi, quia tibi, aut aliis improbantur. Non enim Hispani omnes Ducis Albani, lictoris immaniissimi, & veluti invitâ humanitate & clementiâ prognati, gerunt animum: nec quibus sceleribus quidam seculi patientiam excarnificarunt, iisdem contaminantur cæteri omnes. Non laudo, nec diffiteor, in Belgio plus sanguinis profusum esse, quàm fere tam angustæ provincia flumina capiant: sed paucorum tyrannis & culpa cur oneret & infamet totam nationem? Non defendo, in Indiis magnos Reges per summum cruciatum lento igne & laqueo sublato; totas provincias, totas insulas, & regna tota, fideculis & omnis generis crudelissimis, & partim inauditis quæstionibus avarè subjecta, & tot hominum milliones truculentissimè enectos fuisse:

Qqqq 3 sed

sed cur ob aliquot furum, sicariorum, & generis humani perduellium manipulos, amplissimo & maximo Imperio, in quo melior pars illorum scelera abominatur, honor & existimatio imminuatur? Et certè, si absit nefaria quorundam immanitas, quam suasit omnium malorum genitrix avaritia; justitiam belli Indici facile invenerim: cum Hispani contra illos homines bella susceperint & gesserint, qui concubitus nefandos & cum bestiis exercebant; & qui carnes humanas, hominibus ad id mactatis, comedebant: cujusmodi portenta, & humani generis lupos, non minus persequi licet, quam bestias alias noxias quasunque. Ubi autem barbara regiotalis in provinciae formam semel est redacta; nullo jure impediri potest magistratus, quò minus propter singulares rationes commercium omnibus & passim non permittat liberum; ut idè nec Hollandis, aut etiam aliis concedatur appulsus & contrahendi libertas in Indiis quibusdam Hispanicis. Et quæ necessitas, quæ charitas, nos aliàs ducit in Americam? Pietas quidem passim obtenditur: atque utinam vera pietas nos duceret in Americam! Et rem profectò fastigio suo dignam facerent Principes, si classeis ad verbi Dominici promulgationem inter illos populos adhuc veri luce destitutos, missis ad hoc Theologis propagandam instruerent; si quid inde utilitatis postea ex commercii libertate in publicum rediret, in lucro ponentes & accessionis loco accipientes. Nam ex eo esset, ut Dei gratia, sine qua nihil possumus, expeditionibus

illis

Alb. Gentil. de
jure belli. lib. 1.
cap. 25.

Thuan. Hist.
lib. 64.

illis adspiraret, & adspirante illà citra sanguinem & indigenarum vexationem res in his regionibus, quantum ad religionem et civilem administrationem felicissimis auspiciis constituerentur. Ita olim majores nostri nequaquam sibi, tanquam si mercatores essent, ea loca duxerunt quærenda, ubi auri plurimum, sed ubi virtutis officiiq; exercendi major facultas offerebatur: laboris et periculorum et longinquæ expeditionis præmium non utilitas erat, sed honor. Iam conversi mores sunt. Et quidem si avaritiam, quam in Hispanis insectamur, nos non sectaremur; nullus Æolus tam sit potens, qui vela nostra impleat. Reipublicæ autem interest, modum commerciorum præscribere subditis, et interdum aliquantulum à jure gentium recedere, cui jus civile per omnia non fervit. Quò pertinet, quod Impp. Honorius & Theodosius Augusti Anthemio PP. rescripserunt: Mercatores tam Imperio nostro, quam Persarum Regi subiectos, ultra ea loca, in quibus fœderis tempore cum memorata natione nobis convenit, nundinas exercere minime oportet: ne alieni regni (quod non convenit) scrutentur arcana. Nullus igitur posthac imperio nostro subjectus ultra Nisibin, Callinicum, & Artaxaten, emendi seu vendendi species causâ proficisci audeat: nec præter memoratas civitates cum Persa merces existimet commutandas. sciente utroque, qui contrahit, & species, quæ præter hæc loca fuerint venduntur, vel comparatæ, ærario nostro vindicandas: & præter earum rerum ac pretii amissionem, quod fuerit

Auger. Busbeq.
Epist. Turc. 1.

l. 6. ff. iust. & jur.
rc.

l. Mercatores. ff.
C. de commerc.
ciis. vide Alb.
Gentil. de jure
belli. lib. 1. c. 19.

fuerit numeratum vel commutatum, exilii se poenæ sempiternæ subdendum. *Verum de Jesuitis, illustris Baro Limpurgi, moneo: non esse ultima promiscuè in omnes expediunda remedia. Sicuti Deus delicta potentium non statim fulminibus persequitur: ita æquum est, homines hominibus præpositos miti animo exercere imperium, & cogitare, utrum mundi status gratior oculis pulchriorque sit sereno & puro die, an cum fragoribus crebris omnia quatiantur, & ignes hinc atque illinc micant. Non me latet, quid in Gallis, & alibi in Societatem illorum multoties sit dictum, scriptum, constitutum; quasi colluvione illa non vivat detestabilius hominum genus, nec efficacius instrumentum Hispanicæ dominationis: uti nec illud me fugit, quomodo postea causam suam Regi Gallie Henrico IV illi probaverint: quæ omnia, ut hic sub censuram non voco; ita planè mihi polliceor, Socios illos, si à defensione doctrinæ Hildebrandicæ & Bonifacianæ, animique rigore illo præfracti, ad æquitatem, lenitatem, & illam, quam pii Patres Græci appellant *συγκραταῖαν*, Latini condescensionem, animitus traducerentur; magnum haud dubiè ad communem Christianorum concordiam & re & exemplo momentum afferre posse. Quod autem illi hætenus in Republicas tam multa delinquant, & Hildebrandicis cuniculis summa Imperiorum decora toties oppugnant: nescio, illi magis peccent, an Principes, qui supinâ publicæ disciplinæ incuriâ omnia in pejus ruere patiuntur. Sed nimius sum.*

Pariter

Dom. Baudius
Cent. 2. Ep. 5.Louys Riché-
me en la Plain-
te Apologetiq.Jfac. Casaubon.
in Ep. ad Front.
Ducæum.

*Pariter & tu, mi Daniel VVensini, in Britan-
nos; tu Erneſte Schafelizki, in Hungaros; tu Acaci
Axeli, in Polonos; peccâſſe, & nimis multa invidia te-
tela jeciſſe mihi videmini: cum benevolentia & amo-
ris argumentis cum populis illis præclarissimis decerta-
viſſet honorificum, & tam victoribus, quàm vi-
ctis gloriosum. Sed non nova re eſt invidia, neq; nunc
primum in Europam ex alio orbe delata. omnis locus,
& omnis ætas fert illam, & feret. Verum ut capras fa-
nas, inquit Varro, nemo fanus in lege venditionis
promittit, quod nunquam ſint ſine febris: ideoque
dentem earum, & ſalivam, & arboribus eſſe venenum
tradunt, ac inde nomen inveniffe, quod carpant om-
nia: quâ ratione moti aſtologi ita eas receperunt in cœ-
lum, ut excluderent extra limbum duodecim ſignorum,
veriti opinor, ne aliquod ſignum arroderent: ſic et inter
invidos ſunt capræ bipedes interdum, ſive potius hirci,
qui perpetuâ febris laborant carpendi omnia; cum in-
tereâ ſe meros Chironas & Podalirios eſſe credant, neq;
minis glorioſè de ſe loquantur, quàm ille in Plauti
Menæchmiſ medicus, qui ſe ait obligâſſe crus fractum
Æſculapio & Apollini brachium. Et tu, mi chariſſi-
me Acaci, aperte prodidiſti, Suecis cum Polonis non-
dum convenire; atque ſcintillas offenſarum etiamnum
aliquas ſuper eſſe. Ut ulcera ad levem tactum, deinde
etiam ad ſuſpicionem tactus condoleſcunt: ita animus
affectus minimis offenditur. Quid? An Hannibalis es
æmulus? qui puerulus, utpote non amplius novem an-*

Rrrrr

nos

Joan. Paſſera-
tius Orat. in
lib. Hiſtor. Sal-
uſtii.

Aemilius Pro-
bus in vita
Hannibalis.

Valer. Maxim.
lib. 9, cap. 9.

Confutatio fa-
bulæ Burdo-
num.

Fr. Guicciard.
Hist. lib. 16.

P. Melanchth.
M. Bucer. G.
Hedio de Pace
Eccles. Goldast
in Repl. pro
Imp. c. 8.

Jacobus Rex in
Bref. monitor.

nos natus, ad aram jubente patre Hamilcare juravit, Nunquam se in amicitia cum Romanis fore: & qui si-
gnificare cupiens, quanto inter se odio Carthago & Ro-
ma dissiderent, inflicto in terram pede, suscitatoq; pul-
vere, Tunc inter eas fore finem belli, dixit, cum alter-
utra pars in habitum pulveris esset redacta.

Sic & tu, Koelderere, in Italiam longè infestissi-
mis verborum ac sententiarum aculeis es usus. Scitum
vetus est, Raram familiam aut genuseffe, in quo non
fur aut meretrix sit: an tu putas ergo totam aliquam &
magnam nationem fore immunem? Meretur equidem
laudem Italia summam, ob veterem & novam rerum
gestarum gloriam, domi militiæq; in toga & in sago.
Imò ipsum Pontificem Romanum quoq; si ad primo-
rum Paparum exemplum conformaretur; (nam Fr.
Guicciardini judicio hodie depravatis moribus tunc
in Pontifice laudatur probitas, cum cæterorum ho-
minum nequitiam non excedit) supra omnes Ecclesiæ
ordines efferrem; & eidem cum sapientissimo magnæ
Britanniæ Rege JACOBO primum locum inter omnes
Episcopos libens deferrem; & ita facerem Episcopo-
rum principem eo sensu, quo Petrus Apostolorum
princeps fuit. Neque etiam opes & ditiones Roma-
næ Ecclesiæ, quas Imperatores, Reges, & Principes,
cum consensu eorum, quorum interest, donaverunt, &
quarum excessum tot seculorum possessio jam mitiga-
vit; aut quas illa aliis legitimis titulis Petrino patrimo-
nio adjecit; sine scelere adimi possunt: cum potius mayo-
rum

rum pietas posteros inflammare debeat, ut quod illi reli-
gionis contemplatione Ecclesiæ elargiti sunt, isti procu-
rent, ne in voluptates, luxum, & alios profanos usus dis-
perdatur, sed totum ædificationi Ecclesiæ & Christia-
næ Religionis propagationi permaneat consecratum.
Petrus de Vineis, Secretarium suum, Imperator Fridericus II. ex oculaverat: quem tamen facti pœnitens post-
ea revocavit in Consilium sanctius. Cum autem Impe-
rator, Papæ hostis, angustia rei pecuniariæ premeretur:
Petrus consuluit, vires Ecclesiæ suis met opibus esse
conterendas, conflanda aurea & argentea ornamenta;
& omnino bona Ecclesiæ conferenda esse ad usum belli.
Obsequitur Imperator, & Pisis ornamenta & bona
Ecclesiarum rapit; inter quæ Zona memorabilis erat,
quæ templum cingebat: & sic exercitum parat. Tum
Petrus: Imperator, inquit, injuriam mihi abs te inju-
ste illatam ultus sum. tu tibi hominum odia comparā-
sti: ego tibi Deum ex sacrilegio reddidi inimicum.
omnia tibi deinceps in deterius cadent. At verò Italia
& Itali, mi Koelderere, plerumq; apud alias gentes magis
calumniæ & detractorum convitiis, quàm veris culpis
laborant: non aliter atque Nursinus lacus in Piceno,
in quo cacodæmones innatare vulgus imperitum dicti-
tat: quoniam aquæ perpetuis motibus salire, & vicis-
sim subsidere cernuntur. Equidem fama hinc per Ita-
liam & alias quoq; mundi partes ab idiotis sparsa est,
malignos spiritus in isto loco habitare, petentibusq;
dare responsa. Et superioribus seculis, inquit
Rrrrr 2. Rassanus

Poggius Flo-
rentin. M. Crus.
Annal. part. 3.
lib. 2, cap. 5.

Leand. Albert.
in Italia Pic-
eno. P. Merula
Cosmogr. p. 2.
lib. 4, c. 12.

Rassanus, quidam ex longinquis regionibus, levitate exciti suâ, huc veniebant, sceleratorum ac detestabilium voluminum cacodæmoni dedicandorum gratiâ: quô certis quibusdam flagitiosis optatis, ut pote Divitiarum, Honorum, Voluptatum, aliorumve id genus potirentur: qui cum illusum sibi, falsamq; vulgi famam cognovissent, pudorem ut averterent, neve itineris labores sumptusq; perdidisse viderentur, apud alios expleta sua desideria erant mentiti. Addit idem Rassanus; se, cum harum rerum fidem exactius inquirere niteretur, ab Teutonibus quibusdam doctis viris gnarisq;, qui ipsi hunc locum vulgi famâ commoti adierant, ut cum cacodæmone carminibus impiis, voti impetrandi gratiâ, magicè operarentur, accepisse, ipsos, omnibus superstitionis legibus impletis, orbeq; descripto cum signis peculiaribus, nec ullo quæ requiruntur exsecrabilium ceremoniarum genere prætermisso, nihil toto triduo audivisse quicquam, aut vidisse; quamobrem, cum imposturam intelligerent, & indignarentur, quod volumina, quibus præva artis præcepta, characteres, & signa magica continebantur, in stagnum dejecta non fuissent reddita, voto maximo nunquam deinceps in huiusmodi rebus quicquam fiducia habendi nuncupato, et temeritatem gravissimè accusasse suam, & nugarum de loco auctores obmendacia detestatos, simul omnes, qui cacodæmonum itemq; magicorum voluminum ullâ ducerentur fide, diris exsecrationibus devovisse.

Tu autem, Joannes VVilhelme Redvvizi, quid ita
ira-

iracundè in Germanos? Quid tam inimicè in populares tuos? Non sic factum oportuit: & quæso, posthac parcius. Meminisse poteras: etiam Germanos in hominum numero esse, & perinde atque alias nationes iure gentium omnium communi aliquam stultitiæ partem habere. Verùm quicquid dixisti in Germanos contumeliosum aut injurium, id sciotuum non esse; (ingenium enim tibi est felicius, quàm ut tot pariat calumnias & tot monstra opinionum) sed id omne ex nescio quibus exterorum et hominum de schola lacunis collegisti: & vindicamus nos Germani à talibus, ut ille ex Albania canis Alexandro donatus, solo contemptu. Et sicuti Tiberio de licentia dictætorum conquerenti respondit Augustus: id nos contra hostium nostrorum insolentiam usurpabimus: Non indignari nos, aliquos esse, qui de nobis malè loquantur; satis esse, si hoc habemus, ne quis nobis malè facere possit. Et ut muscas importunè circumstrepentes sine ira levi manu fugamus: ita Germanorum magnanimitas abigit culices calumniæ. Ne tamen præter mentem tibi, Retvvizi, aliquid de alienigena errore irrepsit profundius: per amicitiam nostram facere aliter non possum, quin in aliquibus capitibus, quàm possum brevissimè, te instruam rectius. Sollicitus es, Retvvizi, de Germaniæ salute; atque times, ne propediem penitus corruat patria; quia limes Imperii, inquis, contrahitur & cogitur in angustias; Imperatoris majestas merum nomen est sine viribus, sine potestate, sine autoritate; Or-

Sueton. in Augusto. c. 51.

dines factionibus scissi tendunt in contraria: Comitia sunt sessionum dissidia, & decretorum Euripi: Fides & Religio sunt mutabiles: & id genus. Verum, mi Retwizi, nullum est Regnum, nulla Respublica, nullus Principatus, in quo non ejusmodi audias querelas. Nam ut in hominis corpore cottidie fere aliquid mutat; ita fit in illis magnis Imperiorum corporibus. adfectus tamen semper est loquax, & garrulus, & querulus. Imperium Germanorum quidem alicubi est imminutum: sed non ita, uti à sciolis asseritur. Et cum ju-

M. Ant. Pergrin. de J. Fisc. lib. 1. Bodin. de Rep. lib. 1. c. 6. & 9. 10.

ra majestatis (quæ sunt sancta sanctorum) alienari non possint: atque etiam alienæ majestatis subditus, ne si regiam ipse potestatem adipiscatur, se ipsum eximere nequeat: semper licuit Imperatoribus, & licebit, suos civés desertores, aut illegitimè exemptos, in ordinem cogere; non alter, quàm domino in servum fugitivum perpetua manus injectio est. Et quid objicis de Italia? Italia, rescribit Imperator Fridericus II. Papæ, hereditas est mea, & hoc notum est toti orbi. Quamobrem Pius IV. Pontifex Romanus Cosmum Florentinorum Principem Regem efficere cum maximè vellet, non tamen potuit: & Imp. Maximilianus II. non incongruè his verbis intercessit: Non habet Italia Regem, nisi Cæsarem. Et cum Pius V. eundem Cosmum postea magnum Etruriæ Ducem creasset, Cæsar per oratores suos protestatus est, additis minis, si Pontifex ulterius in Imperii jura invaderet. Ideoque cum de dignitatis prærogativa inter Ferrariensem & Floren-

Goldast. Tomo 3. Constit. p. 638.

Jo. Bodin. de Rep. lib. 1. c. 9.

Thuan. Hist. lib. 46.

Thuan. Hist. lib. 44.

Florentinum diu antè causa agitata esset: Cæsar non solum mortuo Pio à novo Pontifice Gregorio XIII. contendit, ut decessoris sui decretum induceret, & negotium ipsi, in cujus fide Etruria est, liberum relinqueret: verum etiam, instante Ferrariense, Cosmum tanquam Imperii beneficiarium citavit; qui prolatis instrumentis & rationibus in medium propositis se defendere coactus est. Et si tandem Francisco Cosmi filio, Magni Ducis titulus, tanquam Imperii beneficiario, amplissimo ea de re diplomate dato, fuit confirmatus. Et quicquid alibi, Retwizi, audiveris, legeris: hoc seriò disce, omnes Italiae civitates aut Duces ab Imperatore & Imperiali curia judicium accipere & judicata facere obligatos esse; quoties de republica, de finibus, de statu inter ipsos agitur. Nam tametsi Genuenses minus quàm ceteræ civitates Italicae Imperatorum jussa antea fecerint; cum tamen à Marchione Finaliensi, quem domo expulerant, ac bonis omnibus spoliatum ejecerant, ad Imperatoris Ferdinandi tribunal vocarentur, eos Imperator post edicta peremptoria cum abessent, vadimonium deseruisse pronuntiavit; hoc addito, Nisi fetiali suo parerent, urbem & agrum Genuensem se proscripturum. Sed paruerunt judicato Genuenses. Et ne multus sim, nullâ habitâ ratione futilium objectionum: Cæsar in omnes Italiae Principes et civitates jurisdictionem suam tuetur: quod cum alia documenta, tum infinita præjudicia causarum, sententiæq; à Cæsareo Aulico Consistorio, sive delegatis, datæ & executioni mandatæ ostend-

Thuan. Hist. lib. 54.

An. Ch. 1575. Thuan. Hist. lib. 60.

Joh. Bodin. de Rep. lib. 1. cap. 9.

Thuan. Hist. lib. 36.

Joh. Bodin. de Rep. lib. 1. c. 9.

Tob. Panrmeister. de Jurisdic. lib. 2. cap. 4. num. 73. & passim.

J. Bodin. de Rep.
lib. 1. cap. 9.

Goldast. in Ra-
tional. Constit.
Tom. 1. p. 64.
Et in præfat.
der Reichs-
handlungen
ad Ducem W.
J. F.

Herodian. lib. 1.
in Commod.
Alb. Gentil. de
jur. Belli lib. 1.
c. 23. vide l. 1. §.
10. C. de vet.
iur. Procem. In-
stit. & passim
in legib.

Reichs Ab-
schied / Anno
1544. A. 1522. A.
1548. Quæ-
rester de ju-
risdict. lib. 2.
cap. 1.

ostendunt: ut propterea Italia Jurisconsulti unanimi consensu verissime scripserint, nullis Italiae civitatibus leges condere jussisse, quæ Romanorum legibus, quas Fridericus promulgari jussit, contrariæ sint. *Hinc quid & de ipsa Roma judicandum sit, cognoscere potes; & intelligere, etiam Pontifices Imperatorum vassallos & subditos esse, atque ab illis Urbis præfecturam, & tot ditiones accepisse; quo nomine ab electis Imperatoribus hodieque solennem beneficiorum confirmationem petere solent: Imperatores autem proprietate suâ omni propterea non excidisse. Nec tamen necesse est, Imperatorem Romanum Romæ degere, aut etiam ipsam urbem possidere, quasi aliâs nomen nulla res sequeretur: cum ibi sit Roma, ubi est Imperator; & Imperatores Græci, qui Constantinopoli sedem fixerunt, non eò minus Imperatores Romanos se dixerint. Quemadmodum olim Athenienses urbe derelictâ civitatem conservabant in navibus: ita Romanum Imperium, Romæ urbis mœnia deserens, in Germaniam cum Imperatore sedem transtulit: adeoque Roma hodie est Viennæ, Pragæ, Norimbergæ, aut ubi sacratissimo Imperatori MATTHIÆ libuerit. Ita Sabaudia, ita Lotharingia, ita Burgundia, membra adhuc sunt Imperii. Ita Belgium quoque: & hoc tam est clarum, ut Imp. Carolus V. qui prius fratri Ferdinando persuadere conatus, ut Imperium acceptâ idoneâ compensatione in Philippum transferret, & id impetrare non poterat, cum postremo peteret, ut saltem eum Im-*

perii

perii per Italiam & Belgium cum plena potestate Vicarium constitueret, etiam hic repulsam tulerit; dictitante Ferdinando, Tantum de Cæsarea dignitate ac majestate, quam integram & illibatam tueri recepisset, decessurum, quantum ex ea alteri concessisset. Quare cum foederati Belgæ missâ splendidâ legatione Elisabethæ Anglorum Reginae Hollandiam & Zelandiam vel possidendas vel protegendas obtulissent, insignis illa & supra sexum prudentissima fœmina primum omnium animo deliberandum esse censuit, An cum alterius Principis subditis protectionis fœdus inire liceret; & An Belgæ foederati tantum offerre jure possent sine Cæsaris consensu, qui supremus Feudi dominus: & denique, postquam Arausionensi & Ordinibus pro præclara benevolentiae testificatione gratias egisset, respondit; Nihil sibi antiquius esse, quam fidem cum honore conjunctam & Principe dignam tueri, necdum sibi liquere, quomodo salvo honore & conscientia integrâ provincias illas oblatas in protectionem, multò minus in possessionem accipere posset. Ut ita, quantamcunque una aut altera, aut plures fugitivarum provinciarum sive civitatum libertatem jacerent, semper Imperatori & Imperio sua majestas & auctoritas constet in suos. De Helvetiis ridicula dixisti, & quæ splenem agitent vel non petulantem. Et an putas, tam inciviles & rusticos esse Helvetios, & ita cerebrum omne expuisse, ut eâ verborum insolentia & intemperie in Augustalem Cameram fuerint debac-

Sssss

chati?

Thuan. hist.
lib. 16.

Camden in An-
nal. Angl. An.
Chr. 1575.

Vide Jo. Meur-
sum de Induc.
Belgic.

chati? *Non persuadebis hoc mihi. Mirum tamen est, quod unus Warsevicius, homo Polonus, forsitan in-
tonstrina exceptum chartis ille vit; id etiam à Germanis
aliquibus statim tanquam oraculum acceptari. Quasi
quid Spiræ agatur, extra Germaniam requirere, & à
Polonis discere debeamus. Privilegia quidem Helve-
tios amplissima ab Imperio habere nemo negare potest:
uti & omnium Helvetiorum nomine legati è Tiguro,
Lucerna, Uria, Glarona, confirmationem suorum pri-
vilegiorum in Comitibus Augustanis petierunt ab Imp.
Ferdinando: sed privilegiorum concessio in eo, qui con-
fert, majestatem & imperium; in eo, cui conferuntur,
subjectionem arguit; cum juris tam universalis quam
singularis condendi potestas tantum penes eos sit, qui
summam Reip. obtinent potestatem. Ac licet Helve-
tii, viri certè probi, singulari indultu Imperatorum in-
signes illas prærogativas acceperint, exemptionem à
Iudicio Aulico, Camerali, & Rotvilensi, libertatem
fœderationum, & immunitatem ab omnibus oneri-
bus realibus Imperio debitæ: attamen Constitutione
fractæ pacis publicæ tenentur, & pacem Imperii pu-
blicam violantes in Camera accusari possunt; imò eti-
am contra omnes Imperii hostes externos suppetias fer-
re sunt obstricti. Sed nemo de Helvetiis, te Retvizi,
edoceat accuratius, nemo melius, quam Melchior Gol-
dastus, Helvetius doctissimus; qui ad serenissimum no-
strum Principem JOANNEM FRIDERICUM, Vür-
tembergiæ Ducem, in volumine, cui titulum fecit,
Reichs-*

Jos. Simler de
Repub. Helvet.
lib. 2. Bodin de
Repub. lib. 1.
cap. 9.

Carol. Tapia de
Constit. Prin-
cip. cap. 4.

S. fed & quod
Principi. Inst. de
la N. G. & C.

Reichshandlung / Tractaten / ita præfatur. *Es
werden ganze Lastwägen voll Bücher geschriben de pro-
cessibus juris, de jurisdictione, de appellationibus,
de exactionibus, de immunitatibus & exemptio-
nibus, vñnd was dergleichen. Sie müssen die Schweis-
zer vñnd Eydgnossen allenthalben herhalten / vñnd als
Meineidige / Abtrünnige / vñnd vom Heiligen Reich
abgefallene Ständ durchgezogen werden. Aber die gu-
ten Herrn vñnd Eydgenossen wollen das nicht gestehen/
vñnd widersprechen es auff das höchst / erkennen den
Keyser für ihren einigen / ordenlichen / natürlichen
Herrn / bekennen sich zu dem Heiligen Reich Teutscher
Nation / geben sich für desselbigen freye Stände auß / wol-
len auch des Lob / Ehr / Ruhm / vñnd Namen haben / it. Tu
lege cætera: & quæ contra Jesuitam Gretserum in Re-
plicatione pro Imperio, capite ultimo, scripsit Golda-
stus, adde: abibis doctior. Ego verò in Barbarios
Philippos, ut noster Axelius loquitur, nihil dico hic
amplius.*

Gold. Reichs-
handlung. in
præfat ad Du-
cem VVür-
temb. J. F.

Goldast. in Re-
plic. pro Impe-
rio. capite 41.

*Atqui & Imperatoris dignitatem, Retvizi,
alicubi vilescere, Ordinumq; obsequium fere in con-
temptum degenerare doles. Atque ut dem tibi ali-
quid; credo, aliquando inter Germanos fuisse viles,
& contumaces, & refractarios tales. Namque pati-
tur majestas Imperatoria interdum platani, aut nucis
arboris fortunam: sub quam pluvio cælo multi se re-
cipiant, qui tamen eidem postea cælo sereno ramos decu-
tiant, & securim admoliantur. Sed confide, Retvizi;
Sssss 2 inclytis*

inclytis Imperii Ordinibus hodie mens tam laeva non est. Et licet, ut inter multos fratres nonnunquam aliquid jurgii, aut ut inter conjuges aliquid fribusculi intercedat inter ipsos: tamen quia ex illis non pauci sanguine sunt conjuncti, & quod omni consanguinitate certius est, omnes sunt virtute fratres, & ordinis atq; ~~voluntas~~ studiosissimi; hinc omnes quoque in dissidio quocunque salutem publicam respiciunt; omnes Imperii gloriam, Imperatorisq; majestatem pro virili tueri & amplificare annituntur; multiq; officii praestandi celeritate, occupant tempus optandi. Et quemadmodum luscinia, carduelis, citrinella, alauda, regulus, curruca, & ceterae canorae aves, concentum inter se se non vitiant, quamvis diversissimis modulationum formulis & intervallis unà canant omnes: aut sicuti in Principis Odeo plurimi musici & symphoniaci pueri diversis modulis concinunt, atque rapidis vocibus per omnes gradus discurrunt; & tamen nec à se ipsi, nec à Basso, qui spondæum canit, discrepare percipiuntur: ita evenit in nostra Germania, ut in suavissimo Reipublicae Ordinum concentu interdum per tonorum etiam peregrinas discrepantias hinc inde divagentur quidam, nec tamen propterea basis ac fundamentum Reipublicae conquassetur. Et quis hoc praesertim Imperatore MATTHIA, non polliceatur sibi augusta & magna omnia? Quis aurea secula mox reditura esse non speret? Ille enim noster Imperator scit, incolumitatem rerum & pacem gentium sanctissimis Imperii Constitutionibus unice

unicè firmari: ille novit, omnes Augustales sanctiones à decessoribus Augustis Ordinum consilio & assensu factas, etiam suas esse, atq; aeternae esse debere; ab earumq; auctoritate Imperatoriam auctoritatem pendere: ille intelligit, in hac Palladii Germanici custodia promptissimum Ordinum obsequium, in obsequio Caesareum aerarium supra omnes Peruviae & Indiarum divitias opulentissimum situm esse: ille denique adgnoscat, unà legum sacrarum morumq; antiquorum reverentiā concordiam Ordinum sarciri, justitiam reparari, lites minui, & Reipublicae felicitatem stabiliri augeriq; posse. O divinas cogitationes! O pias curas! Quis tantotaliq; Principi non comprecetur prosperos etiam ultra vota successus? Quis pro incolumitate illius se non provolvat ad aram venerabundus? Honor sanè meritò maximus habetur illis; qui Christiani orbis fata suscipiunt; qui perpetuis maximorum operum actionibus occupati de tot nationibus & provinciis cogitant, noctes omnes diesq; perpeti sollicitudine pro omnium salute transigunt, atq; obliti quodammodo sui gentibus vivunt. Sed ebul-
lit animus Auditores, & nequeo linguam continere amplius. Accipe sacratissime Imperator Auguste, MATTHIA, nostrorum sensuum confessionem: Filius es MAXIMILIANI II. Imperatoris, Principis omni laude digni, sed omni laude majoris; & qui cum Imperii Ordinibus quasi cum liberis parens vixit: tu autem patris pietatem, justitiam, ac humanitatem sic imitaris & sequeris, ut omnibus ad te confugientibus, diver-
samq;

l. digna vox C.
delegib.

famque opem aut contra aliorum injurias, aut pro suis commodis postulantibus, quasi legata patris videaris exolvere; idque ipsum gaudeas prædicari, Quicquid MATTHIAS pie, justè, liberaliter, fecerit, filium MAXIMILIANI patris necessariò præstitisse. Ita fit, optime & benignissimè Cæsar, ut nec dies, nec quies ulla, ac ne momentum quidem tenue, tuis transcurrat beneficiis otiosum. At ego referendis laudibus tuis exiguus ingenio: nec mihi vocis ubertas ad dicenda, quæ de tua Majestate sentio, sufficit; nec vel indefessi sermonis series. Ergo quod solum potest religiosus quidem, sed tenuis alioquin efficere, curabo: Majestatem & numen tuum intra pectoris mei secreta conditum perpetuò custodiens imaginabor. At Sessionum certamina, RETVVIZI, quæ subinde in Comitibus Imperialibus inter Ordines enascuntur, nihil te conturbent: sunt leves controversiæ præ illis, quæ Hispano & Gallo, Hispano item & Anglo, Ferrariensi & Florentino, multoties fuerunt. Et quidem cum Imp. Carolus V. coronaretur Bononiæ, atque Legati Senensium & Genuensium inter sese de sessionis primatu verbis verberibusque acriter disputarent, utriusque Imperatoris jussu templo expulsi sunt. Cætera item, quæ tu attulisti contra Comitibus, eorum Decreta, & Justitiam; pleraque sunt joci, scommata, convitia, nugæ: & illud de Klagenfurto, est

P. Jov. Hist. lib. 27.

Hier. Megiser. in Annal. Carinthiæ lib. II. cap. 12.

fabula, sed nugis vanior illa meris: quæ ab Ænea Silvio pro vera historia credita & primum

mum scripta, postea à pluribus repetita fuit. Nec rarum est, ut quod unus scriptorum in trivio hausit; statim alii tanquam Senatusconsultum Romanum laudent & sectentur. Sæpe sine omni rubore mentiuntur: & XX propè scripserunt, Carolum Ducem Aureliorum ob læsæ majestatis crimen supplicio adfectum, idque Lutetiæ; quem tamen anno post trigesimo, quam ab Anglis captus fuerat, in Galliam rediisse, ac feliciter obuisse constat. Adeò maxima quæque ambigua sunt: dum alii quoquo modo audita pro compertis habent; alii vera in contrarium vertunt: & gliscit utrumque posteritate. De inconstantia Germanorum, aut perfidia, omitte. Nam licet nemo adhuc extiterit, cujus virtutes nullo vitiorum confinio laderentur: nullus tamen populus Fidem & Constantiam fortius & sincerius servavit, quam Germani: apud quos solos morum integritas, Macchiavelli Itali judicio, nostræ ætate superesse videtur. Imò morum rectitudo & constantia inter Germanos est etiam juventutis peregrinæ saluberrima rectorix. Quemadmodum enim verum balsamum coagulat lac, & in veste nullas relinquit maculas: hisce enim notis dignoscitur illud ab adulterino: ita Germanorum conversatio & convictus lætam & diffluentem exteræ juventutis virtutem sistit & firmat, nec illam vitiorum sordibus facile polluit ullis. Si quid autem rigoris sive asperitatis fuit in priscis majoribus: id cultura posteritatis eradicavit: non aliter, quam loca multa aliam induere faciem: ubi

J. Bodin. Meth. Hist. c. 4.

Tacit. Annal. lib. 3.

Nicol. Macchiavell. Disput. de Rep. lib. I. c. 9.

H. Salmuth. Comment. in G. Pancirol. de Myrrha, Staete, Bdellio, & Balsamo.

ubi silvæ fuere, jam seges est; ut metendo ac vindemando aliquando deficiamus. Alioquin in artificiosis manuum pedumque gesticulationibus, imò verò in scenica ista totius corporis compositione, quam hodie plurimi verarum virtutum aut non intelligentes, aut negligentes, præcipuæ morum elegantiae adscribere solent, Germani nostri nunquam quæsi verunt aliquam palmam: ut mirum haut sit, si Gallis liberi sui, quos aliquandiu Germanorum consuetudini tradiderunt, non satis pro nationis suæ ingenio civiles domum redire videntur.

Religionem verò unam, Retwizi, facilius in uno regno vel provincia optaveris, quam invenieris: sectarum licentiâ eò usque jam progressâ, ut Deus non solum assiduis sollicitandis precibus, ut Fidem nostram adaugere, verum etiam rogandus sit, ut Fides nostras diminueret vellet; cum nullo ab hominibus conditis natisque tempore plus Fidei Perfidiæque fuerit. Et ô quando inter nos illæ notæ, Catholici Pontificii, Catholici Lutherani, Protestantes, Calviniani: ô quando cessabunt; & fiet unus Christi grex, & unum ovile? En erit unquam ille dies, cum Doctores & coryphaeos scriptores, penes quos in Religione fere summa rerum est, hæc pia occupabit cogitatio? Enim verò satis, ah! plus satis studio partium undique hætenus est datum: satis turbarum in Europa excitatum. Et ignoscant mihi, rogo, Theologi, etiam qui nostrarum partium, quos omnes omni culpa liberare non possum; ignoscant, aut magis agnoscant, quod nunc dicam. Utrabulæ quidam & latratores

Isac. Casaubon.
in Epistol. ad
Front. Duca-
um.

tratores inter Furis consultos sunt, homines clamosi, turbulentissimi, & quibus omne cerebrum in lingua est: sic inter illos Theologos reperire est aliquos, qui caninam facundiam exercent, & nocent potius, quam docent; incurrunt, perdunt, dissipant; mali discipuli illius, qui omnia factus omnibus, ut servaret omnes; calumniam pro charitate usurpant, dentem pro lingua; & toti in eo, ut litem ex lite serant, ne coeat unquam & conspiret Christianum hoc corpus; iidem, quod mirere, in re sua accusatores, iudices, testes. Et iterum: sicut eadem amplissima Furisconsultorum natio fere nunquam destituitur præferocibus & importunis novatoribus, qui criticam ingenii sui securim etiam ipsis Imperatorum legibus confidentissimè admoliri audent; quorum immaturas correctiones sæpenumero non levia sententiarum divortia inter Doctores, cum non parvo veritatis ac justitiæ præiudicio, consequuntur: ita quoque & sanctissimus Theologorum ordo nonnunquam suos habet præfervidos & imperiosos Aristarchos; quibus palmarium & veluti Theologiæ caput est, mysteria Religionis & Fidei articulos legibus humanæ rationis ac scientiæ aptare, simplices & pisces Apostolos ad Aristotelis, Scoti, Thomæ, & id genus Disputatorii regni magistrorum scholas deducere; demum hoc agere, ut potius perenni Theologico-Philosophicarum argumentarum diluvio discipulorum atque auditorum animos inundavisse, aut & Rhetoricâ suaviloquentiæ copiâ obstupefecisse, quam illi strabus vitæ inculpatæ exem-

J. Lips. in Epist.
ad Joan. Esychi-
um.

T t t t

plis

plis veram pietatem & Mundi hujus contemptum docere voluisse videantur: cui peracri Disputationum & Declamationum plusquam Theologicarum studio si privatorum adfectuum & praesertim ambitionis accesserit fermentum, plerunque contumacissima inde oriri solent de religione dissensiones, quae non minus Reipubl. & populo inferunt vastitatis, quam externa bella, quam fames, morbiue, quaeq; alia terris incumbunt tanquam pestes quaedam. Scilicet

P. Cuneus de
Rep. Hebr.

Joh. Ouyen.

Reges belligerant, faciunt & foedera Reges,
est aliquid fera denique pace frui;
Presbyteri certant, atque immortalia nectunt
jurgia; litigiis non posuere modum;
unde venenatae levis inclementia Linguae;
& quam sit Calamus saevior Ense, patet.

Et si & inter Politicos nonnunquam reperiuntur, qui officii sui terminos gratia Principali praevecti Dictaturam Religionis sibi sumunt, & faciles Principes nulli negotio ad opiniones suas verborum diarrhaea moveant; quasi illi Theologiam a caelo cum Jovis diphthera accepissent. Interim autem, dum illa religionum discidia vigent, de Republica minimè desperandum est. Laudatur Constantini edictum, per quod poterat quisque vacare Deo secundum suam sectam; etiam, ut ad alteram religionem transire posset. Et melior est Religionum multitudo, quam carnificina conscientiarum: illa habet supersticiosos, haec atheos; illa plures Divini numinis habet cultus, haec nullum.

Præte-

Alb. Gentil. de
jure belli. lib. 1.
cap. 10.

Præterea, noli timere Retwizi, ne altitudo corporum ingenio & virtuti Germanorum aliquid deroget. Ut plerunque arces & palatia excelso loco posita incolunt summates viri: in Pragensi enim & Lincensi arce habitat Imperator: in Vaticana Pontifex: in Heidelbergensi Elector Palatinus: in Tubingensi Dux Wirtembergicus: in Marpurgenensi Landgravius Hassiae: sic natura ipsa magnis Germanorum mentibus domicilia corporum digna plerunque metatur; & ex eorum vultu & decore membrorum colligi potest, quantus illos caelestis spiritus intravit habitator. Nec moramur dictarium Bartoli; viri quidem magni, sed nisi quam in humanioribus literis, in Historiis, & publico jure toties prodidit infantiam, accuratissimo in privatarum rerum legibus judicio emendasset, ne inter doctos quidem, nedum magnos referendi. Scilicet qui morbus plerisque hominibus de Schola solet esse familiaris, etiam inceserat Bartolum; unde curiosè quærebat, Eccur Ulpianus in l. 1. de jurisdictione dixerit, jus dicentis officium latissimum est, & non potius longissimum? & mox inter causas referebat, quia longi homines sunt raro sapientes. Ratio profecto vix Mopso aliquo, nedum tanto viro digna: quâ tamen illa in l. hostes. ff. de captiv. & postlim. revers. nihilo est melior; ubi scribit Bartolus; fortasse esse hæreticum, dicere Imperatorem non esse dominum totius mundi, propter Evangelii verba, Exiit edictum à Cæsare Augusto, ut describeretur universus Orbis.

Vide Joannis
Barclai vindicias. in exam.
prolegom. Roberti Bellarm.
n. 19. de Bartolo.

Tttt 2

At

At voluptatum esse sectatores in Germania, verum est, Retvizi: sed non illâ insaniâ, ut tu opinaris: & alibi, mi amice, est ejusmodi Mancipiorum plus. Populus

_____optimus ille est,

qui minimis urgetur.

Multa quoque nobis vitia consuetudo exterorum adspersit: ut morbus Gallicus, pestis, oculorumq; dolor vicina corpora adficere solent.

dum spectant oculi læsos, læduntur & ipsi:

multaque corporibus transitione nocent.

Ebrietatem tamen Germanis improprie fecisti propriam; & dabo tibi totas familias, quæ temperatissime bibunt. Quis videt temulentum & madidum inter Austriæ Archiduces? Et quantum jam procerum agmen trahit laudatissimum tantorum Principum exemplum? Olim Novellius Torquatus Mediolanensis (Gallus hic fuit) inter celebres potiores hoc encomium meritis est, quod tres congios biberit uno impetu, ἀπενευσί, spectante miraculi gratiâ Tiberio Principe. Et fuit in eo hæc gloria rara, (quando & hæc ars suis legibus constat.) non labasse fermone, nec levatum vomitione, non alterâ corporis parte, dum biberet: matutinas obisse vigilias: plurimum hausisse uno potu, plurimum præterea aliis minoribus addidisse: optimâ fide non respirasse in hauriendo, neque expuisse; nihilq; ad elidendum in pavementis sonum ex vino reliquisse, diligenti scito legum contra bibendi fallacias. O potu

rem

Plin. Histor.
Natur lib. 14
cap. 22.

rem numeris omnibus perfectum! Quis contendet? Non tu Cicero fili, magni patris degener soboles, qui duos congios simul haurire solitus es. Contendere tamen ausurus fuisset famosus ille Bonosus, Hispaniensis, origine Britannus, sed Gallâ matre, rhetoris, aut pedagogi literarii filius, qui etiam imperium cum Proculo invasit, omnesq; Britannias, Hispaniam, & Braccatam Galliam sibi vindicavit; ille infelix licet in Martis militiâ, sed hæc Bacchi mirificus, & juxta vel supra Torquatium istum Tricongium ponendus, bibit, ut Flavii Vopisci Syracusii verba sunt, quantum hominum nemo. De hoc Aurelianus sæpe dicebat, Non ut vivat natus est, sed ut bibat. Quem quidem diu in honore habuit, causâ militiæ. Nam si quando legati barbarorum, undecunq; gentium, venissent, ipsis propinabat, ut eos inebriaret, atque ab his per vinum cuncta cognosceret. Ipse quantumlibet bibisset, semper securus & sobrius, & ut Onesimus dicit scriptor vitæ Probi, adhuc in vino prudentior. Habuit præterea rem mirabilem, ut quantum bibisset, tantum mingeret, neque unquam aut ejus pectus, aut venter, aut vesica gravaretur. Is ipse Bonosus, cum victus à Probo laqueo vitam finisset, joco locum dedit, amphoram pendere, non hominem. Hominum quoque memoriâ Shanus O. Neal, potens Ultoniæ in Hibernia regulus, crudeli quod in Anglos conceperat odio clarissimus; quippe qui & castrum, quod in lacu Eaugh construxerat, Feoghnegall, id est, odium Anglorum nomina-

Fl. Vopiscus in Bonoso. Cuspi-
nians in Probo. Lipsius in Epistola de Poterib. & Edonibus.

Guil. Camden in Annal. Anglic. ad An. 1567.

Tttt 3

ut;

vit; quosdam è suis strangulavit, quòd Anglico pāne
vescerentur: ille verò, qui patrem dominatu, fratrem
nothum vitā spoliaverat, homicidiis & adulteriis con-
taminatissimus, belluomaximus, tantā contentione &
studio ebrietati famulabatur, ut ad corpus vino &
aquā vitæ immodicè haustā inflammatum refrigeran-
dum sæpius mento tenus terrā conderetur: sicuti & in-
ter pocula postea fuit contrucidatus. Sed quis unius
Shani flagitia toti Hiberniæ nisi iniquus, quis omnibus
Hibernis nisi demens impegit? Quis item ob ampho-
ram Bonosum omnes Britannos aut Hispanos ampho-
ras; ob bicongium Ciceronem omnes Italos bicongios;
ob Torquatum tricongium omnes Gallos tricongios si-
ne ingenticalumniā dixerit, scripserit? Ita minimè ab-
nuerim, immemorabilem illum Wenceslaum, qui pes-
simis infantia suæ ominibus (matrem enim in partu ex-
animavit; fontem S. baptismatis, ut & aram, in qua
secundo ætatis anno Bohemiæ Rex coronabatur, ven-
tris purgamentis fœdavit) omnem futuræ vitæ fabu-
lam prodiderat, nimis quàm madidum & ebriosum fu-
isse: cum & tot aliis sceleribus fuerit obsessus, ut ei
nullum vulnus nisi per cicatricem infamiæ fere im-
primi potuerit: de quo etiam fertur, adeò naturā fe-
rum & sanguinarium fuisse, ut assiduum penes se car-
nificem haberet, quem Compatrem familiariter ap-
pellabat, quia filium ejus de fonte sacro levârat; &
tam familiariter eo utebatur, ut aliquoties uno eodem-
que equo secum vehi illum passus fuerit: sed quis tam
sit

J. Cuspinian. in
Wenceslao.
H. Megiferus
in Chron. Ca-
xinth. lib. 9.
cap. 34.

Dubravius lib.
23.

sit effrons, ut delicta unius Venceslai propria faciat
communiam omnium Germanorum? Et ubi terrarum
hodie Venceslai sunt? Vivitur & bibitur apud Ger-
manos modestius; neque ita immoderatè, ut, Jacobi
Menochii judicio & verba palmam ferant bibaces
Germani; neq; ita spurcè, quod Henricus Stephanus
falsò refert, ut quot illi calices super mensam, tot ma-
tulas sub mensa habeant, aut omnia vicem matula-
rum præstent. Bibitur quidem à multis liberalius; sed
sine gravi Reipublicæ damno. Poëta quidam Germa-
nus Italus Germanorum sitim vehementiorem carpen-
tibus argutè respondit:

Jac. Menoch.
lib. 4. præsump-
152. n. 32.

Henric. Step-
hanus in Apol. pro
Herodoto.

Vt nos dulce merum, sic vos Venus improba vexat:
Lex lata est Veneri Italia; nulla mero.

Et si suus cuiq; populo adhærescit error; maneat, ma-
neat istud vitium nostris, dum graviora absint, levi-
tas, fraus, dolus, perfidia, perjurium, blasphemia, im-
modica sed & inconcessa Venus in nuptas, in virgi-
nes, in puellas, in pueros, in bruta animalia; quibus
maximè urgentur exprobratores nostri. Sed alienis
vitiis non tego nostrum; si modò nostrum est, quod
commune est: cum habeam certum, hodie nulla in parte
mundi cessare ebrietatem. Quinetiam suadent
viri prudentes, nonnunquam & usque ad ebrieta-
tem veniendum esse; non ut mergat nos, sed
ut abducatur nonnihil animos in altiores curas de-
fixos. Ut enim morbis quibusdam, ita & tristi-
tiæ

Phil. Cluvsius
German. antiq.
lib. 1. cap. 19.

Plin. histor. nat.
lib. 14. cap. 22.

Seneca de
Tranq. animi
cap. ult.

tia medetur; nec raro consilia non liberiora tantum, sed & meliora cudit, in quibusdam præsertim ingeniis. Ita

Horatius.

narratur & prisca Catonis
sæpe mero caluisse virtus.

Seneca d.l.

at quisquis objecerit Catoni ebrietatem, facilius hoc crimen efficiet honestum, quam turpem Catonem.

De fortitudine Germanorum, Retwizi, omnia bella, quæ fere in toto orbe geruntur, testantur. Disciplina quidem militaris deficit alicubi; ut apud nationes omnes: imperterriti tamen & formidabiles nihilominus sunt Germani: in quorum virtutem si pericula inciderint, non magis ullam portionem habent, quam in maritimis. Sed excelsus Princeps, Franciscus Carolus Dux Saxonie, te, antequam diceret, solidissime confutavit: & Turca (cui nullo timoris aut imbellie argumento, sed temporis causa, ut Hungari brevi pace perennes bellorum molestias concoquerent, aliquid argenti, non tributum, datum est) multoties suo detrimento expertus est; etiam multitudinem ipsius nostræ paucitati imparem esse. Galli, Itali, Hungari, & alii,

(a) Tot tit. C. de uxoris. milit. F. Balduin. Comment. de legib. Constantini M. lib. 2. (b) Lips. Comment. ad lib. 14. Annal. Taciti. & lib. 5. de Mil. Rom. dial. 18. Th. Dempster in Paralipom. ad Jo. Rosin. Antiq. R. lib. 20 cap. 12.

nostros Reiteros & Landsknechtos (hoc posterius militis genus Imperator Maximilianus I. in orbem introduxit primus: & habent hi Landsknehti more (a) Romano non quidem antiquissimo (b) illo, quo habere non licebat, suas conjuges comites) laudibus fortitudinis cumulant summis: & nuper Belgium Hispanis specimen dedit, quantum virtus Germanorum in armis possit;

possit; quibus tandem eo ventum est, ut maximus ille dominator Philippus, tot populis ac regnis late imperans, ut vix eorum titulis recensendis memoria ipsius suffecerit, flore sui patrimonii devolveretur, sine spe recuperandi, utq; jam cum suis olim subditis æquo jure pacisci non adsperneretur; adeo ut si pro coronis aureis illis Hispanorum domitoribus, & cum primis magno illi MAURITIO NASSOVIO, nemini veterum ducum animi magnitudine, consilii solertia, bellicis virtutibus, ac rerum gestarum gloria secundo, sint dandæ laureæ, nec speciosissima Zelandia laureta satis sint futura. Quid etiam dicendum esset de nostris Helvetiis, Gallorum quasi Diis tutelaribus, viris fortissimis; quos Julius II. Pontifex Defensores Ecclesiæ vocavit?

Dom. Baudius de induciis bellici Belgici.

1. Simler. de Rep. Helvet. lib. 1. P. Jov. Hist. lib. 11. & 15.

Facilis autem fuit tibi transitus Retwizi, à militia neglecta ad Nobilitatis decrementum. Sequor te ducem. Olim Nobilis erat, qui vel ipse splendorem & prærogativam illam intulerat in familiam, vel majorum imagines novis meritis exornaverat: nemo facile Nobilitatis nomen sine virtutum satel- litio gerebat. Ita Nobilis simul erat fortis, prudens, temperans, mansuetus, affabilis, humanus. Sed hodie da hominem majorum virtute & dignitate celebrem, cætera bucconem, blennum, fastuosum, bardum, asinum; & tamen eundem Strenuum & Nobilissimum appellitari audies. Ut loca sordida percussu solis illustrantur: ita inertes majorum suorum

Seneca de Benefic. libro 4. cap. 30.

V u u u u

luce

luce resplendent. Sed o vivamus, mei Germani, moribus antiquis, Virtutemq; cum Nobilitate stabili & aeterno conjugio jungamus; planeq; ad leges Torneamentorum Equestres Henrici Aucupis, Imperatoris laudatissimi, nos componamus! Nemo ita Nobilitati nostrae convitium facere audebit, nemo extraneus se se equiparare nobis poterit. Verum enimvero, Retwizi, uti illustres & antiquas familias publica plerumq; sequitur veneratio: ita & novae virtuti portae Nobilitatis merito patent: ut illis deficientibus sint aliae, quae Republicae immortale decus sustineant. In literis cu-
 J. H. B. S. jusdam magni Baronis nuper legi; intra sexcentos annos in Austria mille & quingentas, atq; amplius, familias Nobiles extinctas esse: ut ita res sit non adeo mirra, si novorum hominum, ut tu loqueris, sit plus illic quam in aliis provinciis. Etsi & vetustae & perillustres familiae non paucae etiamnum ibi supersunt: & quidem ex Comitum & Baronum classe, Liechtenste-
 nii, Losenstenii, Polhemii, Puchemii, Starhembergii, Streinii, Stubenbergii, Traunii, Volkerstorffii, Zelckingi, Zinzendorffii, Rappachii, Scherpfenbergii, Eizingi, Hardeccii, Hofkirchii, Rogendorffii, Tschernemblii, Vngnadii; alii: nec, qui sunt in Equestri Ordine antiquissima stirpis, nunc enumero. Novos etiam, tuo sensu, Retwizi, non possum facere illos, qui virtutum gloria sunt veterani. Quamvis enim in novis familiis promercalem originem nemo non contemnat, & abominetur: quis tamen ita sit in virtutem injurius, si quem videat

videat rebus praeclare gestis admirabilem, quin veram nobilitatem agnoscat, & dilaudet? Vdalricus Ciliae Comes, cum Joannem Hunniadem regni Hungariae Gubernatorem alloqui cuperet, neq; ille recusaret, si apud se in castra convenirent: Non ego, inquit, Princeps ex Principe, altaq; familiam natus ad te veniam novum hominem, & nostram demum aetate nobilitatum. cui Joannes: Non, inquit, tuis majoribus, sed tibi me comparo. Quanquam neq; illis cedam: qui pugnando pro Christiana religione nobilitatus, majus lumen posteritati meae comparavi, quam illi, qui ad te detulerunt. Atque ut in te Ciliensis Comitatus turpiter extinguitur: ita in me gloriosè Bistricensis exoritur.

In literis autem, quaeso Retwizi, ne confunde vetera & hodierna tempora. Hodie cum aliis gentibus collati (absit jactantia) nulli cedimus. Et ille sanctissimus in literas amor in omnibus aetatibus ita passim praevaluit, ut non tantum, tuo verbo, nucum putamina interdum laureis baccis, quod non valde probo; verum etiam discendi desiderio virilis aetas tyrocinio misceantur. AUGUSTUS Septemvir certe, praecipuae auctoritatis Princeps, serenissimi IOANNIS GEORGII Saxoniae Electoris avus, exemplo Ottonum Imperatorum gentiliū suorum jam corroboratā aetate linguam Latinam didicit. Et quod ad praegrandes illas librorum moles, quas popularibus nostris cum aliqua crassioris ingenii nota objicis, pertinet: nec ego quidem ex eorum sum numero, qui li-
 Vuuuu 2 bros,

Aen. Silvius
 Paral. Alfonf.
 lib. 2. cap. 29.
 adde Gerardum
 de Roo Annal.
 Austriac. lib. 6.
 p. 221.

Thuan. histor.
 lib. 41.

Joan. Passeratius præfat. in O-
rat. Cicer. pro
A. Licin.

Seneca Epist.
88.

Sueton in Ti-
berio, c. 70.

Suidas.

Das große
Buch von Esi-
bingen.

*bro, ut agros, decempedâ metiuntur. Qualis fortè pri-
scis seculis fuit Colophonius Antimachus: vel litera-
tor ille Didymus; qui, ut ab autore gravissimo Seneca
memoriæ proditum est, quatuor millia voluminum
conscripsit, anilibus referta nugis, & his puerilibus
quæstiunculis, quænam Homeri fuerit patria? quæ ve-
ramater Aeneæ? ebrietati an libidini magis indulse-
rit Anacreon? an Sappho corpore quæstum fecerit?
aliaque id genus congeffit, in quibus miseros Gramma-
ticos Cæsar exercebat Tiberius. Absterret me ab iis
ineptiis nescio quis apud Suidam Callimachus, & can-
tilenam suam insusurrat, τὸ μέγα βιβλίον ἴσον εἶναι τῷ
μεγάλῳ κακῷ. Verùm rationibus objectionis tuæ bene
pensiculatis, deprehendere est, illam calumniæ perquam
affinem esse; mirariq; subit, quòd non & tritam istam
de magno libro Tubingenli fabulam novo aliquo em-
blemate & commentario illustratam nobis denarrave-
ris. Quòd si tamen ex tua opinione omnes magni libri
indiciū sunt magni quidem laboris, sed iudicii inge-
niūq; non valde magni: age vel doctissimos Italarum,
Gallorum, & Hispanorum, è bonæ famæ, æternis lite-
rarum monumentis partæ, tabulis expunge statim; &
eādem operâ præ M. Luthero, J. Brentio, & Ægidio
Hunnio nostris, Rob. Bellarminum, Cæs. Baronium,
Jo. Calvinum, Th. Bezam, B. Ar. Montanum, & Gr.
de Valentia, dicrudes indoctosq; præ Vdalrico Zasio,
Jo. Oldendorpio, & H. Rosenthallio, nostris, Cardi-
nalem Tuscum, Jac. Menochium, Jos. Mascardum,
And.*

And. Tiraquellum, Jac. Cujacium, Did. Covaru-
viam, & L. Molinam, dic illiteratos inconsultosq; præ
L. Fuchfio, A. Vefalio, & Th. Eraſto, nostris, dic H.
Mercurialem, G. Fallopiū, J. Fernelium, A. Lau-
rentium, Amatū Lusitanum, et Rod. à Castro, igna-
ros atq; germanæ Medicinæ vacuos: præ Iac. Scheg-
kio, G. Agricola, & Justo Lipsio, nostris, dic Iac. Za-
barellam, Fr. Picolomineum, Jos. Scaligerum, Had.
Turnebum, Æl. Antonium Nebrissenſem, & L. Vi-
vem, imperitos barbarosq;: aut si tantos viros talibus
appellationibus sine summa temeritate incesſere non po-
tes, aut nec audes; vel tandem animadverte melius edo-
ctus, extrariam illam, quam odium & malignitas ge-
nuerunt, & turpem esse calumniam hominum rabiosa
eloquentiæ, qui quoscunq; Germanorum magnos libros
argumentum esse putant doctrinæ exiguæ, aut non sa-
tis subactæ. Quæ tibi sic exputanda propono, non
quòd sine discrimine quosvis prægrandium librorum
consarcinatores, qui plura fere quàm legerint scri-
bunt, excusare cupiam; sed quia prudentis censoris ef-
ſe existimem, moles chartarum futilium ab utilibus li-
cet grandiusculis voluminibus discernere, nec malitiæ
ſuſpicionē absolvere possim, qui tot gentium commu-
nem multa perscribendi morem unis Germanis pro-
prium facere ac contumeliosè adscribere velit. Quid?
quòd jam olim Plinius junior asſerebat, ut aliam bo-
nam rem, ita bonum librum meliorem esse quemque,
quò majorem. Cui cum quidam brevitatis admirator

Plin. lib. 1. E-
pist. 20.

Vuuu 3 autori-

autoritates obverteret, & quidem ex Græcis ostentaret Orationes Lysiae, ex Latinis Gracchorum Catonisque, quorum sanè plurimæ fuerunt circumcisæ & breves: ille Lysiae Demosthenem, Aeschinem, Hyperidem, multosque præterea; Gracchis & Catoni Polionem, Cæsarem, Cælium, imprimis Marcum Tullium opponebat, cujus Oratio optima fertur esse, quæ maxima. Plerisque enim orationibus longiore tractu vis quædam & pondus accedit. Utque corpori ferrum; sic oratio animo non ictu magis quam morâ imprimitur. Videmus, ut statuas, signa, picturas, hominum denique multorumque animalium formas, arborum etiam, si modò sint decoræ, nihil magis quam amplitudo commendet; idem Orationibus evenit: quin etiam voluminibus ipsis auctoritatem quandam & pulchritudinem adjicit magnitudo. Nec nos præterit, summum Oratorem Periclem sic à Comicis laudari; quòd Suadela quædam insideret labris ejus; quòd cum delectatione aculeos etiam relinqueret in animis auditorum; quòd fulguraret, tonaret, perturbaret Græciam. Verum delectare, persuadere, copiam dicendi spatiumque desiderant: relinquere autem aculeum in audientium animis is demum potest, qui non pungit, sed infigit. Neque etiam amputata oratio & abscissa, sed lata & magnifica & excelsa tonat, fulgurat, omnia denique perturbat ac miscet. Optimus tamen modus est: quis negat? sed non minus non servat modum, qui infra rem, quam

qui

qui supra; qui adstrictius, quam qui effusius dicit. Alius excessisse materiam, alius dicitur non implexisse: æquè uterque, sed ille imbecillitate, hic viribus peccat: quod certè etsi non limatioris, majoris tamen ingenii indicium est. Atque ut Germanorum nostrorum solidam eruditionem in parvi quoque moduli libellis, systemata scientiarum artiumque elegantissimâ methodo tradentibus, tibi ante oculos statuam; inspice quæso, Theologica Compendia incomparabilis nostri M. HAFENREFFER, Jac. Heerbrandi, Cunr. Dieterici, L. Hutteri; evolve Herm. Vultei Furisprudentiam, & Matth. VVesenbeccii Paratula; lege Joh. Heurnii Institutionem Medicam; examina Grammaticam & Poeticam Gieffensium, Melch. Laubani Etymologiam Græcorum verborum, Logicam Jo. Hauberi & Petri Bertii, Rhetoricam Mart. Crusii & Hieron. Treutleri, Metaphysicam Cornelii & Jacobi Martiniorum, Physicam Dan. Sennerti, Ethicam Sam. Hailandi, Astronomiam Mich. Mæstlini, Joh. Keppleri, Hadr. Metii; Geometriam Simonis Stevini, Opticam Ambrosii Rhodii, Arithmeticam Gemmæ Frisij & Christophori Clavii, Musicam J. Hippii & Sethi Calvisii, atque omnem fere Philosophiam H. Alstedii & Barthol. Keckermanni: & dic liberè, quantopere sint iniqui illi Germano-mastyges, qui invidia suggerente vanè perstrepunt, alios quidem populos melius scire, sed Germanos plura posse.

Addam

mortuus Colo-
niæ 17. Calend.
Septemb. A. C.
1491.

Vide Joan. Tri-
themium de
scriptorib. Ec-
clesiast. Thom.
Bozium lib. 22.
de signis Eccle-
siæ Jac. Mid-
dendorp. de A-
cadem. lib. 5. p.
153. & 280.

*Addam hic insuper miraculum Nicasii Brabanti; qui tertio ætatis anno oculis captus cum desiderio scienti-
as cognoscendi ipsâ cæcitate cresceret, animum ad quæ-
cunque obstantia impedimenta invictum Scholis conse-
cravit; & sic literas, quas nunquam viderat, auditu fe-
licissime didicit, quas nunquam legerat, postea gloriose
docuit. Lovanii Magister Artium & Theologiæ Li-
centiatus creatus, etiam singulari ex indultu Pontificis
Sacerdos ordinatus est: ibiq; Confessiones audiebat, ad
altare ministrabat, Evangelium mente utens pro libro
è suggestu recitabat & exponebat: Mechliniæ ali-
quandiu Scholis regundis laudabilem operam navabat:
Coloniæ postremo Doctoralibus Juris Canonici infi-
gnibus ac titulis omnium cum applausu ornatus, Le-
gum Imperialium Professor extra ordinem factus est:
ubi scripsit & edidit in Institutiones ac Sententias li-
bros commentarios; aliorumq; argumentorum sermones
varios, Quæstiones diversas.*

*Apagè illam quoque opinionem de Bombardis
& Typographia: inventio nostra est, non Chinesium.
Autoritatibus certas Maffei, Boteri, Jovii, & cur
non addis etiam Ioannem Consalvum Mendozam,
qui affirmabat, artem Typographicam unâ cum ipso
regno Chinæ habuisse principium, & inventam à
quodam, quem incolæ instar numinis venerentur,
adeoque quingentis plus minus annis Chinesibus in
usu fuisse, antequam à Germanis usurpari cœperit?
Olim Scaurus cum accusaretur corruptela, in concio-
nem*

H. Salmuth. in
G. Panciroli N.
R. cap. 12. de
Typogr.

*nem progressus, hoc tantum effatus dicitur: Varius Su-
cronensis Aemilium Scaurum mercede regiâ corrup-
tum ait; Aemilius Scaurus negat. utri creditis? At
nos Germani, Retvvizi, majori longè fiducia, & fidei
gloriâ, possumus dicere: Maffejus, Boterus, Jovius,
etiam Mendoza, & alii hujus sectæ, ajunt Germanos
Bombardarum & Typographiæ inventores non esse:
Germani negant: utris credit orbis? Et quid respon-
debit Maffejus Valignano sui ordinis socio; & qui in
Indiis Orientalibus magna cum laude, ut Joannes Ha-
jus de eo scripsit, Sociis præpositus Provincialis, tan-
demq; ad Taicosamam Legatus Proregis Indiæ, &
Sociorum Visitator fuit? cujus in Admirandis regni
Chinensis hæc verba sunt: Præterea Chineses à Lusi-
tanis usum Scloppetorum acceperunt, & magna hu-
jusmodi sulfureorum tormentorum vis in China re-
peritur: neque dubitandum, exercitatione peritiam
iis utendi adepturos. Videsne, Retvvizi, Lusitanos
Chinesibus usum tormentorum sive scloppetorum
monstravisse? An verò ignoras Germanos omnibus Eu-
ropæis illam formidabilem machinam communicavisse?
Et, ut Maffejum omittam: quomodo Boterus & Jo-
vius contradictione se liberabunt, qui alibi dissertis
verbis scripserunt; ille quidem, I Tedeschi sono stati in-
ventori della stampa, & dell' Artigliaria: hic autem;
Germani inusitata & portentosa inventionis areas
formas excudendis libris, & formidanda bello ænea
tormenta nobis attulerunt? In Mendoza verbis hanc*

Alex. Valigna-
nus. in Admi-
rand. regni Chi-
nensis.

Bot. Cosmo-
gra. p. 1. lib. 1.
de German.

Jov. in Elog.
Doct. vir.

Xxxxx

video pugnam. Si enim Typographia cum Regno Chi-
nae habuit initium, & illa quingentis plus minus annis

G. Pancirol. in
N. R. tit. 24.
de text. Sericis. in usu fuit Chinenfibus, antequam à Germanis ufurpa-
retur: hoc erit confequens, Regnum Chinenfium, quos

Seres nominavit antiquitas, fupra fexcentos aut fe-
ptingentos annos non ftetiffe: quod tamen fcriptores om-
ni exceptione majores refellunt, qui Seres inter popu-
los fatis vetuftos recensent. Audi Senecam, Apoftoli

B. Hieronymus
de fcript. Eccle-
fiaftic.

Pauli familiarem & amicum: Poffumus nos habitare

Seneca Epi-
ftola 90.

fine marmorario fabro; poffumus veftiti effe fine
commercio Serum; poffumus habere ufibus noftreis
neceffaria, fi contenti fuerimus his, quæ terra pofuit in
fummo. Audi etiam Virgilium, Senecâ paulo priorem.

Virgil. 2.
Georgic.

Quid tibi odorato referam fudantia ligno

Balfamaq; & baccas femper frondentis achanti?

Quid nemora Æthiopum molli canentia lanâ?

Velleraque ut foliis depectant tenuia Seres?

Fam ad calculum revoca tempora, Retwizi; non femel;
fed bis, & amplius, numerabis fexcentos annos. Addo
in fuper, ingens difcrimen inter Typographiam Ger-
manorum & Chinenfium effe, quod tam libri utro-
rumq; inter fe comparati, quàm auctores fide digni atte-
ftantur; & alio loco explicari poterit commodius. In
inventoribus autem noftreis fine maxima admiratio-
ne hoc nunquam confidero: quod monachus, homo li-
teratus, Berchtoldus Schvvarzius, fcloppetorum ma-
chinas, Iohannes Guttembergius, vir Equeftreis digni-
tatis, Typographiæ artem excogitavit: quafi toti terra-
rum

rumorbi fignificare & denunciare voluerint; neq; Ger-
manum literatum à militia abhorrere, neque Germa-
num militem à literis refugere, atq; ita utriusq; mili-
tiæ, togatæ & armatæ, gloriam fub Germanorum tute-
la & imperio quàm optimè & laudatifsimè vigere, flo-
rere, ac crefcere. Alia minutula relinquo: & te, Ret-
wizi, falvere jubeo; ut in pofterum de Germanis judi-
ces honorificentius & rectius.

Fam verò, illuftriffime Princeps, FRIDERICE
ACHILLES, Dux Vvürtembergiæ, ad Relationem tu-
am venio propius: Quoniam cum quibuflibet mundi
règionibus ita comparatum eft; ut fingulæ fingularem
aliquam dotem & prærogativam habeant, quæ cæteris
fit denegata: nam

hic fegetes, illic veniunt felicius uvæ:

arborei foetus alibi, atque injuffa virefcunt

gramina. nonne vides, croceos ut Tmolus odores,

India mittit ebur, molles fua thura Sabæi?

at Chalybes nudi ferrum, virofaque Pontus

caftorea, Eliadum palmas Epeirus aquarum?

atq; in præfenti de Europæ principatu difquifitione &
Galli, & Hifpani, & Britanni, & Hungari, & Polo-
ni, & Itali, & aliæ nationes fingulæ aliquid proprium
laudare poffunt, ob quod reliquis omnibus jure antefe-
rantur: quia tamen laudum verarum copiâ, & augu-
tiffimâ Imperatoriâ dignitate, alios omnes populos
longè exuperant Germani, quod generofiffimus Prin-
ceps, Francifcus Carolus Dux Saxonix, demonftravit

Xxxxx 2.

pulcher-

Virgil. Georg.
lib. 1.

pulcherrimè; ego illi omnimodò ad stipulor, & meâ quoque sententiâ Germaniæ nostræ, cum bona tamen aliarum gentium gratia, & sine ullius injuria, tribuo principatum.

P R I N C E P S

FRIDERICVS
ACHILLES, &c.

D I C T U

FRIDERICE PLIENINGI;
& deinde, vos ceteri.

FRIDERICUS,
von Plieningen/ Württembergicus,
dixit:

Ego, illustrissime Princeps, hanc Germaniæ laudem puto esse præcipuam, quòd dignè laudari possit à nullo. Quemadmodum tamen eximii Principis, Francisci Caroli, Ducis Saxoniae, qui quàm ornatissimè pro Germania verba fecit, orationem exosculor animitus: ita suavissimo contubernali & amico meo Nicolao Buwinckhaufen, qui summâ moderatione singulas Europæ provincias

vincias, quarum quidem antea facta erat mentio, inter se contulit, & principatum attribuit Germaniæ, penitus adsentior.

HENRICUS GULIELMUS

von Panowitz/ Silesius, dixit:

ET ego, inclyte Princeps, cum audi vi libenter Buvvinckhaufium; tum etiam prudentiam ejus in sententiæ dictione sic amplector, ut planè admirer.

JOACHIMUS von Jarheim/

Francus, dixit:

Sententiam Buvvinckhaufii non tantum assensu approbo, sed etiam dignam censeo, quam Germani omnes & calamo & hastâ, ubi ubi opus fuerit, masculè contra omnes tueantur.

JOHANNES CHRISTO-

PHORVS von Belward/ Francus, dixit:

Deturienti mihi, optime & excelsæ Princeps, Buvvinckhaufius orationis suæ virtute linguam & animum meum hausit omnem: & hoc tantum nunc habeo dicere, ADSENTIOR.

XXXXX 3

FRIDE-

FRIDERICI ACHILLIS,
DUCIS WÜRTEMBERGIÆ ET
Tecciae, Comitum Mompelgardiae, Heiden-
hamii Dynastæ,

C O N C L U S I O.

NEMO, illustrissimi Principes, cognati
suavissimi, frater jucundissime; vosque alii,
Barones & Nobiles perdilecti; nemo, in-
quam, tantâ felicitate unquam meliorem
Europæ partem itineribus emensus est, quam ego sum
his paucis diebus: quibus nullis viarum difficultatibus
involutus, nullis latronum incursum impetitus, nullis
equorum lapsibus eversus, nullis hospitiorum incommo-
dis exercitus, nullis aliis molestiis fractus aut fatigatus,
sed ubique locorum bene habitus; tot animo meo collegi
memorabilia, ut aliis peregrinatoribus suas narratiun-
culas lubens relinquam. Video autem vos omnes in
eam spem jam erectos, ut quid de hoc prærogativæ cer-
tamine, & de vestro tot sensuum dissensu judicem,
nunc edisseram. Sed quomodo hoc tempore id possim?
Qui enim omnia velit complecti necessaria: non horas,
sed dies: dies autem? imò menses sibi optare debeat. In-
terim hic testificor; me omnes Europæos amare, æstima-
re, colere: nullam nationem contemnere, criminari, odif-
se. Prædico Hungaros, quia sunt Christiani orbis vi-
giles: laudo Polonos, quia sunt animosi: magnifacio
Suecos,

Suecos, quia candidi, & recti amantes: honoro Danos,
quia libertatis studiosi: suspicio Britannos, quia ma-
gnifici: diligo Gallos, quia humani: extollo Hispanos,
quia fortes: Italos miror, quia elegantes: sed Germanos
veneror supra alios populos omnes, quia sunt tales omni-
no, quales tu, mi charissime cognate Princeps, FRAN-
CISCE CAROLE, Dux Saxoniae; & tu, mi Buvvinck-
hausen, eos nobis descripsisti. Votum meum vestris jun-
go: Deumque precor, ut invictissimi nostri Imperatoris
MATTHIÆ, & inclitorum sacri Romani Ordinum
consilia & actiones dirigat ad Divini sui nominis glo-
riam, patriæque nostræ salutem, atque ita Germaniæ fe-
licitati addat perpetuitatem.

Sed quibus tandem verbis, ô mei omnes, pro hoc
vestro erga me animo gratias habituri estis commemo-
ratu meo? Quâ dignâ ratione tam honorificam beni-
gnitatem vestram celebrabo? Nondum sanè reperio
modum. Et ne quid diffitear: nunc impræsentiarum
lætitia facundia obstreper, & cogitatio voluptate im-
peditur, ac mens occupata delectatione ex Orationibus
vestris concepta mavult jam gaudere, quam prædicare.
Quid faciam? Cupio gratus videri: sed præ gaudio
nondum vacat mihi gratias agere. Animum tamen
vobis, cognati & frater, devinctum devotumque intered-
offero; & vos, Barones & Nobiles, me semper
habebitis promptum vo-
lentemque.

Præscri-

L
quis quis
ammas mundu
tibi pspice
gaude illu

Præscriptio pro Erratorum corre-
ctione,

A D L E C T O R E M.

Censurâ *Sapiens*, & *Doctus* acumine gaudet:
Stultus at infano carpere dente solet.
Ex tribus his titulis, quem vis, tibi delige LECTOR:
Sic *Sapiens*, *Doctus*, *Stultus* & esse potes.

F I N I S.



Lib. M. L. C.
procurator

M. 50 N. 10

